


Juziñamui Ñuera
Uai



New Testament in Huitoto, Minica

Juziñamui Ñuera Uai

New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022

740f11a2-2e26-57f5-a3a7-5deb2d20bd24

Contents

SAN MATEO	1
SAN MARCOS	81
SAN LUCAS	130
SAN JUAN	213
LOS HECHOS	267
ROMANOS	339
1 CORINTIOS	377
2 CORINTIOS	411
GALATAS	434
EFESIOS	447
FILIPENSES	460
COLOSENSES	469
1 TESALONICENSES	478
2 TESALONICENSES	485
1 TIMOTEO	489
2 TIMOTEO	499
TITO	507
FILEMÓN	512
HEBREOS	514
SANTIAGO	547
1 PEDRO	555
2 PEDRO	566
1 JUAN	572
2 JUAN	579
3 JUAN	580
JUDAS	582
APOCALIPSIS	585

JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

Jesucristo nánoramaci
(Lc 3.23-38)

¹ Benomo cuega mámeceiai Juzíñamui Jitó Jesucristo nánoramaci. Jesucristo jaiiai illaïma David náiraimona comuïdimie. Daje izói afémie David nánoramie Abraham náiraimona comuïdimie.

² Afe Abraham Isaac moo, íemo jiái Isaac Jacob moo. Iemo Jacob Judá ie ámatiairi íaiói moo. ³ Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴ Iemo Aram Aminadab moo. Iemo jiái Aminadab Naasón moo. Iemo Naasón Salmón moo. ⁵ Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. ⁶ Iemo Isaí illaïma David moo. Iemo illaïma David, Urías tilla mei Urías ai ote. Iemo David íaillinoi jitó Salomón.

⁷ Iemo Salomón Roboam moo. Iemo Roboam Abías moo. Iemo Abías Asa moo. ⁸ Iemo Asa Josofat moo. Iemo Josofat Joram moo. Iemo Joram Uzías moo. ⁹ Iemo Uzías Jotam moo. Iemo Jotam Acaz moo. Iemo Acaz Ezequías moo. ¹⁰ Iemo Ezequías Manasés moo. Iemo Manasés Amón moo. Iemo Amón Josías moo. ¹¹ Iemo Josías Jeconías naa ie ámatiairi moo. Aféruillaïdo Israel nairai Babilonia éniemo lláviano uigáiaioi.

¹² Afe mei Jeconías Salatiel moo. Iemo Salatiel Zorobabel moo. ¹³ Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴ Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵ Iemo Eliud Eleazar moo. Iemo Eleazar Matán moo. Iemo Matán Jacob moo. ¹⁶ Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷ Be daí Abrahámona Davidmo itígima catorce méidigimaiai. Daje izói David illágimamona Israel nairai lláviano Babilonia éniemo uillágimamo catorce méidigimaiai. Iemo jiái afénomona catorce jiágima Cristo comuïllanomo.

Jesucristo comuïllafue
(Lc 2.1-7)

¹⁸ Jesucristo jocoina bie izói joide. Ie ei María ja jicánogango Josemo iníreillena. Nai José diga iñena llezica, María Juzíñamui Ñuera Joreño ríinodo, ja úruereacade. ¹⁹ Ie ini José ñue jaïcina itímie, mei íadi uáfodo comini eróicana Maríana oni

dotáacañede. Mei jáífodo báinino buna onóñeno aféngona oni fiéacade. ²⁰ Bíemo comécilla llezica, ie ínia anado ángel daínámie, Juzíñamui abi ímie íemo cíocaide. Iena daide:

—José, David izíe ímie, meáiruiñeno o iri. María o aiza o oíri, mei afengo jocolle jitó Juzíñamui Ñuera Joréñodo comuídeza. ²¹ Afengo jitó jócoite; ie mei Jesuna ie mámeçi jítaitio. Afémie daí mámeçireite, mei ie comínina íaioi fiénidifuemona jílloiteza, —daide.

²² Nana bie íficaide, jaiái Juzíñamui uai jino llóraíma daínana ñue ícoimo fúitallena. Afe uai llóraíma bie izóí daide:

²³ Nai ínínide jitaíngo úruereacade; íemona jitó cómuite.

Afémie mámeçi Emanuel daílle.

Afeci daíacade, Juzíñamui cai diga ite.

²⁴ José nicáirillamona cazíllano Juzíñamui abi ímie íemo ocuilla izóí finode. Maríana ie ai izóí ote. ²⁵ Mei íadi María jitó jócuano, afe íaillinoi ua ini izóí íñédaillinoi. Jócuano Jesuna ie mámeçi jítade.

2

Magos daínámaci ucúduaido ráfuenta baitáđino Jesuna méiñuaibítiaioi

¹ Jesús Belén jófue mo jococa. Afe Belén Judea éniemo ite. Aféruillaído Herodes aféniemo illáimana ite. Iemo dáamaci jítoma billáfene imaci Jerusalemo dúcídíaioi. Afémaci ucúduaido ráfuenta baitáđino. ² Dúciillano jicánotiaioi:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna cíódicaiza. Afémie cáimadollena benomo biticai, —daídíaioi.

³ Bífuenta Herodes fídiamona, afémie comeci lícicide. Daje izóí jáí nana Jerusalén comini áfemo comeci lícíoídiaioi. ⁴ Iemona Herodes nana lletáriraini illaini, íemo ocuica uailai llófuetino diga dáanomo jírillano jicánote. ¿Mei nie jófue mo afe Cristo jéicille? ⁵ Jira íena daídíaioi:

—Afémie Belén jófue mo jéicille, mei jaiái Juzíñamui uai llóraini bie izóí dáideza:

⁶ Belén jofue Judá éniemo ite.

Afe éniemo ite jamánomoide jófue mona afe Belén dínó dúeñeite; mei afénomo cue nairai Israel úíñoite illaíma cómuiteza, —daí daídíaioi.

⁷ Afe mei Herodes ucúduaido ráfuenta baitáđinona báinino uáidote. Uáiduno íaioimo jicánote: “¿Níie monado afe ucúduna cíódiomo?” ⁸ Íaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báíadi, cuemo lluaíbiri, mei afézana cáimaduaiacadicue, —daide.

⁹ Afe illaíma daí íaíona daina mei, ucúduaido ráfueña baitáđino jáidiaíoi. Ie mei jítoma billa dibénemona íaíoi ciona ucudu, meine abído íaíona ífóicaide. Ífóicaillano afe úrue illánomo mózizaide. ¹⁰ Baitáđino afe ucudu mózizaillana cíoiillano, iere cáimacaidiaíoi. ¹¹ Iemo afeco eromo jaillano, afézana ie ei María díga cíoidiaíoi. Iemona afézamo cañici ana dújuillano, íena cáimadotiaíoi. Afe mei íaíoi atica raa túíñuano, afézamo fecádiaíoi. Ua oro, íemo uguci, íemo “mirra” daina ráifide ziórede raa, afézamo fecádiaíoi. ¹² Afe méifomo, Juzíñamui nicáirillado íaíoiimo llote; Herodes illánomo íaíoi jáíñeillena íaíona daide. Afemona oni jáíie iodo íaíoi éniemo jáidiaíoi.

Jesús moo íaillinoi Egíptomo bótaja

¹³ Ucúduaido baitáđino meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei díga Egipto éniemo omoi bota. Afénomo cue daílle díno omoi iri. Mei Herodes bie úrue fállena jáñoiteza, —daide.

¹⁴ Mei jira José náidacaillano, úrue naa ie éioiri naio Egíptomo botádiaíoi. ¹⁵ Afénomo ua Herodes tílle díno itíaíoi. Bie izói íficaide, Juzíñamui uai llóraíma jaiái daina uai ñue ícoímo fuitállena. Afe uai be ñie: “Egíptomona cue Jító uáidotícue.”

Herodes nana úruiaína fazítate

¹⁶ Iemo Herodes ucúduaido baitáđino afémie jífánodoiana fidíillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitáđino úrue jocóinana Heródesmo llua izói, mena fimona fuitade úruiaína fazítate. ¹⁷ Bie izói jaiái Juzíñamui uai llóraíma Jeremías lloga uai fuite. Be níuái:

¹⁸ Rama jófuemo zúurede uai cácaite; cáillicailli eia uai cácaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiaí cómuitatino eia jaca buna fíranide, mei afengo úruiaí fazílliaíoi, daí Jeremías daide.

¹⁹ Mei afe Herodes tílla méifodo Juzíñamui abi ímie nicai anado batí Egíptomo Josemo cíocaide. Cíocaillano íena daide:

²⁰ —¡Náidacai! Náidacaillano úrue naa ie éioiri abído Israel éniemo omoi jairi, mei nauí baie fáiacadino nana ja tíidiaíoi, —daide.

²¹ Afemona José afe úrue naa ie éioiri abido Israel éniemo jáidiaioi. ²² Mei íadi Arquelao ie moo Herodes ifomo illáimana illana fidíllano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie afénomo jáiñeno Galilea éniemo jaide. ²³ Afe Galiléamo dúcia méifodo, Nazaret jófuemo fiébizaide. Bifue bie izói joide, jaiai Juzíñamui uai llóraima daina uai ñue ícoimo fuitállena. Be níuui: “Jesús Nazaret ímie daírena.”

3

Juan Bautista táizicimo rafue jino lloste

(Mr 1.1-8; Lc 3.1-9, 15-17; Jn 1.19-28)

¹ Aféruído Juan Bautista Judea éniemo ite táizicimo lletámaizaibite. ² Daide:

—Omoi comeci ífuiai mai méidori, mei monamo ite Juzíñamui illáimana illirui ja íanori íteza, —daide.

³ Bie Juan jaiai Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácacaide.

Afémie daide: “Juzíñamui bille io ñue fínua izói, omoi comeci ñue omoi finori.

Afémie io jaícina dénuu izói,

Omoi comeci íaifuii omoi féitari”, —daide.

⁴ Aféruillaído Juan jitáoi garoi camello itíraiai nínaroi. Ie ciraigi ife rille igoi finoína. Afémie jaca fíuui rífiredede.

Daje izói cíjji jírofirede. ⁵ Jerusalén comini afémie úrillamo cacáreizaibitiaioi, daje izói nana Judea énie imaci, íemo jíái Jordán imani abi comini ie úrillamo cacáreizaibitiaioi. ⁶ Iaióimo ite fiénidífuiai jino íaioi llua méifomo afe Juan Jordamo íaioína báutizade.

⁷ Mei íadi fariséuaimona, jíái saducéuaimona aillo comini Juan diné ie báutizajonomo bitiaioi. Afémaci bíllana Juan cíoillano, íaioína daide:

—¡Titade jaióniaimona comúidino izóidiomoi! Ja áinozide duere zefuillifuemona omoi botállena ¿bu omoi llua? ⁸ Omoi comeci ifue méidoiacanana ñúfuedo uáfodo jino ácatari.

⁹ Dani ómoimona “Abrahámona comúidinodicai cai íllamona Juzíñamui íena iticai,” afe izói daíñeno iri, mei táinoza. Mei

bie noficiaimona, Juzíñamui jitáíadi Abraham comínina comúitaredeza, daí ómoína daidicue. ¹⁰ Fiénide amena tiéllena jata jicaída jóonia izói, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tiéfirega zena izóidiomoi.) ¹¹ Uáfuenta bimaci comeci ifue íaioi méidua jira, jáinoido íaioína báutizadícue.

Mei jíáfodo cue méifodo bíitimie, comínina Ñuera Joreño

úicaitaite. Daje izói iraimo raa ñue zia izói afémie comínina iáinino ñue finoite. Afémie iere cue baimo ríinorede, cue bie jamáimiedicueza afémiena dama ñue jacíruiredicue. ¹² Afe cue méifodo bíitimie arroz biájidimie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jiáifodo fiénidicuai izóidinona jaca dúíñeite iraimo jóbaite, —dinori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizallena. ¹⁴ Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

¹⁵ Jira Jesús íena daide:

—Dama daiítadeza, birui cue daina izói fino, mei nana Juzíñamui jitaina izói finóredicocoza. Afe coco finolle cócomo ñue jóbide, —daide.

Iemona Juan ja fairíote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire túijicaide. Afe dáaruido Jesús Ñuera Joreño fíiciri ana billa izói bíllana ciode. Afémiemo ráinazaibite. ¹⁷ Mei íemona monámona daa úrilla uai cácacaide. Afe úrilla daide:

—Bie iere cue izíruiga Jitó. Afémiemo jamánomo ióbioidicue, —daide.

4

Taife Jesús facátate

(Mr 1.12-13; Lc 4.1-13)

¹ Afe mei Ñuera Joreño Jesús táizicimo uite, afénomo Taife afémie fieni facátallena.

² Afénomo Jesús cuarenta dígarui güiñeno ite. Mona naio diga afénomo güiñeno ite. Afe mei afémie iere jamánomo jufínaite. ³ Ie jufínailla llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie nofíicai paana mei fino, —daide.

⁴ Jira Jesús uai ote:

—Jaiai Juzíñamui Cuegáuai daide: “Fia güílledo come ínide, mei jiáifodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófuemo uite. Afénomo ite gairíraco emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

Íaioi ónoído ona mozíñoitiaioi, o éiba noficiaimo íziñeillena, —daide.

⁷ Jira Jesús uai ote:

—Jaiai Juzíñamui Cuegáuai nane daide: “O ocuide Juzíñamui mai facátaño,” —daide.

⁸ Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredifuiari. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íiticue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocuífiregamiena o iri,” —daide.

¹¹ Afemona Taife Jesús fáicanocaillano oni jaide. Afe mei dáarie Juzíñamui abi ímíai Jesuna cánuaibite.

*Jesús Galilea éniemo como fueñe táijizaide
(Mr 1.14-15; Lc 4.14-15)*

¹² Jesús Juan Bautista llavéinana fidíillano, oni Galilea éniemo jaide. ¹³ Mei íadi Nazaremo fiébiño, Capernaum jófue mo jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiai Juzíñamui uai llórama Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afémie Jordán ruicáfellemo ite.

Afémie judíoñedinomo dúide Galilea daina énie.

¹⁶ Aféniaimo ite comini jítinomo itino izói Juzíñamuina onóñediaioi.

Mei íadi ja birui afémaci como aillo egáiñotena ciódino izói, Juzíñamuina uáfodo onódiaioi.

Iemo jíai afe tíide izói Juzíñamuina ónoñedino jae egáiñogaiioi, Juzíñamui zíñona illífuena íaioi maiñóllena.

¹⁷ Afe mei Jesús jino comínimo ie llófuelle uai fueñe tainede. Daide:

—Omoi comeci ífuiari méidori, mei monamo ite Juzíñamui illáimana illirui áinozideza, —daide.

*Jesús cuatro dígamie facófiredino uáidote
(Mr 1.16-20; Lc 5.1-11)*

¹⁸ Jesús Galilea jorai fuédado macádemo, mena ama íaillinoína baite. Dáamie mámece Simón, afémie jíáfodo mameina Pedro. Jíáie baigámie mámece Andrés. Afe íaillinoi

facóraini. Afe llezica llóiji jórainimo dotádiaillinoi. ¹⁹ Iemo Jesús íaillinoína daide:

—Mai cuedo bi, comini llófuellena íaioi jénoitimiena ómicoína jóneiticue, —daide.

²⁰ Iaillinoi llóiji fiénocaillano afémiedo jáidiaillinoi.

²¹ Nane afe báifenemo Jesús mena jíáie ama íaillinoína cíozai. Afe íaillinoi Zebedeo jitó Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote. ²² Afe llezica, áillue nocaemo íaillinoi moo fiénocaillano, Jesudo jáidiaillinoi.

Jesús nágagobiaimo aillo comini llófuete

(Lc 6.17-19)

²³ Afe mei Jesús Galilea éniendo nágafenedo jaide. Nana Juzíñamui uai llófueriracuaimo llófuerite. Afémie Juzíñamui illáimana illirui ñúefuedo jino llócaide. Daje llezica nana jíáifodorie irárede comini jíllotate. ²⁴ Nana Siria éniemo Jesús finoca ñúefuiai jalleide. Iemona Jesumo jíáiforiede dúicuaimo duere zefuídino atídiaioi. Iemo jíáiforie izi cácadino, íemo fiénide joríaí uícaigamací, íemo chémemo raamo jíridino, íemo tizitaitino, nana bie izóidino Jesumo atídiaioi. Iemo nana afémacina Jesús jíllotate. ²⁵ Iemona diga jíáinuiaimona bitíaioi Jesudo jáillena. Galilea éniemona bitíaioi, íemo Decapólis jófuiaimona bitíaioi, íemo Jerusalén naa Judea éniemona bitíaioi. Daje izói imani Jordán ruicáfellemona Jesudo bitíaioi.

5

Caifónedumona Jesús lloga are uai

¹ Jesús afe aillo iedo jáidinona cíoillano, caifónedumo ráinazaide. Iemona ie llófuegamací afémie abido ofídiaioi. ² Afe mei Jesús bie izói como íaioína llófuete:

Caimare íóbidino

(Lc 6.20-23)

³ “Comeci dinena dúeredicai” daiífiredino íóbidiaioi, mei monamo ite Juzíñamui illáimana illarui afémacimo dúideza.

⁴ Comécina zúuredino caimare itíaioi, mei Juzíñamui íaioi fíraiteza.

⁵ Comécina mánaidino caimare íóbidiaioi, mei Juzíñamui jica ía íaioína mameca énie máíñoitiaioiza.

⁶ Júbiena méinegamie iere güíacana izói, Juzíñamui comece jítaina izói iere íacadino caimare íóbidiaioi, mei Juzíñamui afe íaioi íacanana izói íaioi íllena afémacina cánoiteza.

⁷ Jáíamacimo dúecaifiredino caimare íóbidiaioi, mei Juzíñamui íaioimo dúecaiteza.

8 Comécina íainidino caimare ióbidiaioi, mei Juzíñamuina cíoitiaioiza.

9 Icírafuena oni orédino caimare ióbidiaioi, mei Juzíñamui afémacina “Cue jítódiomoi” dáíteza.

10 Juzíñamui jítaina íaioi fínuari duere zefuídino caimare ióbidiaioi, mei monamo ite Juzíñamui illáimana illarui íaioimo dúideza.

11 Comini omoi báíñua, omoi duere íaioi fínua caimare ióbidiomoi. Daje izói cue ícoinia taino uailai ómoimo íaioi nitáadi caimare ióbidiomoi. 12 Afena náfuéñeno ióbicana caimare omoi iri, mei monamo ite áillue ebíredifue jirídoitiomoiza. Mei jaijai nai omoi íñena llezica ite Juzíñamui uai llóraini daí duere finóllena racácaiaioi.

Sal ñue fínua izói, afe izói comini ñue finódinona itíomoi; daje izói bínie egáíñotinodiomoi
(Mr 9.50; Lc 14.34-35)

13 Omoi, sal izói, bínie comini ñue finódinona itíomoi. Mei íadi sal ie ríino íñenia güllena caimáretañede. Afe ríinonide sal ¿minícado meine ríiretade? Jaca meine ríiretaninamona jaca ráifíñede. Comini zaizíllena macáranomo dotárega.

14 Omoi finoca ñúefuiai fínua mona, bínie comini ñue íllena egáíñote raa izóidíomoi. Iemona caifónedumo ite uáfori cíocaide jofue jaca retáidonina izói itíomoi. 15 Uneca mechera nogo eromo retáidollena unéñedíomoi. Mei jíáfodo caifo uáfori cíoidinomo uneda ráinafiredíomoi, jofu eromo itínomo ñue egáíñollena. 16 Afe izói ómoimo Juzíñamui comuítaga omoi finófirega ñúefuiai jino comini eróicana finócana omoi uiri. Daí omoi ñue finócafuiaina ñue íaioi cíoillesa. Uáfori íaioimo cíotari, monamo ite omoi Moomo ñúefuiai íaioi jónellena.

Jesús Moisés ocuica uai dibénedo llófuete

17 “Moisés ocuica uai cáitajaibite,” daí cuemo omoi comécíñeno iri. Daje izói jaijai Juzíñamui uai llóraima llófuia féitajaibiñedicue. Jaca afe uailai féitajaibiñedicue, mei jíáfodo afe uailai ñue ícoimo fúitaibiticue. 18 Uáfuena ómoína dáíticue, mona naa énie diga nai fúíñeille dino bie ocuica uáilla mona daa uai oni ónide. Nana áfemo lloga ífcaítifuijai nai zuíñena llezica, afe uailai jaca íte. 19 Ie jira afe ocuica uáilla mona daa uai iere duere íadi dáamie náfuéñenia, monamo ite Juzíñamui illáimana illáruimo afémie jamáimiena jáite. Daje izói afémie náfuéñena izói jíáimacina “Cai náfuéñeilli” daííadi, iere jamáimiena jáite. Mei jíáfodo aféuailai náfuetinona íemo jíáimaci afe uaina náfuetadinona, “Bimaci Juzíñamui illáimana illáruimo jamánomoidinona,” daíille. 20 Mei birui

ómoina dáitícue: Juzíñamui jitáinana ñue ícoimo fuitállena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoi fínoñenia, monamo ite Juzíñamui illáimana illáruimo dúciñeitiomoi.

Jesús comini icírilla dibénedo llófuete
(Lc 12.57-59)

²¹ Omoi jaiáidigimaci dáinana cacádiomoi. Afe daina be ñue: “Jiáimana titáñeno iri, mei jiáima titádimie jicánuano duere finolle.” ²² Mei íadi afe emódomo nane dáitícue. Ninó dáamie ie aino come diga icíría, afémie áferi jicánuano duere finolle. Daje izói ie ámana iaire daidímie Jamánomo Ríillaini afémiemo jicánuano duere finolle. Iemo jiái ie ámana “O abina onóñedimedio,” daiíadi afémie áferi jaca ninomo dúñede iraimo orérede.

²³ Iemona Juzíñamuimo o úriacana llezica, daje izói afémiemo fia fecáacaga raa o izájíacana llezica, o aino come diga o icírillamo o uibíoicaiadi, ²⁴ afe o izájíacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méifomo, o izájíacaga raana fecáredio. Ja Juzíñamuimo úriredio. ²⁵ Iemo jiáifuemo omoi cacai. Íaifue omo mamédímie diga raire o úrizairi, afe íaifue záilleza. Jicánoracomo nai ona uíñena llezica, mai jino io anamo ñue ómicoi záitari, jicánoraimamo o ie úiñeilleza. Daií o fínoñenia, afe jicánoraima fiénidino llaitáfiredinomo ona izájite. Iemo afémaci ona llavéracomo íbaitiaioi. ²⁶ Uafue ona dáitícue, o llavétatímie jicaca úcube ie jícaya dieze o íbañenia, afécomona jaca jino bíñeítio, —daidícue.

Jesús comini finoca jiruifue dibénedo llófuete

²⁷ Jaiái daináuai cacádiomoiza. Afe be ñue uai. Jiáie ringo diga jiruídoñeno o iri. ²⁸ Mei íadi ómoína daidícue: Omoimona dáamie ringomo eróicana fiéni comeci facáadi, afémie jae afengo diga ie comécido jiruifue finode.

²⁹ Mei o ciona raamo o éroillamona fiénidífuemo ona baiítaia afemo eróiñeno o iri. Ua, o uíji nabeji o fitajamona o eróinino o illa izói, afe izói o fiéniruitate raamo eróiñeno o iri. Afe uíji júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi iñena izói, nana o abi táinocaille baimo iere ñuera. ³⁰ Daje izói o finóacanafuiai fiénidífuemo ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuaiina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o

abímona daa onoi íñenia izói, nana o abi táinocaille baimo iere ñue ite.

Come ai dótafirena dibénedo Jesús llófuete

(Mt 19.9; Mr 10.11-12; Lc 16.18)

³¹ Daje izói jiáie jaiái daina uai bie izói joide: “Ñinó daa come ie ai dotáadi, afe bie ringona benómona óñeiticue dainabe aféngomo írena.” ³² Mei íadi birui ómoína daidicue: Dáamie ie ai dotáadi, afémie aféngona jiruúretaite. Mei íadi daa ráfuedo dotárede. Afefue be ñie: Afengo inírede ia jiáie iima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juzíñamui eróicana, afengo nai fuéñeidimie ai.

Jesús táinona uafue daiíllena Juzíñamui mámece llíñnuado llófuete

³³ Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámece o llíñnuano o dáinana ñue ícoimo záitari.” ³⁴ Mei íadi birui ómoína daidicue: Uafue daiíllena jaca mona mámece llíñnonidiomoi. Mona Moo Juzíñamui illánoza, áfede iere uafue daiíñeno iri. ³⁵ Daje izói énie íbogido uafue daiíñeno iri, mei aféniena Juzíñamuimo jaináideza; fia ie idaí jónera izóideza. Daje izói o llógana uafue daiíllena Jerusalén mámece llíññoñoeno iri, mei afe jofue Nahíllaimamo, ua Juzíñamuimo dúideza. ³⁶ Daje izói dama o ifócido uafue daiíñeno iri, mei o ifótirai úzetiraina méidonidiomoiza, daje izói jítitiraina orénidiomoiza. ³⁷ Iemona jiáie uaina nabáiñeno “Jíi fínoiticue” daiíri. Mei jiáifodo “Jíi fínoiñeiticue” daiírena. Uafue daiíllena bie izói o daina baimo jiáie uaina o nabáiadi afe uai Taifémone bite.

Jiáimamo iba úado Jesús llófuete

(Lc 6.29-30)

³⁸ Daje izói jiáie jaiái nanómona dáinana cacádiomoi. Afe daina be ñie uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie ízido ditáadi afe ibana afémie ízido ditárega.” ³⁹ Mei íadi birui ómoína daidicue: Dáamie fiéni omoi finóadi, ibana afémiemo riire úriñeno o iri. Mei jiáifodo dáamie o uieco putáadi daje llezica enéfene putari íena o daiíri. ⁴⁰ Dáamie taino omo jítajano, o caifóferoi bairóadi, afe llezica o jinófenemo jítararoi caifóferoi diga naga afémiemo o fecari. ⁴¹ Daje izói dáamie mei policía izóidimie méere de raana daa kilómetro ríifuedo o abítaiadi, afe baimo mena kilómetros icíriñeno o úiri. ⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaiñeno o iri.

Cai icírillamacina izíruiredicai
(Lc 6.27-28, 32-36)

⁴³ Daje izói jaiái nanómona daína uaina cacádiomoi. Afe be ñie uai: “Omo caimare úrifirenamiéna izírui, íemo o icírillamiéna éoiri.” ⁴⁴ Mei íadi birui ómoína daidicue: Omoi icírillamiéna omoi izírui. Omoi faidódimiéna caimare íemo omoi finori. Omoína éoidinona ñue omoi finori. Omoi báíñotino, íemo jíái ómoína fieni finóacadino diga afémaci íena Juzíñamuimo omoi jicari. ⁴⁵ Daíí omoi íllemona monamo ite omoi Moo Juzíñamui jitótiaína jáitiomoi. Mei afémie ñúemaci ie jitómana egáíñotadeza, daje izói jíáie fiénidimaci íena egáíñotadeza. Iemo, comécina jaícina jóidinomo afémie nocina bíitate, daje izói comécina jaícina jóíñedino íena nocina bíitate. ⁴⁶ Mei dani ómoína izíruiñonona omoi izíruiadi, ¿áfemona minica jiridoitiomoi? Jaca jiridoñeitiomoi. Omoi jámairuiga gobierno raiñoca úcube llínofiredino da afémaci izíruiñonona izíruiñoi. Afémaci baimo izíruiñononoi. ⁴⁷ Dama omoi ámatiaí caimare omoi uáidoiadi, ¿ñie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi. ⁴⁸ Monamo ite omoi Moo Juzíñamui íaifuenide comécina figomiéna illa izói, afe izói omoi iri.

6

Jesús cai finófirega ñúefuiai dibénedo llófuete

¹ Jesús nai úrite; daide: Omoi finófirega ñúefuiai comini eróicana afémaci ómoimo cáimacaillena omoi finóñeno iri. Daíí omoi finóadi monamo ite omoi Moo Juzíñamui ómoína minícana jirídotañeite. ² Ie jira dúeredino o cánua llezica nana comini lloñeno, uái daíí omoi canori. Jino omoi macáramo, daje izói Juzíñamui uai llófueriraco eromo diga táinona abi íñotino bífirediaíoi. Afémaci comeci figóñedimaci illa llezica jino finócafuiaimona ñúemacina eróidiaíoi. Iaiói finua izói finóñeno omoi iri. Afémaci daíí finofirediaíoi jáímaci íaíoiido ñue úrilla. Mei uafue ómoína dáitícue: Comini íaíoiido caimare úrillado, íaíoi jirídoacaga raana jae íaíoi jiridoga. ³ Mei jáíifodo dúeredinomo daa raa o fecalle llezica o izíruiга aino cómemo lloñeno uái daíí o fecari. ⁴ O finófirega ñúefue báiñino o finori. Iemona o Moo Juzíñamui o báiñino finoca raana cíoiñeiza. Afemona óiena mameca raana o jirídotaiñeiza.

Jesús Juzíñamuimo úrillado llófuete
(Lc 11.2-4)

⁵ Juzíñamuimo omoi úrilla llezica, abi diné ñue cíoidimaci finua izói finóñeno omoi iri. Afémaci Juzíñamui uai lloraco

eromo caifo naidáillano ficírede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioina cíoillena. Uáfueña ómoína dáitícue, afe bie comini íaioido ñue úrillado, íaioi jirídoacaga raana jae jirídotiaioi. ⁶ Mei jíáfodo Juzíñamuimo o úrilla llezica, o jofe eromo jaillano o naze ibairi; íemo afénomo o díga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiena mameca raana o jirídotaitaite.

⁷ Juzíñamuimo o úrilla llezica, Juzíñamuina onóñedino fínua izói, taino uailai díga icaiño lloñeno o iri. Afémaci bie izói comeciídiaioi: “Are cue úrillado Juzíñamui níbai cuemo cacáreite,” daidíai. ⁸ Afémaci izói iñeno o iri, mei nai o jitaillera ra o jícañena llezica o Moo Juzíñamui uícodo onódeza. ⁹ Ie jira bie izói afémiemo omoi úrifireiri:

Cai Moo Juzíñamui, monamo itio; o mámeçido ñúefue nitácaza.

¹⁰ O illáimana illirui raire bíiteza.

Dinomo monamo o comeci jítaíllafue íaioi fínua izói, afe izói bie éniemo finótaibiteza.

¹¹ Cai nágarui jitaiga gülleniai, birui caimo fecari.

¹² Cai finoca fiénidifue iba caimo oñeno iri, mei afe izói jíáimaci fiéni caimo finódiaioi íadi, afémacimo ibana oñédicai.

¹³ Íaífue mo cai baíñellena caina uíñori.

Iemo afe llezica nana fiénidifuiaimona caina jíllotari.

Mei bínie comini jaca o illáimana illa anamo itíai. ¹⁴

Afémaci illáimaillena riino jaca omo ite.

Daje izói jamánomo ñue ébifue jaca omo ite.

Ja daítadeza.

¹⁴ Mei uafue, ómoimo fiéni finódino finoca fiénidifueña omoi féitaia, afe izói monamo ite o Moo o finoca fiénidifueña féitaite. ¹⁵ Mei íadi aféfuiai omoi féitañenia, omoi Moo omoi fiénidifuiaina féitañeite.

Jesús comini fímairilla díbéndo llófuete

¹⁶ Iemo nane Jesús daide: Dama Juzíñamuimo izire omoi comeci facállena güllena güiñeno omoi fímairilla llezica, omoi uieçona zuure finóñeno omoi iri. Jínofene ñue cíoina mei íadi comécina íairedino daíi finódiaioi. Íaioi fímairilla llezica abina iere zuure finódiaioi, comini íaioina cíoillano “Baie fímairitino,” íaioi daíllena. Uafue ona dáitícue, afe izoide comini íaioina dánado íaioi jirídoacaga raana jae jirídotiaioi.

¹⁷ Mei jíáfodo güiñeno o fímairilla llezica o uieço ñue jocori; o ífo ñue júiri, ¹⁸ ona comini “Baie fímairitimie” dáíñeillena. Iemona o díga ite báinidena cíófirede Juzíñamui, áfena dama cioille, íemona aféme áfena ona jirídotaitaite.

*Monamo cai jirídollena ofítaredicai**(Lc 12.33-34)*

¹⁹ Iemo nane Jesús daide: Biniemo aillo ráaniaina ofítañeno o iri, mei biniemo diga raa ícuai güífiredgaza, íemo jiáie raana ráataifiredgaza, íemo jiái merírifiredino merífiredeza. ²⁰ Mei jiáifodo Moo Juzíñamui jítainana o finófireiri; caifo monamo ie illánomo ñúefuiai o ofítari, mei afénomo ite raana ícuai güiñédeza, íemo jiái afeno raa zabíñede, íemo afénomo merírifiredino merínidiaioi. ²¹ Mei uáfueza, o gaiga raa ofítajanomo dáanomo daje izói o comeci íteza.

*Cai illafue ñue egáiñote raa**(Lc 11.34-36)*

²² Ñúefuemo o comeciilla omo ñue egáiñote raa izoide. Jira bobaie egáioinamona o uído ciónana o íóbitaja izói, afe izói ñúefuiai o jítáigana o comeci ífueña caimare itátaite. ²³ Mei íadi ñúefuemo o comeciñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jónega ñuera comécido dama fiénidífuedo o comeciia ñi jamánomo jítifomo o illa izoide. ¡Ñi jamánomo jítirena!

*Juzíñamuimo cai jainaina llezica úcubemo jaináinidicai**(Lc 16.13)*

²⁴ Daje llezica mena ocuídime anamo buna ínide, mei ménamiede anamo o íadi dáamie éoitio, íemo jiáimie izíruitio. Daje izói dáamiemo ñue táijitio, mei íadi jiáimiena jamairuitio. Afe izói Juzíñamuina abi o náamataja llezica úcubemo abina náamatanidio.

*Juzíñamui ie úruiaina jáidinona ñue úiñote**(Lc 12.22-31)*

²⁵ Jira ómoína dáitícue, nágarui omoi jitaiga güille naa jirolle diga áfemo comeci faiñeno omoi iri. Daje izói daa o jitalle incuiromomo comeci faiñeno omoi iri. Cai ñue illafue güille baimo ráifide. Daje izói cai caana abi iniroi baimo ráifide. ²⁶ Mai monamo feede ófocuizaimo omoi comeciiri. Afémaci güilleniaina riñediaioi. Daje izói llíziena jofo oñediaioi, íemo jiái güille ñue finóranomo ofítañediaioi. Mei íadi monamo ite omoi Moo afémacina ecáfiredo. Omoi bie ófocuizai baimo iere ráifina. ²⁷ Omoimona, comeci iere fáiamona ¿mei bu ie zairilla caifomo medio metro zairirena? Buna jaca daí ínide. Dama Juzíñamui ona dinori o zairítaja. Afe izói o güillena ócuite, jira áfemo comeci faiñeno omoi iri.

²⁸ Iemo jiái ¿nibái mei incuiromomo iere comeci fáifirediomoi? Jazícimo ite záfiemo omoi comeciiri. Raamo táijíñediaioi, daje izói iníroina niñediaioi. Mei íadi iere ebire cíoidiaioi. ²⁹ Iemona ómoína dáitícue jaiia illaíma Salomón iere ráarede íadi, bie záfia ebírena izói, ebírediroina jitañede. ³⁰ Mei Juzíñamui

ráitiamo ebire cíotaiadi, afémie ómoimo jeruíneno iníroina jítaite, mei afe ráitiai íanori ebire eróideza. Iemo afe jíáiruido ja jobáicaza.

³¹ Iemona nana jíáie raamo comeci faiñeno omoi iri. “Cai güille inédeza, ¿minica güíticai?” daiñeno omoi iri. Daje izói jíái “¿Minica jíroiticai?” daiñeno omoi iri. Iemo jíái, “Iníroinidicaiza, ¿minica jítaíticai?” daiñeno omoi iri. ³² Mei uafue, biniemo ite Juziñamuimo inoñede comini bífuiaimo iere comécidiao; mei íadi omoi Moo monamo ite. Afémie bie izoide raana omoi jítaíllana onode. Jira ómoimo inéde raamo comeci fáinidíomoi.

³³ Mei íemona Juziñamui illáimana illáruimo duide raamo raire úicodo járitaireiri. Daje izói jíáie ie ocuícáfue raire úicodo omo finofireiri. Afe mei nana bie omoi jitaiga raana ótiomoi. ³⁴ Uire jiti cómutifue mo comeci faiñeno omoi iri, mei uire aferui dama ie comeci uille ráfueniai átiite. Nágaruillaído comuide comeci faille ráfuijai ja figo báiteza, baimo nabáinide.

7

Jiáima jánana fiñi úriñeno o iri
(Lc 6.37-38, 41-42)

¹ Juziñamui ómoimo izire jícanoñeillaena, mai jíáima jánana fiñi úriñeno o iri. ² Mei jíáima jánana riire o úrilla izói, afe izói Juziñamui riire ómoimo jícanoite. Jíáimamo raana fácano omoi feca izói, afe izói afémie ómoimo fácano fécaite. ³ ¿Mei ñie izói o ama uimo ite jéenide ráaruaina cíodio, mei íadi afe dáaruido dama o uimo jéerie rarúnguai íllana náfueñedio? (Afena dáiacade: Aillo fiénidifue omo illa llezica, ¿ñie izói due jiza oni nibéfodo baíidimie jánana úriredio? Urinidio.)

⁴ Iemo afe jéerie rarúnguai dama o uimo íadi o ámana ¿ñie izói daiñedio: “O uimo ite jéenide ráaruai cuena otátari”? Daiñidio. ⁵ ¡Abi dine ñue cioide comécina íairedimedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶ Juziñamui ñue finoca raa, Juziñamuina íairuitinomo fecáñeno iri; fecádíomoiniadi áfena jámairuillano afémaci ómoina tibítaitiao. Daje izói perla izoide ráifidífuia meróniai izoide íaifuiaredinomo lloñeno iri; llotíomoiniadi meróniai riirifirena izói bimaci ómoina uáitabitiao. Afe izoide ñúefuiai fiñi íacadinomo llónide.

Juziñamuimo cai jícalles bie izói jóide
(Lc 11.9-13; 6.31)

⁷ Mai omoi jícarí, íemona Juziñamui ómoimo fécaite. Mai omoi jenori; báitíomoi. Nazémoma caimare omoi uáidori; ómoimo

tuizáibiteza. ⁸ Mei jicádimie llínoteza. Daje izói jenódimie báiteza; íemo jái nazémona caimare uáidotimiemo túigaza.

⁹ Mei ómoimona dáamie ie jitó pan jácaja llezica ¿meita nofícina írede? ¡Jaca ínide! ¹⁰ Iemo afémie chamu jácaja llezica ¿meita jaiona írede? ¡Inide! ¹¹ Mei fiénidinodicai íadi, ñuera raa cai úruiaimo fécajana onódicai. Mei íadi afe baimo monamo ite omoi Moo, afémiemo jicádinomo jamánomo ñuera raa fécajana onode.

¹² Mei íemona omoi jitailla jáíimaci íaiói ómoimo fínua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiai Juzíñamui uai lloraini cuela uai afe izói jóideza.

Rillírede monamo duide io rafue

(Lc 13.24)

¹³ Mei afe rillírede monamo duide iodo omoi jai. Niné tánocaitaitinomo jóide io iere áiloo. Daje izói áfeo boilla jamánomo áillue. Afeodo aillo comini jailla. ¹⁴ Mei jáífodo ziiñona cai cáaillinomo jóide io jáicina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizíllido onórede

(Lc 6.43-44)

¹⁵ Diga comini “Juzíñamui dibénedo úriticai” daidíaiói, íadi taino llotíaiói. Afe izoide comínimona abí omoi rairuiri. Afe bimaci ebire jiféidino izói ómoimo bitíaiói. Uáfueza, illáinide ovéjaiai izói ómoimo bitíaiói, mei íadi comeci dine illáirede jánallari izóidino. ¹⁶ Afémaci finócafuiaido íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliai óñegaza. ¹⁷ Mei daí nana ñuera amena ñue llizide. Daje izói nana fiénide amena fiénidijaina llizide. ¹⁸ Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. ¹⁹ Nana ñuera ráajiaina llizíñede amena tíano iraimo jobaica. ²⁰ Bie izói baie ómoimo bitínona íaiói finócaigafuedo uáfodo ónoitiomoi.

Nana comini monamo ite Juzíñamui illáimana illíruimo jáíñeitiai

(Lc 13.25-27)

²¹ Nana cuena “Ocuíraima” daífiredino monamo ite Juzíñamui illáimana illánomo jofo jáíñeite. Dani monamo ite cue Moo comeci jitaillana finódino jofo jáirena. ²² Aféruillaimo dúcia llezica, diga comini cuena daítiaíoi, “Ocuíraima, Ocuíraima, o mámecido úrifiredicai. Daje izói o mámecido fiénide jóriaina jino orédicai. Daje izói o mámecido ciórainina raana uaido comuitaticai.” ²³ Mei íadi afémacina daíticue:

“Jaca ómoına onóñedicue. Diga íaifuiai comuídiomoiza, cúemona oni ii,” dáititcúe.

Ménade jofo nillino rafue
(Lc 6.47-49; Mr 1.22)

²⁴ Mei afe bie izói joide. Cuena cacádimie íemo cue ocuícana finódimie jofo nállana baitádimie izoide. Afémie mairídinomo ie jofo nite. ²⁵ Riire noci biide, íemo ille riire renaide, íemo riirede jairifo afécomo jaiñode; mei íadi afecho jainóñede, mei mairide éniemo nígaza. ²⁶ Mei jáífodo cuena cacádimie mei íadi cue ocuícana finóñedimie jofo nállana figo baitáñedimie izoide. Afémie ídiaidinomo ie jofo nite. ²⁷ Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiállano due fiébiñeno niné táinocaide. Jesús dinori úrite.

²⁸ Jesús úrilla méifomo, nana comini ie llófuemarillari caimare fáigacaidiaioi, ²⁹ mei ríinoredimie izói íaioına llófuefteza. Jajai ocuica uai llófuefiredino ríinonide llófuia izói afémie llófueñede.

8

Jesús chíinaitimie jállotate
(Mr 1.40-45; Lc 5.12-16)

¹ Jesús caifónedumona ana billa llezica, diga comini afémiedo jáidiaioi. ² Iemo irárede chíinaitimie Jesumo ánozide. Afémie Jesús anamo dújuillano daide:

—Ocuíraima, o jítaiadi bie duícana cúemona oréredio. Cúemona oreri, —daide.

³ Iemona Jesús ie ónoído afémiena jétano daide:

—Jii, ona jállotaiacadicue. Benómona ja íainitioza, —daide.

Daií daína llezica ie iráretade chiie jacáibicaide. ⁴ Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daiítate raa afénomo mai o fecari. Afemona nana comini o chiie ja jacáillana ónoitiaioi, —daide.

Romano illaíma ocuífíregamiena Jesús jállotate
(Lc 7.1-10)

⁵ Capernaum jófumo Jesús jailla llezica, Romano illaíma Jesumo billano izire jicade:

⁶ —Ocuíraima, cue ócuífírega jítócome iere irárede. Batí jofomo biide. Afémie tízieri iere jamánomo izi cácade, —daide.

⁷ Jira Jesús íena daide:

—O jofomo jaillano afémiena jállotaiticue, —daide.

⁸ Jira illaíma Jesús uai ote:

—Ocuíraíma, cue jofomo o jáillena, cue iere jamáimedicue. Jicana o uaido o ocuiri, afémie jíllolleza. ⁹ Mei dama cue jáillaíma uai anamo iticue. Daje izói cue anamo cue úiñoga fuíríraíni ite. Dáamiena “Bi” cue daíía, afémie bírede. Jáimiena “Jai” cue daíía afémie jaide. Daje izói cue ocuífíregamiena “Bie fino” cue daíía, afémie áfena finode, —daide.

¹⁰ Jesús áfena cacáillano, caimare fáigacaillano afémiedo jáidinona daide:

—Uáfúena ómoína daidícue: Nana Israel náiraimo bie izói ínote come jaca baiñédícue. ¹¹ Omoína daidícue, nágafeniaímona aillo oni jicánemaci bíitiaíoi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaíoi. ¹² Mei íadi fueñe jáiredino, jino jítinomo dotálliaíoi. Afénomo afémaci iere éenaicana murímuritiaíoi, —daide.

¹³ Iemona afe illáimana daide:

—Mai o jofomo jai. O ínuaze íteza, —daide.

Daí daina llezica afe irárede jítócome jíllode.

Jesús Pedro jifaiño jíllotate

(Mr 1.29-31; Lc 4.38-39)

¹⁴ Afe mei Jesús Pedro jofomo jaide. Afénomo Pedro jifaiño abi cuaríllari irare bíinana cíóizaide. ¹⁵ Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

Jesús aillo iráredínuaí jíllotate

(Mr 1.32-34; Lc 4.40-41)

¹⁶ Aferui jítoma jímaicaidemo diga fiénide joríaí ogano Jesumo atídíaíoi. Iemona daade uaido afe fiénide joríaí jino orede. Daje izói nane nana duícotaidínuaí afémie jíllotate. ¹⁷ Nana bie izói zúde, jaiái uai lloraíma Isaías lloga uai fuitállena. Be afe uai: “Cai íraniaí afémie uite. Daje izói cai duícuaí afémie oni orede.” Daí Isaías llote.

Jesudo jáiacadino bie izói írediaíoi

(Lc 9.57-62)

Afe mei jorai fuédamo illa llezica, ¹⁸ diga comíni Jesús abido nágafene gairíllana cíoillano, afémie “Mai jorai ruicáfénemo cai jai,” daide. ¹⁹ Iemo ocuica uai llófueráíma Jesumo billano daide:

—Llófueráíma, nana o jáiacana diné odo jáiacadícue, —daide.

²⁰ Jira Jesús ie uai ote:

—Nana jazicí rílleníaí uái ífíreíllino ite. Daje izói caifodo féedínuaí uái íaíoi ráíllino ite. Mei íadi Nanoide fima jítdícueza, dáanori uái cue illino íñede, —daide.

²¹ Iemo jíáie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tílle dinó cue ílleza, íemo íena ráiiacadicue; afe méifomo odo jáíticue, —daide.

²² Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua diga líicaitate

(Mr 4.35-41; Lc 8.22-25)

²³ Ie mei Jesús naa ie llófuegamaci diga áillue nocaedo jáidiaioi. ²⁴ Afe mei jorai ruicáfenemo jáidiaioimo, daa jamánomo riirede jairifo náidacailla. Afe jairífomona jorai bagua afecae acónillaina íbáiacade izoide. Mei íadi afe llezica Jesús inide. ²⁵ Iemona ie llófuegamaci ie cazítatiaioi. Cazítajano íena daidíaioi:

—¡Ocuíraima, cai jíllo! ¡Ja buízaidicaíza! —daidíaioi.

²⁶ Jira afémie uai ote:

—¿Nibái mei iere jacínaitiomoi? ¡Omoi nai figo íinoñediomoi! —daide.

Iemona afémie náidacaillano jairifo naa jorai diga lletade. Daií ie daina llezica jorai bagóñeno uái ite. ²⁷ Iemona afécaemo itímiaí caimare fáigacaidiaioi. Fáigacaillano daidíaioi:

—Bie mei, ¿ñie come? ¡Bímie daina uaina jairifo naa jorai diga íinote! —daidíaioi.

Gerasa éniemo ite fiénide joríaí úicaiga íaillinoi rafue

(Mr 5.1-20; Lc 8.26-39)

²⁸ Afe mei Jesús jorai enéfenemo Gerasa éniemo dúcidemo, mena iima raíáfuaímona Jesús diné bite. Afe íaillinoi fiénide joríaí úicaiga. Afe íaillinoi jamánomo jacire illáirede. Afedo jóide iodo buna jáinide. ²⁹ Jesús afe íaillinoi lleta llezica caillíoidiaillinoi:

—Jesús, Juzíñamui Jitódioza. ¿Nibái mei cócomo jíricaidio? ¿Nai aferui dúciñedemo benó coco duere fínuaíbitio? —daidíaillinoi.

³⁰ Afe llezica afe áinori tóica meróniaí güitíaioi. ³¹ Jira afe fiénide joríaí Jesumo izire jicádiaioi:

—Bie come íaillinoimona jino cai o oréadi, táinomo oréñeno baie meróniaimo cai oreri, —daidíaioi.

³² Jira Jesús íaioina daide:

—Mai afénomo omoi jai, —daide.

Afe fiénide joríaí afe íaillinoimona jino billano meróniaimo jaide. Afe mei afe meróniaí jorai arimo ite íconido jabída jóraimo cocídiaioi. Afénomo coróbaizidiaioi.

³³ Iemona afe meróniaí úiñotino jacínaillano botádiaioi. Jófuego dúcillano nana aféfuai llotíaioi. Daje izói fiénide joríaí

uícaga íaillinoimo finócafue llotíaioi. ³⁴ Iemona nana afe jofue comini Jesús illánomo jáidiaioi. Afémiena cíoillano, afe íaioi éniemona oni jáillena izire jicádiaioi.

9

Jesús tízitaitimie jíllotate
(Mr 2.1-12; Lc 5.17-26)

¹ Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide. ² Afénomo tízitaitimie Jesumo atídiaioi, naa ie bíirallu diga. Afémaci íinuana Jesús cíoillano, iráredimiena daide:

—Cue izíruigamie, mai caimare ii, mei omo ite fiénidifuiái jae dógaza, —daide.

³ Jira ocuica uai llófuetinomona dáarie comeci anado daidíaioi: “Bímie baie jáímie fiénidifuiái dóina dánado Juzíñamuina icíritade.” ⁴ Jesús afémaci comécido dánana onóillano daide:

—¿Nibái mei fieni omoi comeci facádiomoi? ⁵ Mei daíí daina ménade uáimona ¿niie uai iere llotáinina? Afe ménade uai be niie: O fiénidifue muiñócaza. Iemo jáíe uai bie izói daina: Náidacaillano, maca. (Iraíe uai jamánomo llotáirede, mei omoi eróicana íficaideza.) ⁶ Ie jira Nanoide fima Jitódicueza, bíniemo cue illa llezica, comínimo ite fiénidifue cue muiñolle ríino jino ómoimo cíotaiticue, —daide.

Afemona afe tízitaitimiena Jesús daide:

—Mai náidacai, náidacaillano o bíirallu llínnota o jofomo jai, —daide.

⁷ Afemona tízitaitimie náidacaillano, ie jofomo jaide. ⁸ Nana comini áfena cíoillano iere jacínaitiaioi. Afemona Juzíñamuimo ñúefuena nitádiaioi: “Mei Juzíñamui áillue ríino bie cómemo fecádeza,” daidíaioi.

Jesús Mateo uáidote
(Mr 2.13-17; Lc 5.27-32)

⁹ Jesús afénomona oni jaide. Jaillano Mateo dainámiena ciode. Afémie gobierno ibátaga úcube llínoraíma. Ie jira afe úcube oránomo ráiide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jáíruido Jesús naa ie llófuegamaciri jofo eromo íaioi güilla llezica, aillo jáíe úcube llínofiredino naa jáíe fiénidino dáanomo güitíaioi. ¹¹ Mei íadi Fariséuai áfena cíoillano afémie llófueganomo jicánotiaioi:

—¿Nibái mei omoi llófuetimie úcube llínofiredino diga naa fiénidinori güite? —jicánotiaioi.

¹² Afena Jesús cacáillano, íaioina daide:

—Iociredino iránidino daje izói manóriraimana jítaiñediaioi, mei jááfodo iráredino manóriraimana jitailla. ¹³ Bie jaiái Juziñamui Cuegáuai dáinana omoi onóizairi. Afe be níuái: “Conímana omoi duéruillena daje izói cuena omoi duéruillena jítáidicue. Mei íadi omoi fatá cuemo fia fecaca rílleniai jítaiñedicue,” daide. Ie jira dani ñúemacina abi mamédinona uáiduaibiñedicue, mei jááfodo fiénidino íaioi comeci ifue méidollena biticue, —daide Jesús.

Iaioi fimairillena Jesumo jicánotiaioi

(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿nibái fimairitagacai, mei íadi o llófuegamaci fimairiñediaioi? —daidíaioi.

¹⁵ Jira Jesús uai ote:

—¿Airena rafue llezica áfemo uáidogano, meita zúurenari güinidiaioi? Daií iñédeza; ringo otímie íaioi cígimo illa llezica caimare güitíaioi. Mei íadi ringo otímie íaioimona báiruaibillirui dúciite. Aféruído comeci zúurenari güiñeitiaioi. Ringo otímie izói birui cuedo jáicadino cígiri itícueza, —daide.

¹⁶ Jesús nane jáíe onótatifue llote:

—Jaca ninomo dáamie tífoñegaroimona jaitada jácaie inícuíromo nitáñediaioi. Daií nitáadi afe cómoroi jácaroina fiени finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide. ¹⁷ Daje izói comue vino jácara igorai finoína iciru izoide raamo totánide. Dámie daií totáadi afe comue vino afe jácara icíruna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoína icíruna eróidemo jónefirega. Iemona afe naga ñue éenoga. (Afe bie dáinado Jesús ie comue llófueinafue, íemo íaioi jaiái llófuegafue dáanomo íinonide, dáanomo náfuenide, íaioimo llófue.)

Jairo jiza íemo jáíingo Jesús iniroi jétaibitingo Jesús jíllotate

(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaima Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jíllolleza, —daide.

19 Afe jira, Jesús náidacaillano afémie diné jaide naa ie llófuegamaciri. 20 Afémie iodo jailla llezica, jiáie iráredingo afémiemo bite. Afengo afe irárenamona doce diga fimona dícotaite. Jesús comini cígido rillire jailla llezica, afengo Jesús jinófene dinena ie iniroi fueda jétabite. 21 Mei afengo comécido daide: “Daa ie iniroi cue jetáadi jílloiticue,” daide. 22 Iemona Jesús meine abido gírecaillano aféngona cíoillano daide:

—Ízíruiango, caimare o iri. O ínuamona ja jíllodioza, —daide.

Daií daina llezica afengo jíllode. Afemona afengo ja íocirede.

23 Jesús illaíma jofomo dúcia llezica, aillo comini come tíllari cáillicaili éediaioi. Afe llezica jiáimaci toticai zuure fúudiaioi. 24 Jesús áfena cíoillano daide:

—Benómona oni omoí jai. Afeza tíñedeza fia inide, —daide.

Afémie dáinari comini íemo zadáidiaioi. 25 Mei íadi Jesús afémacina jino orede. Oriano jofo jaide. Jofo jaillano afe tídingo ónoído líinote. Líinua llezica afengo caífo náidacaide.

26 Iemona Jesús finócafue nana afe éniemo itígobiaido jica jalleide.

Jesús mena uínidimie jíllotate

27 Afénomona Jesús jáidemo, mena uínidimie ie ódana caillícana bite. Daidíailinoi:

—Davidmona comuídimie Juzíñamui oreca Mesía ímie, mai cócomo dúecai, —daidíailinoi.

28 Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña finóredicueza ¿meita íinotiomicoi? —daide.

Jira afe íaillinoi daide:

—Ocuíraíma, jii íinoticoco, —daidíailinoi.

29 Iemona Jesús íaillinoi ui jetánota daide:

—Omicoi íinua dieze, ómicoimo cómuíteza, —daide.

30 Daií ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoimo cue finócafue bumo lloñeno ómicoi iri,” daide.

31 Afena afémie rairuide íadi, afe íaillinoi jino billano, nana afénomo Jesús ui mánuana llócadiaillinoi.

Jesús uáinidimie jíllotate

32 Afe mei Jesús afénomona jáidemo, fiénide jóriai úicaiga uáinidimie, Jesumo atídiaioi. 33 Iemona Jesús afe fiénide jóriai jino orede. Afemona uáinidimie ja úrite. Aferi comini caimare fáigacaillano daidíai:

—Bie izóidifuena jaca Israel nairai cígimo cíõñedicaí, —
daídíaioi.

³⁴ Mei íadi fariséuai daídíaioi:

—Jesús dama fiénide jóriaí illaíma ríinodo afe úicaigamie
fiénide jóriaína jino orede, —daídíaioi.

Jesús comínimo dúecaide

³⁵ Afe mei Jesús nana aféniemo ite jófuiaimo naa
onífedo itícuaído llófuiaide. Afénuiaimo ite Juzíñamui uai
llófueriracuaido llófuete. Afémie Juzíñamui illáimana illarui
ñuera rafue llocana uite. Iemo nana jáíforiedemo izi cácade
iráredinona jíllotate. ³⁶ Meita nana daíí itínona cíoillano,
afémacimo Jesús dúecaide, mei úiñoñegano izóidiaioi. Ie jira oni
ráiide ovéjaíai izóidiaioiza. Afémaci duere finócaiaioi, daje izói
duere zefuide buna ráiruiñegano izói itíaioi. ³⁷ Afemona Jesús
ie llófuegamacina daide:

—Uáfueza, jacáfaimo ite raa ailla llezica jofo óitino iñena
izói, birui Juzíñamui illáimana illánomo jofo órega comini
aillo ite. Mei íadi afémaci jofo óitino figo iñede. (Afe jofo
óitino jáímacimo ñúefue llóitino.) ³⁸ Ie jira jacafai Naama
izóidimiemo jáíie ñúefue llóitimacina omoi jicari, afémaci
afémie oréllena.

10

Jesús doce dígamie ie oni oréllino nizede
(Mr 3.13-19; Lc 6.12-16)

¹ Afe mei Jesús doce dígade ie llófuegamaci uáidote. Uáiduano
fiénide jóriaí comínimona oni orelle ríino íaioimo fecade. Daje
izói nana jáíforiede duico ogano jíllotalle ríino afémacimo
fecade.

² Be afe doce dígadimaci oni oréllino mámeciai: Nánoramie
Simón, dáamiéna Pedro daína, íemo ie ama Andrés, íemo Zebe-
deo jító íaillinoi Santiago Juan diga, ³ íemo Felipe, íemo Bar-
tolomé, íemo Tomás, íemo gobierno íbátaga úcube llíinoraíma
Mateo, íemo Alfeo jító Santiago, íemo Lebeo dáamie mámece
Tadeo, ⁴ íemo Iere Járidotimacimo jáináidimie Simón, íemo uire
Jesús fécaitimie Judas Iscariote.

Jesús ie llófuegamaci jáígobiamo llófuellena orede
(Mr 6.7-13; Lc 9.1-6)

⁵ Jesús bie doce dígamíena ie oréacana llezica íaioi táijille izói
llote. Daide:

—Judíoñedino éniemo omoi jáíñeno iri. Daje izói Samaria
éniemo ite jófuiaimo jáíñeno iri. ⁶ Mei jáífodo Israel náiraímo
ovejaí féirailla izói féiraitinomo omoi jairi. ⁷ Monamo ite
Juzíñamui illáimana illirui ánozillana llocana omoi uiri.

⁸ Iráredinuiaí omoi jíllotairi. Tíidinuiaí meine abido omoi cáatari. Daje izói íaire chínaítimíaiaina ñue omoi finori. Daje izói comínimo ite fiénide joríaí jino oreri. Bie izói omoi táijille riinona raiñoñoeno ómoimo fecádicue, íemona áfedo jíáímacina raiñoñoeno omoi canori.

⁹ Jabe omoi jaille llezica úcubena uíñeno iri. ¹⁰ Omoi cirítico uíñeno iri. Jaca daa o abimo jíidiroi diga jairi. Daje izói idai icona uíñeno iri, íemo jíáí macara jigüida uíñeno iri. Mei jíáímacina omoi cánua jira, áfemo táijiraima jaca raiñoñoeno écafiregaza.

¹¹ Omoi jáillinomo ite comini jófuego omoi dúcia llezica, ñue íinofiregamie illano omoi jeno. Afénomo nai oni omoi jáíñeille dino uái omoi iri. ¹² Jofo jaillano, afémaci ñue daíí uáidori. “Caimare uái omoi iri,” afémacina daííri. ¹³ Afe jofo comini caimare omoi llínoiadi, omoi afémaci ie ñue mameca uai afémacimo fiébiteza. Mei íadi omoi daína uaina afémaci náfueñenia, afémacimo omoi mameca ñue uai abido ómoimo bíteza. ¹⁴ Mei íadi afémaci ómoína llínoacañenia, daje izói omoi llógamo cacáreaañenia, afe jofómona, daje izói afe jófuegona oni omoi jai. Omoi jailla llezica omoi éibamo ite íaie afémacimo teténocairi. Afedo íaioí comécimo ite íaifue nai íaioimo íllana ónoítiaioí. ¹⁵ Mei ua ómoína dáíticue, íraicaiño riire jicánolliruimo dúcina llezica, bie ómoína ruifíruite comini, Sodoma Gomorra diga jofue comini duere zefuilla baimo, iere duere finólliaioí.

Cristo ícoínia duere cai zefuillifue

¹⁶ Omoi cacai. Ovejai illáirede jazici jico cígimo ória izói ómoína orédicue. Jaio abi rairuilla onona izói abi omoi onoiri. Mei íadi afe llezica fíiciri illáienina izói omoi iri. ¹⁷ Ñue abí omoi rairuiri, mei comini jabóidillainimo ómoína fécaítiaioíza. Juzíñamui uai lloraco eromo omoi fáitíiaioíza. ¹⁸ Iemo ríillainimo, daje izói jamánomo ocuídillainimo cue ícoínia ómoína uítíiaioíza. Iemo afe omoi íaioí úilledo afe illáinimo cuedo úritíomoi. Daje izói afe judíoñedinomo cuedo úritíomoi. ¹⁹ Mei íadi illáicomínimo omoi íaioí uille llezica, “¿Ñie izói úritícai?” dánamo comeci faíñeno iri; daje izói “¿Ñie uailai llóitícai?” daíñeno iri. Mei omoi úrille llezica, Juzíñamui ómoína úritaíteza. ²⁰ Afe llezica dani omoi comeci izói úríñeítíomoi. Moo Juzíñamui Ñuera Joreño ómoído úrilleza.

²¹ Afe llezica comini dani íaioí nahí ámana Crístomo ínotímiena illa jira, jíáímacimo íena fállena fécaítiaioí. Daje izói móotíai dani íaioí Crístomo ínote jíotíai fállena fécaítiaioí. Iemo jíáí jíotíai dani íaioí móotíaido éoicana eróítiaioí, íemo íaioína tíatáitíiaioí. ²² Nana comini cue ícoínia ómoído éoicana

eróitíai. Mei íadi fuillínomo fáicanocaiñeno ñue ínoicaitimie dama jíllóite. ²³ Daa jofue comini omoi duere finóadi, jíáie jófue mo omoi jairi. Mei ua ómoína dáitícue, nana Israel jófuiado nai omoi jáíñenia uícodo raire dúcíticueza; mei Nanoide Hima Jító Crístodicue.

²⁴ Llófuegamacimona llófuetimie baimo jamánomoidimie íñede. Daje izói ocuífuegamie ie ocuídime baimo ocuínide. ²⁵ Llófuegamie ie llófuetimie illa izói írede. Daje izói ocuífuegamie ie ocuídime illa izói írede. Jofo naama izóidicueza, Beelzebú daina Taife mámecei cuemo íai. Jítáadi, jofo ero úruiai mámeceina dájena jítaitíai. Iemo afe úruiaina cue baimo fieni úritíai. ²⁶

*¿Ñimiena jacírui redicai?
(Lc 12.2-7)*

²⁶ Ie jira comíina jacíruiñeno iri. Mei nana báinino daina uailai jino uáfodo cíozite. Daje izói nana báinino itífuiaina jino uáfodo onóille. ²⁷ Birui jíitífo mo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dánomo uáidota ficire lloiri. ²⁸ Omoi íeizi tíitínona jacíruiñeno iri; mei omoi joreño titánidiai. Mei jíáifo boode iraimo cai íeizi naa cai joreño duere finótaitimie omoi jacírui.

²⁹ Onódiomoiza mena duera ófocuíza duera úcubedo íbárega. Mei daí íai ráííñede íadi, afémacimona omoi Moo Juzíñamui daíñenia dácuíño tíide izói ana báííñeite. ³⁰ Mei uafue, omoi ífócimo ífótiraia illa dígatirai facádoga. ³¹ Mei daítadeza jacíruiñeno omoi iri. Omoi, aillo ófocuíñuai baimo ráifidi.

*Comini eróicana Jesuna jíeruitino
(Lc 12.8-9)*

³² Comini eróicana nana cuena jíeruitínona monamo ite cue Moo eróicana jíeruitícue. ³³ Mei íadi comini eróicana cuena jáanoitínona, afe izói monamo ite cue Moo uíecori afémacina jáanoitícue.

*Comini conímana ruifruitatallena bitícue
(Lc 12.51-53; 14.26-27)*

³⁴ Comini dájena uái illí fue bíniemo lluíbitícueza daíñeno iri. Mei jíáfodo dájena uái illí fue lluíbíñeno, fuirilla izoide lluíbitícue. ³⁵ Cuemo ínuamona dáamie ie moo dínen a íena ruifruicaite. Afe daí cue bíllamona dájena uái íñeitiaillíno. Daje izói ei cuemo ínua jira afengo jiza dínen ruifruibicaite. Afe daí cue bíllamona dájena uái íñeitiaínguai, íemo jíái cuemo ínuamona mio ie jífaíño dínen ruifruibicaite. Afe daí cue

bíllamona dájena uái ññeitiainguai. ³⁶ Iemona illa dígamie dama ie jofo ero comini dinena éoigamiena mámeitiaioi.

³⁷ Ninó daa come ie moo, ie eina cue baimo izíruiá, afémie cuemo dúinide. Daje izói ninó daa come ie jítóna, ñibai ie jízana cue baimo ie izíruiá, afémie cuemo dúinide. ³⁸ Iemo jíái, comini dama afémie titácanamo náfuiano cuedo jáiacañedimie afémie cuemo dúinide. ³⁹ Ie jira ie cáanano rairuíacadimie áfena táinomo fáifitaite. Mei jíáifodo cue ícoinia ie cáanano táinomo fáifitimie afe fáifidena baimo ziiño illínona máíñoite.

Jirídua izóidifuiái

(Mr 9.41)

⁴⁰ Iemo Jesús nai úrillano daide: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiena caimare uáidote. ⁴¹ Juzíñamui uai jino llóraíma Juzíñamui dibénedo bíllado afémiena caimare uáidotimie, dájeze afémie jirídua izói jirídoite. Daje izói ññuemiena caimare uáidotimie afe jíáimie ññue íllado, afémie jirídua izói jirídoite. ⁴² Daje izói ninó daa come cue llófuegamacimona jabóidimie mo daa due jiza mánaide jáinoína jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófuete.

11

Juan Bautista orécano

(Lc 7.18-35)

¹ Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuiaina fívide. Ie jira iedo jáidinomona dáarie Jesumo jícanuaitate. ³ Jesumo dúciillano jícanotiaioi:

—¿Meita o biite Cristo dainámiedio? ¿Ñibai nai jíáie bíitimie úíñoredicai? —daidíai.

⁴ Jira Jesús afémacina daide:

—Omoi ciona, omoi cacana izói Juaamo omoi lluájiri.

⁵ Bífuiaí afémie mo lluájiri: Uínidino ññue ciódiaioi, macáñedino macádiaioi, íáire chíñaitino íaioi chíiemona ññue jacáitagaiaioi. Iemo jefona cacáñedino ññue cacádiaioi, íemo dáarie tíidino meine abido cáadinona jáidiaioi. Daje izói dúeredino jíllona uaina llogáiaioi. ⁶ Cuemo íñoñeilli uaina baiñédimie íóbite.

⁷ Juan orécano meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidiomoi? Ñibai dáamie ie daina uaina méidofiredimiena cióizafirediomoi. ⁸ Afe

izóidimiena omoi cíozaiñenia, ¿mei nie izóidena cíozaidiomoí? ¿Meita nibai ñue cíoide ráifide iniroi jitáoidimie cíozaidiomoí? Onódiomoiza ráifide ñúecuiroi jitáoifiredino jaca illaini jofomo ífirediaioi. ⁹ Mei írainomo ¿minícana cíozaidiomoí? ¿Níbai Juziñamui uai jino llórainana cíozaidiomoí? Jii. Uáfueza. Juziñamui uai llórainma baimo jamánomoidimiena cíozaidiomoí. ¹⁰ Juan baie Cuegáuai dainámie. Jaiái uícodo nai cue biñena llezica, aféuaimo Juziñamui, afémie dibénedo cuena daide:

O bille io ñue finóllena izói, comini íaioi comécido ñue omo jieruillena, cue llujáitimie o uícodo orédicue.

¹¹ Uáfena ómoína dáititue, nana comínimona ite Juziñamui uai llórainimona Juan Bautista baimo jamánomoidimiena iñede. Mei jáífodo Juziñamui illáimana illánomona jabóidimie Juan baimo jamánomoide.

¹² Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juziñamui illáimana illánomo iere izire jofo jáiacadiaioi. Afe ríifuedo afénomo jofo jáiacadino bie izói comécidíadiaoí: “Afe illánona anáfenuano jofo jáitícaí,” daí comeci facádiaioi. ¹³ Nana Juan uícomo ite Juziñamui uai llóraini naa Moisés lloga ocuica uai diga Juziñamui illáimana illáruido úritiaioi. Iaiói úrilla méifodo Juan bite. ¹⁴ Iemo jáífue ómoimo llóititue. Omoi ínoiacaniadi, bífuenta ínorediomoí. Naui lloga bíte Elías be nímie Juan; mei Juan Elías dainámiena bíteza. ¹⁵ Mai cacáreacadino, omoi cacai.

¹⁶ Iemo Jesús nai úrillano daide: Biruúllaido itínona, ¿nie izói íaioina mámeititue? ¹⁷ Jofue cigi íbírimo jifánote úrue izóidíadiaoí. Afémaci conímamo ebírede rúado caimátaiacadiaoí, mei íadi áfena fairíoñediaioi. Daje izói conímamana zúurede rúado fíraacadiaoí, mei íadi daje izói áfemo cacáreicañediaioi. ¹⁸ Afe bie izói ómoimo ite. Mei Juan Bautista billa llezica afémie fimarillano figo güiñede, daje izói ríiji jiróñede. Ie jira “Fíénide joríaí úicaigamiedío” íena daidíomoí. ¹⁹ Afe mei cue, afe Nanoide íima Jitó dainámiedicue bititue. Billano, jáíimaci izói güititue, íemo jiródicue. Afemona nane bie izói cuena daidíomoí: “Bímie iere güilláredimie, jéerie jírofiredimie. Fíénidino nabáidimie. Daje izói gobierno íbátaga úcube llínoraini nabáifiredimie.” Daíi cuedo úritiomoí. Comini Juziñamui orécanona bie izói fieni daidíadiaoí íadi, Juziñamui baitácafue dama ie finócafuiaido jino cíozite, —dinori Jesús daide.

*Jófuiaimona dáarie Jesús uaina cacáreacañediaioí
(Lc 10.13-15)*

20 Iemona Jesús jiáie jófuiai comini íaiói íinoñena jira fueñe lletade. Mei afémie uaido daina comuide ciórainina ráamona nabene afémaci cígimo finódeza. Mei íadi afeno comini íaiói comeci ífuenta nai méidoñediaíoi. Afémie daide:

21 —¡Corazín jofue comini nii dúerena! ¡Daje izói Betsaida jofue comini nii duere zefuilla! Mei íaiói cígiri cue finoca ciórainina raa, áfena Tiro comini daje izói Sidón comini cígimo nauí finódicuenia, nibai raire jaiái uícodo íaiói comeci ífuenta méidotiaíoi. Uafue íaiói comeci ífuenta méiduamona, ja diga fimona jaide. Afe llezica zúunaia jitáfírega jítíroi jitáacadiaíoi. Daje izói aféruimo íaiói zúunailla jino ácatallena jízefo ífomo jutáacadiaíoi. 22 Mei jiáfodo ómoína dáitícue, íraicaiño riire jicánollíruimo Tiro Sidón diga duere finóbina baimo Corazín íemo Betsaida comini duere finólliaíoi, —daíí daide.

23 Iemo Capernaum jofue comini Jesús lletade. Afémaci dibénedo daide:

—¿Meita íaiói íinoga jofue monamo úirede? ¿Daíí comeci facádiaíoi, ero ua? Mei jiáfodo íaioína daidícue, tíidino illánomo ana dotaca izói niné táinocaitalliaíoi. Mei íaiói cígimo cue finoca ciórainina raa nauí Sodoma jófuemo finódicuenia, afe jofue nai biruimo nia ite. 24 Mei íadi jiáfodo Capernaum comínina dáitícue, íraicaiño riire jicánollíruimo Sodoma comini baimo jicánolliaíoi, —aquíe izói Jesús íaioína lletade.

Cuomo billano omoi ocózinairi
(Lc 10.21-22)

25 Aféruillaído Jesús daide:

—Mona Ocuíraima Moo Juzíñamui, omo ñúefue jóoneitícue, mei Juzíñamui dibénedo onóigafuiai úrue izoide, comécina nífuenide jamai comínimo jino cíotatioza; mei íadi bínie ráfuenta baitádinomona aféfuiai o retáidoga. 26 Jií, Moo, mei o daíí jitáidíozia.

27 Jesús nai úrioide: Cue Moo, nana uafue onóigafuiai ja cuemo llotio. Moo Juzíñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódicueza, dama ona ñue onódicue. Iemo jiái daje izói o Jitó onótaacagano ñue ona ónoitiaíoi.

28 Iemo comínina daide: Omoi ñúefuiai finóacanamona zefuínaitino cue diné omoi bi; íemo jiái fiénidífue ábiana méeruitino daje izói cue diné omoi bi. Omoína ocózinaitaiticueza. 29 Mai cue diga táijífírena izói níufuina finóllena omoi onoiri; mei omoi diga táijífíredicueza. Afe dájena táijnana cúemona omoi onoiri. Mei comécina járidoñedicueza. Daje izói comécina mánaidicueza. Afemona

omoi comeci uái ocózinairuimo báitioimoiza. ³⁰ Omoi diga cue táijinana féinide. Daje izói ómoimo cue ocuúllafue jaca ómoína zéfuitañeite, —dinori úrite Jesús.

12

Jesús llófuegamaci ocózinairuimo trigo úmoiai dícoiano otá güítiaioi

(Mr 2.23-28; Lc 6.1-5)

¹ Aféruido Jesús naa ie llófuegamaciri ocózinairuimo trigo ritino jacafai cígido macade. Afe llezica ie llófuegamaci iere jufinaillano, trigo ímoiai otá güítiaioi. ² Afena fariséuai cíoillano Jesuna daidíaioi:

—Ero, o llófuegamaci ocózinairuimo rairuúrede táijinamo táijidiaioi.

³ Mei íadi Jesús íaioina daide:

—¿Omoi ico jaiiai illaíma David finócafue cúegana facadoñediomoi? Afémie naa ie nabáñiairi iere jufinaitiaioi.

⁴ Afe llezica Juzíñamuimo gairíracomo jofo jaillano rairuica panes otá güítiaioi. Mei íadi afe páaniai afémiemona rairuúrede, daje izói ie nabáñiaimona rairuúrede. Afe pan dama lletáriraini güirede. ⁵ ¿Mei nane jíaie Moisés ocuica uai cúegana facadoñediomoi? Afénomo daina: Juzíñamui gairíracomo táijide

lletáriraini, ocózinairuimo ocózinaiñediaioi, mei daí íaioi illa fiénidifueñede. ⁶ Mei ómoína dáitícue, birui benomo afe gairíraco baimo jamánomoidimie ite. ⁷ Bie jíaie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izíruillena jitáidicue.” Búuina omoi onóadi níufuena finóñedinona “Duere cai finótalli” dáíñeitiomoiiza. ⁸ Mei uáfueza, ocózinairuimo Nanoide fima Jitó Cristo dainámie ocuilla uai anamo ite.

Onoína llirídimie rafue

(Mr 3.1-6; Lc 6.6-11)

⁹ Afe mei Jesús afénomona jaide. Jaillano Juzíñamui uai llorácomo jofo jaide. ¹⁰ Afeco eromo ónoína llirídimie ite. Afe comini Jesumo fiénidifue jitállena jenódiaioi. Iemona afémiena jicánodoidiaioi:

—¿Meita iráredimie ocózinairuimo jíllotarede? —daidíaioi.

¹¹ Jira Jesús afémaci uai ote:

—Omoimona daa cómemo oveja íadi, afe oveja ocózinairuimo ifomo baíadi ¿meita caífo óñega? ¹² Mei uafue, daa come oveja baimo jamánomo ráifide. Afemona ñúefue fínuana ocózinairuimo rairuúñega.

¹³ Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴ Iemona fariséuai jino jaillano, Jesús fállena mamérizaidiaioi.

Jai ai uai llóraima Jesudo daína uai como zuilla

¹⁵ Aféfuena Jesús fidíillano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jllotata. ¹⁶ Afe llezica afémie íaioina llotátañede: “Cue bie izói íllana bumo lloñeno iri,” íaioina daide. ¹⁷ Bie izói zuide jai ai uai llóraima Isaías lloga uai ñue ícoimo fuitállena. Afe uai be ñie: ¹⁸ Bímie nizada cue oga ocuífregamie.

Afémiena iere izíruiticue, íemo afémieri iere íóbidicue.

Cue Ñuera Joréñona afémie úcaitaiticue.

Afémie cue mameca jaícina jóidifuiaina náiraímo jino llóite.

¹⁹ Afémie ríifuedo llóñeite.

Daje izói cáillicailli úriñeite.

Iemo jíai jofue cigi macáraodo ie uaina cácaíñeille.

²⁰ Comécina náinidinona ruiffriñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínote comini afémie fáicanocaiñeite.

Fáicanocaiñeno ñue íaioina ínotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

²¹ Iemona nana náiraiaí afémiemo ocúiritiaioi.

Taife ríino Jesumo illa afémiemo jitádiaioi
(Mr 3.19-30; Lc 11.14-23; 12.10)

²² Afe mei únidimie Jesús diné atídiaioi. Afémie fiénide joríaí uícaiga úrinidimie. Afémiena Jesús jllotata. Iemona afémie ja ciode, daje izói ñue úrite. ²³ Ie jira nana comini áferi caimare fáigacaillano daidíaioi:

—¿Meita afe be níimie jai ai illaíma Davidmona comútagamie? —daidíaioi.

²⁴ Fariséuai áfena cacáillano daidíaioi:

—Bímie fiénide joríaí illaíma Belzebú daínámie ríinodo afémacina jino oréfirede, —daidíaioi.

²⁵ Jesús dai íaioi comécido daínana onóillano íaioina daide:

—Ninó daje náiraína ite comini conima diga fuiríadi, afe náiraí ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíai daaco ero comini eneno ráidoiziadi, afémaci are íñeite. ²⁶ Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íñeite. ²⁷ Omoi cuena: “Belzebumo ite ríinodo fiénide joríaí jino oréadio,” daidíomoi. Afe omoi daína uáfuedenia, jíáfue ómoimo jicánoitícue. ¿Mei bu ómoido jáidino fiénide

jóriai jino orelle riino iga? Ie jira daní afémaci ñue onóñeno taino omoi llua jino ciotatiaioi. ²⁸ Mei jiáifodo Juzíñamui Ñuera Joreñodo afe fiénide jóriaina jino orédicue. Iemo bifue bie izói daiíacana: Juzíñamui illáimana illarui ja ómoimo dúcide.

²⁹ Mei uáfueza, riiredimiena fueñe o máñenia, ¿ñie izói dáamie ie jofomo jaillano ie jofo ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daií Cristo Taifena jaca anáfenorede.)

³⁰ Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jiáimaci cuena ínotañedeza.

³¹ Ie jira ómoína dáitícue, naga come ie finoca fiénidifue, Juzíñamui jicáadi dórede; daje izói nana ie úrilla fiénidifue dórede. Mei íadi ninó dáamie Juzíñamui Ñuera Joreñona íaire dáiiadi, afe uai jaca dónide. ³² Iemo jiái ninó dáamie Nanoide Ima Jitó Crístona íaire dáiiadi, afe afémiemo ie lloia dórede. Mei íadi Juzíñamui Ñuera Joreño jánana fieni úritimie afe ie úrilla íaifue birui dónide. Daje izói uire jaca ninomo dónide.

Naga amena ie llizíllajido onórena izói, daje izói naga come ie úrillafuaido ónorede

(Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizíllado ónorede. ³⁴ Jaio izóidinodiomoi. Ja fiénidinodiomoiiza ¿ñie izói ñue úrirediomoi? Mei uáfueza, cai fue cai comécimo jebuide raado úrite. ³⁵ Ñuera come ñúfuedo úrite, mei ie comécimo ñúfue íllaza. Daje izói fiénidimie fieni úrite, mei ie comécimo fiénidifue íllaza. ³⁶ Iemo nane ómoína dáitícue, íraicaiño Juzíñamui caimo riire jicánolliruimo, nana ráiruiñega fieni cai úrilla uai, daje izói abi cai rairuiñena úrilla uai diga, jáanoñeno “jií” daiíredicai. ³⁷ Mei uafue, o úrilla dieze Juzíñamui omo izire jicánoiteza. Jiáimiena “O nífuenidimiedio” dáite; ie mei jiáimiena “Dama o ícoinia daií itio,” dáite.

Fiénide comini ciórainina raa finóllena Jesumo jicádiaioi

(Mr 8.12; Lc 11.29-32)

³⁸ Afe mei fariséuaimona dáamierie Jesuna daidíaioi, daje izói Ocuica Uai llófufiredino diga:

—Llófueraima, ciórainina raa o fínuana cióacadicai, — daidíaioi.

³⁹ Jira Jesús afémaci uai ote:

—Bigima fiénidino botade jiruíredingo izoide ja Juzíñamuina zófetiaioi. Iemo ciórainina raa cuemo jicádiaioi. Mei íadi nauí Juzíñamui uai llóraima Jonás onótagafue baimo jiáifuena llóñeilliaioi. ⁴⁰ Mei Jonás daaruíamani íemo daámani naio

afe áillue chamu eromo illa izói, afe izói Nanoide ñima Jitó Cristo énie anamo daaruiámani íite, daje izói daámani naio. ⁴¹ Jaiái Nínive jófue mo ite comini bigima comínimo riire jicánolliruimo bimácimo fiénidifue jítaitiaioi. Mei Nínivemo ite comini Jonás Juziñamui uai íaioimo llua llezica íaioi comeci ífuena méidotiaioiza. Mei íadi birui benomo Jonás baimo jamánomoidimie ite. ⁴² Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidifue jítaite, mei afengo jica énie fuédamona Salomón comeci onóigafue mo cacáreizaíbiteza. Mei íadi birui benomo Salomón baimo jamánomo baitádimie illa.

*Jino oreca fiénide joríaí meine dáamiemo bite
(Lc 11.24-26)*

⁴³ Jesús nai llícaíñeno úrite: Fiénide joríaí cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáiticue,” daide. Afe joríaí meine afe cómemo bítemo, jofo taico izoide baizáíbite. Daje izói rafode ñue finócaco izói baizáíbite. ⁴⁵ Iemona afémie siete diga jamánomo afémie baimo fiénide joríaí uájide. Afémaci nana afe cómemo jofo jáidiaioi. Afemona afe come nauí ie fiénina baimo birui jamánomo fiénide. Afémiemo illa izói, afe izói ómoimo íficaite, mei bigima fiénidigimaza.

*Jesús ei naa ie ámatiairi
(Mr 3.31-35; Lc 8.19-21)*

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomo itíaiói. Afémie diga úriacadiaioi. ⁴⁷ Afe llezica dáamie Jesuna daide:

—O ei, o ámatiairi jino benomo itíaiói. Afémaci o diga úriacadiaioi, —daide.

⁴⁸ Mei íadi Jesús afe lluáíbitimiena daide:

—¿Mei bu cue eina? Daje izói ¿mei bu cue ámatiaína? —daide.

⁴⁹ Daí dáinamona afémie llófuegamacina fuedo uidánote. Uidánuano daide:

—Bimaci cue eina, daje izói bimaci cue ámatiaína. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

13

*Afémaci onótaita ríjifiredimie rafue
(Mr 4.1-9; Lc 8.4-8)*

¹ Afe monado Jesús jofómona jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráiizaide. Afe llezica nana comini fuédamo fiébidiaioi. ³ Mei áfemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuiñuai güizáibitiaioi. ⁵ Ie mei jíáijiai énie figo iñena noñciaimo baiide. Aféjiai raire zicode, mei afe énie lliáideza. ⁶ Iemo jáinaonideza jitoma egáiñuamona, zafénaillano tíidiaioi. ⁷ Ie mei nane jíáijiai éegiai cigiri cocídino. Afe éegiai móonaillamona aféjiai íracotaillano tíidiaioi. ⁸ Mei íadi jíáijiai ñuera éniemo baiide. Aféjiai ñue ailla. Dáaride cien diga llizíllajiai comúate. Jáiri sesenta diga llizíllajiai comúate. Iemo jáírimo treinta dígaji comuide. ⁹ Bíemo cacáiacadino mai cacai.

Ñibái mei bie comini onoiga izóidedo úrilla, Jesús jino llote (Mr 4.10-12; Lc 8.9-10)

¹⁰ Iemona ie llófuegamaci billano Jesumo jicánotiaioi:

—¿Ñibái mei cominimo íaioi onoiga izóidedo úritio? — daidíaioi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi. ¹² Mei ua, Juzíñamuina iere onóacadimiemo ie báitaja baimo jíaiena írede. Iemona afémiemo aillo íte. Mei íadi Juzíñamui dibénedo onóacañedimiemona iemo ite due jiza onónana bairórede. ¹³ Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cióiñedino izói itíaiioiza. Daje izói cacádiaioi, mei íadi nai cacáñedino izói itíaiioi. ¹⁴ Mei áfemona Juzíñamui uai llóraíma Isaías afémacina jicana daina uai ñue ícoimo fuilla. Be níuui:

Omoi uáfodo cácaitiomoi mei íadi afe dainana ónoñeitiomoi.

¹⁵ Mei bimaci comeci riiredinona abido jaide.

Daje izói afémaci figo cacáacañediaioi.

Afémaci ui ibaica izói ite. Daí itíaiioi íaioi uído cióiñeillena, íemo jíai íaioi jefodo cácañeillena; daje izói íaioi comécido ñúefuiai ónoñeillena.

Iemona íaioi cue jíllotallena abido cuemo bínidiaioi, daí Isaías daide.

¹⁶ Mei íadi dani omoi uído omoi ciónamona, daje izói dani omoi jefodo omoi cacánamona ióbidinodiomoi. ¹⁷ Uáfuenta ómoína dáiticue, diga Juzíñamui uai llóraini bie omoi ciónana cióacadiaioi, naa aillo jíaié ñue comíniri. Mei íadi áfena

cióñediaioi. Daje izói bie omoi cacánana cacáacadiaioi, mei íadi cacáñediaioi.

Jesús ríjifiredimie rigájiai rafue ñue jino llote
(Mr 4.13-20; Lc 8.11-15)

¹⁸ Jira bíemo omoi cacáreiri. Rífiredimie rafue bie izói jino daide. ¹⁹ Monamo ite Juzíñamui illáimana illarui uaina dámie cacáadi, mei íadi afémie áfena íinoñeniadi, afémie comeci afe bie io izoide. Jí, afe rigájiai iomo baídino izoide. Afe izói comécido jabo ie onoiga ñuera uaina Taife báiruaibite. ²⁰ Afe rigájiai ní afe noficiai emódomo cocídino jana, ñúefuiaina raire cacáillano caimare otino coméciai. ²¹ Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are íñediaioi. Mei íadi ñuera uai ícoinia jacire facátafuai, íemo duere finóllena rácafuiuai afémacimo comuíadi, ñúefuena fáicanocaitiaioi. ²² Afe éegiai illano jana Juzíñamui ñúefuena cacádiaioi ia, bínie ráaniaimo comécina fáifiredino. Iere ráanaiacana afémacina jífuate. Nana aféfuiai Juzíñamui ñúefuena íracotailla izói ínotañede. Iemona afe uai afémiemo ñue áide izói íñede. ²³ Mei íadi afe rigájiai ní afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaioi, mei áfena ñue onódiaioiza. Uamona iere aite rigájiai izói afémaci aillo ñúefuiuai finófirediaioi. Afémacimona dáarie jamánomo aillo ñúefue finódiaioi, Iemo jíamaci aillo ñúefue finódiaioi. Iemo nane jíáie fia jabo aillo ñúefue finódiaioi.

Riga trigo cígimo fiénide raróciai zícua rafue

²⁴ Iemo nane Jesús bie íaioi onoiga izóidifue llote:

—Monamo ite Juzíñamui illáimana illarui bie izoide. Dámie ñuera íjiai ie jacáfaimo rite. (Aféruillaído comini diga ráaniai daane riñeno énenorie ritíaioi.) Bímie ie jacáfaimo jíáiena jaicuíñeno daa trigo rite. ²⁵ Mei íadi naama ínia mei ie diga íciritimie trigo cígimo fiénide raróciai rizáibite. Rillano oni jaide. ²⁶ Afe trigo móonailamona ímoiaí comuilla llezica riga fiénide raróciai cíozite. ²⁷ Afemona tájitafiregano jacafai náamamo llujáide: “Ocuíraima, o ritátaga cai ríganiai nibai ñuera. Mei afe cígimo fiénide ráitiai ¿ninómona comuide?” ²⁸ Jira afefai naama daide: “Níbai ninó cue diga íciritimie bie rizáibiga.” Mei jira afe tájitafiregamaci íena daide: “¿Afe fiénide ráitiai cai áiruailleza meita airótatio?” ²⁹ Mei afémie íaioina daide: “Dama íteza, aiñóñeno iri, mei afe fiénide ráitiai aiñódiomoinia naa trigo diga aiñódiomoiza. ³⁰ Dama trigo diga daane móonaiteza, aíñoñegania ñuera. Afe mei jofo ollíruimo, cue tájitafiregano óreiticue fueñe afe fiénide

ráitíai óllena. Afe uano afe ráitíai jobaille eneno icútuaina maitátaitíue. Afe mei cue trígona éenoracomo éenotaitíue.”

Mostaza daina riga raa íjiai rafue

(Mr 4.30-32; Lc 13.18-19)

³¹ Iemo nane Jesús bie jíaié onótaitífue llote:

—Monamo ite Juzíñamui illáimana illarui mostaza daina riga raa íjiai izoide. Dáamie afe íjiai ie jacáfaimo rite. ³²Uáfueza, afe íjiai nana jíaié rífiregajiai jofomo jéenide. Mei íadi móonailla llezica nana juzítíofiai caifomo are zairide. Afe llezica caifo amena dinori aillo zairide. Afemona áfena ícairuaimo feede ófocuíñuai jillaina nizáibítiaioi, —daide. (Afe izói Juzíñamuimo ínotíno dúemaci íadi, jamánomo aíllomacina jébuioicaitiaioi.)

Levadura daina pan fáitara rafue

(Lc 13.20-21)

³³ Iemo nane Jesús bie jíaié onoiga izóidífue llote:

—Monamo ite Juzíñamui illáimana illarui pan aillo fáitate levadura izoide. Daa ringo daámani julleco harínana oruítajano, áfemo due jiza levadúrana tamede. Iemona nana afe iféllana mullétano oni aillo fáitate, —daide. (Afe izói diga jíaimaci Jesumo ínuamona, Juzíñamuimo jaináidino aillo jébutiaioi.)

Jaii daináuai fuitállena Jesús íaioi onoiga izóidífuaído comínimo úrite
(Mr 4.33-34)

³⁴ Nana bífuii Jesús íaioi onoiga izóidífuaído comínimo llote. Onótaitífue afémie llóñenia comínina ñie izói daíñede. ³⁵ Jaii Juzíñamui uai llóraima daina uai ñue ícoimo fuitállena, afémie daí llófue. Afe be níuui: Onótatífuaído jino úriticue.

Juzíñamui énie fínua llezícamona figo ónoñegafuii jino llóiticue.

Trigo cígimo comuide fiénide ráitíai ífue Jesús jino llote

³⁶ Afe mei Jesús nana comíni jino fíiano jofo eromo jaide. Afécomo Jesús llófuegamaci afémiemo jicánuaibítiaioi:

—Jacáfaimo comuide fiénide ráitíai rafue caimo jino ñue llóiri, —daidíaioi.

³⁷ Jira Jesús íaioina daide:

—Afe ñuera íjiai ritímie jana Nanoide íima Jitó Cristo. ³⁸ Afe jacafai jana bie énie. Afe ñuera rigájiai jana Juzíñamui illáimana illáruimo jaináidino. Afe fiénide ráitíai jana Taífemo jaináidino. ³⁹ Afe fiénide ráitíai rizáibítímie dama Taife. Afe llizíllajiai jofo otá éenua jana énie fuillírui. Iemo afe llizíllajiai jofo otino jana Juzíñamui abi imaci. ⁴⁰ Ie mei afe fiénide ráitíai jobáillena oni eneno jóonia izói, afe izói énie fuillíruimo

fiénidinomo zúite. ⁴¹ Aféruimo Nanoide fima Jitó Cristo ie abi imaci óreite, jiáimana fiénidifue finótatino eneno óllena, naa fiénidifue finódinori. ⁴² Afémacina iraimo dótaite. Afénomo iere éenaitiaioi; iere izi cácaillamona murímuritiaioi. ⁴³ Ie mei Juzíñamui jitailla izói finódino íaioi Moo illáimana illíruimo jítoma uíeco meáire egáíñua izói íaioi maiñoca Juzíñamui ebíredifuenta jino cíotaitiaioi. Omoi cacáacania, cacai.

Retáidoga ráifide raa jino onótaitifue

⁴⁴ Monamo ite Juzíñamui illáimaitagamacina íacadino bie izói fínoitiaioi. Enie anamo ónonino retáidoga ráifide raa jénua izói fínoitiaioi. Níie monado daa come afe retáidoga ráifide raa baite. Bailla mei, abido dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daína iere ráifide zíríji jino onótaitifue

⁴⁵ Nane daje izói monamo ite Juzíñamui illáimaitagamacina íacadino perla jenoda fécafiredimie izói fínoitiaioi. Afémie jicado jenode. ⁴⁶ Iere ráifide perla daa ie baía, nana íemo ite ráaniai fécajano, ie ciona ráifidíji íbajide.

Chamu ora llóiji onótaitifue

⁴⁷ Daje izói nane monamo ite Juzíñamui illáimana illarui, jóraimo dótafirega chamu ora llóiji izoide. Afe llóiji nana jiáiforiede chámuna ote. ⁴⁸ Afe llóiji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirígaimo iráidiaioi. ⁴⁹ Afe izói énie fuillíruimo comínimo íite. Juzíñamui abi imaci billano ñúemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

⁵¹ Afe mei Jesús íaioina jicánote:

—¿Meita omoi nana bífuiaína onódiomoi? —daide.

Jira afémaci daidíaioi:

—Jíi, Ocuíraima onódicai, —daidíaioi.

⁵² Iemona Jesús íaioina daide:

—Cue ocuica uaina ñue llófufiredimie, monamo ite Juzíñamui illáimana illirui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jiáiruido jácara raa mei íadi nai ñuera raa, jino úana onode. Afe izói afe ñue llófufiredimie nana ie onóigafuiaimona cue cómfue naa jaiái lloga jácafue diga jino llúana onode, —daide.

*Jesús Nazaret jófue mo jaide**(Mr 6.1-6; Lc 4.16-30)*

⁵³ Jesús nana bie jino ñue onótatifuiai llua méifomo dama ie éniemo jaide. ⁵⁴ Dúcizaillano afénomo ite Juzíñamui uai llorácomo llófuete. Aferi comini caimare fáigacaidiaioi. Daidíaiioi:

—Bímie ¿ninómona diga ráfuiaina onode? Bie ciórainina raa ¿niie izói finode? ⁵⁵ Bímie baie rabíciaimo táijifiredimie jító. Ie ei María. Daje izói afémie ámatiai Santiago, José, Simón, Judas benomo cairi ite. ⁵⁶ Daje izói ie miríngotiai cai cígimo itíaiioi. ¿Mei ninómona nana bífuena onode? —daidíaiioi. ⁵⁷ Iemona afémie llógamo náfuéacañediaioi. Mei jira Jesús íaiioina daide:

—Nana jáímaciai Juzíñamui uai llórainmana jíeruitiaioi, mei íadi dama ie comuillano comini íena jámairuitiaioi, daje izói naa ie jofo ero comíniri, —daide.

⁵⁸ Ie jira afénomo ciórainina raana aillo finóñede, mei afémaci afémiemo íinoñediaioiza.

14*Juan Bautista tilla**(Mr 6.14-29; Lc 9.7-9)*

¹ Aféruillaído Galilea énie ocuídillaíma Herodes, Jesús jalléinana fidide. ² Fídiano ie diga itínona daide:

—Bímie tíllamona meine abido cáadimie Juan Bautista. Iemona afémiemo ciórainina raa finolle ríino ite, —daide.

³ Mei jaiiai nano Herodes Juaana maitá llavéracomo uitátate. Mei nauí Herodes ie ama Felipe ai Herodías daínango aina ote. Ua mei, Juan Heródesna riire lletádeza. Ie lleta jira íena llavétate. ⁴ Juan daína uai be ñie:

—O bie ringo o ai izói uícainidio, —daide.

⁵ Daií daína jira Herodes Juaana fáiacade. Mei íadi comínina jacíruite, mei “Afe Juan Juzíñamui dibénedo úrifiredeza,” daidíaiioi. ⁶ Afe méifodo, Herodes ie jocóinamona jáíie fimona fuilláruimo dúcide. Aféruído ie cumpleaños rafue fínua llezica, iráizillena llogano eróicana Herodías jiza bai zaizájide. Afengo záillana Herodes iere ebíruite. ⁷ Afena iere gáinamona Herodes riírede uaido daide:

—Ninó o jicáacanana rairuíñeno íredicue, —daide.

⁸ Iemona afengo ei uícodo llua izói Heródena daide:

—Juan Bautista ifoci plátomo jóneta cuemo ati, —daide.

⁹ Aferi ocuídillaíma Herodes zúucaide. Mei íadi uícodo riírede uaido daínana nana iráizillena llogano cacádiaioi. Jira jáífodo méidoñeno nano fueñe ie daína izói ocuide. ¹⁰ Iemona llavéracomo llaveca Juan ifócina jaitátate. ¹¹ Afe mei jáitano

plátomo jóoniano aféngomo izájidiaioi. Afe méifodo afengo afe ifócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíájidiaioi. Afe mei Jesumo llúájidiaioi.

Jesús cinco mil comini ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiamona ie illánomo arido jáidiaioi. ¹⁴ Iemo Jesús afe nocáemona ari jailla llezica, diga comini ofillana ciode. Cíoillano íaioimo dúecaide. Afémiemo atica iráredinuiaina jíllotate. ¹⁵ Ja nauízaiilla llezica ie llófuegamaci afémiena daiízaibitiaioi:

—Ja nauide. Benomo buna iñede. Nana comínina mai jófueo oreri, afe áinori ite dúegobiaimo íaioi güille íaioi íbajillena, —daiííaiioi.

¹⁶ Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

¹⁷ Jira afémaci uai otíaiioi:

—Cinco diga páaniai, íemo mena chamu afe baimo jíáiena caimo iñede, —daiííaiioi.

¹⁸ Jira Jesús íaioina daide:

—Mai áfena cuemo ati, —daide.

¹⁹ Afe mei nana comínina daide: “Ráitíai emódomo ana omoi rái,” daide. Afe llezica Jesús cinco diga páaniai mena chamu diga llínota, monamo érocaillano Juzíñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena. ²⁰ Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirigai oruítatiaioi. ²¹ Afe güitino cinco mil diga íñiaí. Iemo afe baimo ringóniaí naa úruiaíri fácadoñega.

Jesús jainoi emódodo macade

(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide. ²³ Comini ráinua mei Jesús caifónedumo dama Juzíñamuimo úrizaide. Nauízaiilla llezica Jesús afénomo dama ite. ²⁴ Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoillano, caillíoidiaioi. “Janaba billa,” dainano iere jacínaitiaioi.

²⁷ Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

²⁸ Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide. ³⁰ Mei íadi jairifo riire jáiñua cacáillano abi jácidote. Afe llezica afémie ja anábaiacade. Anábaioicailla llezica afémie caillide:

—¡Ocuíraima, iñédicueza, cue llino! —daide.

³¹ Daií daina llezica, Jesús ónoído llínota daide:

—¡Nií o due ínua! ¿Nibái mei o ínogafuena fáicanocaidio? —daide.

³² Nocaemo caifo íaillinoi jailla llezica, afe jairifo llíicaide.

³³ Iemona afécaemo itino, Jesús anamo dújuillano íena daide:

—Uáfuenta, Juzíñamui Jitódioza, —daídaioi.

Jesús Genesaret éniemo ite iráredino jíllotate

(Mr 6.53-56)

³⁴ Jorai ruica jáitajano Genesaret éniemo dúcidiaioi. (Afe énie jáífodo mameina Galilea.) ³⁵ Iemo afeno comini ñue afémiena onónamona, nana afénomo itígobiamo conímana fidítatiaioi. Afemona afénomo ite iráredinuiaina Jesumo atídiaioi. ³⁶ Daa afémie inícuero fueda jetánollena izire jicádiaioi. Iemona nana ie inícuero fueda jetádino jíllodiaioi.

15

Cómena iaire finode raa

(Mr 7.1-23)

¹ Afe mei dáarie Jerusalémona bite fariséuai naa ocuica uai llófuefiredinori Jesumo jicánuaibítiaioi:

² —¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidifue múiñua jana, nai güiñena llezica onoi jócuana finóñediaioiza, —daídaioi.

³ Mei afe ibana Jesús íaioimo jicánote:

—¿Mei nibái omoi Juzíñamui riire ocuica uai oni caitáfirediomoí dani omoi jaiái daina uaimo náfuellena?

⁴ Mei Juzíñamui caina daide: “O moo o ei diga caimare omoi uícairi. Dámie ie mooná ie ei diga íaire dáia, afémie tíiteza,” daide. ⁵ Mei jáífodo daífirediomoí. Dámie ie mooná ie ei diga bie izói daírena daífirediomoí: “Moo, ona canónidicue, mei nana cuemo ite raa Juzíñamuimo fecállena cue mamécaza.” ⁶ Iemo ninó dáamie daí dáiaíadi, ie moo ie ei diga canolle aféniemo dúñede, daí daífirediomoí. Daí omoi

dáinamona Juziñamui ocuica uai jámairuitadiomoi, dani omoi jaiai daina uáillaimo náfuellena. ⁷ ¡Comeci diné ráatailla mei, abina ñue cíoidinodiomoi! Jaiai Juziñamui uai llóraima Isaías ie ciegánicomoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamédiaioi, mei íadi íaioi comeci diné íairedeza, cuemo jaináíñede.

⁹ Diga ebírede ráfuiado cuemo caimátaidiaioi íadi, afe caimátailla ráííñede, mei afémaci jáímaci llófuia jamai come ocuica uáillaiza.

Isaías Juziñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri. ¹¹ Come fuedo jofo jaide raa afémiena íáiretañede. Mei jáífodo come fuémona bite uai, afémiena íáiretate, —daide.

¹² Afe jira ie llófuegamaci Jesuna daiízaibitiaioi:

—¿Meita onódioza, o daina uáillaína cacáillano fariséuai icíritiaioi? —daídiaioi.

¹³ Mei íadi Jesús jáífodo uai ote:

—Naga Juziñamuimo uáfueña jaináíñedimie monamo ite cue Moo riñega raa izóidiaioi. Afémaci come gáíñega riga raa naa jáinaori aiñólle izói táinocaitalliaioi. ¹⁴ Afe baie fariséuai dama daiítadiaioiza; áfemo lloñeno. Mei afémaci uínidino izóidino. Iemo afe llezica jáíe uínidino ifódiaioi. Uínidimie jáíe uínidimie ifóadi, nágaillinoi dáafomo báitillaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, —daide.

¹⁶ Jira Jesús jicánote:

—¿Omoi jáí nai onóñediomoi? ¹⁷ ¿Onóñediomoiza, fuedo jofo jaide raa jébegoimo jaide; afe mei abímona jino faiga?

¹⁸ Mei íadi come fuémona jino bite uailai ana comécimona comuide. Afe bie uailai dama afémiena íáiruitade. ¹⁹ Mei diga íaifuiái come comécimona comuide. Fieni comeci fácafuiái comuide. Daje izói daje comécimona jáíma fáiacanafuiái comuide. Iemo jáíma ai diga íacanafue come comécimona comuide, naa jáíe iere jiruírenafuiári. Iemo jáí meríillafuiái come comécimona comuide. Daje izói táinona úrilla uailai, naa jáímana íaire daináuailairi come comécimona comuide.

²⁰ Afe bífuiái cómena iere íáiruitanona orede. Mei íadi fiénjifue múiñua jana onoi jócuana finóñeno dáamie güíadi, áfena cómena íaifueredimiena oréñede, —daide.

*Jicánemaci ringo Jesuna ínote
(Mr 7.24-30)*

²¹ Afénomona Jesús oni jíáie éniemo jaide. Afénomo Tiro jofue Sidón jofue diga ite. ²² Afénomo Canaán énie ingo Jesús diné caillícana bite:

—Cai ocuífiredede jaiái illaíma David comútagamie, cuemo dúecai. Cue jiza fiénide jóríai uícaigaza, iere duere zefuide, —daide.

²³ Mei íadi Jesús aféngona nñie izóí daiññede. Mei jira ie llófuegamaci íemo izire jícaíbitiaíoi:

—Mai ie uai fáirio, mei cai méifodo duere caillícana bíteza, —daídíaíoi.

²⁴ Jira Jesús daide:

—Juzíñamui dani Israel náiraimona oni féiraite ovejai izóidino mameda cuena orede, mei afémaci Juzíñamui lloga uaillai jeire oñédiaíoi, —daide.

²⁵ Mei íadi afengo Jesús diné billano afémie anamo dújude. Dújuillano aféniemo jicade:

—¡Ocuíraíma, mai cue cano! —daide.

²⁶ Jira Jesús aféngona daide:

—Uruíai izoide Judíuai ónoimona pan bairoda jicóniai izoide jicánemacimo illa fiénide, —daide.

²⁷ Mei afengo jaca nai daide:

—Cai Ocuíraíma, jii uáfueza, mei íadi jicóniai naama güígamona ana baiide íruaina güífirediaíoi, —daide.

²⁸ Mei jira Jesús aféngona daide:

—O ico iere ínotioza. Cuemo o jícaze, daií íteza, —daide.

Daií daina llezica afengo jiza jíllode.

Jesús aillo iráredinuai jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoímo ráizaide. ³⁰ Iemo afémie illánomo aillo comini gairilla. Afe jáidino diga jíáíforie iráredino uitíaiíoi. Aféniemo ídainidino atídíaíoi, íemo uínidinuai, íemo uáinidino, íemo ónoínidinuai, íemo diga jíáie iráredino aféniemo atídíaíoi. Dieze átiano Jesús anamo jóonetiaíoi. Iemona afémie nana afémacina jíllotate. ³¹ Afe afémie fínuari comini caimare fáigacaidiaíoi, mei eróidiaíoi uáinidino úritiaíoi. Iemo ónoínidino ñue jíllodiaíoi. Iemo ídainidino ñue macádiaíoi. Iemo uínidino ñue ciódiaíoi. Iemona Israel nairai Juzíñamuimo ñúefue nitádiaíoi.

Jesús cuatro mil dígade comini ecade

(Mr 8.1-10)

³² Afe llezica Jesús ie llófuegamaci uáiduano daide:

—Bie cominimo dúecaidícue. Ja daruíamani benó cue diga itíaíoi. Iemo íaiíoi güíllena ja íñede. Afémacina íaiíoi jofomo ecáñeno oréacañedícue, io anamo íaiíoi zafénaiza dáíi, —daide.

³³ Iemo ie llófuegamaci íena daidíaiói:

—Mei benomo comini jofue iñédeza, bie aillo comini ecállena ¿ninómona óiticaí? —daidíaiói.

³⁴ Jira Jesús afémacimo jicánote:

—¿Omoimo niga páaniai ite? —daide.

Jira afémaci daidíaiói:

—Siete diga pan ite íemo due chámuna ite, —daidíaiói.

³⁵ Afe mei nana comínina: “Ana omoi ráii,” daide.

³⁶ Daí daina méifomo siete dígade panes naa chamu diga llínnota, Juzíñamuina “Iere figura” daide. Afe mei ditada, ie llófuegamacimo ite, afémaci nana comínido fecállena. ³⁷ Afena nana güitíaiói. Iaiói güilla mei nana ñue jeirediaíoi. Afe mei íaiói güiga állana siete diga cirigai oruítatiaíoi. ³⁸ Afe güitino cuatro mil dígadimaci. Afe baimo ringóniai naa úruiaíri fácadoñega. ³⁹ Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

16

Fariséuai naa saducéuai diga ciórainina raa finóllena jicádiaíoi
(Mr 8.11-13; Lc 12.54-56)

¹ Fariséuai naa saducéuai diga Jesumo eróizaidiaíoi. Iemo afémie fiéni facátallena monámona comuide ciórainina raana finótaacadiaíoi.

² Mei íadi afe llezica afémie jiáífodo uai ote:

—Nauíacana llezica mona jáirenia uire jiti ñue mónaite daífirediomoi. ³ Iemo jítiramo dibénemo mona jáire nairíadi, bie mona fiénite, daífirediomoi. ¡Comeci íairena mei, jino abi diné ñue cíoidinodiomoi! Uire jítiramo ñue mona monaille llote raana ñue onódiomoi. Mei íadi birui omoi cigimo cue finoca onótatífuiaina onóñediomoi. ⁴ Biruido ite iinoñede fiénidino ciórainina raana finóllena jicáfirediaíoi. Mei íadi naui Juzíñamui uai llóraíma Jonásmo zúidífue íaiói onótatífue. Afefue baimo jiáífueña llóñeilliaíoi, —daide.

Daí daina mei, afémacina fáicanocaillano Jesús oni jiáinomo jaide.

Fariséuai taino llófirenafue levadura daina pan aillo fáitate
raa izoide
(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uiñédiaíoi. ⁶ Afe mei Jesús íaióina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuiri, —daide.

⁷ Mei jira llófuegamaci daní conímana daidíaiói:

—Nibai pan cai atíñena jira afémie daí daide, —daidíaiói.

8 Jesús áfena comécido onóillano daide:

—¿Nibái mei páanidicái daidíomoi? ¡Omoi ico nai figo ñnoñediomoi! 9 ¿Nai cinco páaniai ditada cinco mil comini cue écamo jaca úbicaiñediomoi? ¿Nai áfena ñue onóñediomoi? Aféruido fiébidinona ¿niga cirigai oruítatiomoi? 10 Iemo daje izói siete dígade páaniai cuatro mil comínimo cue feca mei ¿niga cirigai fiébidinona iráidíomoi? ¿Afemo jiái daje izói úbicaiñediomoi? 11 ¿Minícamo jizídíomoi levadúrado cue úrillana nai onóñena? Nai fariséuai, naa saducéuaimo ite levadúramona abí omoi rairuiri cue daína uaina jamai paando úriñedicue; jiáifue llotícue.

12 Afemona ie llófuegamaci ie dáinana ñue onódiaioi. Pan aillo fáitate levadúramona abi rairuúllana lloñédeza. Mei jiáifodo fariséuai naa saducéuai jino lloga taino llófuiaimona abi rairuíredeza.

*Pedro Jesús Crístona jino jaícina lloti
(Mr 8.27-30; Lc 9.18-21)*

13 Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide ñima Jitódicueza. Afe dibénena ¿ñie izói comini daidíaioi? —daide.

14 Jira afémaci daidíaioi:

—Dáamierie “Bie Juan Bautista” daidíaioi, jiáimaci “Bie Elías” daidíaioi, íemo nai jiáimaci “Nibai Jeremías, nibai jiáie Juzíñamui uai llóraíma,” —daidíaioi.

15 Mei jira Jesús daide:

—Omoi ¿mei ñie izói cuena daidíomoi? —daide.

16 Jira Simón Pedro uai ote:

—Juzíñamui nizeca Cristo daínámiedio. Daje izói caade Juzíñamui Jitódio, —daide.

17 Jira Jesús afémie uai ote:

—Jonás jitó Simón, o iere ióbidio. Mei ailli o daína uai cómemona omo llóñegaza. Mei jiáifodo monamo ite cue Moo Juzíñamui omo lloga. 18 Ona Pédrodio dáitícue. Mei jae cuena o daína uai rírede oni dotánide nofici izóideza. Iemona afe bie rírede nofici izoide uáitanide dáinamo cuemo ñnotinona comuítaitícue. Iemona titáfiredo ríino cuemo ñnotinona anáfenofite. 19 Iemo jiái monamo ite Juzíñamui illáimana illano naze zuitáfiredo llave izoide raa omo íitícue. Iemona bíniemo o rairuícafueña, daje izói monamo ráiruiteza. Afe izói bíniemo o ráiruíñegafueña monamo ráiruíñelle, —dinori Jesús daide.

20 Afe mei Jesús ie llófuegamacina Crístona ie íllana bumo jino llotáñede.

*Jesús ie tãille llote**(Mr 8.31–9.1; Lc 9.22-27)*

²¹ Aféruimona Jesús Jerusalemo ie jáizaillena ie llófuegamacimo jino uáfodo llote. Iaiõina daide: “Jerusalemo cue dúciille mei ocuífiredede éicomini, naa lletáriraini illáiniri, íemo jiái ocuica uai llófuefiredinori nana iere cuena duere finoitiaioi. Omoimo llotícueza cuena títaitiaioi, mei íadi daruíamani íllemona meine abido cáadimiena íitícue,” daide.

²² Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izói gáíñede. ¡Aféfuiai jaca omo zúíñeiteza! —daide.

²³ Mei jira Jesús oni gírecaillano afémiena daide:

—Satanás úcaigaoza. Cúemona oni jai; cue llótaidotioza. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

²⁴ Afe jira Jesús ie llófuegamacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena, afémie áfena izire ónide. ²⁵ Mei ninó dáamie ie cáananona rairuácadimie áfena táinomo fáifitaite. Mei jiáífodo cue ícoinia ie cáananona táinomo fáifitimie afe fáifidena abido máíñoite, jaca ninomo zúíñona ie íllena. ²⁶ Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maiñoca ráaniai afémiena jíllotañeite. Mei daa come ie comécina ¿nieze íbárede?

²⁷ Mei uáfueza, Nanoide fima Jitódicueza. Cue Moomo ite ebíredinuiyai naa ie abi imáciri uire bíitícue. Iemona illa dígamie íaioi finócaza fécaitícue. ²⁸ Uáfueña ómoína dáitícue, benó cue díga itínomona dáarie nai tííñeitiaioimo illáimana cue bíllana cíoitiaioi, —daide.

17*Jesús abi jiáífo méidoficaide**(Mr 9.2-13; Lc 9.28-36)*

¹ Seis dígarui jailla mei, Jesús Pedro, Santiago, Juan díga uite. Dígamie daní eneno iere caifónedumo uite. ² Afénomo íaioi eróicana ie abi jiáífo méidoficaide. Ie uíéco jitoma izói queníreficaide. Daje llezica ie inícuiro jamánomo úzereficaide. Luz egáíñua izói úzere. ³ Afe llezica, Moisés, Elías, Jesús díga úrillana cíodíaiõi. ⁴ Jira Pedro Jesuna daide:

—Cai Ocuíraima, nii cai benó caimare cai illa. O jitáiaidi daámani jofóchupi benó cai nilli; daa óochupi, jiáie Moisés ie, íemo jiáie Elías ichupi, —daíí daide.

⁵ Daií Pedro úrioina llezica, iere quenírede mona ero uíllie, íaioi ferínocai. Afe uílliemona da uai cácaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

⁶ Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi. ⁷ Afe méifomo Jesús íaioina jetánota daide:

—Jacíruiño caifo omoi náidacai, —daide.

⁸ Afemona érocáidiaioimo, ja buna cióñena. Dama Jesús ciódiaioi.

⁹ Afe íduaimona fei íaioi billa llezica, Jesús afémaci ocuide:

—Bie omoi ciona rafue bumo lloñoeno iri. Nanoide íima Jitódicueza, tíllamona nai meine abido cue cáañeille dinó lloñoeno omoi iri, —daide.

¹⁰ Iemona ie llófuegamaci Jesumo jicánotiaioi:

—¿Nibái mei ocuilla uai llófueraini Elías raire uícodo bírena, daífirediaioi? —jicánotiaioi.

¹¹ Jira Jesús uai ote:

—Uáfueña Elías fueñe bille. Billano naga ráaniaina ñue fínoite. ¹² Mei íadi: “Elías ja bite” ómoína daidicue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide íima Jitódicueza, afe izói cuena duere zefuítaitiaioi, —daide.

¹³ Iemona ie llófuegamaci, Jesús Juan Bautístado íaioimo úrite, comécido daidíaioi.

*Jesús fiénide joríaí uícaiga jítócomena jíllotate
(Mr 9.14-29; Lc 9.37-43)*

¹⁴ Idumona ana comini illánomo bitíaioimo, dámie Jesús anamo dújuzaibite. Dújuzaibillano daide:

¹⁵ —Cai Ocuíraima, mai cue jitomo dúecai. Fiénide joríaí íena naíllitafirede. Aferi afémie iere duere zefuide. Afémie diga ícaíño iraimo baífiredede; jáíruido illemo baífiredede.

¹⁶ Benomo o llófuegamacimo cue atica, mei íadi afémaci afémiena jíllotanidiaioi, —daide.

¹⁷ Jira Jesús uai ote:

—¡Aíí! ¡Ñíena jamánomo ínofinidiomoi! Ñúfueña jámairuitiomoi. Omoi ñue cue rairuíllena, ¿ñie dinó omoi cígimo íredicue? Afe jítócome cuemo ati, —daide.

¹⁸ Atia mei, Jesús afémiemo ite fiénide joríaí izire rairuide. Rairuíllano jino orede. Afe daií daína llezica, afe jítócome jíllobicaide.

¹⁹ Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide joríaí orénidicai? —daidíaioi.

²⁰ Jira Jesús íaioina daide:

—Omoi nai figo íñoñediomoiza, afe fiénide joríaí nai jino orénidiomoiza. Uáfueña ómoína dáitícue, ua due omoi íñoiadi iere juáredifueña finórediomoi. Omoi ínogafue mostaza íjî jamánomo dúena izoide íadi, áfedo iere juáredifueña fínoitiomoi. Bie áillue caifóneduna “Oni jai” o daiíadi, afedu oni jíánomo jáite. Uáfueña omoi íñoiadi, jánaideza finónide raa ómoimo íñeite. ²¹ Mei íadi bie izoide fiénide joríaí dama cai güíllena güíñeno fímaírrillado íemo jíái Juzíñamuimo cai úrillado jino orérede.

Jesús nane ie tílle dáanomo jino llote

(Mr 9.30-32; Lc 9.43-45)

²² Galilea éniédo íaioi macácailla llezica, Jesús ie llófuegamacimo ie tíllifueña íaioimo llote; daide:

—Nanoide fíma Jítódicueza, nairai duere finóllena uillicue.

²³ Afe mei cuena títaítiaioi. Mei íadi daruíámani íllamona meine abído cáadimíena íitícue, —daide. Aféueña cacáillano iere zúucaidiaioi.

Juzíñamuimo gairíracomo dúide úcube Jesús íbade

²⁴ Jesús naa ie llófuegamaciri Capernaum jófueño dúcidiaioi. Dúcina llezica, Juzíñamuimo gairíracomo dúide úcube jíacáfiredino Pédroño jícánuaidiaioi:

—¿Omoi llófueraima afe raiñoca úcubena íbaiñete? — jícánotiaioi.

²⁵ Jira Pedro:

—Jíí, íbaite, —daide. Afe mei Pedro jofo jailla llezica, Jesús fueñe Pédróna daide:

—Simón, ¿ómona nñe izói cíoide? Bíníe íllaini ¿nñe comínimo úcube jícáfirediaioi? ¿Meita dani ie comínimo? ¿Mei jíáífodo jícánemacimo? ¿Nñe comínimo? —daide.

²⁶ Jira Pedro:

—Jícánemacimo, —daide.

Íemo Jesús íena daide:

—Íe jira dani ie comíni íbánidiaioi. Íemona afe ailli omo íaioi jíaca raiñoca úcube íbánidícue, ¿ero ua? Jíí, íbánidícue. ²⁷ Mei íadi bu cai ícíñeíllena, áfena íbaitícue. Íe jira jóraimo jaillano fácuai. Fueñe riáíbite chamu o oírî. Otá íe fue eromo daa úcubetuni báitioza. Afe úcubetuni cócomo jíaca úcube záítaiteza. Afétuni uano afémacimo o íbarî, —daide.

18

¿Nñe come iere jamánomoina?

(Mr 9.33-37; Lc 9.46-48)

¹ Aféruído ie llófuegamaci dáanomo gairíllano Jesumo jicánotiai*oi*:

—Monamo ite Juziñamui illáimana illáruimo ¿niie come iere jamánomoina? —dai*díaioi*.

² Afemona Jesús daa jíiza uáiduano íai*oi* cígiri naidánete.

³ Daií ñiano daide:

—Uáfuenta ómoina daidícue, omoi illafue jamai comécina mánairrede úrue illa izói méidoredi*omoi*. Afe izói omoi íñenia jaca monamo ite Juziñamui illáimana illánomo jofo jáiñeiti*omoi*. ⁴ Mei íadi bie úrue izoide dama ie abi jacire maméñedimie monamo ite Juziñamui illáimana illáruimo jamánomoidimie. Iemo daje izói bie nífuenide úrue illáfuenta dama ie illáfuenta méidotimie, afémie jamánomoina. ⁵ Daa come cue mámeçido bie izoide dúeza llínoia*di* afémie ja dáaruido cuena llínote.

Fiénidifuemo come baiílla iere jacírede
(Mr 9.42-48; Lc 17.1-2)

⁶ Niie come daa bie izoide cuemo íinote dúeza fiénidifuemo baiítai*di*, afémie jamánomo duere finórede. Monáillaji iere afóredinomo ie cimoi*mo* áillue nofici cuinada dotalle baimo ñuera. ⁷ Jiáie comínina fieni finótaoicaidino jñii dúerena! Oni nibéfodo fiénidifuemo baiítifui*ai* jaca ífirede; mei íadi afémie afémaci fiénidifuemo baiíta ícoi*nia* afémie jñii dúerena!

⁸ Iemona, o finócafuedo oni nibéfodo fiénidifuemo o baiíadi, dama o onoi jáitaja izói, afefue finuana fáicanocairi. Daje izói ninó o jáillado fiénidifuemo o baiíadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o íllana ziiñona illínomo o jáiadi iere ñuera, mei íadi nágafezi diga, comini duere finólliraimo o baiíadi iere figóñede. ⁹ Daje izói minícamo o eróillamona fiénidifuemo o baiíadi, dama o uíj*i* cuerónota oni jica dota izói, áfeniaimo eróillana fáicanocairi. Mei júbene uina fíidimie ziiñona illínomo o jáiadi jamánomo ñuera. Mei íadi mena ui diga comini duere finólliraimo o dotábiadi iere figóñede.

Oveja oni féiraila izoide rafue
(Lc 15.3-7)

¹⁰ Bie úruiaimona daaza jamairuiñeno omoi iri. Mei ómoina daidícueza, afémacimo uíñote Juziñamui abi imaci, monamo ite cue Moo uíe*como* jaca ífiredia*oi*za. ¹¹ Mei Nanoide fima Jitódícueza, oni nibéfodo féiraitino jíllota*biticue*.

¹² Omoi*mona* ¿niie izói comeci facádi*omoi*? Daa cómemo cien diga ovéj*ai*ia, íemo afémacimona daa oveja féiraiadi, afémie afe noventa y nueve diga ovéj*ai*ia ie cirínoracomo

fiénocaité, afe féiraite oveja júnuaillena. ¹³ Afe féiraite oveja bailla llezica, áferi afémie jamánomo ióbide. Ua nana jíáie noventa y nueve diga féiraiñede ovéjaiai baimo, afe baiga féiraitimieri jamánomo ióbide. ¹⁴ Afe izói monamo ite Moo Juzíñamui bie dúezaiaimona jaca daa féiraitacañede.

Cai ámatiaimona dámie omo fieni íadi, afémiena caimare uáidorediomoi

(Lc 17.3)

¹⁵ O ama omo fieni úriadi, uái daí jaillano dama afémiemo úrizairi; afémie fieni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶ Mei íadi afémie áfena náfueñeniadi o uai nábaitena mena come járiri. Afe mei afémiemo úrizairi, mei afémiemo nana nitácafuiái mena come níbai daámani come uai nabáifirenado záitarede. ¹⁷ Mei íadi afémie afémacimo cácareacañenia, Juzíñamuina ñnote aillo dáanomo gairídinomo lloiri. Iemo afémie afémacina nai náfueñenia mai afémie Juzíñamuimo ñnoñedimiena omoi mameri. Daje izói gobierno raiñoca úcube íáirede jicáfiredinona omoi jámairuia izói afémiena omoi jámairuigamiena mameri.

¹⁸ Uáfueña ómoína dáitucue, bíniemo nana omoi féitañega jíáimaci fiénidifuiái, daje izói monamo féitañega. Iemo jíáifodo bíniemo omoi féitaga jíáimaci fiénidifuiái, afe izói monamo féitaga.

¹⁹ Nane dáanomo ómoína dáitucue, ómoimona ménamie bie éniemo dájena mamedá Juzíñamuimo jicáadi, monamo ite cue Moo ómicoi jica izói fínoiteza. ²⁰ Mei mena come, níbai daámani come cue mámedado dáanomo gairíadi, afénomo afémaci cígimo itucue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fieni ítena ¿nígacaiño caimare íena uáidoredicue? ¿Meita siete dígacaiño caimare íena uáidoredicue? —daide. ²² Jira Jesús uai ote:

—Siete dígacaiño daíñedicue. Mei jíáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede tájitatíferegamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui bíniemo ite illaíma finócafue izoide. Aféllaíma nana ie tájitatíferegano íemo ibáacaga raana záitaiacade. ²⁴ Afe záitalle táinia mei daa tájitatíferegamie illáímamo atídiaoí. Afémiemo jamánomo aillo iballe ite. ²⁵ Mei íadi afémie úcubenide. Ie jira ie ocuídímie daide: “Mai bímie, ie ai naa ie úruiaí riire ocuífirellinona feca,

cuemo dúide ie ibárega raa záitalleza,” —daide. ²⁶ Iemona afe táijitafiregamie ie ocuífiredimie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaiticue,” daide. ²⁷ Iemo afe ocuídímie afémiemo dúecaide. Dúecaillano afémie íbárega raa íbátañede. Afe llezica ja afémiena rairuñeno macátate. ²⁸ Mei íadi afe táijitafiregamie oni jailla llezica, jíaie afémie izói táijitafiregamie baizájide. Afe táijitafiregamie mo fueñeidimie mo íbállena due ite. Ie jira ie cimoi llínota íena títaite izói finode. Afe llezica daide: “Mai cuemo íbárega raa íba,” daide. ²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaiticue,” daide. ³⁰ Mei íadi afémie áfena ná fueño llavéracomo íena llavétate, ie íbárega íbañelle dino. ³¹ Jíaie táijitagano áfena cíoillano, iere zúucaidiaioi. Iemona nana afe llezica íficaillafuena íaioi ocuídímie mo llúajidiaioi. ³² Iemona ocuídímie nanóidimiena jíritade. Jírillano íena daide: “Iere fieni táijitafiregamie mo. Mei izire cuemo jicádioza, nana cuemo o íbárega raana dinó fáicanocaidicue. ³³ Omo cue dúecailla izói, daje izói o nabaimo dúecairedio,” daide. ³⁴ Afe jira afe ocuídímie iere rícaide. Rícaillano ie nabaimo dúecaíñedimiena ríre duere finótate, nana ie íbárega íbañelle dino.

³⁵ Bie izói dáinado Jesús ie úrillana záitate. Daide:

—Illa dígamie comécido ñue ie ámana uáidoñenia monamo ite cue Moo afe izói ómoína duere fínoite, —daide.

19

Iima ie ai dótajado Jesús lletade

(Mr 10.1-12)

¹ Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Díga comini Jesudo jailla, íemo afénomo aillo iráredinuiaína jíllotate.

³ Afe mei fariséuaimona dámierie Jesús zanóllena facátaíbitiaioi. Afémiemo jicánotiaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidíaioi.

⁴ Jira Jesús uai ote:

—¿Jaiai Juzíñamui Cuegáuaina facádoñediomoi? Afénicomo bie izói lloste. Fueño comini comuítatímie ringo iima díga finode. ⁵ Nane dánomo daide: “Bie izóidemona dáamie ie moo ie ei díga fáicanocaite, afe ie ai díga dájena íaillinoi íllena. Iemona afe íaillinoi daade come izói íite.” ⁶ Afemona

ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cugábena írena. Afébena aféngomo íllano, afémie aféngona dotárede, —daide.

⁸ Jira Jesús íaioina daide:

—Mei afe omoi comeci íinoacañenamona Moisés omoi ai dotállena rairuíñede. Mei íadi nanómona daíí mámeñega. ⁹ Cue ómoina dáititue, daa come ai jiruíreiñeniadi dotáadi, jíaie ringo óiadi afémie fiénide jiruifue finode. Daje izói oni dotácango otímie jiruifue finode, —daide.

¹⁰ Iemona ie llófuegamaci íena daidíaiioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaiioi.

¹¹ Jira Jesús íaioina daide:

—Nana comini bífuenta ónonidiaioi. Dama Juzíñamui onótallino bífuenta ónoite. ¹² Íñiaimona dáamierie áina ónidiaioi. Dáarie fieni jocóinamona áina ónidiaioi. Jíaimíai comínimona finócari áina ónidiaioi. Iemo jíaimíai Juzíñamui illáimana uai llócaillena jaca áina oñédiaioi. Bie uai jeire óredimie jeire óiteza, —dinori Jesús úrite.

Jesús úruiai ñue íllena finode

(Mr 10.13-16; Lc 18.15-17)

¹³ Afe mei úruiai Jesumo atídiaioi, ie onoi afézaimo bítano afémie Juzíñamui afémacido úrillena. Mei íadi ie llófuegamaci úruiai atídino rairuide. ¹⁴ Mei jíáifodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bítano íaioina ézicite. Eziciano oni jíáigobemo jaide.

Ráarede jitócome Jesús diga úrilla

(Mr 10.17-31; Lc 18.18-30)

¹⁶ Iemo jíáiruido daa jitócome Jesumo úrizaibite. Dúciillano íemo jicánote:

—Ñuera llófueraima, zíñona cue illino cue maiñóllena ¿nie ñúefue fínoiticue? —daide.

¹⁷ Jesús íena daide:

—¿Nibái mei cuena ñúemiedio daidio? Dama Juzíñamui ñuena. Abi diné jíaie ñúemiena íñede. Mei jíáifodo zíñona illínomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreiñeno iri. Meríriñeno iri. Jiáie cómemo taino lloñeno iri. ¹⁹ O moo o ei diga caimare jacíruiri. O abina o izíruilla izóí, o jiáie cómena o izíruiri, —daide.

²⁰ Jira afe jitócome íena daide:

—Nana bífuiaína jízananomona jeire oticue. ¿Afe baimo nifue nai cuemo fiébilla? —daide.

²¹ Jira Jesús íena daide:

—Nífuenino comécina jaícina jóidimie o íacania, mai jaillano omo ite ráaniai o fecari. Fécano afe iba úcube dúeredinodo fecari. Afemona monamo ite ziiñona ráifide raa óiena íiteza. Afe nana o fecalle mei, mai cuedo bi, —daide.

²² Mei íadi afe jitócome Jesús daí dáiñana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfuenta ómoina dáititue, iere aillo ráaredimie mei íadi ie ráaniaína cue baimo afémie izíruiaí, iere féirede Juzíñamui illáimana illíruimo jáillena. ²⁴ Nane dánomo dáititue, caméllona mameide áillue rille eedo uífodo enéfemo jailla juánide, mei jíáfodo aillo ráaredimie Juzíñamui illáimana illíruimo jaille iere Juárezde, mei ie ráaniai cue baimo afémie izíruiteza, —daide.

²⁵ Ie llófuegamaci áfena cacáillano iere fáigacaidiaíoi. Iemo dani jofo conímaiaímo jicánotiaíoi:

—Iemona ¿níimie jíllorede? —daídíaíoi.

²⁶ Jesús íaíoiimo eróicana daide:

—Comínimona bie izóidifue finónide, mei íadi Juzíñamuiomona nana finórede.

²⁷ Iemona Pedro íena daide:

—Cai Ocuíraíma, caimo ite raana nana fiénocaillano odo ja jáidicai. Iemona mei ¿mínica máíñoiticaí? —daide.

²⁸ Jesús íaíoiina daide:

—Uáfuenta dáititue, uire jíáíruido naga ráfuiái cómofuiaína jáite. Aféruimo Nanoide Ima Jitódicueza ebírede illaíma ráíiranomo ráititue. Afe llezica omoi cue diga jáicana jira, doce dígade illaíma ráíiranomo ráitíomoi. Afenamona doce dígade Israel náiraíai ñue jaícina jicánoitíomoi. ²⁹ Iemo cue ícoínia naga jofona fiénocaidimie, daje izóí ámatiaí naa ie móotiaíri fiénocaidimie, daje izóí naa úruiaíri fiénocaidimie, íemo jíai ie illano zóofenocaidimie, afémaci cien dígacaiño íbálliaíoi. Daje llezica afémaci ziiñona illíñona máíñoitiaíoi. ³⁰ Mei íadi birui aillo uícoficaidino aféruimo óodaficaite. Daje izóí birui aillo óodaficaidino uícoficaitiaíoi.

20

Jiricoremo oreca táijiraini izoide rafue

¹ Monamo ite Juzíñamui illáimana illirui jiricore naama finoca izoide. Afémie jítiramo raire ie táijiramaci júnuaide, ie jiricue óllena. ² Afémie ie táijiramaci ibállena afémacimo jaícina llote: “Daarui táijina iba dieze úcube illa dígamie mo íbaiticue,” daide. Daií dainano ie jacáfaimo táijillena orede. ³ Afe mei jítoma nuévemo ítemo oni gairíranomo jíáie táijitino júnuaide. Afe gairíranomo dáarie táijíñeno itino baite. ⁴ Iaioina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dínomo táijizaidiaioi. ⁵ Afe jacafai naama jítoma jaíciri ítemo meine nane jíáie táijitino júnuaide. Daje izói nane nauife dibénemo júnuaide. ⁶ Iemo nane ja nauízaidemo ocuídime gairíranomo jíáie táijitino júnuaide. Dínomo jíáie táijíñedino baizájide. Iaioina daide: “¿Nibái mei omoi nágarui táijíñeno benó ífirediomoi?” daide. ⁷ Jira afémaci íena daidíaioi: “Mei bu caina táijitañede,” daidíaioi. Iemona afémie íaioina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide. ⁸ Ja nauídemo, jacafai naama táijitagano úiñotimiena daide: “Mai táijidino dáanomo uáiduano iba. Iirainomo jáidino fueñe ibari, íemo nano fueñe jáidino méifodo ibari,” daide. ⁹ Iemona nauízaiacademo jáidino dúcidiaioi. Afémacimona illa dígamie ñue íaioi táijina iba llínotiaioi. Daa denario daina úcube illa dígamie llínotiaioi. ¹⁰ Afe mei nano fueñe táijizaidino ducina llezica, “Jíáimaci baímo aillo úcubena llínoíticai,” daií comécido facádiaioi. Mei íadi nana illa dígamie dájerize daarui táijina iba dieze úcube llínotiaioi. ¹¹ Ucube llínua llezica, ocuídime mo rícaidiaioi. ¹² Iena daidíaioi: “Bie írainomo dúcidino daa hora táijidiaioi. Mei íadi daa cai o íbaze íaioina íbáido. Cai náamonaze uzíredemo táijidicai,” daidíaioi. ¹³ Mei íadi afe ocuídime íaioina daide: “Omoi cacai. Omoimo fieni íñédicue. Fueñe cai úrilla llezica ¿ómoimo dáaruina táijina iba dieze úcube íbaiticue daíñédicue? Jii, daidicue. ¿Afe llezica áfena jíeruiñediomoi? Uáfueza, jíeruitiomoi. ¹⁴ O táijina iba llínota, mai jai. Bie írainomo dúcidinona daa o cue íbaze íbáacadicue. ¹⁵ ¿Meita cue úcube cue dotáacana dieze dotánidicue? ¿Meita jíámie cue dúecaillano aillo cue fécarí úradoidio?” dínorí ocuídime úrite. ¹⁶ Afe izói fueñeidino óodaficaitiaioi, íemo jíái óodaidino úicoficaitiaioi. Mei uafue, jírigano aillo ite, mei íadi nizécano dúemaci, —dínorí Jesús daide.

Jesús nane dáanomo ie tãlle llote

(Mr 10.32-34; Lc 18.31-34)

17 Jerusalén iodo Jesús jailla llezica, doce dígade ie llófuegamaci bai eneno uillano daide:

18 —Birui omoi ciona izói Jerusalemo jáidicai. Daje izói Nanoide fima Jitódicueza onódiomoi. Afénomo lletáriraini illaíma, naa ocuica uai llófueraini cue titállena mámeitiaíoi. 19 Mámiano onínemacimo cuena fécaitiaíoi, cue íaíoi jifánodoillena. Daje izói ráziaido cuena fáitiaíoi. Afe mei cuena cruzmo córaítaíoi. Mei íadi daruíamáni illemona meine abido cáadimiena jáitícue, —daide.

Santiago Juan diga íaillinoi ei Jesús diné daa rafue jicánuaibite
(Mr 10.35-45)

20 Afe mei Santiago Juan diga íaillinoi ei Jesuna daiízaibite. “Mai cuemo dúecairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaibitiaíoi. 21 Jira afémie aféngona jicánote:

—¿Minica óiacadio? —daide.

Jira afengo daide:

—Illáimana o illíruimo dúcille llezica, cue jitó íaillinoimona dáamie o nabézimo rainari, íemo jáímie o jarífezimo rainari, —daide.

22 Jira Jesús íaíoína daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuírediomicoi? Cue duere íaíoi finolle izói ¿meita ocuírediomicoi? —daide.

Jira afe íaillinoi: —Jii, —daide.

23 Iemona íaillinoína daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaíoi finua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daiínidicue. Dama cue Moo uícodo mamécamie ráirena, —daide.

24 Jáíe diez dígade ie llófuegamaci afe jicánuana cacáillano, afe íaillinoimo riícaidiaíoi. 25 Iemona Jesús dáanomo nana íaíoi uáiduano daide:

—Onódiomoiza náiraíai illaini íaíoi úiñoganona ocuíofirediaíoi. Iemo íaíoimona iere ocuídillaini afemacimo ite riinodo iere jacire ocuífirediaíoi. 26 Mei íadi omoi cigiri dai íñeite. Mei jáífodo ómoimona jamánomoidimiena íacadimie, omoi anamo tájidimie izói írede. 27 Daje izói ómoimona uícofiacadimie omoi riire ocuícamie izói írede. 28 Afe izói Nanoide fima Jitó omoi cigimo ite. Mei jii, jáímaci cuena canóllena biñédicue, mei jáífodo nana comini cánuaibitícue. Uafue aillo comini íaíoimo ite fiénidifuiái oni dóllena tízaibitícue, —dinori Jesús úrite.

Jesús mena uínidimie jílloate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófueмона jino jailla llezica, diga comini afémiedo jáidiaioi. ³⁰ Jáidiaioimo afe io abimo mena uínidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidiaillinoi:

—Ocuíraima, jaiái illaíma Davidmona comuítagamie mai cócomo dúecai, —daidiaillinoi.

³¹ Jira comini íaillinoína rairuídiaioi. Afe íaillinoína, “Uriñeno, llícai,” daidiaioi. Mei íadi afe íaillinoi llícaíñeno jamánomo caillíoidiaillinoi:

—Ocuíraima, jaiái illaíma Davidmona comuítagamie, mai cócomo dúecai, —daidiaillinoi.

³² Jira Jesús mózide. Mózillano afe íaillinoi jíirillano jicánote:

—¿Nie izói jitáidiomícoi afe izói ómícoi cue finóllena? —daide.

³³ Jira afe íaillinoi uai ote:

—Ocuíraima, cióacadicoco, —daidiaillinoi.

³⁴ Jira Jesús afe íaillinoimo dúecaillano, íaillinoi ui jetade. Jeta llezica ñue ciódiaillinoi. Afe mei Jesúsoiri jáidiaillinoi.

21

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

¹ Ja Jerusalemo áinozidiaioimo, Betfagé duera jófueмо dúcidiaioi. Afe jofue Olivo daína idu áinori ite. Afénomona Jesús ie llófuegamacimona ménamie orede. ² Oriano íaillinoína daide:

—Baie ómícoi uícomo ite duera jófueмо ómícoi jai. Afénomо cuinaca búrrana cíoitíomícoi, naa ie úrue diga. Afe zuitada cuemo atiri. ³ Afénomо comini jíáifodo dáíiadi, “Cai Ocuíraima jitáillano jicácaza; bie búrrana raire abido omo óreite,” daíri, —Jesús daide.

⁴ Bífuiái íficaide jaiái Juzíñamui uai llóraini cuega uai ñue ícoimo fuitállena. Afe uai daide:

⁵ Jerusalena mameide jofue comínina daíri:

“Ero, o illaíma comécina mánaidimie izói billa.

Burra emódomo ráicabite.

Afe méerede raa abífirede burra úrue emódodo bite,” —daide.

⁶ Afe mei ie llófuega íaillinoi jaillano Jesús íaillinoi ocuilla izói finódiaillinoi. ⁷ Afe burra naa ie úrue atíidiaillinoi. Atiano íaioi incuírona afe búrrana jobé diaioi. Afe mei Jesús afe emódomo ráinazaide. ⁸ Afe llezica aillo comini Jesús jáillao incuírona jobé diaioi. Jíáimaci rafóruai jáitajano íemo jobé diaioi. ⁹ Dáarie

Jesús uícodo jáidiaioi; jáímaci óodana jáidiaioi. Nana daje izói riire úritiaioi:

—Jaiái illaíma Davidmona comuítagamiemo ñúefue mai cai daiilli. Juzíñamui mámecido bitímie caimare íteza. Juzíñamuimo ebíredífue cai mamelli, —daidíaioi.

¹⁰ Jesús Jerusalemo jofo jailla llezica afe jofue comíni diga rafue júfidotiaioi. Diga comíni afémie dibénedo jicánotiaioi:

—¿Bie bu? —daiízitiaioi.

¹¹ Jira jáímaci daidíaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraíma, —daidíaioi.

Jesús Juzíñamuimo gairíraco ráfua izói ñue finode

(Mr 11.15-19; Lc 19.45-48; Jn 2.13-22)

¹² Afe mei Jesús Juzíñamuimo gairíracomo jofo jaillano, afeco eromo ite ráaniai fecádino naa ibároidinori jino jiude. Afénomo ite úcube méidofiredino táijinabani Jesús oni cáicoide. Daje izói fúcirillai fecádino íaioi ráiracuai Jesús oni cáicoide.

¹³ Afémaçina daide:

—Juzíñamui Cuegáuai daide: “Cue jofo daa cuemo úrifireracona íte.” Mei íadi bicona merírifiredino jofo izói finódiomoi, —daide.

¹⁴ Afe Juzíñamuimo gairíracomo Jesús illa llezica dáarie uínidimíai, naa ídainidino Jesumo bitíaioi. Afémie afémacina jílloate. ¹⁵ Mei íadi lletáriraini illaini, naa ocuica uai llófuetinori Jesús uaido dánamona comúdena cíoillano ríicaidiaioi. Daje izói afe gairíraco eromo ite úruiai Juzíñamuimo caimátailla uai cacáillano bimaci iere ríicaidiaioi. Mei afe úruiai daidíaioi: “Jaiái illaíma Davidmona comuítagamié iere ebíredeza,” daidíaioiza. ¹⁶ Jira bimaci ríicaillano Jesuna daidíaioi:

—¿Baie úruiai úrillana cacáñedio? —daidíaioi.

Jira Jesús íaioi uai ote:

—Cacádicue. ¿Bie rafue úrilla cúeina uaina facádoñediomoi? Afe jaiái David daína uai Juzíñamuina bie izói daide: Uruiai ebire ñúefuena óiena jae rotátatio, —afe daií Jesús íaioimo llote.

¹⁷ Afe mei ie jicánotinona fáicanocaillano Jesús oni Jerusalémona Betania jófueмо íniaide.

Jesús llizíñede higuera daína amena faidode

(Mr 11.12-14, 20-26)

¹⁸ Afe jítiramo Jesús meine Jerusalemo bítemo iere júfínaite. ¹⁹ Afe io abíri higuera daína aménana ciode. Jesús afénomo áinozide, afena llizilla riéllena. Mei íadi llizíllajíaina iñédeza, daa ie íbiaina ciode. Mei jira Jesús afe higuérana daide:

—Jaca benómona llíziñeitio, —daide.

Daí daina llezica afe higuera dúide. ²⁰ Ie llófuegamaci áfena cíoillano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —daidíaioi.

²¹ Jesús íaioi uai ote:

—Uáfueña ómoina daidicue, ua o ínoiadi daa bie aménamo cue fínua izói finórediomoi, íemo jíai afe baimo aillo finórediomoi. Bie caifóneduna “Caifo áijicaillano oni monáillaimo báizai” o dáiiadi, afe bie caifónedu o uai jeire uano, oni dinomo baízai. ²² Juzíñamuimo omoi úrilla llezica, ua o ínoia nana omoi jicácana ñue llínoitíomoi, —daide.

Illáicomini Jesús ocuífírena ríino jicánotiaioi

(Mr 11.27-33; Lc 20.1-8)

²³ Afe mei Jesús Juzíñamuimo gairíracomo jofo jaide. Jaillano afénomo llófuemarite. Afe llezica lletáriraini illaini naa judúuai eicomíniri Jesumo jicánuaidiaioi:

—¿Níe ríinodo o raana finófiredio? ¿Afe ríino bu mei omo fecaca? —daidíaioi.

²⁴ Jira Jesús íaioi uai ote:

—Cuemo omoi jicánua izói, ómoimo daafue jicánotíicue. Cue jicánolle uai ñue omoi óiadi, bie raa cue fínua ríino ómoimo llóitíicue. ²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

Mei íadi uai oñeno, áfena dani conímamo júfidotiaioi; daidíaioi:

—Juzíñamui ocuica cai daíiadi, Jesús caina dáite: “¿Níbái mei afémiena ínoñediomoi?” ²⁶ Mei jíáfodo, comini ocuica, cai daíiadi, comínina jacíruiticai; mei nana comini “Juan Juzíñamui dibénedo úrifirede” daidíaiouza.

²⁷ Iemona bie izói Jesuna daidíaioi:

—O jicánoga jaca onóñedicaí, —daidíaioi.

Jira Jesús íaiouina daide:

—Daje izói bie raa cue fínua ríino ómoimo llóñeitíicue, —daide.

Mena jító íaillinoi illa izoide rafue

²⁸ Daí daina mei, Jesús íaiouina daide:

—Bíena ¿nie izói daidíomoi? Daa íima mena jítórede. Iaillinoi moo dámienna daide: “Cue jító, mai cue jíricore illánomo táijizairi,” daide. ²⁹ Afe jító uai ote: “Jáiacañedicue.” Mei íadi afe mei ie comeci jíáfodo fácano, afénomo táijizaide. ³⁰ Afe mei afe moo jíaié jítomo úrizaide. Daje izói íena daide. Iemo bie jíáito íena daide: “Jíi, táijizaitíicue.” Mei íadi afémie táijizaiñede.

³¹ Meita bie ménaiillinoimona ¿ñie jító ie moo jítáinana fínua? —daide.

Jira íena daidíaioi:

—Nanóidimie, —daidíai.oi.

Jira Jesús íai.oi na daide:

—Uáfueña dáitice, gobierno jicátafirega úcube llínotino, naa ímamo jiruífírede ringóniari naa jíáie afe izoide fiénidino Juzíñamui illáimana illánomo raire omoi úcodo jáitai.oi. ³² Mei nau Juan Bautista ñue omoi íllena llófuiabite, mei íadi áfena íñoñedi.oi. Mei jíáfodo afe úcube llínoraini naa jiruíredingotiari ie dáinana ínoti.oi. Mei íadi omoi baimaci comeci ífue méiduana cíodi.oi íadi, afémiemo ínollena omoi comeci ítífuiaina méidoñedi.oi, —daide.

Fiénide táijinamaci izoide rafue

(Mr 12.1-12; Lc 20.9-19)

³³ Mai bie jíáie ráfueño omoi cácarei. Jacafai naama jíricojiai éroide úvaiai rillino finode. Fínuano afeno nágafene cirínote. Cirínuano afe úvaiai zaizíllico finode. Afe llezica caifo jica tígicaco nite nana afe rigániaimo ñue rairuíllo.

Afe mei afémie afécaie ie úiñotimacimo fecade, ie biñena dino. Afe dígamona íemo íbádia.oi. Daí fécano afémie jíáie éniemo jaide. ³⁴ Afe mei úvaiai llizille llezica, ie ocuífíregano orede, náamamo dúide dibene jicállena. ³⁵ Mei íadi afe táijidino jacafai naama orécano llaitádia.oi. Lláitano dáamierna rázido fatíai.oi. Jíáimierna titádia.oi, íemo jíáimierna nófierna níjidia.oi. ³⁶ Ie mei jacafai naama nane jíáie ocuífíregano orede. Nano fueñe ória baimo orede. Mei íadi afénoño táijidino daje izói nane nana afémacina fiéni finódia.oi.

³⁷ Iirainomo afe jacafai naama ie jító orede. “Afémierna níbai caimare náfueitia.oi,” daide. ³⁸ Mei íadi naama jító bíllana cíoillano afe táijidino conímana daidíai.oi: “Bímie bie énie uire máíñoitimie. Mai cai falli. Afe mei bie énie daní cáieiteza,” daidíai.oi. ³⁹ Afe mei afe jító llaitádia.oi. Lláitano jacafai baimo uillano íena titádia.oi.

⁴⁰ Mei jira Jesús jicánote:

—Afe jacafai naama billa llezica, afénoño táijidinona ¿ñie izói níbaite? —daide.

⁴¹ Jira íena daidíai.oi:

—Afémie afe táijitatinoño dúecaíñeno íai.oi na títaite. Afe mei jíáie ñue táijidinomo ie énie nano íanori fécaite, mei náamamo dúina dieze llizíllaji raire afémiemo izájífireitia.oi za, —daidíai.oi.

⁴² Jira Jesús daide:

—¿Cue dibénoño Juzíñamui Cuegáuaina jaca facádoñedi.oi? Aféuai bie izói daide: Jofo níraini jámairuillano oni fádoica jíáíllirai ja ñuera jíáíllirai izóidena jaide.

(Bie daiíacade comini jámairuillano ruifíruigamie ja ñuera jica jalleide illáimana jaide.)

Bie cai Moo Juzíñamui finoca.

Afêfue iere caimo ebire cacaide.

⁴³ Mei íadi ómoína dáitícue, Juzíñamui illáimana ómoimona oni bairolle. Afe mei Juzíñamuimo duide dibene ízaifiredinomo ie illáimana fécaite. ⁴⁴ Iemo afe nofici daiinámiemo éicitaitimie niné tibérotaité. Iemo afe nofici jáímiemo baiíadi jízefo izói afémiena fínoite, —daide.

⁴⁵ Lletáriraini illaini naa fariséuairi Jesús afe izoide ráfuiai llúana cacáillano daidíaiói, “Afémie ico caido úrite,” daidíaiói.

⁴⁶ Iemona afe Jesuna llaitáacadiaíói, mei íadi comínina jacíruillano llaitáñediaíói. Mei nana comini, “Jesús Juzíñamui dibénedo úrite,” daidíaióiza.

22

Airena llezica finoca ráfuego mameca uai

¹ Jesús nane dáanomo úrizaide. Afémie jáífuemo mameca uaido úrizaide. Iaióina daide:

² —Monamo ite Juzíñamui illáimana illirui bie izoide. Illaíma ie jitó áirena llezica rafue fínua izoide. ³ Ie

ocuífregano orede, nauí uícodo llogano jírrillena. Mei íadi afe uáidogano bíacañediaíói. ⁴ Ie jira afémie jáíie ocuífregano dáanomo orede. Uáidoganona bie izói daiíri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfuego mai nana omói biri.” ⁵ Mei íadi áfemo iráizillena llogano náfueñediaíói. Afémacimona dáamie ie jacáfaimo jáizaide. Jáíimie ie ráaie oni fécajide. ⁶ Jáíimaci illaíma oreca jírrizaidino llaitádiaíói. Lláitano íaióina duere finoda titádiaíói. ⁷ Jira afe illaíma iere ráicaide. Ráicaillano ie úiñote fuíríraini orede, ie orécano fatino titállena; afe llezica afémaci jofue jobáillena. ⁸ Afe mei nane jáíie ie ocuífreganona daide: “Airenafue nana ñue finoca. Mei íadi fueñe uáidogano fieni itíaióiza bínidiaíói. ⁹ Iemona jofue cígido macáraomo omói jai. Afénomo nana o cíoilimacina iráizizaíbiri o daiíri,” daide. ¹⁰ Iemona afe ocuífregano jino macáraomo jáidiaíói. Jaillano nana íaiói ciónamacina: “Íráizizaíbiri,” daidíaiói. Fíenidino naa ñúemaciri nana dáanomo íaióina gairítate. Afemona iráizillico ja comínina oruide.

¹¹ Afe mei afe illaíma ie jírriganona onóillena jofu jaide. Iaióimo eroilla llezica daa áirena ráfuego jítaífregarói jítaíñedimiena ciode. ¹² Jira íena daide: “O áirena ráfuego jítaífregaroina jítañeno ¿o nie izói jofu bitio?” daide. Mei íadi afémie uai ollíuai íñede. ¹³ Ie jira illaíma güirábanimo

táijidinona daide: “Bímie riire omoi maiíri; maiáno afémie jino jítifomo dotari. Afénomo afémie duere éheiteza, daje izói izírenari murímuriteza,” daií afe illaíma ocuide. ¹⁴ Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

Gobierno ibátaga úcube rafue

(Mr 12.13-17; Lc 20.20-26)

¹⁵ Iemona fariséuai Jesús úrilla uai féitaiacadiaíoi. Féitajano fiénidífue afémiemo jóoneacadiaíoi. Afe izói finóllena dáanomo maméritiaíoi. ¹⁶ Iemona afémacimo jaináidino, daje izói naa Heródesmo jaináidinori Jesuna daiíllena orédiaíoi:

—Llófueraima, onódicaíza ua rafue daiífredio. Daje izói Juzíñamui diné cai jáillio uáfuea llófuefredio. Afe lezica comíni daináuaimo náfuefinidio. Iemo jino cíoidífuiaína comínimo riire jicánoñedio. ¹⁷ Ie jira o comeci dainafue jino caimo lloiri: ¿Romano jamánomoidillaíma ibátaga úcube ibádicainia ñuera? ¿Ñibai fiénide? —daidíaíoi.

¹⁸ Mei íadi Jesús afémaci facátamarillana onode. Jira íaíoiina daide:

—Comeci íáirena mei abina ñue cíoidinodíomoi. ¿Ñibái mei cuena jíitaiacadíomoi? ¹⁹ Afe ibátafirega úcubetuni cuemo ácata, —daide.

Iemona daa denario daina úcubetuni atídíaíoi. ²⁰ Afena cíoiillano Jesús íaíoiimo jicánote:

—Afétunimo ¿bu uíeco jana illa? Iemo afétunimo ¿nie come mámece cúeina? —daide.

²¹ Ie uai otíaíoi:

—Romano jamánomoidillaíma mámece illa, —daidíaíoi.

Jira Jesús íaíoiina daide:

—Jamánomoidillaímamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

²² Afena afémaci cacáillano iere fáigacaidiaíoi. Iena zóofiano oni jáidiaíoi.

Tiide comíni meine abido cáaillena jicánotiaíoi

(Mr 12.18-27; Lc 20.27-40)

²³ Aféruido saducéuaimona dáarie Jesumo úrizaidiaíoi. Saducéuai: “Tíidino meine abido cáaiñeite,” daiífrediaíoi. Afe daií Jesumo jicánuaibitiaíoi:

²⁴ —Llófueraima, Moisés caimo cuetá fiécabemo daide: “Daa come tíia, afémie ama ie fecíngona órede, afémie úruiaí ie tiide ama méifomo comuíllena.” ²⁵ Mei nauí cai cígimo siete diga ámaredimíaiina ite. Nanóidimie áireillano nai úruenidemo tiide. Tíillano ie méifoide ama afe fecíngo ote. ²⁶ Iemo daje izói afémieri íficaide. Afe mei nane jíáimie daango ote. Afémiemo daje izói íficaide. Daií fiéibiñeno nana fuitíaíoi. ²⁷ Afémaci nana

tilla méifomo afengo nane tíide. ²⁸ Iemona tíidino meine abido cáailliruimo, mei siete dígamie daango óteza, ¿afengo nie iima aina mámeite? —daídíaiói.

²⁹ Jira Jesús íaiói uai ote:

—Juzíñamui Cuegáuai naa afémiemo ite ríinori omoi onóñenamona fienu úritiomoí. ³⁰ Tíidino meine abido cáaillano áinitiaíoi. Daje izói jíainomo íaiói jízaníai iníreitañeitiaíoi. Mei jíáifodo monamo ite Juzíñamui abí imaci ízoitiaíoi. ³¹ Mei íadi tíidino meine abido caana díbenedo ¿afe Juzíñamui ómoímo Cuegáuaina facádoñediomoí? Afémie bie izói daide: ³² “Dáaruido Abraham Juzíñamuidícue, naa Isaac, Jacob díga,” mei afémaci Juzíñamui illánomo cáadiaíoi. Mei uáfueza, Juzíñamui tíidino íeñede mei jíáifodo cáadino ie, —daide.

³³ Daí Jesús dánana cacáillano comíni ie llófuemarillari fáigacaidiaíoi.

Iere jamánomo ñnorega caímo ocuina uai
(Mr 12.28-34)

³⁴ Fariséuai Jesús saducéuai llícaítajana cacáillano, dánomo gairídíaiói. ³⁵ Afémacimona daa ocuica uai llófueraíma Jesús facátaiacade. Jira íemo jícánote:

³⁶ —Llófueraíma, nana ocuica uáillaímona ¿níuaina jamánomoina? —daide.

³⁷ Jira Jesús daide:

—“O Juzíñamui nana o comécido izírui, naa o joréñori, íemo o ífoci úrillado.” ³⁸ Aquíe uai nana ocuica uáillaímona jamánomoina. Afe uai raíre uícodo ñnorede. ³⁹ Afe méifoide uai daje izoide. Aféuai daide: “Dama o abína o izírui ízói, afe izói o jíáie cómena izírui.” ⁴⁰ Bie ménade ocuilla uai nana Moisés ocuilla uallaí jillaci. Daje izói Juzíñamui uai jíno llóraíni llócaiga uai bíemona comuide, —daide.

¿Mei bu jíto Cristo?
(Mr 12.35-37; Lc 20.41-44)

⁴¹ Afe fariséuai naí dánomo itíaióimo, ⁴² Jesús íaióimo jícánote:

—¿Crístomo nie izói comécido daídíomoi? Afémie nano ie comútatímie ¿mei bu? —daide.

Jira íena daídíaiói:

—Afémie Davidmona comútagamie, —daídíaiói.

⁴³ Iemona Jesús íaióina daide:

—Mei ¿nie izói David, Juzíñamui Ñuera Joreño llúado afémie jítona “Cue Ocuíraíma” daírede? David daí daína uai cúeina:

⁴⁴ Monamo ite caí Moo Juzíñamui cue Ocuíraímana daide:

“Bené cue nabézimo o ráíiri, o éoigamaci cue anáfenolle díno.”

45 Mei David afémiena “Cue Ocuíraima” dáiiadi, ¿nie izói Cristo Davidmona comuídímiena maméirede? —daide.

46 Daií daina uai buna ónide. Iemo aféruimona jiáie facátalle jicánua uai maméñediaioi.

23

Jesús fariséuaimo naa ocuica uai llófuetinori íaioi fiénidifue llothe

(Mr 12.38-40; Lc 11.37-54; 20.45-47)

1 Afe jira Jesús nana comínina naa ie llófuegamaciri daide:

2 —Ocuica uai llófuefiredino naa fariséuairi Moisés ocuica uai jino llóllena mamécaiaioi. 3 Afemona afémaci llógana jeire omoi oíri. Daje izói nana afémaci ómoína dainana náfuerei.

Mei íadi afémaci illa izói iñeno iri. Mei comínimo íaioi úrilla izói iñediaioiza. 4 Afémaci comínina iere riire ocuide. Afe íaioi ocuica uaina comini finónide. Mei íadi dani afémaci afe ocuica uaina due jiza jetáacañediaioi. 5 Núemaci daiíllena nana íaioi finócafuiai comini eróicana taino finófirediaioi. Daje

izói núemaci daiíllena Juzíñamui uai cúeina ozócimo jítajana gáidiaioi. Afe izói afe uai jiámaci ie ónoimo maitá úcaillena gáidiaioi. Iemo jiái íaioi jítáfirega áronoi fuemo ite ebire cíoillena jiámaci baimo finórifirediaioi. 6 Iemo ráfueimo íaioi güizájiadi afémaci ñuera ráiillinuai jenófirediaioi. Daje izói Juzíñamui uai llorácomo íaioi jáiadi illaini ráiiranuai jenódiaioi.

7 Afe izói jino jofue cígimo ite macáraodo íaioi jáiadi, comini caimare íaioi uáiduana gáidiaioi. Daje izói “Cai Llófueraimadio” dainana gáidiaioi.

8 Mei íadi “Cai Llófueraimadio” daií daiítañeno iri. Mei nana omoi ámatiai; iemo jiái omoi Llófueraima jaca daade; afémie Cristo. 9 Afe izói bie éniemo buna cue Móodio daiíñeno iri. Mei omoi Moo dáadeza. Afémie monamo ite. 10 Daje izói jiámacina “O cai Illáimadio” daiítañeno iri. Mei o Ocuídímie dáadeza. Afémie Cristo. 11 Omoimona jamánomoidímiena jiáimana canófiredímie. 12 Mei uáfueza, jamánomo abí jacire mamédímie jamáimiena jáite. Mei jiáifodo abí iñoñoño jiba cómedicue daidímie jamánomoidímiena jáite.

13 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nií omoi dúerena! Mei comini jofo jáiñeillena, monamo ite Juzíñamui illáimana illano nazena ibáifirediomoí. Mei diga Juzíñamui ñue ocuífuiiai lluno, aféfuiaina abido náfueñediomoiza, dani o illafue ñue jaícina jóiñena jira. O lloga iodo uáfueña jáiñedioza. Afe llezica afénomo jofo omoi jáiacañediomoí. Daje izói afénomo jofo jáiacadino rairuídimoí.

14 Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Fecíngotiai jofóniai bairófirediomoí. Afe llezica ñuemaci daiíllena comini erócana Juziñamui are úrifirediomoí. Ie jira omoi jáimaci duere zefuille baimo duere finólliomoí.

15 Ocuica uai llófuetino naa fariséuairi, comécina íairena mei abina ñue cíoidiomoiza, ¡nii omoi dúerena! Nágagobiaido jáidiomoí daa come omoi ¡noga uai dibénemo omoi itátallena. Itata mei, afe come omoi baimo fiénidimiena orédiomoí. Iemona omoi afémieoiri, comini duere finolle iraimo zíiñona duere zefuillena mamécaomoí.

16 Uina cíoiñede io ifódino izóidiomoiza, ¡nii omoi dúerena! Comínina bie izói daiífirediomoí: “Daa come iere uafue daiíllena, Juziñamui ico mámece llínoiadi afefue ráañede. Mei íadi afémie afécomo nitaca oro mámece llínoiadi ie daina uai jeire órede,” daidiomoí. 17 ¡Abina onóñede uínidino izóidiomoí! ¿Ñie mei jamánomoina? ¿Meita afe jamai oro? Ieñedeza. Mei afe oro Juziñamui icomo jóoniamona ñuera raana jáideza. 18 Nane jáífue daiífirediomoí: “Daa come iere uafue daiíllena, altar daina Juziñamui íena rille fecárabani mámece llínoiadi afefue ráañede. Mei íadi afémie afénomo fecaca raa mámece llínoiadi ie daina uai jeire órede,” daidiomoí. 19 ¡Abina onóñede uínidino izóidiomoí! ¿Ñie mei jamánomoina? ¿Meita afe fecaca rille? Ieñede. Afe Juziñamui fecárabani afénomo fecaca raana ñue finode. 20 Mei ¡ii, Juziñamui íena rille fecárabani mámece llínotimie daa afe ibani llínoñede, mei jáífodo nana afébanimo fecaca raana llínote. 21 Daje izói Juziñamui gairíraco mámece llínotimie daa afe gairíraco llínoñede, mei jáífodo afeco ite Juziñamui mámece llínote. 22 Nane daje izói iere uafue daiíllena mona mámece llínotimie, Juziñamui illáimana ráirano mámece llínote. Daií llínua llezica Juziñamui mámece llínote, mei afe Juziñamui afénomo ráideza.

23 Ocuica uai llófuetino naa fariséuairi, comécina nai íairena mei abina ñue cíoidiomoiza, ¡nii omoi dúerena! Nana omoi ríganiamona jamánomo jéenide rábiaina Juziñamui íena oni jóonefirediomoí. Menta daina jéenide rábiai, naa anis daina dúebiai diga, íemo jái comino daina rábiai facádota oni eneno jóonetiomoí. Mei íadi ocuica uáimona jamánomo jítáiredifuiaina náfueñediomoí. Afe jítáirediui be ñie: come comece jáicina jóoinana, íemo jáimaci dúecaifirena, íemo Juziñamui ¡nofirena. Nai afe jáífuiiai omoi zóofeñena llezica, afe bífuiiai raire fueñe jeire órediomoí. 24 Táino omoi llúamona uina cíoiñedino io ifódino izóidiomoí. Ráañede

uáillaimo iere izire nícidofirediomoí, mei íadi jamánomoide ñuera uaimo náfuñediomoí.

²⁵ Ocuica uai llófuético naa fariséuairi comécina nai íairena mei abina ñue cíoidiomoíza, ¡nii omoí dúerena! Mei jiróraco naa plato diga jinófene ñue jocódiomoí, mei íadi afe ero dinena íairede. Daje izóí comini cíoicana abi ñue finódiomoí, mei íadi omoí comeci dine merírilla, naa jíáie comini raa báiruamona ógana oruide. ²⁶ Uina cíoiñede fariseo ímie: Mai jiróraco naa plato diga ero jócua izóí omoí illafue ñue méidori. Iemona omoí comeci ñúefuaina oruíbicaite. Afemona afe jiróraco jinófene íainina izóí, afe izóí omoí jinófene íainiteza.

²⁷ Ocuica uai llófuético naa fariséuairi, comécina nai íairena mei abina ñue cíoidiomoíza, ¡nii omoí dúerena! Uzeredena biga ñue cíoide tíidino ráillena nigaco izóidiomoí. Jinófene ebire cíoide mei íadi ero dine tíidino ícuruaina oruide, nana jíáifoide íairedinuiai diga. ²⁸ Omoí comeci dine afe izóidiomoí. Comini eróicana jinófenena ñue cíoidinodiomoí. Mei íadi comeci dine jíáimacina fiéni jífuefirenana oruide, íemo jíáie fiénide uáillaina oruide.

²⁹ Ocuica uai llófuético naa fariséuairi, comécina nai íairena mei abina ñue cíoidiomoíza, ¡nii omoí dúerena! Mei jaiái Juzíñamui uai jino llóraini raiafo ebire finófirediomoí. Daje izóí jaiái ñue itino emódomo jóonega nofíbicina ebire finódiomoí. ³⁰ Daíí fínuano daíífirediomoí: “Cai jáiaigima illáruillaído itícainia, afe Juzíñamui uai jino llórainina fatátañedicai,” daíífirediomoí. ³¹ Daíí daínado afe Juzíñamui uai jino llóraini fatino erófene igímadicai daíídiomoí, —daíde. Jira Jesús afémaci diga icírillano bie izóí daína:

³² —¡Omoí jáiaigima taineca fiénidifue ñue ícoímo omoí fuitari! —daíde.

³³ Jesús nai afémacimo úrite:

—¡Jaióniai izóidiomoí! ¡Omoí nairai titade jaizai izoide! ¿Mei ñue izóí duere finóbille iráimona jíllotiomoí? ³⁴ Afe jira Juzíñamui uai llóraini, íemo iere baitádino naa llófuefiredinori ómoímo óreiticue. Mei íadi afémacimona dámierie títaítiomoí. Daje izóí jíáimacina córaítiomoí. Iemo jíáimacina Juzíñamui uai lloraco eromo rázido fáítiomoí. Iemo jíáimacina naga jófuiaído rácaítiomoí. ³⁵ Daíí omoí íllamona nana jaiái ñúemaci titáfírena ícoiniadi ómoímo daíí íficaite. Uáfueza, jaiái Abel fáinamona benomo Berequíás jitó Zacarías omoí faja llezica, nana afémaci ícoínia duere zéfuitiomoí. Juzíñamuimo gairíraco íemo Juzíñamuimo rille fecárabani dáafenedo afe Zacaríana

fatiomoi. ³⁶ Uáfuenta ómoína daíticue, nana bie fagano ícoinia birui itino duere zéfuitiaioi.

*Jerusalén jófuere Jesús eede
(Lc 13.34-35)*

³⁷ Jerusalén comínimo dúecaidicue. Juzíñamui uai llórainina fáfrediaioi. Daje izói Juzíñamui orécanona nófiena níjidiaioi. Diga icaiño átava ie úruiai íaicona bícua izói íaioina ríidoiacadicue. Mei íadi íaioi cue ríiduana gáñediaioi. ³⁸ Cacaí, Juzíñamui ómoína zóofeiteza. ³⁹ Mei ómoína daidicue, meine abido cuena cíõñeitiomoi. “Juzíñamui mámeçido bitímie ñue finóbilleza,” omoi daílle dino cuena cíõñeitiomoi, —dinó Jesús úrite.

24

*Juzíñamuimo gairítraco júdaizille Jesús llote
(Mr 13.1-2; Lc 21.5-6)*

¹ Daí daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaioi. ² Mei íadi Jesús íaioi uai ote:

—¿Bie nana cíodiomoi? Uáfuenta ómoimo llóiticue. Bie niroca nófie daa fiebíñeno nana niné jújicaite. Afeno jofue nana niné táinocaite, —daide.

*Enie fúiacana cai onuille rafue
(Mr 13.3-23; Lc 21.7-24; 17.22-24)*

³ Iemona Olivo daina ídumo jáidiaioi. Afénomo Jesús ráinana mei ie llófuegamaci báinino íemo jícanotiaioi:

—O daina jofue niné táinocaillifue, çñiruído daí zúite? Afena cai llone. O meine bíllena cai onótaite raa, çnie izói eroide? Daje izói énie fúillena çnie izói onóiticaí? —daidíaioi.

⁴ Jira Jesús íaioina daide:

—Comini omoi jífueiza abí rairuiri. ⁵ Mei diga comini cue mámeçido billano “Crístodicue” daítiaioi. Afémaci aillo comínina jífueitiaioi. ⁶ Aillo jobáirillana fídiitiomoi. Dáarie áinori cácaitiomoi, íemo jíáiena jica cácaitiomoi. Mei íadi áferi jacínaiñeno omoi iri, mei daí íficairedeza. Mei íadi énie fuillíruiñede. ⁷ Mei jí daa nairai jíáie nairai diga fúirite. Iemo daa énie jíáie énie comini diga jobáiritiaioi. Afe llezica aillo náiraiai júbietaitiaioi, íemo aillo dúicuai íite, íemo ñuizaingo diga ígobiana ñúite. ⁸ Comini duere zefuíllemona nana bífuiai como táinéinafue.

⁹ Afe llezica ómoína duere finóllena fécaitiaioi. Duere finoda ómoína titaitiaioi. Cue ícoinia nana comini ómoína éoitiaioi. ¹⁰ Aféruillaído aillo comini Juzíñamuimo ínuana féitaitiaioi. Dani conímana éoitiaioi. Daje izói conímana fállena fécaitiaioi.

¹¹ Afe llezica taino llotino iere íite. Afémaci: “Cai bie Juzíñamui dibénedo úriticai,” dáititaiói. Afémaci aillo comínina jífuecana uite. ¹² Aféruimo diga fiénidifuiái comuállamona, aillo comini conímána izíruillana féitaitaiói. ¹³ Mei íadi fuitállinomo ñue nífuenino íitimie jíllote. ¹⁴ Iemo afe bie Juzíñamui illáimana illano ñuera rafue nágagobiaido llóititaiói, nana náiraiái áfena onóillena. Afe mei énie fuillíruimo dúciite.

¹⁵ Jaiai Juzíñamui uai jino llóraima Daniel, íirairuimo biite iaire fínuaíbitimiedo úrite. Afe bíitimie diga ráaniaina táinocaitaite. Afe fiene fínuaíbitimie Juzíñamui gairíraco eromo ite rairuiredé ñúenomo jáillana o cíoadí, jica botárediomoi. Bíuai facádotimie afe uaina ñue onóiri. Onóillano abi rairuiri. ¹⁶ Afemona Judea éniemo itino oni caifóneduaimo botárede. ¹⁷ Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza. ¹⁸ Daje izói jacáfaimo íitimie abido ie jofomo ite incuiruaina uáibiñeite. ¹⁹ Aféruillaído namócingotiaina, ¡nií dúerena! Daje izói monoi jirode úrue llíidíngotiaina, ¡nií dúerena! ²⁰ Nocíruillaído jino o bótañeillena, Juzíñamuimo jicari. Daje izói ocózinaiillaruimo o bótañeillena o jicari. ²¹ Mei aféruimo iere aillo duere zefuillífuiai íiteza. Enie comuállanomona bené afe izóidena íñede. Iemo jíai afe méifomo afe izói íñeite. ²² Mei jíi, aféruillai Juzíñamui due mozíñoñedenia buna jílloneña. Mei íadi ie nizécanona izíruillano, aféruillaina afémie nano íanori mozíñoite.

²³ Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íñoñeno omoi iri. ²⁴ Mei Crístona abi mamede jífueridino bíiteza. Daje izói afémaci: “Cai bie Juzíñamui dibénedo úriticai,” dáititaiói. Afémaci uaido dáinamona áillue comuídena fínoititaiói, naa fáigacaitade ráaniairi. Afedo comínina jífueiacaditaiói. Dama Juzíñamui nizécanona jífuefillena facátaititaiói, mei íadi jífuetañeítitaiói. ²⁵ Ja nana bífuiai uícodo ómoimo llotícueza. ²⁶ Ie jira: “Ero bai batí táizicimo Cristo ite,” afémaci daííadi afénomomo jííñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri. ²⁷ Mei ameo fuiri llairilla llezica jica afáífene ícoimo cíocailla izói, afe izói cue billirui jica cíocaizaíbite; Nanoide íima Jitódicueza. ²⁸ Iemo inóniai gairízafirenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfuenta ónoitiomoi.

*Nanoide íima Jitó Cristo billirui nie izoite
(Mr 13.24-37; Lc 21.25-33; 17.26-30, 34-36)*

²⁹ Afe duere zefuúllirui záailla méifomo, jitoma dúite. Daje izói fiui égaiñoñeite, íemo jiái ucúduai monámona ana cócítiaíoi. Afe llezica nana monamo itínuiái riire mozióide ráaniai niráiricaite. ³⁰ Afe mei Nanoide Hima Jitó Cristo bille jana monamo cíocaite. Afena cíóillano nana énie nairai éenaitiaíoi. Nanoide Hima Jitó Cristo ana bíllana cioitiaíoi. Afémie mona ero uúlliedo bite, naa íemo ite riino naa ebíredino diga. ³¹ Afe mei ie abi imaci óreite, afémaci riire bainada fúullemona nana Juzíñamui eneno nizécano nágafeniamona dáanomo járillena. Iemona jica énie fuédaiaimona, íemo énie enéfeniamona bíitiaíoi.

³² Higuera daína aménamo mamécafuena omoi onoiri. Ie onócairo como fueñe zícua llezica, ja fimona áinozide, daidíomoi. Daje izói afe amena rábiai jino firuilla llezica, ja fimona áinozide daiífrediomoi. ³³ Afe izói jitoma dúilla, íemo afémonado nana jiáie zuide raa omoi cíóyadi, íirairui áinozillana ónoitiomoi. “Ja dúciacade,” daiírediomoi. ³⁴ Uáfuenta ómoimo lloticue, bigima nai tíñeille llezica nana bie raa jino zúite. ³⁵ Mona énie diga fuite, mei íadi cue uailai jaca fúíñeite. Cue lloga raa nana zúite.

³⁶ Mei íadi cue billirui ónoñega. Daje izói cue bille hora buna onóñena. Juzíñamui abi imaci onóñediaíoi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷ Noé illágamamo comini fiendi illa izói, afe izói Nanoide Hima Jitó billíruimo comini daií íitiaíoi. ³⁸ Aféruillaido aillo noci nai bíñena uícodo, comini Noé llogáuaimo náfueñeno daa güilla llotiaíoi. Güillano jirófrediaíoi. Afe llezica íaíoi fiendi illafue meídoñeno, áireoidiaíoi, íemo íaíoi jízanai iníreitaoidiaíoi. Jaca daií itiaíoi abina Noé áillue nocáe eromo jaide. ³⁹ Iaíoi duere zefuúllemo due jiza comeciñediaíoiimo áillue noci íaíoiimo bíide; áferi coróbaizidiaíoi. Nanoide Hima Jitó billirui afe izói íite. ⁴⁰ Aféruimo mena íima jacáfaimo illa llezica, afe íaillinoimona dáamie Juzíñamuimo ínotimie caifo monamo uille, ie mei jiáimie fiébicaite. ⁴¹ Daje izói mena ringo trigo lláia llezica, daango caifo uiga, jiáingo fiébicaite.

⁴² Caade izói abí omoi onoiri, mei cai Ocuíraima billirui ónoñegaza. ⁴³ Mei íadi bífuena onódiomoiiza; jofa naama merírizaíbitimie bíllana onóadi, afémie ie jofa rairuúllano iníñeno cáaite. Daií afémie merírizaíbitimie ie jofona tuíñotañeite ie raa meríllena. ⁴⁴ Ie jira jica ia abí ñue omoi finori. Mei due jiza comeci fácañeitiomoiimo, Nanoide Hima Jitó bíiteza.

*Finofirede ocuífiregamie naa ñinofinidimie diga
(Lc 12.41-48)*

⁴⁵ Finofirede ocuífiregamie mo omoi coméciiri. Afémie ñúefue baitádimie. Ie ocuídime nana jofo ero comínina uíñotaite. Güille hóramo dúcia llezica afémie afémacina écaite. ⁴⁶ Naga ie naama ocuícana ñue finófiredimie afémie billíruimo caimare ite, mei ie ocuica ñue finuana cíozai biteza. ⁴⁷ Uáfuenta ómoína dáitícue. Afemona jofo naama nana ie jofo eromo ite ráaniaina afémiena uíñotaite. ⁴⁸ Mei íadi ocuífiregamie fiénidimiena jáiadi, íemo afe llezica: “Cue ocuídime are bíñeite,” comécido dáiiadi, afe ocuífiregamie jaca ñinofinide. ⁴⁹ Daií daina mei afémie jáie ócuífirgano duere finoite. Afe llezica afémie jífáidino diga güizájite. ⁵⁰ Iemo ie ocuídime billíruimo afémie coméciñeitemo, ie naama dúcite. Daje izói ocuífiregamie ónoñega hóramo dúcite. ⁵¹ Dúciillano afémiena jamánomo duere finoite. Afe mei comeci diné nai íairena mei abina ñue cíoidino iere duere zefuilla izói, afe izói afémiena duere zefuitaite. Afemona afémie iere éite. Eiano izírenari murímurite, —dinori Jesús úrite.

25

Diez dígade jitáingomo mamécafue

¹ Jesús nane jáifue llote:

—Monamo ite Juzíñamui illáimana illíruí diez dígade jitaingo izoide. Aféngotiai iníreille ráfuemo jáidiaioi. Jailla llezica íaioi mecheraiai uitíai. Ringo otímie íaioi uáidollena afénomo jáidiaioi. ² Afénguaimona cinco dígango finóbiñeno ebena jaide. Iemo jáie cinco dígango ñue finóbillano jáidiaioi. ³ Afe finóbiñeno ebena jáidingotiai íaioi mecheraiai fuilla mei méidolle íjina uíñediaioi. ⁴ Mei jáífodo afe ñue finóbidingotiai íaioi méidolle íjina botéllado uitíai jái íaioi mecheraiai. ⁵ Mei afe ringo otímie are biñenamona, nana jitáingotiai ja iníacadiaioi. Iemona ua iníaidiaioi. ⁶ Afe mei dáaferui llezica riire uáidua uai cácaide: “Ringo otímie ja biteza. Raire afémie omoi uáiduaíri,” daide. ⁷ Afemona nana afe jitáingotiai náidacaillano íaioi mecheraiai unédiaioi. ⁸ Afe llezica afe cinco diga finóbiñeno ebena bitínguai, jáie cinco diga ñue finóbidingotiaina daide: “Cai mecheraiai ja bóoñedeza. Omoimo ite eneno atica íjimona cai ine,” daidiaioi. ⁹ Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicaína caimo fiébiñede. Afe izói ómoimo fiébiñede. Batí fecáriracomo dani jénuaídiomoinia ñuera.” Jira aféngotiai jáidiaioi. ¹⁰ Mei íadi finóbiñedingotiai

oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofa jáidiaioi. Afe mei afémie naze ibaide. ¹¹ Ibailla mei aceite íbajidingotiai dúcidiaioi. Dúciillano daidiaioi: “Ocuíraima, naze caimo tuiño,” daidiaioi. ¹² Mei íadi afémie jofona uai ote: “Uáfueña ómoína onóñedicue,” daide.

¹³ Iemo Jesús nai úrillano daide: Nanoide íma Jitó Cristo billirui ónonideza, iníñeno abí omoí rairuiri. Ie bille mona ónonideza. Daje izói ie dúciille hora buna ónoñega, —daide.

Talenta daína ráifide úcubemo mamécáfue

¹⁴ Jesús nane jíáifue llote:

—Monamo ite Juzíñamui illáimana illarui bie izoide. Daa ocuífiredimie oni jíáigobemo jáiacana llezica, ie ócuíferegano uáidota íemo ite úcubemo afémacina úiñotade.

¹⁵ Ocuídímie afémacimona daa cómemo cinco mil úcubetuni fecade. Iemo jíáimíemo mena mil dígatuni fecade. Iemo nane jíáimíemo daa milna fecade. Afémacimona illa dígamie ie ifoci onona dieze fecade. Daí fécajano oni jíáie éniemo jaide.

¹⁶ Cinco mil dígatuni igámie, afe úcubena afémie níciduamona, afe baímo cinco mil áfemo baí nabaide. ¹⁷ Daje izói mena mil dígatuni igámie afe baímo jíáie mena mil áfemo baí nabaide.

¹⁸ Mei íadi daa milna igámie ie ocuídímie úcubemo oni énie ifomom retáidote.

¹⁹ Afe mei, are íllamona afe ocuídímie ocuíferegamiiaí diné meine bite. Billano íaioí úiñoga úcubemo onóillena afémacimom jícanote. ²⁰ Cinco milna igámie fueñe billa. Billano afe baímo ie nabaica jíáie cinco mil ie ocuídímíemo izáibite. Izájillano daide: “Cue Ocuídímie, o cuemo iga cinco milna baímo jíáie cinco milna nabáidicueza. Be o diez mil dígatuni,” daide.

²¹ Jira ie ocuídímie íena daide: “Cue ocuícana íere íínofiredio. Cue ñuera ocuícamiedio. Due omo cue fecácana ñue íínotio. Afemona afe baímo jíáiena ona úiñotaiticue. Cue illáimana illánomo mai caímare coco jai,” daide. ²² Afe mei nane mena milna iga ocuíferegámie dúcide. Afémie daide: “Cue Ocuídímie, mena milna cue ítio. Afe baí nane jíáie mena milna nabáidicue. Be o cuatro mil dígatuni,” daide.

²³ Jira ie ocuídímie íena daide: “Cue ocuícana íere íínofiredio. Cue ñuera ocuícamiedio. Due omo cue fecácana ñue íínotio. Afemona afe baímo jíáiena ona úiñotaiticue. Cue illáimana illánomo mai caímare coco jai,” daide. ²⁴ Mei íadi afe mei, daa mil dígatuni iga ocuíferegámie dúciillano ie ocuídímíena daide: “Cue Ocuídímie, o íere ríimíenana onódicueza. O ríñeganomona jaca ófiredio. Daje izói trigo tuiránomo táíjñeno afénomona trigo ófiredio. ²⁵ Ie jira ona jacíruillano o cuemo iga

úcube éniemo cue retáidoga. Mei íadi o úcube meine cue atícaza. Be ñie,” daide. ²⁶ Iemona ocuídime íena daide: “Fíenide ocuífregamiedio. Daje izói ráiraiere de ocuífregamiedio. Cue rírenana onódio ia, ¿ñibái mei bie izói itio? Cue ríñeganomona cue ófírenana onódio. Daje izói trigo tuiránomo táijíñeno, afénomona cue ófírenana onódio. ²⁷ Afemona cue úcube jóoneranomo fecáredio. Iemo meine cue bíllemo afe úcubena naa jíáie baimo nabáicatuni díga llínoredicue,” daide. ²⁸ Iemona ocuídime afénomo itínona daide: “Bíniemo ite mil dígatuni otá, afe diez mil dígatuni ofítatiñiemo ine. ²⁹ Igámie nane baimo írega. Afemona aféniemo baimo aillo íite. Mei íadi íñegamiemo due íemo ite meine bairórega. ³⁰ Iemo bie ráífiñede ocuífregamie jino jítifomo dota. Afénomo éeheiteza. Afe llezica izírenari murímuriteza,” daide. Daií daide Jesús.

Nana náiraiamo izire jicánollirui

³¹ Jesús nai úrioido: Mei Nanoide íima Jitó Crístodicueza, illáimana ana cue bille llezica, nana cue abí imácaí díga bíticue. Billano ebire finoca illaíma ráiranomo ráizaíbiticue. ³² Nana nairai comini cue uícomo gairítalliaíoi. Afe íaíoi bille llezica, ovejai úíñoraima chívuaimona ovéjaíaina oni eneno nízia izói, afe izói Nahí Illáimana cue íllemona nana náiraiaina oni enénorie jóoneíticue. ³³ Cue nabézimo ovejai izóidino jóoneíticue. Iemo chívuaí izóidino cue jarífezimo jóoneíticue. ³⁴ Afe mei cue nabézimo itínona dáitícue: “Cue Moo ñue finócamaci, mai omoi bi. Juzíñamui énie comúitaja llezica ómoiena mameca illáimana illínomo jofo jai. ³⁵ Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jíái jífocinino cue mácaja llezica cuena jofo inítatiomoi. ³⁶ Iemo cue inícuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuaíbitiomoi,” daide. ³⁷ Iemona cue nabézimo ite nífuenidino cuena dáitíaiíoi: “Caí Ocuíraíma, ¿mei ñírui o jufíruillana cióillano ona ecádicaí? Daje izói ¿mei ñírui o jiróacana llezica ona jirótaticai? ³⁸ Iemo jíái, ¿mei ñírui o jífocinino o mácaja llezica ona inítaticai? Iemo jíái ¿ñírui o inícuironina llezica o iticaí? ³⁹ Iemo jíáie ¿ñírui o dúicotaila llezica o méiñuaídicaí? Daje izói llavéracomo o illa llezica ¿ñírui o méiñuaídicaí?” daidíaiíoi. ⁴⁰ Jira Illaíma cue íllamona uai óitícue: “Uáfueña ona dáitícue, nana afe bie comécina mánaide cue ámatiaímo omoi finócafuaí, aféfuíai ja cuemo finódiomoi,” dáitícue.

⁴¹ Afe mei cue Illáimana cue ráirano ie jarífezimo itínona dáitícue: “Cúemona oni omoi jai. Omoi fieni

faidócanodiomoiza. Comini ziiñona duere finolle iraimo omoi jai. Afe irai Taife, nana ie abi imaci diga iena finoca. ⁴² Mei cue jufiruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue inícuero iñena llezica cuena iñediomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide. ⁴⁴ Jira afémaci cuena dáitiao: “Cai Ocuiraíma, mei nírui o jufiruillana ciódicai, daje izói o jiróacanana, íemo jífocinino o macácana, íemo o inícuero iñénana, íemo o irárenana, íemo llavéracomo o íllana, ¿mei níruido daí o íllana ciódicai ia, ona canóñedicai?” dáitiao. ⁴⁵ Iemona afe llezica íaioina dáitiecue: “Uáfueña ómoína dáitiecue, bie comécina mánaide cuemo jaináidinomona dáamiemo omoi fínoñegafuiaina, aféfuiaína ja cuemo finóñediomoi,” dáitiecue. ⁴⁶ Afe mei afémaci ziiñona duere finolle iraimo jáitiao. Iemo Juzíñamui jónega comécina nífuenidino, caimare ziiñona cáallinomo jáitiao, —dinori Jesús úrite.

26

Jesús llaitállena maméritiao

(Mr 14.1-2; Lc 22.1-2; Jn 11.45-53)

¹ Jesús nana bífuiái llua méifodo, ie llófuegamacina daide:

² —Onódiomoiza benómona ménarui íllamona pascua rafue íteza. Aféruido Nanoide íma Jitó Crístodicueza cruzmo coráíllena cuena fécaítiao, —daide.

³ Afe llezica lletáriraini illaini, daje izói ocuica uai llófueraíni, naa judúai eicomíniri dáanomo gairídiaoi. Lletáriraini caifóidíllaima Caifás ñúeco ibírímo gairídiaoi. ⁴ Afénoimo Jesús jífuiano llaitállena maméritiao. Afe llezica afémie titállena maméritiao. ⁵ Mei íadi afémaci daidíao:

—Nana comini áferi fáíllifaíllíñañeíllena, rafue ana iena lláitañeíticai, —daidíao.

Ringo zióredijina Jesús ifo jillaide

(Mr 14.3-9; Jn 12.1-8)

⁶ Jesús Betania jófueimo ite. Afémie, chíñaitimiena maméidimie Simón jofomo ite. ⁷ Afe llezica, afénoimo daa ringo alabastro daína nofici finoína icítirudo ziórediji uite. Afeji iere ráifide. Jesús güirábanimo ráina llezica, afengo afe ziórede cáirediji Jesús ifomo totade. ⁸ Ie llófuegamaci áfena cióíllano rícaidíao. Dani conímana daidíao:

—¿Nibái mei áfeji táinomo fáífitaga? ⁹ Afeji aillo úcube óllena fecárede. Afedo oga úcube, dúeredinomo írede, —daidíao.

¹⁰ Jesús daí íaioi úrillana cacáíllano íaioína daide:

—¿Nibái mei bie ringo jifánodoidiomi? Bie ringo cuemo finoca raa iere ñuera. ¹¹ Omoi cígimo dúeredino jaca ífirede, mei íadi omoi cígimo are íñeiticue. ¹² Bie ringo cue abimo totaca ziórede cáiredijina, cue raillínomo dúide. Afedo afengo ñue cuena finode. ¹³ Uáfueña ómoína dáititue, náganomo bie éniemo bie jílloille uai jino llóíadi, bie ringo cuemo finócana jino llóitiaioiza, afémaci aféngomo úbicaifireillena, —daide.

Judas Jesuna ie éoidinomo fecade

(Mr 14.10-11; Lc 22.3-6)

¹⁴ Afe mei doce dígade llófuegamacimona Judas Iscariote lletáriraini illáimamo úrizaide. ¹⁵ Afémacina daide:

—Jesús ómoimo cue fecálleza, ¿nieze cuemo íbaitiomi? —daide.

Jira “cuatro fiui táijina iba dieze, omo íbaiticai” dainano, treinta diga ráifide úcubetunillai afémiemo fecádiaioi. ¹⁶ Iemo áfemona afe Judas Jesús íaioimo ñue fecállino jenode.

Jesús páscuamo íraicaiño güillafue

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Afe rafue nanóidiruimo fáitañega pan güífirediaioi. Afe llezica Jesús llófuegamaci billano jicánotiaioi:

—¿Pascua rafue llezica güillena, uícodo ninomo cai fínuaile? —daidiaioi.

¹⁸ Aféme íaioina daide:

—Batí jófueño jaillano, cue dainámie jofomo jai. Afémiena daiíri: “Cai Llófueraima ona daide; Cúeiena mamécaruimo ja dúcizaideza. Pascua rafue güífrenana o jofomo cue llófuegamaciri güítitue,” —daide.

¹⁹ Iemona ie llófuegamaci ie ocuilla izói pascua ráfueño güillena fínuaidiaioi.

²⁰ Ja nauilla llezica, Jesús ie doce dígade llófuegamaciri afénoño güizájidiaioi. ²¹ Afénoño íaioi güilla llezica Jesús daide:

—Uáfueña dáititueza, ómoimona dáamie cuena fécaite, —daide.

²² Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidiaioi.

²³ Jesús íaioi uai ote:

—Birui cue diga daje plátomona güítimie, ñii cue fécaitimie. ²⁴ Nanoide fima Jitó Crístoditue; jaiai Juzíñamui Cuegáuaimo lloga iodo jáititue. Mei íadi cue fecádimie ñii dúerena! Aféme nanómona jaca jécinegania figura, —daide.

²⁵ Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

²⁶ Ie güilla llezica, Jesús pan llíinota, Juzíñamuina “Fere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

²⁷ Afe mei jiróraco llíinota, Juzíñamuina “Fere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. ²⁸ Mei bie cue díeza. Cue die, dájemo Juzíñamui llíinoga comue uai uáfueña daítate. Aillo comini íaifue muiñóllena cue die totale. ²⁹ Mei íadi dáanomo bie uva íjina meine jíroñeiticue. Cue Moo illáimana illirui nai dúciñeille dino aféjina jíroñeiticue. Afe bille llezica cómojina omoi diga jíroñeiticue, —daide.

Pedro Jesús jáanollena Jesús uícodo llote

(Mr 14.26-31; Lc 22.31-34; Jn 13.36-38)

³⁰ Juzíñamuimo íaioi rua fuilla mei, jino Olivo daina ídumo jáidiaioi. ³¹ Afénomo Jesús íaioina daide:

—Bie naio cueri méaicallano nana omoi cuena feitiomoi. Mei jaiaí Juzíñamui Cuegáuaimo omoi dibénedo bie izói daide: “Ovejai úiñoraima cue fáiticue, íemona afe ovéjaiaí rainólliaioi,” daide. ³² Jesús nai úrite: Mei íadi meine abido cue cáaille mei omoi uícodo Galiléamo jáiticue, —daide.

³³ Jira Pedro uai ote:

—Nana comini ona fáicanocaitiaioi ia, cue ona fáicanocaiñeiticue, —daide.

³⁴ Jira Jesús afémiena daide:

—Uáfueña ona dáiticueza. Bie naio átava nai úriñenia, daámani dígacaiño cuena jáanoitioza, —daide.

³⁵ Pedro íena daide:

—O diga cue tíllena iere jitáirede ia, ona jáanoñeiticue, —daide.

Afe llezica nana llófuegamaci Pedro daina izói daidíaioi.

Getsemanímo Jesús Juzíñamuimo úrite

(Mr 14.32-42; Lc 22.39-46)

³⁶ Afe mei Jesús naa ie llófuegamaciri Getsemaní mámeciredinomo dúcide. Afénomo íaioina daide:

—Bai batí Juzíñamuimo cue úrizaila llezica benomo omoi ráiri, —daide.

³⁷ Daí daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaçaide. ³⁸ Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

³⁹ Daí daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámami ie llófuegamaci illánomo meine bite. Inídiaioina cíozaibite. Iemo Pédróna daide:

—¿Nano íanori omoi cue diga iníñeno cáadino izói inídiomoi?

⁴¹ Fiénidifuemo omoi báiiñelleza, iníñeno abí omoi rairuiri. Daje izói Juzíñamuimo comécido omoi úriri. Uáfueña omoi joreño jíredeza, mei íadi omoi abi náinide, —daide.

⁴² Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cíozaibite, mei íaioi uimo ínie iere íllaza. ⁴⁴ Iemona nane afémacina fiénocailano bai Juzíñamuimo úrizaide. Ja daámami dígacaiño úrizaide. Ie mei nane daje uaido úrite. ⁴⁵ Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hórano dúcidez.

⁴⁶ Omoi náidacai; jáiticaiza. Cue fécaitimie ja dúcidez, —daide.

Jesús ja llaitada uitíaioi

(Mr 14.43-50; Lc 22.47-53; Jn 18.2-11)

⁴⁷ Daií Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini diga bite. Lloéfaiilai naa bigíniari atídiaioi. Afémaci lletáriraini illaini orécaiaioi. Daje izói judíuai écomini orécaiaioi. ⁴⁸ Fécaitimie Judas Jesús íaioi onóillena llaitalle uai uícodo íaioimo llote:

—Níimie cacai ñítaiticueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófuerama, caimare itio, —daide.

Afe emódomo Jesuna ñitade. ⁵⁰ Jira Jesús ie uai ote:

—Cue nabai, ¿minícamo bitio? —daide.

Daií daina mei, comini billano Jesús llaitádiaioi. Llaitada llavéllena uitíaioi. ⁵¹ Afe llezica Jesús nabáñiaimona dáamie ie lloefai otá, lletáriraini illaima ocuífregamie jefo cotade. ⁵² Jira Jesús íena daide:

—Jadíe o lloefai oni joone. Mei nana lloéfaido fuirídino, afe lloéfaido tíitiaioi. ⁵³ ¿Onóñedioza cue Móomona doce dígatie ríiduaibitinona jícadicue? Daií jícadicuenia afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaoínia, ¿nie izói Juzíñamui Cuegáuai daina ñue ícoimo zúite? Aféuai bie ífcaidifuiai ie zúille llote, —daide.

⁵⁵ Afe mei Jesús comínina daide:

—¿Nibái mei merírfiredimie izói cue lláitaibitiomoi? Mei lloéfaillairi íemo bigíniari cuemo bitíomoi. Nágaruillaido Juzíñamui gairíracomo ráicana ómoína llófuefiredicue. Afénomo jaca cuena llaitáñediomoi. ⁵⁶ Mei íadi nana bie íficaide, jaiari Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaoi.

Jesús jamánomoidillaini uícomo uitíaioi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Afe Jesús llaitada oni uitino Caifás uícomo uitíaioi. Afémie lletáriraini caifóidillaíma. Afénomo ocuica uai llófuefiredino naa eicomíniri dáanomo ofídiaoi. ⁵⁸ Mei íadi afe llezica Pedro Jesús uilla ódana caifóidillaíma jofo ibírimo jaide. Afénomo dúcillano jofo jaide. Jaillano afeco úiñotino diga ráide. Afémie dinomo ráide Jesús lláitaja ñue ícoimo fúillana cíoillena.

⁵⁹ Lletáriraini naa eicomíniri, íemo nana jamánomoidillainiri Jesumo fienu jónellifue jenódiaoi. Uafue jónellifue íaioi báñenia “Táinofue nítaiticai,” daidíaioi, “áfedo afémie caí titátalleza.” Afe llezica aillo comíni billano taino uillaí afémiemo jónetiaoi. ⁶⁰ Mei íadi afémiemo íaioi jónellena baiñediaoi. Afe mei írainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daífirede: “Juzíñamui gairíracona júdairedicue. Afe mei daaruíamani íllamona meine caífo níredicue,” —daidíaillinoi.

⁶² Jira lletáriraini caifóidillaíma náidacaillano Jesuna daide:

—¿Nibái mei uai oñedio? Bie omo íaioi jóonegafue ¿nie izoide? —daide.

⁶³ Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámedido o úritadicueza, uri. Uáfueña daíllena ríire o ocuídícue. O, Juzíñamui Jitó Crístona o illa caimo lloiri, —daide.

⁶⁴ Jira Jesús daide:

—Jii, o daina izói námiedicue. Nane ómoína dáitícue, Nanoide íma Jitó Crístodícueza, ríinorede Juzíñamui nabézimo cue ráillana cíoitíomoi. Afe llezica mona uílliedo ana monámona cue bíllana cíoitíomoi, —daí daide.

⁶⁵ Afena cacáillano lletáriraini caifóidillaíma jamánomo ríicaide. Daí ríicaillana ácatallena ie jitáoi garoi cuatade. Afe mei daide:

—Bie iima ie daina uáillaído Juzíñamuina íáire úrite. ¿Nibái mei nai jíáie uai ná baitino jítáidicai? Omoi dani ie fiénide dáinana cacádiomoi. ⁶⁶ ¿Minica afémiemo dúina? —daide.

Jira afémaci daidíaiói:

—Dama ie ícoinia tírede, —daidíaiói.

⁶⁷ Afe mei ie uiécona tuádíaiói. Rázido íena fatíaiói. Jíáimaci ie uiéco púcoídiáiói. ⁶⁸ Daíí ñiano íena daidíaiói:

—Mei Crístodioza, ¿níimie o faja? Jino llone, —daidíaiói.

Pedro Jesús onode íadi jáanote

(Mr 14.66-72; Lc 22.56-62; Jn 18.15-18, 25-27)

⁶⁹ Afe llezica Pedro jinófeco ibírímo ráíide. Afénomo ie illa llezica ocuífirégango afémiemo billano daide:

—O daje izói Galilea ímie Jesús diga macáfiredio, —daide.

⁷⁰ Mei íadi Pedro comini eróicana afémiena jáanote; daide:

—O dáinana onóñedicue. ¿Minica llotio? —daide.

⁷¹ Afe mei Pedro jofo nazemo jáidemo jíáingo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

⁷² Afengo daíí daina llezica, Pedro nane íena jáanote. Ríirede uaido daide:

—Afe ímana jaca onóñedicue, —daide.

⁷³ Afe mei íanori íllamona afénomo itino Pédro mo áinozillano daidíaiói:

—Uáfueza, afémaci ímiedio, mei dama o úrillado onódicaiza, —daidíaiói.

⁷⁴ Afe jira Pedro uafue daííllena Juzíñamui mámece lliínota riire daide:

—Afe báimiena jaca onóñedicue, —daide.

Daíí ie daina llezica íitava úrite. ⁷⁵ Afemona Pedro Jesús uícodo íena dáinamo úbicaide. Afe be níuui: “Atava nai úriñena llezica, daámani dígacaiño cuena jáanoitioza.” Afemo úbicaiillano Pedro jino iere zuure écana jaide.

27

Pilátomo Jesús izájidiaíói

(Mr 15.1; Lc 23.1-2; Jn 18.28-32)

¹ Mona monáizailla llezica, nana lletáiraini illaini, naa judíuai eicomíniri, dánomo gairíllano Jesús titállena nana daje izói maméritiaíói. ² Afe mei Jesús maíáno, afe énie úiñote illaíma Poncio Pilátomo izájidiaíói.

Judas tíillafue

³ Judas, Jesús fecádimie, Jesuna íaiói coráiaillana cíoillano comece ífue méidote. Iemona treinta diga úcubetuni meine

lletáriraini illáinimo izájide, ocuide eicomínimo diga.
 4 Izájillano daide:

—Iere fiénidifue finódicue; nífuenidimie titállena fecádicueza, —daide.

Jira afémaci uai otíaioi:

—¿Afeue caimo mei nibái? Dama ófue, —daidíaioi.

5 Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daií afémie tíide.

6 Lletáriraini illaini, afe jutaca úcube iráiano daidíaioi:

—Juzíñamuimo fia iga úcube jóoneracomo bie úcube jóonenidicai, mei come títaja úcubeza, —daidíaioi.

7 Afe mei afémaci afe úcubedo énie ibállena dájena coméciidiaioi. Iaioi ibaca énie mámecei Nógora Orano. Afébiri ibádiaioi jicánemaci tíadi afénomo ráillena. 8 Afe jira nai biruimo afébiri Diébirina daiífirina. 9 Daií íaioi fínuamona jaijai uai llóraima Jeremías lloga uai ñue ícoimo fuite. Be níuui: “Israel nairai cue íaioi fécaja úcube abido llínotiaioi.

10 Llínuano Nógora Orano ibádiaioi. Daií Juzíñamui cue ocuide.”

Jesús Pilato uíécomo jóonetiaioi

(Mr 15.2-5; Lc 23.3-5; Jn 18.33-38)

11 Afe mei énie úiñotillaíma uícomo Jesús uitíaioi. Afénomo afémie Jesumo jicánote:

—¿O meita judíuai illaíma? —daide.

Jira Jesús daide:

—O daina izói nímiedicue, —daide.

12 Iemo lletáriraini illaini naa ocuide eicomíniri Jesumo fiénide uailai jóonia llezica, afémie jaca uai oñede. 13 Jira Pilato íena daide:

—¿Aqué omo íaioi jóonegafuiai cacáñedio? —daide.

14 Mei íadi Jesús jaca afe llezica uai oñede. Iemona uai ie oñénari énie úiñotillaíma fáigacaide. Ie daille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

15 Aféruillaído afe rafue ana, llaveca fiénidinomona dáamie Pilato zuitáfirede. Afémie comini uaido zuitácamié. 16 Mei afénomo ite mámeceina jica jalleide fiénide maigámie. Afémie mámecei Barrabás. 17 Illáicomini dáanomo gairilla llezica Pilato afémacimo jicánote:

—Bíailinoimona ¿nímie ómoimo jino zúitaiticue? ¿Barrabás, mei nibai Cristo daina Jesús? —daide.

18 Mei Pilato, comini úradoillamona Cristo íaioi fécajana ñue onode.

19 Pilato, riire jicánofiredimie ráiiranomo ráina llezica, Pilato ai uai orede. Afe be níuui: “Afe jadímie nífuenidimieza afémiemo jircáiñeno iri. Mei ja naio afémiena cue nicáirilla llezica iere duere zefuídícue,” daide.

20 Mei íadi lletáriraini illaini naa ocuide eicomíniri, nana jíáie comini Pilátona daiílluai riire llotíaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi.

21 Afe énie úiñotillaíma nane dáanomo jicánote:

—Bíaiillinoimona ¿níimiena cue zuitátatiomoi? —daide.

Jira: —Barrabás zuita, —daiíiaioi.

22 Iemo Pilato íaioimo jicánote:

—Iemona bie Crístona mámeciredimie Jesús ¿nie izói níbaítícue? —daide.

Jira nana uai otíaioi:

—¿Cruzmo corai! —daiíiaioi.

23 Iemona Pilato íaioina daide:

—¿Níbaí mei? ¿Nie fiénidífue afémie finode? —daide.

Mei íadi comini dáanomo riire daiíiaioi:

—Cruzmo corai, —daiíiaioi.

24 Pilato ie uaina íaioi íñoñenana ciode. Daje izói nana comini aféfuaiiri jamánomo cáilliana cacade. Ie jírari “Onoi cue jocólleza jainoi atí” daide. Jócualezica daide:

—Afe bie nífuenidimie tülle cuemo jííñede. Dani ómoífueza, —daide.

25 Iemona nana comini uai otíaioi:

—Afémie tülle caimo jíite, daje izói cai úruiaímo, —daiíiaioi.

26 Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráítate.

27 Afe mei énie úiñotillaíma fuíríraini áillue gairíracomo Jesús uitíaioi. Aféno nana jíáie fuírírainiai afémie onífenedo gairídiaioi. 28 Afe mei ie iníroi dúíñuano, illaíma jíatáfírega jíaicuro afémiemo jíatádiaioi. 29 Afe llezica ifo icuífoi eegi nínacuífoina afémiemo jíatádiaioi. Iemo jíái illaíma llíifírega bígína íena llínotadiaioi. Daií ñiano afémie anamo dújudiaioi. Dújuillano jífánodoiano íena daiíiaioi:

—Judíuai Illaíma are íitioza, —daiíiaioi.

30 Afe llezica afémaci ie túallaítiaioi. Afe dáanomo ie llííga bígí báiruano, ie ifoci púcoidiaioi. 31 Daií ie íaioi jífánodoia mei, afémiemo íaioi jíta ca jíaicuro dúíñuano, dama ie iníroina jíatádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

32 Jofue jinomo íaioi coráiaílla llezica, Cirene énie ímie baítiaioi. Baillano Jesús uiga cruzna rocátatiaioi. 33 Daií Gólgata

mámeciredinomo dúcidiaioi. Gólgata daina “come ifócorai il-lano.” ³⁴ Afénomo eriredena jaicuica vínona Jesús jirótatiaioi. Mei íadi Jesús áfena due fácano, jiróacañede.

³⁵ Jesús ja íaioi coraia méifodo, fuiríraíni Jesús iniroi illa dígamie íaioi máíñuana onoíllena, onótaraji dotádiaioi. Daií jaiái uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaimo fecádiaioi.” ³⁶ Afe mei afémiedo éroillena afénomo ráíiediaioi. ³⁷ Ie ifo acónimo cuezábici netádiaioi. Afébicimo ñífue ícoínia duere finoca daina cúeina. Afébicimo cuela bie izóí daide: “Bie Jesús, Judíuui illaíma.”

³⁸ Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jíáimie ie jarífezimo coráidiaioi. ³⁹ Afe llezica áfeodo jaide comíni Jesuna íaire úritiaioi. Uaido iere riire íena táigoídiaioi. ⁴⁰ Daií fieni ie táigoíano íena daidíaioi:

—Juzíñamui gairíraco júdaiano daaruíamani ille mei meine níitícue daíífredioza; mai, o abi jíllota. Daje izóí Juzíñamui Jitona o íadi, jadíe cruzmona ana bi, —daidíaioi.

⁴¹ Daje izóí lletáriraíni illaíni, íemo ocuica uai llófuetino, íemo fariséuui naa ocuífiredede eicomíniri íena áifeduardo conímana daidíaioi:

⁴² —Díga jíámaciaína afémie jíllotafiredede, mei íadi dama ie abína jíllotanide. “Uafue Israel Illaíma o ía, jadíe crúzmona ana bii, áfemona omo caí ínolleza,” íena daidíaioi. ⁴³ Nai ie áifeduardo íena úritiaioi:

—Mei afémie Juzíñamui ínoteza, mai mei birui Juzíñamui ie jíllota, Juzíñamui ie jíllotaiacania. Afémie caína “Juzíñamui Jitódícue” daide, —daidíaioi.

⁴⁴ Daje izóí ie díga coraica merírifiredede íaillinoi íena íaire úritiaillinoi.

Jesús tilla

(Mr 15.33-41; Lc 23.44-49; Jn 19.28-30)

⁴⁵ Afe llezica nániena jítríficaide. Jítoma jaíciri íllamona batí ana ítemo jítríficaide. ⁴⁶ Ja jítoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daííacana: “Cue Juzíñamui, cue Juzíñamui, ¿ñibái mei cue zóofetio?”

⁴⁷ Afénomo itínomona dáarie áfena cacáillano daidíaioi:

—Bímie jaiái Juzíñamui uai llóraíma Elías jírite, —daidíaioi.

⁴⁸ Daií daina llezica afémacimona dáamie aizida esponja daina fíillicide raa uájide. Erírede vínomo riáitano Jesús jiróllena caífo rázido ñuitádiaioi. ⁴⁹ Mei íadi jíámaci daidíaioi:

—Dama íteza. Jetáñeno, Elías ie jílloaibiadi, cai cíoillega, — daidíai.

⁵⁰ Afe mei Jesús dáanomo riire caillide. Daií cáillia méifodo ja tide. ⁵¹ Ie tilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie nofíciái bócoizite. ⁵² Iemo daje llezica, comini raíáfuaí túicoizite. Afe llezica aillo tíide Juzíñamuimo íinotinuiaí meine abido cáadimacina jáidiai. ⁵³ Afe bimaci íaii raíáfuaímona jino bitíai. Iemo Jesús abido caana mei, ñuera Jerusalén jófuemo jáidiai. Afénomo aillo comini bie como meine abido cáadimacina cíodiai.

⁵⁴ Iemona fuiríraíni illaíma naa afémie diga Jesús úíñotinori, énie docailla, naa jíáie comuídifuiaína cíoilano, iere jacínaitiaí. Jacínaillano daidíai:

—Uáfueza bie Juzíñamui Jitó, —daidíai.

⁵⁵ Afénomo diga ringóniaí jicana eróiediaí. Aféngotiaí Galiléamona Jesudo jáidiai. Aféngotiaí Jesuna canófrediaí. ⁵⁶ Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jítorede.

Jesús raitíai

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredimie, íemo jíái afémie Jesudo jáicaifrede. ⁵⁸ Afe jira Pilátomo Jesús abí jícajide. Iemona Pilato Josemo afémiena ite. ⁵⁹ Iemo José Jesús abí ana uano ñuera áilloroina junide. ⁶⁰ Juníllano dama ie comue raiafomo jóonete. Afe raiafo nofícimo finoca. Raia mei áillue nofícina naze íbáillano jaide. ⁶¹ Afénomo Magdalena énie ingo María naa jíáie María diga raiafo uícori ráidiaínguái.

Jesús raíáfo uíñoitinona jóonetiaí

⁶² Afe jíáiruido, ocózinaiillaruimo jitaica raa fínua mei, lletáiraíni illaíni, naa fariséuaíri Pilátomo úrizaidiaí: ⁶³ — Ocuídímie, afe taino llóraíma Jesús dáinamo úibicaídicaí. Afémie caana llezica, “Daruíamani ille mei, tíllanomona meine abido cáaiticue,” daíífrede. ⁶⁴ Ie jira afe raiafo daruíamani fidi riire o finori, ie llófuegamaci ie abí naio mériaíbiñelleza. Mériano comínina “Ja Cristo tíide meine abido caade,” dáítiaí. Ie llófuegamaci daíí finóadi, íaii íiraínomo lloga táinofue, fueñe lloga táinofuaí baímo fiénite, —daíí daidíai.

⁶⁵ Jira Pilato daide:

—Batí omoi úiñote fuiríraini ite. Afémacido afe raiáfo omoi onona izói riire omoi finori, —daide.

⁶⁶ Iemona raiáfomo jaillano, afénona riire finódiaioi. Afe mei afe raiáfo emodo ibaila noficimo túiñoñeilla jana finódiaioi. Afe mei jóneoide fuiríraini afénomo fíano oni jáidiaioi.

28

Jesús tállanomona meine abido cáadimiéna jaide

(Mr 16.1-8; Lc 24.1-12; Jn 20.1-10)

¹ Ocózinaillarui jáiruido, semana fueñediruimo mona monáiacana llezica, Magdalena énie ingo María, jáie María diga raiáfo méiñuaidiainguai. ² Afe llezica énie riire docáiricaide. Juziñamui abi ímie ángel dainámie monámona ana billa énie níraidua. Afémie Jesús raiáfomo dúciillano afe ibaila nofici oni tuiñode. Tuiñuano afébicimo ráide. ³ Afémie abi mona borilla izói quenire cioide. Iemo afémie iniroi jaillici izói iere úzerede. ⁴ Afémiena cíocillano, jónete fuiríraini iere jacínaitiaioi. Cuidíridiaioi. Afe llezica tíidino izói jáidiaioi. ⁵ Afe mei Juziñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitiomoi. ⁶ Afémie ja benó iñede. Omoína ie daina izói, ja meine abido caade. Ie íaioi raiano eróizaibi. ⁷ Afe mei ie llófuegamacimo omoi llujiri. Bie izói lloiri: “Ja afémie tíide íadi meine abido cáadimiéna jáideza. Afémie ja omoi uícomo Galiléamo jaide. Afénomo íena cíoitiomoi.” Be ómoimo cue llóiacagafue, —daí daide.

⁸ Iemona ringóniai afe raiáfomona raire abido jáidiaioi. Aféngotiai iere ióbicaidiaioi íadi, nai jacíruioidimaci.

⁹ Iodo íaioi jailla llezica Jesús íaioimo cíocacide. Cíocacillano íaioina uáidote. Aféngotiai íemo ánozillano íemo cáimadotiaioi. Ie ídai meníñotiaioi. ¹⁰ Jira íaioina daide:

—Omoi jacíruiñeno. Cue ámatiaimo llujiri, Galiléamo raire íaioi jáilleza. Dinomo cuena cíoitiaioi, —daide.

Raiáfona úiñotaga fuiríraini llogafue

¹¹ Ringóniai jailla llezica, raiáfo jónete fuirírainimona dáarie jófueмо jáidiaioi. Afénomo dúciillano lletáriraini illáinimo nana íaioi cíonana llotiaioi. ¹² Aféllaini ocuide eicomínimo ñue íaioi onóilla llujidiaioi. Ie jira aillo úcubena afe fuirírainimo itiaioi. ¹³ Illano íaioina daide:

—Bie izói omoi daíri: “Naio cai ínia llezica ie llófuegamaci mériano ie abina uitiaioi.” ¹⁴ Iemo énie úiñotillaime aféfuena fidíadi, omoi ñue íllena dani cai afémiemo úrizaiticai. Afemona afémie ómoína duere fínoñeite, —daí daidiaioi.

¹⁵ Iemona afe fuiríraini úcube llínnotiaioi. Llínnota íaioina daína izói finuaidiaioi. Iemona judíuai nai biruimo Jesús meine abido cáanana uáitadiaioi; uáitano bie izói daiífirediaioi.

*Jesús ie orécamacimo jónega uai
(Mr 16.14-18; Lc 24.36-49; Jn 20.19-23)*

¹⁶ Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi. ¹⁷ Afénomo Jesuna íaioi cíoillano, afémiemo cáimadotiaioi. Mei íadi dáamierie nai figo ínoñede. ¹⁸ Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino diga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina báutizari. ²⁰ Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga íífireiticueza. Jaca omoi diga íiticuemo énie fuillíruimo dúcite. Daiítadeza; ja nñe.

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

Juan Bautista táizicimo lluaíbite

(Mt 3.1-12; Lc 3.1-9, 15-17; Jn 1.19-28)

¹ Juzíñamui Jitó Jesucristo lloga ñúefue bie izóí tainede.

² Jaiái uícodo Juzíñamui uai jino llóraíma Isaías cuete:

Mai cacai, o uiecodo cue rafue llotímie orédicue, o jáille io ñue ifóllena.

³ Táizicimo caillídímie uai ñue cacaide; daide:

Mai omoi Ocuíraíma jaille io ñue finori; ie macalle io jáicina tuiñori, —daide.

⁴ Afe izóí báutizaráíma Juan táizicimo cíocaizaíbite. Dinomo comini jitáirede báutizaillena afémie ñue lluaíbite. Iaióina daide:

—Omoi comeci ifue ñúefuena méidorediomoi. Ie mei báutizarediomoi. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaiói comécimo ite fiénidifuiái uáfodo jino llotíaiói. Daíí íaiói llua méifomo imani Jordámo Juan báutizagaíaiói.

⁶ Juan jitaca iniroi camello itíraíai finoina. Ie ciraigi llaitáinafe igorai finoina. Fíuai rite; jazici ie cíiji jirófírede.

⁷ Comínimo llócaillano daide:

—Fui cue méifodo bíitímie, iere cue baimo riire ocuífíreitímie. Iemona ie idai ico igai zuitánidicue, mei jofófene jamáimedicueza. ⁸ Jae jáinoído ómoína báutizadícue, ñuera iodo omoi jáiacana jino llóllena; mei íadi afe bíitímie Ñuera Joréñodo ómoína uícaítaite, ñuera iodo éicitaiñeno ñue omoi jáillena, —daíí daide Juan.

Jesús báutizainafue

(Mt 3.13-17; Lc 3.21-22)

⁹ Aféruillaído Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade. ¹⁰ Jáinoimona jino billa llezica Jesús mona tújicaillana ciode. Daje llezica Ñuera Joreño fíiciri izóí Jesumo ana bíllana Jesús ciode. ¹¹ Afe llezica monámona uai cácaide; daide:

—O iere cue izíruiga Jitódio. Ori iere caimare iticue, —daide.

Taife Jesús facátate
(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede.

¹³ Dinomo tóiñega rílleniai cígimo Jesús cuarenta dígarui ite. Afénomo Satanás (Taife jíáifodo mámeciredimie) Jesús facátate. Aféruillaido Juzíñamui abi imaci ángeles dainámaci Jesús cánuabitiaioi.

Jesús Galiléamo llófuiafue táiniaide
(Mt 4.12-17; Lc 4.14-15)

¹⁴ Ie mei illaima Herodes Báutizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide. ¹⁵ Jesús bie izóí daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ínuano, omoi comeci ífuiai méidori afémacimo dájena omoi jaináillena, —daide.

Jesús cuatro dígamie facóramaci uáidote
(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama Andrés diga. Facórami íaillinoi. Llójí jóraimo dotáfirediaillinoi. ¹⁷ Jesús íaillinoína daide:

—Mai cuedo ómicoi bi. Chámuniaí ómicoi jenófirena izóí, afe izóí comini jenórainina ómicoína jóoneiticue, —daide. ¹⁸ Raire íemona íaillinoi llójí fíanona, afémiedo jáidiaillinoi. ¹⁹ Ie mei Jesús bai jabo jaillano Zebedeo jitó, Santiágonaciode, ie ama Juan diga. Iaiói llójí cúaidino, nocáe ero ráicana niródiaillinoi. ²⁰ Jesús íaillinoi jírite. Iaillinoi moo Zebedeo nocaemo fiénocaillano ie canóramaci diga, Jesudo jáidiaillinoi.

Capernaumo fiénide jóriairedimie Jesús jíllotaga
(Lc 4.31-37)

²¹ Ja Capernaumo dúcidiaioi. Ie mei ocózinai llaruimo Jesús Juzíñamui uai llófueracomo jofo llófuiaide. ²² Afémie llogáfueri fáigacaidiaioi. Ua nibai ríimie izóí ñue llófullofuede. Ocuícafue llófueraini afe daí llófueñediaioi. ²³ Afe llezica Juzíñamui uai llófueracomo fiénidena jóriairedimie ite. ²⁴ Afémie ja Jesumo caillide; daide:

—Nazaret ímie, Jesús, ¿nífue cócomo illa? ¿Cai fatátaibitio? Ona onódicue. Juzíñamui íaifuenidimiedio; afémie rafue ñue lluíbitimiedio, —daide.

²⁵ Iemo Jesús fiénide jóriaimo riire úrite; daide:

—¡Llúcai! Bímie fáicanocaillano oni jai, —daide.

26 Iemo fiénide jóríai afémiena izire docáitate. Ie mei jamánomo caillidemo afémiemona oni jaide. 27 Ie jira nana nairai jacínaitiaioi. Jira conímamo jicánotiaioi:

—¿Bie minica? ¿Minica bie como llófueinafue? Bie Jesumo riire ocuállafue ite, fiénide jóríai oréllena. Afe fiénide jóríai afémiena ínnofirediaioi, —daidíaioi.

28 Ie jira Jesús mámeçi nana Galilea énie fuédado raire jica jalleide.

Jesús Simón Pedro jifaiño jíllotate
(Mt 8.14-15; Lc 4.38-39)

29 Juzíñamui uai llófueracomona jino billano, Jesús, Simón ie ama Andrés íaillinoi icomo jaide, Santiago, Juan diga. 30 Dinomo Simón jifaiño abi cuaríllamona íniranomo bíide. Afengo irárenana Jesumo llotíaioi. 31 Iemona aféngomo ánozillano, Jesús afengo onoi llíinota, íena caifo naidánete. Afe llezica afengo abi cuarilla aféngomona llíicaide. Daje llezica jarire íaioi jitailla güille afengo bai íaioimo atide.

Jesús aillo iráredino jíllotate
(Mt 8.16-17; Lc 4.40-41)

32 Aféruído, jítoma ana zójicaidemo, ja nauíoicailla llezica, nana afénomo ite iráredino, fiénidena jóríairedino diga, Jesumo atídiaioi. 33 Nana dino jofue nairai afeco naze fue ibírímo gairízitiaioi. 34 Jesús aillo íaioimo ite diga ie duico jíllotate. Afe llezica aillo fiénide jóríai Jesús jino comínimona orede, mei íadi Jesús afe jóríai úríñeillena íaioimona rairuide, mei afémiena onódiaioiza.

Jesús Galiléamo lluájide
(Lc 4.42-44)

35 Ja monáioicaidemo, nai jítireoidemo, Jesús cazíllano jino jófuemona oni tii daidínomo jaide, dinomo Juzíñamuimo úrillena. 36 Afe mei Simón ie nabáiñiari Jesús jénuaidiaioi. 37 Baillánona íena daidíaioi:

—Nana o jenódiaioi, —daidíaioi.

38 Iemo Jesús íaioina daide:

—Ainori itícuaímo mai cai jai, dinomo daje izói ñúefue cai lluájillena; mei afe jira jino bitícueza, —daide.

39 Daí Jesús nana Galiléado macade. Naga illánuiamo Juzíñamui uai llófueriracomo llócaide. Afe llezica comínimona fiénide jóríai jino orede.

Chínaite izóidimie Jesús jíllotate
(Mt 8.1-4; Lc 5.12-16)

40 Jesumo chínaite izóidimie ánozide. Ana dújuano daide:

—Cue o jíllotaiacaniadi cuena jíllotaredio, —daide.

⁴¹ Ie jira Jesús afémiemo dúecaide. Jira ónoído jétano daide:

—Jii, ona jíllotaiacadicue. Mai o abi jácaiteza, —daide.

⁴² Daií daínamona afe duico iráredimiemona cióbicaíñena. Jae ñúemie. ⁴³ Iemo Jesús afémie orede. Daje llezica riire ocuállano daide:

⁴⁴ —¡Cacai! Bumo lloñeno iri. Dama lletáriraima sacerdote daínamiemo jaillano, o abi ácatari. Dáaruído Moisés jaiiai ocuica abi duafue ráana, mai afémiemo izájiri. Iemona comini o abi jíllotana fídiitiaoí, —daide.

⁴⁵ Mei íadi afémie jaillano nana comínimo afe ie jíllonafue llúajide. Iemo aillo comini Jesumo izire gairíoidiaioí. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioí afémiena cíoillena.

2

Jesús tízitaitimie jíllotate
(Mt 9.1-8; Lc 5.17-26)

¹ Ie méifodo nano nígarui íllamona Jesús meine abido Capernaumo jaide. Afémie jofomo íllana ja fidídiaioí. ² Iemo aillo nairai ie jofomo gairídiaioí. Jofo comínina oruállamona iere rillírede; ja naze fuemo íaioí íllino iñede. Iaioimo Juzíñamui úrillafue Jesús jino lloste. ³ Iemo cuatro dígamie tízitaitimie atídiaioí. ⁴ Iere comini íllaza, Jesús illánomo dúcinide. Ie jira jofo emódomo caifo jaillano, Jesús illa llezícamo jofo emodo íbaícano cúcoidiaioí. Cúcoianona aféfodo tízitaitimie ana agüínetiaioí, naa afémie bírallu diga. ⁵ Afémaci comeci ínuana cíoillano, Jesús tízitaitimiema daide:

—Jitó, o fiénidifue jae ñue dófide, —daide.

⁶ Dáarie ocuícáfue llófueraini, dinomo ráiidino, íaioí comeci facáoidiaioí: ⁷ “¿Ñibái mei bímie daií úrite? Juzíñamuina fiéni úrite. Dama Juzíñamui fiénidifuena dua. Abi dine bu Juzíñamui izóí fiénidifuena doñena.” ⁸ Mei íadi dama Jesús ie comécido afémaci comeci úrillafuena onode. Jira daide:

—¿Ñibái mei omoí comeci daií facádiomoi? ⁹ ¿Ñiie iere júanina iráredimiema daiíllena: “O fiénidifue dófite,” nibai jíáifodo daína: “Náidacai, o bíra llínnota ui, mai maca”? ¿Ñiie iere júanina? ¹⁰ Ie jira jíáifuena ómoimo fidítaiticue. Bíniemo comini fiénidifuiaína oni muiñólle riino cuemo ite. Nanoide íma Jitódicueza, —daide. Iemo tízitaitimiema juare daínafuena daide:

¹¹ —Ona daidicue: Caifo náidacai. O bírallu llínnota mai o jofomo jairi, —daide.

12 Ja iráredimie raire náidacaillano ie bíirallu llínote. Llínuano dinómona jino jaide. Ie jáillana nana comini ciódiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daiñtadifuenta ciórainidicai, Juzíñamui o iere jamánomoidimiedio. Mai Juzíñamuimo cai ióbilli, —daidíaioi.

Jesús Leví uáidote

(Mt 9.9-13; Lc 5.27-32)

13 Ie mei Jesús meine abido jorai fuédamo jaide. Nana comini íemo áinozidiaioimo, afémie íaioina llófuete. 14 Jesús mácajilla llezica, Levína ciode. Leví Alfeo jitó. Afémie gobierno íbátaga úcube llínoranomo ráiide afe úcube llíinollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

15 Afe méifomo Jesús Leví jofomo güizájide. Dinomo aillo jáie gobierno íbátaga úcube llínoraimaci Jesús dáanomo güirábanimo ráiiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráidiaioi. 16 Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga íbátaga úcube llínoraimaciri dáanomo güíllana ciódiaioi. Iemona Jesús llófuegamacina daidíaioi:

—¿Nibái mei omoi llófueraima afe íáiruiga íbátaga úcube llínoraimaci diga güífiredo, jirófirede? Daje izói, ¿nibái mei jáie fiénidino diga güífiredo? —daidíaioi.

17 Aféfuena Jesús cacáillanona duera ráfuedo íaioina daide, nie ícoinia mei íáiruigamací diga ie güífirenana íaioi onóillena. Be níifue:

—Íránidimaci manóriraimana jitáíñediaioi; dani duícotaidino da manóriraimana jítaina. Mei ñúemacimo cue uáiduaíbiticue. Fiénidino uáiduaíbiticue afémaci jílloillena, —daide.

Daa mona güíllena fíimairillena Jesumo jicánotiaioi

(Mt 9.14-17; Lc 5.33-39)

18 Jáíruido Báutizaraima Juaado jáidino fariséuaido jáidino diga nana güíñeno fíimairitiaioi. Aféruimo dámierie Jesumo jicánuaíbitiaioi:

—¿Nibái mei Juaado jáidino fariséuaido jáidino diga nana güíñeno fíimairitiaioi, mei íadi o llófuegamaci fíimairiñediaioi? —daidíaioi.

19 Jesús uai uano ráfueмо mámano íaioi llófuete, afémiedo jáidino finócana jáimaci féinino onótallena. Daide:

—Airenafueмо uáidogamací ringo otímie íaioimo illa llezica ¿meita fíimairirediaioi? ¿Nibái fíimairinidiaioi? Ringo

otímie íaioimo illa llezica jaca fimainidiaioi. ²⁰ Mei íadi ringo otímie íaioimona bairóbicailliruimo dúciite; aféruimo uáfueña fimairitiaioi.

²¹ Iemo daje izói ñue onótallena jáiae ráfueño mámiano íaioi llófuete; daide:

—Buna jáiáicuiro inícuero cúaidinomo comue jofo gáijicañede iniroi nitácapu dájemo jofo jillíñede, mei comue gáijicañede nitácapu afe jáiácuirona onífenedo nane ráataitade. Iemona cúaidino jae iere aillóite. ²² Daje izói comue vino jácara igorai ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoína botella bójicaillano meine finónide. Ie jira comue vino comue igorai finoína botéllamo jóonerede, —daide.

Jesús llófuegamaci ocózinaillaruimo trigo llizíllaticiai tícoidiaioi (Mt 12.1-8; Lc 6.1-5)

²³ Daa mona ocózinaillaruimo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoiaidiaioi. ²⁴ Iemo fariséuai íena daidíaioi:

—¡Erocai! ¿Nibái mei o llófuegamaci rairuírede jetádiaioi? Afena ocózinaillaruimo rairuírede, —daidíaioi.

²⁵⁻²⁶ Mei íadi afémie íaioína daide:

—¿Jaca nibai David finócana facádoñediomoi? Afémie naa ie nabáiñiairi güille íñena llezica, júbietaillano Juzíñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juzíñamuimo eneno mameca rairuírede panes ite. Dani Juzíñamui lletáriraini áfena güirena; jáimacimona afe rairuírede. Afe panes David uánona güite; ie mei ie nabáiñiaimo fecade.

²⁷ Iemo nane Jesús íaioína daide:

—Íima ocózinaillarui íena fínoñega, mei íadi ocózinaillarui íima íena mameca. ²⁸ Jira Nanoide íima Jitona cue íllamona, ocózinaillaruiña ocuíredicue. Aferui Náamadícue, —daide.

3

Jesús ónoína llirídímie jíllotate (Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofo jaide. Afénomo ónoína llirídímie ite. ² Afénomo itínomona Jesumo iere eróioidiaioi, ocózinaillaruimo Jesús bímierna jíllotajana onóillena, áfedo Jesumo fiénidífue jitállena. ³ Ie jira ónoína llirídímiena Jesús daide:

—Náidacai; jofo bené cígimo bi, —daide.

⁴ Dáanomo jáimacimo jicánote:

—¿Minícana ocózinai llaruimo ómoiri finóredicue? ¿Nibai fiénidifue fínoiticue, nibai ñúefue fínoiticue? ¿Nibai omoi jíllotaiticue, nibai omoi títaiticue? —daide Jesús.

Mei íadi afémaci ja uai oñédiaioi. ⁵ Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe ímana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci diga jino jaillano, Jesús fallifue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuena, afémie finócafuiaina, fidíillano aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón diga áinori itímaci bite. Nana dáanomo bitíaioi; Jesús eróizaibitíaioi. ⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena. ¹⁰ Mei iere aillo nairai jíllotate. Iemona nana jáíe iráredino rillire afémiemo gairídiaioi, ie jetánollena. ¹¹ Iemo afénomo itínomona dáarie fieni joríaiaiaioi. Afémiena cióillanona, afémie uíecomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

¹² Mei íadi Jesús fiénide joríaina izire rairuide; daide:

—Juzíñamui Jitona cue íllana daiñeno iri, —daide.

Jesús doce dígamie nizede, oni íaioi óriano afémaci ie ñúefue llúájillena

(Mt 10.1-4; Lc 6.12-16)

¹³ Ie mei Jesús ídumo caifo jaide. Dínomo jaillano Jesús comeci óiacagamie dígamie nizede. Afémiemo bitíaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abímo íllena, ie uai llóitínona jáillena. ¹⁵ Dáanomo ríinona igáiaioi iráredino jíllotallena, íemo jáíe fiénide joríaia jino oréllena.

¹⁶ Afe nizécamací doce dígamie. Afémaci mámeciai: Simón, nímiemo Jesús jáíe mámecina jítaca, Pedro; ¹⁷ ie mei Zebedeo jító íaillinoi Santiago ie ama Juan diga. Afe íaillinoimo Jesús jáíe mámecí jítade, Boanerges. Afe mámecí daina: Iocimie íaillinoi. ¹⁸ Ie emódomo jáíe nizécamací mámeciai: Andrés, Felipe, Bartolomé, Mateo, Tomás, Alfeo jító Jacobo, Tadeo, íemo iere Járidotímacímo jáináidimie Simón, ¹⁹ ie mei Judas Iscariote. Afémie méifodo Jesús ie éoidínomo fécaitimie.

Fiénide jóríai ríino Jesumo ite táinona daiífirediaioi

(Mt 12.22-32; Lc 11.14-23; 12.10)

Afe méifomo Jesús ie llófuegamaci diga jofomo jofo jaide. ²⁰ Nane dáanomo aillo nairai gairízitiaioi. Iemona Cristo ie nizécano diga ja güinidiaioi. ²¹ Afefue fidíillano ie onoiga nabáiñiai bitíaioi ie oni uíllena, mei afémie uáiritaide daidíaioi.

²² Daje llezica Jerusalémona bite ocuífafue llófueraini, bie izói íeri úritiaioi; daidíaioi:

—Bímie Beelzebumo jaináidímie. Afe Beelzebú fiénide jóríai illaíma, (jíací ie mámece Taife). Afe Beelzebú ríinodo fiénide jóríai afémie jino jiude, —daidíaioi.

²³ Ie jira Jesús íaioi jírite. Jírilla mei, onoiga ráfuiái íaioimo llote:

—¿Nie izói afe Taifedo Taife jíurede? ¡Jíunide! ²⁴ Daa nairai énenorie jíáziena oni bójicaillano are íñeitiaioi, mei nágazie conima diga fuirífirediaioiza. ²⁵ Daje izói eneno dani jofóredino íaioi bójicaíadi, are íñeitiaioi. ²⁶ Mei jira Taife dama ie diga fuiríadi, íemona dama ie bójicaíadi, afémie are íñeite. Ua áfedo fúbicaite.

²⁷ Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

²⁸ Uáfueña ómoimo lloticue. Comini fiénidifuiái nana dórede, daje izói nana íaioi fue borefue diga dórede. ²⁹ Mei íadi Juzíñamui Ñuera Joréñomo fiéni úritímie ie fiénidifuiái jaca ua oni dónide. Dama ie ícoínia jaca íemo jíite, —daide.

³⁰ Daií daide, mei afémie fiénidena jóríairede daidíaioi.

Jesús ei ie ámatiai diga Jesuna uáiduaibitiaioi

(Mt 12.46-50; Lc 8.19-21)

³¹ Iemo Jesús ei ie ámatiai diga dúcidiaioi, mei íadi jino fiébidiaioi. Dinómona jofo gairíidinona daidíaioi:

—Mai ie jírizai, —daidíaioi. ³² Jesús abido ráíiedino íena daidíaioi:

—O ei, o ámatiai diga jino ite. O jénuaibitiaioi, —daidíaioi.

³³ Mei afémie daide:

—¿Buoí cue eina? ¿Buoí cue ámatiaína? —daide. ³⁴ Afe mei ie abido ráíiedinomo eróíllano daide:

—Be mei cue éitiai. Be mei cue ámatiai. ³⁵ Mei Juzíñamui ocuífafuena jeire otínona bie cue ama, bie cue miríngo, bie cue ei, —daide.

4

Ríjiraíma ie ífue

(Mt 13.1-9; Lc 8.4-8)

¹ Meine dáanomo jorai fuédamo Jesús llófuete. Ie illánomo aillo nairai gairídiaioi. Jamánomo aillo comini illa jira, Jesús

jóraimo ite nocaemo ráiizaide. Nana comini guamáemo fiébicaidiaioi. ² Iemo diga ráfuiái íaioimo llófuete. Ua íaioi onóigafuiaido llote. Ie llogáuai daide:

³ —Bíemo cácarei: Ríjiraima ríjizaide. ⁴ Ricana jailla llezica dáarie rillájiái iodo cocide. Iemo ófocuizai áfena güizáibitiaioi. ⁵ Jiáie rillájiái noficiaimo énie iñénamo cocide. Afe rigájiái raire zocade, mei afe énie figo iñédeza. ⁶ Mei íadi jitoma billa llezica uzidiaioi. Jáinao iñénamona dúidiaioi. ⁷ Jiáie rillájiái éegiai cígimo cocide. Afe éegiai zoca anamo itábicaidiaioi. Meita jaca lliziñediaioi. ⁸ Mei íadi jiáie rillájiái ñuera éniemo baíde. Zocádiaioi; ie mei ñue comuidiaioi. Mei ñue llizidiaioi. Daji rígamona zocano aillo llizide; jiáijái afe baímo llizide; jiáijái ie baímo ua aillo jamánomo llizide.

⁹ Ie mei íaioina daide:

—Omoimona cacáacadino cacai, —daide.

Afémie nibai íaioi onóigafuiái cígido llófuefirede
(Mt 13.10-17; Lc 8.9-10)

¹⁰ Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaioi:

—Bie onóigafue ¿nie izói daííacade? —daíidiaioi. ¹¹ Jira íaioina daide:

—Juziñamui ie uáfodo onóñega illáimana illirui rafue ómoimo llóiacade. Afedo ja lollíomoi. Mei íadi jino ite íemo jaináiñedino jaca íaioi onóigafuiaido llogáiaioi. ¹² Daíí cue llófuegaiaioi, íaioi cióillano nai uina cióñedimaci izói íaioi fiébicaillena. Afe izói cácaitiaioi íadi ónoñeitiaioi. Daíí llófuegaiaioi íaioi comeci ifue méidoñeillena; íemo jiái íaioi comeci fiénidifuiái dóficaiñeillena.

Jesús afe ríjiraima onóigafue ja ua jino llote
(Mt 13.18-23; Lc 8.11-15)

¹³ Dáanomo Jesús jicánote:

—¿Omoi bie onóigafue onóñediomoi? ¿Nie izói daíí mei jiáiena ónoitiomoi? ¹⁴ Afe riraima Juziñamui ñuefue lloraima izóidimie. ¹⁵ Dáarie comini afe iodo cocide rigájiái izóidiaioi. Afémaci afe cue llogáfuemo cacáreidiaioi. Mei íadi áfena cacáillanona, Taife íaioi comécimo lloga ráfuenta raire báiruabite. ¹⁶ Jiáie comini afe noficiaimo énie iñénamo cocide rigájiái izóidiaioi. Afe cue lloga uaina cacáillano raire caimare llinotiaioi. ¹⁷ Mei íadi figo jáinaonide rigájiái izóidiaioiza, dama íanori íllado ñue itiaioi. Afe mei lloga uai ícoinia facátafuiái bíadi, nibai duere íaioi zefuíadi, íaioi ínoñenamona íaioimo lloga uaina raire meine abido zóofetiaioi. ¹⁸ Jiáie comini afe éegiai cígiri cocide rigájiái izóidiaioi. Lloga uaina cacádiaioi, ¹⁹ mei íadi bie éniemo ite raamo comécillano

aféfuiaimo iere járitaitiaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofu comeci óiacaigafue íaioimo lloga uaina niné féitade. Ja mei féitagaza; ja ie comécimo llizilla izóí íñede. ²⁰ Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izóí íaioi íllamona, ñúefuina ñue aite izóí finódiaioi. Afémacimona dáarie afe daji rígamona zocano aillo llizilla izóidiaioi. Íaioimona jíáimaci afe baimo llizilla izóidiaioi. Jíáimaci afe ie baimo aillo jamánomo llizilla izóidiaioi.

Mechera iedo cai onóigafue
(Lc 8.16-18)

²¹ Jesús nai úrite; íaioina daide:

—¿Nogo anamo jónellena mechera meita atica? ¡Atiñega! ¿Daje izóí inírabani anamo rainállena mechera atícaza? ¡Atiñega! Naga mechera caifo jica raináfírega, ñue egáiñollena. ²² Mei ja nana báinino ite raa jino uáfodo cíocaitade. Daje izóí nana jáanoga rafue ñue onóigafuena jáite. ²³ Omoimona cacáacadino cácarei.

²⁴ Afe emódomo íaioina daide:

—Omoi cacánafuena ñue omoi onoiri. Naga raa omoi faca izóí, afe izóí Juzíñamui íbana ómoimo fácaiteza. Ie mei afe baimo afémie jamánomo aillo ómoimo íite, mei ñue cacádiomoiza. ²⁵ Mei íeredimiemo jíáiena ille; mei íadi íénidimiemona, íemo due ite raa meine bairolle.

Éniemo rigáji zócajamo mameca rafue

²⁶ Nane dáanomo daide Jesús:

—Juzíñamui illáimana illírui bie izoide. Daa iima éniemo rigájiai júdaia izoide. ²⁷ Rillano afémie abina íniaide. Ie mei cazide. Naio mona diga jaide. Afe llezica rigájiai zocade; zócano ñue zairide, mei íadi nie izóí comuídeza afémie onóñede. ²⁸ Mei ñuera éniemo rigájiai énie zocataga. Nano fueñe ie ina jino billa, ie mei llizíllachecoí comuide, ie mei afe llizíllachecoí íjiaina oruide. ²⁹ Ja ie jeia llezica, riraíma afe llizíllajiaina uájide. Mei afe jofu uáruimo ja dúcideza.

Mostaza llizíllaji iedo onoiga rafue
(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿nié izoide? ¿Ñie onóigafuedo daje izóí fácaíticai? ³¹ Juzíñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide. ³² Mei íadi rígamona, nana raróciai ie baimo aillo nana jaide. Ie ícairuai áarie. Iemona féedino ófocuzai ie

ícairuaimo ráinazaidiaioi. Afe jánamo uái ráiiediaioi, —daí Jesús daide.

Jesús jaca onoiga ráfuiaimo mámano llófuefirede
(Mt 13.34-35)

³³ Daí Jesús ie jino llóiacagafuai aillo bie izói onóigafuaido jóonecana uite. Iaiói onóillinomo daí llócaide. ³⁴ Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno dani íaiói illa llezica nana áfena jino íaióimo lote.

Jesús jairifo naa jorai bagua diga llícaitate
(Mt 8.23-27; Lc 8.22-25)

³⁵ Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶ Ie mei comini fiiano, Jesús uitíaiói. Afémie illácaedo jáidiaioi. Daje llezica jáícaeiáido afémiedo jáidiaioi. ³⁷ Iemo iere riírede jairifo náidacaide. Iemona jorai bagua nocáe eromo cocide. Uafue, nocáe jáinoina oruíbicaide. ³⁸ Afe llezica Jesús moífecaemo ifo jobéracadamo bícana inide. Afémie cazítajano íena daidíaiói:

—¡Llófueraima! ¿O caina ráiruiñedio? ¡Buízaidicai! —daidíaiói.

³⁹ Iemo Jesús náidacaillano jairifo lletade. Llétajano jóraina daide:

—¡Llícai! ¡Uái ii! —daide. Iemona jairifo llícaide. Nana ñue jáfuericaide. ⁴⁰ Ie mei ie llófuegamacina daide:

—¿Ñibái mei iere jacíruitíomoi? ¿Ñibai nai Juzíñamuimo íinoñediomoi? —daide.

⁴¹ Iadi jairifo ie llícaitari iere jacínaitiaioi. Dani conímamo úritiaioi:

—¿Bie níimie? ¡Jairifo jorai diga, afémie uaina jeire ote! —daidíaiói.

Gerasa éniemo fiénidena jóriaredimie Jesús jllotote
(Mt 8.28-34; Lc 8.26-39)

5

¹ Jae jorai ruicáfellemo ite Gadara éniemo dúcidiaioi. ² Jesús nocáemona jino jáidemo, raíáfuai illánomo ífirede fiénidena jóriaredimie Jesumo bite. ³ Afémie raíáfuai illánomo ífirede. Aféruillaído afémie jaca buna llójeodo cuinánide. ⁴ Diga ícaíño llójeodo idai onoi diga íena cuinádiaioi, mei íadi afémie afe llójeona titada jaca jéeninno titúbite. Jaca buna afémiena anáfenonide. ⁵ Mona naio diga afémie afénomo macáfírede. Iduáido caillícana jaide naa raíáfuaído. Daje llezica nofíciáido ie abi bofécade. ⁶ Iadi Jesuna jicana ciode; cíoilano, aizícana

bite. Billano Jesús anamo afémie ie caiñícido ana dújude.
 7 Jesumo riire lléjecaide:

—¿Nibái cuemo jíricaidio? O Jesúsdio; jamánomo caifoide Juziñamui Jitódio. Juziñamui mámecido omo jicádicue duere cue zéfuiñellena, —daide. 8 Daií lléjecaide, mei nano fueñe Jesús íena dáideza:

—¡Fiénide jóriai, bie ímmamona oni jai! —daide. 9 Jesús íemo jicánote:

—¿O mei búdio? —daide. Uai ote:

—Cue mámeçi Aillo Dáanomo Íraicano, mei áillomacídicaiza, —daide.

10 Iemo fiénide jóriai Jesumo izire jicade, afe éniemona jica íaioina oni óreiñellena. 11 Afe íduai áinomo aillo tóica meróniai guífiredede. 12 Ie jira fiénide jóriai Jesumo jicade:

—Afe meróniaino cai oreri, dinomo cai ílleza, —daidíai.

13 Ie mei Jesús fairíote. Iemo fiénide jóriai ímmamona jino meróniaino jáidiaioi. Mena mil tóinai ite. Nana afe tóinai jorai ígodado aizida cocídiaioi. Iemona jóraino coróbaitiaioi.

14 Ie jira meróniai úiñoraimaci jacínaillano botádiaioi. Afe rafue íaioi jófuemo llujáidiaioi naa jínoidimaci diga. Ie jira afe finócafue mo comini eróizaibitiaioi. 15 Jesús illánomo dúcillano nauí fiénidena jóriairedimiéna ciódiaioi. Mei íadi ja birui afémie ñue uái ráide. Ja incuirona jitáide. Ja ñue abina onode. Nana comini jacíruitiaioi. 16 Ie mei ciódino nauí fiénidena jóriairedimiéna finócafue na llujáidiaioi. Daje izói meróniaino finócafue llotiaioi. 17 Ie mei Jesumo izire jicajidiaioi íaioi éniemona afémie oni jáillena.

18 Jesús meine nocáe eromo jailla llezica, nauí fiénidena jóriaina ogámie Jesús diga íllena izire jicade. 19 Mei íadi Jesús fairíoñede. Afémiena daide:

—Mai o jofomo jai. O comínimo nana omo cue finócafue o llujáiri. O Ocuíraimadicueza. Omo cue dúecaillafue llujáiri, —daide Jesús.

20 Ie jira afémie jaillano nana Jesús aféniemo finócafue llujáide. Uafue nana Decápolis éniemo llujáide. Nana comini aféfuéri fáigacaidiaioi.

Jairo jiza jllotafue

(Mt 9.18-26; Lc 8.40-56)

21 Jesús meine jorai ruícafenemo nocaedo jáidemo, aillo comini Jesús illánomo gairízaibitiaioi. Afémie dino jorai fuédamo fiébide. 22 Iemo Juziñamui uai llófueriraco illáinimona dámie dúcide. Afémie mámeçi Jairo. Jesuna cióillano ie ídaimo bíjicaide. 23 Daje llezica izire jicade:

—Cue jiza tíiacade. O onoi cue jízamo bítaibi, ie jílloilleza, ie tííñelleza, —daide.

²⁴ Iemona Jesús afémie diga jaide. Ie llezica aillo comini afémiedo rillire jáidiaioi. ²⁵ Afémaci cígimo daa ringo iráredingo ite. Doce diga fimona díkotaite. ²⁶ Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷ Naui jáíimaci Jesudo úrillafuena cacáillano, afe ringo óodana comini cígido Jesumo áinozide. Iemo afémie inícuiro jetánuaide. ²⁸ Afe uícori afengo comeci anado daide; “Te inícuiro cue jetáadi jílloiticue,” daide. ²⁹ Ie mei inícuiro jetaa llezica afengo die tótaja llícaide. Afe llezica ie irárena jílluamona afengo abi ñue cacaide. ³⁰ Ie mei Jesús onóbicaide. Uafue, ie ríinodo da come jíllotaga afémie raire fidide. Ie jira comini cígido jino éroicaillano jicánote:

—¿Mei bu cue inícuiro jetaca? —daide. ³¹ Iemo ie llófuegamaci afémiena daide:

—¿Aillo comini rillire finuana cióñedio? ¿Nibái mei bu o inícuiro jetaa jicánotio? —daidiaioi.

³² Mei íadi Jesús nágafene erórifide afémie inícuiro jetádingona cióillena. ³³ Ie mei afengo jágieri cuidírite. Aféngomo finócafueña onóillano, Jesús uícomo ana bíjicaizaibite. Afengo rafue nana afémiemo uáfueña jino llote. ³⁴ Jira Jesús daide:

—Eicango, o comécido ñue ínotio, jira jíllodio. Mai jai. Jaillano uái o iri. O irárenamona ja jíllodioza, —daide.

³⁵ Jesús nai úrite, dáarie comini illaima Jairo jofómona bitíai. Dúengo moomo lluíbitiaioi:

—O jiza ja tíide. ¿Nibái mei are llófueraima ifoci daidódio? —daidiaioi. ³⁶ Mei íadi Jesús íaioi uai jeire oñeno, llófueriraco illaima Jáirona daide:

—Jacíruiñoño iri. Dama o comécido ínori, —daide.

³⁷ Iemo Jesús nana comini íedo jáíñellena rairuide. Dama Pedro, Santiago, ie ama Juan diga uite. ³⁸ Llófueriraco illaima jofomo dúcillano, Jesús aillo comini faillíñainana cacade; nana cáillicaili énaillana cacade. ³⁹ Jofo jaillano Jesús daide:

—¿Nibái mei iere faillíñaidiomoi? ¿Nibái mei iere éediomoi? Afeza tííñedeza; fia inide, —daide.

⁴⁰ Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiaioi. ⁴¹ Jiza onoi llíinuano daide:

—Talita, cumi—. Aféuai dobáicana llote: “Jiza, ona daidicue, náidacai.”

⁴² Daií dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiaioi. ⁴³ Mei íadi Jesús:

—Afefue bumo lloñeno iri, —daide. Daií ocuide. Afe llezica afe ringoza ecállena íaioina ocuide.

6

Jesús Nazaremo jailla

(Mt 13.53-58; Lc 4.16-30)

¹ Dinómona Jesús ie éniemo jaide. Ie llófuegamaci iedo jáidiaioi. ² Ocozinaillarumo dúciillanona Juziñamui uai llófueriracomo llófuiaide. Aillo comini íena cacáreidiaioi. Iemona íena jacíruicana fágacaidiaioi. Daidíaioi:

—¿Ninómona bímie nana bie ráfui ai onode? ¿Minica bie onónafue íemo ite? ¿Nie izói afémie bie aillo uaido dáinamona comuítaga raa comuítarede? ³ Mei bímie afe aménado tájiraima, ¿ero ua? Afémie María jitoza onódicai, ¿ero ua? Daje izói afémie ámatiai Santiago, José, Judas, Simón dígadeza onódicai. Iemo ie miríngotiai nai cai cígimo íllana onódicai, —daidíaioi.

Iemona afémaci Jesús uaina náfueacañediaioi. ⁴ Iemo Jesús íaioina daide:

—Nana jíáie comini, Juziñamui uai jino llóraimana ñue jíeruitiaioi. Mei íadi afe llóraima énie imaci, íezie imaci diga, figo íena jíeruiñediaioi. Daje izói ie jofo imaci íena jíeruiñediaioi, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotata. ⁶ Mei íadi nabémaci íñoñenari afémie fágacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate

(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo ie ríino iga, fiénide jóriai jino oréllena. ⁸ Ie llófuegamacina ocuide:

—Omoi jaille iodo ráiñuai jíáie minícana uiñeno iri. Daa omoi jigüida diga jairi. Tura uiñeno iri. Pan úcube diga uiñeno iri. ⁹ Omoi idai ico jítada jairi. Mena caifófecuiro uiñeno iri, dama o jítaoigacuiro uiri, —daide. ¹⁰ Iemo nane íaioina daide:

—Nicom o jáiadi, dinó o fiébiri; ua afe éniemona jíáinomo o jáiacana llezica dinó o fiébiri. ¹¹ Jáícomo omoi jáiadi, ómoina íaioi llíñoñeniadi, afénomona jairi. Daje izói o uai cacáacañenomona jairi. Jaillano, o idai ico ite eníchoma jino íaioimo teténori, daií íaioi finócafue o jíeruiñenana jino

llóitio. Uáfuenta omoj lloticue: Uire duere finóbilliruimo dúcia llezica, ómoina llinoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

¹² Iemo ie llófuegamaci jino jáidiaioi. Jaillano comini llotíaioi: —Mai omoi comeci ifue meídori, —daidiaioi. ¹³ Daje llezica aillo fiénide jóriai jino orédiaioi. Iráredinomo cáiredijina due jóonetiaioi; íemona jíllo diaioi.

Juan Bautista tíllafue

(Mt 14.1-12; Lc 9.7-9)

¹⁴ Illaíma Herodes aféfuiaína como fidide. Mei nana comini Jesús jalléinana onódiaioiza. Dáarie daidiaioi:

—Juan Bautista tiide íadi meine abido cáadimiena jaide. Iemona bie ríino afémiemo ite, —daidiaioi.

¹⁵ Jiáimaci daidiaioi:

—Bie Juziñamui uai llóraíma Elías, —daidiaioi.

Nane jiáimaci daidiaioi:

—Jaíai Juziñamui uai jino llóraini izoide bímie jiáie Juziñamui uai llóraíma, —daidiaioi.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui tíllanomona meine abido caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoínia Herodes Juan jae llavétate. Afe llezica íena llavéracomo maitátate. ¹⁸ Mei nauí Juan Heródemo llógaza:

—O ofaiño o aina ónidio; áfena rairuírede, —daide.

¹⁹ Ie jira Herodías Juamo éoícana eroide. Iena fáiacade, íadi íena fánide. ²⁰ Herodes afémie comécina jaícina ñue jóidimienana onode; iere ñúemienana onode. Ñúefuedo íena jacíruite. Ie jira afengo íena fiéni finótañede. Herodes Juan llogafue nai figo onóñede, íadi caímare íemo cacáreide. ²¹ Mei íadi Herodías jiáífue mo uílicaide. Herodes jocóinamona jiáie fimona fuilláruimo dúcide. Jira aféruido Herodes cumpleaños rafue finode. Nana ie illaini, jabóllaini, Galilea ocuíraini diga afénomo gairídiaioi, mei Herodes uáidogaiáioiza. ²² Dinomo Herodías jiza jofu jaillano zaite. Afengo záillari Herodes ióbide; daje izói nana ie diga güizáibitino ióbidaioi. Iemona illaíma Herodes aféngona daide:

—O jicáacaiga raa cuemo jica. Omo íiticue, —daide.

²³ Ríirede uaido nana afengo jicalle raa ie fecállena íaioi uiécomo llote: “Nana cuemo jainaide éniemona júbene o jitailla dieze omo llóiticue,” daide. ²⁴ Afengo jaillano ie eina daide:

—¿Minica jícaíticue? —daide.

Afengo daide:

—Mai, Juan Bautista ifoci jica, —daide.

²⁵ Afe ringoza jarire illaïma illánomo jofo jaide; íena daide:

—Raïre plato eromo Juan Bautista ifoci jóoneta cuemo ine, —daide.

²⁶ Iemona illaïma iere zúureficaide. Mei ja riïrede uaido llógaza afengo jicácana afémie jáanoiacañede. Daje llezica nana ie uáidogamací cacádiaïoi. Ie jira jáanoiacañede. ²⁷ Ie jira afe llezica ie abi úiñoraïma raïre llavériracomo orede, Juan ifoci atïllena. ²⁸ Afe abi úiñoraïma llavériracomo jaïllano, Juan ifoci jáitano plátomo jóoneta atïde. Afémie aféngomo izáïbite. Iemo ie eimo afengo izájide.

²⁹ Juaado jáidino, fidíillano, ie abi uájidiaïoi, ráïllena.

Jesús cinco mil dígade iñiaï ecade

(Mt 14.13-21; Lc 9.10-17; Jn 6.1-14)

³⁰ Afe mei Jesús nauï oni jino orécamací meine Jesumo gairíllano, nana íaïoi finócafue afémiemo llotíaïoi. Afe íaïoi llogafue llotíaïoi. ³¹ Iemona Jesús íaïoïna daide:

—Mai bi, oni báiïno cai ocózinaili, —daide.

Aillo comíni dúcioidiaïoi, jáioidiaïoi; ie jira Jesús ie imaci díga, güíndiaïoi. ³² Ie mei Jesús ie imaci díga nocaedo oni eneno tii daidínomo jáidiaïoi. ³³ Mei íadi aillo nairai íaïoi jáïllana ciode. Jesuna onóïllano nana jófuemona batínomo aizícana jáidiaïoi. Uafue, Jesús ie imaci díga uícomo dúciodiaïoi.

³⁴ Jesús dúcia mei nocáemona jino jaïllano aillo comínina ciode. Cióïllano afémacimo dúecaide. Íaïoïna izíruite nibai úiñoraïmanide ovéjaïai izóï itíaïoi. Ie jira díga ráfuaïna íaïoïmo llote. ³⁵ Ja nauïdemo ie llófuegamaci afémiena daiízaïbitiaïoi:

—Ja nauízaide. Afe benomo comíni jofona iñede. ³⁶ Mai comíni oni ore áïnorí itícuaimo jáïe jofue díga, dinomo íaïoi güille íbajïllena. Mei íaïoi güïllena benomo iñédeza, —daidíaïoi.

³⁷ Jira Jesús uai ote:

—Mai omoi íaïoi eca, —daide.

Afémiena daidíaïoi:

—¿Cai meita jaïllano íbáredicai, doscientos dígabe fidi pan bimaci ecállena? —daidíaïoi.

³⁸ Jira Jesús daide:

—¿Níga pan ómoïmo ite? Eroizai, —daide.

Afe fidíillano daidíaïoi:

—Jubécuiro díga panes ite, mena chamu díga, —daidíaïoi.

³⁹ Ie jira mócorede raitíremo Jesús comíni énenorie dázierie raizítate. ⁴⁰ Iemona cincuenta íemo jáï cien dígamierie

raizídaitiaioi. ⁴¹ Iemona Jesús afe jubeba panes mena chamu diga llíinote. Llínuano caifo monamo érocaillano:

—Iere figura, —daide. Daií dainano afe pan ditade. Dítajano ie llófuegamacimo fecade. Llófuegamaci ja comínimo oni fecádiaioi. Daje izói mena chamu nana comínido fecádiaioi. ⁴² Nana comini güitíaioi. Ua ñue jeírediaioi. ⁴³ Güilla mei panes chamu diga fiébidinona doce dígagai cirigai orútatiaioi. ⁴⁴ Afe Jesús fecaca panes güitímaci cinco mil dígamiaai.

Jesús jainoi emódodo macade
(Mt 14.22-27; Jn 6.16-21)

⁴⁵ Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daií ñeta llezica mei Jesús nana comini diga rainode. ⁴⁶ Iaioi ráinua méifodo Jesús idu emódodo Juzíñamuiimo úrizaide. ⁴⁷ Ja naiomo nocáe jorai cígimo ite. Jesús dama éniemo fiébricaide. ⁴⁸ Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo ánozide. Jainoi emódodo macade. Ánozide, íadi jicado fiaide izói macade. ⁴⁹ Ie jainoi emódodo mácajana íaioi cióillano comeci jacíruiocana facádiaioi: “¡Ñibai janaba!” daidíaioi. Jira caillíoidiaioi. ⁵⁰ Nana áfena cióillano iere jacínaitiaioi. Mei íadi Jesús raire íaioimo úrite; daide:

—¡Abi omoi mame! ¡Cueza! ¡Jacíruiño omoi iri! —daide.

⁵¹ Iáioimo itícaemo jofo jaide. Jofo jáidemo jairifo llíicaide. Iemo jacíruiocana áferi iere fáigacaidiaioi. ⁵² Ua afe daií fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai riirena jira.

Genesaret éniemo ite iráredino Jesús jílloate
(Mt 14.34-36)

⁵³ Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi. ⁵⁴ Nocáemona jino jailla llezica, afénomo ite comini raire Jesuna onódiaioi. ⁵⁵ Iemona afémaci nana afe éniemo raire aizícana lluájidiaioi. Iemona Jesús illánona fidíillano, afe dinomo iráredimaci duera inírabanido atídiaioi. ⁵⁶ Nágagobiaido ie jáiacana izói afe jofue cígimo ite ocózinairanomo iráredino jóonefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoído ie jáiadi, daje izói iráredino iomo jóonetiaioi. Afe llezica Jesús inícuero fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

7

¿Minica caina iaire finode?

(Mt 15.1-20)

¹ Iemo fariséuai Jesumo ánozidiaioi, dáarie ocuícafue llófueraini diga. Afe llófueraini Jerusalémona bitíaiioi. ² Nana bimaci Jesús llófuegamacimona dámierie ciódiaioi. Afe llófuegamaci onoi jocóñeno güitíaiioi, fariséuai afémacina daií daide, mei bimaci onoi jócua ocuica níciduafuemo dúcitaiñediaioiza. Afe ícoinia íaiioi jánana úritiaioi. ³ Daií daidíaiioi mei fariséuai nana judíuai diga íaiioi jaiáigima uai nai uicadiaioiza. Aféfuiai daide, comini nai bie izói íaiioi onoi diga icaiño jócoñenia güinidiaioi. ⁴ Daje izói güille fecáracomona meine billano, onoi jócua ocuica níciduafue nai fuitáñenia güinidiaioi. Nai aillo ite afémaci jiáie uícaigafuiai. Uafue, íaiioi jiróracuai diga icaiño jocóñirediaioi. Daje izói íaiioi icíruai, cadéruai, jamánomo diga ícaiño jocódiaioi íaiioi inírabanilla diga. ⁵ Iemona fariséuai, ocuícafue llófueraini diga Jesumo jicánotiaioi:

—¿Nibái mei o llófuegamaci cai jaiáigima daináfuiiai uícañediaioi? Daií onoi íáirededo güitíaiioi, —daidíaiioi.

⁶ Jesús uai ote:

—Juziñamui uai lloraima Isaías ñue llote. Nana omoi abina ñúemaci, íadi comécina íairediomoi. Ie cuia llezica ómoimo llote:

Bie comini fueo ñúefue cuemo jitádiaioi.

Mei íadi íaiioi comeci cuemo jaináñede.

⁷ Cue ñúefuedo úrilla cuemo gairíñirediaioi, mei íadi íaiioi úrillafue ráifiñede.

Íaiioi llófuega Juziñamui daináuai, fia jamai comini ocuícafuiai.

Juziñamui uáñede, daií íaiioi daina íadi, daide.

⁸ Mei Juziñamui ocuícafue féitatomoi, fia comini daináfuiiai jeire omoi óllena. Aféfuiai daide: icíruai jocóllena, jiróracuai jocóllena, aillo jiáie afe izóidifuiiai omoi finóllena.

⁹ Iemo afe emódomo bie izói zanoda íaioina daide:

—Juziñamui ocuícauai iere ebire oni eneno omoi fáicanocaiga, dani omoi daináfuiiai uícaillena. ¹⁰ Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfueña titáredeza,” daide. ¹¹ Mei íadi jiáifodo daidíomoi:

—Dámie ie moo íaillinona bie daiírede, “Ona canónidicue, mei nana cuemo ite ráaie jae ‘Corbán’ itíaiioiza”. (Afe uai dobáicana daina Juziñamui íena mamécaza.) ¹² Damie daií daiíadi, ja mei ie ei ie moo diga canónide náfuetiomoi. ¹³ Afe

ícoinia Juziñamui ocuica uaina jámairuitiomoi. Uafue, comini llocana jaide llogafue inota ñuefueña jámairuitiomoi. Aillo afe izóidifuiái finófirediomoi.

14 Nane dáanomo Jesús comini jírrite; jírillano íaioina daide:

—Nana omoi cácarei, comeci onoiri. 15 Nana güillemo comécina íairenafue iñede. Mei íadi comécimona jino bitifue come comeci íairetate. 16 Omoimona cacáreiacadino cacai, —daide.

17 Jesús comini fíiano jofomo jaide. Dinomo ie llófuegamaci afe onóigafuedo íemo jicánotiaioi. 18-19 Iemo íaioina daide:

—¿Daií jaca ónoñeitiomoi? Nana jinona güiga raa comécimo jáiñede. Jébegimo jaide. Ie jira cómena íairuitañede. Jébegimo jailla mei, abimona oni dotácaza. ¿Aféfuena fidíñediomoi?

Afedo Jesús daiíacade nana güille ñuera. 20 Nane daide:

—Íima comécimona jino bitifue dama afémiena íairuitade. 21 Mei afémie erómona, ua ie comécimona jino fiéni uibíllafue bite; íemo jiruírenafue bite, naa jáie jiruífuiái diga; íemo jáíma méiniafue bite, 22 merírillafue diga; íemo jáíma raa bairóacanafue bite, jáie fiénidifuiái diga; ie mei jáíma jífuiáfue bite, nana íairedifuiái diga. Iemo úradoillafue bite, naa táinona úrillafue diga. Iemo táinona abi inuafue bite, naa abina onóñenafue diga. 23 Nana bie figóñedifuiái come erómona bite; billano cómena íaire finode.

Jiáizie ingo Jesumo inote (Mt 15.21-28)

24 Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide. 25 Iemo fiénidena jóriairedingo ei, ie íllana raire fidide. Billano Jesús anamo dújude. 26 Afengo judío ingóñede; jiáizie ingo. Afengo énie mámecei Sirofenicia. Afengo jízamo ite fiénide jóriai óllena Jesumo jicade. 27 Mei íadi Jesús daide:

—Juziñamui úruiai raire nano fueñe güilleza. Juziñamui úruiai güille bairoda tóica jico izoide comínimo ígadenia figóñede.

28 Afengo uai ote:

—Uafue Ocuíraima; mei íadi úruiai güillamona, ana cocídijiai, güirábani anamo ite jicótiruai güífirediaioi, —daide.

29 Ie mei Jesús daide:

—Ua llotio. Iemona ja jáiredio, o jízamo ite fiénide jóriai jae oni jáideza, —daide.

30 Afengo jofomo dúcina llezica, iníramo bíide jízana ciode. Fiénide jóriai ja ua aféngomona ñue oni jaide.

Jefona cacáñede gogódime Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiái dinedo jaide. Aféniedo jaillano, meine abido Galilea jóraimo dúcide.

³² Afénomo jefona cacáiñede uaina jino figo baiññedimie Jesumo atídíaiói. Iemo izire jicádiaiói Jesús afémiemo onói bitállena. ³³ Ie jira Jesús náiraimona oni báinino íena uite. Dinomo Jesús dama ie onocái jefona cacáiñedimie jefomo dutade. Ie mei Jesús dama ie onócaimo tuánuano afe úriññedimie iife jetánote. ³⁴ Afe mei Jesús monamo érocaillanona comeci zúurenamona zegóricaide. Zegóricailano íena daide:

—¡Efata! —daide. Afe uai jino dobáiñuano daina: tújicai.

³⁵ Afe llezica jefona cacáiñedimie jefo tújicaide; ie iife ñue jíllode. Iemona afémie ja ñue úrite. ³⁶ Iemona Jesús íaióina rairuide:

—Jííamacimo lloñeno iri, —daide. Jesús afe daí dígacaiño íaióina rairuide. Mei íadi Jesús iere rairuide íadi, áfena náfueñeno aféfuena baimo jino llócaidiaiói. ³⁷ Iemo nana comini iere jamánomo fáigacaidiaiói. Daidíaiói:

—Nana ñue finode. Afémie jefona cacáiñedimie cacáitate; uaina jino figo baiññedimiena ñue úritade, —daidíaiói.

8

Jesús cuatro mil diga comini ecade (Mt 15.32-39)

¹ Aféruillaído aillo comini meine dáanomo gairídiaiói. Iaiói güille iñede. Ie jira Jesús ie llófuegamaci jíirita, íaióina daide:

² —Bie náirairi dúceaidicue. Ja daruíamani benó cue diga itíaiói. Iaiói güille jae iñede. ³ Güiñeno íaiói jofomo orédicuenia, iodo báicana jáitiaiói. Dáarie jicana bitíaióiza, —daide Jesús.

⁴ Ie llófuegamaci uai otíaiói:

—Benó bu iñénanoza ¿minícana íaiói ecáredicai?

⁵ Jesús íaióimo jicánote:

—¿Níga panes ómoimo ite? —daide.

Jira afémaci daidíaiói:

—Siete panes caimo ite, —daidíaiói.

⁶ Ie jira nana comini ana éniemo ráiitate. Iemo Jesús afe siete panes llínuano, Juzíñamuina “Figora” daide. Daina mei, afe panes ditade. Daíí ñeta, ie llófuegamacimo ite. Afe mei llófuegamaci comínido oni fecádiaiói. ⁷ Afémacimo due jiza chamu ite. Jesús Juzíñamuina “Figora” dainano afe chamu fecátate. ⁸ Nana güitíaiói. Iemona ñue jeírediaíoi. Ie mei güillamona fiébidino siete diga cirigai iráidiaiói. ⁹ Afe güitino cuatro milmo ánoziacade. Afe mei Jesús nana íaiói rainode.

¹⁰ Ráinua mei afémie raire ie llófuegamaci diga nocaemo jofa jaide. Iemo Dalmanuta éniemo jaide.

Fariséuai uai dáinamona comuide onótate raa jicádiaioi
(Mt 16.1-4; Lc 12.54-56)

¹¹ Iemona fariséuai Jesumo júfiduaibitiaioi. Ie facátaiacadiaioi. Iemona: “Monámona uaido comuide onótate raa caimo ácatari,” daidíaioi. ¹² Iemo Jesús comeci zúurenamona izire zegóricaillano daide:

—¿Nibái mei bie nairai uáimona comuide onótate raa jicádiaioi? Uáfueña ómoimo lloticue, jaca onótate raana bu ómoimo finoñeite, —daide.

¹³ Jira Jesús íaioi fíano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidifuedo Jesús llote
(Mt 16.5-12)

¹⁴ Jesús ie llófuegamaci diga íaioi jailla llezica, íaioi ráiñuai féitatiaioi. Dinó nocaemo fia daa pan íaioimo ite. ¹⁵ Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abí omoi rairuiri, —daide.

¹⁶ Iemo llófuegamaci dani conímamo llotíaioi:

—Nibai cai pan iñena jírari, Jesús caina daí riire daide, —daidíaioi.

¹⁷ Jesús dani íaioi úrillana onóillano daide:

—¿Nibái mei, “caimo pan iñede” dani jofa conímamo daifirediomoi? ¿Nai fidiñediomoi? ¿Nai omoi comécimo déiñede? ¿Omoi comeci nai iere riirede? ¹⁸ ¿Omoi uído cióñediomoi? ¿Omoi jefodo cacáñediomoi? ¿Nai cue finócafueña onóñediomoi? ¹⁹ Naui cinco mil iñiaí dígamiedemo afe cinco panes cue fecácamo, ¿niga cirigai fiébidinona iráidiomoi? —daide.

Iemo daidíaioi:

—Doce dígagai cirigai, —daidíaioi.

²⁰ Jesús nane daide:

—Daje izói cuatro mil iñiaí dígamiedemo afe siete panes cue fecácamo, ¿niga oruide cirigai iráidiomoi? —daide.

Iemo daidíaioi:

—Siete dígagai cirigai, —daidíaioi.

²¹ Iemo íaioina daide:

—¿Nai omoi comécimo jaca déiñede? —daide.

Betsaida jófueño ite uina cióñedimie Jesús jílolate

²² Ja Betsaida jófueño dúcidiaioi. Iemo uina cióñedimie Jesumo comini atidiaioi. Iena jetánollena izire jicádiaioi. ²³ Uina

cióñedimie ónoído llíinota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei iemo jicánote:

—¿Ja baca o ui cioide? —daide.

²⁴ Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiai izói cióidiaioi, —daide.

²⁵ Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue ciode. ²⁶ Ie mei Jesús ie jofomo ie orede. Iena daide:

—Jófuemo jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue llote

(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuiái dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidiaioi? —daide.

²⁸ Afémaci uai otíaioi:

—Dámierie Juan Bautístadio daide. Jáimíiai Elíasdio daidiaioi. Ie jáimíiai jáie uai lloráimadio daidiaioi, —daíí uai otíaioi.

²⁹ Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeilla.

Jesús ie tíillifue fíditate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo llote. Lluano daide:

—Nanoide íima Jitódicueza íadi iere duere zefuítallicue. Eicomini cuena ruifíruitiaioi. Daje izói lletáriraini illaini, ocuícáfue llófueraini diga cuena ruifíruitiaioi. Omoína daidicue, afémaci cuena méineitiaioi. Mei íadi daruíámani íllamona tíillanomona meine abido caifo náidacaiticue. ³² Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro létano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jíirite, nana jáie comini diga. Íaioina daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona nibai afémie tíadi áfemo comeci fáinide; cuedo bírede. ³⁵ Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jálluano llícaíte; daje izói, cue lloga ñúefue ícoinia abi rairuíacañedimie zííñona íte. ³⁶ Mei jáífodo nana éniemo ite raa cai óiadi, mei íadi afe llezica cai zííñona illifue niné féiadi, ¿nieze canócacai? ¡Canóñegacai! ³⁷ ¿Nieze íbárede da come ie zííñona illafue abido óllena? Íbánide. ³⁸ Mei jíi, dáamie cuena meáiruiadi, abido afémiena meáruiticue. Daje izói bie minícana ínoñede fiénidimaci uiécomo cue lloga uaina meáruitimie, íena meáruiticue. Mei Nanoide íma Jitódicueza. Uire cue Moo aillo ñue máriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáruitinona, daje izói íaioina meáruiticue.

9

¹ Nane Jesús íaioina daide:

—Uáfueña ómoimo lloticue. Benomo itímacimona dáarie nai íaioi tíñenia Juzíñamui aillo ie ríinodo ie illáimana íllana cíotiaioi, —daide.

Jesús abi jáífodo méidoficaide
(Mt 17.1-13; Lc 9.28-36)

² Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi eróicana afémie abi jáífodo méidoficaide. ³ Ie ínícuro quénicuirona jaide, ua iere úzerede jaillici izói. Bie éniemo finódino íníoina afe izói úzeretanidiaioi. ⁴ Afe llezica Elías, Moisés diga Jesumo úrillana cíodiaioi. ⁵ Jira Pedro Jesuna daide:

—Llófueraima, ñi cai benomo ñue illa. Daámani jofóchupi ómoiena cai finolli, daa óchupi, jíaie Moisés ichupi, jíaie Elías ichupi, —daide.

⁶ Afe dáanomo ie llófuegamaci iere jacínaificaidiaioi; jacínaillano Pedro ñie izói dánana onóñenano daí daide.

⁷ Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Aféniemo cácarei, —daide.

⁸ Afe llezica, nágafene eróroidiaioi íadi íaioi diga buna cíóñena, dama Jesús.

⁹ Idumona ana bitíaioimo Jesús afe íaioimo cíónafue jáíimacimo llúana rairuide. Íaioina daide:

—Nanoide íma Jitódicue. Uire cue tíllinomona meine abido cáadimiena cue illíruimo afe omoi cíónafueña llóreitiomoi, —daide. ¹⁰ Ie jira aféfuemo dani comécidiaioi.

Mei íadi afémie tíllinomona abido cáadimiena illífuena jicánofirediaioi:

—¿Minícana íite? —conímana dani daidíaioi.

¹¹ Ie mei Jesumo jicánotiaioi:

—¿Nibái mei ocuícáfue llófueraini daífirediaioi, caina illáimaite Mesías dainámie uícodo Elías raire biite? — jicánotiaioi.

¹² Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide fima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³ Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícomo daina izói, afe izói ja afémiemo zuíde, —daide.

Jesús fiénidena jóriarede dúemie jíllotate

(Mt 17.14-21; Lc 9.37-43)

¹⁴ Ie mei ja jáíie llófuegamaci illánomo Jesús daámani caifónedumo uigámaci diga meine bitíaioi. Billano aillo comini íaioimo gairíllana ciódiaioi. Ocuica uai llófueraini daánomo ite. Afe llezica afémaci Jesús llófuegamacimo júfidotiaioi. ¹⁵ Ie mei Jesuna cióillano iere fáigacaidiaioi. Afémiemo aizícana uáiduaidíaioi. ¹⁶ Ie jira Jesús ie llófuegamacimo jicánote:

—¿Minica afe ocuica uai llófuerainimo júfidotiomo? — daide.

¹⁷ Afénomo itímacimona daa uai ote:

—Llófueraima, benó omo cue jító atídicue. Fiénide jóriai afémie uáinino finode. ¹⁸ Náganomo ie jáiadi afe jóriai ie uánona ana dotáfirede. Ja dinomo fuedo mulléfirede; afe llezica ízie mutúricaide. Iemona ie abi iere naillíbicaide. O llófuegamacimo fiénide jóriai jino óllena jicádicue, íadi afémaci ónidiaioi, —daide.

¹⁹ Jira Jesús uai ote:

—¡Aíi, Juzíñamui mo ñnoñedimaci! ¿Nie dinó ómoiri íitícue? ¿Nie dinó ómoína mozóitícue? Bené dúemie atí, —daide.

²⁰ Jira atídiaioi. Afe jóriai Jesuna cióillano, afe dúemie abi mejne cuidítate. Cúdiamona afémie éniemo baide. Dinomo jabíoicaide. Fuedo mulléoi. ²¹ Jira Jesús ie moomo jicánote:

—¿Ja níé dino daí ite? —daide.

Jira moo daide:

—Jaca ie dúenamona. ²² Diga ícaíño fiénide jóriai afémie iraimo dotáfirede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

²³ Jesús íena daide:

—¿Nibái mei “O finóreniadi cai cano” cuena daidio? Daií daiñeno iri, mei Juziñamuimo ñnotimie mo naga raa finóredeza, —daide.

²⁴ Ie jira afe úrue moo caillioicaide:

—¡ñnoticue! Cue cano jamánomo cue ñnolleza, —daide.

²⁵ Jesús aillo comini ofillana cióillano, fiénide jóriai riire lletade. Daide:

—Uáinitade jóriai, cacáitañede jóriai, o jino jáillena ja ocuícueza, ¡jai! ¡Bie úrue fáinocai! Meine abido íena oñeno iri, —daide. ²⁶ Iemona jóriai caillide; cáilliano dúemie meine nane riire cuidátate. Cuidítajano oni jaide, íadi afe dúemiena tíide izói finode. Jira aillo comini:

—Ja tíide, —daidiaioi. ²⁷ Mei íadi Jesús ónoido llíinota caifo dúemiena naidánete. Iemona afémie ñue jílloda náidacaide.

²⁸ Ie mei Jesús daa jofomo jofo jaide. Afe mei ie llófuegamaci eneno íemo jicánotiaioi:

—¿Nibái mei fiénide jóriaina ónidicai? —daidiaioi.

²⁹ Jira Jesús daide:

—Bie izói jóriai dama Juziñamuimo úrillado, íemo fimairillado jino orérede, —daide.

Jesús ie tíillifue meine fidítate

(Mt 17.22-23; Lc 9.43-45)

³⁰ Afénomona íaioi jaillano Galilea éniado jáidiaioi. Jesús báinino jáiacade bu ónoñeillena. ³¹ Mei aféruillaído Jesús ie llófuegamacimo llófullofuedeza. Afémiemo zúillifue íaioimo llote. Lluano íaioina daide:

—Nanoide Hima Jitódicueza íadi uire náiraímo izájillicueza, cue íaioi fállena. Mei íadi daruíamani cue tíllanomona meine abido cáadimiena íiticue, —daide. ³² Mei íadi afémaci ie dáinana onóñediaioi. Daje izói íemo jicánuana jacíruitiaioi.

¿Bu iere jamánomo áillomiena?

(Mt 18.1-5; Lc 9.46-48)

³³ Iemo afémaci Capernaumo dúcidiaioi. Jofomo íaioi illa llezica, Jesús íaioimo jicánote:

—¿Minícafue iomo júfidotiomoi? —daide.

³⁴ Mei íadi jaca uaina oñediaioi. Mei jae iodo júfidotiaioi, ¿bu cáimona jamánomo áillomiena illa? ³⁵ Ie jira Jesús ana ráinaillano, ie doce diga llófuegamaci jírite; daide:

—Dámie raire uiécodo áillomiena jáiacaniadi, nano fueñe iere jamáimiena írede; daje izói nana comini canóraímana írede, —daide.

³⁶ Iemona Jesús daa úrue llíinuano íaioi cígimo jónete. Ie mei ie ónoido íena llirínuano comínina daide:

37 —Bie úrue cue mámeçido llíinotimie dájena cuena llíinote. Daje izói cuena llíinotimie dama cue llíinoñede, mei íadi cue orédimiena cue abido llíinote, —daide.

Caina éoñedimie cai dibénemo ite
(Mt 10.42; Lc 9.49-50)

38 Iemo Juan Jesuna daide:

—Llófueraima, dámie ciódicai o mámeçido fiénide jóriai jino orede. Mei íadi caido jáiñena jira íena rairuídicaí.

39 Mei Jesús daide:

—Rairuífeno iri. Mei daií cue mámeçido ciórainina raa finódimie ñúemie. Daií finódimie afe finua méifomo raire cuedo fiení úrinide. ⁴⁰ Mei caina éoñedimie ua cai dibéfodo itímie. ⁴¹ Jáíe come cue mámeçido omoi jirótaadi, mei Crísumo omoi jainaina jira, afe jirótatímie uáfúena ie jiríðolle raa llíinoite, —daide.

Fiénidifüemo baiíllena iere jacírede
(Mt 18.6-9; Lc 17.1-2)

⁴² Jáíe come, bie cuena ínóte dúemie fiénidifüemo baiítaiadi, afe come fiénide. Baiítatímie mona figura, cimoimo áillue nofícina cúnano monáillaimo dotárede. ⁴³ Dama o onoi fiénidifüemo o baiítaiadi, afe o jaitari. Júbezi onoi diga ziiño ñue illafue Juzíñamui mona o maiñóadi, iere ñuera. Mei nágafezi onoi íadi “comini duere finolle iraimo” o dotábicaíadi, iere figóñede. Afénomo ite irai dúitanide. ⁴⁴ Afénomo ite aigíroíai tíiñediaíoi; afe aigíroí, afeno itímacina ziiño na duere fínoitiaíoi. Afe irai jaca dúíñede. ⁴⁵ Daje izói o ídai fiénidifüemo o baiítaiadi, áfena jaita. Júbene ídaínide o illa llezica ziiño ñue illafue Juzíñamui mona o maiñóadi, jamánomo ñuera. Mei jáífodo iraimo o dotábicaíadi ñue mena ídairedímie o íadi, iere figóñede. Afénomo ite irai dúitanide. ⁴⁶ Afénomo ite aigíroíai tíiñediaíoi; afe aigíroí, afeno itímacina ziiño na duere fínoitiaíoi. Afe irai jaca dúíñeiteza. ⁴⁷ Daje izói o uiji ona íáidaitaiadi, mai afeji cuerónori. Ua júbene fíidímie Juzíñamui illáimana illánomo o jáíadi, jamánomo ñuera. Mei íadi nágaillinoí uíjiredímie o illa llezica, iraimo o dotábicaíadi iere figóñede. ⁴⁸ Afénomo ite aigíroíai tíiñediaíoi; afe aigíroí afeno itímacina ziiño na duere fínoitiaíoi. Afe irai jaca dúíñede.

⁴⁹ Mei nana fia fecaca Juzíñamui íóbitalle jobaica rílleniamu salna jónefirediaíoi, afe fecaca rille ñue íllena. Daje izói nana raamo cai jírinafuaíado ñue íredicaí. Aféfuíai irai come uzilla izírena izói caina izi cácataite, Juzíñamui anamo ñue cai íllena. ⁵⁰ Sal ñuera; mei íadi afe sal ie cáimana féíadi, ¿minícado afe sal meine abido cáimacaitarede? Mai dani conímaíaina

caimátaillafue dibénemo omoi iri. Afe llezica comeci caimare uái illáfuemo dani conímaiaina ífireiri.

10

Jesús, naga come ie aina oni dótana rairuide

(Mt 19.1-12; Lc 16.18)

¹ Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido gairízaibitiaioi. Iemona Jesús ie ífirena izói íaioina llófuete. ² Iemo fariséuaimona dáarie Jesuna fieni facátaibitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruiñega? —daidíaioi.

³ Iemona Jesús uai ote:

—¿Niie izói Moisés ómoína ocuide? —daide.

⁴ Jira íena daidíaioi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúerede. Ie mei daíi oni dotárede, —daidíaioi.

⁵ Iemo Jesús íaioína daide:

—Moisés afe uaina ómoimo llote, mei omoi comeci ifue iere ríiredeza. ⁶ Mei íadi nano fueñe, Juzíñamui nana ráaniaina comúitaja llezica, “afémie iima ringo diga íaillinoína comúitate.” ⁷ “Ie jira naga iima, ie ai úamona, ie moo ei diga fiénocaillano, oni dáanomó íitiaillinoi. ⁸ Daíi ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza. ⁹ Ie jira Juzíñamui dáanomó jónegaiaillinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaioi. ¹¹ Jesús íaioína daide:

—Afe ai oni dotádimie jíáie ai óllena, dotaca ringo dibénemo afémie jiruifue finode. ¹² Daje izói ini oni dotádingo jíáimie mo iníreillena, afengo jiruifue finode.

Jesús úruiai ñue íllena finode

(Mt 19.13-15; Lc 18.15-17)

¹³ Ie mei Jesumo úruiai atídíaioi, íaioimo ie onoi bitállena. Mei íadi llófuegamaci atídínona rairuide, íaioi átiñeillena. ¹⁴ Jesús áfena cíóillano ríicaide; jira íaioína daide:

—Rairuíñeno iri. Fáinocai úruiai cuemo bílleza. Íaioína llótaidoñeno iri. Juzíñamuimo jaináidino ua afe bie úruiai izói itíaióiza. ¹⁵ Uáfueña ómoína daidícue, Juzíñamui illáimana íllana jíeruiredicai. Uruiai áfena jíeruilla izói jíeruiredicai. Mei íadi nana afe izói jíeruíñedinona Juzíñamui ie caimare íllínomo jofo óreñeite.

¹⁶ Iemo úruiaia llirínuano, ie onoi íaiioimo bíitano íaiioina ñue finode.

*Ráarede jitócome Jesús diga úrizabite
(Mt 19.16-30; Lc 18.18-30)*

¹⁷ Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íiticue zíñona cue illino cue óllena? —daide.

¹⁸ Jira Jesús daide:

—¿Nibái mei cuena figomie daidio? Ímamona buna figomiena iñede. Dama Juzíñamui figomie. ¹⁹ Ocuícafuiaia onódio:

“Jiáima ai diga iñeno iri;

come fañeno iri;

meríriñeno iri;

bumo taino lloñeno iri;

jiáima jífueñeno iri;

o moo, o ei diga ñue cacáreiri,” —Jesús daide.

²⁰ Afémie uai ote:

—Llófueraima, nana aféfuiaia cue jitócomenamona jeire ófiredicue.

²¹ Jesús aféniemo éroicaillano íena izíruite; daide:

—O dafue nai jeire oñedio. Mai nana omo ite raa fécajiri. Fécajano afe iba dúredimacimo ine. Iemona jamánomo jirídolle izoide raa monamo omo iite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²² Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira. ²³ Ie mei Jesús abido comínimo éroicaillano, ie llófuegamacina daide:

—¡Nii féirena ráaredimie Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidiaioi. Jesús meine nane daide:

—¡Uruiai, nii féirena úcubena ínotino Juzíñamui illáimana illáruimo jofo jáillena! ²⁵ Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

²⁶ Afena cacáillano, jacinaificaidiaioi. Dani conímamo jicánotiaioi:

—¿Mei bu jílluille? —daidiaioi.

²⁷ Jesús íaiioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana iñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidicai o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoína dáitícue, naga come cue ícoínia íemo cue lloga jllonafue ícoínia diga, ie jofo, ie ámatiai, ie mirínguai, ie moo, ie ei, ie jitótiai, ie jacáfaiai dieze afémie fiénocaiadi, uáfueña meine llínoite. Ja bie éniemo cien dígacaiño afe baimo jofue, ámatiai, mirínguai, éitai, jitótiai, jacáfaiai llínoite. Uafue, dieze llínoite duere zefuállafue diga íadi. Ie mei monamo ziiñona illino llínoite. ³¹ Aillo biruállaido nánoraímaci uire ódaídímacina jáítiaioi. Daje izói aillo biruállaido ódaídímaci uire nánoraímacina jáítiaioi, —daide.

Dáanomo Jesús ie tíillífue llote

(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jiáie íedo jáidíno jacíruiocana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllífueña abído íaioímo llote. ³³ Daide:

—Mai omoi cacai. Nanoide fima Jitódícueza. Jerusalemo jáizaidicai. Mei íadi dinomo lletáriraini illáiniaimo izájillícue. Daje llezica ocuica uai llófuerainimo izájillícue. Iemo afémaci cue titállena ócuitiaioi. Onínemacimo cuena izájítiaioi. ³⁴ Cueri jifánodoíítiaioi. Cuena tícoítiaioi. Cue túallaitiaioi. Cue títaítiaioi. Mei íadi daruíámani íllamona tíllanomona meine abído cáadimiéna íitícue, —daide.

Santiago Juan diga uire úcoínaí fue Jesumo jicádiaillinoi

(Mt 20.20-28)

³⁵ Afe mei Zebedeo jitó íaillinoi Santiago Juan diga, Jesumo jicajidiaillinoi; daídíaillinoi:

—Llófueraima, coco jicalle jítaigafueña cócomo lloiri, —daídíaillinoi.

³⁶ Iemona Jesús íaillinoína daide:

—¿Minica mei ómicoímo cue finóllena jítáídiomicoi? —daide.

³⁷ Iemo íena daídíaillinoi:

—Uire o ebírede illáimana illíruido, cócomona dáamie o nabézimo, jiáimie o jarífezimo cócona o ráinatari, —daídíaillinoi.

³⁸ Iemona Jesús íaillinoína daide:

—Daí jicádiomicoi íadi abina onóñediomicoi. Cue duere zefuállífue izói, ua erírede jirolle jírúa izói, ¿zéfuiREDíomicoi? Daje izói cue izire tíizaillífue izói, ¿tízaiREDíomicoi? —daide.

³⁹ Iemo uai otíaillinoi:

—¡Ie mei! Afena ocuíREDíoco, —daídíaillinoi.

Jira Jesús íaillinoína daide:

—Uáfueña dáitícue, cue duere zefuúllifue izói, duere zéfuitiomicoi. Cue izire tílle izói, tíitiomicoi. ⁴⁰ Mei íadi cue nabéfenemo, cue jarífenemo ómicoi ráinallena, cúemona llónide. Afe ráinallino dama Juziñamui maméinamacimo dúide, —daide.

⁴¹ Jiáie diez diga llófuegamaci afefue cacáillano, Santiago Juan dígamo icíritiaioi. ⁴² Iemo Jesús íaioína jírillano, íaioína daide:

—Onódiomoiza, náiraiamo illáimaifiredino riire ocuúidillaini daní jáidiaioi, comínina náamatallena. Aféllaini cígiri ite riímaci, íaioi ríinona izire comínimo cácatatiaioi. ⁴³ Mei íadi omoi cígiri afe daíí ññeitiomoi. Mei jiáifodo omoi dibénemo illáimana íacadimie, omoi canófiredimiena jáirede. ⁴⁴ Daje izói ómoimona ocuúacadimiena íacadimie, nana jiáimaci anamo íaioi táijitagamiéna írede. ⁴⁵ Mei jii, Juziñamui oreca Nanoide Hima Jitódicueza. Mei íadi jiáimaci cuéna canóllena biñédicue. Mei jiáifodo nana comínina cánuabitícue. Uafue áillomaci íaioi fiénidifuemona zuitalle izói, íaioína cue jíllotallena tíizabitícue, —dinori Jesús llote.

Jesús uínidimie Bartimeo jíllotate

(Mt 20.29-34; Lc 18.35-43)

⁴⁶ Jae Jericomo dúcidiaioi. Afe jófueмона Jesús jino jáidemo ie llófuegamaci diga, naa aillo comíniri, uínidimie io fuemo ráide. Afémie Timeo jitó, Bartimeo. Dino afémie úcube jíicáfirede. ⁴⁷ Nazaret ímie Jesús áinozillano fidíillano, uínidimie jíríoicaide:

—¡Jesús, jaiái illaíma David Jitó, cuemo dúecai! —daide.

⁴⁸ Aillo comini íena rairuúdiaioi ie llúcaillena; íadi jaca nai jamánomo jíríoide:

—¡David Jitó, cuemo dúecai! —daide.

⁴⁹ Ie jira Jesús uái náidaillano daide:

—Afémie uaido, —daide.

Jira uínidimie uáiduano íena daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódodiroi duíñuano iere raíre náidacaillano Jesumo bite. ⁵¹ Jira Jesús íemo jícánote:

—¿Minica omo cue finóllena jítaídio? —daide.

Jira uínidimie uai ote:

—Llófueraíma, cue uíreacadícue, cue eróillena, —daide.

⁵² Jesús íena daide:

—Mai o jairi. O íñnuamona jae jíllodioza, —daide.

Afe llezica uínidimie cíode. Iemona Jesús jáillado afémie jaide.

11

Jesús illáimana Jerusalemo jofo jaide
(Mt 21.1-11; Lc 19.28-40; Jn 12.12-19)

¹ Jerusalemo áinozillamona, Jesús mena llófuega íaillinoi uícomo orede. Jae Betfagé jofue, íemo jíái Betania jofue diga áinomo itíaiói. Dáanori Olivo daína ídumo itíaiói. Iaillinoi óriano daide:

² —Uícomo ite duera jófueмо ómicoi jai. Omicoi dúcille llezica cuinaca duera búrrona cíoiñomicoi. Nai áfedo buna ráiñena. Zúitajano cuemo ati. ³ Bu ómicoimo jicánoiadi ¿nibái ómicoi zuitaca? íena dáitio: “Ocuíraima Jesús jitailla jira. Ie mei raire meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi. ⁵ Dáamie dino itínomona íaillinoina daide:

—¿Minica ñetiñomicoi? ¿Nibái burro zuitádiomicoi? —daide.

⁶ Jira uai otíaillinoi Jesús íaillinoina daína izói. Ie jira:

—Jii, mai ui, —daidíaiói.

⁷ Iemona búrrona Jesumo izájidiaillinoi. Izájillano íaiói inícuirona burro emodo jobédiaiói. Ie mei dinomo Jesús caifo ránade. ⁸ Aillo comini íaiói iniroi iomo jobédiaiói. Jíáimaci íbiairede amena rábaillai otá iomo jóonetiaíoi. ⁹ Uícoidimaci ódaidimaci diga jírioiacidaíoi:

—¡Ebírede! ¡Juzíñamui mámecido bitímie caimáreficairi!

¹⁰ ¡Como íacade illáimana illino caimare comuiri! ¡Ua caí jaiáigima comuídimie David illáimana illino ñue móonairi! ¡Juzíñamui ebírede rafue daíri! —daidíaiói.

¹¹ Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daína amena faidode
(Mt 21.18-19)

¹² Afe jíáiruido Betániamona jino abido billano, Jesús juffruite. ¹³ Macádiaioimo ñue íbiairede higuera aménana Jesús jicana ciode. Iemona dinomo jaide afénamona nibai ie llizíllajiaína óllena. Mei íadi Jesús dúciillano, hígojiaína baiñede. Afe amena táinona fia íbiairede, mei aféruimo hígonino nai dúciñedeza. ¹⁴ Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajiaína rieñeiteza, —daide.

Daí ie daínana ie llófuegamaci cacádiaíoi.

Juzíñamui gairíraco Jesús duano ñue finode
(Mt 21.12-17; Lc 19.45-48; Jn 2.13-22)

15 Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino ibároidino diga jino júuaide. Ucube méidoraini ibani Jesús caitade, fíicirillai fecádino ráiiraniai diga. 16 Afe gairíracomo buna minícana úiñellena afémie rairuide. 17 Iaioi llófuete:

—Juzíñamui Cuegáuai daide: “Cue jofo ua nana náiraimo Juzíñamuimo úrille illácona mameide,” mei íadi meríritino illano jae afénona finódiomoi, —daide.

18 Lletáriraini illaini, ocuícáfue llófueraini diga afe ie finócafuenta fidídiaioi. Iemona afémie fállena jenódiaioi. Iena jacíruitiaioi, afémie llófueinafueri nana nairai iere fáigacaideza. 19 Ja nauízaidemo Jesús afe jófueмона jino jaide, naa ie llófuegamaciri.

Nauí ciona higuera amena jae zaférede duíraina jaide
(Mt 21.20-22)

20 Afe jiáiruido, jítiramo meine abido Jerusalemo íaioi bilano, nauí ciona hígúerana abido ciódiaioi, mei íadi birui afe amena nana ie jáinauairi zaférede duíraina ja jaide. 21 Iemo Pedro comeci uíbicaillano, Jesuna daide:

—¡Llófueraima, erói! O faidoca hígúerana ja duíraina zaféreficaide, —daide.

22 Jesús íaioimo uai ote:

—Juzíñamuimo mai omoi íinofireiri. 23 Uáfuenta ómoína dáitícue, dáamie jizíñeno nana ie comécido ínuamona, bie caifóneduna ocuícana daiíadi, “Benómona oni ii; jóraimo dotábicairi,” afe ie dánana ua zúite; afémie jeire ua llezica, afefue daií afémiemo íficaite. 24 Ie jira ómoína dáitícue, Juzíñamuimo omoi úrillano jicaca raa, ja nibai o llínoga, áfena mai o íinofireiri. Iemona afe jicaca raa óitiomoi. 25 Nágaruido Juzíñamuimo o úriadi, jiáimiena o éoiadi, mai íemo o comécimo ite íaifue féitari. Daií o finori, monamo ite omoi Moo Juzíñamui ómoimo ite íaifuiái dóllena. 26 Iadi o abi ímie íba omoi óiadi, monamo ite omoi Moo Juzíñamui, ómoimo ite íaifuiaina dóñeite.

Jesumo ocuille uai ite
(Mt 21.23-27; Lc 20.1-8)

27 Iemo Jerusalemo abido bitíaioi. Jesús gairíracomo maca llezica, lletáriraini illaini íemo ánozidiaioi. Afe llezica ocuica uai llófuetino afémiemo gairírdiaioi, éicomini diga. 28 Nana íemo jicánotiaioi:

—¿Bífuiaí fínuana, bu o ocuilla? ¿Bu rínodo bie raa finódio? —daií daidíaioi.

29 Jesús íaioi uai ote:

—Omoimo daa rafue jicánoiticue. Cuemo uafue omoi llóyadi, bífuiái cue finoca ríino ómoimo llóiticue. ³⁰ ¿Bu mei ocuica báutizallena Juan? ¿Juzíñamui nibái ocuica, nibái comini? Mai fáirio, —daide Jesús. ³¹ Ie mei afémaci dani júfidotiaioi; daidíaiói:

—Juzíñamui ocuica cai daíyadi, Jesús caina fairíoite: “Iemona ¿nibái mei íemo ínoñediómoi?” ³² Mei íadi comini ocuica, daínidicai, —daidíaiói.

Comínina jacíruillano daí úritiaioi. Ja onódiaioiza, nana comini Juamo ñue comécidiaioi: “Ua Juzíñamui uaido Juan úrite,” daidíaiói.

³³ Iemona Jesuna daidíaiói:

—Onóñedicai, —daidíaiói.

Ie mei Jesús íaioina daide:

—Nie ríinodo bie raa finódicue, daje izói ómoimo llóñeiticue, —daide.

12

Comini fáfirede táijidino jíáifuena caina onótate

(Mt 21.33-46; Lc 20.9-19)

¹ Iemona Jesús íaioi onóigafuiaido íaioimo úrizaide; íaioina daide:

—Nauí dáamie jíricónai izoide raa rizájide. (Afe jíricue izoide raa ríinano viñédona mameina.) Afémie afe rillano ie abí cirínora finode. Ie mei afe jíricóna eroide úvaiaí zaizíraco finode, afe llizilla íji íaioi óllena. Nane are caífo jacafai cigi úiñoraco afémie nite, afe rigano ñue úiñollena.

‘Ie mei afe énie naama dáarie táijitaganomo ie rigano fecade, áfena íaioi úiñollena. Afémie daí fécano oni jica jíáie éniemo jaide. ² Jíriconino llezica, ritímie ie ocuícámie afe táijitagamacimo orede, íeiena mameide llizíllajiaí dieze óllena.

³ Mei íadi afe uáibitímiena llaitádiaioi; llaitano íaioi faga. Daí ñeta ria íemo fecáñeno oni íena orédiaioi. ⁴ Ie jira afe naama nane jíáie ocuícámie orede. Mei íadi afe orécamiéna nófiedo níjidiaioi. Níjjiano ie ifona íaioi bofeca. Iemo fiéni íena úritiaioi.

⁵ Daje izói nane jíáimie orede. Afémie íaioi titaca tíide. Afe mei díga icaíño aillo jíáie ocuícamiáí dinomo oréoide. Afe orécamacimona dámerie fia faga; jíáimaci tícoizitiaioi.

⁶ ‘Nai dáamie naama dibénemo ite. Daa afe naama jítóna fiébite; iere ie izíruigámie. Iiraicaíño ie jító orede. Comeci facade: “Afémaci ñue íemo comécíillano íena ñue ínoítiaioi; ie daína uaina jeire ótiaioi,” daide. ⁷ Mei íadi táijitagano dani afémaci úritiaioi: “Bímie nibái ie moo feci raa máíñoitímie. Mai ie cai faa, ie mei cai náamatallena.” ⁸ Ie jira íaioi llaitaca; íaioi titaca tíide. Ie mei ie abí raíñeno afénomona oni dotaca.

⁹ Ie mei Jesús jicánote:

—¿Nie izói bie énie naama afe fiénidinona fínoite? Billano afe táijitaganona títaite. Ie mei afe jírícore izóidino jáie úiñoraimacimo fécaite.

¹⁰ ‘¿Jaii Cuegáuaina nai facádoñediomoi? Afe uai bie izói daide:

Jofo níraini oni fádoica nófie, ja ñuera jáiálliraina jaide.

¹¹ Bie cai Ocuíraima finoca.

Iere jamánomo ebire caimo cíoide.

Dinori Jesús úrite.

¹² Iemona Jesuna llaitáacadaiaoi, llavéllena. Mei ja onódiaioiza, Jesús bie onóigafuedo íaioina uáitate. Mei íadi comínina jacíruillano, Jesús jetáñeno íena fiédiaoi. Fíiano oni jáinomo jáidiaoi.

Gobierno ibátaga úcube cai ibállena Jesús llote
(Mt 22.15-22; Lc 20.20-26)

¹³ Afe mei fariseo illáicomini afémacimona dáarie Jesumo orédiaoi. Daje izói Heródemo jaináidinomona orédiaoi, Jesuna úritallena, afe ie uaido taino íeri nitállena. ¹⁴ Bimaci billano íena daidíaoi:

—Llófueraima, onódicaiza jáimaci ie lloga uai íñoñeno, o jaca uáfueña úrifiredio. Comini jínofene ciona izói riire jicánoñedio. Mei jáífodo Juzíñamui lloga cai ñue illafue jífueño jino llófuetio. ¿Mei iere riiredillaíma ocuica úcube íemo fecáredicai, nibai fecánidicai? ¿Afe cai fecállifue figora, nibai figóñede? —daidíaoi.

¹⁵ Mei íadi Jesús íaioi uáfodo úriñenafueña onode. Ie jira íaioina daide:

—¿Nibái mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

¹⁶ Afétuni atídiaoi. Afe eróillano Jesús íaioimo jicánote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaoi:

—Riiredillaíma ie, —daidíaoi.

¹⁷ Iemo Jesús íaioina daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dánari iere comecei jáífificaidiaoi.

Tíidino meine abido cáadena íllena jicánotiaoi
(Mt 22.23-33; Lc 20.27-40)

¹⁸ Ie mei saduceo imaci dáarie Jesumo úrizaidiaoi. Bimaci tíidino meine abido cáaillena lloñédiaoi. Ie jira bie taino lloga rafue Jesumo jicánotiaoi. Nai jicánoñenia fueñe daidíaoi:

19 —Llófueraíma, Moisés jaiáimona caimo cuegáuai daide: Daa iima áiredimie ie úrue nai iñena llezica tíadi, ie ama afe ofaiño óite. Aféngomona daa jitó comuírede ie ama tíidimie íena. Daií daina mei jicánotiaioi:

20 ‘Mei naui siete dígade ámatiai cai cígimo ite. Nanóidimie áirede. Afémie jitónino tíide. 21 Nanóidimie emodo ímie ie ama fecingo ote. Daje izói jitónino tíide. Daje izói nanóidiaillinoi emodo ímie afe fecingo uano jitónino tíide. 22 Nana afe siete dígamiaí nanóidimie fecingo otíaioi. Afémacimona daa jitona comuíñede. Afe ícoimo afe fecingo tíide. 23 Ie jira meine abido cáairuimo ¿bumo afengo dúide? Mei siete dígamie daango otíaioiza, —daidíaioi.

24 Mei jira Jesús fairíote:

—Omoi onóñeno fieni comeci facádotiomoi, mei Juzíñamui Cuegáuaina onóñediomoiza. Daje izói ie ríinona onóñediomoiza. 25 Mei tíidino meine abido cáaille llezica aina óñeitiaioi. Afe izói íaioi jízaniaina iníretatañeitiaioi, mei monamo ite Juzíñamui abi imáciaí izóitiaioiza. 26 Mei íadi tíidino meine abido cáailifue dibénedo llogáfuena ¿nai facádoñediomoi? Afefue Moisés cuegánicomo ite. Aféruimo Juzíñamui Moise moode raroci cígido úrite. Bie izói íena daide: “Dáanomo Abraham íinoga Juzíñamuidicue, Isaac, Jacob díga, mei birui afémaci cue illánomo cue díga cáadiaioiza,” daií Juzíñamui daide. 27 Iemo Jesús nai daiíoide: Mei ua iñédino Juzíñamuiñedeza; mei íadi jíáifodo cáadimaci ie Juzíñamui. Daií bífuena omoi baitáñenia iere féiraitiomoi, —Jesús ja dinomo daide.

Iere jamánomo íinorede caimo ocuica uai
(Mt 22.34-40)

28 Afe dáaruído ocuica uai llófueraíimona dáamie Jesumo dúcide. Jesumo gairídino nana Jesús díga úrilla uaina afémie cacade. Daje izói Jesús ñue íaioi uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo íinorena? —daide.

29 Jesús ie uai ote:

—Nana ocuica uáimona bie iere íinorede nánora uai: “Israel, mai omoi cácarei. Cai Ocuíraíma Juzíñamui jaca daade. 30 Mei jira nana o comécido o Ocuíraíma Juzíñamuina izírui. Daje izói o comécimo ite joreño díga izírui. Daje izói nana o ífo úrilla uaido íena izírui. Daje izói nana omo ite ríinodo íena izírui.” Be ñie nánora ocuica uai. 31 Afe méifoide ocuica uai daje izói jóide. Afe uai daide: “Dama o abi o izíruilla izói, afe

izói o aino ímiena mai izíruri.” Jíáie ocuica uai izoide bie baimo ñede, —daide.

³² Iemona Ocuica uai llófueraima daide:

—¡Ie mei! Llófueraima, ñue daidio. O daina uafue. Uáfueña Juzíñamui daide. Afémie baimo jíáimiena ñede. ³³ Daje izói afémiena nana cai comécido izíruillena ñuera. Ie llezica nana cai ifoci úrilla uaido íena izíruillena ñuera. Ie llezica nana cai comécimo itífuiado íena izíruilla ñuera. Ie llezica nana caimo ite rínodo íena izíruillena ñuera. Daje izói cai abí ímiena dani cai abí izíruilla izói, afe izói íena izíruilla jíáirede. Bie izói cai izíruilla, aillo ráifide. Ua, nana fatá Juzíñamuimo fia fecaca rílleniai baimo ráifide, nana Juzíñamui íóbitallena jobaica rílleniai diga, —daide.

³⁴ Iemona baitádimie izói afémie ie fairíua uaina cacáillano, Jesús íena daide:

—Juzíñamuimo dúillena ímiena íanori itio, —daide.

Afe mei jacíruillano buna jíáifuena Jesumo jicánoñediaioi.

¿Bu jító Cristo? Jesús dama jicánote
(Mt 22.41-46; Lc 20.41-44)

³⁵ Jesús gairíracomo llófullofuena llezica, comínimo jicánote:

—Onódiomoiza ocuica uai llófueraini “Cristo David jító” daifírediaioi. ¿Ñie izói daírede? ³⁶ Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenolliruimo,” daí David daide. ³⁷ David Crístona “cue Ocuíraima” daíadi, ¿ñie izói afe llezica Cristo ie jítone írede? —daide Jesús. (David emodo imácimona Cristo cómuide.)

Aféruido aillo comini, caimare Jesús úrilla cacáreizaibitiaioi.

Ocuica uai llófueraini fieni illafue Jesús jino comínimo llote
(Mt 23.1-36; Lc 11.37-54; 20.45-47)

³⁸ Jesús llófullofuena llezica íaioina daide:

—Ocuica uai llófueraimona abí omoi rairuri. Afémaci árrera ñuera ínucuro jítano comini uícomo mácafírenana gáidiaioi. Afe llezica íaioi anamo comini fecáracuaimo ñue jacíruioicana íaioi uáiduana gáidiaioi. (Daje izói comini íaioi daináuai jíeruillena gáidiaioi.) ³⁹ Afémaci Juzíñamui uai llófueraimo ite ñuera ráiranona raire jíáimaci uíecodo jenófirediaioi. Afe izói comini iráiziracomo iráiziadi, afémaci iere ñuera ráirano uíecodo maiñófirediaioi. ⁴⁰ Afémaci fecínguai jofue naa íaioi raari bairófirediaioi; mei íadi comínimo jíáfodo afémiai cíoillena, are Juzíñamuimo úrioidiaioi, comini éoilla llezica. Afémaci iere jamánomo duere finócamacina jáitiaioi, —daide Jesús.

Dúerede fecingo fecaca úcube jamánomo ñuera
(Lc 21.1-4)

⁴¹ Iemo Jesús Juziñamuimo gairíracomo ráicana eroide. Ucube dotáranano uícomo ráide. Comini afénomo úcube dotajillamo eroide. Iere ráaredino aillo úcubena dotádiaioi. ⁴² Bie llezica fecingo dúeredingo mena úcubetuni dótaibite. Bituni íainguai ‘cobre’ ie; iere due ráifide centavo izoide. ⁴³ Ie mei Jesús ie llófuegamaci jírillano íaioina daide:

—Uáfueña ómoimo lloticue. Bie dúerede fecingo úcube jóneracojimo dotaca úcube, iere jamánomo jíaimaci afénomo dotaca úcube baímo jaide. ⁴⁴ Nana jíaimaci úcube fiebide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

13

Gairíraco uire júdaillena Jesús ie llófuegamacimo llote
(Mt 24.1-2; Lc 21.5-6)

¹ Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófueño ñue omoi eroi. Benomo daje emódomo nófiena fiebiñeite. Nana oni júdaille, —daide.

Iirairui uícodo íitífuaí

(Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíraco uíeco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiaí o daína júdaille zuíllaruina onóiacadicaí. Mai caimo llone. Nana bífuiaí fúiacana ¿nie izói caína onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri. ⁶ Aillo cue mámeido imaci abi jítano bíitiaioi. “Cristodicue” daínano bíitiaioi. Afémaci aillo comínina jífueitiaioi.

⁷ ‘Mei íadi aillo áinori ite fuiríllafueña, íemo jica ite fuiríllafue ñue omoi fidíadi, omoi jacínaiñeno iri, mei afe daí íredeza. Mei íadi nai íirairuiñedeza. ⁸ Mei aféruimo daa nairai jíai náiraímo fuirízaite. Afe llezica dáazie jíáziemo jobáirizaite. Aféruillaído ñue illánomo énie ríire dócaite. Dáaruído aillo júbie ñue éñiaído íite. Be aféfuiaí comini duere zefuille táinia raa.

⁹ ‘Mei jira abí ñue omoi rairuiri, mei ríire ocuídímaci gairíllanomo omoi uítiaíoi; Juziñamui uai llófueriracomo

ómoina fáziitiaioi. Cue ícoinia ríillaini uícomo ómoina óreititiaioi, jamánomo ríiredillaini diga. Afe daií cue dibénedo íaioimo úritiomoi. ¹⁰ Mei írairu nai dúciñena llezica, cai jíllo nafue uai nana náiraímo jino llóredeza. ¹¹ Ríiredillainimo omoi oreille llezica, omoi úrillifuemo raire uícomo comécido facáñeno omoi iri. Daje izói omoi comécillifuemo raire uícomo uibíñoñoeno iri. Aféruimo Juzíñamui omoi ífomo úrilla izói, mai omoi daiíri, mei dani omoi úriñeitiomoi; omoi comécimona Juzíñamui ie Ñuera Joreño úrite. ¹² Afe llezica dáamie nahí ie ámamo fiénidífue nítano jáimiena ie fatátaite. Daje izói móotiai nahí ie jítótiaina fiénidífuedo izájitaitiaioi, íaioi titállena. Afe íbana íaioi jítótiai, nahí ie móotiaimo fiénidífue nítano íaioi fáite titállena. ¹³ Cue ícoinia, nana comini ómoina éoillano iere íáiruitiaioi. Mei íadi írairuimo jáicina Juzíñamuimo iere féitañeno ínotimie jíllobicaite.

¹⁴ ‘Jaii Juzíñamui uai jino llóraima Daniel daa iere íáiruiga raa dibénedo cuete. Afe íáiruitaite raa nabene jofue júdaitaite. Afe fiénidífue na oruide raa Juzíñamuimo gairíracomo ite jeruícacomo jóonia llezica, Judea éniemo itino, árrera íduaimo botárediaioi. (Bibe facádimie mai ñue onoiri.) ¹⁵ Aféruimo o jofo jinófene ídamo omoi íadi, jofo eromo ite ráaniaina omoi uájiñeno iri; raire botari. ¹⁶ Jacáfaimo tájídímie abido jofomo biñeno iri, ie inícuiruai óllena. ¹⁷ Aféruimo ite ringóniai namóciredino iere duere zéfuitiaioi, aizíndiaioiza. Daje izói monoi jirode duera úrue llíidíngotiai duere zéfuitiaioi. ¹⁸ Ie jira Juzíñamuimo omoi jicari, “Nóci illáruillaído caina botátañeno iri.” ¹⁹ Bie izói duere zefuálliruina jaca jaii ífinide. Ua, Juzíñamui bínie fínuamona benomo afe izóidena íñede. Aféruillai méifomo afe izói íñeite. ²⁰ Juzíñamui afe zúuredíruí are jóoneadi buna jílloñeille. Mei íadi afémie nizécanona izíruillano íanori afe zúuredíruina afémie jóoneite. Are íñeite.

²¹ ‘Iemona aféruimo dámie ómoina daiíadi: “¡Erocai, benomo ite Cristo!” ámo íñoñoeno iri. Daje izói jáimie daiíadi: “Eroi, batínomo ite Cristo,” áfena íñoñoeno iri. ²² Mei uafue, aféruído aillo jífueritino bíitiaioi. “Cristodícue” dáitiaioi. Daje izói “Juzíñamui dibénedo úriticai” dainano comínina jífueitiaioi. Afémaci cíorainina ráaniai fínoitiaioi, jáie jacíredífuiaí diga, comini jífuellena. Uafue, daje izói dama Juzíñamui nizécanona jífueacadiaioi, afémaci daií jífuetareniadi. ²³ Mei íadi mai ñue omoi comeci facáoiri; mei nana bífuiaina jae uícodo ómoimo llotícueza.

Monámona bite Nanoide Hima Jitó, Cristo meine bíllena Jesús

llote

(Mt 24.29-35, 42-44; Lc 21.25-36)

²⁴ 'Ie mei aféruillaído, zúurediruillai méifomo, jitoma duíbicaite. Fiui égaiñoñeite. ²⁵ Monamo ite úcuai cócítiaioi. Afe llezica mona eromo ite ríino mozídino, mairíñeno jaillano dócaítiaioi. ²⁶ Iemo nauí monámona bite Nanoide Iima Jitó Cristo meine abído cíocaite. Uíllie cígido biite; aillo ríino diga. Jamánomo ebírenafuedo biite. ²⁷ Afe mei ie abi imácina óreite, nana ie nizécamací nana mona fuédamoná gairítallena. Ua jamánomo jica ite ígobíai imácimona nizécano nana dáanomo atille. Daje izóí énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioina daide: ²⁸ 'Mai bie higuera amena rafue omoi onoiri. Afe higuera íbiai firuilla llezica fimona ánozillana onódiomoíza. ²⁹ Daje izóí nana bie zúurediruillai zuillana omoi cíoiadi, íirairui ánozillana onótiomoi. Jae iere íanori ite. ³⁰ Uáfueña ómoína dáitícue, afe illáruido itino comíni nai tíñenia, nana bifue zúite. ³¹ Nana mona énie diga fúite, mei íadi cue daína uai jaca ninomo méidonide. Cue llua izóí zúite.

³² 'Mei íadi afe illíruina buna onóñena. Daje izóí Juzíñamui abi imaci onóñediaioi. Ua afe izóí Juzíñamui Jitó aféruina onóñede. Dama cai Moo Juzíñamui onoi ga.

³³ 'Ie jira, aferui dúcinana onóñediomoíza, mai ñue figo abína omoi onoiri. Afe llezica mai ñue omoi uíñori. Daje izóí Juzíñamuimo úrifireiri. ³⁴ Cue meine billífue dáme jica jailla izoide. Afémie nai jáiñenia íemo táijidinona ie jofo uíñotade. Illa dígamie dáarie táijillena igáiaioi. Iemo naze uíñoraíma jóoniano, íena riire ocuide, jofo uíñollena. ³⁵ Afe izóí mai omoi abi onóicana uíñori, mei jofo naama billirui ónoñega. Níbai nauíoilla llezica biite, níbai dáaferuimo, ónoñega. Níbai atava úrilla llezica, níbai jítiramo afémie biite; ónoñega. ³⁶ Mai abi omoi onoiri, afémie raire bíadi, omoi ínillena ie cíoñeillena. ³⁷ Omoína cue daína izóí nana comínina daidícue:

—Cue bíllemo abi omoi onoiri, —daide Jesús.

14

Comíni Jesús llaitállena maméritiaioi

(Mt 26.1-5; Lc 22.1-2; Jn 11.45-53)

¹ Nai ménarui ite pascua ráfue mo. Afe rafue llezica afénomo ite comíni íaioi pan fáitara jóoneño gúífirediaioi, mei aféruillai fáitañega pan gúífirénafue. Lletáriraini illaini ocuícáfue llóraini diga Jesús jífuiado llaitállena jenódiaioi, ie titállena. ² Iadi daidíaioi:

—Iráizie ana íena llaitánide; áfemo comini ficire júfidoñeilleza,
—daidíaioi.

Ringo zióredijido Jesús ifona jillaide
(Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíinaitimiena mameide. Güirácomo íaioi ráiina llezica, daa ringo jamánomo ráifide ziórediji Jesumo jilláizabite. Afe ziórediji duera alabastro daína nofici finoina icítirumo ite. Afe ziórediji mámece nardo. Afeji jíaiena fáinega. Afengo afe icítiru llaillano, Jesús ifomo áfeji totade. ⁴ Afénomo itínomona dámierie áferi rícaidiaioi. Dani conimana riire daidíaioi:

—¿Nibái mei bie ziórediji táinomo dotade? ⁵ Afeji trescientos romano úcubetuni baimo fecárede, duéredimacina canóllena, —daidíaioi. Aféngomo rícaillano íáiruitiaioi.

⁶ Mei íemo Jesús daide:

—Mai aféngona fáicanocai. ¿Nibái mei aféngona áifedodiomoi? Bie cuemo afengo finócafue ñuera. ⁷ Mei jíi, duéredino jaca omoi cígimo íitiaioi. Omoi jitáiadi afémacina canórediomoi. Mei íadi cue omoi cígimo are íñeiticue. ⁸ Afengo ñue cuemo finórede raa cuemo finuabite. Jíaimaci cue raíajíñenia cue abimo zióredijina afengo cuemo jóniabite. ⁹ Uáfueña ómoina dáititue, náganomo bie éniemo comini jílloille uai jino llóyadi, bie ringo cuemo finócafue jino llóitiaioiza, áfemona aféngomo uíbicaifireillena.

Judas Jesús íena éoidimacimo izájide
(Mt 26.14-16; Lc 22.3-6)

¹⁰ Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹ Afe illaini Judas dánana cacáillano, íóbidiaioi. Afe jira íena daidíaioi: “Jesús caimo o atíadi, úcubena omo íbaiticai.” Iemona Judas nie izói Jesús íaioimo fecállena jenode.

Jesús úraifueña güillafue
(Mt 26.17-29; Lc 22.7-23; Jn 13.21-30; 1 Co 11.23-26)

¹² Fáitañega pan rafue nanódiruimo oveja jiza fáfirediaioi, pascua ráfueño ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue uícodo cai finuaillena óiacadio, afénomo pascua ráfueño mameide güille cai güillena? — daidíaioi.

¹³ Ie jira ie llófuegamacimona ménaillinoi óriano daide:

—Jófuemo jai. Dinomo jainoi icírudo úitimiena báitiomicoi. Iedo jairi. ¹⁴ Afémie jofo jáillanomo, afeco náamana daíri: “Llófueraima daide, ¿Ninomo ite cue güillino cue llófuegamaci

diga? Dinomo pascua rafue llezica güíticai daide.”¹⁵ Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófueмо dúcidiaillinoi. Dúciillano uícodo Jesús íaillinoina daina izói baizájidiaillinoi. Pascua rafue ja finódiaillinoi. ¹⁷ Nauízaiilla llezica, Jesús doce diga ie llófuegamaciri dúcidiaioi. ¹⁸ Güirábanimo güitíaioimo Jesús íaioina daide:

—Uáfueña ómoína dáitícue, daa ómoimona, cue diga güitínomona cuena fécaite, —daide.

¹⁹ Jira afémaci zúucaidiaioi. Afe llezica dáamierie Jesumo jicánotiaioi:

—¿Nibai cue? —daide.

Jíaimie daje izói daide:

—¿Nibai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona. ²¹ Nanoide fima Jitódicueza Cuegáuai lloga iodo jáidicue; ua cue tíllinomo jáidicue. Mei íadi cue fecádimie, ¡nii iere dúerena! Afe íima jócoñegana baimo ñue jaide, íadi jae comuide, —daide.

²² Güitíaioimo, Jesús pan llínota daide:

—Iere figura, —daide. Daina mei ditade. Ditada íaioimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vínona oruítaga. Ie mei:

—Iere figura, —dainano íaioimo iite. Nana afécurimona áfeji jiródiaioi. ²⁴ Iemo daide:

—Bie cue die; áfedo comue dájemo llínoga uai uáfueña daiíllena. Aillo nairai jíllollena cue die tóite. ²⁵ Uáfueña ómoína daidicue, ja biruímona afe uva rao llizilla iji jíroñeiticue. Ua nágaruillaído Juzíñamui illáimana illirui nai biñena llezica jíroñeiticue. Aféruimo comóicana áfeji nane meine dánomo jíroiticue, —daide.

Pedro Jesuna jáanuana Jesús uícodo llote

(Mt 26.30-35; Lc 22.31-34; Jn 13.36-38)

²⁶ Juzíñamui rua íaioi rua mei, jino Olivo dainádumo jáidiaioi. ²⁷ Iemo Jesús daide:

—Bie naio, iomo come écitaiilla izói, méaicaillamona nana omoi cuena zóofeitiomoi. Cuegáuai daide: “Ovejai úiñoraimana fáitícue; fállemona ovejai oni rájicaitiaioi.”

²⁸ Mei íadi cáadimiena meine abido cue ille méifodo, omoi uiécomo Galiléamo jáitícue, —daide.

29 Jira Pedro daide:

—Nana ona fáicanocaitiaioimo, jaca o fáicanocaiñeiticue, —daide.

30 Iemo Jesús uai ote:

—Uáfuenta dáititue, bie naio atava ménacaiño nai úriñeniadi dacaiñoámani cuena jáanoitio, —daide.

31 Mei íadi afémie iere afe íeñede úricana daide:

—O diga cue tíllena jitáiyadi, nai ona jáanoñeiticue, —daide.

Nana daje izói daidíaioi.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

32 Iemo güirácomona jino billano Getsemaní ibírimo dúcidíaioi. Dinomo Jesús ie llófuegamacina daide:

—Bai bené Juzíñamuimo cue úrizaiilla llezica, benó omoi ráiri, —daide.

33 Iemo Pedro, Santiago, Juan diga uite. Jesús ja zuure cácaide; afémie aillo jaci cácade. 34 Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

35 Iemo Jesús jabo baife jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide. 36 Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáfodo o oíacana izói finori, —daide.

37 Iemo daámani llófuegamaci diné jaide. Inídiáioimo dúcide. Pédrona daide:

—Simón, ¿ja o inídió? ¿Jaca due jiza abí onóoicana uíñonidíó?

38 Abí omoi uíñori. Juzíñamuimo úriri, fiénidífuemo omoi báíñeillena. Uáfuenta o joreño iere jíerede, mei íadi o abi náinide, —daide.

39 Iemona dáanomo nane, Juzíñamuimo úrizaide. Daje uáillaina daide. 40 Ie mei nane bítemo, ie llófuegamaci meine dáanomo inídiáioi. Daí afémaci íniamo, Jesús íaioina cíozaibite, mei íaioi uíjinié ibáicaza. Íaioi uai ollino íñede. 41 Ja dacaiñoámani Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide Hima Jitódicueza, mei íadi fiénidímacimo cue itábicaillarumo ja dúcide. 42 Náidacai. Mai cai jai. Cue fecádimie ja bite.

Jesús llaitádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitíaiói. Lloefai bigíniai díga bitíaiói. Lletáriraini illáinimona bitíaiói. Dáarie bie comini ocuícáfue llófuerainimona éicomini díga bitíaiói. ⁴⁴ Fecádimie Judas bimácimo ónoitara nauí lloga. Daíde:

—Cue ñitállimie ñimieite. Ie llaítari. Ñue maiano, ui, —daíde.

⁴⁵ Iemo Judas billano, Jesumo áinozillano uáidote:

—¡Llófueraima! ¡Llófueraima!

Daí dainano ñitade. ⁴⁶ Iemo Jesús llaítada, maiano, bitino íena uitíaiói. ⁴⁷ Afe llezica dínomo itínomona dáamie lloefai otá daa bitímie jefo ñetade. Afe jefona ñetácamié lletáriraini illaíma jaíénici. ⁴⁸ Iemo Jesús comínina daíde:

—¿Meita meríriraimadicue izói lloéfaillairi bigíniai díga cuena lláitaibitiomoi maiano cue uíllena? ⁴⁹ Nágariuí ómoiri Juzíñamuiimo gairíracomo llófuecana itícue; íadi jaca cuena llaítañediomoi. Mei íadi bifue íficaide Cuegáuailai fuitállena, —daíde. ⁵⁰ Iemona nana llófuegamaci íena fáicanocaillano botádiaíoi.

Da Jesudo jáicaide jitócome botade

⁵¹ Mei íadi da jitócome dama áillue iniroi jitada nai Jesús óodana jáicaide. Ie mei bitino íena llaítadiaíoi. ⁵² Mei íadi afémie jarire duíñuano aferoi íaíoiimo fainóicaide. Daí ñeta emuíroma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidillaimamo Jesús uitíaiói. Afe llezica nana lletáriraini illaini, íemo éicomini, íemo ocuica uai llófueraini díga, dáanomo gairídiaíoi. ⁵⁴ Pedro, afe jamánomoidillaíma jofu abi ibírimo, óodana jicado jaide. Dínomo llaíziriraini díga ráiide; irai fuemo agaide abi uzíreillena. ⁵⁵ Nana lletáriraini illaini jamánomo ocuídímaci díga Jesumo fieni íaíoi facátallena uai nabáidino jenódiaíoi, áfedo íena titállena. Mei íadi áfena baiñédiaíoi. ⁵⁶ Aillo íemo taino llotíaiói. Iadi íaíoi táinofuíai jaícina jóobiñede. ⁵⁷ Iemo dáarie caífo náidacaillano, afémiemo taino fiénidífue nitádiaíoi. Daidíaiói:

⁵⁸ —Afémie dainana cacádicaí: “Bie comini finoca gairíracu júdaíticue, íemo daruíamani illemona jíai gairíracu comini finóñegaco abido níitícue,” daíde, —daídíaiói.

⁵⁹ Mei íadi nane íaíoi lloga uai nabáillaífuíai jaícina jóobiñede. ⁶⁰ Iemo lletáriraini illaíma íaíoi cígimona jino náidacaillano Jesumo jicánote:

—¿O uai óñeitio? ¿Minica bie omo nitádiaíoi? —daíde.

61 Mei íadi daa uai oñede. Iemona lletáriraini illaíma nane dáanomo jícanote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

62 Jira Jesús daide:

—Jii, ie mei. Nanoide íma Jitódicue. Uire uáfueña cuena cíotiomi. Ua riírede Juzíñamui nabézimo dinomo cue ráinaillana cíotiomi. Aféruillaído mona ero úilliedo cue bíllana cíotiomi, —daide.

63 Lletáriraini illaíma jamánomo riícaillano icírillamona ie iniroi cúatajano daide:

—¿Nibái mei jíáie uai nabáiraima jítaíticai? 64 Ja Jesús ie uáillaído Juzíñamui dibénemo fiñi úrillana cacádiomi. ¿Omoi, ñie izói íena daidíomi? —daide.

Iemona nana íena titállena daidíai. 65 Iemo dámerie afémiemo túallaítai. Afe llezica ie uíeco iníroina íbáillano, íena fatíai. Fájano daidíai:

—¡Mai bai! ¿Bu o faja? —daidíai.

Iemo llaitáđino ie uíeco túcoídiai.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

66 Pedro ana jofo ibírimo ite. Iemo daa lletáriraini illaíma canóraingo afénomo dúcide. 67 Pedro irai fue agáillana cíoillano, afengo afémiemo riire eroide. Iemona daide:

—O daje izói Nazarena ímie Jesús dıga macáfiredio, —daide.

68 Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

69 Iemona canórirraingo íena nane cíoillano afénomo itínona daide:

—Afe íima Jesudo jáidımacimona, —daide.

70 Mei íadi Pedro meine jáanote. Ja baido afénomo itino Pédrona nane daidíai:

—Uáfueña. O Jesús imaci íedio. Galilea ímiedio. O úrilla afémaci úrilla izói jóoide, —daidíai.

71 Ie jira Pedro: “Uáfueña cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámeçido riire mámano daide:

—Afe omoi úrillamiena onóñedicue, —daide.

72 Daií daina llezica atava dáanomo nane úrite. Iemona Jesús íena daináfueño Pedro uíbicaide. Nano uícomo íena daide Jesús: “Atava ménacaiño nai úriñenia dacaiñoámani cuena jáanoitio.” Afemo comeci fácajano éeiaide.

15

Jesús onínellaima Pilátomo uitáioi
(Mt 27.1-2, 11-14; Lc 23.1-5; Jn 18.28-38)

1 Afe jítiramo lletáriraini illaini íemo eicomíniri gairízaidiaioi, ocuica uai llófueraini diga; ie emódomo naa jíáie jamánomoidillainiri. Gairíllano Jesumo íaioi finóllifueri daní úritiaioi. Maiga Jesús Pilátomo izájidiaioi. 2 Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daií jaca o daina izói, —daide.

3 Iemo lletáriraini illaini aillo fiénidifuaiaí afémiemo nitade. 4 Jira Pilato dáanomo jicánuano daide:

—¿O uai oñéδιο? ¡Cacai! Diga fiénidiuái omo nitádiaioi, —daide.

5 Mei íadi Jesús uaina oñede. Afémie uai oñenamona Pilato fáigacaide.

Jesús ie tiállena uáfodo maméritiaioi
(Mt 27.15-31; Lc 23.13-25; Jn 18.38–19.16)

6 Afe rafue ana naga fimónado comínimona llogámie llaitácamiéna Pilato zuitáfirede. 7 Come fatímie Barrabás jae llavéracomo ite, jíáie come fatímaci diga. Nano jíáiruido illaima dotátaruimo comini fatíaioi. 8 Ja birui comini Pilátomo jícaibitiaioi. Billano Pilato íaioimo finófirena izói ie finóllena jicádiaioi. 9 Pilato uai ote:

—¿Judíuái Illaíma ómoímo cue zuitállena jítáidiomoi? —daide.

10 Pilato ja lletáriraini illaini Jesús úradoillafuedo fécajana fidide. 11 Mei íadi lletáriraini illaini nana comini jeire otímaci. Iaiioi úamona iere caillídimaci. Iaioina llófuetiaioi:

—Jesús ífomo mai Barrabás caimo zuitállena izire omoi jicari, —daidíaioi.

12 Jira Pilato jicánote:

—¿Nie izói oíacadiomoi omoi mamécamié Judío Illaíma cue finóllena? —daide.

13 Iemo caillíoicana uai otíaioi:

—¡Cruzmo íena corai! —daidíaioi.

14 Jira Pilato daide:

—¿Nibái mei? ¿Afémie nie fiénidifue finode? —daide.

Nane dáanomo baimo caillíoicana daidíaioi:

—¡Cruzmo íena corai! —daidíaioi.

15 Iemona Pilato nairai uiécomo ñue íacanamona, Barrabás zuitada orede. Iemo Jesús zechétajano llazíritinomo izájide íena coráillena.

16 Ie mei afe onínellaïma áilloco jofó ibírïmo íena uitíaïoi. Afénomo nana fuírïraini gairítatiaïoi. 17 Iemo ñue jáïrede inícuiro, illaïma íena, afémiemo jítádiaïoi. Aferoi uállaima jítáfiregaroi. Afe llezica ifo icuïfoi eegi nínacuïfoïna íemo jítádiaïoi. 18 Jítajano janónaioicana riire íena uáidotiaïoi; daidíaïoi:

—¡Figo o iri, Judúuai Illaïma! —daidíaïoi.

19 Iemo rázido diga icaiño ie ifo butíaïoi. Ie túallaitiaïoi. Afémiemo caiñici ana dújullano jifánodoïcana íena ebíruiitiaïoi. 20 Daií ie íaïoi áfedua méifodo, afe illaïma jítácaroi íemona duiñódiaïoi. Dúñuano dama íecuirona ie jítádiaïoi. Ie mei afénomona jino íaïoi uiga íena coráiaïllena.

Jesús coráïina

(Mt 27.32-44; Lc 23.26-43; Jn 19.17-27)

21 Jesuna coráïaidiaïoïmo Cirene ímie Simón jinona jófuemo bite. Afémi Alejandro Rufo íaïllinoi moo. Bítemo Jesús coráïllibicina rocátatiaïoi.

22 Iemo Jesús Gólgota maméidinomo uitíaïoi. Afe Gólgota jáïmaci uaido Ifócorai Illánona mameide. 23 Afénomo vino erirediji diga jóonegana Jesús jirótatiaïoi. Mei íadi áfena afémi jiróñede. 24 Afe mei ja Jesuna coráïdiaïoi. Iemo fuírïraini onótaraji dotádiaïoi, Jesús inícuiro íaïoi máïñuana onóïllena. Iemona dájerize illa dígamie ie inícuiro uite.

25 Jae jítoma caïfo illa llezica Jesús coráïdiaïoi. 26 Jesús coráïgabicïmo jáïe uai llotibicina netádiaïoi. Afébicïmo nie íaïfue ie fínua jira coraïca, daií íaïoi cuega. Bibícïmo cuetíaïoi: “Bímie Judúuai Illaïma.” 27 Afémi diga mena merírïraïma íaïllinoi coráïdiaïoi, dámie ie nabénemo, jáïmie ie jarífenemo. 28 Jaiï Cuegáuai daií fúibicaide. Aféuï daide: “Afémi fiénidimacïmo jaináitaga.”

29 Afe iodo jáidino Jesumo fienni úritiaïoi. Fuena iere riire íena zanódiaïoi. Daidíaïoi:

—Mai, cacai. O Juzíñamui gairíraco ana júdaitimiedioza. Daje izói daruïámïni íllado abïdo afeco nítimiedioza. 30 ¡Mai dama o abi jíllo! ¡Crúzmona ana bi! —daidíaïoi.

31 Daií daje izói lletárrïraini illaïni, ocuica uai llófueraini diga, Jesuna janónaitiaïoi. Dani conímïna daidíaïoi:

—Afémi jáïmaci jílloate, íadi afémi dama ie abïna jílloanide. 32 Mei birui Cristo, Israel Illaïma ana crúzmona bíadi, áfena cai ciónamona afémi uaina ja uáfuenta íinoiticaï, —daidíaïoi.

Daje izói afémi diga coráïcaïaïllinoi fienni Jesumo úritiaïoi.

*Jesús tílla**(Mt 27.45-56; Lc 23.44-49; Jn 19.28-30)*

³³ Jaíciri illa llezica nana énie jítireficaide. Dahoraámani fidi monáñede. ³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáiñuana daide: ¡Cue Moo Juziñamui, Cue Moo Juziñamui! ¿Nibái cue zóofetio? —daide.

³⁵ Dámierie afénomo itínomona áfena cacáillano daide:

—Cacarei, afémie Juziñamui uai jino llóraima Elías jírrite, —daidíai.

³⁶ Iemona afémacimona dámie aizida fíllicide raa uájide.

Erírede vínona riáitano, áfena ragüizi ícoimo jónete, áfedo Jesús jirótallena. Daií ñeta, íemo ñuitade. Afe llezica jiáimaci íena daide:

—Ína jabe. Mai cai éroi, neca afémie Elías ana ólleza, —daide.

³⁷ Ie mei Jesús riire caillida tíide. ³⁸ Afe llezica Juziñamui gairíracomo zebica jédaciede iniroi, dáfenedo caifófenemona ana cuájicaide.

³⁹ Jesús anamo romano jabóidillaíma uíeco dibénemo naidaide. Ie cáilliana cacade. Ie tílla izóidena ciode. Cíuano daide:

—Uafue, bie íma Juziñamui Jitó, —daide.

⁴⁰ Dáanomo dáarie ringóniai jicana eróiediaioi. Iaiói cígimo ite Magdalena jofue ingo María, íemo Salomé, íemo jiáie María. Afengo Santiago José ei. Afe Santiago jofófene ímiena mameide. ⁴¹ Bie ringóniai Jesudo jáicadino. Naui Galiléamo ie illa llezica, afémaci íena canódiaioi. Mei íadi bimaci baímo aillo jiáingotiaina, Galilea ingóniai afémiedo Jerusalemo bitíaioi.

*Jesús abi raíáfomo jóoniaidiaioi**(Mt 27.57-61; Lc 23.50-56; Jn 19.38-42)*

⁴² Ja nauízaide. Mei aferui ocózinaiilarui uícodirui íllaza, comini íaiói jitaille raa finófirediaioi. ⁴³ Jira José Pilátomo Jesús abi jícajide. Afe bie José Arimatea jofue ímie. Afémie caifóidillaímaíaimo iere jaináideza, ie mámecci jica jalleide.

Afémie Juziñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dinomo Pilátomona Jesús abi jícade. ⁴⁴ Pilato ja ie raire tíllari fáigacaide. Jira jabóidillaíma uáidote íemo jícanollena meita uafue daiíllena.

⁴⁵ Jabóidillaíma “Ji” dáinamona Pilato fairíote Jesús abi José uíllena. ⁴⁶ Jira José iere ñuera iniroi íbade. Iemo Jesús abi ana uáno, aféroido junide. Iemona idu ana nofici ero raigácomo ite raíáfomo íena jóoniaide. Jóniano raigaco áillue nofícina íbaide. ⁴⁷ Magdalena ingo María, José ei María diga, afe raíanona ciódianguai.

16

Jesús tíidemona meine abido cáadimiena jaide
(Mt 28.1-10; Lc 24.1-12; Jn 20.1-10)

¹ Ocózinaillarui méifomo Magdalena énie ingo María, Santiago ei María, Salomé diga zíoji ibádiaioi, Jesús abi recuillena.

² Jira semana nanóidirui jítiramo raiáfomo jáidiaioi. Afe llezica jítoma ja ciode. ³ Iemo ringóniai dúciillano conímana daidíaioi:

—¿Bu mei raiáfo uieco ibaina nofici cairi oni ñuitalle? mei afeci iere áillueza, —daidíaioi.

⁴ Mei íadi érocaillano raiáfo uieco ibaina áillue nofici oni jóoniana ciódiaioi. ⁵ Iemo raiáfo ico eromo íaioi jáillanomo jítócome nabézimo ráinana ciódiaioi. Afémie árecuiro úzeroi jítáoide. Ieri iere jacínaitiaioi. ⁶ Jira ringóniaina daide:

—Omoi jacínaiñeno iri. Omoi Jesús, Nazaret ímie naui coráicamie jenódiomoi. Mei íadi ja tíidemona meine abido cáadimiena jaide. Benomo iñede. Afémie íaioi jóoniano omoi eroi. ⁷ Ie mei Pédro mo naa jíáie llófuegamaciri llujáiri. Afe bifue daíri: “Omoi uícomo Galiléamo jaide. Dinomo ie dáina izói íena cíoitomoi,” —daide.

⁸ Jira ringóniai raiáfomona botádiaioi. Fáigacaillano cuidíritiaioi. Iere íaioi jacíruillamona bumo lloñediaioi.

Magdalena énie ingo Maríamo Jesús cíocailla
(Jn 20.11-18)

⁹ Semana nanóidirui monáiacana llezica, Jesús meine abido cáadimiena jaide. Afe mei fueñe Magdalena énie ingo Maríamo afémie cíocaide. Naui afémie aféngomona siete diga fiénide joriai oni orede. ¹⁰ Iena ciona mei, afengo Jesús diga naui jáicadinomo llujáide; afémaci nai zuure éenaitiaioi.

¹¹ Afe Jesús meine caade íllana María íaioimo llote, mei íadi aféfuena cacáillano, áfena nai íñoñediaioi. Daje izói afengo

“Iena cíódicue” dáina uaina íñoñediaioi.

Jesús llófuegamacimona ménailinoimo afémie cíocailla
(Lc 24.13-35)

¹² Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jíáfodo íaillinomo cíocaide. ¹³ Afe íaillinoi jíáie llófuegamacimo abido llujáidiaillinoi, mei íadi daje izói íaillinoina íñoñediaioi.

Jesús ie uai oni llóllena orécamacimo ie uai jóonenocaiide
(Mt 28.16-20; Lc 24.36-49; Jn 20.19-23)

¹⁴ Afe jíáiruido once diga llófuegamaci íaioi güiránomo ráidiaioimo Jesús cíocaide. Íaioi comeci ríirena jira, íaioina

lletade. Dáanomo íaiói ínoñena jira, íaiोजना lletade, mei afe íena cíodino íaiómo llógana ínoñediaíoiza. ¹⁵ Ie mei íaiोजना daide:

—Mai nágagobiaído bie jílloille uai nana comínimo jino omoi llujáiri. ¹⁶ Afe uaina ínoítimie íemo báutizagamie jíllobicaite. Mei íadi afe uaina ínoñeitimie jílloñeno duere finócamiena jáite. ¹⁷ Cuemo ínoítino bie onótarafuíai finóitiaíoi, afe lloga uai uafue daiíllena. Cue mámecido fiénide jóriairedimie ite fiénide jóriai oni óreitíaiói. Uícodo ónoñega jáite uáillaído úritíaiói. ¹⁸ Daje izói titade jaió íaiói llaitada íaiोजना ainíadi, tíñeítíaiói. Jucúredíji íaiói jiróadi, iránitañeite. Afe emódomo, iráredímacímo íaiói onói bitáadi, afe iráredíno jílloítíaiói.

Jesús monamo jailla

(Lc 24.50-53)

¹⁹ Afémacímo úrilla mei, cai Ocuíraíma Jesús fíaicana caífo monamo uiga. Iemo Juzíñamui nabézímo ráinazaide. ²⁰ Ie mei íe llófuegamací nágagobiaímo comíni jílloña uai llocana uitíaiói. Afe dáamie, cai Ocuíraíma, íaiोजना canode. Afe llezica afémie íaiói lloga uaina cíofinina íaiói finócafuíaido uáfúena daiítate; daje izói díga onótatífúiaído uáfúena daiítate. Jae níie.

JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

Rafue uiécodo llogáuai

¹ Cue ama izóidimie Teófilomo cueticue. Diga comini caimo comuide ráfuiyai ñue jaícina cúellena facádiaioi. ² Afe comuídfuiyai táiniamona, áfena ciódino caimo llua izói, cuetíaioi. Afeniaina ciódino ñúefuiyai jino llóllena canódiaioi. ³ Afe izói nana bífuiaina ñue jicánofiredicue. Uáfueza, bífuiyai táiniana iere jicánofiredicue. Ie jira omo cueticue. Iemona bífuiyai jaícina omo cue cúellena cuedo ñue jaide, mei ñúefuiairedimie Teófilodioza. ⁴ Bífuiyai omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille llo

⁵ Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiyai ímie Aarón jitó, Abías iziémo dúidimie. Ie ai mámece Elisabet. Afengo daje izói Aarón iziémona comuídingo. Afe Aarón nánora Juzíñamuimo úriraima. ⁶ Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jitánidiaioi. ⁷ Mei íadi úruenidiaillinoi, mei Elisabet úrueninide. Iemo jíai jae iere jónaitiaillinoi.

⁸ Iemo daarui Abías izíe táijinaruillaimo dúcina llezica, Zacarías Juzíñamuimo úriraimana íllena afémiemo dúcide. ⁹ Iemo afémaci finofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíracó rairuíredinomo jofo jaide, afénomo uguci uillítallena. ¹⁰ Afémie uillítaa llezica, nana comini jinófenemo Juzíñamuimo úritiaioi. ¹¹ Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide. ¹² Juzíñamui abi ímie cíoillano Zacarías iere jacinaillano ie finóacaigana onóñede. ¹³ Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícafírenana afémie cacádeza. O ai Elisabet jitóreite. Afémie mámece Juaana o jitalle. ¹⁴ O ióbitio, daje izói aillo comini o úrue jocólleri ióbitimaciza, ¹⁵ mei o jitó Juzíñamui uiécomo iere uai ínotimiena mámeiteza. O jitó comini jífáitaraji vino diga jaca jíroñeite. Afémie nai jócoñenia Juzíñamui Ñuera Joreño

úicaite. ¹⁶ Afémie Israel náiraimona diga comini comeci ífuiai méidotaite, afémaci ócuifirede Juzíñamui uaimo meine ñue íaioi jíeruillena. ¹⁷ Bie Juan Ocuíraima Cristo uieécodo biite. Afémie jaiai Juzíñamui uai lloraima Elías comeciífirrena izói comeciite. Daje izói Elías riire ocuilla izói riire ócuite, ie uaido móotiai íaioi úruiai diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñúemacina íaioi fínoite, Ocuíraima Jesús ñue llínollena.

¹⁸ Juzíñamui abi ímie úrilla llíicailla mei Zacarías jicánote:

—¿Nie izói bífuena uáfuenta onóredicue? mei ja iere jónaiticue, cue ai diga.

¹⁹ Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamedicue omo úrillena, bie ñúefuiai omo llóllena. ²⁰ Mei íadi birui omo cue dáinana o íinoñenamona uáinitio. Benómona úriñeítio o jító jocóllinomo. Bie Juzíñamui mamécaruimo zúite.

²¹ Afe llezica comini jino itíaioi; Zacarías úiñotiaioi. Afémie are jino gairíracomona biñena jira jacínaioidiaioi. ²² Iemo Zacarías jino bítemo ja úrinide. Afemona afémie gairíraco eromo rairuicanomo nicáirilla izói nibai ciode daidiaioi. Afémie onoi níraidua izói afémacimo úrite, mei afémie úrinideza.

²³ Juzíñamui gairíracomo Zacarías tájinaruillai fúillamona, ie jofomo jaide. ²⁴ Bie mei ie ai Elisabet ja úruereacade. Afengo jofómona cinco diga fiui uáfori jino cióñede. Afengo comécido daide: ²⁵ “Juzíñamui ja bie izói cuena úrueretade, íemona comini cuena jámairuiñeitiaioi,” daide.

Juzíñamui abi ímie Jesús jocoille lloste

²⁶ Ja seis diga fiui Juan comuállamona, Juzíñamui ie abi ímie Gabriel, Galilea éniemo ite Nazaret mámeçirede jófuemo orede, daa ringo méiñollena. ²⁷ Afengo nai inínide jitaingo. Ie mámeçi María. Afengo ja jicánogango Josemo iníreillena. Afe José illaíma David izíemona comuídímie. ²⁸ Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifirede Juzíñamui o diga ite. Nana ringóniai baimo Juzíñamui caimare omo eroide, —daide.

²⁹ Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Níbái cuena daíí uáidote?” ³⁰ Ie jira Juzíñamui abi ímie íena daide:

—María, jacíruíñeno, mei Juzíñamui caimare omo eroide. ³¹ Benómona úruereítio, íemona o jító jócoítio. Afémie mámeçi Jesuna jítaitio. ³² Afémie ñúefuena iere jálleite. Afémie caifo monamo ite Juzíñamui Jitóite. Naui Juzíñamui bínie jaiáidígima David illáimana ória izói, bie Jesuna Juzíñamui illáimana

óreite, ³³ jaca ninomo Israel náiraimo illáimana íllena. Ie illáimana íllana jaca ninomo fúíñeite, —daide.

³⁴ Ie jira María Juzíñamui abi ímiemo jicánote:

—¿Ñie izói bie mei ite, mei cue íma diga iñédicueza? —daide.

³⁵ Juzíñamui abi ímie uai ote:

—Juzíñamui Ñuera Joreño omo itábicaite. Iemo caifo monamo ite Juzíñamui ie ríinodo ona ráiruite. Ie jira o jocolle jító jaca Juzíñamui mamécamiéna ite. Iemona comíni íena Juzíñamui Jító dáíitíai.

³⁶ Iemo jíai o onógango Elisabet úruereite, jamánomo ei ringo íadi. Ie jira úruenitíngo íaií daiñango íadi, seis diga fiui íllamona ja úruereacade. ³⁷ Juzíñamuimona jaca finónide raana iñede, —daide.

³⁸ Ie jira María daide:

—Juzíñamui ócuifíregangodícue. Mai mei Juzíñamui cuena ie daina izói cuemo fínoiteza, —daide.

Afemona Juzíñamui abi ímie oni jaide.

María ie onógango Elisabet uáiduaide

³⁹ Aféruillaído María Judea íduai cígiri ite jófuemo raire jaide. ⁴⁰ Dúciillano Zacarías jofomo jaide. Daíí ñeta Elisabet uáidote. ⁴¹ Elisabet daíí uáidua cacáillano eromo ite úrue niráiricaide. Afe llezica afengo Juzíñamui Ñuera Joréñodo úicaitaga. ⁴² Ie jira iere ficírede uaido úrite:

—Nana jíaingotíai baimo Juzíñamui iere caimare omo eroide, ñúefue omo finóllena. Daje izói o jítomo iere caimare eroide. ⁴³ Iere jamáingodícue, mei íadi cue Ocuíraima ei cue eróizabite. ⁴⁴ Mei ua, o cue uáidua cacáillano cue eromo ite jító iere íobillano niráiricaide. ⁴⁵ Juzíñamui ona daina o íinuado iere íobinangodío, mei Juzíñamui ona daina ñue zúiteza.

⁴⁶ Ie jira María daide:

—Cue joréñodo cai Ocuíraimamo ñúefue llotícue.

⁴⁷ Cue Jíllotaraima Juzíñamuimo cue comeci íóbicaide.

⁴⁸ Mei Juzíñamui ie dúerede ocuícaingona uibíoicaideza.

Biruímóna nana uire íite comíni “Iere Juzíñamui íóbitagangodío” cuena dáíitíai.

⁴⁹ Mei jamánomo ríinorede Juzíñamui iere ñúefuíai cuemo finódeza.

Afémie mámecei ñúefuíaido jacíruiregaci.

⁵⁰ Nana íena ñue jacírúitínona afémie jaca dúecaite.

⁵¹ Finónide ráfúiai afémie finode.

Fíénidena abi ínotínona afémie jae anáfenode.

⁵² Ríillainina jamáimacina Juzíñamui finode.

Mei jíáfodo comécina mánaidino illáinina orede.

53 Juffruitinona afémie ñúefuiaido imaci jeírítade.
Mei jiáifodo ráaredinona fia duere imácina orede.

54 Ie ócuifiregamaci Israel nairai afémie canode.

Iaioina duéruillena féitañede.

55 Naui cai móotiaina daina izói jaca duéruifireite.

Ua, Abrahana ie daina izói, íemo ie náiraina daina izói afémie
jaca caina duéruite.

Bie izói María úrilla fuite.

56 María daámani diga fiui Elisabet diga ite. Afe mei meine
ie jofomo jaide.

Juan Bautista jocóinafue

57 Afe mei Elisabet úrue jocólliruimo dúcinamo, jitó jocode.

58 Juziñamui ñue aféngomo érocaillano fidíillano, afengo abi
imaci naa onógamaciri afengo uáiduaidiaioi. 59 Ocho dígarui
íllamona, judíuai finofirena izói, gairíracomo jáidiaioi úrue ba-
cano icoi quetállena. Afe llezica ie moo mámecina Zacaríasna
jitáacadiaioi. 60 Mei íadi ie ei daide:

—Ieñeite. Afémie mámecei Juaana jitalle, —daide.

61 Aféngona daidíaioi:

—¿Nibái mei? O comínimo afe bie mámecei iñede, —daidíaioi.

62 Ie jira onoi níraíduado úrue moomo jicánotiaioi, nie izói
mámecei jóoneacade. 63 Ie jira afémie daa cuerábici jicade áfemo
cúellena. Llínuano cuete: “Ie mámecei Juan.” Aferi nana
comini jacínaitiaioi. 64 Afe cuia llezica Zacarías meine nane
úrirede. Jira raire Juziñamuimo ñúefuiai lloite. 65 Bíeri nana
abi imaci jacínaioidiaioi. Iemo nana Judea íduai éniemo bifue
llócadiaioi. 66 Nana áfena fidídino áfemo iere comécidiaioi.
Dani íaioi nabáitiai jicánotiaioi.

—¿Bie úrue minícamiena jáite? Mei uafue, Juziñamui
afémiemo iere caimare eróideza, —daidíaioi.

Zacarías ñue llocana dainafue

67 Iemo ie moo Zacarías Juziñamui Ñuera Joreño úicaillamona
úrite; Juziñamui íemo lloga uaido afémie daide:

68 Israel nairai cai ócuifirede Juziñamuimo ñúefue nitárede, mei
afémie caimo érozaibiteza.

Ja ie comínidicai, íemo afémie ja
cai jíllotaibiteza.

69 Jaiai ie ocuifiregamie David izíemona, daa ríinorede cai
Jíllotaraima caimo orede.

70 Jaiai ñúefuiairede ie uai llórainido uícodo ie daina izói afémie
cai jíllotaraimana orede.

71 Afémie cai fairíconimona caina jíllotaite. Daje izói cai
éoidímacimona cai jíllotaite.

72 Cai nánoramacina duéruite, afe izói ie íaioina ñúefuiairede daina uai féitañede.

73 Jaiai cai uzuma Abrahana uícodo daina uai Juzíñamui uáfuenta daina.

Afe uai bie izói daide:

74 Juzíñamui cai fairíconimona caina báiroite, jacíruiñeno ie ócuifiregamacina cai maméillena,

75 Iemo jíai ñúefuiaido ie jaícinaidimacina cai íllena, íemo daje izói nana cai illáruillaído afémiemo ñue cai jaináillena.

76 Ie mei cue duera jító, caifo monamo ite Juzíñamui uai llóraimana o mámeitiaioi, mei Ocuíraima uícodo jáitioza, ñuera uai llocana uíllena, comini íemo ínollena.

77 Daje izói afémie bíllado ie comini íaífuiaí féitallena fidítaitio.

Afémaci fiénidífuiaí féitalledo afémaci jíllotiaioi.

78 Mei ua, cai Juzíñamui caina izíruillano caimo dúecaide.

Dúecaillano cáimaci jíaimaci íemo ínollirui caimo ite.

79 Afedo tíiacade jítinodo macádino Juzíñamuina onóitiaioi.

Daje izói comeci uái illáfuiamo joide io afémie cai ífoite.

Benomo Zacarías úrilla fuite.

80 Iemo afe úrue móonaicana jaide. Afe llezica joreño dibénedo onóicana jaide. Comini íñénanomo ífirede. Israel náiraímo abí ie onónanomo afémie dinomo fiévide.

2

Jesús jocóinafue

(Mt 1.18-25)

1 Aféruillaído énie jamánomoidillaíma Agosto nana comini mámeciaí cuiájillena ocuide. 2 Siria éniemo Cirenio illáimana illa llezica, bie nánora mámeciaí cuiájillena ocuica. 3 Naga come ie móotiaí illánomo ie mámecí cuiájirediaioi. 4 Ie jira José Galilea éniemo ite Nazaret jófueмона jaide Judea éniemo. Afémie David izíemona comuídeza, David jocóinanomo Belemo jaide. 5 Móotiaí illánomo José María diga mámecina cuiájidiaillinoi. Afengo jae jícanogango Josemo iníreillena, íemo ja úruereacade. 6 Iemo Belemo íaillinoi illa llezica afengo úrue jocólliruimo dúcide. 7 Dinomo afengo nánora jító llíide. Jócua mei iníroido ferínote. Iemo juráreto ecáranomo rallaí jóbiano ie bitade, mei afe íaillinoímo comini dúciranomo illino íñédeza.

Juzíñamui abí imaci ovejaí úíñoraimacimo cíocaide

8 Belén jofue onimo dáarie ovéjaiaí úíñoraini naiona íaioi ovéjaiaí úíñofirediaioi. 9 Uái daí itíaióimo raíre Juzíñamui abí ímie ángel dainámie íaioímo cíocaide. Afe llezica Juzíñamui quenírie íaioi ábiedo egáíñozide. Aferi íere jacínaitiaioi. 10 Mei íadi Juzíñamui abí ímie íaioina daide:

—Jacíruiñeno iri, mei ñuera rafue ómoimo llúaíbiticueza. Bie ráfueri nana comini iere íóbitiaíoi. ¹¹ Birui jaiái illaíma David jófue mo omoi Jíllotarai ma jae jococa. Afémie cai Ocuíraíma Cristo. ¹² Afémiena omoi onóillena afe úrue iníroido ferínoga, íemo juráreto ecáranomo bitaca bátiomoi, —daíde.

¹³ Afe llezica Juzíñamui abi ímiemo aillo jíáie mona imaci ofíoide. Afémaci Juzíñamuimo aillo ñúefuiaí llotíaíoi:

¹⁴ —Caifoide Juzíñamuimo ite ebírenafuiaí omoi lloiri.

Afe dáaruido afémie caimare eróinamacimo comécina uái illa-fue íteza, —daídíaíoi.

¹⁵ Iemona, Juzíñamui abi imaci abido monamo jailla mei, ovéjaíai úiñoraini dani conímana daíízitiaíoi:

—Mai mei Belemo cai jai; bie Juzíñamui caimo lloga ie jocóinafue mai cai méiñuai, —daídíaíoi.

¹⁶ Jira jarire jáidiaíoi. María José diga ciódiaíoi. Iemo jíái juráreto ecáranomo bitaca úruena ciódiaíoi. ¹⁷ Afena cióillano, Juzíñamui abi imaci afe úrue ífueña íaíoi mo llúana jino llotíaíoi.

¹⁸ Nana afefue cacáño afe dáinari iere caimare fágacaidiaíoi. ¹⁹ Mei íadi María nana aféfuiaí comécimo jóoniano áfemo uibíoicaide. ²⁰ Iemo ovéjaíai úiñoraini dinena meine abido jaide. Jailla llezica nana íaíoi cacana, íemo íaíoi ciónado Juzíñamuimo ñúefue llotíaíoi. Iemo daje izói ebírenafue Juzíñamuimo nitádiaíoi. Mei nana íaíoi mo daína izói íteza.

Dúemie Jesús Juzíñamui gairíracomo ácataga

²¹ Jócuamona ocho dígarui íllamona, dúemie bacano ícoi quetátatiaíoi. Afe llezica Jesuna ie mámece jítdiaíllinoi, mei afeci nano María nai úruenina llezica Juzíñamui abi ímie aféngomo llóteza.

²² Iemo diga irui íllamona, Moisés ocuica uai llua izói, María abi íainina daíllena níciduafue fúillamo, úruena Jerusalem uitaíllinoi. Aféno mo ite Juzíñamui gairíracomo úruena Juzíñamui íena íllena acátajidiaíllinoi. ²³ Daí finódiaíllinoi Juzíñamui ocuica uaimo daí cúeina jira. Afe uai daide: “Nana nánora jococa íiza Juzíñamui íena mamérede.” ²⁴ Jira jáidiaíllinoi Juzíñamui daína fecalle raa fecállena. “Mena úcugi, níbai mena fíiciri fatá Juzíñamuimo omoi fecari,” aféuái daí daide.

²⁵ Aféruillaído Jerusalem Simeóna mámece redimie illa. Afémie iere ñúemie; Juzíñamuimo ínofirede. Israel nairai fairíconimona bairolle úiñote. Simeón Juzíñamui Ñuera Joreño do úicaigamie. ²⁶ Afe Ñuera Joreño, Simeón nai tíñenia Juzíñamui orelle Crístona cíote, daí ie fidítate. ²⁷ Ie jira Jesús móotiaí íaíllinoi, gairíracomo Jesuna uilla uícodo, Juzíñamui Ñuera Joreño afe Simeón gairíracomo jáillena ífode. Iemona José María diga, jaiái ocuica fínofirena izói Jesuna íaíllinoi

finuaibilla llezica, Simeón Jesús ie ónoimo llínote. ²⁸ Simeón iena llínua llezica Juzíñamui ñúefue llocana daide:

²⁹ —Juzíñamui, mai birui caimare tíredicue, mei o ocuífíregamiedicue, o cuena daina izói nana ñue fuitádio.

³⁰ Dama cue uído cai Jíllotaraimana ciódicue.

³¹ Afémie jae nana comini eróicana o jóonegamie.

³² Afémie judíuainedino ñúefuiaina onótaitimie.

Iemo jíái afémie o comini Israelmo ñúefuiaina nítaite, —daí daide Simeón,

³³ Jira José María diga Simeón úruena daí ie dainari fáigacaidiaillinoi. ³⁴ Ie jira Simeón uáillaido íaiioina cáimacaitade. Iemo Maríana, Jesús eina daide:

—Eroi, bie úrue Juzíñamui mamécámie. Diga Israel comini iena ruífíruillamona táinoficaitiaioi. Iemo jíái aillo comini íemo ínuamona ñúemacina jáitiaioi. Afémie onótate raa ízoite, íemo aillo comini iena íairuitiaioi. ³⁵ Afedo illa dígamie ie comeci ífue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

³⁶ Afénori daa ringo illa. Afengo Juzíñamui mona ie oga uai llófuefírede. Afengo mámece Ana; Fanuel jiza. Iemo jíái Aser náiraimona comuídngo. Afengo iere éirogi. Afengo jítáingona illa llezica inírede. Afengo siete diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífírede, mei afénomo mona naio diga Juzíñamui ocuífíregangona ite. Afengo iere Juzíñamui úrifírede, íemo jíái iere fímairite Juzíñamui íóbitallena. ³⁸ Simeón Jesudo úrilla llezica afengo afénomo bite. Iemo úrue dibéfodo Juzíñamuina “Figora” daina mei, afengo nana Jerusalemo ite jíllollena uíñotínomo úrite. Dúemie Jesús ñúefuiaina afengo íaiioimo llote.

Nazaremo meine jáillafue

³⁹ Iemona, nana Juzíñamui ocuica uaila íaioi fuita mei meine Galilea éniemo jáidiaioi. Afénomo dani íaioi jofue Nazaremo fiébizaide. ⁴⁰ Afénomo afe úrue iere íocire móonaite, íemo jíái ráfúena baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

⁴¹ Jesús moó íaillinoi naga fimónaiaido Jerusalemo pas-cua ráfúemo jáifírede. ⁴² Jesús doce diga fimona fuita mei, íaioi finófírena izói afe ráfúemo nana jáidiaioi. ⁴³ Afe rafue záillamona, jofomo meine íaioi jailla llezica, afe úrue Jesús Jerusalemo fiébicaide. Afeza fiébicaillana ie ei, José diga

onóñediaillinoi. ⁴⁴ Nibai cai onóigamací diga bite, daidíaiillinoi. Daa mona daíi iodo comécídiaillinoi. Mei íadi íaillinoi onóigamací cígido jenódiaillinoimo ⁴⁵ afézana cióñediaillinoi. Jira meine Jerusalemo íemo júnuaidiaillinoi.

⁴⁶ Afe mei daruíamani íllamona Juzíñamui gairíraco eromo afézana baitíaiillinoi. Ocuica uai llófuetino cígimo ráidena baizájidiaillinoi. Afeza afémaci úrillamo cacáreide. Afe llezica afeza afémacimo jicánofirede. ⁴⁷ Nana afeza íaíoi uaillai úana cacádino fáigacaidiaíoi; daje izói ie ráfuenta baitari. ⁴⁸ Ie moo íaillinoi íena cíozaiilla llezica íaillinoína jacínaitade. Ie ei íena daide:

—Cue jító ¿nibái cócori bifue finódio? Cue o moo diga iere coco comécina líicitatio, ona iere zuure jenódicocozá, —daide.

⁴⁹ Mei jira Jesús íaillinoi uai ote:

—¿Mei nibái cue jenódiomicoi? Cue Moo llogáfue mo cue jarítaiticue; ¿áfena onóñediomicoi? —daide.

⁵⁰ Mei íadi afe íaillinoína afeza dánana onóñediaillinoi.

⁵¹ Afe mei afeza ie moo íaillinoi diga abido Nazaremo jaide. Iemo íaillinoi ocuállana jeire ófirede. Ie ei nana bífuiái comécimo jónete. ⁵² Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jérutiaíoi.

3

Juan Bautista táizicimo rafue jino llote (Mt 3.1-12; Mr 1.1-8; Jn 1.19-28)

¹ Romano jamánomoidíllaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ² Afe llezica Jerusalemo jamánomoide lletáiríma íaillinoi Anás Caifás diga. Aféruillaído Juzíñamui Zacarías jító Juaamo táizicimo úrite. ³ Iemona Jordán abi comini illágobiaído Juan llócaide. Afémacina bie izói daícade: Omoi comeci ífuiái méidori; áfemona omoi fiénidífuiaí dólleza. Iemona omoi báutizatari. ⁴ Jaiaí uai lloraíma Isaías uícodo cuega uai izói bífuiái íficaide. Be afe uai:

Ficire úritimie uai táizicimo cácaide. Afémie daide:

“Juzíñamui bille io ñue finua izói omoi comeci ñue fino.

Afémiemo io jaícina dénuá izói, omoi comeci íaífuiaí féitari.

⁵ Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica íñede io, daje llezica jóbite.

6 Iemona nana nairai Juziñamui caimo orelle jílloillifueмо coméciidiaioi.”

7 Comini Juan dine íaioi báutizailla lezica, afémie íaioina daide:

—¡Titade jaióniaimona comuidino izóidiomoi! Ja ánozide duere zefuillifueмona omoi botállena, ¿bu omoi llua? 8 Omoi comeci ifue méidoiacanana ñúefuedo uáfodo jino ácatari. Dani ómoimona táinona “Abrahámona comuidinodicaí” daiñeno iri. Mei bie noficiaimona Juziñamui jitáadi, Abraham comínina comuitaredeza, dai ómoina daidicue. 9 Fiénide amena tiéllena jata jicaida jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

10 Jira comini afémiemo jicánotiaioi:

—¿Mei bie ñie izói íredicaí? —daidiaioi.

11 Jira Juan uai ote:

—Mena caifóferoiredimie, caifófenidimiemо daa írede. Iemo gülleredimie güllenidimiemо güllena fecárede, —daide.

12 Afénomo dáarie gobierno íbátaga úcube líinoraini báutizaillena Juaamo jicaíbitiaioi. Afémiemo jicánotiaioi:

—Llófueraima, ¿mei bie cai ñie izói íticaí? —daidiaioi.

13 Jira Juan íaioina daide:

—Ocuica uai daina baimo dama raiñoñeno iri, —daide.

14 Iemo dáarie “soldado” daina nairai úiñotino Juaamo jicánuaíbitiaioi:

—¿Mei bie cai ñie izói íticaí? —daidiaioi.

Jira Juan íaioi uai ote:

—Jácidota, jíaimamona minícana bairóñeno iri. Daje izói jácidoñeno jíaimamo ie fínoñegafue táinona íaioimo jitáñeno iri. Nano omoi táijina íba dieze uái omoi iri, —daide.

15 Nana comini Juaamo coméci idiaioi. “Ñibai bímie Crístona,” comécido daidiaioi. 16 Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jíaimie ja bite. Afémie Juziñamui Ñuera Joréñodo ómoina úcaite. Daje izói iraimo raa ñue zia izói, afémie ómoina íáinino ñue fínoite. Afémie cue baimo riinorede. Cue bie jamáimedicueza, afémiena dama jacíruiredicue. 17 Jabe bíitimie arroz bíaidimie izói ja ie llocofe líicabite. Afémie arroz bíamona ícuaí oni eneno ua izói, ñúemacimona fiénidinona oni eneno óite. Ñúemacina ie illánomo ñue énoite. Mei jíáfodo fiénidicuaí izóidino zíiñona dúiñeite iraimo jóbaite, —daide Juan.

18 Afe bíemona naa aillo jíaie llófuiado Juan ñúefuiaí jino comínimo llote. 19 Afe emódomo Juan illaima Heródesna riire lletade, mei ie ama Felipe aí Herodías ie aina ua jira. Daje

llezica ie finoca fiénidifuiairi Juan íena lletade. ²⁰ Mei íadi Juan llétajana íinoñeno afe baímo jíáie íaífuena nabaide: Herodes Juan llavéracomo íbaide.

Jesús báutizaga

(Mt 3.13-17; Mr 1.9-11)

²¹ Afe uícodo, Juan nana comíni báutizaja llezica, Jesús jíái báutizaga. Afe Jesús báutizaja llezica afémié Juzíñamuimo úrite. Urilla llezica mona túijicaide. ²² Afemona Ñuera Joreño fíiciri baizábilla izói, afémiemo comíni cíocana baizábite. Afe llezica monámona daa úrilla cácaide. Afe úrilla daide:
—Cue izíruiga Jitódio. Ori iere íóbioidicue, —daide.

Jesucristo uzútiai

(Mr 1.1-17)

²³ Ja Jesús treinta fimona íllamona Jesús comínina canóllena íe táijina como tainede. Comíni comécilla izói Jesús José jító.

Iemo afe José Elí jító.

²⁴ Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

²⁵ Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

²⁶ Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

²⁷ Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

²⁸ Iemo afe Neri Melqui jító.

Iemo afe Melqui Adi jító.

Iemo afe Adi Cosam jító.

Iemo afe Cosam Elmadam jító.

Iemo afe Elmadam Er jító.

²⁹ Iemo afe Er Josué jító.

Iemo afe Josué Eliezer jító.

Iemo afe Eliezer Jorim jító.

Iemo afe Jorim Matat jító.
³⁰ Iemo afe Matat Leví jító.
Iemo afe Leví Simeón jító.
Iemo afe Simeón Judá jító.
Iemo afe Judá José jító.
Iemo afe José Jonam jító.
Iemo afe Jonam Eliaquim jító.
³¹ Iemo afe Eliaquim Melea jító.
Iemo afe Melea Mena jító.
Iemo afe Mena Matata jító.
Iemo afe Matata Natán jító.
³² Iemo afe Natán David jító.
Iemo afe David Isaí jító.
Iemo afe Isaí Obed jító.
Iemo afe Obed Booz jító.
Iemo afe Booz Sala jító.
Iemo afe Sala Naasón jító.
³³ Iemo afe Naasón Aminadab jító.
Iemo afe Aminadab Admin jító.
Iemo afe Admin Arni jító.
Iemo afe Arni Esrom jító.
Iemo afe Esrom Fares jító.
Iemo afe Fares Judá jító.
³⁴ Iemo afe Judá Jacob jító.
Iemo afe Jacob Isaac jító.
Iemo afe Isaac Abraham jító.
Iemo afe Abraham Taré jító.
Iemo afe Taré Nacor jító.
³⁵ Iemo afe Nacor Serug jító.
Iemo afe Serug Ragau jító.
Iemo afe Ragau Peleg jító.
Iemo afe Peleg Heber jító.
Iemo afe Heber Sala jító.
³⁶ Iemo afe Sala Cainán jító.
Iemo afe Cainán Arfaxad jító.
Iemo afe Arfaxad Sem jító.
Iemo afe Sem Noé jító.
Iemo afe Noé Lamec jító.
³⁷ Iemo afe Lamec Matusalén jító.
Iemo afe Matusalén Enoc jító.
Iemo afe Enoc Jared jító.
Iemo afe Jared Mahalaleel jító.
Iemo afe Mahalaleel Cainán jító.
³⁸ Iemo afe Cainán Enós jító.
Iemo afe Enós Set jító.

Iemo afe Set Adán jító.
Iemo afe Adán Juzíñamui jító;
ua, Juzíñamui nano finócamie.

4

Taife Jesús facátate
(Mt 4.1-11; Mr 1.12-13)

¹ Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dinomo Taife íena fieni facátate. Aféruillaído Jesús jaca due jiza güíñede. Afe mei iere jamánomo jufínaite. ³ Mei jira Taife íena daide:

—Ua Juzíñamui Jitona o íadi, bie nofíciai güíllena fino, —daide.

⁴ Jira Jesús uai ote:

—Juzíñamui Cuegáuai daide: “Fia güíllado come ínide, mei jiáifodo nana Juzíñamui lloga uaido írede,” —daide.

⁵ Afe mei Taife caifónedumo ie uite. Dinómona nana éniemo ite náiraiái dáaruído íena ácatate. ⁶ Iemo Taife íena daide:

—Nana bie náiraiái riño naa ie ebíredinuiáiri omo íitícue. Mei nana bie cúeieza. Iemona cue fecáacana diezé jiáimamo íredicueza. ⁷ Cue anamo o dújuillano cuemo o caimátaia nana bie óieiteza.

⁸ Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuimo caimátairena. Dama afémie ocuífíregamiena o iri,” —daide.

⁹ Nane afe mei Taife Jerusalén jófuemo Jesús uite. Afénomo ite gairíraco emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai, ¹⁰ mei Juzíñamui Cuegáuai bie izói dáideza: Juzíñamui ie abi imácina ona uíñotaite.

¹¹ Iaiói ónoído ona mozíñoitiaíoi, o eiba nofíciaimo íziñeillena.

¹² Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

¹³ Ja Taife Jesuna jiáie facátaja raana baiñénamona nano íanori afémiemona fáicanocaillano oni jaide.

Jesús Galilea éniemo fueñe táijizaide
(Mr 4.12-17; Mt 1.14-15)

¹⁴ Jesús Galilea éniemo abído bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaíoi. ¹⁵ Nágagobiaimo ite Juzíñamui uai llorácuaido Jesús llófuecaide. Iemona nana comíni ñúefuiai afémiemo mamédiaíoi.

*Jesús Nazaremo mácajide**(Mt 13.53-58; Mr 6.1-6)*

¹⁶ Mei íemo Jesús ie móonaila Nazaret jófuego abido mácajide. Iemo ocózinailaruimo Juzíñamui uai llorácomo ie fínofirena izói, jofu jaide. Jaillano Juzíñamui Cuegáuai facádollena caifo naidaide. ¹⁷ Iemona jaiiai uai llóraima Isaías Cuegáuai illabe Jesumo itíaiói. Afémie afénico túiñuano afe bie uai illano baite. Afe be níuui:

¹⁸ “Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotalena ocuícacue.

Daje izói llavécanona zuitalle uai llóllena orécacue.

Iemo jíai uina cíoiñedino uina cíoitallena orécacue.

Iemo duere finócanona zuitállena orécacue.

¹⁹ Daje izói Juzíñamui caimo jamánomo caimare érocaillirui llóllena orécacue.”

²⁰ Iemona Jesús afénico íbáillano, Juzíñamui uai lloraco ero canófredimiemo abido ite. Afe mei Jesús ana ráinade. Iemo nana afe llorácomo itino Jesumo riire eróiediaíói. ²¹ Iemona Jesús íaioina daide:

—Ja birui omoi eróicana bie Cuegáuai ñue ícoimo fuite, — daide.

²² Nana Jesudo ñue úritiaíói. Afémie íaioimo lloga ebírede uáillairi caimare fáigacaidiaíói. Mei jira jicánotiaíói:

—¿Mei bie afe José jítóiñede? —daidíaíói.

²³ Jira Jesús íaioina daide:

—Uáfueza bie omoi daífíreña uai cuemo mámeitiomoi: “Ítráredinona manóriacadimie, fueñe dama o abina jíllotal!” (Comini Jesús Juzíñamui oreca ua Crístona íaíói daíñenamona, Jesús bie izói daide. Mei afémie fia José jító íadi, jíaimana jíllotanideza.) Daje izói nibai cuena dáitiomoi: “Nauí cai cacana Capernaumo ebire o finócafue mai birui dama bie o jófuego finori.”

²⁴ Iemo Jesús ie úrillana mozíñoñeno nai jíai uai llote:

—Mei uáfueña ómoína daidicue, naga uai jino llóraima dama ie comini cígiri jaca figo íñoñega. ²⁵ Omoimo jino uáfodo llóiticue, nauí Elías illáruillaído Israel nairai cígimo diga fecíngotiai ite. Aféruillaído daámani fimona átuedo noci bíñede. Afemona afeno nairai jamánomo júbietaidiaíói. ²⁶ Mei íadi Elías Israelmo ite aillo fecíngotiaimona daingo mamedada óreñega. Mei jíáfodo jica Sarepta jófuego ite fecingo mamedada Elías oreca daingo canóllena. Afe Sarepta jofue Sidón jofue áinori ite. ²⁷ Daje izói uai llóraima Eliseo illáruillaído Israel náiraimo aillo chíñaitinuiái ite. Mei íadi afémacimona dáamie jaca

jíllotañega. Mei jíáifodo jica Siria énie ímie Naamán jíllotaina, —daide.

²⁸ Afe uaina cacáillano nana llorácomo itino afe Jesumo iere ríicaidiaioi. ²⁹ Náidacaillano afe jófuemona jino ie jíúdiaioi. Afe mei afe jofue idu ícoimo íena uitíaioi, afénomona ana ie dotállena. ³⁰ Mei íadi Jesús afedu ícoimona gírecaillano íaioi cígido abido jaide.

*Fiénide jóríai úicaigamie Jesús jíllotate
(Mr 1.21-28)*

³¹ Afe mei Jesús Galilea éniemo ite Capernaum jófuego jaide. Afénomo ocózinaillaruimo nane como comini llófuiaide. ³² Riire ocuilla uaido ie íaioi llófuiari caimare fáigacaidiaioi.

³³ Afe Juzíñamui uai llófueraco eromo fiénide jóríai úicaigamie ite. Afémie Jesuna cióillanona riire caillide:

³⁴ —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaibitio? Ona ónodicue Juzíñamui ñúefuiaido jacíruiregamiedio, —daide.

³⁵ Jira Jesús fiénide jóríai uai ote:

—¡Uriñeno! ¡Bímie fáicanocai! —daide.

Mei áfemona afe íimana fiénide jóríai comini eróicana ana éniemo dotade. Daií fínuano afe jóríai afe íimana ízitañeno oni jáidiaioi. ³⁶ Aferi nana jacínaillano jofo conímaiaina daidíaioi:

—¡Bímie uaillai nii mei ríinorena! Afe bímie rírede uaido fiénide jóríaina orede. Iemo afémaci áfemona jáidiaioi, —daidíaioi.

³⁷ Afe énie comini nágagobiaido Jesudo úritiaioi.

*Jesús Simón Pedro jífaiño jíllotate
(Mt 8.14-15; Mr 1.29-31)*

³⁸ Afe mei Jesús Juzíñamui uai llófueracomona jino billano, Simón jofomo jaide. Afénomo Simón jífaiño ie abi cuaríllari iere irárede. Jira afengo jíllotallena Jesumo izire jicádiaioi. ³⁹ Iemo Jesús aféngomo ana ánozillano ie onoi llínote. Afe llezica ie abi cuarilla llíicaide. Iemona afengo jíllobicaide. Daií daina llezica afengo náidacaillano afémaci jitaica raa bai atide.

*Jesús díga iráredino jíllotate
(Mt 8.16-17; Mr 1.32-34)*

⁴⁰ Ja jitoma jímaicaidemo, díga jíáiforiede duico ogánuiaina Jesumo atídiaioi. Afémacimona illa dígamie mo Jesús ie onoi bitade. Bítajamona afémaci jíllozítiaioi. ⁴¹ Iaioi atica iráredínuiaimona díga fiénide jóríai jino jaide. Jaillano afémaci riire caillíoidiaioi:

—O Juzíñamui Jitódio, —daidíaiói. Mei íadi, como úrizaidíaiói mo Jesús íaiói na úritañede. Mei afémaci afémie Crístona íllana onódíaiói za.

Jesús Galilea éniemo uai jino llote
(Mr 1.35-39)

⁴² Afe jítiramo Jesús jofue baimo buna iñénanomo jaide. Mei íadi comini éna jenódíaiói; ie illánona baizájídiáiói. Afémaci afémiena iere jeruídíaiói oni jíáinomo afémie jáiñeíllena. ⁴³ Jira Jesús íaiói na daide:

—Jíaié jófuiáimo Juzíñamui illáimana illíruimo ja áinozideza afena llujáiredicue, mei afe jira orécacueza, —daide.

⁴⁴ Afemona daí Jesús Galilea éniemo ite Juzíñamui uai llorácomo llófuecana uite.

5

Jesús uaido dáinamona jamánomo aillo chamuníai oga
(Mt 4.18-22; Mr 1.16-20)

¹ Afe mei jíáiruído Jesús Genesaret jorai fuédamo ite. (Afe jorai jíáifodo mameina Galilea.) Afénomo ie illa llezica díga comíníai afénomo dúcina. Afémiena jamánomo rillíretadíaiói, mei afémaci Juzíñamui uáilláimo iere cacáacadíaiói za. ² Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaiói chamu ora llóiji jocódíaiói za. ³ Iemona Jesús Simón icaemo jaide. Afécaemo jáillano éna daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete. ⁴ Ie llófuiá fuíllamo, Simona daide:

—Bie nocáe bai batí afóredinomo ui. Afénomo chamu ólleza omoi llóiji dota, —daide.

⁵ Jira Simón uai ote:

—Llófueraíma, jae naío náamonana facódícaíza, íadi jaca daa onédícaí. Mei íadi o dáina izói mei o ocuícaza llóiji dótaiticue, —daide.

⁶ Daí dotádemo, jamánomo aillo chámuníai jíideza, llóijina cuatáacade. ⁷ Afe jira oni jíáicaemo ite íaiói nabáítíai ónoído jíiritíaiói, ie íaiói cánuaibillena. Jira afémaci cánuaibitíaiói. Afe íaiói jíitaga chámuníai íaiói ménacae áillocaemo oruítatíaiói. Jamánomo oruíllamona afe ménacae buíacade. ⁸ Afena Simón cíoillano Jesús ana dújullano daide:

—Cue Ocuíraíma, cúemona oni ii. Cue bie fiénidífue finódimedicueza, —daide.

⁹ Mei ua, afe aillo chamu jíillari Simón naa ie nabáíñíairi jacínaitíaiói. ¹⁰ Iemo jíái Zebedeo jíto íaillínoi Santiago Juan

diga, Simón nabai daje izói jacínaitiaioi. Mei íadi Jesús nane Simona daide:

—Jacíruiño. Benómona chamu fácua izói comínina jénoitioza, cuemo íaioi ínollena, —daide.

¹¹ Iemona afe ménacae oni fuédamo zítajano, dinomo nana fíiano Jesudo jáidiaioi.

Jesús chíinaitimie jíllotate

(Mt 8.1-4; Mr 1.40-45)

¹² Iemo jáíruido, Jesús jófuemo illa llezica chíinaitimie Jesumo dúcide. Jesuna cíoillano ana dújuillano uíeco dinena ana éniemo bíjicaide. Daí ñiano Jesumo izire jicade:

—Cue Ocuíraima o jítaiadi bie duícona cúemona oréredio. Cúemona oreri, —daide.

¹³ Iemona Jesús ie ónoído jétano daide:

—Jíi, ona jíllotaiacaducue. Benómona ja íainitioza, —daide.

Daí daína llezica ie irárena chíie jacábicaide. ¹⁴ Afemona Jesús afémiena “Bie bummo lloñoeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaite raa, mai fecari. Afemona nana comini o chíie ja jacáillana ónoitiaioi, —daide.

¹⁵ Jesús izire íena rairuide íadi Jesús mámecei jamánomo bai jica jalléicaide. Iemona aillo comini ie uaimo cacáreizaibitiaioi. Daje izói íaioimo ite duícomona ie jíllotallena aillo bitíaioi.

¹⁶ Mei íadi Jesús bai comini iñénanomo jaide, afénoimo ie Moo Juzíñamui mo úrillena.

Jesús tízitaitimie jíllotate

(Mt 9.1-8; Mr 2.1-12)

¹⁷ Nane afe jáíruido Jesús llófuemaritemo, fariséuaimona dáarie afénoimo ráiiede. Afe llezica oni jicana bite ocuica uai llófueraíni dánomo ite. Dáarie Galilea ígobiaimona bitíaioi. Daje izói jáíimaci Judea éniemona, íemo Jerusalén dinena jáí bitíaioi. Aféruimo Juzíñamui ríino aillo iráredino jílluamona jino ácataga. ¹⁸ Afe dáaruido diga ímie tízitaitimie naa ie bíiralludo atídiaioi. Jofo Jesús uícomo ie uíacadiaioi. ¹⁹ Mei íadi iere comínina oruídeza jofo íaioi jáillino íñede. Ie jira caifo jofo emódomo uitíaioi. Uillano afeno tuiñódiaioi. Afeno túiñuano afe iráredimie naa ie bíirallu diga ana comini cígimo Jesús uícomo agüínetiaioi. ²⁰ Jesús ñue íaioi ínuana cíoillano, iráredimiena daide:

—Míi, nana o fiénidifuiái ja muiñócaza, —daide.

²¹ Iemona ocuica uai llófueraíni naa fariséuairi, como comecei anado daidíaioi:

—¿Mei bie bu? baie jiámie fiénidifuiái dóficailla dáinado Juzíñamuina icíritaja. Jaca bu comini fiénidifue muiñoñena; dama Juzíñamui fiénidifuea múiñua, —daídíaiói.

²² Mei íadi Jesús comeci íaiói fácajana onóillano daide:

—¿Nibái mei bie izói comeci facádiomoi? ²³ Mei daíí daina ménade uáimona ¿nie uai iere llotáinina? Afe ménade uai be ñie: O fiénidifue muiñoçaza. Iemo jiáie uai bie izói joide: Mai náidacaillano maca. Iiraie uai jamánomo llotáirede, mei omói eróicana íteza.

²⁴ Mei jira, Nanoide fima Jitódicueza bíniemo cue illa llezica comínimo ite fiénidifue cue muiñolle ríino jino ómoimo cíotaiticue, —daide.

Mei jira Jesús tízitaitimiena daide:

—Ona dáitícue náidacai; náidacaillano o bírallu llíinota o jofomo jai, —daide.

²⁵ Daíí daina llezica, afe tízitaitimie comini eróicana caifo náidacaide. Náidacaillano, ie bírallu llíinota, Juzíñamuimo caimátaicana ie jofomo jaide. ²⁶ Aferi nana comini caimare fáigacaidíaiói, íemo Juzíñamuimo caimátaidíaiói. Afe mei jacíruioicana daide:

—Ñi birui cai iere ebíredifuiaina çiona, —daídíaiói.

Jesús Leví jíríte

(Mt 9.9-13; Mr 2.13-17)

²⁷ Nane bie méifomo Jesús jofue cígido mácaja llezica, go-bierno íbátaga úcube llíinoraímamo ríire éroicaide. Afémie mámeçi Leví. Afe úcube íbafirenanomo afémie ráiide. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena finode. Afe Leví izoide aillo úcube llíinoraíni naa jiáimaciri güirábanimo ráizai bitíaiói. ³⁰ Mei íadi fariséuai naa ocuica uai llófuetinori Jesús llófuegamacimo como meine fieni úritíaiói. Íaióina daide:

—¿Nibái mei baie úcube llíinofirede fiénidinori güitíomoi? —daídíaiói.

³¹ Jira Jesús íaiói uai ote:

—Íociredimie mánuamo dúiñede. Iráredino manórena. ³² Dani ñüemacina abi mamédinona uáiduaíbiñedicue, mei jiáífodo fiénidifuiáiredino comeci ífue méiduaíbitícue, —daide.

Íaiói fímairillena Jesumo jicánotíaiói

(Mt 9.14-17; Mr 2.18-22)

³³ Iemona afémaci Jesumo jicánotíaiói:

—¿Nibái mei Juan dibénedo jáidino, íemo jáíi fariséodo jáidino, diga ícaíño riire fímaifirediaíoi? Íaíoi fímairilla llezica Juzíñamuiamo jamánomo jícaífirediaíoi. Mei jáíifodo o llófuegamaci jaca güífirediaíoi, jírófirediaíoi. ¿Nibái mei daíi itíaíoi?

³⁴ Jira Jesús íaíoi uai ote:

—Mai cuena omoi daíi: ¿Airena rafue llezica áfemo uáidogano meita zúurenari güínidiaíoi? Daítañede; ringo otímie íaíoi cígimo illa llezica caimare güitíaíoi. ³⁵ Mei íadi ringo otímie íaíoi mona báiruaibilliruiamo dúciite. Aféruído comeci zúurenari güíñeitiaíoi. Ringo otímie izói birui cuedo jáicaídino cígiri itícueza.

³⁶ Ie emódomo jáíie onótate rafue llote:

—Jaca nino dáamie comue iníroimona jáitano, jácaroimo nitáñede. Daíi nitáadi cómoroina fieni cíoitate. Iemo jáíi jácaroimo nitaca cómoroi figo cíoiñede. ³⁷ Iemo nane jáífue llote. Daje izói comue vino jácara igorai finoína íciru izoide raamo totánide. Dáamie daíi totáadi afe comue vino afe jácara íciruna eroide raana cuatade. Afemona afe íciru naa vino diga táinomo fáifite. ³⁸ Iemona comue vino comue igorai finoína íciruna eróidemo jóonerede. Iemona afe naga ñue éenoga. ³⁹ Daje izói jácara vino jíródinomona, buna cómojina jícañena. Mei afémie “Jácaji jamánomo caimárena,” dáideza. (Afe bie dáinado Jesús ie comue llófueinafue íemo íaíoi jaíai llófuegafue dáanomo ínnonide íaíoi mo llote.)

6

Jesús llófuegamaci ocózinallaruiamo trigo ímoíai dícoiano otá güitíaíoi

(Mt 12.1-8; Mr 2.23-28)

¹ Daa ocózinallaruido Jesús naa ie llófuegamaci jacáfaíai cígido íaíoi maca llezica, ie llófuegamaci trigo ímoíai dícoiano otíaíoi. Uano íaíoi ónoído lléguano aféjiaína güitíaíoi. ² Mei jira fariséuaimona dáamierie jícanotíaíoi:

—¿Nibái mei ocózinallaruiamo rairuícamo táijidiomoi? — daidíaíoi.

³ Jira Jesús íaíoi uai ote:

—¿Omoi jaíai illaíma David finócafue cúeinana facadoñediomoi? Afémie naa ie nabáiñiaíri jufñaitíaíoi. ⁴ Afe llezica Juzíñamui jofomo jofu jaillano rairuica pániaí ote. Uano güite. Afe mei afémiedo jáidino fecade. Mei íadi afe pan dani lletáriraini güiga. Abi dine jamai comini güínide.

⁵ Nane dáanomo íaíoi na daide:

—Nanoide fima Jitódicueza, ocózinaillarui, cue ocuille ríino ite, —daide.

Onoína jofo naillídime rafue

(Mt 12.9-14; Mr 3.1-6)

⁶ Nane jiáie ocózinaillarui mo Jesús Juziñamui uai llorácomo jofo jaide. Jaillano llófuete. Afécomo onoi nabézina jofo naillídime ite. ⁷ Afe llezica ocuica uai llófuetino naa fariséuairi Jesumo báinino éroiediaioi, ocózinaillaruido afe ónoína jofo naillídime jíllotajana cíoillena. Afémie jíllotaia áfedo fiénidifue íemo jítaíticai, comeci anado daidíai. ⁸ Mei íadi Jesús íaioi comeci fácajana onode; jira ónoína jofo naillídime na daide:

—Náidacaillano bai cai cígimo bi, —daide.

Iemona afémie náidacaillano bai náidazaide. ⁹ Afe mei Jesús jíaimacina daide:

—Omoimo dafue jícanoíticue. ¿Ocózinaillarui mo níie táijina rairuínina? ¿Cai finoca fiénidifue, mei níbai cai finoca ñúefue? ¿Cómene jíllotaiticai, mei níbai méineíticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoína jofo naillídime na daide:

—O onoi jino zuita, —daide.

Jira afémie zuitade. Zuitádemo ñue jíllode. ¹¹ Mei íadi áfemona afe jíaimaci jamánomo ríicaidiaioi. Dani jofo conímamo jícanotiaioi, ¿Mei níie izói baie Jesús uáitaredicai?

Jesús doce díga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juziñamuimo úrizaide. Afénomo afémie Juziñamuimo úritemo monaide. ¹³ Ja monáidemo nana ie llófuegamaci jírite. Jírillano afémacimona doce dígamie nizede. “Oni oréllino” íaioína mamede. ¹⁴ Afe be níimaci: Simón, afémie jiáie mámece jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jíto Santiago, íemo Iere Járidotimacimo jaináidime Simón, ¹⁶ íemo Santiago ama Judas, íemo uire Jesús fécaítimie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíai. Billano ñúenomo nano íanori naidáiediaioi. Afénomo aillo jícanemaci Judea éniemona bitino gairídiaioi. Daje llezica Jerusalémone, íemo jíai Tiro, Sidón díga jíca itíniemona bitíai. Bimaci nana Jesús úrillamo cacáreizaibitíai. Daje izói afémaci íaioimo ite dúicomona Jesús jíllotallena bitíai. ¹⁸ Daje izói fiénide

jóriai uícaigano jíllotagaiaioi. ¹⁹ Afe llezica nana comini Jesuna jetáacadiaioi, mei afémie íemo ite rínodo nana íaioina jíllotateza.

Cáimafue zuufue diga

(Mt 5.1-12)

²⁰ Iemona Jesús ie llófuegamacimo érocaillano íaioina daide:

—“Comeci dinena dúeredicai,” dáíifiredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie iere güícana izói, Juzíñamui comece jítaina izói iere íacadino omoi íadi, caimare íóbidiomoi, mei Juzíñamui afe omoi íacana izói omoi íllena ómoina cánoiteza.

Birui duere éediomoi íadi caimare ítiomoi, mei uire zádaitiomoi.

²² Nanoide Iima Jitódicueza cue ícoinia comini ómoina éoina llezica caimare ítiomoi.

Daje izói cue ícoinia ómoina jino íaioi jíuadi íóbitiomoi. Iemo jíai cue ícoinia ómoina íaire íaioi daiíadi, daje izói o mámecina íáirede raa izói íaioi jámairuia, íóbitiomoi. ²³ Aféruído iere omoi íóbiocairi. Jamánomo caimare omoi iri, monamo áillue omoi jíridolle raa íteza. Mei afe izói bimaci nánoidigima Juzíñamui uai llórainina iere duere finódiaioi.

²⁴ Mei jíáifodo omoi ráanaitino ñi dúerena, mei omoi caimátailla raana jae otíomoiza.

²⁵ Daje izói omoi jeírede izói itino ñi dúerena, mei uire iere júfritiomoiiza.

Afe izói birui ómoimona zadáidino ñi dúerena, mei uire dúerenari éeítiomoiiza.

²⁶ Daje izói nana comini ómoído ñue íaioi úrilla llezica, ñi omoi dúerena. Mei afe izói afémaci jáiáigima taino uai llórainimo caimare úritiaioiza.

Caina éoidinona izíruiredicai

(Mt 5.38-48; 7.12)

²⁷ Mei íadi cue úrillamo cacáreidíomoiña dáíticue: Omoi bacáuai imaci izói dino, ñi omoi diga íciritinona mai omoi izíruri. Daje izói omoi éoidinona mai ñue omoi finori. ²⁸ Omoi faidódinona mai omoi cáimadori. Daje izói ómoina fieni finóacadino, ñue íaioi ílleza, mai Juzíñamui omoi jícarí. ²⁹ Daa come o uíeco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidíroi bairóadi, daje llezica o caifóferoina mai o uitátari. ³⁰ Nínó dáamie raana omo jícáadi mai afémiemo jeruíñeno o fecari. Omona bairoca raana abido jícanoñeno o iri. ³¹ Jira jíáimacimo uícodo bie izói finórediomoi. Jáíima omo finóllena o óiacana dieze, áfeze afémiemo mai o finori.

³² Daa ómoína izíruitinona omoi izíruiá, ¿Mei ñie ñúefue finódiomoi? Mei fiénidino afe izói finuaza. ³³ Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói finuaza. ³⁴ Afe izói daa “meine abido cue méidolle cue comécillamiemo” o fecáadi, ¿néemei o finoca ñúefue? Mei afe izói, fiénidino jiáie fiénidinomo méidollena fecádiaioiza. ³⁵ Mei íadi ómoína éoidinona izíruiarediomoi. Abido méidollemo comécíñeno, fia fecárediomoi, afémacimo ñue finóllena. Afe izói omoi íllemona áillue ñúefuiai máifñoitiomoi. Afe llezica caifoide Juzíñamui jítótiaína jáitiomoi. Mei afémie daje izói jeruíñidimie. Figora daifñidino, daje izói fiénidinomo afémie jeruíñeno dájerize fecade. ³⁶ Omoi Moo comínimo dúecaifiredeza, afe dieze jiáimacimo mai omoi dúecaifireiri.

Jiáima jánana fiéni úriñeno iri
(Mt 7.1-5)

³⁷ Jiáima jánana mai fiéni úriñeno omoi iri, áfemona Juzíñamui riire ómoimo jicánoiza. Mai jiáimana duere finótañeno omoi iri, afe izói Juzíñamui duere omoi finoiza. Jiáima ómoimo finoca fiénidifue mai omoi féitari, afe izói Juzíñamui omoi fiénidifue féitaiteza. ³⁸ Jiáimamo mai omoi ífireiri, íemona Juzíñamui ómoimo ífireiteza. Afémie raa omoi ofítara cirígaimo iere ñue fácajano afégaimo jóneite. Afémie afégaina ñue riire jílloiciiteza. Iemo jiái afégaina caifo jica ebena óruitaite. Afémie afegai jamánomo orúitajamona ana abido cóciite. Jiáimamo cai facáfírena izói Juzíñamui caimo fácaite.

³⁹ Jesús bie onótatífue afémacimo llote:

¿Meita uínidimie jiáie uínidimie iodo ifórede? Nibai afe íaillinoi jáidiaillinoína ¿meita dáafomo báitíiaillinoi?
⁴⁰ Llófuegamacimona dáamie ie llófuetimie baimo onóñede. Mei íadi ie llófueina fuilla mei ie llófuetimie illa izói iite.

⁴¹ ¿Mei ñie izói o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afena daííacade: Aillo fiénidifue omo illa llezica; ¿ñie izói due jiza oni nibéfodo baíídimie jánana úriredio? Urinidio.) ⁴² Mei o uimo ite jéerie rarúnguaina o náfueñenia, ¿ñie izói o ámána “o uimo ite jéenide ráaruaina cue otata,” dáítio? Daíínidio. ¡Comeci dine íáirena mei jínofene ñue cíoidimiedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cóitioza.

Nana amena ie lliziedo ónorede
(Mt 7.17-20; 12.34-35)

⁴³ Ñuera amena fiénide ráajiaína llizínide. Daje izói fiénide amena ñuera ráajiaína llizínide. ⁴⁴ Mei naga amena ie llizíllajido

onoiga. Jaca jírede monáigimona jíficollina jofo óñenaza. Daje izói “zarza” daina íanoride raróCIMONA jíricue jofo óñega. ⁴⁵ Ñuera come ñúefuedo úrite, mei ie comécimo ñúefue íllaza. Daje izói fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

Mena jofo nillino rafue
(Mt 7.24-27)

⁴⁶ Cue dáinana ínoñediomoi ia ¿nibái mei, “cai Ocuíraima, cai Ocuíraima” daidíomoi? ⁴⁷ Cuemo cacárezaibitímie, íemo cue daina finófiredimie illa izói ómoimo llóitícue. ⁴⁸ Afémie jofo nillana baitádimie izoide. Afe ñue nífiredimie fueñe ana jica jáilliraina raite; ana mairídinomo jónete. Afe mei ille renailla llezica afécomo jainoi riire dúcide. Mei íadi afe jofona jainóñede, mei afeco mozóidillirai mairídinomo jóideza. ⁴⁹ Mei jáífodo, cuemo cacárezaibitímie mei íadi cue dáinana finóñedimie, bie jáíifo jofo nitímie izoide. Bímie riire llíiñede éniemo jofo nite. Afe mei ille renailla llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

7

Romano illaíma ocuífiregamie Jesús jíllotate
(Mt 8.5-13)

¹ Jesús comínimo úrilla fuilla mei Capernaumo jaide. ² Afénomo daa romano illaíma ite. Afémie ie ocuífiregamiena iere izíruite, mei íadi afe ocuífiregamie iere irárede, táillanomo dúcide. ³ Afe illaíma comini Jesudo úrillana cacáillano, judíuaimona ocuífirede éicomini orede, Jesumo izire jicállena, ie ocuífiregamie jíllotaibillena. ⁴ Afémaci Jesumo dúciillano iere izire jicádiaioi:

—Baie illaíma iere canórede, ⁵ mei afémie cai náiraimo caimare coméiifirede. Daa afémie cai Juzíñamui uai lloraco nitátate, —daidíaioi.

⁶ Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamiiai Jesumo orede. Illaíma daina izói Jesuna daidíaioi:

—Ocuíraima, ona áfedeocañedicue. Cue jofomo o bíllena dúiñede, mei jamáimiedicue. ⁷ Ie jira dama omo úrizabiñedicue. Jicana o uaido o daíri, áfemona cue ocuífiregamie jílloteza. ⁸ Mei cue jáíie illaíma uai anamo itícue. Afe izói cue úiñoga fuiríraíni cue uai anamo ite. Afémacimona dáamiena “Mai jai” cue daíadi, afémie jaide. Iemo jáámiena “Bi” cue daíadi, afémie bite. Cue

ocuífirigamiena “Bíemo o táijiri” cue daiádi, afémie áfena finode, —daide.

⁹ Jesús áfena cacáillano, afémie dáiñari caimare fáigacaide. Iemo Jesús afémiedo jáidinomo érocaillano daide:

—Uáfueña ómoína dáitucue: Nana Israel náiraímo bie izói iñote come jaca baiñédicue, —daide.

¹⁰ Afe orécano meine jofomo jáidiaioimo, afe irárede ocuífirigamie ja jíllodena cíozaidiaioi.

Jesús daa fecingo jitó tílla abido cáadimiena jaitate

¹¹ Bie méifomo Jesús Naína daina jófuego jaide. Ie llófuegamaci naa aillo jíáimaciri iedo jáidiaioi. ¹² Afe jófuego ja áinozidiaioimo, Jesús tídimie íaioi raíájillana ciode. Afe tídimie ie éimona daade jitó. Afe llezica afengo jae fecingo. Aféruído afe jofue comínimona aillo aféngona nabáidiaioi. ¹³ Ocuíraíma Jesús aféngona cíoillano íemo dúecaide. Dúecaillano daide:

—Mai éeño, —daide.

¹⁴ Afe llezica Jesús “ataúd” daina tídimie illácojimo ánozillano afécoji jetade. Jira afécoji uitino mozíñotiaioi. Iemona Jesús tídimiena daide:

—Jitócome, mai náidacai ona daidicue, —daide.

¹⁵ Mei daí daina llezica, afe tídimie raináicaillano úrite. Afe mei Jesús ie eina daide, “Be, o jitó; mai ómicoi jai; uái ómicoi iri,” daide. ¹⁶ Nana comíni áfena cíoillano jacínaitiaioi. Juzíñamui aillo ñúefue jóoniano daidiaioi:

—Birui cai cígiri jamánomoide uai llóraíma cíocailla, —daidiaioi.

Nane jíáifodo daidiaioi:

—Juzíñamui ie nairai cánuaiBILLA, —daidiaioi.

¹⁷ Iemona afe bie Jesús finócafue jica jalleide; ua nana Judea éniemo naa afe onífenemo itígobiaido jalleide.

Juan Bautista orécano

(Mt 11.2-19)

¹⁸ Juan nana afe Jesús finócano fidide, mei íedo jáidino afémiemo llógaza. ¹⁹ Mei íemona afémacimona ménamie uáidota Jesús dine orede. Oriano, bie meita ua bite Cristo dáiñana ónoillena jícánotade. Daje izói, meita nibai nai jíáie bíitimie uíñoiticai, afémie daí jícánotade. ²⁰ Afemona Juan orécano Jesumo dúcillano íena daidiaioi:

—O meita ua bite Cristo dainámiedio áfena ñue onóillena Juan cai jícánotade. Daje izói meita nibai nai jíáie bíitimie uíñoiticai dáiñana ónoillena cai jícánotade, —daidiaillinoi.

21 Afe íaillinoi dúcina llezica, Jesús diga comini íaioi íraniaimona jíllotate; daje izói dáaruido íaioi ote duícuaimona jíllotate. Daje izói fiénide jóriai úicaigamacina jíllotate. Iemo jíái diga uínidinuiai uina cíoitate. 22 Afe llezica Jesús íaillinoina daide:

—Omicoi cíonafue, naa ómicoi cacánafue diga mai Juaamo llujáiri. Bie izói afémiemo llujáiri: Uínidino ui ja cíoide, íemo macáñedino ja macádeza, íemo chíñaitino ja ñüemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúeredinomo jíllona uai llógaza. Nana bífuiai mai afémiemo llujáiri. 23 Cuemo íñoñeilluaina baiñédimie íóbite.

24 Juan orécano meine abido jailla mei, Jesús Juado comínimo úrite; daide:

—¿Mei táizicimo minícana cíozaidiomoí? Nibai dáamie ie dáina uaina méidofiredimiena cíozaidiomoí. 25 Afe izóidena omoi cíozaiñenia, ¿mei minícana cíozaidiomoí? ¿Meita nibai ñue cíoide ráifide iniroi jítaoidimiena cíozaidiomoí? Onódiomoíza, ñüecuiroi jítaoifiredino illaini jofomo ífirediaioi naa dani íaioi comeci jítaina izói itínori. 26 Mei írainomo, ¿minícana cíozaidiomoí? ¿Nibai Juzíñamui uai jino llórainana cíozaidiomoí? Jíi, ua, Juzíñamui uai llórainma baimo jamánomoidimiena cíozaidiomoí. 27 Juan baie Cuegáuai daínámie. Jaiai úicodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íaioi comécido ñue omo jíeruillena cue llujáitimie o uícodo óreiticue.

28 Nana comínimona ite Juzíñamui uai llórainimona Juan Bautista baimo jamánomoidimiena íñede. Mei jíáifodo, Juzíñamui illáimana illánomona jabóidimie Juan baimo jamánomoide.

29 Afena cacáillano, Juan báutizaga gobierno íbátaga úcube líinoraini, naa jíáie báutizaiganori, “Juzíñamui níñfuenidena finódimie,” daidíaioi. 30 Mei jíáifodo Juan báutizañega fariséuai naa báutizañega ocuica uai llófuetinori Juzíñamui íaioiena mameca ñüefuiai jámairuillano táinomo fáifitatiaioi. 31 Iemo Ocuírainma Jesús daide:

—Bie monado itínona ¿ñie izói íaioina mámeiticue? ¿Mei ñie izói cíoitiaioi? 32 Jofue cigi íbírimo jífánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado fíraacadiaioi, mei íadi daje izói áfemo cacáreacañediaioi. Afémaci jaca caimátaitanidiaioi. 33 Afe bie izói ómoímo ite.

Mei Juan Bautista billa llezica afémie fimairillano güilleniai figo güñede, daje izói vónona jiróñede. Iemona “fiénide joríaí uícaigamedio” íena daidíomoi. ³⁴ Afe mei cue, afe Nanoide Iima Jitó dainámiedicue biticue. Billano, jáimaci izói güiticue, íemo jiródicue. Afemona bie izói nane cuena daidíomoi: “Bímie iere güilláredimie; jéerie jiróñiredimie. Fiénidifuairedino nabáidimie; daje izói gobierno íbátaga úcube llínoraini nabáifiredimie,” cuena dáifirediomoi. ³⁵ Comini Juzíñamui orécanona fiéni daidíaiói íadi, Juzíñamui baitaca rafue jírúitínodo jino comínimo ñue cíotaga.

Fariseo Simón jofomo Jesús güizájide

³⁶ Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷ Afe llezica, afe jófuego ite fiénide ringo, fariseo Simón Jesús güizaibillana fidíillano afécomo bite. Afengo “alabastro” daina nofici finoína duera iciru atide. Aferu ziore cáiredijina oruide. ³⁸ Eebicaillano Jesús ídai abimo ráinazaide. Afe llezica ie ui jémedo Jesús ídai jocode. Afe mei ie ífótiido dote. Duano ñítade; ñítajano ie uiga ziore cáiredijina afémie ídaimo totade. ³⁹ Afe Jesús güillena uáidote fariseo, afengo finócafuena cíoillano, comécido daide: “Bímie ua uai llóraímania, bie ringo fiéninana ónoite. Afémie abina nibai aféngona jétatañeite. Mei afengo fiénidíngo íllaza afémie aféngomona abí ráiruite,” daí comeci facade. ⁴⁰ Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraima, mei daini, —daide.

⁴¹ Jira Jesús daide:

—Mena come uícomo íaillinoímo iga úcube daje izói meine fecádimiemo írediaillinoí. Dáamie quinientos dieze meine írede, íemo jáimie cincuenta dieze meine írede. ⁴² Mei íadi nágaillinoí afe úcube fecádimiemo íaillinoí méidolle íñena jira, afe fecádimie afe íaillinoí abído írede úcubena féitate. Mei birui cuena daini, mei bíaillinoímona ¿ñíimie fecádimiena jamánomo izíruirena? —daide.

⁴³ Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴ Afe mei, Jesús ringomo érocaillano Simona daide:

—¿Bíngona cíódio? O jofomo cue billa llezica, cue ídaina jocóñedio, mei jáífodo bie ringo ie ui jémedo cue ídaina jocode.

Jócuano ie ifótiido zafénaitade. ⁴⁵ Iemo o jofomo biticue íadi cuena ñítáñedio, mei íadi afengo jofo cue billa llezica cue ídai ñítajana jaca fáicanocaiñede. ⁴⁶ Daje izói o jofomo cue dúcina mei cue ifomo cáiredijina totáñedio, mei jiáfodo afengo ziore cáiredijina cue ídaimo totade. ⁴⁷ Ie jira ona daidicue, bie ringo aillo cuena izíruillamona, afengo finoca aillo fiénidifue dóinana ácatate. Mei jiáfodo jabo cuena izíruitimie íemo ite íaifue jabo dogá.

⁴⁸ Mei afe mei Jesús aféngona daide:

—O finoca fiénidifue jae dófideza, —daide.

⁴⁹ Afénomo afémie diga ráiide daane güllena uáidogano dani conímana daidíaioi:

—Mei bie ¿ñie come; comínimo ite fiénidifuiaina dóteza? —daidíaioi.

⁵⁰ Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

8

Jesús canófredingoniai

¹ Bie méifodo, Jesús diga jófuiaido macácaide, naa due illánuiari. Afénuiaido Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. ² Afe dáaruído dáarie duícuaimona ie jíllotaga ringóniai afémiedo jáidiaioi. Iemo jiái dáarie íaioi uícaide fiénide jóriaimona jíllotaga ringóniai iedo jáidiaioi. Afémacimona Magdalena énie ingo Maríana mámeciredingo ite. Aféngomona siete dígade fiénide jóriai nauí jino oreca. ³ Iemo jiáie canódingo Cuza ai Juana. Afe Cuza illaíma Herodes jabóidillaíma. Iemo jiáingo Susana. Iemo jiái aillo jiáie ringóniai, íaiomimo ite ráaniaina Jesús canódingotiai.

Ríjifiredimie rafue

(Mt 13.1-9; Mr 4.1-9)

⁴ Afe jófuiaimona aillo comini Jesuna cióillena bitíaioi. Aillo comini dáanommo ofilla llezica, íaioi onóigafuedo Jesús jiáfue íaiomimo llófuete. Iaioina daide:

⁵ —Ríjifiredimie ie rilliji rizájide. Rizájilla llezica, ie rigájiaimona dáarie iomo baiide. Afe iomo baiídijiai zaizíbide; jiáijiai ófocuizai güiga. ⁶ Jiáie rigájiai nofíciai emódomo baiide. Aféjiai zícua llezica jainoi iñénari dúizite. ⁷ Ie mei jiáijiai éegiai cígimo baiide. Afe éegiai jéerie zícua mona aféjiaína írataitano titade. ⁸ Mei íadi jiáie rigájiai ñuera éniemo baiide. Ñue zícua mei, jamánomo aite. Dáajidemoná cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

*Cacáacaiñedino jánaillena Jesús comini onóigado úrite
(Mt 13.10-17; Mr 4.10-12)*

⁹ Iemona ie llófuegamaci afémiemo jicánotiaioi:

—Afe llogafue ¿niie izói daiíacade? —daidíaioi.

¹⁰ Jira afémie íaioina daide:

—Juzíñamui ie illáimana illa rafue ónonidifuiái ómoína onótate. Mei íadi jáíimacimo afémaci jánaillena comini onóigado úriticue. Iemona uina cíofñedino izói íitiaioi. Daje izói afe uai afémaci cacana llezica, onóñedino izói íitiaioi.

*Ríjifiredimie rafue Jesús jino uáfodo llote
(Mt 13.18-23; Mr 4.13-20)*

¹¹ Ríjifiredimiedo lloga rafue bie izói daiíacade: Afe rigájjai daina Juzíñamui lloga ñuera uai. ¹² Afe iomo baiídijiai daina ñuera uaina cacádino. Mei íadi cacana mei, Taife billano afe ñuera uaina comini íaioi comécimona féitate. Afémaci jilloñeillena, Taife afémaci afe uaina ínotañede. ¹³ Afe noticiaimo baiídijiai daina jáíifodo jóide ñuera uaina cacádino. Afe uaina cacáillano caimare otíaioi. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaioi. Nano íanori ínotiaioi. Mei íadi izire íaioi facátalliruimo dúcina llezica ñúefuena fáicanocaitiaioi. ¹⁴ Iemo afe éegiai cigimo baiídijiai daina, jáie ñuera uai cacádino. Mei íadi cacana llezica dani íaioi comeci jítaina diné jáiacadiaioi. Iemona afémaci comeci oni jáínomo uilláfuiáido, nocáe builla izói féiraitiaioi. Daje izói iere íaioi ráareiacanado, íemo jáíi bíniemo ite caimare cai itátafuiáido anáfenogaiáioi izóidiaioi. Iemona figo llizíñede itíaioi. ¹⁵ Mei jáíifodo afe ñuera éniemo baiídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona áfena fáicanocaiñeno ñue aite izói jáidiaioi.

*Boode mechera jánaide izóidifue
(Mr 4.21-25)*

¹⁶ Buna boode mechera retáidoñede. Daje izói buna boode mechera bíira anamo raináñede. Mei íadi jáíifodo boode mechera caífo uáfori cíoidinomo raináfirega, jofo jáidino ñue cíoillena. ¹⁷ Mei uáfueza, nana retáidoga ráaniai uáfori jino cíotaibile. Daje izói nana báinide ráfuiái jino uáfori llóccailleza.

¹⁸ Aquíe izóideza ñue omoi cacáreiri: Iere Juzíñamuina onóacadimiemo ie báitaja baimo jamánomo írede, mei íadi Juzíñamui dibénedo figo onóacañedimie, due ie onógafue féitalle.

Jesús ei naa ie ámatiairi

(Mt 12.46-50; Mr 3.31-35)

¹⁹ Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo ánozinidiaioi. ²⁰ Jira dáamie Jesumo llujjide:

—O ei, naa o ámatiairi jino benó itíaioi. O diga úriacadiaioi, —daide.

²¹ Jira Jesús cominina daide:

—Juziñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llícaitate

(Mt 8.23-27; Mr 4.35-41)

²² Afe mei jáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³ Ruica íaioi jáitaja llezica, Jesús inide. Afe llezica riirede jairifo jóraimo ónonino raire bite. Riire jáiñuamona afe nocáe buíacade. Afécaena jacire anábaitaacade.

²⁴ Mei jira Jesús cazítatiaioi. Cazítajano íena daidíaioi:

—Llófueraima, Llófueraima, ¡ja buízaidicai! —daidíaioi.

Iemona Jesús náidacaillano jairifo naa jorai bagua diga llícaitate. Afemona nana llícaide; níñfuenino jorai uái ite.

²⁵ Afe mei Jesús ie llófuegamacina daide:

—¿Ico nai Juziñamuimo íñoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie niie cómeita? Afémie jairífona ocuide, daje izói jáinoina ocuide. Iemo afémie uaina íñnotiaioi, —daidíaioi.

Gerasa éniemo ite fiénide joríaí uícaigamie

(Mt 8.28-34; Mr 5.1-20)

²⁶ Jailla ícoimo Gerasa éniemo dúcidiaioi. Afénie Galilea énie ruícaferaimo ite. ²⁷ Como ari aféniemo jáidiaioimo, afe jófuemona dáamie Jesús diné bite. Ja diga fimónaiaí afémie fiénide joríaí uícaiga. Afémie inícuero jaca jitáñede. Daje jofomo uái ñede, mei jáífodo raiáfuaína jofórede. ²⁸ Jesuna cíoillano afémie anamo dújuzaibite. Dújuzaibillano ficire daide:

—Caifoide Juziñamui Jitó Jesús, ¿ñibái mei cuemo jíricaidio? Duere cue o fiñoñeillena izire jicádícue, —daide.

²⁹ Afémie bie izói daide, mei Jesús afémiemo ite fiénide joríaí jino oréllena ocuícaza. Diga ícaíño afémiena fiénide joríaí riire uícade. Afe llezica comini afémie onoi idai diga llojéodo máifirediaioi. Jáímaci fieni fiñoñeillena izire íena rairuítiaioi. Mei íadi afémie afe maía llójejina titáfiredede, ie mei afe ie uícaide

fiénide jóriaí afémiena táizicimo botátafirede. ³⁰ Jira Jesús afémiemo jicánote:

—¿O mámece bu? —daide.

Jira afémie uai ote:

—Legiona mámece redicue, —daide. Afe “Legiona” daina uai, aillo comini, daiñacana.

Afémie bie izói daide mei aillo fiénide jóriaíai íena uícaideza. ³¹ Afe bie fiénide jóriaíai Jesumo izire jicádiaíoi duere finótalle ibáirafomo afémaci óreiñellena. ³² Mei afe llezica afénomo ite íconido aillo meróniaí güícaidiaíoiiza, fiénide jóriaí afe meróniaímo jáillena Jesumo izire jicádiaíoi. Iemona Jesús áfena fairíote. ³³ Iemona afe fiénide jóriaíai ímamona jino billano meróniaímo jáidiaíoi. Afe mei afe meróniaí ápera íconido jabícana jóraimo cocízitiaíoi. Dinomo coróbaitiaíoi.

³⁴ Meróniaí úiñotino áfena cíoillano jacínaitiaíoi. Aferi jacínaillano botádiaíoi. Iemona jófuego llujídiaíoi; daje izói oni fuédamo itícuaímo llotíaíoi. ³⁵ Iemona jofue comini afe comuídifuego acárizaidiaíoi. Jesús illánomo íaíoi dúcina llezica fiénide jóriaína jino orécame Jesús anari uái ráinana cíozaidiaíoi. Afe iima ja iniroi jítáoi; daje izói ie abina ñue onode. Afena cíoillano iere jacíruitiaíoi. ³⁶ Afena cíódino nauí fiénide jóriaí uícaigame jíllo taja oni jáínomo llujídiaíoi. ³⁷ Mei bíemona nana afe Gerasa énie comini, afénomona Jesús oni jáínomo jáillena izire jicádiaíoi, mei áfena iere jacíruitiaíoiiza. Iemona Jesús ana áillocaemo jáizaide, ruica abído jáillena. ³⁸ Afe llezica afe fiénide jóriaína jino orécame Jesús diga jáillena izire jicade. Mei íadi Jesús áfena fairíoñede; afémiena afénomo fiébitade. Iena daide:

³⁹ —Mai meine o jofomo jai. Jaillano nana Juzíñamui omo finócafuiaina jino lloiri, —daide.

Iemona afémie jaillano, nana jofue comínimo Juzíñamui íemo finócafuiái jino llujíde.

*Jairo jiza íemo jáíngo Jesús inícuíro jétai bitingo Jesús jíllo tate
(Mt 9.18-26; Mr 5.21-43)*

⁴⁰ Jesús meine jorai ruicáfenemona dúcina llezica, comini afémiena iere caímare llínotiaíoi. Mei nana afémiemo ocuírídiaíoiiza. ⁴¹ Afe llezica Jáirona mámece redímie dúcide. Afémie Juzíñamui uai lloraco illaíma. Afémie Jesús anamo fueco díne ana bíjicaide. Bíjicaillamo izire daide, ⁴² “Cue jofomo biri; mei daade cue jiza tízaideza,” daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaíoi.

43 Afémaci cígimo iráredingo ite. Afengo doce fimona die dícotailari irárede. Nana aféngomo ite úcube manófiredinomo fuite; mei íadi afémaci aféngona jílloitanidiaioi. 44 Afe ringo jinófene dinena Jesumo billano ie inícuiro fueda jetánote. Ie jetánua llezica afengo die llúcaide.

45 Iemona Jesús jicánote:

—¿Mei bu cue inícuiro jetánoga? —daide.

Iemo nana comini jáanuano “Ona bu jetáñena,” daidíai. Jira Pedro naa ie nabáiñiairi daide:

—Llófueraima, nana comini rillírenari o ñuitádiaioi. ¿Nibái mei, “Bu cue jeta,” daidí?

46 Mei íadi Jesús daide:

—Ja onódicueza daa come cuena jetade. Mei cue ríino afe come jíllojtana onódicue, —daide.

47 Afe jétabitingo ja ie báillana onóillano cuidíricana Jesús anamo dújuzaibite. Iemona afengo jino nana comini eróicana jáanoñeno ie inícuiro jetáacana rafue llote. Iemo jíai afémie inícuiro jeta llezica ie jílloja llote. 48 Mei jira Jesús aféngona daide:

—Cue jiza, cuemo o ínuamona ja jíllojoza. Jaillano caimare uái o iri, —daide.

49 Jesús nai úroidemo, daa come Jairo jofómoma Jesús diné bite. Afe Jairo Juzíñamui uai lloraco illaíma. Afe lluaíbitimie Jáirona daide:

—O jiza ja tídeza. Mai Llófueraimana úroidoñeno iri, —daide.

50 Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloiteza, —daide.

51 Afe jofomo íai. dúcina llezica, nana comini afe jofe eromo afémie oréñede. Afe jiza moo, ei diga, íemo jíai: Pedro, Santiago, Juan diga jofe uite. 52 Nana comini afengo tíllari fíicirerie éenaitiaioi. Mei íadi Jesús íaioina daide:

—Omoi éeñeno. Afengo tííñedeza, fia inide, —daide.

53 Daií afémie dáinari zadáidiaioi, mei afengo tíllana onódiaioiza. 54 Iemona Jesús afengo onoi llínota ficire daide:

—Jitaingo, mai náidacai, —daide.

55 Afemona afengo meine abido caade. Iemo afe daina llezica caifo náidacaide. Afe mei Jesús, “Mai afengo ecari” daide. 56 Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bumo llotáñede.

9

Jesús doce dígade ie llófuegamacina oni orede
(Mt 10.5-15; Mr 6.7-13)

¹ Jesús doce dígade ie llófuegamacina dáanomo gairítate. Gairítanona afémiemo ite ríino íaioimo fecade, nana jíáiforiede fiénide joríaí jino oréllena. Daje izói nana iráredino jíllotallena ríino afémacimo fecade. ² Iemo Juzíñamui illáimana illarui rafue íaioina oni lluájitate. Daje izói iráredinona jíllotate. ³ Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izói ciríticoi, íemo güíllena, íemo úcube uiñeno iri. Mena caifóferoi uiñeno, daa uiri. ⁴ Ninó daa jofomo omoi dúcia, afécomo uái iri, afénomona oni omoi jáiñeille dino. ⁵ Níe jofue comini ómoína llínoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomoi.

⁶ Afemona ja oni nana dúegobiaido jáidiaioi. Jaillano ñuera jíllona uai llocana uitíaioi. Daje izói iráredinona jíllotacana uitíaioi.

Juan Bautista tilla rafue
(Mt 14.1-12; Mr 6.14-29)

⁷ Ocuídillaíma Herodes nana Jesús finócafuiaina fidide. Iemona Herodes comeci uibílluai íñede, mei dáarie “Juan tíide meine abido cáadimiena jaide,” daidiaioi. ⁸ Jáímaci, “Juzíñamui uai llóraíma Elías meine cíocaizaibilla,” daidiaioi. Iemo jíámaci, “Jaiái ninomo tíide jáie Juzíñamui uai llóraíma meine abido cáadimiena jailla,” —daíí llotíaioi. ⁹ Mei jira Herodes daide:

—Nauí cue Juan ífoci jaitátaticue. Iemona ¿mei bie níimie? Afémiedo diga ráfuiái cacáfiredicue, —daide.

Afe llezica Herodes iere Jesuna cíóacade.

Jesús cinco mil comini ecade
(Mt 14.13-21; Mr 6.30-44; Jn 6.1-14)

¹⁰ Ie orécano abido dúcina mei, nana íaioi finócafuiái Jesumo llotíaioi. Afe mei Jesús afémacina oni eneno Bet-saida jofue ánomo uite. ¹¹ Mei íadi áfena fidíillano comini afénomono jáidiaioi. Afénomono Jesús caimare afémaci llínote. Juzíñamui illáimana illarui rafue íaioimo llote. Daje izói afénomono iráredinona jíllotate.

¹² Iemo ja nauízaiilla llezica, doce dígamie orécano Jesumo billano daidiaioi:

—Mai, comini íaiói ocózinaillena oni ore, áinori ite jófuiáido güille íaiói jenólleza. Mei benomo cai illánomo güille iñédeza, —daidíaiói.

¹³ Mei jíáifodo Jesús íaióina daide:

—Afémaci omoi eca, —daide.

Jira ie uai otíaiói:

—Benomo caimo cinco pániai íemo mena chamu ite. Afe baímo iñédeza. ¿Meita nana bie comini ecállena íbajiredicai? —daidíaiói.

¹⁴ Mei afénomo cinco mil comini gairídíaióiza. Mei íadi Jesús llófuegamacina daide:

—Nana bie comini cincuenta dígamierie ana raíziri, —daide.

¹⁵ Daií fínua méifodo nana ana raízídaitiaíói. ¹⁶ Afe llezica Jesús cinco dígade pániai, íemo mena chamu llínnote. Llínuano monamo eróillanona Juzíñamuina afe güilleri “Íere figora,” daide. Daií daína méifodo, afe ditada, ie llófuegamacimo fecade, afémaci comínimo fecállena. ¹⁷ Iemona nana áferi ñue jeirediaíói. Afe mei llófuegamaci güígamona fiebidino doce cirigai oruítatiaíói.

Pedro Jesús Crístona uáfodo jino llote
(Mt 16.13-19; Mr 8.27-29)

¹⁸ Afe mei jíáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini ñíie izói cuena daidíaiói?

¹⁹ Jira uai otíaiói:

—Dámierie “Bie Juan Bautista,” daidíaiói, jíáimaci “Bie Elías” daidíaiói, íemo nai jíáimaci “Jaiái Juzíñamui uai lloraima meine abido cáailla” daidíaiói.

²⁰ Jira Jesús jicánote:

¿Omoi ñíie izói cuena daidíomoi?

Jira Pedro daide:

—Juzíñamui ñizeca Cristo daínámiedio, —daide.

Jesús ie tíille rafue jino llote
(Mt 16.20-28; Mr 8.30-9.1)

²¹ Iemo afe Pedro llógana afémie jíáie comínimo iere rairuillano ie llófuegamacina áfena bummo llotátañede. ²² Iaióina daide:

—Nanoide Híma Jitó Crístodícueza, iere duere finóllícue. Ocuide éinamací cuena ruifíruitiaíói. Daje izói lletáriraini illaini cuena ruifíruitiaíói, íemo jíái ocuica uai llófuefiredino cuena íáiruitiaíói. Cuena tíitaitiaíói, mei íadi daaruíámani íllemona meine abido cáaitícue, —daide.

²³ Afe méifodo nana afémacina daide:

—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena afémie áfena izire ónide. ²⁴ Mei ie caana rairuíacadimie áfena táinomo fáifitaite. Mei jáífodo cue ícoinia ie caana táinomo fáifitimie afe fáifidena baimo ziiño illínona máíñoite. ²⁵ Mei daa come nana bínie ráaniai aillo náamataadi, mei íadi afe llezica dama ie comeci afémie táinocaitaiadi, nana ie maiñoca ráaniai afémiena jállotañeite. ²⁶ Ninó daa come cuena meáiruia, daje izói cue uaina meáiruia, afe ibana uire illáimana ana cue billíruimo afémiena meáruiticue. Nanoide Ima Jitódicueza, aféruimo Moo Juziñamui ebírededo bíiticue naa níifuenide Juziñamui abi imáciri. ²⁷ Uáfuena ómoína dáititue: Birui benó itínomona, dáarie nai íaiói tíñena llezica Juziñamui illáimana illarui cíotiaíoi, —daide.

Jesús abi jáífodo méidoficailla
(Mt 17.1-8; Mr 9.2-8)

²⁸ Daí daina mei ocho dígarui jailla mei, Jesús Juziñamuimo úrillaena caifónedumo jaide. Afémie Pedro, Santiago, Juan dígamie uite. ²⁹ Nai Juziñamuimo Jesús úrioína llezica, afémie uíeco jáífodo méidoficaide. Daje llezica ie inícuero jamánomo úzere quenire jaide. ³⁰ Afe llezica mena come ie abimo cíocaide. Afe íaillinoi afémie díga úrite. Afe bíaillinoi Moisés Elías díga. ³¹ Daje llezica ñue ebire quenire cíoide raa afe íaillinoína onífenedo féricaide. Afe íaillinoi Jesús Jerusalemo duere zefuíllano tíillifuedo úritiaíoi. ³² Afe llezica Pedro naa ie nabáiñiairi iere ínie méinegaiaíoi ía, ocuídiaíoi. Afémaci Jesumo ite ebire cíoidena cíodiaíoi; daje izói afémie díga itíiaillinoína cíodiaíoi. ³³ Afe íaillinoi Jesúmona oni jáioicailla llezica, Pedro daide:

—Llófueraima, jñii benomo caimare cai illa! Mai daámani jofóchupina cai níi. Daaco óie, jáíico Moisés ie, íemo jáíico Elías ie, —daide.

Mei íadi Pedro ie daíiacana ónoñede. Jira comeci facáñeno ebena daí daide. ³⁴ Nai ie úrioína llezica, mona ero uíllie íaíoína ferínocaiide. Mona ero uíllie eromo íaíoi íficailla llezica iere jacínaitiaíoi. ³⁵ Afe llezica afe uílliemona daa uaina cacádiaíoi:

—Bie iere cue izíruiga Jitoza, afémiemo omoi cacáreiri, —daide.

³⁶ Daí daina méifodo Jesumo érocaidiaíoiimo, ja dama ite. Afe mei afémaci afe íaíoi cíónana bumo lloñédiaíoi.

Jesús fiénide jóriaí uícaiga jitócome jállotate
(Mt 17.14-21; Mr 9.14-29)

³⁷ Afe jái ruidó afe ídumona ana íai oi billa llezica, aillo comini io anamo Jesús úiñotiaí oi. ³⁸ Iemona cominimona dáamie ficire lléjcaide:

—Llófueraima, dúecaillano daade cue jitomo érocái. ³⁹ Fiénide jóriai riire íena uícade. Afe jóriai íena caillítacaide, afémiena nano íanori titáfiredé. Afe llezica ie fuémona múllecíai bífiredé. Iena duere finode; afémiena fáicanocaiñede. ⁴⁰ O llófuegamacimo afe jóriai jino oréllena izire jicádícue, mei íadi orénidiaí oi, —daide.

⁴¹ Jira Jesús uai ote:

—¡Níi jamánomo íinofinidiomoi! Iemo daje izói ñúefuena iere uáitafirediomoi. ¿Níie dinó omoi cígimo íredícue omoi cue riídollena? O jító benomo atí, —daide.

⁴² Mei íadi afe jítócome Jesumo áinozilla llezica, fiénide jóriai afémie ana éniemo dotade. Afe llezica afe jítócome íanori titade. Mei íadi Jesús afe fiénide jóriaina riire daínano oni orede. Afemona Jesús afe jítócome jíllotate. Iemona jíllotano ie moomo abido ite. ⁴³ Iemona nana comini Juzíñamuimo ite áillue riínori caimare fáigacaidiaí oi.

Jesús ie tíille rafue meine nane llote

(Mt 17.22-23; Mr 9.30-32)

Nana comini Jesús finócari caimare fáigacailla llezica, afémie ie llófuegamacina daide:

⁴⁴ Bíemo ñue omoi cácarei. Afena omoi féitañeno iri. Nanoide íima Jitódícueza, duere cue íai oi finóllena cominimo fécajillicue, —daide.

⁴⁵ Mei íadi ie llófuegamaci afe ie daínana ñue onóñediaí oi. Mei afefue afémacimona rairuica. Iemo afe llezica afefue afémiemo jicánuana jacíruitiaí oi.

¿Mei níie come jamánomoina?

(Mt 18.1-5; Mr 9.33-37)

⁴⁶ Afe méifomo ie llofúegamaci dani jofo eróicana conímana “cáimona níimie iere jamánomoina” daina júfidotiaí oi. ⁴⁷ Mei íadi Jesús íai oi comeci úrillana onode. Iemona daa úrue uáidota ie abimo naidánete. ⁴⁸ Daí naidániano afémacina daide:

—Bie úrue cue mámeçido llíñotimie cuena llíñote. Iemo cuena llíñotimie, ana cue orédimiena llíñote. Mei uafue, omoi cígiri jabóidimie Juzíñamui eróicana iere jamánomoidimie, —daide Jesús.

Caina uáitañedimie cai dibénemo ite

(Mr 9.38-40)

⁴⁹ Ie jira Juan Jesuna daide:

—Llófueraima naui o mámeçido fiénide jóriai orédimiena ciódicai. Afémie cai diga macáñena jira afémiena rairuídicai, —daide.

⁵⁰ Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

⁵¹ Jesús monamo jáiacanarui áinozilla llezica, afémie Jerusalemo jáillena riire mamérite. ⁵² Daií mamérellano úcodo raire uai llóitino orede. Afémaci Samaria éniemo ite duera jófuego jáidiaioi íaioi dúcillico raire báillena. ⁵³ Mei íadi afeno itímaci Jesús naa úcodo orécanori Jerusalén diné íaioi jáiacana jira, íaioina llínoacañediaioi. ⁵⁴ Ie llofúegamacimona Santiago, Juan diga áfena cióillano Jesuna daide:

—Ocuíraima, jaiai uai llóraima Elías fínua izói, bimaci fúilleza monámona iraina cai jíriredicai ¿meita jitáidio? —daide.

⁵⁵ Iemona Jesús íaillinoimo éroillano llétajano daide:

—Omicoi jainaina joréñona onóñediomicoi. ⁵⁶ Mei ua-fue, Nanoide fima Jitódicueza comini niné táinocaitallena biñédicue, mei jááfodo comínina jíllotabiticue, —daide.

Iemona oni jáígobiaimo jáidiaioi.

Jesudo jáiacadino bie izói írediaioi (Mt 8.19-22)

⁵⁷ Iodo íaioi jailla llezica dáamie Jesuna daide:

—Ocuíraima, o jáiacana diné o diga jáiacadicue, —daide.

⁵⁸ Jira Jesús afémiena daide:

—Nana jazicí rillenai uái ífireillino ite. Daje izói caifodo féedinuiai uái íaioi ráillino ite. Mei íadi Nanoide fima Jitódicueza dáanori uái cue illino íñede, —daide.

⁵⁹ Jesús jáímiena daide:

—Mai cuedo bi, —daide.

Mei íadi afémie daide:

—Fueñe cue moo tilla ráiaiticueza cue ore, —daide.

⁶⁰ Jira Jesús ie uai ote:

—Juzíñamuina jíruiñedino tíide izóidino; mai mei afémaci jádie ua títimiena ráilleza, mei o cuedo bi, billano Juzíñamui illáimana illirui llujiri, —daide.

⁶¹ Afe mei jáímie Jesuna daide:

—Ocuíraima, odo bíacadicue, mei íadi fueñe cue jofo ero comini jáillena facáduaiticueza cue ore, —daide.

⁶² Jira Jesús íena daide:

—Daa come ie táijina ja táinia mei, jiáinomo comeci fácaja fiénide. Ie jira bie izóidimie Juzíñamui illáimana illíruimo táijillena ráifiñede, —daide.

10

Jesús setenta dígamie ñúefue llujáillena orede

¹ Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobiaimo íaioina orede. ² Íaioina daide:

—Uáfueza, jacáfaimo ite raa ailla llezica jofo óitino iñena izói, birui Juzíñamui illáimana illíruimo jofo órede comini aillo ite. Mei íadi afémaci jofo óitino figo iñede. (Afe jofo óitino jiáimacimo ñúefue llóitino.) Ie jira cai Ocuíraimamo, jacafai Naama izóidimie mo jiáie ñúefue llóitimacina omoi jicari, afémacina afémie oréllena. ³ Jira omoi jai. Jaillano bie uaimo omoi comeciiri: illáirede jazici jicóniai cígimo ovejai jiza ória izói, ómoína orédicue. ⁴ Omoi jailla llezica cirítico uiñeno iri, daje izói úcubena uiñeno iri. O eiba icona uiñeno iri. Io anamo jiáimaci diga are naidáicana úhuriñeno iri. ⁵ Ninó daa jofomo jofo o jáiadi afeco comínina fueñe bie izói omoi daiiri: “Caimare uái illifue bie jofomo íteza.” ⁶ Afécomo comécina caimare uái itino ia, afe uai afémaci íaioieite. Mei íadi afe izoide comini afénomo iñenia, omoi daií uáidua uai abido ómoimo bíiteza. ⁷ Oni omoi jáiñeille dinó dáacomo uái iri. Omoi íaioi ecálleze güítimoiza. Omoi jirótalleze jirori. Mei jiáimacina omoi cánua jira, nana áfemo táijiraíma ie táijinado ibáredeza. Ie jira naga jófuedo güicaiñeno iri. ⁸ Ninó jófue mo omoi dúcia caimare omoi íaioi llínoia, güillena omoi íaioi ecaa afe omoi güiri. ⁹ Daje izói afénomo iráredinuiaína omoi jíllotari. Afe llezica afémacina daiiri, “Juzíñamui illáimana illarui ómoimo ja áinozideza,” daiiri. ¹⁰ Mei íadi jiáie jófue mo omoi dúcia afeno comini ómoína llínoiacañeniadi, jino jofue cígimo ite macáraodo jairi. Jaillano daiiri: ¹¹ “Cai eíbamo afide omoi jofue íaie ómoimo teténoiticaí. Daií finódicaí, fiendi caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo áinozideza.” ¹² Omoína dáíticue, íraicaiño izire jicánollíruimo bie jofue comini Sodoma comini duere finóbina baimo duere finólliaioi.

Náfuefinide jófuaí comini (Mt 11.20-24)

¹³ ¡Corazín jofue comini, ñi dúerena! ¡Daje izói Betsaida jofue comini ñi dúerena! Mei íaioi cígiri cue finoca ciórainina raa, áfena Tiro jofue comini naa Sidón jofue comini cígimo nauí

finódicuena nibai jaiái uícodo íaioi comeci ífuena méidotiaioi. Uafue íaioi comeci ífuena méiduamona ja diga fimona jailla. Afe llezica zúunaia jítáfirega jítiroi jítáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi. ¹⁴ Mei íadi íraicaiño izire jicánolliruimo Tiro Sidón diga duere finóbina baimo Corazín íemo Betsaida comini duere finólliaioi. ¹⁵ Daje izói Jesús Capernaum jofue comini lletade; íaioi dibénedo daide: ¿Meita íaioi íinoga jofue monamo úrede? ¿Daíí comeci facádiaioi, ero ua? Mei jíáífodo íaioina dáíitícue, tíidino illánomo ana dotaca izói niné táinocaitalliaioi.

¹⁶ Iemo ie setenta nizécamacina daide:

—Omoína cacáreidímie cuemo cacáreide. Iemo jíái ómoína ruiffruitímie cuena ruiffruite. Daje izói cuena ruiffruitímie cue ana orédimíena ruiffruite, —daide.

Oreca setenta dígadino abido dáanomo dúcina

¹⁷ Nauí oreca setenta dígadino meine abido caimare dúcidiaioi. Jesuna daídíaioi:

—Ocuíraíma, nana cai llógamo cacáreidiaioi, ua daje izói fiénide jóriaí o mámedido daína uaimo cacáreidiaioi, —daídíaioi.

¹⁸ Jira Jesús daide:

—Jíí, Satanás monamona ameo izói baiíllana ciódicue.

¹⁹ Daje izói jaióniaí naa acáiduaí ómoína izi cácatañelle ríino nauí ómoímo cue iga. Daíí nana cai bacáuai izóidímie Taife ríinona izi cácañeno anáfenodiomoi. ²⁰ Mei íadi fiénide jóriaí jino ória ríino ómoímo íllado figo comécíñeno iri. Mei jíáífodo omoi mámechiaí monamo cúeinari omoi íóbiri, —daide.

Dama Jesús cáimacailla

(Mt 11.25-27; 13.16-17)

²¹ Afe llezica, Ñuera Joreño Jesuna íóbitade. Íóbicaillano Jesús daide:

—Cue Moo, mona énie diga Ocuíraímadío, omo ñúefue mámeitícue, mei ráfuena baitádinomona o dibénedo retáidoga onóigafuiaí onótañedio. Mei jíáífodo comécina níífuenide úrue izoide jamai comínimo aféfuiaína jino cíotatio. Jíí, Moo, mei o daíí jítaidioza, —daide.

²² Jesús nai úrioide: “Cue Moo, nana ráaniaí cuemo fecádio. Moo Juzíñamui, o Jitódicue, mei íadi buna uáfodo cuena ñue óñoñena. O cue Móodioza, dama o ñue cuena onona. Daje izói buna uáfodo ona ñue óñoñena. Cue, o Jitódicueza, dama cue ñue ona onona. Iemo jíái daje izói o Jitó onótaacagano ñue ona ónoitiaioi, —daide.

²³ Iemona ie llófuegamacimo érocaillano, daní íaioína daide:

—Omoi ciona raana ciónamona ¡nii íóbirediomoi! ²⁴ Mei ómoína daídícue, diga Juzíñamui uai llóraíni naa illáímaíairi

omoi ciona raana cióacadiaioi mei íadi jaca cióñediaioi. Daje izói omoi cacana uai cacáacadiaioi, mei íadi jaca cacáñediaioi, —daide.

Samaria ímie rafue

²⁵ Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraima; zíñona cue íllena ¿ñie izói íredicue? —daide.

²⁶ Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

²⁷ Jira ocuica uai llófuefiredimie uai ote:

—Afe uai bie izói daide; Nana o comécido o Ocuide Juzíñamuina izírui. Daje izói nana o joréñodo, íemo nana o máiriedo, íemo nana o ífoci úrillado íena izírui. Afe llezica dama o abina o izíruiilla izói afe izói o aino cómena izírui, —daide.

²⁸ Mei jira Jesús daide:

—Ñue fairíotio. Bie izói o finóadi nia are cáaitio, —daide.

²⁹ Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jíáie uai Jesumo jicánote:

—¿Ñie come cue abi ímiena jóoneitícue? —daide.

³⁰ Jira Jesús uai ote:

—Dáamie Jerusalémona oni Jericomona jaide. Ie jailla llezica merírifiredino afémie fatíaioi. Fájano ie ráaniai bairódiaioi naa inícuiruaimo. Afémiena iere ízitatiaioi; jabo ie títano íena fiénocaidiaioi. ³¹ Afe méifodo lletáriraima ónonino daje llezica afe iodo jaide. Mei íadi fagámiena cíoillano onido jaide. ³² Afe mei Leví nairai ímie afénomo dúcide. Daje izói afémiemo fia érocaillano onido jaide. ³³ Afe méifodo Samaria ímie daje iodo jaide. Fagámiena cíoillano afémiemo zúucaillano iere dúcecaide.

³⁴ Mei íemona fagámie billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caifo rainada dúciracomo uite. Uillano afécomo afémiena uíñote. ³⁵ Afe jíáiruido, afe Samaria ímie ja jíaiilla llezica, mena úcube uano afeco naama ibade. Hbjano daide: “Bie iráredimie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide.

³⁶ Mei íemona birui cuemo llone: Bie daámanidemona ¿ñimie ñue finoca bie merírifiredino fagámie aino come finófírena izói? —daide Jesús.

³⁷ Jira ocuica uai llófuefiredimie daide:

—Mei afémiemo dúcecaidimie fagámie aino cómena, —daide. Iemona Jesús íena daide:

—Jaillano bímie finua izói o finori, —daide.

Jesús Marta María íainguai jofomo dúcide

³⁸ Jesús iodo jaillano duera jófuego dúcide. Afénomo ite Marta daínango ie jofomo Jesuna caimare llíinote. ³⁹ Marta ebuño María Jesús anamo ráizabite ie daínana ñue cáailena. ⁴⁰ Mei íadi Marta diga jetácaganiaimo comeci llícibite. Iemona Jesumo billano daide:

—Ocuíraima, cue ebuño nana táijina cuemo fiénocaide, ¿aferi comeciñedio? Cue dine ore, afengo cue cánuabilleza, —daide.

⁴¹ Mei jiáifodo Jesús afengo uai ote:

—Marta, iere o jetácaga raamo o comeci llícitaitio. Afe táijinamo iere duere zefuidio. ⁴² Mei íadi daa jitáirede raana nai omo ñede. Ie mei María afe baimo ñuera raa jae nizede. Afengo nizeda oga raa bu báiroñeite, —daide.

11

Juzíñamuimo cai úrifireillena Jesús lloste
(Mt 6.9-15; 7.7-11)

¹ Afe mei jiáiruideo Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrillena cai llofue, —daide.

² Jira Jesús íaioina daide:

—Juzíñamuimo omoí úria bie izói daiíri:

Cai Moo Juzíñamui, monamo itio; o mámedido ñúefue nitácaza. O illáimana illirui raire búiteza.

Dinomo monamo o comeci jitáillafue íaioí fínua izói, afe izói bie éniemo finótaibiteza.

³ Cai nágarui jitailla gülleníai, birui caimo fecari.

⁴ Cai finoca fiénidifue iba caimo oñeno iri, mei afe izói jiáimaci fieni caimo finódiaioí íadi, afémacimo ibana oñédicai.

Íaifuemo cai báíñellena caina úíñori.

Iemo afe llezica nana fiénidifuaímona caina jíllotari.

⁵ Iemo nane Jesús daide:

—Bie fia cue daílle ráfuemo omoí comeciiri. Omoímona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶ mei cue onóigamie ailli cue jofomo dúcidez. Mei íadi afémie cue ecállena ñede,” daide. ⁷ Ie jira nibai jofona bie izói uai óredio. “Cue úrue diga inídicueza, cuena áfedeñoeno iri. Naze íbácaza, o jicaca raa omo fecállena jino bínidicue.” ⁸ Mei íadi ómoína dáitícue, afe jícaíbitímie o nabaina jira fécaíñeítio, mei íadi afémie are ona áfedeñoellena nana ie jitaica ráaniaina jeruíñeno fécaítio. ⁹ Afe jira ómoína dáitícue: Juzíñamuimo jicari, afémie fécaíteza. Jenori, báitioza. Nazémoma jíiriri, íemona afémie tuízabíteza. ¹⁰ Mei uáfueza, jícadímie jaca

llínote; jenódimie jaca baite; nazémona uáidotimiemo naze tuiñoca.

¹¹ Omoimona úrueredimie ie jitó güllena jicáadi ¿meita nofcina iga? Jaca íniga. Daje izói chamu jicáadi, ¿meita jaiona iga? Iniga. ¹² Iemo jiái jigi jicáadi ¿meita acáidona iga? Iniga. ¹³ Mei fiénidiomoi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñona jicaitinomo fécaite, —daide.

Fiénide jóriai ríino Jesumo illa afémiemo jitádiaioi

(Mt 12.22-30; Mr 3.20-27)

¹⁴ Afe mei Jesús uáinidimiemo ite fiénide jóriai jino orede. Afe jáillamona afe uáinidimie ja ñue úrite. Aferi comini caimare fáigacaidiaioi. ¹⁵ Mei íadi dáarie daidíaioi:

—Bímie Beelzebú dana fiénide jóriai illaíma rínodo, afe fiénide joriaina jino orede, —daidíaioi.

¹⁶ Jáímaci ie facátallena, “Monámona uai dáinamona comuide cíorainina raa fino,” daidíaioi. ¹⁷ Mei íadi Jesús afémaci comeci úrillana onóillano daide:

—Ninó daje náiraina ite comini bozíetaillano conima diga fuiriadi, afe nairai niné táinocaite. Daje izói daaco ero comini bozíetaia, afémaci daje izói are iñeno niné táinocaitiaioi.

¹⁸ Afe izói, mei Satanás dama íemo jaináidinona, dani abina uáitaiadi, ¿mei ñie izói ie ócuifirena ríino are ite? Bie ómoimo llóiticue, mei cuena “Fiénide joriaina Beelzebú rínodo jino orédio,” daidíomoiza. ¹⁹ Mei íadi daítadena, jiáiuaina ómoimo jicánoticue, Omoído jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino cíotatiaioi. ²⁰ Mei jiáifodo uáfueza, Juzíñamui rínodo fiénide joriaina jino oréfiredicue. Iemo bifue bie izói ómoína dáíiacade: Juzíñamui illáimana illirui ja ómoimo dúcide.

²¹ Mei daa mairide cómemo ie ñue fuirira raa ia, ie jofona ñue úiñofirede. Afedo ie uíñuamona buna ie raana bairónide. ²² Mei afémie baimo riíredimie bíadi, nibai íena anáfenote. Anáfenuano ie ñnoga abi ríidua raana báiroite. Afe mei afe báiruaitimie nana íemo ite ráaniaina úite.

²³ Cuena ruifíruitimie cuena uáitate. Daje izói cue diga dájena táijiñedimie, cue ráaie oni jutádimie izoide, mei afémie jiáímaci cuemo ñnotañedeza, —daide Jesús.

Jino oreca fiénide jóriai meine dáamiemo bite

(Mt 12.43-45)

²⁴ Jesús nai lliicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáíticue,” daide. ²⁵ Afe jóriai

meine afe cómemo bítemo, ñue rafoda finócaco izói baizáibite. ²⁶ Iemona afémie baimo siete diga jamánomo fiénide jóriai uájide. Afémaci nana afe cómemo jofo jaillano itíaiói. Afemona afe come nauti ie fiénina baimo birui jamánomo fiénide, —daide.

Uáfuenta ióbidino

²⁷ Mei Jesús nai bífuiaido úrioina llezica, comínimona daa ringo ficire Jesudo úrite:

—O jocódingo ñi caimare érocaillangona. Daje izói o comútatango ñi caimare ióbillangona, —daide.

²⁸ Mei jira Jesús jiáifodo daide:

—Juzíñamui llógamo cacáfiredino, daje izói áfena ñue ñnotino o daingano baimo jamánomo caimare itíaiói, —daide.

Fiénide comini ciórainina raa finóllena Jesumo jicádiaiúi
(Mt 12.38-42; Mr 8.12)

²⁹ Comini Jesús onífenedo ofídaiói. Jesús íaióina daide:

—Biruiamo ite comini iere fiénidino. Afémaci ciórainina raana finóllena jicáfirediaúi, mei íadi nauti Juzíñamui uai llórainma Jonás onóttagafue baimo jiáifuenta llóñeilliaúi. ³⁰ Mei Nínive jófueamo ite comínimo Jonás Juzíñamui orécamiéna áiúi onóillena afémie jóonega raa izóidimie. Afémie illa izói, biruíllaido ite comínimo Nanoide fima Jitó Cristo afe bie comini onóillena jónellimiená íite. ³¹ Iriruiamo bigímaiaúi izire jicánolle llezica sur dibénemo jica ite nairai illaingo bigímaiauíamo fiénidifuaúi nítaite. Mei afengo jica énie fuédamona Salomón comeci onóigafueamo cacáreizaibiteza. Mei íadi birui benomo Salomón baimo baitádimie illa. ³² Daje izói bigímaiauíamo iriruiamo izire jicánolle llezica, Nínivemo ite comini bimácimo fiénidifuaúi nítaite. Mei Nínivemo ite comini Jonás Juzíñamui uai íaióimo llua llezica, íaiói comeci itífuenta méidotiaúi. Mei íadi birui benomo Jonás baimo jamánomoidimie ite.

Cai illafue ñue egáñote raa
(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caífo jica rainaca, jofo eromo jáitino ñue cíuillena. ³⁴ Ñúfueamo o comécilla omo ñue egáñote raa izoide. Jira mechera egáioinamona o uído ciónana o ióbitaja izói, afe izói ñúfuaúi o jítaigana o comeci ífuenta caimare itátaite. Iemona ñúfueamo o comécillado nana o illafue jaícina ñue joide. Mei íadi ñúfueamo o comeciñeniadi, jítifodo mácaja izói itio; nana o comeci ifue zuure íteza. ³⁵ Mei jira omo ite mechera egáioina

izoide raa, dúide izói meídoñellena ñue rairuiri. ³⁶ Mei nágarui ñúefuiaimo féitañoeno o comécia, mechera egáiñoamo uáfori cíoina izói, nana o illáfuenta ñue uáfodo cíoitio, —dinori Jesús úrite.

Fariséuai daje izói ocuica uai llófuetinori imaci fiénidifue Jesús jino llote

(Mt 23.1-36; Mr 12.38-40; Lc 20.45-47)

³⁷ Jesús ie úrilla llíicaillamona daa fariseo ímie ie diga güizájillena Jesumo llote. Jesús jofo jaillano güiránomo ráinazaide. ³⁸ Afémie afémaci fínofirena izói finóñede, mei afémie íaifue múiña joreño onoi jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofo erófenena jocóñediomoi. Afe izói nana omoi jinófenena ñue rairuídíomoi, mei íadi jofo comeci dinena, merírillado omoi oga raa ite; daje izói fieni omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero diné comeci finódimie dáamie? ⁴¹ Ñúefuiaí comécido omoi onónamona ómoimo ite raana jeruíñoeno dúeredinomo fia fecari. Afemona nana ráaniai ja ómoimo íáinino íitiaioi.

⁴² Fariséuai, ¡nii omoi dúerenal! Omoi riga ráamona diez dígademonaa daa Juzíñamuimo dúide raana afémiemo ñue fecáfiredíomoi. Omoimo ite “menta” daína raróciomona afémiemo fecáfiredíomoi. Daje izói “ruda” daína raróciomona daa fecáfiredíomoi. Iemo jíái omoi porótocoduaimona due Juzíñamui íena máme-firedíomoi. Mei íadi comécina jáicina jóidífue mo naa Juzíñamuina izíruillana náfueñediomoi. Aquíe izói írediomoi. Afe llezica omoi jíaie finóacaigafuena féitañoeno finori.

⁴³ Fariséuai, ¡nii omoi dúerenal! Juzíñamui uai lloraco eromo jamánomo ñue ráiiraniaina jícafiredíomoi. Daje izói jofue cígido macáraodo omoi jáia, comini jacírede illaíma uáidua izói omoi íaioi uáidollena iere gáidíomoi.

⁴⁴ Ocuica uai llófue-firedíno naa fariséuairi, ¡nii omoi dúerenal! Jínofene dine ñue cíoina mei jofona comeci dine ráataitíomoi. Cíñoena énie anamo tíidino ráigano izóidíomoi. Comini afe acónido ónonino macádiaioi.

⁴⁵ Iemona ocuica uai llófue-firedínomona dáamie afe uai ote: —Llófueraima, jadíe izói o daína nane caina ráicaitade, — daide.

⁴⁶ Jira Jesús daide:

—Ocuica uai llófuetino, daje izói ¡nii jamánomo omoi dúerenal! Mei ocuínide méere de raa izoide jíáimamo jaca

llonódacaifire diomoi za. Aféfuia ina buna ocuínide. Afe omoi riire ocuicanona canófinidiomoi.

⁴⁷ ¡Nii omoi dúerena! Mei jai ai omoi nánoragima faga Juzíñamui uai llóraini rai afo izoide tíidimie jóoniacona ébirerie finódiomoi za. ⁴⁸ Daií omoi finuado jai ai afémaci finócafuena jieruitiomoi. Mei afémaci afe uai llóraini titádiaioi, íemo birui afémaci rai afo izoide jóoniacona meine abido nitátatiomoi.

⁴⁹ Ie jira Juzíñamui nana ráfuiaí onóillano, bie izói daide: “Afémacimo cue uai llórainina óreiticue. Daje izói jiáie cue nizécano íaioimo óreiticue. Afémacimona dáarie titáitiaioi. Jiáimacina duere finóllena rácaitiaioi,” daide. ⁵⁰ Mei uáfueza, birui itínomo, nana jai ai faga uai llóraini ibana óite. Uafue, énie finuamona biruimo nana tíidino ibana óite. ⁵¹ Faga Abel igímamona Zacarías tíllaruimo ibana óite. Afe Zacaríasna Juzíñamui gairíraco eromo ite altar áinori fatáiaioi. Jira ómoína dáititue, biruimo itínomo Juzíñamui afe titácano ibana óite.

⁵² Ocuica uai llófuetino, ¡nii omoi dúerena! Mei nauí Juzíñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfueñediomoi za. Iemo afe llezica onóiacadinomona áfena rairuúidiomoi za, —dinori Jesús úrite.

⁵³ Jesús bie izói íaioína daina llezica, ocuica uai llófuetino naa fariséuairi afémiemo jamánomo ríicaidiaioi. Iemona diga jicánoiacaga uáillaído afémiema áifedodiaioi. ⁵⁴ Irebai izóidena afémie óllena jifánodoidiaioi. Daií finódiaioi, ie daina uáillaído fiénidifui ai afémiemo nitállena.

12

Comécina íairena mei jinófenena ñue cíoidino Jesús lletade

¹ Afe dáaruído diga náraiaí dáanomo iere gairírdiaioi. Gairíllamona conímaiaína zaizídiaioi. Iemo Jesús ie llófuegamacina nano fueñe daide:

—Fariséuaimona diga comini comécina íairena mei abina ñue cíoidino ite. Afémaci daií íllamona abí omoi rairuiri, mei afe íaioimo ite íaifue pan fáitara “levadura” izóideza. Due jiza jóonega ia, nana afe erona maiñode. ² Nana bái nino daina uai jino uáfodo cíozite. Daje izói nana bái nino retáidoga raa uáfomo báifite. ³ Mei íemona, nana jítifomo omoi bái nino úrilla uailai jino úzefomo cacaille. Daje izói jofo eromo bái nino omoi daina uai comini dáanomo uáidota afémaci cacáicana ficire lolle.

¿Níie cómena jacírui redicaí?

(Mt 10.28-31)

⁴ Omoi cue nabáiñiaidiomoi, jira bie izói ómoína dáititue. Fia abi íeizi titáfiredede comínina jacíruiñeno iri. Afe mei

afémaci ómoimo íaioi finolle jiáifuena iñede. ⁵ Mei jiáifodo omoi jacíruillimie llóiticue. Abi íeizi títaja méifomo boode jóraimo comeci dotáfiredimiena omoi jacíruiuri.

⁶ Onódiomoiza, cinco diga ófocuiño mena úcubetunido ibárede. Mei íadi afémacimona Juzíñamui dáamiena féitañede.

⁷ Iemo jiái ómoimo ite ifótirai illa dígatirai facádoga. Daiítadeza jacíruiñoeno iri. Mei omoi, aillo ófocuiñai baímo ráifidiomoiza.

Comini eróicana Jesuna jiéruitino

(Mt 10.32-33; 12.32; 10.19-20)

⁸ Omoína dáititue: Nanoide fima Jitódicueza, comini eróicana nana cuena jiéruitinona afe izói Juzíñamui abi imaci eróicana jiéruiticue. ⁹ Iemo daje izói comini eróicana cuena jáanoitinona, afe izói Juzíñamui abi imaci eróicana jáanoiticue.

¹⁰ Iemo nane jiáifue, ninó daa come Nanoide fima Jitona íaire dáia, afémie daína íaifue dórede. Mei íadi ninó dáamie Ñuera Joreñoa íaire dáia, afe jaca dónide.

¹¹ Iemo ninó jiáiruido Juzíñamui uai llorácomo afémaci omoi uíadi áfemo comeci llícitaiñoeno iri. Daje izói izire jicánofiredinomo, naa ocuídillaini diga, afémacimo omoi íaioi uia, omoi daífacana uaimo comeci llícitaiñoeno iri. ¹² Mei omoi úriacanamo dúcille lezica, Juzíñamui Ñuera Joreño omoi daiíllifuena ómoimo llóiteza, —daide.

Comini ráarena jacírede

¹³ Comínimona dáamie Jesuna daide:

—Llófueraima, cócomo fiébide feci ráamona, cuemo dúina dieze cue ama cuemo ílleza, o lloiri, —daide.

¹⁴ Jira Jesús afémiena daide:

—Ebe, omoi cígimo izire jicánofireitimiena, daje izói fécafireitimiena ¿bu cue jóonia? Jóoneñegacue, —daide.

¹⁵ Jesús nane dáanomo daide:

—Nana úradoillafuiaimona caade come izói, abí omoi rairuiri. Mei come ñue illafue, aillo ráarenamona óñega.

¹⁶ Afe mei bie jino onótate raafue llote:

—Nauí iere ráaredimie ite. Afémie jacáfaiai iere áillamona jofo olle llízie iere ite. ¹⁷ Afemona iere ráaredimie comeci facade: “¿Mei ñie izói íititue? Afe áillue llízie éenollino iñede.”

¹⁸ Nane dáanomo comeci facade: “Cue finóllemo ja uíbicaidicue. Cuemo ite éenoracuai júdaiano jamánomo áillocuaina nitátaiticue. Afécuaimo nana jofo cue olle llíziena éenoititue. Daje izói nana cuemo ite raana afécuaimo jóoneititue. ¹⁹ Afe mei dama cue abina dáititue, ‘Ja aillo raa jofo ofitaticue; áfedo diga fimona cáaiticue. Nágarui táijiñoeno fia güíticue. Iemona fia uái íititue. Aillo vino júruano, áferi

caimare ífireitícue,' ” daide. ²⁰ Mei íadi Juzíñamui íena daide: “Comécina onóñedimedio. Fui naio tíitio. Afe mei o ofítaga ráaniai ¿bu náamatalle?” daide. ²¹ Mei dama ie abi íena aillo raana ofítaitimie daí íteza, mei daí afémie ofítaja llezica, Juzíñamui jítainamo comécíñede. Comécíñeno, afémie Juzíñamui eróicana iere dúeredimiena jaide, —Jesús daide.

Juzíñamui ie úruiaina ñue rairuide

(Mt 6.25-34)

²² Afe méifomo Jesús ie llófuegamacina daide:

—Jira ómoína dáitícue, omoi güíacaga güíllemo comeci omoi llícitaiñeno iri. Daje izói omoi jítáacaga inícuirromo comeci llícitaiñeno iri. ²³ Cai ñue illafue cai güille baimo ráifide. Iemo jíai cai abi cai inícuir baimo ráifide. ²⁴ Mai “cuervo” daína cháafona eróidemo comécíiri. Afémaci jaca riñédiaioi; daje izói llizillaniai jofo oñédiaioi. Daje izói afémaci güille éenoraco íñede, naa íaioi ofítaranori. Mei íadi Juzíñamui afémacina ecade. Ie mei omoi afe ófocuizai baimo jamánomo ráifidiomoi. ²⁵ Omoimona, comeci iere llíciamona, ¿mei bu ie zairilla dinori baimo mediio metro zairirena? ²⁶ Mei duera raana finónidiomoi ia, ¿nibái mei jíaie raa fínuamo iere comécíidiomoi?

²⁷ Raroci záfia zeríllamo omoi comécíiri. Afémaci táijiñediaioi; daje izói raana niñédiaioi. Mei íadi jíáfodo ómoína dáitícue, jaiaí illaíma Salomón ñue cíoide raana jamánomo ráarede íadi, bie záfia ebírena izói, ebírediroina jítáñede. ²⁸ Mei Juzíñamui daí raroci ebire cíotaiadi, afémie jeruíñeno ómoína iníroina jítaité, jabo ínotinodiomoi íadi. ²⁹ Afe jira benómona o güíacaga raa, o jirole diga zuure jenóñeno iri; daa afemo comeci llícitaiñeno iri. ³⁰ Mei bíníe comini daa afe izóidemo jaritaidiaioi. Mei íadi omoi Móorediomoi. Afe omoi Moo Juzíñamui nana afe ráaniaina omoi jítáillana onódeza. ³¹ Iemona Juzíñamui illáimana illáruimo dúide raamo raire afemo omoi comécioiri. Iemo afémie nana bie raana ómoimo fécaiteza.

Monamo cai jirídollena ofítaredicai

(Mt 6.19-21)

³² Cue izíruiga ovejai izóidiomoiiza, jacíruiñeno iri. Dúemacidiomoi íadi, o Moo ie illaímana illano ómoiena mamécade. ³³ Omoimo ite raa fecari. Fécajano raana jítáidinomo ine. Daí omoi finóadi, Moo Juzíñamui comeci jítainana fínoitiomoi. Iemona monamo ie illánomo ñúefuiaí ofítaitiomoi. Daje izói jaca ninomo fúíñeite ñúefuiaí ómoiena monamo ómoimo íite. Afénomo merírifiredimie jaca jáinide. Daje izói afénomo ícuai güíñeite. ³⁴ Mei uáfueza, omoi ofítaga raa illánomo, afénomo jíai o comeci íite.

Nágarui ñue finóbiredicai

³⁵ Benómona jaca nágarui ñue omoi finóbifireiri. Nauíllamona comini mechera unéfirena izói, abí omoi rairuiri. ³⁶ Jofo naama ocuífiregano, áirena ráfueмона meine ie dúciacana uícomo íaioi afémiemo ocúirina izói, afe izói cue billíruimo omoi ocúiriri. Afémaci ñue ocúiridiaioi, afe jofo naama nazémона uáidoia raire íemo túiñuaibillena. ³⁷ Afe izoide ocuífiregano jaca iníñeno íaioi naama bíllemo ñue ocúiridiaioi. Daí íaioi illa afémie cíoizaibilla llezica, afémaci ja ñue íaioi finóbillari íóbicaidiaioi. Uáfueña ómoína dáitucue: Afe íaioi naama afémacina güiránomo ráinaite. Ráina mei dama afémie íaioi güíllena bai ráiziite. ³⁸ Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocúiridiaioi. Iemona afémaci íóbicaitiaioi. ³⁹ Iemo jíáfue dibénedo bie izói omoi onoiri: jofo naama merízaitimie bille monana onóia, afémie iníñeno ocúirite. Iemona jofo naama merízaitinona ie jofona tuíñotañeite, ie raa íaioi mériñeilla. ⁴⁰ Afe izói ñue omoi maméiriri, mei Nanoide íima Jitó comini coméciñeilliruimo ónonino déizaibite, —daide Jesús.

Raire ínofirede ocuífiregamie, íemo jíái ínofinide ocuífiregamie
(Mt 24.45-51)

⁴¹ Mei jira Pedro Jesumo jicánote:

—Ocuíraima, bífueña, ¿ñue comínimo llotio? ¿Dani caimo, nibai nana comini íena llotio? —daide.

⁴² Jira Ocuíraima daide:

—Mei daa jofo naama ie ocuífirega jabóidillaíma eneno mamede. Jofo naama jica jáiacana uícomo, ie jofo ero raana afe jabóidillaímamo llonódacaide. Afe llezica nana jofo ero táijidino ecállena afémiemo jóonenocaide. Daí jóonega jabóidillaíma jaca nágarui ñue ínofiregamiena írede. Daje izói afémie ñue onódimiena írede. ⁴³ Afe izóidimie nana íemo llonódacaiga raa nágarui ñue finófirede. Ie jira jofo naama meine bille llezica, daí ie íllana cíoizaibite. Iemona afe jabóidillaíma iere cámacaite, mei nana ie ocuica raana ñue ícoimo fuitádeza. ⁴⁴ Uáfueña ómoína daiducue, jofo naama afe ínofirega ocuífiregamiemo nana íemo ite raa, llonódacaite. ⁴⁵ Mei jíáfodo, afe jabóidillaíma jofo naama are bíñeite dainano, jíáie jofo eromo táijidinona duere finóadi, afe jabóidillaíma iere cacáfinidimiena jaide. Mei afe llezica afémie jofo ero táijitatingo fieni finódeza. Iemo aillo güíteza, aillo jiródeza. Jírua mei jífátateza. ⁴⁶ Daí ie illa llezica, afémie due jiza coméciñeitemo jofo naama dénuaibite.

Onóñeilliruimo dúciite. Dúciillano afe jabóidillaimana jofonaama jamánomo duere fínoite. Nana jíáie ínofinidino duere zefuilla izói, afémie íena duere finótaite.

⁴⁷ Ninó daa ocuífíregamie ie naama comeci jitailla táijinana onode íadi, áfemo jaca ñue finóbiñede, daje izói áfemo cacáreacañede, afe ocuífíregamie duere finoda iere izi cácatalle.

⁴⁸ Mei jíáie ocuífíregamie ie naama jítaillana onóñede íadi, dama fieni ia, afémie jabo izi cácatalle. Bie jíáie uaimo omoi cácarei. Aillo igámie mona aillo jícaitiaioi. Daje izói ñue ínogamiemo diga ñúefue jónefirediaioi. Ie jira afe aillo jónefíregamiemona aillo ócutiaioi.

Comini énenorie ráinuaibiticue
(Mt 10.34-36)

⁴⁹ Cue bie éniemo irai izói bónuaiibiticue. Aferai raire bóollena iere oíacadicue. ⁵⁰ Ja bautismo izoide, izi cácanafuedo facátallicue. Afénomo nai dúciñedemo raire uícomo aferui dúciñenari duere zéfuífiredicue. ⁵¹ ¿Nibái bíniemo caimare dájena uái illifue atídio, cuena daidíomoi? Omoína dáititicue, afe izói biñédicueza; comini énenorie ráinuaibiticue. ⁵² Mei benómona dáacomo ite cinco dígadimie cue ícoínia eneno ráidoizitiaioi. Afémacimona daámani cuemo ínoitiaioi; íemo jadíe enéfenemo ménade ínoñedimaci ráidoizillanona conima diga fúiritiaioi. ⁵³ Cuemo ínuamona da jító ie moo dínenaruifíruille. Daje izói jító ie moo cuemo ínua jira dájena uái íñeno íena ruifíruillano éoite. Iemo jíái, ei jiza cuemo ínuamona ei dínenaruifíruille. Dájena uái íñeitiainguai. Daje izói jifaiño cuemo ínua jira mio dínenaruifíruille. Afe íbana mio ie jifaiño diga dájena uái íñeitiainguai, —daide Jesús.

Iirairuillai dúciacana onótaite raa
(Mt 16.1-4; Mr 8.11-13)

⁵⁴ Afe mei nane comínina Jesús daide:

—Fuirína nairíadi “noci bíite” daidíomoi. Afe mei ua bíide. ⁵⁵ Daje izói ñue mona monáíllado “fímona baizájilla” daidíomoi. Iemona jaca fimónana jaide. ⁵⁶ ¡Omoi comécina íáirena mei abina ñue cíodinodíomoi! Noci bííllana onódíomoi, íemo fímona baizájillana onódíomoi, mei íadi birui omoi cígímo cue finoca onótaitifuiaina onóñedíomoi.

O diga ícírítimie raire manánaitari
(Mt 5.25-26)

⁵⁷ ¿Nibái mei comeci jáícina jóina izói, dani conímamo jícanoñedíomoi? ⁵⁸ Daa come o llógidoiacania, ríimacimo ómícoi úrizaiilla llezica, nai ómícoi dúciñena llezica io anamo afefue ñue o záitari, riire jícanoraímamo o ie izájiñeillena.

Izire jicánoraimamo o ie izájadi, afe izire jicánoraima fiénidino llaitáfiredinomo o izájite. Iemo afémaci ona llavéracomo íbaitiaioi. ⁵⁹ Uafue ona dáitícue o llavétatimie jicaca úcube ie jícaja dieze o íbaiñenia afécomona jaca jino bíñeitio, —Jesús dinori daide.

13

Cai comeci ifue iere raire méidoredicaí

¹ Aféruillaído comínimona dáarie Jesumo Pilato jiáimaci fiени faaja lluaíbitiaioi. Naui Galilea imácimona dáarie Juzíñamui ióbillena faga rille fécajilla llezica, Pilato afémacina fate. Fáajano íaioi die íaioi fecaca rille die diga Pilato tamede. Daíí ie fínuana jñí íaire cíoina! ² Jira Jesús daide:

—Omoi bie Galilea comínimo ¿ñie izói coméciidiomoi? ¿Meita afémaci jiáie Galilea comini baimo fiénidino, jira afémaci raamo jírídiaoí? ³ Afe izóiñede, ómoína dáitícue. Mei jira omoi comeci ifue omoi méidoñenia, nana daje izói niné táinocaitiomoi. ⁴ Iemo jiáifuemo omoi coméciiri. Naui Jerusalemo iere caifo jica caifóidico ite. Afe iere caifóidico, Siloéna mámecirede. Afeco díllamona dieciocho diga comini jíitafidiaioi. ¿Meita afémaci Jerusalemo ite jiáimaci baimo fiénidino? ¿Meita jira daíí zefuídiaoí? ⁵ Omoína daidícueza, afe izóiñede. Mei jira omoi comeci ifue omoi méidoñenia nana omoi niné táinocaitiomoi, —daide.

Higuera daína llizíñede amena rafue

⁶ Afe mei Jesús bie jiáie íaioi onóigafue afémacimo llote:

—Da come higuera daína amena ie jacáfaimo rite. Afe mei afena llizíadi daíí eróizaide. Eróizaidemo jaca llizíñede. ⁷ Ie jira afémie jacafai uíñotimiena daide: “Ero, daámani fimona bie amena llizíadi daíí eróizaibifiredicuemo jaca llizíñede. Llizíñedeza, mai o tieri. Fia cue jacafai llótaidoteza.” ⁸ Jira afe jacafai úiñotimie uai ote: “Naama, bie fimónamo mai nai cai tieñeilli. Afe amena moi ñue fínuano júñaiticue. ⁹ Nibai áfemona llíziteza. Mei íadi áfemona llízíñenia tielle,” —daide.

Jesús ocózinaillaruiamo abina ana jíicaidingona jíllotate

¹⁰ Jiáie ocózinaillaruiamo Jesús Juzíñamui uai llorácomo llófuete. ¹¹ Afe llezica afénomo dieciocho fimónamo abina ana jíicaillari iráredingo illa. Naui fiénide joríaí aféngona daíí finoca. Afengo caifo jaícina jaca náidacainide. ¹² Jesús aféngona cíoillano ie jíirite. Daide:

—Ringo, o irárenamona ja jíllotio, —daide.

¹³ Daií dainano Jesús ie onoi aféngomo bitade. Bitá llezica afengo ñue jaícina náidacaide. Afe dáaruido afengo ñúefue Juzíñamui lloste. ¹⁴ Mei íadi áferi Juzíñamui uai lloraco illaíma ríicaide, ocózinaillaruimo Jesús afengo jíllotaja jira. Afémie comínina daide:

—Seis diga mona tájiredicai, aféruillaído omoi jílloillena bírediomi. Mei íadi ocózinaillaruimo omoi abina jíllotaibiñeno iri, —daide.

¹⁵ Jira Jesús ie uai ote:

—Comécina íairena mei abina ñue cíoidinodiomi. Omoi cuinaca burro, íemo juráreto ocózinaillaruido ¿meita jainoi ie jíruaillena zuitáñediomi? ¿Zuitáfirediomi! ¹⁶ Afe izói bie Abrahámona comuídingo ie irárenamona ¿meita ocózinaillaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daií daina cacáillano, ie éoidino méaicaidiaíoi. Mei íadi nana comini afe Jesús finoca áillue ñúefuiairi íóbidiaíoi.

Mostaza daina raroci jéenide íji rafue

(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáimana illáruina omoi ónoillena ¿mei ñie izói jino cíotaiticue? ¿Ñie izói afénona mámeiticue? ¹⁹ Afe illarui mostaza daina raroci jéenide íjiaí izoide. Daa come aféjiaína ie jacáfaimo rite. Afe jéenide íjiaí ríllamona afe jéejinide zícua caífo amena dínnori aillo zairide. Afe ícairuaimo feede ófocuzai jíllaina nitíaiíoi.

Levadura rafue

(Mt 13.33)

²⁰ Nane Jesús daide:

—¿Ñie izói Juzíñamui illáimana illáruina mámeiticue? ²¹ Afe illáruina “levadura” daina pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe iféllana mulleda oni aillo móonaitade, —daide.

Rillírede naze izoide rafue

(Mt 7.13-14, 21-23)

²² Jesús Jerusalemo jailla llezica, áfeomo ite jofue comínina llófuate, naa jéenidígobiaimo. ²³ Afénomo dáamie Jesumo jícanote:

—Ocuíraíma, ¿meita jíllotino dúemaci, ero ua? —daide.

Jira Jesús afémie uai ote:

²⁴ —Juzíñamui illáimana illánomo jofu jíairo rillírede naze izoide. Afe rillírede naze izóidedo jofu omoi jáillena ríire omoi mamériri. Mei ómoína dáitícueza, aillo comini afénomo

jofo jáiacaitiaioi, mei íadi jáinitiaioiza. ²⁵ Mei jofo naama náidacaillano naze íbaille mei, omoi ja jinófenemo fiébitiomoi. Afe llezica nazémona jíjüiritiomoi: “Ocuíraima, naze caimo tuiño” dáitiomoi. Afe llezica afémie jofona uai óite: “Omoi ninó comínidiomoiza, ómoína onóñedicue,” dáite. ²⁶ Iemona omoi bie izói dáitiomoi: “Cai, o diga güiticaí, daje izói o diga jiródicaí. Cai jofue cigi iomo caina llófuefiredio,” dáitiomoi. ²⁷ Mei íadi nane afémie uai óite: “Jae ómoína daidicue, ninó comínidiomoiza ómoína onóñedicue. Omoi nana fiénidifue finófirediomoiza cúemona oni jai,” dáite. ²⁸ Iemona afénomo jino éenaitiomoi. Daje izói zúurenamona murímuritiomoi. Mei Juzíñamui illáimana illánomo Abraham, íemo Isaac, íemo Jacob jofo jáillana cíotiomoi, naa Juzíñamui uai jino llórainiri. Mei íadi afe llezica omoi ja jino dotálliomoi. ²⁹ Mei uáfueza, nágafeniamona billano, diga ínotino Juzíñamui illáimana illánomo jofo jáillano güizáibitiaioi. ³⁰ Mei afe llezica dámierie óodaficaidino uícoficaitiaioi. Daje izói dáarie uícoficaidino óodaficaitiaioi, —daide Jesús

Jesús Jerusalén comíniri eede

(Mt 23.37-39)

³¹ Aféruido fariséuaimona dámierie dúcillano Jesuna daidíaioi:

—Herodes o fáiacadeza, benómona oni jairi, —daidíaioi.

³² Jira Jesús uai ote:

—Mai afe iere abi ráiruide egai izoide Herodes omoi lluájiri: “Cacai. Bímonado íemo daje izói uire jiti, fiénide jóriaiaína jino óreiticue. Daje izói iráredínona jílloaiticue. Iemo bai ie uire áfemo cue táijina fúitaiticueza,” daí omoi lluájiri. ³³ Mei íadi birui bie cue bíllaodo nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llórainmadicueza, Jerusalén jinomo oni jica tíinidicueza, —daide.

³⁴ Iemo Jesús éecana daide: “Jerusalén comini! ¡Nü íaioi dúerenal! Juzíñamui uai llórainina fáfirediaioi. Daje izói Juzíñamui íaioimo oreca uai lluájitino nófiéna níjifirediaioi. ¡Diga icaiño íaioína átava ie átavachingo iaico anamo bícua izói, íaioína cue anamo bícóacadicue! Mei íadi áfena jíeruiñediaioi.

³⁵ Ie jira omoi cacai, uire jíáiruideo omoi jofue zóofegacona mámeite. Omoína daidicue, afénomona are cuena cíóñeitiomoi. Mei cuena “Juzíñamui mámeido bitímie caimare íóbidímie” omoi dáíñelle dinó cuena cíóñeitiomoi, —dinori Jesús daide.

14

Abi fáillari duere zefuídímie Jesús jílloatae

¹ Ie mei jíáie ocózinai llaruimo Jesús fariséuai illaíma díne güizájide. Afe llezica jíáie fariséuai Jesumo janónaioicana eróidiaioi. ² Aféno mo Jesús uíecori daa abina fáillari duere zefuídimie illa. ³ Mei jira Jesús ocuica uai llófuefiredinomo jicánote naa fariséuairi.

—Ocózinai llaruído ¿meita iráredimie jíllotarede? ¿Nibai jíllotanide? —daide.

⁴ Mei íadi afémaci uai oñeno tñ daíí itíaiioi. Iemona afe iráredimie bai uáidota jíllotate. Jíllotajano, “Mai o jairi,” daide.

⁵ Afe mei Jesús fariséuaina daide:

—Omoimona bu ocózinai llaruimo íemo ite burro, nibai juráreto, ifomo baiía ¿meita raíre naado óñega? ¿Ocózinai llaruí íadi jaca raíre caífo ófiredimoi! —daide.

⁶ Afemona afe uaina jaca ónidiaioi.

Airena ráfuego uáidoga comini

⁷ Afe güilláfuemo bite lloga comini illáicomini ráiira izóidino ráiillena izire jenódiaioi. Nana uícoficaiacadiaioi. Jesús áfena cíoilano bie izói íaioina llófuete:

⁸ —Ninó dáamie árenafuemo omoi uáidoia, illaíma ráiiranomo ráiñeno iri. Mei o baímo jamánomoidimie nibai dúciíteza. ⁹ Iemona omoi uáidote rafue naama omo lluáibite. “O ráiirano mai bímiemo feca,” ona dáíite. Afemona íraíe ráiiranomo meáire ráiizaitio. ¹⁰ Mei jíáfodo ninó dáamie iráizillena o jíria, bai ícoímo ite ráiiranomo o ráiiri. Afe mei o uáidote rafue naama billa llezica, afémie ona dáíite: “Cue onóigamie, bai benó ñuera ráiiranomo bi,” dáíite. Afe daíí nana güiránomo o díga ráiiedino eróicana afe rafue naama ñúefue omo jóoneíteza. ¹¹ Mei jira naga come dama íe abina jamánomoidena fínoítimie, jamáimiena óreite. Daje izói “Jiba cómedicue” daidímie, jamánomoidimiena jáitaita, —daide.

¹² Afe dáaruido, Jesús íe uáidotimiena daide:

—Güilla rafue o finoa o onóigamací uáidoñeno iri, naa o ámatiaíri. Daje izói o comini uáidoñeno iri, naa o áñori ite ráanaitimaciri. Mei afe íbana ona uáidoitiaioi. Afe daíí íbaja izói máíñoitio. ¹³ Mei jíáfodo güilla rafue o finoa dúeredino uáidori naa aidáimaciri. Daje izói júbene ídainidino uáidori naa uina cíóñedinori. ¹⁴ Afemona íere caímare íitioza. Mei afémaci afe íbana omo finónidiaioi. Mei íadi tíide comécina jaícina jóidino nífuenidino meine abído cáai llaruimo o íbaja ízoide raa máíñoitioza.

Allue güilla ráfuego jíáfueña ñue caí onótaita

¹⁵ Afe güilla ráfuego Jesús díga ráiiedinomona bífuena cacáillano dáamie Jesuna daide:

—Juziñamui illáimana illíruimo nabáiritimie caimare ite, — daide.

¹⁶ Mei jira Jesús íena daide:

—Daa come áillue güilla rafue finode. Afe ráfuego gairíllena aillo comini jíiritade. ¹⁷ Ja rafue mámiaruiamo táijina ñue fuilla llezica, ie ocuífregamie ie uáidoganomo llujáitate, bie izói daiíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle íllaza, bínidicue,” daide. Nanóidimie daide: “Como cue ibaca cue jacafai méiñuacacacueza; bínidicueza. Cuena icíñeno iri,” daide. ¹⁹ Iemo jáimie daide: “Ja cinco diga juráreto naa íaioi nabai diga íbádicueza. Aféretuai fueñe fácajiacacacueza. Bínidicueza, cuena icíñeno iri,” daide. ²⁰ Iemo nane jáimie daide: “Como fueñe ringo otícueza, bínidicue. Eróíñeno iri.” ²¹ Iemona afe ocuífregamie meine jofomo jaillano ie orédimie mo bie izói íaioi daiízia llujáide. Aferi rafue naama iere ríicaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aidáimaci diga bené atiri. Daje llezica júbene ídainidino naa uínidinori benomo atiri,” daide. ²² Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráíillinona ite,” daide. ²³ Iemona afe naama ocuífregamiena daide: “Mai jofue jinómona joide íuaido, áillue iodo naa dúeodo o jairi. Aféuaimona cue jofo íaioi oruítaíbillaza riire oreri. ²⁴ Mei uáfueña ómoína dáitícue: Cue diga güízábíllena fueñe cue uáidogamona buna cue finoca güíllena güíñeítiaíoi,” daide.

Crístodo cai jaille juárede

²⁵ Aféruillaído diga comini Jesudo jáidiaíoi. Afe llezica afémie meine gírecaillano íedo jáidinona daide:

²⁶ —Dáamie cuedo jáiacana llezica, ie móotiaína cue baimo izíruiadi cue llófuegamiena ínide. Daje izói dáamie ie aina, ie úruiaína, ie ámatiaína, daje izói dama ie abina cue baimo izíruiá, afémie cuedo bínide. ²⁷ Daje izói dáamie cuedo jailla ícoína ie tílla izire oía afémie cue llófuegamiena ínide. ²⁸ Bífuego comeci facari: ómoimona dáamie jofo níacana uícodo, fueñe comeci facade. Daií comeci facárede ie ofítaga raa ñue nílana fuite dáinana onóíllena. ²⁹ Dáamie daií comeci fácañenia, jofo jáíllirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoítiaíoi. ³⁰ “Bímie jofo níacade íadi fuitánide,” dáítiaíoi. ³¹ Daje izói daa illaíma jóbairiacana uícodo fueñe comeci ñue facárede. “¿Meita cuemo ite diez

mil fuiríraini, baie cai diga fuirízaibite veinte mil fuiríraínina, nibai anáfenoredicai? ¿Nibai nai anáfenonidicai?” daíi comeci raire úicodo facárede. ³² Afémie ñue comeci fácano: “Baie bitino anáfenonidicai” daíiadi, afémie afe fuirízaibitino nai dúciñena llezica, manáaillena llujáitinona óreite, icíriñeno dájena illifue jicánollena. ³³ Afe izói ómoimona ninó dáamie nana íemo ite raana zóofeacañena, cue llófuegamiena jáinide.

Sal ie ríino íñenia jaca ráifiñede
(Mt 5.13; Mr 9.50)

³⁴ Sal jaca ñuera, mei íadi ie ríino íñenia jaca jáie raamo jóonenide. ³⁵ Jacafai éniemo jóonegana canóñede. Daje izói riga raa junáillena fiénide. Jaca éenoñeno oni dotárede. Aquie izóideza cacáacadino mai omoi cacai, —daide.

15

Oveja oni féiraila rafue
(Mt 18.10-14)

¹ Afe mei nana gobierno ibátaga úcube llínoraímaci naa fiénidifuiaredinori Jesús úrillamo cacárezaibitiaíoi. ² Iemona fariséuai naa ocuica uai llófuefiredino Jesús zanódiaíoi; daidíaíoi:

—Bímie fiénidifuiaredinona caimare uáidota afémaciri güite, —daidíaíoi.

³ Afemona Jesús bie onótatifue llote:

⁴—Omoimona dáamie cien diga ovéjaiaí ia, afe ovéjaiaímona daa féiraia, áfena riire jénoite. Mei uáfueza, aféniemo fiévide noventa y nueve ovéjaiaí fiiano afe daa féiraitena afémie baille dinó riire jénoite. ⁵ Afe mei afe féiraitimie baillano caimare ie fecábemo bitano jofomo uite. ⁶ Jofomo dúciillano ie onóigamacina naa ie aino comíniri dánomo gairítajano íaíoina daíite: “Ja féiraite oveja cue báigaza. Mai cue diga caimare omoi iri.” ⁷ Mei jira ómoína daidicue: “Afe daje izói daa fiénidifuiaredimie ie comeci ifue méiduari monamo itino jamánomo íóbidiaíoi. Mei íadi noventa y nueve diga comeci ifue méidonide Juzíñamuimona oni nibéfedo jáiñedinori jofófemo íóbidiaíoi.

Ucubetuni niné baiilla rafue

⁸ Bie jáie ñúefuemo omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofó ero rafode. Afe bie izóidedo afe úcubetuni jenócana uite ie baille dinó. ⁹ Afétuni ie báillamona ie onóigangotiaí naa ie aino imáciri dánomo íaíoi gairítano íaíoina daide: “Jae niné baiide úcubetuni ja cue báigaza, mai cue diga caimare omoi iri.” ¹⁰ Nane ómoína daíiticue: “Afe izói

fiénidifuiairedimie ie comeci ifue méiduari Juziñamui abi imaci iere ióbidiaioi,” —daidicue.

Moo anámona oni botade jitó rafue

¹¹ Jesús nane jiáifue llote:

—Daa come mena jitórede. ¹² Afe íaillinoimona íraimie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade. ¹³ Afe méifodo íanori íllamona íraimie íemo duide ráaniai jiáimamo fecade. Fécajano afe iba úcube llínnota jica jiáie éniemo jaide. Afénomo afémie iere fiene illáfuemo jaillano, nana ie llínoga úcube táinomo dótajide. ¹⁴ Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite. ¹⁵ Iemona afeno itímiemo táijina jénuaide. Iemona afe énie ímie ie tóica meróniai uíñollena orede. ¹⁶ Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷ Afemona afénomo dama comeci facade: “Cue moo jofomo ñue ecaca táijitagano ¡nii aillo illa! Iaioi jeírillamona fiébfifrede. ¡Cue nibai benomo júbieri tíiticue! ¹⁸ Meine cue moo illánomo jáiticue. Dúciillano íena dáititicue: Moo, omo fiénidifue finódicue. Daje izói Juziñamuimo fiénidifue finódicue. ¹⁹ Cuena cue jitó dáiiñeitioza. Fia o táijitagamiéna mai cue mameri, dáititicue,” afémie comeci facade. ²⁰ Daií ie comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jitó dine aizícana jaide. Dúciillano ie jitona iere caimare llínnote. Llínuano íena ñitade. ²¹ Afe mei jitó ie moona daide: “Moo, Juziñamuimo fiénidifue finódicue, daje izói omo finódicue. Cuena nibai cue jitó dáiiñeitioza,” daide. ²² Mei jiáifodo afémie moo ie ocuífíregamacina daide: “Mai raire jamánomo ñúecuro jenda atiri, afémie jitálleza. Daje izói ebírede onocai icuifoi jitari. Daje llezica ie eiba ico jitari. ²³ Afe dáaruído farede juráreto jiza fatá atiri. Afe ritá cai irázilleza. ²⁴ Mei bie cue jitó tilla izóidinomona meine cáadeza. Daje izói ja niné féiraitie baiticaiza,” daide. Afemona caimare irázitiaioi.

²⁵ Bie féiraitimie dúcina llezica, ie ama nánoramie jino jacáfaimo ite. Afénomona bítemo, jofó áinomo dúcidemo íaioi irázilla naa íaioi rúaniai cacaina. ²⁶ Ie jira jofómona daa táijitafíregamie jitócome uáidota jicánote: ¿Minica rafue finódiaioi? ²⁷ Afe jitócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide. ²⁸ Mei áfena fidíillano ie ama nánoramie

iere ríicaide. Ríicaillano jofo afénomo jáiacañede. Afe jira ie moo afémie diné lluájide. Jofo bíllena caimare íena bífuiaide. ²⁹ Afe llezica ie moona daide: “Onódioza diga fimona o diga ñue táijifiredicue. Jaca o uaina oni caitáfinidicue. Mei íadi jaca ninó daa duera cabrito cuemo fecáñedio, cue nabáíñiari cue iráizillena. ³⁰ Mei íadi birui bie o úcube jiruíredingotaimo dotádimie bíllamo afémie íena farede juráreto fatátatio,” daide. ³¹ Jira ie moo afémiena daide: “Cue jitó, o jaca cue diga ífiredio. Cuemo ite raana nana omo dúideza. ³² Mei íadi bie ráfuena cai finuana ñue jaícina joide, caimare cai íllena, mei o ama tílla izóidinomona meine bíteza. Daje izói ja niné féiraite baitícaiza,” daide.

16

Aillue jofo jabóidillaíma izoide rafue

¹ Jesús nane ie llófuegamacina daide:

—Daa aillo ráaredimie ite. Afémiemo ie táijirainina ócuífirede jabóidillaíma ite. Jáimaci afe ráaredimiena lluáibitiaíoi: “O jabóidillaíma omo ite ñuera ráaniaina táinomo dotádeza. Afémie figo ocuíñede,” daidíaiíoi. ² Ie jira ráaredimie jabóidillaíma uáiduano daide: “O finócafuena cue cacana ¿ñie izói joide? Omo cue iga cue jofo rafue rábiai cuemo izábiri, mei cue jabóidillaímana íñeitioza. Nana omo cue jónegafue o záitalleza. ³ Iemona afe jabóidillaíma comeci facade: “Cue ocuídime ja oni cue dotádeza ¿ñie izói finoíticue? Mairíñedicueza, jacafai tiédimiena ínidicue. Comínimo úcube fia jícana meáruiticue. ⁴ Cue táijina fuille mei jíáie comini cue íaiíoi llínollena, cue finóllifue ja onódicue.” ⁵ Ie jira nana ie ocuídimeímo ibáredena ítímiaí dámierie dáanomo jírillano daide: “O ibáredena cue ocuídimeímo ¿nieze ite?” fueñeidimeímo jícanote. ⁶ Afémie uai ote: “Cien diga látaniaí cáiredíji afémiemo cue íballe ite,” daide. Iemo jabóidillaíma daide: “Benó o íbállibe ite. Mai benó raire ráíillano, cincuéntana llotíbena cúeiri,” daide. ⁷ Afe mei jíáíma uáiduano jícanote: “O íbállena ¿nieze ite?” daide. Jira afémie íena daide: “Cien diga costales trigo afémiemo cue íbáredena ite,” daide. Jira jabóidillaíma íena daide: “Benó o íbállibe ite. Cómobemo ochenta diga costales cúeiri,” daide. ⁸ Ocuídimeíme afena fidíillano, afe íbállibe táinona méidotimeímo iere báitafue nitade. Iemona ja onógaza, bínie comini dani íaiíoi nícidogafuíaína Juzíñamuímo ínotino baímo iere baitádiaíoi.

⁹ Bie izói omoi íllena llóíticue. Bie fiénide énie ráaniaído, maí omoi nabáíñiaína maíñori, ráaniaí fuilla méifodo ómoína jofo íaiíoi llínolleza. Mei ómoímo ite ráaniaí ñue omoi uíñuado

omoi ñue ñnofirenana jino comínimo ácataitiomoiza. Afe izói Juzíñamui omoi ñue ñnofirenamona Juzíñamui ie zíñona illánomo ómoína llínoiteza.

¹⁰ Due jiza ite raana ñue úiñotimie daje izói aillo raa íemo íadi áfena afémie ñue úiñoite. Mei jiáifodo due jiza ite raana figo úiñoñedimie daje izói aillo raa íemo íadi afémie áfeniai figo úiñoñeite. ¹¹ Ie jira bie fiénide éniemo ite ráaniai figo omoi úiñoñenia, ¿bu mei zíñona ráifide ráaniai ómoimo fecalle? ¹² Daje izói jiáimacimo jainaide raana figo omoi úiñoñenia, ¿bu mei ómoimo dúide raa ómoimo fecalle?

¹³ Dáaruído buna mena ocuídimiemo jaináinide. Iaillinoimo o jaináiadi dáamiena éoitio, jiáimana izíruitio. Daje izói dáamie ñue ñnoitio, jiáimana jámairuitio. Mei jira onóigaza: Juzíñamui o náamataja llezica úcubemo abimo náamatanidio, —dinó Jesús úrite. Daí Jesús úrilla llezica fariséuai ímiai cacáreidiaoi.

¹⁴ Afe fariséuai úcubena gáidino Jesús úrilla cacáillano uáitano íeri zadáidiaoi. ¹⁵ Mei jira Jesús daide:

—Comini eróicana ñúemacina abi mamédiomoi, mei íadi omoi comeci ífuena Juzíñamui ñue onode. Mei jii, comini mameca jamánomoidimiaiina Juzíñamui éoide.

Juzíñamui illáimana illarui llua uai naa jaii Moisés ocuica uai diga

¹⁶ Jaiáimona Juan Bautista illágimamo, comini Moisés ocuica uaimo dúidiaoi. Daje izói Juzíñamui uai jino llóraini llógamo dúidiaoi. Iemo aféruimona bené Juzíñamui illáimana illarui ñuera uai llócaiga. Iemo afénomo jofa íaíoi jáillena izire nícidotiaoi.

¹⁷ Mei bínie naa mona diga niné táinocaiadi, illa diga ocuica uaillai táinomo faiñeno ñue ícoimo fuitárede.

Jesús iima ie ai dotáado úrite

(Mt 19.1-12; Mr 10.1-12)

¹⁸ Daa come ie ai dotáadi, íemo dótano jiáie ringo óiadi, afémie ja jiruífue finode. Daje izói afe dotácango aina otímie ja jiruífue mo baiíde.

Aillo ráaredimie íemo Lázaroni mámeçiredimie diga

¹⁹ Daa iere ráaredimie ite. Afémie iere ñúecuiruai jirófirede; illaíma jitáoigaroiillai jitáfirede. Afémie nágarui ñue finóbilla rafue finófirede. ²⁰ Daje llezica afénomo dúeredimie Lázaroni mámeçiredimie ite. Afémie abi mallízaina oruide. Ráaredimie naze fuemo ráizafirede. ²¹ Bie dúeredimie ráaredimie güirábanimona dótafirega güille alla güífirede. Ie ráina llezica, jicóniai ie mállie miábifirede.

²² Afe mei diga irui íllamona dúeredimie tíide. Afémie Juzíñamui abi imaci monamo ite paraiso daína ñúenomo uiga.

Afeno afémie Abraham abimo ite. Afe mei jiái, ráaredimie tílla raitíaiói. ²³ Ráaredimie comini duere finólliraimo duere zefuilla llezica, caifo érocaide. Erocaide íadi Lázaro Abraham diga ráiinana jicana ciode. ²⁴ Iemona afe ráaredimie caillide: “Cai jaiái Moo Abraham, cuemo dúecai. Lázaro bené ore, iere due jiza jáinoina cue jirótaibilleza, cue iife manánaitallena. Mei bie iraimo iere duere zefuídícueza,” daide. ²⁵ Mei íadi Abraham íena daide: “Nauí o illáfueño comeci faca. Aféruillaído iere ñue itio. Mei íadi aféruído bie Lázaro iere duere ite. Mei jiáifodo biruí afémie benó iere caimare ite. Afe llezica o duere zefuídío. ²⁶ Bie baimo, coco cigiri jiáie iere afóredino ite, jira benó itino jáiacade ia, jáinide. Daje izói o illánomo itino caifo benó bíacadaíoi ía, bínidíaiói.”

²⁷ Mei jira ráaredimie íena daide: “Cai jaiái Moo Abraham, Lázaro batí cue moo jofomo o oréllena izire jicádícue. ²⁸ Cue cinco dígade ama benomo bie duere zefuillanomo íaiói bíñeillena llotátari,” daide. ²⁹ Mei íadi Abraham íena daide: “Afémacimo Moisés naa Juzíñamui uai llóraini diga cúegana ite. Afe uáillaimo náfueítiaíoi,” daide. ³⁰ Jira afe ráaredimie uai ote: “Cai jaiái Moo Abraham, jii, mei íadi tíidinomona dáamie íaióimo llujájadi, íaiói comeci ífueña méidoítiaíoi,” daide. ³¹ Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izói tíidinomona jáidino uaina íinoñeítiaíoi,” daide.

17

*Fiénidífuemo come baiilla iere jacírede
(Mt 18.6-7, 21-22; Mr 9.42)*

¹ Jesús ie llófuegamacina daide:

—Jaca nágaru comini fiénidífuemo baiítafue íteza. Jiáimana fiénidífuemo baiítatimie jnií dúerenal! ² Trigo llaiéra áillue nofícina afémie cimóimo ícoínota monáillaimo dotácana baimo ñuera; úrue izói como ínotinomona dáamie fiénidífuemo baiítañelleza. ³ Afe izóidemona abí omoí rairuiri.

O ama omo fiénidífue finóadi, afémiena lletari. Afemona afémie illafue ie méidoia, caimare íena uáidori. ⁴ Mei dáaruído afémie siete dígacaiño o fiéni finóadi, íemo siete dígacaiño ona “Ja daí omo íñeítícue” afémie daízaibiadi, jaca ninomo íena caimare uáidoítio, —daide.

Juzíñamuimo cai íinua ríinorede

⁵ Jesús orécano íaiói Ocuíraimana daide:

—Jamánomo cai íinotari, —daide.

⁶ Mei jira afe Ocuíraima íaióina daide:

—Due uáfueña o ínoiadi riírede raana finóredio. O ínogafue diójina eroide mostaza íjiaí jéena izoide íadi, bie sicómoro daína aménana bie izói daíredio: “Caifo áijicaillano monáillajimo zójozai,” daidíonia afe amena o uaina ínoite.

Táijitafiregamiemo dúidifue

⁷Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráiizaibi, o écaíticue” daítio? ⁸Daínide. Mei jíáfodo afémiena ñue daítio: “Mai cue güille finori. Güillano cue jirolle llezica nana cue jitailla raa diga bai atíllena, mamériri. Afe méifomo güillano jíroitioza.” ⁹¿Meita nana afémiemo ocuállana fínuana ocuídime íena “Figora” daírede? Daíñede. ¹⁰Afe daje izói, nana Juzíñamui ómoimo ocuica omoi fínua fuilla mei, bie izói daírediomoi: “Ñue táijiraimacíñedicaí. ‘Fere figomaci’ caina daínide. Mei dani caimo duide raa finódicaíza. Baimo jíáie finóñedicaí.”

Jesús diez diga chíñaitino jíllotate

¹¹Jesús Jerusalemo jailla llezica, Galilea énie fuédamo ite duera jófueño dúcide. Afe jofue daje izói Samaria énie fuédamo ite. ¹²Afe jófueño dúciacana llezica, diez diga chíñaitino jino bai Jesús diné bitíaiói. Mei íadi afémaci Jesúmona bai jica fiébidiaíói. ¹³Afénomona riire íena daidíaíói:

—Llófueraima Jesús, caimo dúecai, —daidíaíói.

¹⁴Jesús afémacina cíoillano daide:

—Batí lletárirainimo omoi abi ácataji, —daide.

Afénomo íaiói jailla llezica íaióimo ite duícuai jacáibicaide. ¹⁵Iemo afémacimona dáamie ie abimo ite duico jacáillana cíoillano, Jesús diné abido bite. Billa llezica Juzíñamuimo riire cáimadote. ¹⁶Jesumo dúciillano afémie ana éniemo fueco diné bíjicaide, Jesuna figora daíllena. Afe bie izói daidímie Samaria ímie. ¹⁷Jira Jesús daide:

—¿Afe duícomona jíllotaga diez dígamieñede? ¿Néemei jíáie nueve dígamie? ¹⁸¿Meita dama bie jícanemiéna Juzíñamuina abido cáimaduaibilla? —daide.

¹⁹Iemona Jesús afe ímana daide:

—Náidacaillano mai jai. O ínuamona o duícomona ja jíllodioza, —daide.

Juzíñamui illáimana illirui bíllana nie izói ónoíticaí (Mt 24.23-28, 36-41)

²⁰Fariséuai Jesumo jícanotiaíói, “¿Níirui Juzíñamui illáimana illirui bíite?” Afémie uai ote:

—Juziñamui illáimana billirui jaca cíõñena. ²¹ Afena “Ba ñie” daiñide. Daje izói “Baí batí ite” daiñide. Mei Juziñamui illáimana illino omoi cígimo ite, —daide.

²² Afe mei ie llófuegamacina daide:

—Uire jáiruido daa birui cue illa izóidiruina cíocaitiomoí, mei íadi cíõñeitiomoí. ²³ Jáimaci ómoína dáitiaioí, “Be ñie,” íemo ñibai “Batí ite” dáitiaioí. Mei íadi afénomo jáiñeno iri. Daje izói afémacido jáiñeno iri. ²⁴ Mei ameo llairilla mona enéfemona jica jáinomo cíoina izói, Nanoide fima Jitó billirui afe izói cíocaizaibite. ²⁵ Mei íadi aferui nai dúciñeille llezica, afémie fueñe jamánomo duere zéfuíte. Daje izói bigímaiaí íena ruifruitiaioí. ²⁶ Noé illágimamo comini iere fieni illa izói, afe izói cue billíruimo comini fieni íitiaioí. ²⁷ Noé ie finoca áillue nocaemo jáiñena llezica, nana comini ie lloga uaina náfueñeno fia güoidiaioí. Güillano jirófrediaioí. Afe llezica íaioí fieni illafue méidoñeno áireoidiaioí; íemo íaioí jízanai iníreitaoidiaioí. Jaca dai íitiaioí abina Noé jofo áillue nocaemo jaide. Iemo aillo noci biide. Jamánomo bíillamona nana afémaci coróbaitiaioí.

²⁸ Iemo Lot illágimamo afe izói ite. Juziñamuimo coméciñeno güoidiaioí. Güillano jirófrediaioí; íbajano fécafirediaioí. Jacáfaiaina ritiaioí, íemo jofóniaina níocaidiaioí. ²⁹ Mei íadi afe Lot Sodoma jófueмона jino bítemo, monámona réiciaí noci billa izói cocide. Afe llezica iere uzire boode ‘azufre’ daína raa cócia. Afemona nana tímádimaci. ³⁰ Cue Nanoide fima Jitódicueza, cue cíocaizaibillirui afe izoite.

³¹ Aféruimo daa come ie jofo caifófecomo íadi, ie jofo eromo ite ráaniaína jofo jaillano báiruainide, afénomona botádeza. Daje izói dáamie jino jacáfaimo íadi, abido ie jofomo bínide. ³² Lot aimo omoi uíbicaí. ³³ Ie caana rairuíacadimie áfena afémiemona féite. Mei íadi ie cáanana lloñédimiemona afe féiraiñeno, áfena baímo ziiño illínona máíñoite.

³⁴ Iemo nane ómoína dáitícue, cue dúcille naio, mena come dájena ínia llezica, íaillinoimona dáamie oni uille. Jáimie fiébicaite. ³⁵ Daje izói mena ringo daane trigo lláia llezica, íainguaimona dango oni uille, jáíngo fiébicaite. ³⁶ Daje izói mena íima jino jacáfaimo táijina llezica, íaillinoimona dáamie oni uille jáimie fiébicaite, —daide.

³⁷ Daií ie dáinana cacáillano, ie llófuegamaci íemo jícanotiaioí:

—Cai Ocuíraíma, ¿mei ninomo?

Jira afémie uai ote:

—Inóniaí dáanomomo gairízaifirenamona, rille rifáillanona ñue onódiomoí. Afe izói fieni finódino oni íaioí úillemona dani íaioí duere finóllinona uáfueña onóigaza.

18

Daa fecingo comínimo riire jicánoraimamo jícajifirede

¹ Afe mei Jesús ie llófuegamacimo daa rafue mamede, nágaruillai fáicanocaiñeno Juzíñamuimo íaioi jícáfireillena.

² Íaioina daide:

—Jófuemo daa Juzíñamuina náfuefinide comínimo riire jicánoraima ite. Daje izói jiáimacina lloñede. ³ Afe daje jófuemo daa fecingo ite. Afengo afe jicánoraimamo úrizabite. “Cue diga icíriacadimiena mai ñue jaícina jicánori,” daide. ⁴ Diga ícaiño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena, ⁵ mei íadi bie fecingo diga ícaiño cuemo zefuire bíbideza, aféngona ríidoiticue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

⁶ Jira Ocuíraima daide:

—Daí bie fiénide comínimo riire jicánoraima daide. ⁷ ¿Meita Juzíñamui ie nizécanona, afe ie mona naio diga íemo izire jicádinona ríidoñeite? ¡Raíre íaioina ríidoiteza! ¿Meita “Fui ómoimo llóiticue” íaioina dáite? Dáíñeite. ⁸ Omoína daidicue, afémie juare dibáñeno raíre íaioina ríidoite. Mei íadi Nanoide íima Jitódicueza meine cue bíadi, ¿meita cuemo ínotino íite? ¿Meita íñeite?

Fariseo, íemo gobierno íbátaga úcube llínoraima izoide rafue

⁹ Jesús nane jiáfue llote, abí ínuana jiáimaci jámairuitinona ñue llófuellena. Daide:

¹⁰ —Mena íima íaillinoi Juzíñamui jofomo Juzíñamuimo úrizaide. Dáamie fariseo ímie; jiáima gobierno íbátaga úcube llínoraima. ¹¹ Fariseo ímie naidáicana bie izói Juzíñamuimo úrite. “Moo Juzíñamui, ona figora daidicue, mei cue bie jiáie fiénidino izoíñedicueza. Jaca merírifinidicue, jiáimaci jífuefinidicue, daje izói jiruínidicue. Afe baimo bie gobierno íbátaga úcube llínoraima izoíñedicue. ¹² Naga semánamo ménacaiño güíñeno ífiredicue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredicue,” daide.

¹³ “Mei íadi afe gobierno íbátaga úcube llínoraima monamo érocaiñeno oni jica fiébite. Dinó ie illa llezica, íere dúeredicue, dainano ie abí íere zuure finode. Fínuano daide: “Aí, Juzíñamui mai cuemo dúecai. ¡Íere fiénidífuiaíredimiedicueza!” daide. ¹⁴ Omoína dáitícue, afe úcube llínoraima Juzíñamui anamo ñue illano jofomo jaide, mei íadi afe fariseo ímie ñue

finoñega jailla. Mei uáfueza, abi ínota jamánomoiacadimie anáfeficaide. Mei íadi abí ínoñoeno comécina mánaidimie daidimie jamánomoidimiena jailla, —daide.

Jesús úruiai ñue íllena finode
(Mt 19.13-15; Mr 10.13-16)

¹⁵ Afe llezica comini íaioi jézainidino Jesumo atídiaioi, afémacimo onoi bitállena. Mei íadi áfena ie llófuegamaci cíoillano afe atídinona rairuídiaioi. ¹⁶ Mei jíáfodo Jesús ie llófuegamaci uáiduano daide:

—Afe úruiai dama cue diné bitíaiioiza. Afémacina rairuíñoeno iri. Mei Juzíñamui illáimana illíruimo jáitino bie úruiai izóidiaioi. ¹⁷ Uáfueña ómoína dáitícue, fia comécina mánaide úrue izoíñedimie Juzíñamui illáimana illíruimo jaca jofe jáiñeite, —daide.

Ráarede jitócome Jesús diga úrilla
(Mt 19.16-30; Mr 10.17-31)

¹⁸ Illáicomínimona dáamie Jesumo jicánote:

—Ñuera Llófueraima, zíiñoena cue íllena ¿nie izóí íredicue? —daide.

¹⁹ Jesús íena daide:

—¿Nibái mei cuena “Fígomiedio” daidio? Abi dine jíáie ñúemiena íñede. Dama Juzíñamui ñuena. ²⁰ Cai ocuína uáillaina cacáioza: “Jiruífueña finóñoeno iri, jíáimana fañoeno iri, meríriñoeno iri, jíámamo taino lloñoeno iri, o moo o ei diga ñue jacírui,” —daide.

²¹ Jira afémie Jesuna daide:

—Bíuailaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiébide. Nana omo ite ráaniai fécano, afe iba dúeredinomo ine. Afemona monamo ite zíiñoena ráifide raa óiena íteza. Afe o ráaniai fecalle mei, mai cuedo bi, —daide.

²³ Mei íadi áfena cacáillano iere zúucaide, mei afémie iere ráaredeza.

²⁴ Jesús ie zúucaillana cíoillano daide:

—Iere ráaredimie mei íadi ie ráaniaina cue baímo afémie izíruiadi, Juzíñamui illáimana illíruimo jofe jáillena ¡ni juárena!

²⁵ Camello mámecirede áillue rille eedo uífodo enéfenemo jailla juánide, mei jíáfodo iere ráaredimie Juzíñamui illáimana illíruimo jaille iere juárede, —daide.

²⁶ Aféfuena cacádino íena daidíaioi:

—Iemona ¿níimie jílluille? —daidíaioi.

²⁷ Jira Jesús íaioína daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraima, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfuenta ómoína dáitícue, Juzíñamui illáimana illano ícoinia jofo fiénocaitimie, daje izói ie móotiai naa ie ámatiairi fiénocaitimie, daje izói ie ai naa úruiairi fiénocaitimie ³⁰ nai bíniemo ie illa llezica aillo baímo llínoite. Afe mei monamo zíñona illino máínoite, —daide.

Jesús nane dáanomo ie tíillifue llote

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaíza. Afénomo nana jaiái Juzíñamui uai llóraini Nanoide Iima Jitó cuega uai jino zúilleza. Nanoide Iima Jitódicueza. ³² Afeno jicánemacimo cue fécaítiaioi, íemo cuena jifánodoiítiaioi, íemo cuena báíñoítiaioi, íemo cuena túallaítiaioi. ³³ Iemo cuena rázido fáítiaioi. Afe mei cuena títaitiaioi. Mei íadi daaruiámani íllemona tíidinomona meine abido cáadimiena íitícue.

³⁴ Afe bífuiaína afémaci jaca onóñediaioi. Daje izói nímiiedo úriteza onóñediaioi, mei aféfuiaí afémaci baitánide.

Jesús Jericó ímie uínidimie jíllotate

(Mt 20.29-34; Mr 10.46-52)

³⁵ Jesús Jericó jófue mo áinozilla llezica daa uínidimie io fue mo ráide. Afémie fia úcube jicáfiredede. ³⁶ Aillo comíniai jáillana cacáillano afémie, “¿Níifue comuilla?” daide. ³⁷ Jira afémiemo llotíaioi, “Nazaret ímie bíedo jailla,” daidíaioi. ³⁸ Jira afémie jíirioicaide:

—Davidmona comuídimie Jesús, Mesía dainámie mai cuemo dúecai, —daide.

³⁹ Uícodo jáidino afémiena “Uriñeno llícai,” daidíaioi. Mei íadi afémie nai riire caillide:

—Davidmona comuídimie, Mesía ímie mai cuemo dúecai, —daide.

⁴⁰ Iemona Jesús náidade. “Afémie cue diné omoi uaji,” daide. Afémie dúcizaíbilla llezica Jesús jicánote:

⁴¹ ¿Minícana jítaidío, omo cue finólleza?

Jira uínidimie uai ote:

—Ocuíraima, meine uído cióacadicue, —daide.

⁴² Jira Jesús íena daide:

—Mai érocai. O ínua ícoinia ja jíllodio, —daide.

⁴³ Daí daina llezica, uínidimie ñue ciode. Afe mei afémie Juzíñamuimo caimátaicana Jesudo jaide. Daje izói nana afe uínidimie jíllonana ciódino Juzíñamuimo caimátaoidiaioi.

19

Jesús Zaqueo uáiduaide

¹ Afe mei Jesús Jericó jófuemo dúciillano, afe jofue cígido jaide. ² Afénomo daa ráaredimie ite. Afémie mámecei Zaqueo. Afémie gobierno ibátaga úcube llínoraimaci illaíma. ³ Bie Zaqueo Jesuna cíoiacade ie ónoillena. Ua Jesuna cíoiacade mei íadi íena cíonide, aillo comini illaza, íemo jíai afémie iere íámieza. ⁴ Ie jira Jesús uícomo aizícaillano, sicómoro daína aménamo caifo líiode Jesuna cíoillena. Afe amena Jesús jáillino áinori ite. ⁵ Jesús áfedo jailla llezica, caifo íemo érocaide. Iena daide:

—Zaqueo, raire ana bi. Birui o jofomo fiébiticueza, —daide.

⁶ Ie mei Zaqueo raire ana billano Jesuna caimare llínote. Ua Zaqueo jofomo jáidiaillinoi. ⁷ Comini áfena cíoillano, nana áferi úrizidiaioi. Daidíaioi:

—Jesús fiénidimie jofomo fiébizaide.

⁸ Iemo Zaqueo náidacaillano Jesuna daide:

—¡Ocuíraíma, ero! Cuemo ite ráaniaimona dúeredimacimo átuedo fécaíticue. Daa come jífuiano nauí merídícuenia áfena afémiemo meine abido izájíticue. Nane afe emódomo da-caiñoámani afémiemo ííticue, —daide.

⁹ Jira Jesús íena daide:

—Daií o fínuamona Juziñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comuítagamiedio. ¹⁰ Mei jíi, o izoide ja oni baiízaidino jenoda jíllotaíbiticue. Nanoide íima Jitódicueza, —daide.

Diez dígade úcubetunimo mameca rafue

¹¹ Jesús bífuiaido úrillana comini cacana llezica, afémie daa rafue íaioimo llote. Mei Jerusalemo afémie áinozioicaidemo, afémaci comécido “Juziñamui illáimana illírui ja raire dúciacade,” daidíaioi. ¹² Jira Jesús íaioina daide:

—Daa íima ñúemacimona comuídímie. Afémie oni jica jíaiñiemo jaide, afémaci illáimana afémie íaioi jóoneacadiaioiza. Afe mei afémie nane abido biite. ¹³ Nai ie jáiñena llezica, ie tájíitaganomona diez dígamie uáidote. Uáiduano illa dígamie daa iere ráifide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai oírí. Ua mei, afe fécamo aillo úcubena oni jóoneri,” daide.

¹⁴ Mei íadi dama ie illano comini afémiena eoidiaioi. Eoillano afémie óodana llóitino orédiaioi. Llotiaioi: “Cai illáimana o íllena jítañedicai,” daidíaioi. ¹⁵ Mei íadi afémie illáimana jóonega. Jóonia mei dama ie éniemo jaide. Dúciillano úcubetunillaina igámiaí bai uáidote. Uáiduano illa dígamie jicánote: “¡Ja

nieze úcubena ofítatio?” daide. ¹⁶ Nano jírígamié íena daide: “Ocuíraima, o úcubemona diez diga baimo óiena nabáidicue,” daide. ¹⁷ Ie jira aféllaíma uai ote: “Tere figura. Ñuera ocuífíregamiedio. Omo due cue ígari ñue ínotioza, diez dígade comini jofue illáimana o jóoneitícue,” daide. ¹⁸ Afe mei nane jíáimie jíríte. Afémie billano daide: “Ocuíraima, o úcubemona cinco diga baimo óiena nabáidicue,” daide. ¹⁹ Nane daje izói bímiemo uai ote: “O cinco dígade comini jofue lláimana o jóoneitícue,” daide. ²⁰ Afe mei nane jíáimie jíríte. Afémie daide: “Ocuíraima, be o úcubetuni. Ñue jacíruióicana cue éenogaza. ²¹ Mei iere ríimiedioza, ona jacíruitícue. O jóoneñegamona jaca ófiredio. Daje izói o ríñeganomona jaca ófiredio,” daide. ²² Afe jira aféllaíma íena daide: “Fíénide cue ocuífíregamiedio. Dama o daina uaido riire omo jicánoitícue. Cue ríirenana onódio íadi, ¿ñibái mei cue úcube baimo nabáiñedio? Daje izói cue jóoneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, ²³ ¿ñibái mei cue úcube jíáie úcube iránomo jóoneñedio, abido cue jofomo cue billa llezica afe úcube íemo afe baimo jíáie úcube diga cue llínollena?” ²⁴ Iemona afénomo itínona daide: “Bímiemo ite dáatuni uano, diez dígatuni otímiemo feca,” daide. ²⁵ Mei íadi afémaci aféllaímana daide: “Illáima ero, bímiemo ja diez dígatuni ite. ¿Ñibái mei jíáie úcubena iga?” daide. ²⁶ Jira afe illáima uai ote: “Mei uáfueza ómoína dáitícue, igámiemo baimo aillo írede. Mei íadi íñegamiemo due ite bairórede. ²⁷ Iemo afe baie cue illáima íllana óiacañedino, mai bai bené ati. Atiano cue eróicana afémaci tita,” daide.

Jesús Jerusalén jófuemo jofo jaide

(Mt 21.1-11; Mr 11.1-11; Jn 12.12-19)

²⁸ Bie izói daina méifodo Jesús nai Jerusalén diné jaide. ²⁹ Ja Betfagé jófuemo, íemo Betania jofue diga, afénomo Jesús dúciacade. Afe jofue Olivo idu áinori ite. Afénomo illa llezica íe llófuegamacimona ménamié orede. Iaillinoína daide:

³⁰ —Batí áinori ite duera jófuemo ómicoi jai. Dúciillano afénomo cuinaca búrrona cíotíomícoi. Afe búrromo nai buna ráiñena. Zúitano cuemo atiri. ³¹ Daa come ómicoimo jicánoia “Ñibái mei uiga” daííadi, “Cai Ocuíraima jítáillano jicaca” ómicoi daííri, —daide.

³² Afe llófuegamaci íaillinoi jaillano nana Jesús íaillinoína daina izói cíozaidiaillinoi. ³³ Afe burro íaillinoi zúitaja llezica burro naama jicánote:

—¿Ñibái mei búrrona zuitádiomícoi? —daide.

³⁴ Jira afe íaillinoi uai ote:

—Cai Ocuíraima jitailla, —daide.

³⁵ Afe mei ja Jesumo uitiaillinoi. Dúciillano afe burro emodo íaioi iníroina jobédiaioi. Jóbiano afe emódomo Jesús rainádiaioi. ³⁶ Afe búrrodo Jesús jailla llezica, ie jáillao comini íaioi iníroillaina jobédiaioi. ³⁷ Olivo daina ídumona ana íaioi jailla llezica, nana afémiedo jaide Juzíñamuimo ínotino ióbillano caillíodiaioi. Daje llezica Juzíñamuimo iere caimátaidiaioi, mei diga Jesús uaido daina comúdena nauí uícodo ciódiaioiza. ³⁸ Daidíaioi:

—Ocuíraima mámedido bite illaíma caimare iri. Caimare uái illafue monamo íteza. Daje izói Juzíñamuimo ebire ñúefuíaína nitáfíreiri, —daidíaioi.

³⁹ Iemo afénomo ite comini cígimo fariseo ímiaína ite. Afémaci Jesuna daidíaioi:

—Llófueraima, odo jáidinona “Uriñeno” o daíri, —daidíaioi.

⁴⁰ Mei íadi Jesús uai ote:

—Omoína dáitícue, bimaci úriñenia nofíciai riire úrille, —daide.

⁴¹ Afe mei afe Jerusalemo ánozilla llezica, afe jófuenta cíoillano Jesús eede. ⁴² Eiano cómemo úrilla izói afe jófuenta daide:

—Nífuenino uái o illífuenta iere o onótaacadícue. Biruí ñue o illaruí. Mei biruí afefue ómoimona báinino íteza, aféfuena onónidiomoí. ⁴³ Mei uáfueza fiénidíruillai ómoímo bíite. Aféruimo omoí éoidímaci omoí illa onido nágafeniaí nofíbanillaína izói ómoína cirínoítiaioi. Afe mei ómoíri riire fúiritiaioi. ⁴⁴ Iemo ana éniemo ona dótaítiaioi. Dótano afe jófuego ite comínina fáítiaioi. Afe llezica nana afe jofue finoína nofíciai ana dócoítiaioi; mei Juzíñamui ómoína caimare uáiduaíbillaruí onóñediomoíza, —daide.

Jesús Juzíñamuimo gairíraco ráfua izói ñue finode

(Mt 21.12-17; Mr 11.15-19; Jn 2.13-22)

⁴⁵ Jerusalemo ie jofo jailla méfomo, Jesús Juzíñamuimo gairíracomo jofo jáillano afeco eromo ite ráaniaí fecáдино naa íbárioidínori jino jiude. ⁴⁶ Íaioína daide:

—Jaiaí Cuegáuaimo daide: “Cue jofo cuemo úrifíreíllíco.” Mei íadi afécona merírifiredíno jofo izói finódiomoí, —daide.

⁴⁷ Nágaruillai Jesús afécomo llófuefírede. Mei íadi afe llezica lletáriraini illaini, daje izói ocuica uai llófuetíno, naa jofue illáiníri ie íaioi fallino jenódiaioi. ⁴⁸ Mei íadi afémie fállena baiñédiaioi, mei nana comini afémie uai iere cacáreidiaioíza.

20

Illáicomini Jesús ócuífírena ríino jicánotiaioi

(Mt 21.23-27; Mr 11.27-33)

¹ Afe mei jiáiruido Jesús Juzíñamuimo gairíracomo comini llófuete. Afe llezica ñuera jílona uai afémacimo llote. Daií llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi. ² Dúciillano Jesuna daidíaioi:

—Ñie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaioi.

³ Jira Jesús íaioina daide:

—Cuemo omoi jicánua izóí ómoimo daafue jicánoiticue. Nee mei cue uai omoi ólleza. ⁴ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

⁵ Mei íadi uai oñeno, áfena dani conímamo júfidotiaioi; daidíaioi:

—¿Ñie izóí mei dáiticaí? “Juzíñamui ocuica” cai daiíadi, Jesús cai uai óite, “¿Ñibái mei afémiemo íñoñediomoi?” ⁶ Mei jiáifodo “Comínimona ocuica” cai daiíadi, nana comini nófiena cai níjítiaioi. Mei afémaci “Juan Juzíñamui dibénedo úrifirede” jaca daiífirediaioi.

⁷ Iemona afe illáicomini Jesuna daidíaioi:

—Juan báutizaibillena ocuídímiena onóñedicai, —daidíaioi.

⁸ Afe jira Jesús íaioina daide:

—Daje izóí bie ráaniai cue fínofirena ríino ómoimo llóñeiticue, —daide.

Fiénide táijidino rafue

(Mt 21.33-44; Mr 12.1-11)

⁹ Afe mei Jesús comínimo úrilla llezica bifue íaioimo llote:

—Daa come jíricuena eroide úvaiaí rillino finode. Afe mei áfemo táijitino nano íanori iba llínollena fecade. Fécano oni jiánomo are íllena jaide. ¹⁰ Afe úvaiaí llizilla llezica, ie ocuífirégamie orede, náamamo dúide dibene afénomo táijidinomona jicállena. Mei íadi afémiemo íñeno fájano ie orédiaioi. ¹¹ Ie jira jacafai naama nane jiáie ocuífirégamie orede. Mei íadi nane afémiena icida fatíaioi. Fájano íñeno fia meine orédiaioi. ¹² Nane afe mei jacafai naama jiáimie orede, mei íadi afe táijidino afémiena bófiano jino orédiaioi.

¹³ Iiraínomo jacafai naama daide: “¿Ñie izóí fínoiticue? Cue izíruiga jitó óreiticue. Afémaci afémiena cíoillano, nibai afémiena caimare jacíruitiaioi,” daide. ¹⁴ Mei íadi táijidino afémiena cíoillano, jofa conímaiaina daidíaioi: “Bímie uire bie énie máíñoitimie. Mai cai falli. Afe mei bínie cáiena jáiteza,” daidíaioi. ¹⁵ Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿nie izói finoite? ¹⁶ Afémie billano afémacimo dúecañeno títate. Afe mei afénie jáimacimo fécaite, —daide.

Afena cacáillano daidíaioi:

—¿Afe izói cai illeza Juzíñamui rairuiri! —daidíaioi.

¹⁷ Mei íadi Jesús íaioimo érocaillano daide:

—Iemona, afe Juzíñamui Cuegáuaina ¿nie izói llóiacade? Afe uai bie izói daide:

Jofo níraíni jámairuillano oni fádoica jáillirai ja nahí jáilliraina jaide. Bie daina daíacade, comini jámairuillano ruifíruigamie ja ñuera jica jalleide illáimana jaide.

¹⁸ Afe jámairuiga nofici maméidimiemo éicitaitimie niné tibérotate. Iemo jáí afe nofici anamo jíitafitino jízefo izói jáitiaioi, —daí Jesús daide.

Gobierno ibátaga úcube rafue

(Mt 21.45-46; 22.15-22; Mr 12.12-17)

¹⁹ Afe llezica lletáiraini illaini naa ocuica uai llófueraíni Jesuna llaitáacadaioi, mei afémacido bie rafue afémie llúana onódiaioiza. Mei íadi afémaci comínina jacíruitiaioi. ²⁰ Ie jira ñuemaci izói macádino Jesumo báinino orédaioi. Jesuna comei féillamona fieni úritallena orécaiaioi. Afe fieni ie úrillana cacáillano afémie romano caifóidillaímamo fécaite. ²¹ Jira afémaci Jesumo bie izói jicánotiaioi:

—Llófueraíma, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cíoidífuiaido izire jicánoñedio. Mei jáífodo Juzíñamuimo cai jáillido uáfueña úrifiredio. ²² Caimo llone: ¿Romano jamánomoidillaíma ibátaga úcube ibádicainia ñuera? ¿Nibai fiénide? —daidíaioi.

²³ Mei íadi íaioi ie facátaacanana Jesús onode. Jira íaioina daide:

—¿Nibái mei jíitaja izói cue finódiomoi? ²⁴ Daa úcubetuni cuemo ácataibi. Afétunimo ite uiéco jana ¿bu ie? Iemo afétunimo ¿nie come mámei cúeina? —daide.

Jira ie uai otíaioi:

—Romano jamánomoidillaíma uiéco illa, naa ie mámei diga, —daidíaioi.

²⁵ Jira Jesús íaioina daide:

—Mei íemona romano jamánomoidillaímamo dúide afémiemo fecari. Iemo daje izói Juzíñamuimo dúide Juzíñamuimo fecari, —daide.

²⁶ Nana afémaci comini cacáicana daina uáillaído ja Jesuna jaca jíitanidiaioi. Mei jáífodo ie uai úana cacáillano fáigacaidiaioi. Afe mei íaioi uai ollifue íñédeza úríñediaioi.

Tíide comini meine abido cáaille jicánotiaioi

(Mt 22.23-33; Mr 12.18-27)

²⁷ Afe mei saduceo ímíai Jesús diné jaide. Afe saducéuai tíidino meine abido cáañeite daiífirediaioi. Jira bimaci Jesuna bie izói daidíaioi:

²⁸ —Llófueraíma, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiai ie tíide ama méifomo comuíllena. ²⁹ Mei nauí cai cigímo siete diga ámaredimíaina ite. Nanóidimie áireillano nai úruenino tíide. ³⁰ Afe méifoidimie afe fecíngo ote. Ie mei afémie daje izói úruenino tíide. ³¹ Afe mei nane jíáimie daango ote. Uano nai úruenino tíide. Daje izói nana afémie ámatíai daango uano úruenino tíidiaioi. ³² Iirainomo ja afengo tíilla. ³³ Iemona comíni tíillano meine abido cáailiruimo, mei siete dígamie afengo óteza, afengo ¿nie iima aina mámeite? — daidíaioi.

³⁴ Ie jira Jesús uai ote:

—Bie éniemo íñíai áirediaioi. Daje izói ringóníai inírediaioi. ³⁵ Mei íadi uire monamo jáitena mamécano, daje izói tíidinomona meine abido cáaitena mamécano jaca ánitiaioi. Daje izói afénomo íaioi jízatíaina jíáimamo iníreitañeitiaioi. ³⁶ Mei afénomo buna tíinideza. Iemona afémaci Juzíñamui abi imáciai izóidiaioi. Tíillanomona meine abido cáailledo Juzíñamui jítoíaiaina ja mamécaiaioi. ³⁷ Jaii Moisés illafue ciegánicomo Juzíñamui tíidino meine abido cáailana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidícue naa Isaac Jacob diga,” mei afémaci Juzíñamui illánomo cáadiaioiza. ³⁸ Mei uáfueza, Juzíñamui tíidino íeñede, mei jíáifodo cáadino ie. Mei uáfueza, Juzíñamui erócana nana cáadiaioiza, —daide.

³⁹ Iemona ocuica uai llófueraínomona dáarie daidíaioi:

—Llófueraíma, ¡ñue daidío! —daidíaioi.

⁴⁰ Afe baímo Jesús facátalle uaina baíñediaioi.

Cristo ie nano comuídimie ¿bu?

(Mt 22.41-46; Mr 12.35-37)

⁴¹ Afe mei Jesús íaioina daide:

—¿Níbaí mei Crístona David jíto dáíifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocuíraímana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jíto? Mei afe David afémiena ie Ocuífiredimíena mamédeza, —daide.

Jesús ocuica uai llófuefiredinomo fiénidífue nitade

(Mt 23.1-36; Mr 12.38-40; Lc 11.37-54)

⁴⁵ Nana comíni cacáicana Jesús ie llófuegamacina daide:

⁴⁶ —Ocuica uai llófue fire ñomona abí omoi rairuiri. Afémaci “já cimacídicaí” dai ñllena á reroi jítá fire diaíoi. Afémaci gairíranomo jáiadi, iere caimare uáiduana gáidíoi. Afe izóí Juzíñamuimo llófueriracomo ñuera ráiiranuai jénofirediaíoi. Daje izóí iráizillafue finua llezica jénofirediaíoi. ⁴⁷ Daje llezica fecingotíai jofona báiro fire diaíoi. Afémaci comini cíoicana ñúemacina dai ñllena, are Juzíñamuimo úrifirediaíoi. Afémaci jíaimaci duere finolle baimo duere finólliaíoi, —daide.

21

Dúerede fecingo Juzíñamuimo úcube fecade

(Mr 12.41-44)

¹ Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóoneranomo úcube dótana ciode. ² Afe llezica dúerede fecingo cobre finoína mena úcubetuni dótajana Jesús ciode. ³ Cíoillano daide:

—Uáfue na ómoína dáitícue, bie dúerede fecingo nana jíaimaci baimo dotade. ⁴ Mei nana afémaci íaioimo fiévide úcubemona dotádiaíoi. Mei íadi bie fecingo dúerede íadi nana aféngomo ite güille íballe úcube dotade, —daide.

Jesús Juzíñamuimo gairíraco niné táinocaite, daide

(Mt 24.1-2; Mr 13.1-2)

⁵ Cominimona dáarie Juzíñamuimo gairíraco ero ebire cíoína llotíaíoi. Daje izóí afécomo ite noficiaí finoína ebire cíoína llotíaíoi. Afe izóí afécomo fia fecaca ebírede ráaniaí llotíaíoi. Afe jira Jesús daide:

⁶ —Nana bie omoi ciona ebire eróidínuiaí uire dáaruido niné táinoficaite. Bico ero ñuera nofítotíai illa dígatofíai oni eneno júdaizite, —daide.

Enie fúiacana cai onóillena lloga uai

(Mt 24.3-28; Mr 13.3-23)

⁷ Jira Jesumo jícanotíoi:

—Llófueraíma, o lloga bífuiaí ¿ñiruído íite? Bífue zúille uícodo cai onóille raa, ¿nie izóí íite? —daídiaíoi.

⁸ Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodícue” dáitino bíitíaoíza. Afe izóí “Ja birui aferui” dáitíaoí. Mei íadi afémaci llógamo íñoñeno iri. ⁹ Comini jóbairillana omoi cacáíadi áferi jacínaiñeno iri. Daje izóí jíáie comini íaioi illaíma uáitano jíáimíena méidoiacanari jacínaiñeno iri. Mei uícodo daí íredeza, mei íadi íirairui nai dúcíñedeza.

¹⁰ Iemo Jesús nai úrioicaide:

—Daa nairai jíáie nairai díga fúiritíaoí. Daje izóí daa zie jíáizie díga jóbairítíaoí. ¹¹ Afe llezica díga ígobíaido énie iere

riire docáirite. Daje izói aillo nairai júbietaitiaioi, íemo jiái aillo comini dáagoberiedo duícotaitiaioi. Aféruído monamo aillo cai jacínaitaite raa cíocaite, naa énie fuille joréñuairi.

¹² Mei íadi nana bífuiái jino déiacana uícodo, fieni finóllena ómoína lláitaitiaioi. Daje izói ómoína rácaitiaioi. Iemo Juzíñamui uai llorácomo ómoína uillano riire jicánodoítiaioi. Iemo ómoína llavéracomo íbaitiaioi. Afe llezica cuemo omoi jainaina jira, jamánomoidillaini naa jabóidillaini uícodo ómoína úitiaioi. ¹³ Daií omoi íaioi uilla llezica cuedo afémacimo ñue úritiomoi. ¹⁴ Abí omoi riidolle uaimo uícodo omoi comécillena riire mamériñeno iri; ¹⁵ mei aféruímo afémaci uaillai omoi olle uaina ómoímo llóiticueza. Afe llezica ómoína ráfuenta ñue baitátaiticue. Afemona omoi éoidino ómoína jaca uáitanidiaioi.

¹⁶ Mei íadi aféruímo omoi onóigamaci Crístomo omoi ínua jira ómoína duere finóllena jiáimacimo izájitiaioi. Daje izói omoi ámatiaí Crístomo omoi ínua jira ómoína fécaitiaioi, íemo omoi móotiaí dáafuedo ómoína fécaitiaioi, daje izói jiái omoi nabáiñiaí dáafuedo ómoína fécaitiaioi. Omoimona dáarie títaitiaioi. ¹⁷ Aféruído nana nairai cue ícoiniadi ómoína éoitiaioi. ¹⁸ Mei íadi omoi ífótiraíaimona, daa táinomo báíñeite. ¹⁹ Iemo fáicanocaiñeno omoi íñoiadi, zíñona cáallinona máíñoitiomoi.

²⁰ Jerusalén jofue fuíriraíni nágafene afeno cirínoia, áfena cíoillano, áfedo raire táinocaillena ónoitiomoi. ²¹ Afe jira afe llezica Judea éniemo itínuaí caifóneduaímo botárediaioi. Daje llezica Jerusalemo itínuaí afénomona oni jica jáirediaioi. Iemo jacáfaimo itino meine abido afe jófuego jáinidiaioi. ²² Mei afe comini duere finólliruimo ja dúcidez. Aféruillaído nana jiaí Juzíñamui Cuegáuai ícoímo ñue fuitárede. ²³ Afe llezica namóciredingotiaína ¡Níi dúerena! Daje izói monoi jirode úruena llíidíngotiaína ¡Níi dúerena! Mei aféruillaído afénomo aillo izi cácaitiaioi. Afe énie comini jamánomo duere finólliaioi. ²⁴ Afémacimona jiáimaci jóbairillanomo títiaioi. Iemo jiáimaci nana nairai illánomo íaioína llavétaitiaioi. Juzíñamui mamécaruillai dieze, jicánemaci Jerusalén anáfenuano júdaitiaioi. Afe mamécaruillai fuille díno afe jófuenta fieni fínoitiaioi.

*Nanoide Iima Jitó Cristo billirui ñue izoite
(Mt 24.29-35, 42-44; Mr 13.24-37)*

²⁵ Afe mei jitómamo, fiuimo, naa úcuairi jacírede raa jánaniaí cíocaite. Afe llezica náiraíai comeci faca mamérilla uaillai niné féite. Iemo monáillaji ficire báguari jacínaitiaioi. ²⁶ Biniemo comuízaide raamo comécillano iere jacínaitiaioi.

Ie jacinaillamona tíidino izói íficaitiaioi. Mei afe llezica nana monamo itínuiái riire mozíoide ráaniai niráiricaiteza. ²⁷ Afe mei Nanoide fima Jitó Crístona cíotiaioi. Afémie íemo ite riino naa dama íemo ite ebíredifuiariri uílliedo ana bite. ²⁸ Bífuiái jino zuílle llezica, ñue omoí mamériri; íocire omoí érocari. Mei íanori íllamona omoí jíllotalliomoi, —daide.

²⁹ Daje izói nane bie aménamo mamécafue Jesús íaioimo llote:

—Higuera daina aménamo comeci omoí facari. Daje izói nana jíáie aménamo omoí coméciri. ³⁰ Iaiói íbiai firuúllana omoí cíónia, “Ja fimona áinozide” daífirediomoi. ³¹ Afe izói bífuiái zuúllana omoí cíónamona, “Juzíñamui illáimana billirui ja áinozide,” daírediomoi.

³² Uáfuenta ómoína dáitícue, bigímaiaí nai tíñeille llezica nana bie raa jino zúite. ³³ Mona énie díga fúite, mei íadi cue uaillai jaca fúíñeite. Cue lloga raa nana zúite.

³⁴ Omoí comeci riírelleza abí omoí rairuiri. Mei iere aillo güíacanamona come comeci riire jáite, daje izói jífáifirenmona. Daje izói dani omoí abi ífue níciduamona come comeci riire jáite. Jira cue billíruimo omoí jácinaiñelleza áfena abí omoí rairuiri. ³⁵ Mei rille jíitafirena raa ónonino jíitaja izói, afe izói aferui nana énie comínina jíitaiteza. ³⁶ Jíca ía maí ñue omoí finóbiri. Jaca fáicanocaiñeno Juzíñamuimo omoí úrifireiri, afe nana bie zúitífuiáimona omoí jíllóillena. Daje izói Nanoide fima Jitó uícomo meáiruíñeno omoí náidallena, jaca Juzíñamuimo úrifireillano, jaca ía ñue omoí finóbiri, —daide.

³⁷ Jesús monari Juzíñamuimo gairíracomo llófuefirede. Afe mei naio, Olivos daina ídumo íniaifirede. ³⁸ Nana comini afémie llófuiana cacáreillena nágarui raire jíitramo bífrediaioi.

22

Jesús llaitállena maméritiaioi

(Mt 26.1-5, 14-16; Mr 14.1-2, 10-11; Jn 11.45-53)

¹ Fáitañeno pan güífirena rafue ja áinozide. Afe rafue jíáifodo mameina pascua rafue. ² Iemo lletáriraini illaini naa ocuica uai llófuetinori Jesús fállena jenódiaioi, mei afe llezica comínina jacíruitiaioiza.

³ Iemo aféruído Taife Judas Iscariótemo jofa jaide. Afe Judas doce dígade Jesús orécamacimona dáamie. ⁴ Afe bímie lletáriraini illáinimo naa gairíraco ocuídino Jesús íaioimo fecállena llujáide. ⁵ Afena cacáillano íobidiaioi. Iemona, “Ucubena o íbaitícaí” daidíaioi. ⁶ Iemona íe íaioi íbaja úcube líinote. Iemo Judas aféruimona comini figo íñena llezica Jesús íaioimo izájillena jenode.

Cai Ocuíraima íraicaiño güillafue

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ja fáitañega pan güilláruimo dúcide. Afe llezica aféruimo pascua íena ovejai fáfirega. ⁸ Jira Jesús Pedro, Juan íaillinoína ocuide; daide:

—Mai pascuamo güífirena izói uícomo ómicoi finori, — daide.

⁹ Jira afémiemo jicánotiaillinoi:

—Afena ¿ninomo fínuaítcoco? ¿Ninomo áfena güíacadio? — daide.

¹⁰ Jesús íaillinoína daide:

—Batí jófueмо ómicoi jaille llezica, icírudo jainoi uitímie cíotiomicoi. Afémiedo jairi. Afe mei afémie jofo jáillicomo jofo ómicoi jai. ¹¹ Afénomo afe jofo náamana ómicoi daíri, “Cai Ocuíraima ona daide: Cue güillico ¿ninomo ite? Afécomo cue llófuegamaciri páscuamo güífirena izói güíticue.” ¹² Afe mei afémie caifóidibanimio ite áillocona ácatate. Afeco ero ja ñue finóbide, afécomo cai güille finori, —daide.

¹³ Iemona afe íaillinoi jaillano, nana Jesús íaillinoína daina cíozaidiaillinoi. Iemona afénomo pascua rafue ana güífirena izói, güille finódiaillinoi.

¹⁴ Ja nauízaidemo güizájilla llezica Jesús naa ie oréllinori dáanomo ráizitiaioi. ¹⁵ Afe llezica Jesús íaioína daide:

—Nai cue tíñena llezica bie pascua ana güífirena izói omoi diga iere güíacadicue. ¹⁶ Mei ómoína dáitícue, bie ie rafue dáanomo meine güíñeíticue. Bie rafue Juzíñamui illáimana illíruimo bíñeille dino güíñeíticue, —daide.

¹⁷ Daí daina mei jiróraco llínota Juzíñamuina “Iere figura” daide. Afe mei íaioína daide:

—Bie llínota, conímamo omoi fecari, ¹⁸ mei ómoína dáitícue, Juzíñamui illáimana illírui nai dúciñena dino, nane dáanomo uva íjina jaca jíroñeíticue, —daide.

¹⁹ Afe mei pan llínota, Juzíñamuina “Iere figura” daide. Daí dainano afe pan dítrade. Pan díitano afémacido fecade. Afe llezica daide:

—Bie cue abíza. Tíillinomo fecállícue omoi ñue íllena. Cuemo omoi ubicaífieíllena bie izói omoi finófireiri.

²⁰ Daje izói güilla fuilla mei jiróraco llínota, íaioímo fécajano daide:

—Bie jiróraco eromo ite iji Juzíñamui ómoiena mameca cómue uai ómoína onótate. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

²¹ Mei íadi cue fécaítímie birui benó cue diga güíte. ²² Mei jii, Nanoide Hima Jitó Crístodicueza, jaiái uícodo cuemo mameca iodo jáíticue. Mei íadi cue fécaítímie, ¡ñii dúerena! —daide.

²³ Afe jira conímana daidíaioi:
—¿Cáimona bu mei ie fecalle? —daidíaioi.

Conímamo jamánomoidimie júfidotiaioi

²⁴ Afe mei dani afémaci cígimona níimie jamánomoidimiena daína júfidotiaioi. ²⁵ Mei íadi Jesús íaioina daide:

—Nairai illaini íaioi anamo itínona riire ocuífirediaioi. Daje izói íaioi ocuídínona, jáímaci “Omoi ñue finódino” daífirediaioi. ²⁶ Mei íadi omoi afe izói iñeno iri. Mei jáífodo omoi cígimo ite jamánomoidimie, afémie jáímaci baimo jamáimiena írede. Daje izói ómoimona ocuífiredimie jáímacina canófredimiena írede. ²⁷ Bífuomo omoi coméciri. Dámie güirábanimo güllena ráina llezica, jáímie güille bai atífrede. Afe íaillinoimona ¿bu mei iere jamánomoina? Mei uáfueza, güirábanimo ráidimie jamánomoina. Mei íadi cue omoi cígiri ocuífirega táijifiredimie izói iticue.

²⁸ Comini fieni cue facátafirena llezica jaca cue diga ífirediomoi. ²⁹ Ie jira cue Moo illáimana illánona cuemo illa izói, afe izói ómoimo íiticue. ³⁰ Afena ómoimo íiticue, cue illáimana illánomo cue diga omoi güllena. Daje izói afe llezica afénomo illaima ráiranomo ómoína ráinaiticue, doce dígade Israel náiraimo izire omoi jicánollena, —daide.

Jesús Pedro ie jáanollena uícodo llote
(Mt 26.31-35; Mr 14.27-31; Jn 13.36-38)

³¹ Ocuíraima Jesús nane daide:

—Simón cácarei. Taife ona facátaiacade. Comini magari izilla izói ona izíacade. ³² Mei íadi Juzíñamuimo ja jicádicue Juzíñamuimo o íinua féitañeillena. Iemo afe facátainamona abido o bille méifodo, o ámatiai canori, íaioi íinogafuena íaioi fáicanocaiñeillena, —daide.

³³ Iemona Simón Jesuna daide:

—Cue Ocuíraima, llavéracomo o diga cue jáillena ja finóbidicue. Daje izói afénomo o diga cue tállena ja mamériticue, —daide.

³⁴ Jira Jesús íena daide:

—Pedro, birui ona dáititcue, átava nai úriñena llezica daacaiñoámani, cuena jáanoitio, —daide.

Jesús facátalle hora ja áinozide

³⁵ Afe mei Jesús ie llófuegamacimo jicánote:

—Nauí ómoína cue ória llezica, ipécona uiñeno, daje izói úcubena uiñeno, íemo jáí eiba icona uiñeno, fia omoi jairi, daidicue. Aféruimo ¿minica ómoimo nai iñena? —daide.

Jira afémaci daidíaioi:

—Aféruimo ja nana ñue ite, —daidíaioi.

³⁶ Iemona Jesús íaioina daide:

—Mei birui jáífodo daidicue. Ipécoredimie mai áfena ui. Daje izói úcuberedimie úcubena ui. Iemo jáíi lloefainidimie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be níuui: “Fiénidimaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaioi:

—Cai Ocuíraima, caimo mena lloefai ite, —daidíaioi.

Afémie uai ote:

—Jadie ja figo baite, —daide.

Jesús Getsemanímo Juzíñamuimo úrite

(Mt 26.36-46; Mr 14.32-42)

³⁹ Afe mei Jesús oni jaide. Ie jáífirena izói Olivos ídumo jaide. Afe llezica ie llófuegamaci afémie diga jáidiaioi. ⁴⁰ Ie jáillanomo dúcillano daide:

—Fiénidifuemo omoi báiiñelleza Juzíñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jítaiadi, bie duere cue zefuállifuemona cue jíllotari. Mei íadi cue comeci jítaina izói finóñeno iri, mei jáífodo o comeci daina izói finori, —daide.

⁴³ Afe llezica Juzíñamui abi ímie monámona Jesumo cíocaide; afémie Jesuna mairítaibite. ⁴⁴ Iemo Jesús ie comeci jamánomo zúurena llezica, afémie Juzíñamuimo iere riire jicade. Afemona iere uzínailla izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juzíñamuimo ie jícaja fuilla mei, afémie ie llófuegamaci diné jaide. Inídiaioina cíozaibite, mei zuufue inítagaiaioi. ⁴⁶ Jira íaioina daide:

—¿Nibái mei inídiomoi? Fiénidifuemo omoi báiiñelleza cazillano Juzíñamuimo úrifireiri, —daide.

Jesús llaitada uitíaioi

(Mt 26.47-56; Mr 14.43-50; Jn 18.2-11)

⁴⁷ Jesús nai úroidemo aillo comini dúcidiaioi. Afe doce dígadínomona Júdasna mámeciredimie bitino ifode. Ainozillano afémie Jesús ñitade. ⁴⁸ Jira Jesús afémiena daide:

—Judas, ¿Nanoide íima Jitó o ñítafuedo fécaibitio? —daide.

⁴⁹ Jesús abimo itino áfena cióillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

⁵⁰ Afe llezica afémacimona dáamie lletáriraini caifóidillaíma ocuíferegámie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate. ⁵²Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírifiredimedicue izói lloéfaillairi, naa bigíniari cuena lláitaibitiomoi? ⁵³Naui nágaruillaído Juzíñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comini ibaila izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴Iemona Jesús llaitada, lletáriraini caifóidillaíma jofomo uitíaiói. Afe llezica Pedro bai jicado jaide. ⁵⁵Afénomo afeco cigi ibírimo irai bonódiaíoi. Aféramo agáidiaíoi. Iemo Pedro afémaci cigimo agáizaide. ⁵⁶Iemo afénomo ite ócuifiregango irai fuemo Pedro ráinana ciode. Afe mei afengo daide:

—Bímie jaca Jesús diga ífirede, —daide.

⁵⁷Mei íadi Pedro jáanuano daide:

—Afémiena onóñedicue, —daide.

⁵⁸Afe mei íanori íllamona jíáimie íena cióillano daide:

—O bie afémaci iéδιο, —daide.

Mei íadi Pedro daide:

—Íeñede; cue bie afémaci ímieñedicue, —daide.

⁵⁹Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

⁶⁰Jira Pedro daide:

—O úrillana onóñedicue. ¿Minica llotio? —daide.

Ja Pedro úroidemo átava úrite. ⁶¹Iemona Jesús Pédromo érocaide. Afe llezica Pedro afémiena daináfueмо uíbicaide. Be níuui: “Atava nai úriñena llezica dacaiñoámani cuena jáanoitio.” ⁶²Afemona Pedro jino jaillano zuure eede.

Jesús jífánodoidiaíoi

(Mt 26.67-68; Mr 14.65)

⁶³Jesús llaitada úiñotino afémiena jífánodoiano razído íena fatíaíoi. ⁶⁴Daje llezica ie ui ibáillano, ie uiéco fátano daidíaíoi:

—¿Bu o faaja? ¡Onóillano jino llone! —daidíaíoi.

⁶⁵Afe llezica diga jíáfuiaido íena báíñotiaíoi.

Dáanomo gairide illáicomini uícomo Jesús uitíaiói

(Mt 26.59-66; Mr 14.55-64; Jn 18.19-24)

⁶⁶Ja mona monáidemo judíuai éicomini, naa lletáriraini illaini, naa ocuica uai llófuetinori dáanomo gairídiaíoi. Afe gairítaga illáicomini “Junta Suprema” dainámaci. Afénomo Jesús uillano, jicánotiaíoi:

67 —Caimo llone, ¿o meita Crístodio? —daidíaioi.

Jira afémie uai ote:

—Afena jii daidícuenia, cuemo ñinoñeitiomoi. 68 Daje izói jiáifue ómoimo cue jicánoia, ibana uai óñeitiomoi. Afe izói cuena zúitañeitiomoi. 69 Mei íadi benómona Nanoide ñima Jitó Cristo jamánomo riinorede Juziñamui nabézimo ráinaite, —daide.

70 Afe mei nane afémiemo jicánotiaiои:

—¿Meita o Juziñamui Jitódio? —daidíaioi.

Jira Jesús íaioi uai ote:

—Jii, dani omoi daina izói níimiedicue, —daide.

71 Iemona afémaci daidíaioi:

—Ja jiáie uai nábatinona jitañedicaí. Cai bie dama ie fuémona ie fiéni úrillana cacádicaí, —daidíaioi.

23

Pilato uícomo Jesús uitíaioi

(Mt 27.1-2, 11-14; Mr 15.1-5; Jn 18.28-38)

1 Iemona nana náidacaillano Jesús Pilátomo uitíaioi.

2 Afénomo diga fiénidifuiái íemo jóonetiaiои. Daidíaioi:

—Bímie cai comínimo icírafue comuitajana ciódicaí. Iemona comini áferi faillíñaicaidaiои. Afémie “Romano jamánomoidillaima íbátaga úcube íbánidicaí,” daide. Afe llezica afémie “Íllaima Crístodicue” daífiredede, —daidíaioi.

3 Jira Pilato afémiemo jicánote:

—¿Meita o judíuai Ílláimana? —daide.

Jira Jesús uai ote:

—O daina izói, jii níimiedicue, —daide.

4 Iemona Pilato lletáriraini illáinina, naa comíniri daide:

—Bie cómemo fiénidifueña baiñédicue, —daide.

5 Mei íadi dáanomo riire daidíaioi:

—Nana Judea comínimo ie llófueinafuiaido icírafue íaiοimo comuitate. Fueñe Galilea éniemo daí finode, íemo birui cai éniemo nágaboiado daje izói finode, —daidíaioi.

Herodes uícomo Jesús uitíaioi

6 Jesús nauí Galiléamo llófueoinafuena Pilato cacáillano, jicánote:

—¿Bie ñima Galilea ímie? —daide.

7 Comini daí daidíaiοimo, Heródesmo íena orede, mei afémie Galilea illáimana. Aféruillaído Herodes Jerusalemo ite. 8 Herodes Jesuna cióillano iere íóbicaide. Jaiái ninomo íena cióiacade. Comini Jesudo dáinana Herodes cacáfiredede. Iemona Jesús daa ciórainina raa finuana Herodes cióiacade.

9 Iemo Herodes diga icaiño diga ráfuiái íemo jicájicanode. Mei íadi Jesús jaca uaina oñede. 10 Dáanomo lletáriraini illaini

ocúicafue llófuerainiri itíaiói. Bimaci Jesumo fiénidifuiái riire jóonetiaíói. ¹¹ Iemona Herodes ie fuiríraini diga Jesuna ja jámairuitaíói; iere íena áfedotiaíói. Afe mei ebírede illaíma iníroina íemo jítádiaíói; jítamona daíí afémie jifánodoídiaíói. Afe meífomo Herodes dáanomo Jesuna Pilátomo orede. ¹² Aféruído Pilato Herodes diga daje nabaina mameide. Jaíai uícodo are conímana éoidiaillínoi.

Jesús titállena mamé diaíói

(Mt 27.15-26; Mr 15.6-15; Jn 18.39-19.16)

¹³ Afe jira Pilato lletáriraini illaini, íemo ríimaci naa comini dáanomo gairítano daide:

¹⁴ —Bie omoi lloga comínimo icírafue comuítatímie. Mei íadi omoi cacáicana izire íena jicánoticue. Jicánuamona ie fieni finócafueña baiñédicue. Afena cacádiomoi. Daje izói afémiemo omoi nitaca fiénidifuiái cióñedicue. ¹⁵ Daje izói Herodes níifuena cióñenano afémie abído cuemo orede. Ja ciódiomoi za, bímie titállena íñede. ¹⁶ Afémiéna zechétaiticue. Afe mei afémiéna zuitada jino óreiticue, —daide.

¹⁷ Afe rafue ana comini cáimacaitallena, Pilato daa llavécamiéna zuitáfirede. ¹⁸ Mei íadi nana comini dájena riire daidíaíói:

—Bie Cristo oni jica titálleza. Barrabás caimo zuitari, —daidíaíói.

¹⁹ Naui afe Barrabás llavéracomo llavé diaíói, mei afémie jo fue comini uáitajano jíáie illaíma jóoneacade. Afe llezica afémie jíáimana ie tita ícoínia llavé diaíói. ²⁰ Pilato Jesuna zuitáacade. Iemona dane dáanomo íaíoi mo úrite. ²¹ Mei íadi afémaci riire daidíaíói:

—¡Cruzmo ie coraí! ¡Cruzmo ie coraí! —daidíaíói.

²² Ja dacaiñoámani Pilato íaíoi na daide:

—¿Nibái mei ie titaiticue? ¿Afémie níé fiénidifue finode? Ie cue titalle fiénidifueña íemo baiñédicue. Afémiéna zechétaiticue. Afe mei afémiéna zuitada jino óreiticue, —daide.

²³ Mei íadi afémaci Jesús coráillena ríirerie jicá diaíói. Jamánomo ríirerie íaíói jícajama, íaíói jitaica otíaiói. ²⁴ Íaíói jícajana are illa ícoínia Pilato faíríote. ²⁵ Afe jira nana llavécanuíaímona afe nízeza Barrabás Pilato zuitade. Afe Barrabás illaíma uáitano jíáilláima jóoneacana ícoínia íena llavé diaíói. Afe izói jíáima ie tita ícoínia, llavé diaíói. Mei íadi Pilato afe comini jitailla izói Jesuna fecade.

Jesús cruzmo coráidíaiói

(Mt 27.32-44; Mr 15.21-32; Jn 19.17-27)

²⁶ Jesús íaioi coráiailla llezica Cirene énie ímie Simona llaitádiaioi; Jesús uiga cruz íena uitátatiaioi. Afémie jino jacáfaimona jófuemo bite. Jira Jesús rocaca cruz Jesús óodana uitátatiaioi.

²⁷ Afe llezica diga comini afémie óodana jáidiaioi. Daje izói diga ringóniai afémieri zúucaillano écana jáidiaioi. ²⁸ Mei íadi Jesús aféngotiamo érocaillano daide:

—Jerusalén ringóniai, mai cueri éeñeno iri. Mei jíáifodo dani omoi abiri eeri. Daje izói dani omoi úruiaimo eeri. ²⁹ Mei jamánomo zúurediruillaimo dúciitiaioiza. Aféruimo bie izói dáitiaioi: “Uruena comuítañedingotiai, jñi caimare illa! Daje izói úruenidingotiai, jñi caimare illa! Afe izói úrue mónoina jirótañedingotiai, nii caimare itíaioi.” ³⁰ Aféruimo comini caifóneduaina dáitiaioi: “Cai emódomo jaíri,” dáitiaioi. Afe izói duera íduaina dáitiaioi: “Cai retáidori” dáitiaioi. ³¹ Mei birui nífuenidimiedicue ia bie izói duere cuena finódiaioi. Iemona jáíruido fiénidino cue duere zefuilla baimo duere finólliaioi, —daide.

³² Afe llezica mena come, comini fáfiredino Jesús diga daane coráillena uitíaioi. ³³ Calavera maméidinomo dúcillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jíáimie ie jarífezimo coráidiaioi. ³⁴ Ie íaioi coraina llezica Jesús daide:

—Moo, íaioi fieni finócafue iba oñeno iri; abina onóñediaioi daíi ñíaza, —daide.

Afe mei fuiríraini onótaraji dotádiaioi Jesús iniroi áfedo dani íaioi maiñóllena. ³⁵ Afénomo ite comini acáritiaioi. Afémaci naa nairai imaci illáicomini afémie áfeduano daidíaioi:

—Jíáimana jíllotafiredioza, ua o Cristo o íadi, daje izói Juzíñamui nizécamierna o íadi, daje izói Juzíñamui mai o abi jíllota, —daidíaioi.

³⁶ Daje izói fuiríraini íena áfedodiaioi. Ainozillano rochíredijina, figóñede vino íena jirótatiaioi. ³⁷ Jirótano daidíaioi:

—Judúuai Illaíma o íadi o abi jíllota, —daidíaioi.

³⁸ Ie ifo acónimo cuezábici jae jóonega. Afébici dazieámani uai cúeina: griego, íemo latín, íemo hebreo diga. Afébicimo daide: “Bímie Judúuai Illaíma.”

³⁹ Coraica fiénide íaillinoimona dáamie Jesús uáitano daide:

—Cristona o íadi, mai o abi jíllota coco diga, —daide.

⁴⁰ Mei íadi jíáimie ie nabáimie llétajano daide:

—¿Nibái mei Juzíñamuina o jacíruiñedio? Daje duere finóinafue anamo itíoza. ⁴¹ Coco aillo finócafue ite. Jira dúere finóbidicoco. Coco finoca fiénidifue iba ua otíaioi. Mei íadi bie íima fiénidifuea finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo úbicairi, —
daide.

⁴³ Jira Jesús uai ote:

—Uáfueña ona dáitícue, ja birui cue diga ñue ebíredinomo
ítio, —daide.

Jesús tílla

(Mt 27.45-56; Mr 15.33-41; Jn 19.28-30)

⁴⁴ Ja jitoma jaíciri illa llezica nániena nauúbicaide. Afe
nauilla are ite. Ua jitoma arífemona ana ítemo llíicaide.

⁴⁵ Afe llezica jitoma ui duide. Jítireficaide. Daje llezica
gairíracomo fetácaroi caifona ana eróicana dáafenedo daingo
cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daií dainano tíide.

⁴⁷ Romano illaíma afe íficaidifue cióillanona Juzíñamuimo
caimátaide. Daide:

—Uáfueza. Bímie jaca níifuenidímie, —daide.

⁴⁸ Daje izói nana afénomo ite comini bie íficaidifueña cióillano
afénomona íaiói jófueño jamánomo zuure jáidiaíoi. ⁴⁹ Mei íadi
nana Jesús onóigamaci aféfuiaímo jicana acáritiaíoi. Daje izói
Galiléamona Jesudo jaide ringóniaí jicana acáritiaíoi.

Jesús raitíaíoi

(Mt 27.57-61; Mr 15.42-47; Jn 19.38-42)

⁵⁰ Judea éniemo ite Arimatea jofue ímie José afénomo ite.
Afémie ñue comeci jaícina jóidímie. Afe José judíuai ocuide
illáicomínimo jainaide. ⁵¹ Afe bie José Juzíñamui illáimana
illíruimo ocuírífiredede. Afe jira afémie jáie judíuai ocuide
illáicomini finócana jieruíñede. ⁵² Ie jira afémie Jesús abi
Pilátomo jícajide. ⁵³ Afémie Jesús abi crúzmona ana uano áillue
iníroina junide. Junilla mei, idu anamo nofícimo finócacojimo
afémie Jesús raite. Aféfomo nai buna ráíñena. ⁵⁴ Nana
bífuiaí viernes nauife dibéñedo zuíde. Jaca uícodo viérnemo
ocózinaillaruimo jitaica raana finófirediaíoi.

⁵⁵ Afe Galiléamona Jesudo bite ringóniaí Jesús ráinano
érozaidiaíoi. Afe llezica ie abi tíide bíinana ciódiaíoi.
⁵⁶ Aféngotiaí meine jofomo jaillano, ziórediji, naa abi bíraniaíri
finódiaíoi. Afe mei ocózinaillaruimo ocuica uai daina izói
ocózinaidiaíoi.

24

Jesús tíllanomona meine cáadimiena jaide

(Mt 28.1-10; Mr 16.1-8; Jn 20.1-10)

1 Semana nanóidiruido afe ringóniai raire jítiramo Jesús raiáfo érozaidiaioi. Iaiói finoca zióredijillai uitíaiói. Iemo jiáie ringóniai íaióina nabáidiaioi. 2 Afe ringóniai afénomo dúcúdiaioimo, raiáfo ibailla nofici nano illa izóí iñede. Oni eneno jónega. 3 Aféfomo jofó jáidiaioi, mei íadi jofó jáidiaioimo cai Ocuíraima Jesús abi cíóñediaioi. 4 Afemona iere jacínaitiaioi. “¿Níie izóí íitícai?” daidíaiói. Daií íaiói daina llezica mena iima aféngotiai áinori naidáinana cíodiaioi. Afe íaillinoi quenírede iniroi jítádiaillinoi. 5 Afe íaillinoína cíoillano, iere jacínaitiaioi. Jacínaillamona ana éniemo bíjicaidiaioi. Iaiói bíjicailla llezica afe íaillinoi aféngotiaína daide:

—¿Níbái mei cáadímie tíidino cígido jenódiomoi? 6 Afémie ja benó iñede. Ja meine cáadímiena jáideza. Naui Galiléamo ie illa llezica, ómoína ie daina uaimo uíbicairi. 7 Afénomo afémie bie izóí ómoína daide: “Nanoide iima Jitó Cristo fiénide comínimo fecalle. Afémiena cruzmo córaitiaioi. Iemo daruíamani íllemona meine abido cáadímiena jáite,” —daidíiaillinoi.

8 Afemona aféngotiai Jesús íaióina daiífírena uaimo uíbicaidiaioi. 9 Afe mei raiáfomona meine bitíaiói. Billano nana bífuiai once dígade llófuegamacimo llotíaiói. Daje izóí jáíimacimo llotíaiói. 10 Bífuiai llocana uitíngotiai mámeciai be níie: Magdalena énie ingo María, íemo Juana, íemo Santiago ei María, naa jiáie ringóniari. 11 Mei íadi aféngotiai íaióina dáinana uáiritaidino úrilla izóí cacaide. Jira aféngotiai llógana íinoñediaioi.

12 Iemo Pedro íinoñede íadi, Jesús raiáfomo aizícana jaide. Jofó eromo érocaidemo dama ie juníllaroi dínomo jóidena cíoizaide. Afe mei Pedro afénomo íficaidemo fáigacaillano meine jofomo jaide.

Emaús jofue iomo Jesús cíocaide
(Mr 16.12-13)

13 Aféruído afémacimona ménamie Emaús jofue iodo jaide. Afe jofue Jerusalémoma once kilómetros díno jino ite. 14 Afeodo jailla llezica, nana aféruillaído itífuiai júfidocana jáidiaillinoi. 15 Iaillinoi úrilla llezica Jesús íaillinoimo áinozide. Dúcúillano afe íaillinoi díga jaide. 16 Afémiena cíodiaillinoi mei íadi afémiena onóñediaillinoi. 17 Jira Jesús afe íaillinoimo jícanote:

—Íodo ómicoi jailla llezica, ¿nífue júfidotiomoicoi? ¿Níbái mei iere zuure itíomicoi? —daide.

18 Afe íaillinoimona, Cleofas mámeciredímie uai ote:

—Nana comini biruíllaido Jerusalemó finócafuiaina fidídiaioi.

Afeno ímiedo íadi ¿meita aféfuaiaina jaca nai fidíñedio? — daide.

¹⁹ Iemona afémie íaillinoína daide:

—¿Nífue finódiaioi?

Jira íena daidíaillinoi:

—Nazaret ímie, Jesús ñue riire uai llórama aillo ebírede raana uaido finode. Afena Juzíñamui eróicana finode, daje izói nana comini ui cíoicana finode. ²⁰ Mei íadi lletáriraini illaini naa cai ocuídillaini diga afémiena coráiano titállena fecádiaioi. ²¹ Afe llezica íemo ocuídricai, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²² Ie emódomo cáimona ringóniai ja caina jacínaitade. Aféngotiai raiáfomo nai jítiredemo jaillano íaioi ciónana meine caimo lluíbítiaioi. ²³ Ie abina cíóñediaioi. Mei íadi Juzíñamui abi imaci ángeles dainámacina jae cíódiaioi, daidíiaioi. Afe ángeles ringóniaina daide: “Jesús caade.” ²⁴ Iemona cáimona raiáfomo jáidiaioi. Dinomo ringónaiiai llua izói baitíaioi. Mei íadi Jesuna cíóñediaioi.

²⁵ Jira Jesús daide:

—¡tere féitafirediomo! Nana uai llóraini daináuaina iere rairuíoicana ínotiomo. ²⁶ ¿Uáfueñede Cristo ie ebíredinomo nai jáíñena llezica, afémiemo bie duere finóbillafue jítáirede?

²⁷ Ie mei nana Cuegáuaimo afémiedo dáinana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jáíe uai jino llóraini llogánicomo itino jino ñue llote.

²⁸ Jófueмо dúcidiaioimo, Jesús iodo nai jáiacadena éroide.

²⁹ Mei íadi afémiena jeruídiaillinoi. Daidíaillinoi:

—Jae nauízaiZeza, mai benó coco diga fiebi, mei ua jítireoicaideza, —daide.

Jira Jesús jofu jaide íaillinoi diga íllena. ³⁰ Jae íaioiri jofu güirábanimo ráillano pan llínote. Llínuano Juzíñamuina:

—Iere figora, —daide.

Daií dainano dítajano íaillinoimo ite. ³¹ Afe llezica íaillinoi ui túijicaillamona íena onódiaillinoi. Afe mei afémie cíóbicaíñena.

³² Conímána daidíaillinoi:

—¿Uáfueñede iodo cai úrica na jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

³³ Iemo afénomo are íñeno meine Jerusalemo abido jáizaidiaillinoi. Dinomo once orécamací naa íaioi nabáiñiari dáanomo gairide baizájidiaillinoi. ³⁴ Afénomo itino íaillinoína daide:

—Uáfueza cai Ocuíraima ja meine abido caade, Simón Pedro ja íena cíode. ³⁵ Iemo afe íaillinoi afémacimo nana iomo íaioi úrillafuena llotíaillinoi. Afemona Jesús pan ditada íllamona afémiena íaillinoi onónana gairídinomo llotíaillinoi.

*Jesús ie llófuegamacimo cíozite**(Mt 28.16-20; Mr 16.14-18; Jn 20.19-23)*

36 Afe íaillinoi dái namo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiño, uái omoi iri, —daide.

37 Afémiena cíoillano, “¡Come joreño caimo billa!” dainano iere jacínaitiaioi; cuidíridiaioi. 38 Mei íadi Jesús íaioina daide:

—¿Nibái mei jacínaitiomoi? ¿Nibái jizíreoicana cue ínotiomoi? 39 Bené cue ónoimo érocai. Daje izói cue ídaimo eroi. Níimedicue. Cue abi jeta. Cómedicueza ónoi. Ja cue abina cíodiomoiza. ¡Minica joreño ícurunideza; íeizinide! —daide.

40 Daií daina llezica ie onoi ie ídai diga afémacimo ácatate. 41 Mei íadi afémaci íóbidiaioi ía, iere uáinificaidiaioi. Ie jira afémie uáfuenta íllana nai figo íinoñediaioi. Jira Jesús íaioina daide:

—¿Benó ómoimo due güíllena ite? —daide.

42 Ie jira ruica chamu íemo ítiaioi, naa due caífo íji diga. 43 Afe líinota íaioi eróicana güite. 44 Afe mei íaioina daide:

—Nana nauí cuemo íficaidífuiaí, nauí omoi cígimo cue illa llezica, ómoina cue daina be ñie. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izói jaiái uai jino llóraini cue dibénedo úrite; íemo jíái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

45 Iemona Juzíñamui Cuegáuaimo dái nana Jesús afémacina ñue onótate. 46 Íaioina daide:

—Cuegáuaimo daina izói Cristo jaca tíirede. Daje izói daruíamani íllamona afémie tíllanomona meine cáadimiena jáirede. 47 Daje izói Jerusalémoma oní nana jíáie náraíaimo comini comeci ífuiaí íaioi méidollena cue mámedido llórede. Daje izói comeci íaioi méiduamona íaioimo ite fiénidífue múiñua cue mámedido llórede. 48 Nana bie cuemo comuídífuaí uai nabáirainidíomoi. 49 Ie jira cácarei, cue Moo uícodo lloga fecáacaga Ñuera Joreño ómoimo óreitícue. Afe caifona bille ríino omoi nai líinoñeille dino, benó Jerusalén jófuego omoi iri, —daide.

*Jesús ja caífo monamo jaide**(Mr 16.19-20)*

50 Afe mei Jesús afémacina jofue jinomo uite. Betania áinomo jáidiaioi. Afénoimo Jesús onoi caífo ñúitajano íaioi ñue íllena llote. 51 Daií ie daina llezica afémacimona oní jírecaillano afémie ja caífo monamo uiga. 52 Afémiemo íaioi caimátailla mei, abído Jerusalemo iere íóbicana jáidiaioi. 53 Afemona

afémaci Juzíñamuimo gairíracomo ífirediaioi. Afe llezica aillo
ñúefuiaí Juzíñamuimo nitáfirediaioi. Daiítadeza. Jae nñe.

JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

Juzíñamui Uaina maméidimie ímana íficaide

¹ Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ² Ua nanóidiruimo afémie Juzíñamuimo ite. ³ Afémiedo Juzíñamui bínie naa ráaniairi finode. Minícana íñede afémie finóñegana. ⁴ Afémiemo cáallino ite. Afe cáallino nana comini egáíñote. ⁵ Afe egáíñotino jaca jítiredinomo egáíñote; íadi afe jítiredino afe egáíñotinona jaca dúitanide.

⁶ Daa Juzíñamui orécamie biniemo bite. Afémie mámecei Juan. ⁷ Afémie uai nabáiraimana bite egáíñotinodo ñue úrillena. Daií úrizabite, afémie daináfuedo nana comini íñollena. ⁸ Juan dama egáíñotimieñede. Fia afémie orécamie egáíñotimie uai nabáiraimana úrizabite. ⁹ Afe egáíñotimie uáfueña ñue egáíñotimie. Bie egáíñotimie nana caimo egáíñote. Afe egáíñotimie biniemo dúcizabite.

¹⁰ Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi. ¹¹ Afémie ie éniemo bite, íadi ie comini afémiena llínoñediaioi. ¹² Mei íadi dáarie mei afémiena llínotiaioi; afémiena ínotiaioi. Afe ínotino riinoreduaina igáiaioi, Juzíñamui úruiaia íaioi jáillena. ¹³ Afe úruiaí come móotiaí úruiaí izóí cómuítañega. Come móotiaí bie énie comuilla izóí, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiaí dama Juzíñamuimona comuide.

¹⁴ Afe Uaina maméidimie cai come abi izóí dama íficaide. Ie mei cai cigiri nano nié dino ite. Afémie comécimo ñúefuiaí illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵ Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uieco dibénemo jaide, cue íñeniadi íteza, —daide Juan.

¹⁶ Afémie aillo ñuera ráfuiamona caimo ñue ézicigafuiaina llínoticaí. Ua nana fáicanocaiñeno llínoticaí. ¹⁷ Juzíñamui caimo ocuífafue Moisedo oreca, íadi izíruinafue uáfuiái diga Jesucristodo bite. ¹⁸ Buna jaca Juzíñamuina cíóñena; mei íadi

dama daade ie Jitó, ua Moo comeci áinomo itímie, baie Juzíñamui ífuena cai onótatímie.

*Báutizaraima Juan Jesucristodo ñue úrite
(Mt 3.11-12; Mr 1.7-8; Lc 3.15-17)*

¹⁹ Jerusalemo ite judíuai, dáríe lletáraini Levítaniai diga Juaamo orédiaioi. Daií íaioina orede báimiemo jicánollena, “Búdio” daiíllena. ²⁰ Afémie jáanoñeno llote. Daide:

—Cue Cristoñedicue, —daide.

²¹ Nane dáanomo íemo jicánotiaioi:

—¿Búdio mei? ¿O Juzíñamui uai llóraima, Elíadio? — daidíaioi.

Juan: —Íeñedicue, —daide.

Íemo nane jicánotiaioi:

—¿Nii Juzíñamui uai llóraima bille dainámiedio? —daidíaioi.

Jira uai ote: —Íeñedicue, —daide.

²² Ie jira íena daidíaioi:

—¿Mei búdio? cai orédinomo fairíogafuena cai uíllena. ¿Mei nie izói caina o abi ífuena dáitio? —daidíaioi.

²³ Juan íaioi uai ote:

—Cue dama jofue iñénanomo caillide uáidimiedicue. Bai Juzíñamui io jaícina zitari, jaiái Juzíñamui uai llóraima Isaías daina izói, —daide. ²⁴ Juan diga úrizabitino jae Fariséuaimona orécaiaioi.

²⁵ Ie mei Juaamo jicánote:

—Mei Cristoñedio, Elíañedio, Juzíñamui uai jino llóraimañedio, ¿nibái mei báutizaibifiredio? —daidíaioi.

²⁶ Juan íaioina daide:

—Fia jáinoido báutizadicue. Mei íadi omoi cígimo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

²⁸ Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dinomo nauí Juan comini báutizafirede.

Jesús, Juzíñamui Cordero

²⁹ Afe meifo iruido Juan ja Jesúna ciode. Jesús Juaamo áinozide. Ainozidemo Juan daide:

—¡Eroi! Juzíñamui Cordero daina ie Ovéjana mamécamie. Ua, afémie nana comini fiénidifue oni dóraima. ³⁰ Nauí afémie cue llogámie “Cue óodana daa iima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano itímieza.” Daií nauí afémiedo úriticue.

³¹ Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

³² Ie emódomo daide Juan:

—Ja Juziñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiébide. ³³ Jaca nanómona onóñedicue nibai bu. Mei íadi jáinoido comini báutzallena daí cuena ocuídímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoitio. Afémie Ñuera Joreño itátatímie.” Daí cuena daide. ³⁴ Ja íena ciódicue. Ie jira ñue llóramadicue. Uáfuenta lloticue. Afémie Juziñamui Jitó, —daide Juan.

Jesús nano fueñe ie llófuegamaci

³⁵ Afe meifo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióillano, Juan daide: —Eroi bímie Juziñamui Cordero daina ie Ovéjana mamécámie, —daide.

³⁷ Iemo Juan llófuegamie íaillinoi ie daináfuenta cacáillanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Íaillinoína daide:

—¿Bu mei jenódiomicoi? —daide. Afe íaillinoi afémiena daide:

—Llófueraíma, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jitoma ana ítemo, afémieoíri iruido fiébidiaillinoi. ⁴⁰ Daa afe íaillinoimona ua Juan llogáfuenta cacádinomona, Jesús diné jáidímie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesíana, Juziñamui mámecigamiéna jae baiticai. Cristo jíáfodo mamécámie, —daide. ⁴² Ie mei Andrés Jesús illánomo Simona uite. Dúcidemo Jesús íena cióillano daide:

—O Simona, Jonás jitódio. Iadi biruímona Céfana mámeitio. Pedro jíáfodo mameína.

Jesús Felipe uáidote Natanael diga

⁴³ Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴ Afe Felipe Betsaida jofue ímie. Andrés Pedro diga daano imaci. ⁴⁵ Ie mei Felipe dinena Natanael baizájide. Baizájillano daide:

—Moisés ocuica uai ciegánicomo llogámie ja ciódicai. Ua Juziñamui uai jino llóraini llua izói, afe íaioi llogámiena ciódicai. Afémie Jesús, José jitó, Nazaret jofue ímie, —daide Felipe.

46 Natanael dinena daide:

—¿Niga ñue fue jadí Nazarémona fidiitio? —daide.

Felipe uai ote:

—Eróizaibi, —daide.

47 Jesús Natanael áinozillana cióillano daide:

—Benomo bite nahí israelita ímie; jífuia fue afémiemo iñede,
—daide.

48 Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera
anamo o íllana ciódicue, —daí Jesús daide.

49 Iemo Natanael daide:

—Llófueraíma, O Juzíñamui Jitódio. Israel Illáimadio, —
daide. 50 Jesús ie uai ote:

—¿Dama cue dáinana higuera anamo ona ciódicue iedo daí
cuena ínotio? —jicánote Jesús. Afe emódomo Jesús íena daide:

—Bie rafue jinomo jíáie áillue ráfuena cíoitio, —daide.

51 Iemo afe emódomo Jesús afémacina daide:

—Uáfuena ómoimo llóiticue. Mona túiñuana cíoitio moi.
Iemona Juzíñamui abi imaci, ángeles dainámaci, cuemo ana
bíitiaoí, caífo cúemona jáitiaoí. Mei Nanoide íima Jitódicueza.
Afena cíoitio moi, —daide.

2

Galilea éniemo Caná jófuemo áirena fue

1 Daruíamani íllamona, jadí Caná jófuemo, Galilea éniemo,
áirenamona iráizillafue finódino. Jesús ei afénomo ite. 2 Jesús
naa ie llófuegamaciri ja afe áireina ráfuemo uáidogamací. 3 Afe
iráizillafuemo jirórai, vinoi fuilla. Ie ei Jesuna daide:

—Ja vino iñede.

4 Jesús uai ote:

—Ei, ¿nibái cuena daí daidío? Cue jíruillaruímo nai
dúciñede, —daide.

5 Mei íadi afengo afénomo ite jirolle atíraínina daide:

—Mai, nana afémie daina díga fino, —daide.

6 Dinomo seis díga icírui, nofiruí ráide. Judíuai afe
icírui oruítajano jíáimaci ñue oréllena nícidofirediaoí, íaioí abi
fíenidí fue dóllena. Naga icírumo ochenta o cien litros oruízite.

7 Iemo Jesús atíraínina daide:

—Jadí icírui jáinoina oruítari, —daide.

Iemona fuemo jibíezidiaioí. 8 Iemo Jesús íaioina daide:

—Due uano rafue náamamo uiri, —daide. Daí finódiaoí.

⁹ Iemo afe rafue naama jainoi facádemo, jáinoiñede. Jae vino. Rafue naama onóñedemo icíruai jáinoina oruízite. Dani atídino áfena onona. Afe vino nimánuanona, rafue naama ringo óiacadimie uáidote. ¹⁰ Iena daide:

—Nágamiiai ñújei nano fueñe atífirediaioi. Ie mei nana uáidogamací aillo jirolle mei, jamai vino atífirediaioi. Mei íadi nai biruido ñújei ja o éenoga, —daide.

¹¹ Afe vino méiduafue ua Jesús nanoide uaido daingo comútaga raa; afefue Galilea éniemo, Caná jófuemo finoca. Bie uaido comútaga raado afémie ie ebírede ríino jino cíotate. Iemona ie llófuegamaci ñue íena ínotiaioi.

¹² Ie meífodo Capernaúmo, Jesús jaide ie ei diga, ie ámatiai diga, ie llófuegamacíri. Dinomo ja bai niga mona itíaiioi.

*Jesús Juziñamui gairíracó ñue duafue
(Mt 21.12-13; Mr 11.15-18; Lc 19.45-46)*

¹³ Aféruillaído Judíuai pascua rafue áinozide. Iemona Jesús Jerusalemo jaide. ¹⁴ Afe dinomo gairíracó eromo juráriai, ovejai, íemo fíicirillai dieze fecáriraimacina Jesús cíode. Dáanomo úcube méidoraini ráiidiaioi. ¹⁵ Afena cíoillano Jesús ñécigai móillano jiura finode. Afedo gairíracó erómóna nana fecáriraini íaiioi juráriai ovejai diga jino jiude. Daje llezica úcube méidoraini úcubetunillai Jesús ana jutade. Iaiioi úcube facádorabani Jesús oni caitade. ¹⁶ Fíiciri fecárainina daide:

—Bie raa benómóna oni ui. ¡Cue Moo jofo fecáriracona mamériñeno iri! —daide.

¹⁷ Ie mei afémie llófuegamaci jaiiai cuegáuai úbicaidiaioi. Afe uai llote: “O jofo cue ríiduamóna cue abi íñeite izoide,” daide.

¹⁸ Iemona Judíuai afémiemo jicánote:

—¿Minícado o ríinóna cai ácatatio? ¿Bie raa o fínuana bu o ocuilla? —daidíaiioi.

¹⁹ Jesús íaiioi uai ote:

—Cue ríino ómoimo bie izói ácataiticue. Bie gairíracó omoí júdai, ie mei daruíámani íllemona meine nane caifo cue raiñolle, —daide.

²⁰ Jae judíuai Jesuna daidíaiioi:

—Cuarenta y seis fimóna niga gairíracoca; ¿íeca daruíámani íllamóna meine abido caifo o ráiñoiti? —daidíaiioi.

²¹ Iadi afémie dáina uai gairíracó, dama ie abi llote.

²² Iemona Jesús tíidinomóna meine abido cáaillano ie llófuegamaci bie dáina uaimo uibíoidiaioi. Daje llezica Cuegáuaina ínotiaioi nana Jesús íaioina dáina uai diga.

Jesús nana comini comécina onode

²³ Jesús Jerusalemo illano, pascua rafue llezica, aillo comini afémiena ñue ñnotiaioi. Ua íaioi cíófinina afémie uaido fínuana cíodiaioi. Afena cíoillano afémiena ñnotiaioi. ²⁴ Mei íadi Jesús afe comínimo ie abina nai rairuide. Mei nana imaci comécina onódeza. ²⁵ Jiái come afémiemo comini ífuenta llónide. Dama afémie dinena íaioi comeci ífuenta onode.

3

Nicodemo Jesumo úrillafue

¹ Daa Judíuai illáima mámeçi Nicodemo. Afémie fariseo. ² Afe bie Nicodemo naio Jesumo úrizabite. Jesuna daide:

—Llófueraima, Juzíñamui orécao cai llófuellena onódicai. Juzíñamui cómemo íñeniadi bu bie ríirede cíófinina fínuana ácatanide. Ua o fínua izói buna finónide, —daide. ³ Ie jira Jesús íena daide:

—Uáfuenta dáitícue: meine nane jéiciñegamie jaca Juzíñamui illáimana illánona cíóñeite, —daide. ⁴ Jira Nicodemo jicánote:

—¡Jae éicomedicai! ¿Ñie izói meine jocóllicai? ¿Meine nane ei eromo come jáirede, dáanomo abido jéicillena? —daide. ⁵ Ie jira Jesús uai ote:

—Uáfuenta dáitícue: meine nane jáinoína jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jéicigamie jaca come. Iadi Juzíñamui Joréñomona jéicigamie jaca joreño. ⁷ Cue ona daínáfueri jacínaiñeno iri. Uáfuenta nágamie comue jéiciafue, ua caifona jéiciafue jaca jitáirede. ⁸ Jairifo náganomo ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jéicigano, afe jairifo izói itíaiioi, —daide.

⁹ Jira meine nane Nicodemo jicánote:

—¿Ñie izói bie iite? —daide.

¹⁰ Jesús uai ote:

—¿Ñibái mei jicánotio? O iere aillo Israel llófueraimana o íadi ¿bie ráfuenta onóñedio? ¹¹ Uáfuenta dáitícue: cai onóigafuedo úriticai. Cai cíónafuenta féinino lloticai. Mei íadi cai ómoimo llogáfuenta ñnoñediomoí. ¹² Bie énie raado ómoimo cue úriadi nai ñnoñeniadi, ¿nie izói cuena ñnoitio mona ero ráfuedo cue úriadi? ¹³ Buna mona eromo jáiñede. Dama monámona ana bitímie, Nanoide Hima Jitó, monamo jáirena; mei nauí monamo itímieza. Dáamiedicue. ¹⁴ Nauí jaiái Moisés jofue íñénazicimo jaio caifo ráiñua izói ua afe izói caifo ráiñobicaitícue. Nanoide Hima Jitódicueza. ¹⁵ Ua afe cue ráiñua jitáirede nana cuemo ñnotino fiénidífueмо báíiñeillena. Mei íadi ñnotino zíiñona lítiaioi.

Juzíñamui nana comínina izíruillafue

¹⁶ Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ñnotino jaca ninomo féiraiñeillena; mei jiáifodo ñue zíñona íaioi íllena. ¹⁷ Comini fiénidifue iba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

¹⁸ Juzíñamui Jitomo ñue ñnotimie duere finóbiñede. ñnoñedimie jae duere finóbide, Juzíñamui daade Jitomo ñnoñena jira. ¹⁹ ñnoñedino jae duere finóbidiaioi. Mei ua ñue egáñnotimie ana bie éniemo bítemo, jítinona jamánomo gáidiaioiza, fiénidifue finódinona íaioi illa jira. ²⁰ Nana fiénidifue finóraini úzefona éoidiaioi. Jaca úzefomo áinoziñede. Ua íemo áinoziñediaioi íaioi fiéni finócafueña ónoñellena. ²¹ Uáfueño comeci facáñino úzefomo áinozifirediaioi. Íaioi finócafue jaca Juzíñamuimo cacáñinona íaioi illa izói finódiaioi. Uzeño íaioi finócafue jaca daíi ñue cíoitae, —daide Jesús.

Báutizaraima Juan Jesudo meine úrizabite

²² Ie meífomo Jesús Judea éniemo jaide, ie llófuegamaci diga. Díno diga irui itíaioi. Díno comini báutizadiaioi. ²³ Daje llezica Juan, Enón éniemo báutizade. Enón Salim áinomo ite. Díno báutizade, aillo jainoi illa jira. Iemona comini báutizabitiaioi. ²⁴ Bifue finódiaioi Juan nai llavéracomo úñenia.

²⁵ Juan llófuegamacimona dáarie judíuaimo úrizaide. Comini íaifue oni dollínodo úritiaioi. ²⁶ Juana daíizabitiaioi:

—Llófueraima, nauí o diga itímie, Jordán ruicáfellemo itímie, caimo o llogámie, ja comini báutizade. Nana comini afémie diné jáidiaioi, —daííaioi.

²⁷ Iemo Juan afémacina daide:

—Juzíñamui cómemo ifue fécañenia, bumo ráfueña íñeite. ²⁸ Cue nauí uáfuedo dáinafue daní cacáñiomoi. “Cristoñedicue” daídícue. Afémie uícode orécamedícue. ²⁹ Airenañfueño ringo otímie ua ringo óite. Otímie nabai afe díno itímie ie úrillana cacade. Cacáñlanona íeri iere íóbite. Daje izói biruido cue íóbídicue. ³⁰ Nágarui afémie jamánomo illáñmana jáizaide. Ie llezica cue jabómieitícue. Daíi jítaírede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífueña úrite. Mei íadi monámona bitímie nana cai baímo jamánomoidímie. ³² Afémie cacánañfuedo úrite ie cíonafue diga. Íadi afémie dánana buna ñnoñena. ³³ Da come ie dánana ñnoiadi daíi Juzíñamuimo faíriote.

Ua daií Juzíñamui uáfueña dainafue uáfuetaita. ³⁴ Juzíñamui orécamié Juzíñamui uáillaído úrite, mei Juzíñamui ie Joreño afe orécamiemo facáñeno nana íteza. ³⁵ Moo ie Jitona izíruiite. Naga itínuiaina afémiemo fecade. ³⁶ Iemo ie Jitona ínotimiemo fúíñeite illánona íemo ite. Mei íadi Jitona ínoiacañedimiemo afe fúíñédinona íñeite. Juzíñamui afémiena iere duere fínoite.

4

Jesús Samaria ingomo úrite

¹ Fariséuai Jesús Juan baimo aillo comini jáillana fidídiaioi. Daje izói Jesús Juan baimo báutizafirenana fidídiaioi. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abido Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófueмо dúcide. Afe jofue mámeци Sicar. Sicar áinori Jacob feci énie ite. Afe éniena ie jító Josemo maiñótate.

⁶ Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ráinade ocózinaillena. Jae jaíciri íacademo. ⁷⁻⁸ Ie llófuegamaci jófueмо güille jae íbajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoina cue jírota, —daide. ⁹ Ie jira Samaria ringo Jesuna daide:

—¿Níbái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dinómona judíuai samarítánuaimo nabáirainide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítío. Daje izói omo jainoi jicádimiena, o onóadi ua raire cuemo jícaítío; íemona ua cáadijina o ííticue, —daide.

¹¹ Afengo afémiena daide:

—Íima, o jainoi olle raa íñede. Jainoi orano afórede. ¿Nínómona cáadijina cue íítío? ¹² Cai jaiáigimie Jacob bie jainoi orano caimo iga. Benómona afémie jíruaide ie úruiai diga. Ua dájemona afémie tóiníai jíruaide. ¿O iere afémie báimoidío? —daide.

¹³ Jesús uai ote:

—Nana bie jáinoimona jiródímaci nane meine abido jiróacaitiaioi. ¹⁴ Mei íadi cue jirótagano jaca meine abido jiróacañeitiaioi. Omo cue ille jainoi ua zíñona ítíji. Nágarui caimare o itátate. Illánona fúíñeitinona omo íficaitaite, —daide.

¹⁵ Ie mei ringo afémiena daide:

—Íima, jadíe jáinoina cue ine; ja cue jíroacañeilleza, ua nane meine bie jainoi oránomo cue bíñeilleza, —daide.

¹⁶ Jesús aféngona daide:

—O ini jírízairi ie mei bené bi, —daide.

¹⁷ Ringo uai ote:

—Inínidicue, —daide.

Ie jira Jesús aféngona daide:

—Uáfuenta daidío. Inínidío. ¹⁸ Jae cinco dígacaiño iníreidio; birui o illámie o iníñede, —daide.

¹⁹ Afena cacáillano ringo afémiena daide:

—Iima, Juzíñamui uai llóramiedio ja onódicueza. ²⁰ Cai jáiaimaci Samaritánuai bie ídumo Juzíñamuina ióbitadiaioi; ñúefuedo íemo úrizaibitiaioi. Mei íadi o íemo naa judíuairi jíáfodo daidíomoi. Jerusalem o cai gairíllano Juzíñamuina cai ióbitallena daidíomoi, —daí afengo daide.

²¹ Jesús uai ote:

—Ringo, cuena ñno. Jíáiruimo ja dúciizaide. Aféruimo bídumo biñeno, Juzíñamuina ióbitaitíomoi. Daje izói Jerusalem jíañeno, Juzíñamuina ióbitaitíomoi. ²² Omoi ióbitagamiena onóñediomoi. Iadi cai ióbitagamiena onódicai, ñibai jíllonafue judíuaimona bíteza. ²³ Jae como cue llogáruimo dúcide. Jae birui aferui. Naga Moo Juzíñamuina uáfuenta ióbitacadimie afe o joréñodo uáfuenta afémiena ióbitaite. Daí Moo Juzíñamui cai íena ióbitallena jítaide; ua nana afémiena ióbitacadino daí bíllana Moo jítaide. ²⁴ Juzíñamui ua Joreño. Afémiena ióbitadino íaioi joréñodo uáfuenta ióbitaitiaioi, —daide.

²⁵ Iemona afengo íena daide:

—Cue onódicueza Mesías biite. Afe Mesías daina Cristo. Afémie bia nana ñue rafue caimo jino llóite, —daide.

²⁶ Jesús daide:

—Níimiedicue, ori úrilla, —daide.

²⁷ Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jícanoñena áfena. Ua afémiemo afengo jítaíllana jícanoñediaioi; “¿Minícafuedo úritíomicoi?” íena daíñediaioi.

²⁸ Ie mei afengo íciru fiénocaillano, jófuemo jaide. Dinomo comínimo llujáide:

²⁹ —Nana cue finócafue jino llotímiemo omoi éroizaibi. ¿Bie afe Cristoñede? —daide. ³⁰ Ie jira jófuemona Jesús illánomo jáidiaioi.

³¹ Afémaci bitiaioimo ie llófuegamaci afémiena jícade:

—Llófueraima, due güi, —daidíaioi.

³² Ie jira afémie daide:

—Cuemo ite güíllena omoi onóñediomoi, —daide.

³³ Ie jira ie llófuegamaci como fueñe conímamo jícanotiaioi:

—¿Jíáie come afémie écaibite? —daidíaioi.

³⁴ Ie jira Jesús afémacina daide:

—Cue orédimie comeci jítaina izói cue finóadi bie cue güillena. Daje izói ie tájina cue fuitáadi, güíticue izoide. ³⁵ Omoi llua: “Nai riga raa ollíruimo cuatro diga fiui ite” daidíomoi. Mei íadi dáititue: Erocai. Ja rigánuemo eroi. Ja jéiaruimo áinozide. ³⁶ Ollemo tájidimie iba llínote. Afe oga llízieniai jaca ninomo fiébite; ua fúíñeite illánomo fiébite. Ua ríjiraima óraima diga dáanomo camátaillena daií ite. ³⁷ Omoi jaiiai daina uáfueña llote: “Ríjiraimie dáamie íadi otímie jiáimie.” ³⁸ Jae omoi ríñeganomo ómoína orédicue. Jiáimaci tájidiaioi íemo íaioi tájina caimare ínotiomoi, —daide.

³⁹ Aillo Samaria jofue imaci Jesumo ínotiaioi. Ua uafue ringo llogáuaido Jesuna ínotiaioi. Afengo daináuai, be ñie: “Nana cue finócafuena cuemo llote.” ⁴⁰ Ie jira Samaritánuaí Jesumo billano jicádiaioi:

—Cai diga iri, —daidíai. Ie jira Jesús ménarui íaioi diga ite. ⁴¹ Afémie dainana cacáillano aillo jiáimaci ínotiaioi. ⁴² Ie jira aféngona daidíai:

—Nauí dama o dainado jabo ínoticai, mei íadi birui ja cai dani afémiena cacáillano áfedo como ñue ínoticai. Ja onódicai bie ua Cristo, nana nairai jíllotaraimaza, —daidíai.

Jesús gobiérnomo tájiraima jító jíllotata

⁴³ Ménarui íllamona Jesús Samáriamona jáizaide Galilea énie iodo jáillena. ⁴⁴ Jae dama Jesús llote:

—Juzíñamui uai jino lloraíma dama ie éniemo jaca jámairuiga, —daide. ⁴⁵ Galiléamo dúcidemo afénomo ítino íena ñue llínotiaioi. Ua caimare íena llínotiaioi, ñibai pascua ráfueño Jerusalemo nauí Jesús illa llezica jáidiaioi. Iemo aféfuemo nana ie finócafuena ciódiaioiza.

⁴⁶ Ie mei Jesús meine Caná jófuemo, Galilea éniemo jaide. Ua jainoi vínona meíduanomo jaide. Afe llezica Capernaum jófuemo gobierno illaíma tájiraima jító iere irárede. ⁴⁷ Afe tájiraima Jesús Judéamona Galiléamo dúciana fídiano, aféniemo éroizaide. Ua ie jító jíllotaíbillena jícajide; mei ja ie jító tíizaide. ⁴⁸ Iemo Jesús íena daide:

—Onótate ráaniai íemo cíofinina finócafuiaí diga omoi cíóñeniadi ínoñediomoi, —daide.

⁴⁹ Iadi gobierno tájiraima Jesuna daide:

—Ocuíraíma, raire bi cue jító nai tííñena llezica, —daide.

⁵⁰ Ie mei Jesús íena daide:

—Meine o jofomo jai. O jító jílloteza, —daide. Afémie Jesús íena daina uaina ínote, jira jaide. ⁵¹ Ie jofomo dúcizaidemo ie jaiénizai jino íemo bitíai. Dúciillano daidíai:

—O jító jae jíllode, —daidíaiói.

⁵² Iemo, —¿Nie hóramo jíllode? —íaióimo jícánote. Jira daidíaiói:

—Nauiri jaíciri illa mei ie abi bóua llícaide, —daidíaiói.

⁵³ Iedo moo bie daje hora Jesús íena daina hora uíbicaide. Ua “O jító jíllote” daina hóramo afeza jíllode. Iemona afémie Jesumo ínote, naa ie comini diga.

⁵⁴ Daií Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininafue.

5

Jesús Betzátamo ite tízitaitimie jíllotate

¹ Ie meífomo judíuai rafue ite; jira Jesús meine Jerusalemo jaide. ² Afe jófuemo, ovejai naze áinori jainoi ofillano ite. Afeno hebreo imaci uaido mameca Betzata. Nane dinomo cinco diga gairirano ite. ³ Bie gairira macáranuiaiimo aillo iráredimaci bíiede: únidimíai, aidáimíai, tízitaitimíai diga. Bimaci jainoi bagua úiñotíaiói. ⁴ Daií úiñotíaiói mei dáruinarie Juziñamui abi ímie ana billano jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaifirede. ⁵ Dinomo iráredimie ite. Ua treinta y ocho diga fimona irárede. ⁶ Jesús billano ie bíinana ciode. Afémie are jaiái ninómona daií dinomo íllana onóillano, Jesús íena daide:

—¿Jíllobicaiacadio? —daide.

⁷ Iráredimie uai ote:

—Ocuíraima, cue cánoitimie íñede, jainoi bagua meífomo jáinoimo cuena ñuitállena. Nágarui cue jáiacana llezica jáíimie nano fueñe jáinoimo dúcide, —daide.

⁸ Jesús íena daide:

—Caifo náidacai. O bíirallu llíno. Mai maca, —daide.

⁹ Afe llezica afémie jíllobicaide. Iemo ie bíirallu llínuano macáicaide. Aferui ocózinaillarui.

¹⁰ Jira judíuai jíllotagamiéna daide:

—Birui jae ocózinaillarui. O bíirallu rocánollena omo rairuírede, —daidíaiói.

¹¹ Afémie uai ote:

—Cue jíllotatimie cuena daide: “O bíirallu llíno; mai maca,” —daide.

¹² Iemo íena jícánotíaiói:

—¿Bu ona “o bíirallu llíno, mai maca” daina? —daidíaiói.

¹³ Mei íadi afémie ie jíllotatimie na onóñede, aillo comini dinomo íllaza. Ua Jesús jae jáideza.

¹⁴ Afe mei Jesús gairíracó eromo íena baizájillano daide:

—Mai eroi. Birui jae jíllodio. Meine fiénidifuena finóñeno iri, jamánomo figóñede raa omo jíriñeillena, —daide.

¹⁵ Iemo afémie judíuaimo Jesús íena jíllotatimie lluájide. ¹⁶ Ie jira judíuai Jesuna duere finóllena racádiaioi; íena fáiacadiaioi, ocózinaillarui mo aféfuiai finua jírari.

¹⁷ Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidicue, —daide.

¹⁸ Iemona judíuai jamánomo íena fáiacadiaioi; nibai ocózinaillarui ocuífafue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

Juzíñamui Jitó ríino

¹⁹ Ie mei Jesús íaioina daide:

—Uáfuenta ómoína dáitícue, mei Juzíñamui Jitódicueza, dama cue jítaina izóí minícana finónidicue. Dama cue Moo Juzíñamui finócafue cue ciona izóí birui finódicue. Nana cue Moo finócafue afe izóí nana finofiredicue; ie Jitódicueza. ²⁰ Ua Moo Juzíñamui nana ie finuafue ie Jitomo ácatate, Moo ie Jitó izíruiilla jira. Ie emódomo jamánomo áillue finóllifue íemo ácataite, omoi fáigacaillena. ²¹ Mei Moo Juzíñamui tíidino cáadinona itátateza, ua cáallinona íaioimo ite; daje izóí ie Jitó nana afémie oíacaiganomo cáallinona ite. ²² Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga. ²³ Dai nana comini Moo ñue jacíruiilla izóí, afe izóí ie Jitona ñue jacíruiitiaioi.

²⁴ Uáfuenta ómoína dáitícue: cue uaina cacádimiemo, dáanommo cuena orédimiena ínotimiemo ja ziiño cáatatinona ite. Afémie duere finóbiñeite, tíllanomona ja bai finona jira; jae cáananomo dúcide. ²⁵ Uáfuenta ómoína dáitícue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cácaitiaioi; íemona nana áfena náfuefiredino cáaitaioi. ²⁶ Mei Moo Juzíñamuimo cáatalle ríino íteza, daje izóí afe cáatalle ríino ie Jitomo afémie itátate. ²⁷ Dáanommo comini duere finóllena jicánua ríino íemo iga, afémie Nanoide fima Jitona jira. Afe Jitódicue. ²⁸ Afemo fáigacaiñeno iri. Nana tíidino cue úrillana cacáillirui mo dúciiteza. ²⁹ Aféruido raíáfuaímona jino bíitiaioi. Ñúfue finódimaci meine cáadinona íitiaioi ziiñona íaioi íllena; mei íadi fiénidifue finódimaci meine cáadinona íitiaioi, duere íaioi finóbillena.

Jesús ríino uáfuenta daiítatífuiai

³⁰ Dama cue comeci izóí minícana finónidicue. Moo cue ocuilla izóí comini finuafuiai riire jicánoticue. Cue jicánuafue

jaícina ñue joide; cue jitaina izói jicánoñedicueza, mei íadi cue orédimie, cue Moo jitaina izói jicánoticue, afe izói finóllena. ³¹ Dama cueri uai cue nabáiadi, cue dainana figo uáfueña daiñede. ³² Mei íadi jiáimie cueri uai nabáiraima ite. Afémie cueri dainafue ñue uáfueña facátate. Afena onódicue. ³³ Juaamo jicánuaidiomoi. Afémie ie uai úana jaca uafue. ³⁴ Mei íadi ímamona cueri uai nabáillana jicáñedicue. Daa bíena daíiticue omoi jíllobicaillena.

³⁵ Juan egáiñora izóidimie. Afe egáiñora bóocabillamona egáiñofirede. Ie egáiñuanomo nano íanori íllamona ióbicaidiomoi. ³⁶ Mei íadi jiáie cueri uáfueña facátafue ite. Afefue Juan cueri dainafue baimo ite. Afe uáfueña facátafue cue finócafuiái. Aféfuiái cue Moo cue finóllena ocuífufuiái daje izói jóoideza. Afe jira afe cue finócafuiái Moo orécacue uáfueña facátate. ³⁷ Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillana jaca cíóñediomoi. ³⁸ Ie uaillai omoi ífócimo déiñede, afe Moo orécamiéna omoi íñoñena jira. ³⁹ Juzíñamui Cuegáuailai izire jenoda facádotiomoi; dinomo “Ziñona illino báiticaí” comécimo facáoidiomoi. Uafue, Cuegáuailai cueri ñue úritiaíoi, ⁴⁰ mei íadi cuemo bíacañediomoi afe ómoimo zíñona íllena.

⁴¹ Comini cuemo nitáacaga jalléinafuiái náfueñedicue. ⁴² Mei íadi ómoína onódicue. Juzíñamuina izíruiñediomoi onódicueza. ⁴³ Cue Moo cue ória jira biticue, íadi cuena llíñoñediomoi. Jiáimie dama ie ória izói bíadi afe ímana ñue llíñoitiomoi. ⁴⁴ ¿Omoi nie izói ínotiomoi? Dani ómoimona cáimadua uailai llínofirediomoi; mei íadi daade Juzíñamuimona bitíuai, ie cáimadua uai jenóñediomoi. Jira ínonidiomoi. ⁴⁵ Cue Moo uíecori ómoimo fiénidifue cue nitalle comécido facáoiñeno iri. Uáfueña Moisés ómoimo fiénidifue nítaite, nii omoi úiñogamie. ⁴⁶ Moisés daináuai omoi ínoiadi daje izói cuemo ínoitiomoi, mei Moisés cueri ñue cúeteza. ⁴⁷ Mei íadi afémie cuegáuai omoi íñoñeniadi ¿nie izói ómoína cue daináfueña ínoitiomoi? ¡íñoñeitiomoi! —daide.

6

Jesús cinco mil íñiaí ecade

(Mt 14.13-21; Mr 6.30-44; Lc 9.10-17)

¹ Afe meífodo Galilea jorai ruícaferaimo jaide. Afe jorai jiáifodo mameina: Tiberias. ² Aillo comini íedo jáidiaíoi, cíofinina ráaniaí ie finuana íaíoi cíonamona. Ua iráredino jíllotana cíodiaíoi. ³ Ie mei Jesús ídumo ráizaide ie llófuegamaci diga. ⁴ Ja judíuai rafue páscuafue ánozide. ⁵ Jesús érocaillano aillo afémie óodana bitínona ciode. Jira Felípena daide:

—¿Ninómona nana bimaci ecállena íbaiticai? —daide.

⁶ Afe daií jicánote, Felipe uai úana onóillena. Jesús dama ie finóllifue ñue onode. ⁷ Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸ Ie jira jíáie llófuegamie Andrés, Simón Pedro ama, Jesuna daide:

⁹ —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

¹⁰ Ie mei Jesús daide:

—Nana íaioi ráiilleza afémacina omoi daiíri, —daide.

Afémono aillo raitire ite. Iemo cinco mil íñiaí raizídaitiaioi.

¹¹ Ie mei Jesús pan llínota Juzíñamuina “fere figora” daide.

Dáinamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ráiacadinodo fecade. ¹² Jae íaioi jeírilla mei ie llófuegamacina daide:

—Fiébidinuaí nana iráiri, daa báiiñelleza, —daide.

¹³ Fiébidinuaí doce diga cirigai iráica. Ua cinco diga panes fiébidinomona diga cirigai oruítaga. ¹⁴ Ie mei comini bie cíofinina raa Jesús finua cíonamona daidíaioi:

—Uafue bímie afe jaiái nanómona lloga ana éniemo bíacade uai lloraíma, —daidíaioi.

¹⁵ Mei íadi comini íena ríire lláitano illáimana jóoneacana Jesús fidíbicaide. Fidíillanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

¹⁶ Ja nauídemo Jesús llófuegamaci ana jóraimo jáidiaioi. ¹⁷ Dúciillano nocaemo jaillano, jorai ruícaferaimo Capernaúmo jaitádiaioi. Jae jítiredemo, mei íadi nai Jesús meine abido biñede. ¹⁸ Iemo aillo jairifo daíngo náidacaide. Iemona bagua mónaioicaide. ¹⁹ Due bai jáidiaioimo Jesús nocaemo ánozillana cíodiaioi. Jainoi emódodo macade. Iemo jacíruitiaioi. ²⁰ Mei jira íaioína daide:

—Cueza, omoi jacíruiño, —daide.

²¹ Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

Comini Jesús jénua

²² Jáírui meífodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáiñede. ²³ Mei íadi biruícana jíáie nocáiaí Tiberias jófueмона dúcizaide. Ua pan güilla áinori Ocuíraíma Jesús “fere figora” dáinamona,

ua afénomo dúcizaidiaioi. ²⁴ Dai Jesús dinomo iñénana cióillano ie llófuegamaci diga, afécaiaimo jofo jáidiaioi. Iemona Capernaúmo íena jénuaidiaioi.

Jesús, zíñona cáaille paana maméidimie

²⁵ Jorai ruícaferaimo dúciillano, Jesús baitíaioi. Baillano íena jicánotiaioi:

—Llófueraima ¿niruido benomo dúcido? —daidiaioi.

²⁶ Jira Jesús daide:

—Uáfuenta ómoína dáitícue, güllena omoi jeíillamona cuena jénuaibitiomoi. Cue finoca cíofinina raa omoi onónamona cuena jenóñediomoi. ²⁷ Fúfirede gülleno táijíñeno iri. Mei íadi fúíñeite gülleno táijiri. Afe güille ómoína zíñona itátate. Afe bie güille ómoimo íitícue mei Nanoide fima Jitódicueza. Mei ua, omoi uáfuenta ínogamíena jae Moo Juzíñamui jóonegacueza.

²⁸ Jira jicánotiaioi:

—¿Minícana fínoíticai Juzíñamui jitaille raa cai fuitállena? —daidiaioi.

²⁹ Jesús uai ote:

—Juzíñamui orécamiéna omoi íñollena jitáirede, —daide.

³⁰ Iemo jicánotiaioi:

—¿Minica onótate raa caimo ácataredio, afe cióillano ona cai íñollena? ¿Minícafue fínoítio? ³¹ Cai jaiáidígima zaféredizicimo maná güitíaioi; Juzíñamui Cuegáuai daina izói: “Juzíñamui monámona ana baiítaga gülleniai áfena íaioi güitátate,” —daide.

³² Jesús uai ote:

—Uáfuenta dáitícue: monámona baiide gülleniai fecáraima Moiséñede. Mei íadi uáfuenta monámona baiide gülleniai fecáraima cue Moo. ³³ Juzíñamui fecaca gülleniai, monámona ana bitímie. Afémie cáaille paana maméidimie. Afémie énie itímacimo zíñona cáallinona itátate, —daide.

³⁴ Iemo íena daidiaioi:

—Ocuíraima, bie gülleniai nágarui cai ine, —daidiaioi.

³⁵ Jira Jesús daide:

—Cue cáatate güllédicue. Cuemo bitímie jaca júfiruiñeite. Cuemo ínotímie jaca ninomo jíroacañeite.

³⁶ Mei íadi ómoína cue daina izói, cuemo íñoñediomoi nai cuena ciódiomoi íadi. ³⁷ Nana Juzíñamui cuemo fecácamací cuemo bífireítiaioi. Cuemo bífireítinona jino dótañeítícue. ³⁸ Uafue, cue comeci jitaina izói finóllena, monámona ana biñédicue, mei íadi cue orédímie comeci jitaina izói ana fínuaibitícue.

39 Cue Moo, ua cue orédimie, nana cuemo igánomona buna oni ninó báiiñeillena jítaide. Ua nana afémaci íirairuido cáadinona itátaiticue. 40 Cue orédimie nana Juzíñamui Jitona ciódimaci éna íinollena jítaide. Daií íaioi ínuamona zíiñona cáaillinona íaioimo íllana cue orédimie daje izói jítaide; ie mei íirairuido cáadinona íaioina itátaiticue, —daide.

41 Iemona judíuai Jesuri gugúritiaioi. Ua ie daináfueri: “Monámona ana baíide gülleniaina maméidimiedicue” íeri gugúritiaioi. 42 Daidíaioi:

—¿Bímie José jitó Jesúñede? Ie moona onódicaí ie ei diga. ¿Nie izói “Monámona ana bitímiedicue” daiírede? —daidíaioi.

43 Jira Jesús íaioina daide:

—Gugúriño. 44 Buna cuemo bínide, cue Moo, cue orédimie nai átiñenia. Ie mei íirairuido afémiena cáadimiena itátaiticue. 45 Uai lloraini cuegánicuai llore: “Nana afémaci Juzíñamui llófuegamaciza íitiaioi.” Daií nana Moomo cacádino, afémiemona fibitagamací cuemo bitíaioi.

46 Bie izói cue daina dáarie Moo Juzíñamuina ciona daiíacañede. Dama Juzíñamuimona bitímie Moona ciona.

47 Uáfueña ómoína daíticue: cuemo ínotímie mo zíiñona cáaillinona íte. 48 Cue cáatate gülledicue. 49 Omoi jáiairagima zaféredizicimo manana güitíaioi, mei íadi nana jae tíidimaci.

50 Iadi cue daina monámona ana bite gülledicue güitino tíiñeitiaioi. 51 Cue dama afe bie monámona ana bite cáatate gülledicue. Bie güille güitímie zíiñona íite. Bie cue ille güille dama cue íeizi. Afena íitícue nana énie imaci cáallena, —daide.

52 Iemona judíuai dani íaioiri júfidotiaioi. Daidíaioi:

—¿Nie izói bímie dama ie íeizina caina écaite? —daidíaioi.

53 Jesús íaioina daide:

—Uáfueña ómoína daíticue: Nanoide íima Jitódicueza; cue íeizi omoi ríñeniadi, daje izói cue die omoi jíroñeniadi nai omoi cáaillinona íñede, dájena cuemo jaináíñena jira.

54 Cue íeizi ritímie mo, daje izói cue die jiródimie mo comeci zíiñona cáaillinona íte; ie mei íirairuido afémiena cáadimiena itátaiticue. 55 Cue abi uafue güille. Cue die uafue jiróllíi.

56 Cue íeizi ritímie, jíai cue die jiródimie ja cuemo dájena íte. Daje izói afémie mo dájena íticue. 57 Cue caade Moo orécacue, jira afémiedo cáadicue; daje izói cue rítímie cuedo cáate. 58 Monámona ana bite gülleri úriticue. Bie güille omoi jáiaidigima güiga maná izóiñede. Nana afémaci tíidimaci; mei íadi bie güille güitímie zíiñona íite, —daide.

59 Jesús Capernaúmo íte Juzíñamui uai llófueriracomo nana bífuiái íaioimo llófuete.

Ziñona cáatate uailai

⁶⁰ Bie llófuiana cacáillamona, aillo Jesudo jáidimaci daidíaioi:

—Bie afémie daina afe jeire ollíuai iere féirede. ¿Bu áfena jeire órena? —daidíaioi.

⁶¹ Iemona Jesús íaioi gugúrilla onóbicaide. Onóillano jicánote:

—¿Aféfuiai ómoína íairuificaitade? ⁶² Ie mei Nanoide fima Jitó nano ie illánomo caifo ie jáillana omoi cíoadi, ¿ñie izói íitiomoi? ⁶³ Cai joreño cai cáatate. Ieizi cáatañede. Omoína cue daináuailai joreño izoide uafue uailai. Cáataitaioi. ⁶⁴ Mei íadi ómoimona dámierie nai íñoñediaioi, —daide.

Jesús afe íñoñedimaci nanómona onode. Afe llezica íena éoidimacimo fécaitimiena onode. ⁶⁵ Ie mei daide:

—Iemona ómoína dáitícue, Moo átiñenia buna cuedo bínide, —daide.

⁶⁶ Aféruimona aillo Jesudo jáidino íena fiénocaidiaioi. Ja íedo macañediaioi. ⁶⁷ Ie jira ie doce diga llófuegamacimo jicánote:

—¿Omoi daje izói jáiacadiomoi? —daide.

⁶⁸ Mei íadi Simón Pedro uai ote:

—Ocuíraima, ¿bumo jáiredicai? Ziñona cáatate uailai omo ite. ⁶⁹ Ja cai ínoticaiza. Onódicai caade Juziñamui Jitódioza. Crístodio, —daide.

⁷⁰ Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹ Afe dáiñado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademona.

7

Jesús ámatiai íena íñoñediaioi

¹ Afe méifodo, Jesús Galilea éniado macade. Judéamo íacañede, dinomo judíuai ie íaioi fáiacana jira. ² Ja bizáinillaimo iráizillafue ánozide. Afefue judíuai rafue. ³ Ainozillamona ie ámatiai íena daide:

—Benó fiébiñeno. Judéamo o jairi, dinomo ite odo jáidino o finócafueña cíoillena. ⁴ Dáamie nana comini íena íaioi onóillena jitáidi, ie raana báinino finóñede. Afe áillofuiai o finóadi nana comini uícomo finori, —daidíaioi.

⁵ Bie izói daidíaioi, mei nai ie ámatiai íena íñoñediaioiza. ⁶ Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. ⁷ Enie imaci ómoína éoinide, mei íadi cuena éoidiaioi, nibai íaioi fieni finócafuiyai uai nabáiraímadicueza.

⁸ Mai ráfuemo omoi jai. Nai jáiñeiticue, cue ñue illíruimo nai dúciñede.

⁹ Daií daina mei Galiléamo fiévide.

Jesús bizáinillai irázillafuemo jaide

¹⁰ Ie ámatiai jailla mei, Jesús daje izói ráfuemo jaide, mei íadi uáfodo jáiñede. Jabo báinino jaide. ¹¹ Judíuai afe rafue ana íena jenódiaioi. Daidíaioi:

—¿Ninomo mei afe iima ite? —daidíaioi.

¹² Comini cigiedo aillo afémieri úritiaioi. Dáarie, “Ñúemie,” daidíaioi. Jáimaci, “Fiénidimie; mei cominina jífujeteza,” daidíaioi.

¹³ Mei íadi judíuaina jacíruillano buna afémieri uáfodo úriñede.

¹⁴ Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede. ¹⁵ Iemona judíuai fáigacaillano daidíaioi:

—¿Nie izói bie iima diga ráfuiaina onode, afémie nai llófueñegamo? —daidíaioi.

¹⁶ Jira Jesús uai ote:

—Cue llófuegauai cúeieñede; mei íadi cue orédimie ie.

¹⁷ Dáamie Juzíñamui jitailla izói finóacania, afémie cue llófuegauai Juzíñamui mona bitíuaina ónoite. Afe llezica dama cue jitailla izói llófueñedicuena ónoite. ¹⁸ Dama ie comeci jitailla izói úritimie, comini íemo ñúefuena nitállena úrite. Mei íadi íena orédimie mo ñuera ráfuena nitáacadimie uáfueña dáite. Afémie mo jífuiafuena iñede.

¹⁹ ¿Omoimo ocuica uaillai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿ñibái mei cue fáiacadiomoi? —daide.

²⁰ Jira comini uai ote:

—Omo fiénide joría illa. ¿Bu o fáiacana? —daidíaioi.

²¹ Jira Jesús daide:

—Daa raa ocózinaillarui cue fínuari nana fáigacaidiomoi.

²² Mei íadi úrue bacano icoi quétajana facátafue Moisés ómoimo iga. Jira íiza bacano icoi quetádiomoi ocózinaillaruido íadi. (Moisés afefue táineñegaza; jáairagimaci taineca.) ²³ Mei jira Moisés ocuica uaillai nana ñue fuizáillena, íiza bacano icoi omoi quetáadi ocózinaillarui íadi, ¿ñibái ríicaidiomoi iima abi námiena cue jíllotaia ocózinaillarui? ²⁴ Mai jinófene éroillano comini ífue nitátáñeno. Omoi nitáadi jáicina uáfueña nitari.

Jesús ie comuállanodo úrite

²⁵ Ie mei Jerusalemo dáarie itínomona jícanuaidiaioi:

—¿Bímie íaioi fáiacagamieñede? ²⁶ Mei íadi batínomo comini cígimo úrite íadi buna nie izói daiñena. ¿Uáfueña caifóidimaci bímie Crístoza ínotiaíoi? ²⁷ Mei íadi cai, afémie ninómona ie bíllana onódicai. Íadi íbana Cristo bíadi, buna ninómona ie bíllana ónoñeite, —dai díaíoi.

²⁸ Afena cacáillano Jesús nai gairíracomo llófuia llezica riire daide:

—¿Cuena onódiomoi? ¿Ninómona bitícueza onódiomoi? Mei íadi dama cue comeci izói biñédicue, íadi caade cue orédimiemona biticue. Afémie jaca itímie. Afémiena onóñediomoi. ²⁹ Afémiena onódicue, afémiemona bitícueza, ie orécacueza, —daide.

³⁰ Iemona íena lláviano úiacadiaíoi. Mei íadi nai buna íena llaitáñede, nai ie llaitáilliruimo dúciñedeza. ³¹ Mei íadi aillo comini íemo ínotiaíoi; dai díaíoi:

—Cristo bíadi ¿bímie finoca cíofinina onótafuiái baimo fínoite? —dai díaíoi.

Fariséuai llazíriraíni orede, Jesús lláviano úillena

³² Fariséuai comini Jesuna dáinana cacádiaíoi. Jira lletáiraíni illaíni, gairíraco jabóidillaímaíai orede Jesús llaitada úillena. ³³ Jira Jesús uai ote:

—Omoi cígiri dama íanori nié dino íiticue. Ie méifodo cue orédimie diné jáiticue. ³⁴ Cuena jénoitiomoi mei íadi cuena báíñeitiomoi, cue illínomo jáinidiomoi, —daide.

³⁵ Ie mei judíuai dani íaiomoi jicánuaídiaíoi:

—¿Bímie ninomo jáite, íena cai báíñeillena? ¿Judíuai júdaicamací griego éniemo afémie jáite, griego imaci llófuellena? ³⁶ Ie dáinana, “Cuena jénoitiomoi mei íadi cuena báíñeitiomoi, cue illínomo jáinidiomoi,” ¿nie izói daide? —dai díaíoi.

Jesús, jainoi izói cómena cáatate

³⁷ Rafue íraíruimo jamánomoidírui. Aféruido Jesús naidáillanona como aillo uaido úrite:

—Nana jirócadimie cuemo bi; jíruiabi. ³⁸ Cuegáuai daína izói, cuena ínotímie ie comécimona áillue imani tua izói aillo ñue cáataífuíai biite, —daide.

³⁹ Aféfuedo nana afémiena ínotino Ñuera Joreño llínoitiaíoi daide. Ua mei, Ñuera Joreño nai biñede, Jesús ie cáimafue ebíredífue díga nai llínoñena jira.

Comini Jesuna daínáfuíai jíáfodorie jóide

⁴⁰ Dáarie comini cígimona aféfuena cacáillano daide:

—Uáfueña bímie uai llóraíma, jaiái ninomo bíacadimie, —daide.

41 Jiáimaci daidíaioi:

—Bie ua Cristo.

Mei íadi jiáimaci daidíaioi:

—¿Nie izói Cristo dino Galilea ímieite? 42 Cuegáuai llote: “Jáiaidillaima David, ie izíe ímienna Cristo iite. Ua Belén ímienna iite, afe jófuemo nauí David íteza,” —daidíaioi.

43 Daií nana comini Jesús ícoinia dázierie bózietaidíaioi.

44 Dámierie Jesús maiáno úiacadiaioui, mei íadi buna daií ñeñena.

Caifoide ríiredino Jesuna íinoñediaioui

45 Gairíraco jabóllaini abido fariséuai illánomo, daje izói lletáriraini illaini illánomo bitíaioui. Afémaci íaiouimo jicánote:

—¿Nibái mei íena atíñedioumoi? —daide.

46 Jira jabóllaini (jiáfodo mameina llavérraini) uai otíaioui:

—Jaca ninomo buna afémie úrilla izói úriñede, —daidíaioui.

47 Jira fariséuai daidíaioui:

—¿Omoi daje izói ja jífuegamacioumoi? 48 ¿Cai illáicomini dáarie íena ja ínotiaoui fariséuai diga? ¡Jaca íinoñediaioui! 49 Mei íadi bie comini ocuícafuai onóñediaioui, ja faidócaiaioiza, —daidíaioui.

50 Nicodemo, naio Jesumo eróizaibitimie daa fariseo imácimona. Íaiouina daide:

51 —Cai ocuícafue dáina izói buna duere finónidicai, nano fueñe íena cai cácañeniadi, ie finócafueña cai ónoillena, —daide.

52 Mei jira uai otíaioui:

—¿O jiái daje izói Galilea ímiedioza? Cuegáuai fácado. Dinomo cíoitio buna uai llóraima Galiléamona biñede, —daidíaioui.

Jiruíredingo Jesumo atídiaioui

53 Mei íemona naga come íaioui jofomo jaide.

8

1 Mei íadi Jesús Olivo dáina ídumo jaide. 2 Ie jítiramo monáillamona, abido gairíracomo bite. Nana comini íemo áinozidiaioui. Afémie ráinaillano íaiouina llófuiaide. 3 Ie mei ocuícafue llófueraíni fariséuai diga jiruíredingo Jesumo atídiaioui. Daií ñécade afengo baitíaioui. Afe gairíracomo itímaci cígimo aféngona jóonetiaoui.

4 Jóoniano Jesuna daidíaioui:

—Llófueraíma, bie ringo afe jiruírenafue finócade baiticai.

5 Afe izoide ringona Moisés ocuícafue cai ocuide noficiaido fállena. ¿O nie izói daidío? —daidíaioui.

6 Daií daidíaioui Jesús facátallena. Bie facátamona fiénidifue íemo nitáacadiaoui. Iemona Jesús jíjicaillano éniemo onócaido cuete.

7 Mei íadi diga icaiño jicánotiaioimo Jesús meine jaícina rainade. Ráinaillanona daide:

—Omoimona dáamie fiénidifuenta inédimie, mai nanoide nofici aféngomo nitari, —daide.

8 Dáanomo nane jíicaillano éniemo cuete. 9 Mei íadi aféfuena cacáillano, nana íaioi comeci úrilla uaido méaicaidiaioi. Méaicaillano oni nana dáarie jáioidiaioi. Ua iere éicomedié uícodo oni jailla. Nana ja íaioi jailla mei, Jesús dama dinó fiébide afe atícango diga. 10 Iemo Jesús jaícina meine rainade. Afe ringo baimo buna cióñenano aféngona daide:

—Ringo, ¿ninomo omo fiénidifue jitádino ite? ¿Buna omo nofícina nitáñena? —daide.

11 Jira afengo daide:

—Ocuíraima, ua buna nitáñede, —daide.

Mei jira Jesús daide:

—Cue ona daí nitáñeiticue. Mai o jairi. Fieni meine abido daí ñeño iri, —daide.

Jesús, bie énie comini egáñoraíma

12 Jesús dáanomo nane comínimo úrite; daide:

—Cue bínie comini egáñoraímadicue; cuedo jáitimie mo cáataite egáñua iite. Jaca nino jíitífo mácáñeite, —daide.

13 Ie jira fariséuai íena daidíaioi:

—Dama o uai nabáidío. Afe uai ráifiñede, —daide.

14 Jira Jesús uai ote:

—Cue daina uáfuena ráifide, afe dama cuemo uai nabáidicue íadi. Cue ninómona biticue, daje izói cue jáillinona onódicueza. Mei íadi ninómona biticueza onóñediomoi, cue jáillinona diga.

15 Bie énie facárado jenócana facádiomoi; cue buna jenócana facáñedicue. 16 Mei íadi cue facádi, cue facállifue jaícina ñue jóide. Dama facáñedicueza. Moo, cue orédimie diga dáanomo jenoda facádico. 17 Omoi ocuica cuguái daide: “Mena uai nabáiraíma dáanomo daíadi, aféfuena ínoitiomoi.” 18 Cue dama cueri uai nabáiraímadicue. Cue Moo, cue orédimie jáie cueri uai nabáiraíma, —daide.

19 Jira jicánotiaioi:

—¿Ninomo mei o Moo ite? —daidíaioi.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onódiomoi nia, daje izói cue Moona onódiomoi, —daide.

20 Gaíríracomo llófuia llezica, afe bíuai daide; ua fia fecaca úcube jóneraco illánomo dinomo llófuete. Mei íadi buna íena lláviano uíñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomó íaióina daide:

—Cue jáitícue. Cuena jénoitiomoi, íadi omoi fiénidífue nai doñégamo títiomoi. Mei jii cue jáillinomó omoi jáinidiomóiza, —daide.

²² Jira judíuai daní conímána daidíaiói:

—¿Mei nibai afémie dama abi títaite, mei “Cue jáillinomó jáinidiomoi” afémie caina dáideza? —daidíaiói.

²³ Jira Jesús íaióina daide:

—Omoi ana bebeco iédiomoi, mei íadi cue caifófeco ímiedícue. Omoi bie énie iédiomoi, mei íadi cue bie énie ímieñedícue. ²⁴ Ie jira omoi fiénidífue nai doñégamo títiomoi daidícue. Cue daina izói ítimiedícuena omoi íinoñeniadi, omoi fiénidífue nai doñégamo títiomoi, —daide.

²⁵ Jira jicánotíaiói:

—Mei ¿o búdio? —daidíaiói.

Jira Jesús uai ote:

—Jaiai nanómóna ómoimo llotícue. ²⁶ Cuemo aillo ómoína cue daíllífuiái ite. Daje izói aillo ómoína cue jenoda facállífuiái ite. Cue orédímie uáfúena daide. Afémiemóna cue cacana izói bie énie comínina áfedo daidícue, —daide.

²⁷ Mei íadi Moodo íaióimo Jesús úrillana figo cacáñediaíói.

²⁸ Jira Jesús íaióina daide:

—Enie acónimo cuena caifo omoi raiñóadi cue daina izói ítimiena ónoitiomoi, mei Nanoide íima Jitódícuéza. Afe llezica dama cue comeci izói finófinidícuéza ónoitiomoi. Dama cue Moo cuemo llogáfuiái daidícue. ²⁹ Cue orédímie jaca cue díga ite. Cue Moo dama cuena fiéñede, afémie íóbitadífuiáiina fínofiredícuéza, —daide.

³⁰ Jesús daí dánamóna, aillo íena ínotíaiói.

Juzíñamui jitóniai fiénidífuedo jeruícamací baimo ñue itíaiói

³¹ Afemóna judíuaimóna íena ínotinóna Jesús daide:

—Cue ómoína dánana omoi jáicina jeire oíadi, cue llófuegamacína uáfúena jáitíomoi. ³² Ie mei uáfúena ónoitiomoi. Afe uáfuedo jéruíñegamacína ítiomoi, —daide.

³³ Afémaci ie uai otíaiói:

—Abraham izíedícai. Jaca ninomó buna jéruíñegamacidícai. ¿Nie izói, jéruíñegamacína ítícai, daidío? —daidíaiói.

³⁴ Jira Jesús daide:

—Uáfúena ómoína dáitícue, nana fiénidífue finódímaci fiénidífuedo jeruícamací. ³⁵ Jeruícamié ie naama izíe díga jaca ínide. Mei íadi naama jitó aféziemo jaca jáinaide. ³⁶ Daí mei Juzíñamui Jitó jéruíñenafue ómoimo fecáadi, uáfúena jéruíñelliomoi. ³⁷ Abraham izíe iédiomóiza ja onódícue; mei íadi cuena fáiacadiomoi, ómoína cue dánáfúena omoi llíinoñena

jira. ³⁸ Cue Moo cuemo ácataga raado úriticue. Omoi moo daina izói finófirediomoi, —daide.

³⁹ Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfuenta Abraham jitóniaina omoi íadi, afémie finua izói finoitiomoi. ⁴⁰ Mei íadi Moo Juzíñamui cuemo lloga uáfuenta ómoína cue daina íadi, nai cuena fáiacadiomoi. Abraham jaca daií finóñede. ⁴¹ Omoi moo finua izói finódiomoi, —daide.

Jira afémaci daidíaioi:

—Jaca jiruürenamona jócoñegacai. Caimo daade moo illa, Juzíñamui, —daidíaioi.

⁴² Jira mei Jesús daide:

—Juzíñamui uáfuenta omoi móodena, cuena izíruitiomoi, mei Juzíñamuimona cue billa jira. Ua ie jira benó iticue. Dama cue comeci izói biñédicue, mei íadi Juzíñamui orécacue. ⁴³ ¿Níbái mei cue dainana cacánidiomoi? Cue úrilla uaina cacáacañediomoi, jira onóñediomoi. ⁴⁴ Omoi moo Taife. Ie jira afémie iédiomoi. Afémie jitaina izói finóacadiomoi. Taife jaca nanómona fáfiredimie. Jaca uáfuego jaináñede. Jaca uafue daiñede. Tánofuiai afémie lloíadi, ie illa izói úrite. Afémie tánofuiairede, ua tánofuiai moo. ⁴⁵ Mei íadi uafue daidícuemo cuena íinoñediomoi. ⁴⁶ ¿Omoimona bu cue fiénidifue jino due ciotarede? Uáfuenta cue daiíadi ¿nibái mei cuena íinoñediomoi? ⁴⁷ Juzíñamui iédimie Juzíñamui uáillaina cácafirede. Mei íadi Juzíñamui íeñediomoi, ie jira íena cacáacañediomoi, —daide.

Cristo Abraham nano jae itímie

⁴⁸ Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

⁴⁹ Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedicue, íadi jiáimie ite cuemo ñúefuena nitállena. Afémie jenoda facade. ⁵¹ Uáfuenta ómoína dáititcue, cue daináfuena jeire otímie jaca ninomo tíñeite, —daide.

⁵² Jira judíuai uai otíaioi:

—Fiénide joríaí omo íllana ja uáfuenta onódicai. Abraham jaiái tíide naa uai llóraini diga, niadi jiáifodo daidío: “Cue dainana jeire otímie jaca ninomo tíñeite.” ⁵³ ¿Uáfuenta cai moo Abraham baimo jáidío? Afémie tíide. Ua uai llóraini daje izói tíidiaioi. ¿O comécimo bu o íllana facádío? —daidíaioi.

⁵⁴ Jesús dinena íaioimo uai ote:

—Dama cuemo ñúefuena cue nitáadi, cue ñúefuena minícana ráifíñede. Mei íadi ñúefuena cuemo nitádimie cue Moo. Dáamiena omoi Juzíñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daifadi, omoi izói táinofuiairedimiena íiticue. Mei íadi íena uáfuenta onódicue. Ie dáinana jeire oticue. ⁵⁶ O jaiáidigima Abraham cue illíruina cióacade áfemona ióbillena; áfena cióillano afémie iere ióbicaide, —daide.

⁵⁷ Jira judíuai Jesuna daidíaioi:

—Nai cincuenta fimona iñédio, ¿Nie izói “Abraham cuena ciode” daidio? —daidíaioi.

⁵⁸ Jesús uai ote:

—Uáfuenta ómoína dáiticue: Abraham nai íñeniadi cue iticue, —daide.

⁵⁹ Iemona noficiai llínota Jesumo nitáacadiaioi. Mei íadi afémie retáirillano gairíracomona jino jaide. Afémaci cígido jaillano fínocaide.

9

Jesús uina cíoiñede jocócamie jíllotate

¹ Afénodo jaillano, Jesús uina cíoiñede jocócamiena ciode. ² Ie llófuegamaci íemo jícanote:

—Llófueraima, ¿nibái mei bie iima uina cíoiñede jococa? Nibai ie moo fiénidifuiái ícoinia daí jococa. Nibai dama ie fiénidifue finua ícoinia daí jococa. ¿Bífuiaimona nifue uáfuenta? —daidíaioi.

³ Jira Jesús daide:

—Dama ie ícoiniañedeza, jíai ie moo ícoiniañedeza. Mei íadi afémiemo Juzíñamui finóllifue ñue jino ácatallena, daí íficaide. ⁴ Nai monana llezica cue orédimie táijinafue cue finua jítáiredeza. Ja nauilla llezica buna táijnide. ⁵ Nai bie éniemo cue illa llezica, énie comini egáiñotimiedicueza, —daide.

⁶ Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cíoiñedimie uimo bitade. ⁷ Ie mei íena daide:

—Siloé jainoi ofíllanomo jócuai, —daide. Afe Siloé mámece jino dobáiñua dibénedo “Orécanona” mameide.

Iemona uina cíoiñedimie ui jócuaide. Meine bítemo ja cíoide.

⁸ Iemo ie abi comini, daje izói nauí uina ie cíoiñenana ciódino diga daidíaioi:

—¿Bímieñede, nii ráicana úcube jícafiredimiñede?

⁹ Dáarie daidíaioi:

—Jíi, níimie.

Jiáimaci dinena daide:

—Ieñede, mei íadi afémiena eroide, —daidíaioi.

Mei íadi afémie dinena dama daií daide:

—Jii, níimiedicue, —daide.

¹⁰ Jira íemo jicánotiaioi:

—¿Nie izói ja ciódio? —daidíaioi.

¹¹ Jira afémie uai ote:

—Afe iima, Jesuna mámeciredimie, ídiaidino fínuano cue uimo bitade. Bitanona daide: “Siloé jainoi ofíllanomo o ui jócuai.” Jócuaidicue. Iemona cue jócuailamona ciódicue, —daide.

¹² Jira íemo jicánotiaioi:

—¿Ninomo afe iima ite? —daidíaioi.

Iaioina daide:

—Íco mei, —daide.

Fariséuai jíllotaga uina cíoiñedimiemo jicánodoidiaioi

¹³ Iemo fariséuaimo nauí uina cíoiñedimiena uitíaioi.
¹⁴ Jesús ídiaidino fínuarui, afe ocózinaillarui. Aféruimo Jesús uina cíoiñedimie jíllotata. ¹⁵ Fariséuai afe ímana nie izói afémie ui cíoinafue meine abido jicánotiaioi. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja ciódicue, —daide.

¹⁶ Jira fariséuaimona dáarie íena daidíaioi:

—Afefue finódimie, Juzíñamui ímieñede, ocózinaillaruina íinoñena jira.

Mei íadi jiáimíai daide:

—Afémie fiénidifue finóraíma íadi, ¿nie izói bie cíofinina finócafue fínoite? —daidíaioi.

Comini bózietaillamona ¹⁷ meine nauí uina cíoiñedimiemo jicánuaidiaioi:

—¿O afémiena nie izói daidíoi, o ui cíoitatimiena? —daidíaioi.

Jira afémie daide:

—Afémiena uai llóraíma daidicue, —daide.

¹⁸ Mei íadi judíuai afe uina cíoiñedimiemo finócafueña íinoiacañediaioi. Ie ja cíonafueña íinoiacañediaioi. Ie jira jíllotagamie móotíaina uáidotiaioi. ¹⁹ Iemo jicánotiaioi:

—¿Afe níi be o jító uina cíoiñede jocócamie ómicoi daina? ¿Nie izói mei birui ciode? —daidíaioi.

²⁰ Ie móotíai uai ote:

—Onódicaíza bie cai jító; uina cíoiñede jococa. ²¹ Mei íadi nie izói afémie como cíonana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíallinoi.

²² Ie móotiai daií úritiaillinoi judíuai jacínaillamona. Judíuai jae nana comini onótatiai. Daidíai:

—Nágamiiai Jesús ua Cristo dainámiena mámeitimie Juzíñamui uai llófueriracomona jino júiticaí, —daidíai.

²³ Iemona móotiai daidíai, “Afémiemo jícano. Jae eicómeza.”

²⁴ Ie mei judíuai meine nauí uina cíoiñedimiena uáiduano daidíai:

—Juzíñamui uíecomo uáfueña caina daiíri. Onódicaíza, bímie fiénidifuiaredimie, —daidíai.

²⁵ Afémie uai ote:

—Afémie nibai figura, nibai fiénidifuiaredimie onóñedicueza. Daa cue onóigafue. Nano fueñe uina cíoiñedimiedicue, mei íadi biruí cíodicue, —daide.

²⁶ Nane dáanomo íemo jícanuaidiaí:

—¿Nie izóí ona ñete? ¿Nie izóí o finode o uí cíoilena? —daidíai.

²⁷ Jira uai ote:

—Jae omoi lloticue, íadi cuena íñoñediomoi. ¿Níbái mei dáanomo omoi llóiticue? ¿Omoi jíái daje izóí iedo jíaiacadiomoi? —daide.

²⁸ Báíñuano íena daide:

—O bímiesto jáidio, mei íadi Moisedo jáidicaí. ²⁹ Juzíñamui Moísemo úrillana onódicaí, mei íadi bie Jesús ninómona bite onóñedicaí, —daidíai.

³⁰ Jira afe íima uai ote:

—¡Bífue ñí cácafinina raa! Ie billánona onóñediomoi, íadi cuena ñue cíoitae. ³¹ Fiénidifue finofiredimacimo Juzíñamui cacáñede ñue onódicaíza. Iemo afémiemo íóbicaítadinomo cacáfiredi, ie jítaínafue finódimaci díga. ³² Jaca nanómona uina cíoiñede jocócamie jíllotatimie dánana cacáñena. ³³ Bímie Juzíñamui mona biñedeniadi, minícana ñénide, —daide.

³⁴ Jira daidíai:

—O fiénidifuiamona jocócamiedo. ¿O caina llófueacadio? —daidíai. Ie jira íena jino jíúnotiaí.

Joreño dibéfuiaina onóñedimaci

³⁵ Jesús uina cíoiñedimie jino íaíoi jíúnuana fidide. Ie baillano íena daide:

—¿Juzíñamui Jitomo ínotio?

³⁶ Jira afémie daide:

—Ocuíraíma, cuemo llone bu afémiena íemo cue ínolleza, —daide.

³⁷ Jira Jesús uai ote:

—Ja cíodioza. Nímiedicue, o díga úrilla, —daide.

³⁸ Iemona afémie Jesús anari ana dújuillanona daide:

—Ocuíraíma, ínoticue, —daide.

39 Ie méifomo Jesús daide:

—Bie éniemo biticue, jaícina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

40 Ie mei fariséuaimona, Jesús diga itínomona, dáamierie afefue cacáillano íena jicánotiaioi:

—¿Meita cai uina cíoiñedinodicai? —daidíaioi.

41 Jira Jesús uai ote:

—Omoi uina cíoiñeniadi, omoi fiénidifuiái icoi íiñeite. Mei íadi “Cíodícai” daidíomoi; jira omoi fiénidifuiái icoi ite, mei joreño dibéfuiaina onóñediomoiza, —daide.

10

Ovejai cirínoraco cai onótate

1 Uáfuenta ómoína dáititcúe, ovejai cirínoraco nazedo jáiñedimie ua meríriraíma. Enéfenemo táifodo tícaillano jofo jáidimie ua merírifiredimie. 2 Mei íadi nazedo jofo jáidimie ua úiñoraíma. Níimie ie ovéjaína ñue uíñote. 3 Naze tuiñóraíma naze tuiñode afémie jofo jáillena. Ie uaina ovejai onódiaioi. Ie ovéjaíai íaioi mámeçido jíríte. Daí cirínoracomona jino ófiregaíaiioi. 4 Nana ie ovejai jino óinana méifodo, íaioi uícodo ifóicaide. Ovéjaíai ie óodana jáioicaídiaioi mei ie uaina onódiaioiza. 5 Mei íadi onóñegamiemo jáioicaíñediaioi. Mei jáíifodo afémiemona niné botádiaioi, ónoñegamaci uaina onóñena jira.

6 Bie daje izoide ráfuedo Jesús íaioimo llófuete. Mei íadi daí daífacana uáina onóñediaioi.

Jesús ñue ovéjaíai úiñoraíma

7 Iemona Jesús meine dáanomo daíúzaide:

—Uáfuenta ómoína dáititcúe: Cue bie ovéjaíai jofo jaira nazédicue. 8 Nana cue uícomo bitímaci meríriraíni daje izói baíróriraíni. Mei íadi ovéjaíai afémacina náfueñediaioi. 9 Cue nazénaza. Cuedo jofo jáidimie jíllobicaite. Afémie cirínoracomo jofo jaide, meine jino bite. Afe jofo jáitímie oveja izóidimiéna íite. Ie güille raana báifrede.

10 Meríriraíma fia merírizaíbite; fájaíbite, táinocaitajaíbite. Mei íadi cue biticue íaioi cáatallena, ua jamánomo íocire íaioi íllena biticue. 11 Ñue ovéjaíai úiñoraímadicue. Afe ñue ovéjaíai úiñoraíma ovéjaíaimo ie cáallinona itátaite. 12 Mei íadi fia íbaca úiñoraíma dama úcube llínollena táijide. Jico izoide bíllana afémie cíóillano, ovéjaíai fíianona botade. Afémie botade uáfuenta úiñoraímañena jira; daje izói ovéjaíai íeieñena

jira. Iemona jico izoide ovéjaiaina llaitade. Iemona nana jáie ovéjaiai júdaizitiaioi. ¹³ Bie ñima botáfirede, daa fia ibállena táijideza. Ovéjaiaina nai lloñede. Iaiöina duériñede.

¹⁴⁻¹⁵ Cue bie ñue úiñoraímadicue. Cue Moo cuena onona izói daje izói cue Moona onódicue. Afe izói cue ovéjaiaina onódicue, ie izói afémaci cuena onódiaioi. Cue cáallino ovéjaiaimo íticue. ¹⁶ Jáie ovéjaiai cuemo ite. Bie cirínoraco íeñede. Cue uaina cacáillanona jeire ótiaioi. Iemona daa cirínoraco íite, daje izói daa úiñoraíma íite.

¹⁷ Cue Moo cuena izíruite, cue abi fécaillano meine cue llínua jira. ¹⁸ Buna cue abi báiroñeite, mei íadi dama cue comei izói fécaiticue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

¹⁹ Judúuai afe uaina cacáillano bócoizitiaioi. ²⁰ Afémacimona aillo daidíaioi:

—¿Nibái mei uai jeire otíomoi? Afémiemo fiénide jóríai íllaza, íemo uáiritaide, —daidíaioi.

²¹ Mei íadi jáíimaci daidíaioi:

—Fiénidena jóríairedimie jaca afe izói úrinide, —daidíaioi. Fiénide joreño uina cíoiñedimie uina cíoitánide.

Judúuai Jesús llínoacañeno íena ruifíruitiaioi

²² Jae rozíruillarullai. Afe llezica Jerusalemo irázillafue finódiaioi, gairíraco Juzíñamuimo oni íficaillarui uibíñoicaillena. ²³ Jesús Salomón macáranodo gairíracomo macade. ²⁴ Judúuai Jesumo ífoina gairíllano daidíaioi:

—¿Nie dinó caina figo onótañeítio? O Crístodio raire uáfodo caimo llone, —daidíaioi.

²⁵ Jira Jesús uai ote:

—Jae lloticue íadi cuena ñnoñediomoi. Cue finócafuiai cue Moo ríinodo finódicue. Afedo ñue jino ácatagacue. ²⁶ Mei íadi cuena ñnoñediomoi, cue ovéjaiaíñediomoiza. Afena naui ómoina daidicue. ²⁷ Cue ovéjaiai cue uaina onode. Iaiöina onódicue, jira cuedo bitíaioi. ²⁸ Zíñona cáallino íaioimo fecádicue. Jaca afémacimona dáamie niné báizaiñeite. Buna cúemona íaioimona daa báiroñeite. ²⁹ Afémaci cue Moo cuemo íga. Afémie jamánomoidimie. Nana baimo jáidimie. Buna cue Moo Juzíñamuimona afémacina bairónide. ³⁰ Cue, cue Moo diga dáamiedicoco, —daide.

³¹ Iemona judúuai meine íena nofíciaina nitáacadiaioi. ³² Jira Jesús daide:

—Omoi eróicana diga ñúefuiaiina cue Moo ríinodo finódicue. ¿Nífue ícoínia nofíciado cue níjítíomoi? —daide.

³³ Jira judúuai uai otíaioi:

—Ñúefuiai o fínuamona ona nǐjǐñeiticai; mei íadi o uáillaído Juzíñamuina báíñotio. Fia ímadío, mei íadi Juzíñamuina o abí maméacadio, —daídíaioi.

³⁴ Jira Jesús daide:

—Omoi ocuínafuiaimo Juzíñamui daina jae cuega. Be níuai: “Omoi juzíñamuillaidiomoi.” ³⁵ Cuegáuai dánana jaca jáanonide, onódicaiza. Juzíñamui, ie uaillai lǐñotimíaiina juzíñamuillaina mameide. ³⁶ Juzíñamui jae cuena oni ífcaitajano bie éniemo cuena orede. Ua ie orécamedicue. Jira ¿nie izói dáitio “Juzíñamuina báíñotio” cue daííadi “Juzíñamui Jitódicue”? ³⁷ Cue Moo finoca izói cue finóñenia, mai cuena omoi íñoño. ³⁸ Mei íadi ie finócafue izói cue finóadi, mai aféfuiaina íno, omoi nai cuena íñoñenia. Afemona cue Moo cuemo íllana, jabe ónoitiomoi. Daje izói cue, cue Moomo itícueza, ónoitiomoi, —daide.

³⁹ Meine maíáno íena uíacadíaioi, mei íadi Jesús oni finocaide.

⁴⁰ Ie mei Jesús Jordán ruicáfellemo meine jaide. Dinomo fiévide. Ua nauí Juan báutizanomo ite. ⁴¹ Aillo comíni íena erózaidíaioi. Daidíaioi:

—Uáfuenta, Juan cíofinina onótalle raa finóñede, mei íadi nana Juan bímeri daináfuiái uáfuiái, —daídíaioi.

⁴² Dinomo aillo comíni Jesuna íñotíaioi.

11

Lázaro tíide meine cáadimiena jaide

¹ Daa íima Lázaro iere irárena. Betania ímie. María ie ebuño Marta díga daje jófuego itíaioi. ² Afe María iráredimie Lázaro miringo. Afe María nauí Jesús ídaimo ziórede cáiredíji totade. Tótanona ie ífótíido zafénaitade. ³ Ja biruí afe miringo íainguai uai Jesumo orede, Lázaro iere tíiacana jira: llote:

—Ocuíraíma, o nabai Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

⁵ Marta ie ebuño ie íio Lázaro díga Jesús íaioina iere izíruite; ⁶ mei íadi Lázaro irárenafuena fidíillanona, Jesús raire jáíñede; nai ménaruí ie íllánomo ite. ⁷ Ie mei ie llófuegamacina daide:

—Meine Judéamo cai jai, —daide.

⁸ Jira llófuegamaci daídíaioi:

—Llófueráíma, nano cómoicana Judíuai díno nofícaído o fáiacadíaioi. ¿Nane meine afe díne jáiacadío? —daídíaioi.

⁹ Jira Jesús ie tíllirui nai áinoziñenana onóillano, íaioina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáiñuana ciode. ¹⁰ Iadi come naio macáadi éicitaide; afémiemo egáiñotinona iñédeza.

¹¹ Ie mei Jesús nai úrite; íaioina daide:

—Cai nabai Lázaro inídeza, mei íadi cazítaiticue, —daide.

¹² Jira llófuegamaci daidíaioi:

—Ocuíraima, afémie iníadi ja jíllocaite, —daidíaioi.

¹³ Mei íadi Jesús jíáfodo daiíacade, Lázaro tíide. Llófuegamaci comeci facade Jesús dánana fia ínia llote. ¹⁴ Jira Jesús jino uáfodo íaioina daide:

—Lázaro ja tíide. ¹⁵ Ióbidicue afémie tíllanomo iñédicueza. Daií ómoimona ñuera, omoi ñnollena. Mei íadi cai éroizailli, —daide.

¹⁶ Iemo Tomás, Guarámie maméidimie, jíaie llófuegamacina daide:

—Mai cai jai, afémie diga dáanomo cai tíilleza, —daide.

¹⁷ Jesús dúcillano como fidide Lázaro ja cuatro dígarui énie anamo ite. ¹⁸ Betania iere Jerusalén áinori ite, mena kilómetro átuedo izói. ¹⁹ Aillo judíuai jáidimaci Marta María diga uáiduidiaioi, íainguai íio tíllari. Iainguaimo fíraibitiaioi. ²⁰ Marta Jesús dúciana fidíllano afémiena jino cióizaide. Mei íadi María jofomo fiébide. ²¹ Marta Jesúsna daide:

—Ocuíraima, o nabai benó itíoniadi cue íio tíiñede. ²² Mei íadi onódicue naga raa Juzíñamuimona o jícáadi afémie omo iite, —daide.

²³ Jira Jesús daide:

—O íio meine cáajte.

²⁴ Iemo Marta daide:

—Jíi, cue onódicueza tíidino cáadinona illíruimo, énie íirairuimo afémie meine cáajte, —daide.

²⁵ Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuena ínotimie ie tíiadi meine cáajte. ²⁶ Nana nai cáadino cuena ínoiadi jaca ninomo tíiñeitiaioi. ¿O afefue ínotio? —daide.

²⁷ Jira afengo daide:

—Jíi, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

²⁸ Daií dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

29 Afena cacáillano María raire náidacaillano Jesumo eróizaide. 30 Nai Jesús afe jófuego jofo jáiñede. Marta ie baizájillanomo nai ite. 31 Jofo ite judíuai afengo fíraidiaioi. Afengo náidacaillano, raire jino jáillana judíuai cíoillano, aféngodo jáidiaioi. Afémaci comeci facádiaioi, afengo raiáfo dinomo éeiaide. 32 Ie mei María Jesús illánomo dúcida. Dúciano afémie eiba abimo caiñícido dújuillano daide:

—Ocuíraima, o nibai benó itíonia cue íio tíiñede, —daide.

33 Jesús María éeiana, naa aféngodo bitino judíuari éeiana cíode. Cíuano afémie iere zúureficaide. Ie comeci docaide. 34 Jira jicánote:

—¿Ninomo omoi raiga?

Jira daidíaioi:

—Ocuíraima, eróizabi, —daidíaioi.

35 Jesús eede. 36 Jira mei judíuai daidíaioi:

—¡Ero, nñ afémiena izíruilla! —daidíaioi.

37 Iadi afémacimona dámie daide:

—Bímie uina cíoiñedimiena meine cíotaraima. ¿Nai afémiemo iñede ríino Lázaro tíitañeillena? —daide.

Lázaro tíillamona meine abido cáadimiena jaide

38 Jesús comeci meine iere docaide. Raiáfomo áinozide. Raiáfo idu ana ifo. Ie jofo jáirano daa nofícina ibaica. 39 Jira Jesús daide:

—Nofíci oni ono, —daide.

Tíidimie miringo, Marta daide:

—Ocuíraima, jae íaire jallede. Ráiamona cuatro dígarui íteza, —daide.

40 Jira Jesús daide:

—¿Nauí ona daiñíedicue, o íinoiadi Juzíñamui ebírenafuena cíoitio? —daide.

41 Iemona nofíci oni otíaioi. Ie mei Jesús monamo érocaillano daide:

—Moo Juzíñamui, iere figora cuemo cacáreifíredio.

42 Onódicueza cuemo jaca cacáreidíio. Mei íadi daí daidíicue benó ite comini ñúeillena, daje izói bimaci o cue óriana íinollena, —daide. 43 Daí daina méifodo jírite:

—¡Lázaro, dinómona jino bi! —daide.

44 Tíidimie jino bite; ua onoi idai díga ferínoraroido maiáno jino bite. Uíeco ínórina ibaica díga bite. Jira Jesús íaioina daide:

—Zuita, zúitanona ie ore, —daide.

Jesús llaitállena jaícina maméritiaioi
(Mt 26.1-5; Mr 14.1-2; Lc 22.1-2)

45 Afedo aillo judíuaimona Jesuna ñnotiaioi. Afémaci, María íconia bitino, Jesús finócafueña ciódimaci. 46 Mei íadi afémacimona dáamierie fariséuaimo úrizaide. Ua Jesús finócafuiái íaioimo llujáide. 47 Iemona fariséuai, lletáriraini illaini diga gairídiaioi naa caifóidillainiri. Daidíaiioi:

—¿Nie izói ñéitica? Bie iima aillo cíofinina onótalle raana finode. 48 Fia daíí íena cai fáicanocaiadi nana íena ñnoitiaioi. Iemona romano ríimaci cai gairíraco táinocaitaitiaioi naa cai náirairi, —daidíaiioi.

49 Dáamie íaioimona Caifás mámeçiredimie. Afémie afe fimónamo lletáriraini illaima. Afémie íaioina daide:

—Omoí minícana onóñediomoí. 50 Daa iima comíniri tíia baimo jamánomo ñuera, nana nairai tííñeilla. Afefue nai figo fidíñediomoí, —daide.

51 Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana íllamona, Juzíñamui Joreño daináfuedo afemie daide: “Jesús judío náirairi tíizaite.” 52 Ua dani afe náirairi tííñeite, mei íadi nana júdaizite Juzíñamui jítoníai dáanomo meine gairíllena tíizaite. 53 Daíí aféruimona judíuai ríimaci Jesús fállena maméritiaioi.

54 Jira Jesús ja judíuai cígido uáfodo macáñede. Judea éniemona oni jaillano, táizici áinori ite jófuego mácañede. Afe jofue mámeçi Efraín. Dinomo ie llófuegamaci diga fiébide.

55 Judíuai pascua rafue ánozidemo aillo jofue comini Jerusalemo jáidiaioi, pascua uícomo comeci duáfuiái finóllena. 56 Jaillano Jesús jénuaidiaioi. Gairíracomo íaioi illano conímamo jícanoidiaioi:

—¿O nie izói daidio? ¿Afémie ráfuego biite? ¿Ñibai bíñeite? —daidíaiioi.

57 Fariséuai lletáriraini illaini diga jae ocuídiaioi: “Daa come Jesús illánona onóíadi lloíri,” ie cai llaitálleza, —daidíaiioi.

12

Ringo Jesús jillaide

(Mt 26.6-13; Mr 14.3-9)

1 Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abido cáatagamie.

2 Dinomo nauife güillafue finódiaioi Jesumo ñúefuíaína nitállena. Marta güille raizífiredede. Güirábanimo ráicana Jesús diga güitino, Lázaro afémacimona dáamie. 3 Iemo María litro átuedo zíoji cáiredena fáíñegaji atide. Afeji jamánomo ráifide. (Afeji mámeçi nardo.) Atiano Jesús eiba emodo jillaide. Daíí ñiano ífótiido zafénaitade. Nana afeco ero zúena

oruíbicaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

⁵ —¿Nibái mei trescientos dígabe fidi bie cáirediji fécañega, duéredino cai canoi daí? —daide.

⁶ Mei íadi duéredimaci izíruillamona daí daíñede. Mei íadi afémie meríriraíma. Nane íaíoi úcubellu uícaifirede. Aféllumo jóonega raana merífirede. ⁷ Ie jira Jesús íena daide:

—Aféngona fáicanocai. Raiáfomo cue raíllíruimo aféjina afengo éenote. ⁸ Duéredimaci jaca omoi díga ífirede, mei íadi cue jaca omoi díga are íñeitícue, —daide.

Lázaro fállena maméritiaíoi

⁹ Aillo judíuai Jesús Betániamo íllana fidídiaíoi. Jira dinomo jáidiaíoi dama Jesumo éroiñellena, mei íadi daje izói Lázarona cíoillena, tídimacimona Jesús abido cáatagamiena jira. ¹⁰ Iemona lletáriraíni illaíni Lázaro fállena mamédiaíoi. ¹¹ Ua Lázaro ícoíniadi aillo judíuai illáicomínimona jirecaillano Jesuna ínotiaíoi.

Jesús Jerusalemo ebire jofo jáillafue (Mt 21.1-11; Mr 11.1-11; Lc 19.28-40)

¹² Pascua ráfuego aillo comíni Jerusalemo jáidiaíoi. Ie méidiruido Jesús jófuego dúcizaillana fidídiaíoi. ¹³ Amena rafóruai jaitada jino Jesús uáiduaídiaíoi. Caíllícana daídíaíoi:

—¡Juzíñamuina ebífuena daíri! ¡Juzíñamui mámecido bitímie caimare comuiri! ¡Israel Illaíma caimare comuiri! —daídíaíoi.

¹⁴ Iemo Jesús burro baillano afe emódomo ráinade, jaiái Cuegáuai daína izói; be níuái:

¹⁵ “Sión comíni omoi jacíruiñeno.

Erocái, o Illaíma búrrodo ráicabite.”

¹⁶ Nanómona ie llófuegamaci aféfuaiina cacáñediaíoi. Ie méifodo ebírenafue Moo íemo nitaca mei, ie tíllanomona meine abido cáatallíruimo, nana afémieri Cuegáuaimo uíbicaídiaíoi. Daje izói íemo daí finócafuego uíbicaídiaíoi.

¹⁷ Lázaro jino raíáfomona uáiduaruido aillo comíni Jesúsóiri ite. Ua Lázaro tídimacimona abido cáanana cíódino afe íaíoi cíonafuena llujáidiaíoi. ¹⁸ Ie jira comíni Jesuna caimare baizájidiaíoi, afe cíofinina ie finócafue íaíoi fidina jira. ¹⁹ Jira fariséuai dani daídíaíoi:

—Ja cíódiomoi, jaca nie izói ñénide. Erocái, nana comíni íedo jáidiaíoi, —daídíaíoi.

Dáarie griego imaci Jesús jenódiaíoi

²⁰ Rafue illa dino acádoillena Jerusalemo bitímaci cígimo dáarie griego ímíai ite. ²¹ Afémaci Felípemo ánozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cíoiacadicaí, —daide.

²² Jira Felipe Andrena daízaide. Iemo afe íaillinoi Jesumo lluájide. ²³ Ie jira Jesús ie abina úrillano daide:

—Nanoide Iima Jitomo ebírenafuena nitálliruimo ja dúcide. ²⁴ Uáfueña ómoína dáititue, daa güiga raa ido éniemo ríñenia, tíñenia, jaca nai dáajina jóoide; mei íadi afeji ríllamona tíidena eroide zícua mona aillo aite. ²⁵ Daje izói dáamie ie cáaillinona dama íeiena rairuíadi, áfena féitaite, mei íadi dáamie ie cáaillinona bie éniemo jámairuíadi, áfena zíñona cáaillinomo éenoite. ²⁶ Dáamie cuemo jaináiacadimie cuedo jáirede. Cue illínomo dáanomo cuena jaináidimie iite. Dáamie cuemo jaináia, cue Moo afémiemo ñúefuena nítaite, —daide.

Jesús ie tíllifuena jino llote

²⁷ Jesús nai úrillano daide: Birui cue comeci iere llícitaide. ¿Nie izói cue daíri? ¿Nibai bie izói dáititue: “Moo birui cuemo zuídifuemona cue jíllota”? Mei íadi cue afe jira bititue. ²⁸ Moo, o mámecimo ebírenafuena jóoneri, —daide.

Iemona monámona daa uai cácaicaide. Daide:

—Afena jae ebire ífícaítaditue. Iemo meine dáanomo ebire ífícaítaititue, —daide.

²⁹ Afénomo ite comini áfena cacáillano daidíaioi:

—Mona gíria, —daidíaioi.

Iemo jíaimaci:

—Juzíñamui abi ímie íemo úrite, —daidíaioi.

³⁰ Mei jira Jesús daide:

—Afe uai cuemo cácaíñede. Omoimo cácaicaide. ³¹ Ja biruimo bie énie comini jenoda facátalliaioi. Jabe bie énie ocuídime jino dotácana iite. ³² Enie acónimo titállena cue íaioi raíñolle llezica, nana dama cuemo cue atille, —daide.

³³ Afe dánamona, ie tílla izói onótate. ³⁴ Jira comini uai otíaioi:

—Cai ocuilla uai ciegánicodo caimo llófuega: “Cristo zíñona iite.” ¿Nie izói daidio: Nanoide Iima Jitó titállena caífo raíñóbicaite? ¿Bu mei bie Nanoide Iima Jitona? —daidíaioi.

³⁵ Jira Jesús daide:

—Nai omoi cígiri egáiñotimiena izói nano íanori ititue. Bie cue egáiñuana ómoimo illa dino, mai cue llua izói omoi macari, jíitredino raire omoi éidafiñeillena. Jítinodo macádimie ie jáillana onóñede. ³⁶ Uzefomo ñno, nai ómoimo illa dino, egáiñogamacina daí omoi jáillena, —daide.

Afefue daína méifodo, Jesús afémacimona retáirizaide.

Judíuái Jesuna íñoñediaíoi

³⁷ Jesús íaíoi mo eróicana diga cíofininafuiaína finode. Mei íadi íena íñoñediaíoi. ³⁸ Ua íñoñediaíoi, jaíai uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue ínua?

¿Bumo Ocuíraima ie rínona ácatate? daide.

³⁹ Daiítana jira ínonidiaíoi. Ie emódomo jíáfodo Isaías cuete:

⁴⁰ Juzíñamui uina cíoiñedimacina íaíoi na finode.

Iaíoi ífoci jáiaítate.

Daií finode uído cíoiñeillena,

daje izói ífócido ónoñeillena.

Jira cuemo bínidimaci, íaíoi cue jíllotallena.

⁴¹ Isaías aféfuíai lloste, mei afémie Jesús ebírenafuena cíodeza. Jira afémiedo úrite.

⁴² Mei íadi aillo judíuaimona Jesuna ínotiaíoi, illáicomínimona jíai dáarie. Mei íadi uáfodo lloñediaíoi, fariséuaina jacíruillano gairíracomona jino íaíoi óreñeillena.

⁴³ Comíni ñúefuena íaíoi mo nítajana jamánomo gáidiaíoi. Mei íadi Juzíñamui ñúefuena íaíoi mo nítajana jámairuitiaíoi.

Jesús uailai comínimo ríire jícanoite

⁴⁴ Jesús aillo uaido daide:

—Cuenta ínotimie, dama cuenta íñoñede, mei íadi daje izói cue orédimiena ínote. Ua cue Moona ínote. ⁴⁵ Cuenta cíodimie daje izói cue orédimiena cíode. ⁴⁶ Cue egáíñotimiedicue. Ana bie éniemo biticue, cuenta ínotino jíñiredifomo fiébiñeillena.

⁴⁷ Dámierie cue uaina cacáadi íadi jeire ie óñeniadi, ie jícanoraimana íñeiticue. Cue bie énie comínina duere fínuaibiñedicue, mei íadi afémacina jíllotaibiticue. ⁴⁸ Cuenta jámairuitimie, cue uaina jeire óñédimie ja ie duere fínoitimie íte. Cue daína uailai íraíruiillaído duere íena finótaitate. ⁴⁹ Dama cue comeci izói úriñedicue. Moo Juzíñamui, cue orédimie cue dáinana llófuellena jae ocuide. ⁵⁰ Moo cuemo ocuífue zíiñona itátate. Afena onódicue. Jira mei, cue daína, jaca cue Moo cue ocuilla izói.

13

Jesús ie llófuegamaci idai jocode

¹ Jae pascua rafue uícodirui. Jesús bie éniena ie fiénocaillana, íe Moo dine jáillirui ánozillana fidide. Ieiena éniemo itínona izíruite. Ua jaca fáicanocaiñeno íaíoi na izíruite.

2-4 Taife jae Judas Iscariote comécimo Jesús fecállena lloste. Judas Simón jito. Afe llezica Jesús Juzíñamuimona bitímiena fidide. Daje izói Juzíñamuimo meine jáillana fidide. Juzíñamui nana ríinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúñuano daa abi doraroi ciráigimo maitade. ⁵ Ie mei jainoi icáifemo tótajano, ie llófuegamaci idai jócuaide. Daiñ ñiano, afe ciraigi maitaca abi dorároido íaioi idai zafénaitade.

⁶ Simón Pedro idai ie jócuaila llezica afémie Jesuna daide:

—Ocuíraima, ¿cúe ídaina jócoitio?

⁷ Jira Jesús uai ote:

—Birui cúe finócafuenta onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cúe ídaina jócoñeitio, —daide.

Jira Jesús íena daide:

—Ona cúe jocóñeniadi, cuemo jáinaiñeitio, —daide.

⁹ Jira Simón Pedro íena daide:

—Mai mei, Ocuíraima, daa cúe idai jocóñeno, mei cúe onoi, cúe ífo diga jocori, —daide.

¹⁰ Jira Jesús daide:

—Como nóidímie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaitimiena onona jira, Jesús jae daide “Nana dóñegaomoi.”

¹² Íaioi idai jócua méifodo, Jesús ie jinóidicuiro meine jítade.

Güirábani abimo ráinaillanona daide:

—¿Omoimo cúe finócafuenta onódiomoi? ¹³ Omoi jae

Llófueraimana, Ocuíraimana cúe mamédiomoi. Daiñ ñue

daidíomoi, níimiedicueza. ¹⁴ Jae omoi Llófueraimadicue;

jae omoi Ocuíraimadicue mei íadi omoi idai jocódicue. Afe

izói dani conima idai omoi jocolle jítáirede. ¹⁵ Jae ómoína

finócafuenta onótaticue, cúe finua izói omoi finóllena. ¹⁶ Uáfuenta

dáitícue: Táijitatímie baímo jaide jaiénicina íñede. Daje izói

orédímie baímo jaide orécamierna íñede. ¹⁷ Aféfuiai omoi

onóadi, íemona afe izói ñiano, íóbificaitíomoi.

¹⁸ Omoiri nana úriñedicue. Cúe nizécamacina onódicue. Mei

íadi Cúegáuai daína ñue fuitállena jítáirede. Cúegáuai daide:

“Cúe diga güitímie jae cúe ícidote.” ¹⁹ Afefue úcomo ómoimo

lloiticue afe íficailliruimo Crístodicue cuemo omoi íinollena.

²⁰ Uáfuenta ómoína dáitícue, cúe orécamierna llínotímie afe

izói cuerna llínote. Cuerna llínotímie afe izói cúe orédímiena

llínote, —daide.

Jesús Judas ie fecállifue jino lloste

(Mt 26.20-25; Mr 14.17-21; Lc 22.21-23)

²¹ Daií daina méifodo, Jesús jamánomo comeci zúucaide. Uáfodo jino llote:

—Uáfuenta ómoína dáititue, ómoimona dáamie cue fécaite, —daide.

²² Ie jira llófuegamaci jáimamo eróricaidiaioi, onóñegaza budo úrite. ²³ Llófuegamacimona dáamie Jesús iere izíruigamie. Afe güilláruído Jesús abimo ráiide. ²⁴ Simón Pedro íemo onócaído llote:

—Mai Jesumo jícano, ¿budo úrite? —daide.

²⁵ Jira jofo áinozillano Jesumo jicánote:

—Ocuíraima, ¿bu llotio? —daide.

²⁶ Jira Jesús uai ote:

—Daa pánllicina cue riáitano afémiemo íititue. Afe nímie, —daide.

Iemona pánllicina riáitano Judas Iscariote, Simón jitomo fecade. ²⁷ Afe pan Judas llínnumona, Taife ie comécimo jofo jaide. Mei jira Jesús daide:

—O finóllifuenta raire fino, —daide.

²⁸ Júdasna daií daináfuenta güirábanimo güitínomona buna aféfuenta onóñena. ²⁹ Ucubellu Judas uícaiga jira dáamierie comeci facádiaioi: Jesús daíacade ráfuego jitailla raana íbajitade. Jáimaci comeci facádiaioi, nibai duéredino úcube afémie íllena. ³⁰ Afe pan güilla méifomo Judas jino jaide. Ja naiona.

Comue ocuúllafue

³¹ Judas jino jailla méifomo, Jesús daide:

—Jabe Nanoide Iima Jitó ebírenafue ácatalle. Afe dainámieditue. Iemo jái jabe Juzíñamui ebírenafue iedo ácatalle. ³² Nanoide Iima Jitó Juzíñamui ebírenafue ácataidi, íbana ie Jitó ebírenafue Juzíñamui ácataite. Afena raire finoite.

³³ Cue izíruigamaci, omoi diga ja are íñeititue. Cuená jénoitiomoi. Mei íadi nauí judíuaina cue daina izói birui ómoína dáititue: cue jáillinomo jáinidiomoi. ³⁴ Bie comue ocuúcafue ómoimo llotitue: conímana omoi izírui. Cue omoi izíruilla izói afe izói conímana omoi izíruillana jítáirede. ³⁵ Nana conímana omoi izírui, nana comini cue llófuegamacidiomoi fídítiaioi, —daide.

Pedro Jesuna jáanollifue Jesús uícomo llote

(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jicánote:

—Ocuíraima, ¿niné jáidí? —daide.

Jira Jesús uai ote:

—Cue jáillinomo birui bínidí; mei íadi méifoidíruído cuedo bíitio, —daide.

³⁷ Mei ie jira Pedro daide:

—Ocuíraima, ¿nibái mei birui odo bínidicue? Ja finóbidicue o diga cue tíllena, —daide.

³⁸ Jira Jesús uai ote:

—¿Uáfueña meita finóbidio cue diga o tíllena? Uáfueña ona dáititcúe: nai átava úriñeniadi, dacaiñoámani cuena jáanoitio, —daide.

14

Jesús, Moo Juziñamuimo jaira io

¹ Omoi comeci zúucaíñeno. Juziñamuimo ñno; daje izói cuemo ñno. ² Cue Moo jofomo aillo illánuiái ite. Bifue táinofue íadi, raire ómoimo llóititcúe; íadi jaca uafue. Mei jira omoi illino fínuaidicue. ³ Omoi illino cue fínuailla mei, abido ómoína uáibititcúe, cue illínomo dáanomo omoi íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuíraima, o jáillinona onóñedicai. ¿Ñie izói afe iona ónoititcái? —daide.

⁶ Jira Jesús uai ote:

—Cue ióditcúe. Cue uáfueditcúe. Daje izói cue cáatatinoditcúe. Ie jira daa cuedo Moo illánomo dúcirediomoi. ⁷ Cuena omoi onóyadi, daje izói cue Moona ónoitiomoi. Ja biruimo íena onódiomoi. Ja íena ciódiomoiza, —daide.

⁸ Jira Felipe daide:

—Ocuíraima, Moo Juziñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga ititcúe, ¿nai cuena onóñedio? Cuena ciódimie daje izói cue Moona ja ciode. ¿Níbái mei Moona cíotalle cuemo jicádío? ¹⁰ ¿Moomo cue íllana nai ñnoñedio? ¿Daje izói cue Moo cuemo íllana ñnoñedio? Nana cue daináfuiái dama cue comeci izói daiñnedicue. Cuemo ite Moo dama ie táijina finode. ¹¹ Cue Moomo cue íllana ñno; afe izói Moo cuemo íllana ñno. Ménaillinoi dáanomo itícocoza. Daií omoi ñnoiacañenia cue finócafueña ñno. ¹² Uáfueña dáititcúe: cuena ñnotimie cue finócafue izói fínoite. Nane afe baimo aillo jááfue fínoite, cue Moo illánomo cue jailla jira. ¹³ Nana omoi cue mámedido jicaca raa fínoititcúe, Moo ebírenafue ie Jitó ácatallena. ¹⁴ Naga cue mámedido jicalle raana fínoititcúe, —daide.

Jesús Ñuera Joreño oréllena uafue llote

¹⁵ Cuena omoi izíruiá, mai cue ocuífufuiái cacáfíreiri. ¹⁶ Iemo omoi canóraima, omoi fíraraima jícaititcúe. Moo ómoimo íena oréllena íemo izire jícaititcúe. Bítimie uafue Joreño. Afe Ñuera

Joréñona jácaiticue omoi diga ninomo íllena. ¹⁷ Enie imaci éna líinonidiaioi, afémiéna ciónidimaci jira; daje izói afémiémona ónoñedimaci jira. Mei íadi éna ja onódiomoi, omoi diga illa jira. Ua uire jaca ómoiri dájéna íite. ¹⁸ Omoína zóofeñeiticue. Abido bíiticue omoi diga íllena. ¹⁹ Nano nígarui íanori íllamona comini ja cuena cíofneítiaioi, mei íadi cuena cíoitiomoi. Afe jira omoi cáaitiomoi, cue caana jira. ²⁰ Aféruido cue Moomo cue íllana ónoítiomoi. Daje izói cuemo omoi íllana ónoítiomoi; daje izói ómoimo cue íllana ónoítiomoi. ²¹ Cue uaina onódimie, íemo jái afe uaina jeire otímie uáfueña cuena izíruillana cíotate. Jira cuena izíruitimie cue Moo daje izói izíruite. Cue daje izói éna izíruiticue; ie mei afémiemo cuena cíotaiticue, —daide.

²² Iemo Judas (íadi Iscarióteñedimie) éna daide:

—Ocuíraima, ¿nibái énie comínimo ácatañeno, dani caimo o abina ácataitio? —daide.

²³ Jira Jesús uai ote:

—Cuena izíruitimie cue dáinafue jeire ote, ie jira cue Moo éna izíruite. Afe llezica cue Moo cue diga bíiticoco afémie diga íllena. ²⁴ Cuena izíruiñedimie cue dáinafue jeire ofede. Omoi cacana úrillafue dama cúeieñede. Afefue Moo Juzíñamui, cue orédimie ifue. ²⁵ Omoiri cue illa dino aféfuiaína ómoimo lloticue. ²⁶ Mei íadi Moo cue mámeçido Ñuera Joreño óreite, ómoína canóllena, ómoína fírallena. Nágafuiaína omoi llófueite. Nana ómoína cue dáinana uíbicaítaite.

²⁷ Comeci caimare uái illifue ómoimo fiédicue cue jailla jira. Cue comeci caimare uái illifue ómoimo iticue, mei íadi énie comini comeci illifue izóiñede. Omoi comeci zúucaíñeno. Jacíruiñeno. ²⁸ Jáiticue, cue dáinana cacádiomoiza. Daje izói meine bíiticue ómoiri cue íllena. Uáfueña omoi cuena izíruia, cue Moomo cue jáillifue omoi fidínamona cáimacaitiomoi, mei afémie cue baimo illa jira. ²⁹ Jira áfena uícodo ómoimo lloticue, afefue fínuaruimo omoi íinollena.

³⁰ Omoiri ja aillo úriñeiticue, bie éniemo ocuídímie ja billa jira. ³¹ Mei íadi afémie cuena ocuínide. Daí írede, énie comini Moona cue izíruillana íaioi onóillena. Daje izói Moo cue ocuilla raana cue fínuaña ónoítiaioi. Mai náidacai. Benómona cai jáilleza, —daide.

15

‘Vid’ dáina jíricona izoide rao ícairuái rafue

¹ Afe mei nane Jesús úrite; daide:

—Uafue ‘vid’ dáina jíricue llizítate rao izóidicue. Cue Moo afe rao úiñotímie. ² Lliziacañede rao ícairo jaitade. Nana llizíacade ícairo ie icoi jáicoide, áfemona jamánomo llizíllena.

³ Omoi cue llófuiafuedo jae ñue dóficaidiomoi. ⁴ Mai cuemo dáanomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáanomo omoi jaináñenia, ñúfuiai omoi comécimona comútanidiomoi. ⁵ ‘Vid’ daína jírícue llizítate rao izóidicue; afe rao zitaca ícairuai izóidiomoi. Cuemo dáanomo jaináidimie, íemo dáanomo cue jainaila llezica, ua jamánomo aite. Mei íadi cue iñédicuenia mínicana finónidiomoi. ⁶ Cuemo jaináñedimie jino faille. Fáiama zafénaite, rao rábiai izói. Afémacina iraida iraimo jobaica.

⁷ Cuemo ñue omoi jaináiadi, daje izói cue llogáfueña omoi féitañenia, o jitaiga raana jicari. Iemona áfena ómoimo íiticueza. ⁸ Aillo llizilla izoide ñúfue omoi finóadi, cue Moomo ñúfueña nítaitio. Afedo cue uáfueña llófuegamacina omoi íllana ácataitiomoi. ⁹ Cue Moo cuena izíruilla izói, afe izói ómoína izíruiticue. Ómoína cue izíruiticueza; áfedo dinomo omoi jairi. ¹⁰ Cue ocuífuaína jeire omoi óiadi, daíi cuedo izíruilliomoi. Daje izói cue Moo ocuífuaína jeire oticue. Iemona afémiedo izíruigacue.

¹¹ Cue daíi úriticue cue dibénedo caimare omoi íllena. Daíi íóbillafueña oruíbicaítiomoi. ¹² Bie cue ocuífue: Ómoína cue izíruilla izói naga come ie conímana izíruiri. ¹³ Dáamie jamánomo izíruillafuedo ie abi ie nabáiñiaimo fecárede. Afe baimo iere izíruillafue iñede. ¹⁴ Cue ocuífue omoi finóadi cue nabáiñiaidiomoi. ¹⁵ Ja jaiénicina ómoína mámeñeíticue, jaiénici ie ocuídime finuafueña ónoñena jira. Cue nabáiñiaína ómoína mamédicue, nana cue Moo cuena daínáfuaí omoi cue onota jira. ¹⁶ Omoi cuena nizéñediomoi, mei íadi cue nizécamacidiomoi. Iemona ómoína ocuídicue, aillo llízie izoide ñúfuiaína omoi finóllena. Afe llízie are íllana ocuídicue. Ie jira daíi nana cue mámeçido omoi jicaca raana cue Moo ómoimo fécaite. ¹⁷ Jira bifue ómoína cue ocuíllafue: Naga come ie conímana izíruiri,—daide.

Enie comini Jesuna éoide ie comini diga

Jesús nai úrillano daide:

¹⁸ —Enie comini ómoína éoiadi, nano fueñe cuena íaioi éoillamo omoi uíbicaíri. ¹⁹ Enie comínina omoi íadi, afémaci íaioi comínina izíruilla izói ómoína izíruitiaioi. Mei íadi énie imácimona ómoína nizédicue. Ie jira énie imaci ómoína éoidiaioi, éniemo íaioi jainaina jira. ²⁰ Ómoína cue daínáfueño uíbicaíri: “Nie jaiénici ocuídime baimo iñede.” Cue duere finóllena íaioi racáoiadi, daje izói ómoína rácaítiaioi. Cue llófueinafueña jeire íaioi óiadi, ómoína jeire óítiaioi. ²¹ Nana aféfuiai cue ícoína ómoimo fínoítiaioi, cue orédimiena onóñena jira.

²² Iaiommo úrizaibiñedicuena íaioi ícoinia iñede. Mei íadi birui íaioi fiénidifue ícoinia jae ite. ²³ Cuena éoidimie daje izói cue Moona éoide. ²⁴ Jaca bu jáimie íaioi cígiri cue finua izói finóñede; mei íadi afe jáimie finófinide raana ja íaioi cígiri finódicue. Ie jira íaioi ícoinia íteza. Mei uáfueña aféfuiaia ja cíodiaioi. Mei íadi afe emódomo cuena éoidiaioi. Afe izói cue Moona éoidiaioi. ²⁵ Afefue daí jaide, íaioi cuega ocuífauiai uai fuitállena. Afe Cuegáuai daide: “Nífueninanomona cuena éoidiaioi.”

²⁶ Mei íadi Móomona cue oréllimie, afe Ñuera Joreño bíadi, cueri úrite. Afe llezica ómoína cánuano náirecaitaite. ²⁷ Omoi daje izói cueri úritiomoi, nanómona cue diga omoi illa jira.

16

¹ Aféfuiai ómoimo lloticue, fiénidifuemo omoi báiiñellena. ² Juzíñamui uai llófueriracomona ómoína jino dótaitaioi. Ua uire jamánomo fieni illíruimo dúciite. Aféruillaído ómoína fáitimaci, “Omoína fallífuedo Juzíñamui táijinana fínoiticaí” daí daina ínoitiaioi. ³ Aféfuiaia fínoitiaioi Moona jaca ninomo onóñena jira, daje izói cuena onóñena jira. ⁴ Afena ómoína dáititcúe, aféruillai dúcillemo, cue daínáfuemo omoi uíbicaillena, —daide Jesús.

Ñuera Joreño finóllifuiái

Jesús nai úrillano daide:

—Aféfuena nanómona ómoimo lloñédicue, omoi diga cue illa jira. ⁵ Mei íadi biruímona cue orédimie dinomo jáititcúe. Omoimona buna cue jáillinona jicánoñediomoi. ⁶ Mei íadi bie cue ómoína daínáfuerei iere zúucaidiomoi. ⁷ Iadi uáfueña dáititcúe: cue jaille ómoimona iere ñuera. Cue jáiñenia, ómoína canoda firaraima bíñeite omoi diga íllena. Mei íadi cue jaía íena óreititcúe. ⁸ Ie billíruido éniemo itino íaioi fiénidifuiaina uáfueña onótaitaite. Daje izói dama daa jáicina ñúefuedo cai jáilliona onótaitaite. Daje izói Juzíñamui íaioína duere finóllena onótaitaite. ⁹ Afémaci fiénidifuiáiredimaci, cuena ínoñena jira. ¹⁰ Afe jáicina jáilliona ónoitiaioi, Moo illánomo cue jailla jira. Afe cue jailla mei cuena cíoñeitiomoi. ¹¹ Juzíñamui facátallifueña ónoitiaioi, bie éniemo ocuídime jae duere finóbilla jira.

¹² Cue ómoimo llollífuiái nai aillo ite; mei íadi nai onónidiomoi, náinidiomoi. ¹³ Uafue Joreño bille llezica ómoimo nana uáfuiaina afémie llóite. Dama ie comeci jitaina izói úriñeite, mei íadi ie cacana izói dáite. Uire íitífuiaina ómoína onótaitaite. ¹⁴ Cúeiemona llínuano ómoína onótaitaite; onótamona ñúefueña cuemo nítaite. ¹⁵ Nana Moomo ite raa

daje izói cueie. Ie jira dáititcúe: Ñuera Joreño cúeiemona llíinoite, áfedo aféfuena ómoína onótaite.

Zúurenafue cáimafuena méidolle

¹⁶ Nano íanori íllemona cuena cíñoñeitiomoi. Mei íadi jabo bai diga iruillai íllamona, nane meine cuena cíoitomoi, mei cue Moo illa dine cue jáillaza, —daide.

¹⁷ Iemona ie llófuegamacimona dáarie jofo conímamo jicánote: —¿Afe nie izói daináuai? Caina daide nano nie dino íllamona íena cíñoñeiticai. Ie mei nane caina daide, báifenemo diga iruí íllemona meine íena cíoiticai, mei ie Moo illánomo ie jáillaza. ¹⁸ ¿Nie izói aféuai daide: “Nie dino íllamona?” Afémie nífuedo úriteza onóñedicai, —daidíaioi.

¹⁹ Jesús íaioi íemo jicánoiacagafuena onóillano daide:

—Cue daidicue nie dínó íllemona cuena cíñoñeitiomoi. Nane ie baimo diga iruí íllemona meine cuena cíoitomoi. ¿Afeue conímamo jicánotiomoi? ²⁰ Uáfueña dáititcúe: omoi éeitiomoi. Zuure íitiomoi; mei afe llezica énie comini caimare íitiaioi. Mei íadi omoi zúunailafue cáimafuena méidoficaite. ²¹ Ringo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo úbicaiñede, úrue éniemo jocóinari ie íóbilla jira. ²² Daí birui omoi izire zúucaitiomoi. Mei íadi ómoimo cíoizaibiticue. Iemona omoi coméciai cáimafuena óruite. Afe cáimafuiai bu ómoimona báiroñeite.

²³ Aféruido minícana cuemo jícanoñeitiomoi. Uáfueña ómoína dáititcúe, nana cue mámecido omoi jicaca raa, cue Moo ómoimo fécaite. ²⁴ Biruimo cue mámecido minícana nai jicáñediomoi. Mai jica omoi llínollena, áferi comeci cáimafuena oruúbicaillena.

Jesucristo, Juzíñamuina éoidinona anáfenodimie

²⁵ Bífuiyai aillo daje izóidifuiaido ómoimo lloticue, mei íadi daruina daje izóidifuiaido ómoimo úriñeiticue. Aféruiamo ja ánozide. Aféruido uáfodo Moodo ómoimo úriticue.

²⁶ Aféruillaído omoi cue mámecido jícaitiomoi. Moomo ómoiri izire cue jicállena daíñedicue, ²⁷ mei dama Moo ómoína izíruilla jira. Iemo jíai cuena omoi izíruilla jira, ómoína izíruite. Moo dinena cue bíllana omoi íñnua jira, afémie ómoína izíruite. ²⁸ Moo illánomona billano bie éniemo biticue. Birui énie fiénocaillano meine Moo diné abido jáititcúe, —daide.

²⁹ Jira ie llófuegamaci daide:

—Ja birui daje izóidíuaido daíñeno, jino uáfodo úritio. ³⁰ Birui naga rafue o onóigana onódicai. Ja jíaimie omo llúana jitaíñede. Mei jira Juzíñamuimona o bíllana íñnoticai, —daidíaioi.

³¹ Jira Jesús uai ote:

—¿Birui cuemo ja daií ñnotiomoi? ³² Omoi enénorie júdaizilliruimo áinozide. Ja birui aferui. Omoi mona nágamie oni eneno júdaizite. Dama cuena fiénocaitiomoi. Mei íadi damáñedicue, cue Moo cue diga illa jira. ³³ Nana bífuiai ómoimo llóiticue, cuemo ñnuano omoi comeci uái íllena. Afe bie éniemo duere zéfuitiomoi. Mei íadi, jabí omoi mameri! Ja Juzíñamuina éoidinona anáfenodimiedicueza, —daide.

17

Jesús ie llófuegamaciri Juzíñamuimo jicade

¹ Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo ziiñona cáaillinona íaioimo cue íllena. ³ Ziiñona cáaillino comini ona íaioi onónamona llínotiaioi. O dama uafue Juzíñamuidio. Daje izói ziiñona cáaillino, o orécamie Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuícáfue jae fuitádicue. ⁵ Moo, nauí o diga cue illáruimo cue ebírenafue dájena birui o uícori meine cuemo ine. Afe ebírenafue nai énie íñena llezica nauí cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ñnotiaioi. ⁷ O nana cuemo igáfuiai ómona bitífuiaina onódiaioi. ⁸ Jira o cuemo iga úrilla uai bimácimo lloticue. Aféfuena jeire otíaioi. Uáfuena ómona cue bíllana onódiaioi. Daje izói o cue óriana ñnotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie diga. Afe ibana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeiticue; mei íadi afémaci afe éniemo fiébitiaioi. Cue o diga íllena jáiticue. Jamánomo ñuera Moo, cuemo o igano o ríinodo uíñori, nana dájena cuemo ñue jaináíllena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaioi abi ríidoticue. Íaioimona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómona féiraitimie.

¹³ Jabe o illánomo jáiticue. Mei íadi nai éniemo cue illa dino aféfuiaina llóllodicue, cuemo ite ióbillafue afe izói afémaci ñue ióbicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imáciñena jira. Daje izói cue jáí énie ímieñedicue. ¹⁵ Eniemona íaioi o óllena jicáñedicue, mei íadi

Taifémona íaioi ríidollena jicádícue. ¹⁶ Enie ímieñedicue; afe izói énie ímaciñediaioi. ¹⁷ Íaioina uáfuedo dama óiena rairuiri. O úrilla uai uafue. ¹⁸ Enie imaci cígimo cue o ória izói, daje izói énie imaci cígimo íaioina orédícue. ¹⁹ Afémaci ícoinia cue dama abi rairuídícue. Daií finódícue, uafue uaido afémaci daje izói íaioi rairuúllena.

²⁰ Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádícue. ²¹ Nana afémaci dájena jaináillena omo jicádícue. Ua Moo, afémaci dájena cócomo jaináillena jicádícue. Uáfueña o cuemo itio, nane uáfueña cue omo itícue. Afe izói íaioi cócomo íllena jicádícue. Afémaci dájena jainaille jítáirede, énie comini cue o óriana ínollena. ²² Cuemo o iga ebíredí fue izói, afémacimo jae cue iga, dájena íaioi íllena, o diga dájena cue illa izói. ²³ Afémacimo cue íllena jicádícue, nane o cuemo íllena jicádícue, nana afémaci dájena íficaillena. Daií íaioi íllena jítáirede, énie comini cue o óriana fidíillena. Nane áfedo énie comini cuena o izíruilla izói, bimácina o izíruillana ónoítiaioi.

²⁴ Moo, bimaci cuemo itio. Cue illínomo cúeoiri íaioi íllena jítáidícue, cuemo o iga ebíredí fueña íaioi cíoillena. Nai énie fínoñenia úcomo cuena izíruitio. ²⁵ Moo, jaícina ñue jóonetimiedio. Enie comini ona onóñediaioi, mei íadi cue ona onódícue. Bimaci cue o óriana onódiaioi. ²⁶ Búdio, jae íaioina onótaticue; íemo nai onótaoicaitícue, o cuena izíruilla íaioi comécimo fiébillena; daje izói cue dama afémacimo fiébillena, —daide.

18

Jesús maiano úinafue

(Mt 26.47-56; Mr 14.43-50; Lc 22.47-53)

¹ Aféfuiai daina méifodo, Jesús ie llófuegamaci diga jino jaillano Cedrón illétue ruica jáidiaioi. Dinomo ite ocózinairabirimo jofo jáidiaioi. ² Judas afébirina onode, Jesús ie llófuegamaciri, diga ícaño afénomo gáirifireña jira. ³ Jira dinomo Judas fuiríraini diga dúcide. Afe llezica dáarie gairíraco llazíraini Judas jicácamaci bitíaiioi. Afémaci fariséuaimona lletáirairaini illáinimona oreca. Lloéfaillai diga jacire abi mamédiaioi. Unéraruairi bitíaiioi, daje izói lámparaiairi. ⁴ Mei íadi Jesús afémiemo fínuauillí fueña onóillano, jino billano íaioimo jicánote:

—¿Bu jenódiomoi? —daide.

⁵ Jira afémaci uai ote:

—Jesús, Nazaret ímie jenódicai, —daidíaioi.

Jesús uai ote:

—Níimedicue, —daide.

Afe llezica éoidimacimo fecádimie, Judas dinomo afémaciri ite. ⁶ Jesús “Níimedicue” daína llezica, jinófecaifona éniemo baídiaioi. ⁷ Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíaioi.

⁸ Mei jira Jesús daide:

—Jae níimedicue daidicue. Cue omoi jenóadi, bie jáimaci fáicanocai íaioi jáilleza, —daide.

⁹ Afe daí daide Jesús dama ie daínafue fuitállena. Afe daínafue llote: “Cue Moo cuemo igámacimona buna dáamie féiraiñede.” ¹⁰ Iemo Simón Pédro daa lloefai ite. Otá Malco daínámie jefo nabefo ñetade. Malco lletáriraini illaíma jaiénici.

¹¹ Jira Jesús Pédrone daide:

—O lloefai ie icomo abido meine joone. ¿Cue Moo cue duere zefuitajana llínoñeiticueza, daí o comeci facáio? —daide.

Lletáriraini illaíma uícomo Jesús uitíaioi

(Mt 26.57-58; Mr 14.53-54; Lc 22.54)

¹² Ie mei fuiríraini íaioi ocuiráima diga Jesuna llaitádiaioi. Nana bimaci judíuai llazíraini diga Jesús maiano oni uitíaioi. ¹³ Ie meífomo Anás jofomo íena uitíaioi. Anás Caifás jifai. Afe fimona llezica Caifás lletáriraini caifóidillaíma. ¹⁴ Bie Caifás nauí judíuaina bie izói daidímie: “Daa come nana cai nairai ícoínia tíllena cai baímo ñue jaide.”

Pedro Jesuna jáanote

(Mt 26.69-70; Mr 14.66-68; Lc 22.55-57)

¹⁵ Simón Pedro jáie llófuegamie diga nai Jesudo jaide. Jáie llófuegamie lletáriraini caifóidillaíma onóigamie. Jira caifóidillaíma jofo ibírímo afémie jofo jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaíma onoiga llófuegamie jino jaillano, naze úiñoraimamo jicánuaide Pedro jofo oréllena. ¹⁷ Iemo naze úiñoraima Pédro jicánote:

—¿O báimie llófuegamieñedio? —daide.

Pedro uai ote:

—Jii, cúeñede, —daide.

¹⁸ Aféruído rozírena jira, jaiénizai llazíraini diga irai bonódiaioi. Dinomo naidáillano irai fuemo agáidiaioi.

Lletáriraini caifóidillaíma Jesumo izire jicánote

(Mt 26.59-66; Mr 14.55-64; Lc 22.66-71)

¹⁹ Lletáriraini caifóidillaíma Jesumo jicánuaillano daide:

—¿Nímaci o llófuegamacina? ¿Nífuiaína llófuetio?

20 Jira Jesús daide:

—Cue nana comini uícomo uáfodo úriticue. Juzíñamui uai llófueriracuaímo jaca llófuefiredicue. Daje izói Juzíñamuimo gairíracomo llófuefiredicue. Jaca afénomo judíuai gáirifirediaíoi. Daí báinino nífuena lloñedicue. 21 ¿Níbái mei cuemo jicánotiómoi? Cue uaimo cacádinomo jícano. Afémacimo cue dáinana jícano. Cue íaioina dáinana onódiaioiza, —daide.

22 Jesús daí daina llezica, daa dino ite gairíraco llaíziriraima Jesús uíeco pútanona daide:

—¿Níbái daí lletáriraini caifóidillaíma uai otio? —daide.

23 Jira Jesús uai ote:

—Fiénidífue cue lloía, áfena cuemo llone; mei íadi cue daina uai ñuera íadi, ¿níbái mei cuena putádió? —daide.

24 Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

25 Due jiza bai jáidemo, Pedro nai náidaillano irai fuemo agaide. Afénomo itino íena daídíaíoi:

—¿O báimie llófuegamaci iéñedio? —daide.

Pedro jáanuano daide:

—Jíi, iéñedicue, —daide.

26 Dinomo Pedro jefona jaitácamie come ite. Afémie jíaie lletáriraini illaíma jaiénici. Afe iima Pédro mo jícanote:

—¿Báimie diga dinomo ocózinairabirimo ona cióñedicue? —daide.

27 Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

28 Iemona Caifás jofómona oni romano jabóidillaíma áillocomo Jesuna uitíaíoi. Ja monáiacademo. Judíuai jofu afécomo jáíñediaíoi, íaíoi íaicaiñellena. Mei íaicaigamacu páscuamo güilláfueña güinidiaíoi. 29 Ie jira Pilato jino íaioímo úrizaillano daide:

—¿Minica ícoínia bímiemo nitádiómoi? —daide.

30 Jira afémaci uai otíaíoi:

—Afémie fiénidimieñedena omo izájiñedicaí, —daídíaíoi.

31 Jira Pilato daide:

—Íena omoí úi. Omoí ocuífafue izói afémie omoí riire jícanori, —daide.

Judíuai ie uai otíaíoi:

—Cai judíuaidicaí, dani buna titánidicaí, —daídíaíoi.

32 Daí Jesús ie tíizaillinona daina izóidiuai fuitade. 33 Pilato áillocomo jofu meine jaide. Jaillano Jesús jírrillano jícanote:

—¿O ñi judíuai illáimana? —daide.

³⁴ Jira Jesús daide:

—¿Afe fue dama o comeci jítaina izói jicánotio? ¿Ñibai jiáimaci cueri ona daina jicánotio? —daide.

³⁵ Jira Pilato úrite:

—¿Cuena judío daidio? O náiraimona lletáriraini illaini cuemo ona fecádiaioi. ¿Minica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuiridiaioi, cuena judíuaimo fécañeilla. Mei íadi cue illáimana illano benó íeñede, —daide.

³⁷ Jira Pilato daide:

—¿Ji, o daí illáimadio? —daide.

Jira Jesús uai ote:

—Illáimadicue, o daina izói. Cue, bie éniemo jéiciaibigacue uafue uai llóllena. Nana uáfuemo cacáfiredino, cue dánana cacádiaioi, —daide.

³⁸ Jira Pilato jicánote:

—¿Minica uafue uaina? —daide.

Jesús tíllinomo maméritiaioi

(Mt 27.15-31; Mr 15.6-20; Lc 23.13-25)

Afe jicánua meífodo, Pilato meine jino judíuaimo jaillano úrizaide. Iaioina daide:

—Jaca nífuena bie ímamo baiñédicue. ³⁹ Mei íadi ómoimo cue fínofiregafue ite. Naga pascua ráfuemo ómoiri daa maigámie zuitáfiredicue; mei jira ¿judíuai illáimana ómoiri cue zuitállena jítáidíomoi? —daide.

⁴⁰ Iemona nana meine caillíoidiaioi:

—¡Afémiena zuitáñeno iri! ¡Barrabás zuitari! —daidíaiioi. Afe Barrabás meríriraíma.

19

¹ Ie mei Pilato Jesús llínuano zechétatade. ² Iemo fuiríraini ifo icuifoi eegi núinacuifoi Jesumo jítádiaioi. Afe llezica ráfide illaíma íníoína íemo jítádiaioi. ³ Daí ñiano íemo ánozillano, baíñuano daidíaiioi:

—¡Judíuai illaíma, are ii! —daidíaiioi.

Iemona ie uíeco fácoidiaioi.

⁴ Pilato meine jino billano daide:

—¡Bímiemo eroi! Afémíemo nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuifoi ifomo jínari jino bite. Ráfide illaíma íníoína jítaca naari jino bite. Jira Pilato daide:

—¡Benó afe íima ite! —daide.

6 Afémie cióillano, lletáriraini illaini, llaizíraini diga caillíoidiaioi:

—¡Ie corai! ¡Ie corai! —daidíaioi.

Iemo Pilato daide:

—Mai íena uillánona omoi corai, mei íadi afémiemo fiénidifuena baiñédicueza, —daide.

7 Mei ie jira judíuai uai otíaioi:

—Caimo ite daa ocuica uai. Afedo afémie tíllena jitáirede, dama “Juzíñamui Jitódicue” ie daina jira, —daidíaioi.

8 Afena cacáillano Pilato jamánomo jacínaificaide.

9 Aillocomo nane jofo jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

10 Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

11 Jira Jesús uai ote:

—Juzíñamui omo iñénia, o cue ocuille ríino iñede. Ie jira omo cue fecádino o jinomo afémaci íaifueredino, —daide.

12 Afe llezícamona Pilato, “Nie izói Jesús cue zuitalle” dainano, áfena jenode; mei íadi judíuai caillíoidiaioi:

—Afémie o zuitáadi, romano jamánomoidillaimamo nábaiñeítio. Naga illáimana íacadimie caifóidillaima dibénedo éoidimiena jáite, —daidíaioi.

13 Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiaí ie finoina macáranona íllaza. 14 Jae pascua uícodirui jaíciri ítemo. Jira Pilato judíuaina daide:

—¡Benomo o illaima ite! —daide.

15 Mei íadi afémaci caillíoidiaioi:

—¡Dama tíideza, oni ui! ¡Iena corai! —daidíaioi.

Jira Pilato íaioina daide:

—¿Omoi illáimana córaiticue? —daide.

Jira lletáriraini illáicomini uai otíaioi:

—Jiáie illáimana caimo iñede; dama romano jamánomoidillaima, —daidíaioi.

16 Afemona Pilato íena íaioimo ite, afémiena coráillena. Mei jira íena uitíaioi.

Coráinafue

(Mt 27.32-44; Mr 15.21-32; Lc 23.26-43)

17 Iemo Jesús jino jaide. Ie coráillibici rocáoicaide Calavéramo; afe daiíacade come ífócorai. Hebreo imaci uaido daina Gólgota. 18 Afénomo íena coráidiaioi. Afe llezica nágefene

jiáimie íaillinoi coráidiaioi; Jesuna cígiide. ¹⁹ Pilato afémie mámece íbícimo cuetá ie coráinabicimo jóonetade. Afébicimo cueba daide: “Jesús Nazaret Imie, Judíuai Illaíma.” ²⁰ Aillo judíuai afe cuebaíci facádotiaioi, Jesús coráinano jofue áinori illa jira. Afébicí daámani comíni uáillaído cueba, hebreo, griego, latín diga. ²¹ Ie jira judíuai lletáiraini illaini Pilátona daide:

—Judíuai illaíma daí cueño. Mei íadi “Judíuai illáimadicue daidímie” daí cúeiri, —daidiaioi.

²² Jira Pilato uai ote:

—Jae cue cuebaúai, dama daí ite, —daide.

²³ Fuiríraini Jesús coraía mei, ie inícuero líinuano cuatro fidi tizaruano fecádiaioi. Afe izói ie caifóferoi líinuano “Iere ñúereroi,” daidiaioi. Ua aferói dájena tifoca, zotáinanona íñede. Caifona aná fuizájide. ²⁴ Jira fuiríraini conímana daidiaioi:

—Dama ite, cúatañeíticai. Bai ñue onótaraji cai dotalle bumo jíiteza, —daidiaioi.

Daí Cuebaúai daína fuitátatiaioi. Aféuai daide: “Cue inícuero dani fecádiaioi. Afemo onótaraji dotádiaioi.” Jira mei fuiríraini daí finódiaioi.

²⁵ Jesús coráinabicí áinomo ie ei ite afengo ebuño diga. Dáanomo Cleofas ai, María ite, María Magdalena ingo diga. ²⁶ Jesús ie eina cióillano, iere izíruiga llófuegamie diga, ie eina daide:

—Ei, batí o jítone como maméidímie ite.

²⁷ Iemo afe llófuegamiena ibana daide:

—Afénomo o eina como maméidingo ite, —daide.

Mei aféruillaído afe llófuegamie afengo ie jofomo ñue líínote.

Jesús tíillafue

(Mt 27.45-56; Mr 15.33-41; Lc 23.44-49)

²⁸ Afe mei Jesús naga rafue fuitáinana fidide. Fídiano Cuebaúai fuitállena daide:

—Jiróacadicue.

²⁹ Afe dinomo iciru rochírede vínona oruítaga rainaca. Ie jira jainoi fíllicide raa afe rochíredijina riáitatiaioi. Iemo razi ícoímo jóoniano ie fuemo dutádiaioi. ³⁰ Jesús afe rochíredíi jirode. Jíruano daide:

—Nana ja fuite, —daide.

Daína mei, ífo ana jíícailla llezica tíide.

Fuiríaimie ie ducírirado Jesús ciraigi faitade

³¹ Ja pascua uícodírui. Judíuai ocózinaillaruimo coráicano íaioi abí coráinabicimo fiébillana jítaíñediaioi. Bie ocózinaillarui iere áillue. Ie jira Pilátomo jícádiaioi coráicano ídai ditátallena.

Iemona íaioi abi dinómona oni óllena jicádiaioi. ³² Jira fuiríraini jaillano nánoramie idaí ditádiaioi. Jiámie, Jesús diga coráicamie daje izói íena finódiaioi. ³³ Ie mei Jesumo ánozillano jae tídena ciódiaioi. Ie jira ie ídaina ditáñediaioi. ³⁴ Mei íadi fuirírainimona dáamie ducírirado ie ciraiçi faitade. Iemona jainoi die diga tóide. ³⁵ Bifue llotímie áfena ciódimie. Uáfueña daide. Afe uáfueño uai nabaide, omoi daje izói íinollena. ³⁶ Aféfuiai daí íficaide Cuegáuai daina ñue fuitállena. Afe uai daide: “Bu ie ícuruna dítañetiaioi.” ³⁷ Jiáinomo Cuegáuai daide: “Íaioi bofécamieño éroitiaioi.”

Jesús raiafomo jóonetiaioi

(Mt 27.57-61; Mr 15.42-47; Lc 23.50-56)

³⁸ Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹ Daje llezica nauí Jesumo naióna úrizaíbitímie, Nicodemo dúcide. Afémie treinta kilos dieze mérede zíoçhoma atide. Aféçhoma mena zióredena ímuica. ⁴⁰ Daí José Nicodemo diga Jesús abi uillano, áreroi íníroido ie abi junide. Aferoi ziórena, mei diga zióredena fáigaza. Daí tíidino judíuai ráifirediaioi. ⁴¹ Jesús coraia áinori ocózinairabiri ite. Dinomo daa comue raiafo, come nai ráiíñenafo ite. ⁴² Aféfomo Jesuna jóoneaidiaillinoi, áinori illa jira. Ua dinomo íena jóonetiaillinoi, judíuai ocózinaiilarui tainécana jira.

20

Jesús meine abido cáadimiéna jaide

(Mt 28.1-10; Mr 16.1-8; Lc 24.1-12)

¹ Semana nanóidíruido Magdalena ingo María jítiramoicana raiafomo jaide, ua nai jítireoidemo. Dúciillano raiafo íbaina nofici íñénana ciode. ² Ie jira aizícana jaide Simón Pedro illánomo. Dinomo jáie llófuegamie Juan ite. Afémie iere Jesús izíruigamie. Íaillinoína daide:

—Jae raiafomona cai Ocuíraima comini baíródiaioi. Ie íaioi jóoniano onóñedicaí.

³ Iemona Pedro jáie llófuegamie diga jino jaillano raiafo díne jáidiaillinoi. ⁴ Dájena aizídiaillinoi, íadi jáímie Pedro baimo iere rairede; jira uícomo raiafomo dúcide. ⁵ Ie abi ana jíjillano raiafo eromo eroide. Eróillano juníllaroina ciode, mei íadi jofo jáíñede. ⁶ Iemo Simón Pedro afémie óodana dúcide. Dúciillano raiafomo jofo jaide. Abi juníllaroi díno jóoinana nane ciode. ⁷ Íadi Jesús ífo íbáinaroi ie juníllaroi dáanomo jóoiñede. Afe ífo íbáinaroi jabínota oni eneno jóonega. ⁸ Iemo jáie llófuegamie,

raiafomo uícodo dúcidimie, jofu jaide. Afe finócafuena ciode. Cióillanona áfemona íinote. ⁹ Mei Cuegáuai dáinana nai figo onóñediaioi. Aféuai daide: “Jesús tíllanomona meine abido cáadimiena jáite.” ¹⁰ Iemona afe llófuega íaillinoi jofomo jaide.

Jesús Magdalena ingo Maríamo cíocaide
(Mr 16.9-11)

¹¹ Mei íadi María jino raiafo áinomo éecana ráiide. Eeia llezica abi jíjide raiafo eromo éroillena. ¹² Dinomo mena Juzíñamui abi ímie íaillinoi ángeles daínamací úzeroi jítadena ciode. Ua naui Jesús abi illánori ráiidiaillinoi; dáamie ifo illánori, jíámie idai illánori. ¹³ Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jóonianona onóñedicueza, —daide.

¹⁴ Afe daina llezica afengo gírecaillano Jesuna ciode; íadi íena onóñede. ¹⁵ Jira Jesús jicánote:

—Ringo, ¿nibái éacadio? ¿Bu jenodio? —daide.

Afengo comeci facade, afémie afébiri úiñoraíma; jira íena daide:

—Íima, afémie oni jíáinomo jae o úiadi cuemo llone, meine cue uájilleza, —daide.

¹⁶ Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Rabonil —daide. Afe uai dobáicana daide, Llófueraima.

¹⁷ Iemo Jesús daide:

—Cue abi jetáñeno iri. Cue Moo illánomo nai caifo jáíñedicueza. Mei íadi cue ámatiaímo lluájiri: “Cue Moo illánomo, daje izói omoi Moo illánomo caifo jáitícue. Ua cue Juzíñamui, omoi Juzíñamui dine jáitícue.” Daí íaioímo lloiri, —daide.

¹⁸ Ie jira Magdalena ingo María llófuegamacimo lluájide. Afengo Ocuíraimana cíoillana llote, nana bie afémie aféngona daínauai diga.

Jesús ie llófuegamacimo cíocaide
(Mt 28.16-20; Mr 16.14-18; Lc 24.36-49)

¹⁹ Aféruido, semana nanóidíruido afe naio llófuegamací gairídíaiói. Naze íbáillano judíuaina jacíruillamona itíaiói. Iemo Jesús jofu eromo cíocaide. Iaioi cígímo náidazaide. Iaioi uáiduano daide:

—Omoímo comeci caimare uái iri, —daide.

²⁰ Daií dainano, ie onoi, ie ciraigi diga íaioimo ácatate. Llófuegamaci íaioi Ocuíraimana cíóllano íóbicaidiaioi. ²¹ Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoína óreiticue, —daide.

²² Afe mei íaioimo jágilli fúunuano daide:

—Ñuera Joréñona mai omoi ono. ²³ Naga come ie fiénidino omoi fáicanocaiadi fáicanocaite; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana cíode

²⁴ Íadi Tomás, guarámiena maméidimie, doce dígamiedemona, Jesús cíocallaruido ññede. ²⁵ Ie mei jíáie llófuegamaci íena daide:

—Ocuíraimana ja cíódicai, —daidíaioi.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ññitáñenia, cue onoi ie ciraigi méifodo ññitáñenia, ññoñeiticue, —daide.

²⁶ Ocho dígamona íllamona llófuegamaci meine gairídiaioi. Afe llezica Tomás afémaciri ite. Iemo jaca naze ibaica íadi, Jesús jofo eromo cíocai. Íaioi cígimo náidajano uáiduano íaioina daide:

—Omoimo comeci caimare uái iri, —daide.

²⁷ Iemo Tomásna daide:

—Benomo o onocai ññuitaíbi. Cue ónoimo éroi. O onoi cue ciráigimo ññuitaíbi. Jáanocaiñeno iri. ññori, —daide.

²⁸ Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹ Jira Jesús daide:

—Tomás, ja cuena cíónamona íñotio. Jamánomo íóbídino cuena cíóñedino íadi íñotiaioi, —daide.

Bibénico nibái mei ciega

³⁰ Bífuiái baímo Jesús aillo jíáie cíofinina raa ie llófuegamaci uícori finode. Aféfuiái bibénicomo cüeñega. ³¹ Mei íadi ja bie llogáuái ciega, Jesús Crístonana omoi íñollena; daje izói afémie Juzíñamui Jitona omoi íñollena. Ua jae ciega, omoi íñuamona cáaillino ómoimo ie mámedido íllena.

21

Jesús siete diga ie llófuegamacimo cíocai

¹ Afe mei Tiberias jorai fuédamo Jesús ie llófuegamacimo meine cíobicaide. Bie izói cíocai. ² Ie llófuegamaci dáanomo itíaioi. Díno ite Simón Pedro, Tomás nímie jíáifodo mameina Guarámie, Galilea jofue Caná ímie Natanael, Zebedeo jító

íailinoi, jíái mena llófuegamie diga. ³ Simón Pedro íaioina daide:

—Fácuaidicue, —daide.

Jira daidíaiói:

—Mai nana cai fácuaili, —daidíaiói.

Iemo nocáe eromo caifo jáidiaioi. Afe naio chámuniaina oñediaioi. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daifñediaioi, llófuegamaci íena íaioi onóñena jira. ⁵ Iemo Jesús daide:

—Omoi, ¿chamuna oñédiomoi? —daide.

Uai otíaiói:

—Jii, oñédicai, —daidíaiói.

⁶ Jira Jesús afémacina daide:

—Nocáe nabézimo llóiji omoi dota, afe llóijimo júiteza, —daide.

Jira daí finódiaioi. Ie finuamona llóijina jáinoimona caifo zonónidiaioi, iere aillo chámuniái íllaza. ⁷ Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite dáinana cacáillano, ie jínofecuiro jitade, nauí duiñoca jira. Jítanona jóraimo tícacai de Jesumo jaillena. ⁸ Jíái llófuegamaci chámuna oruítaga llóijina oni zocana nocaedo uitíaiói. Afe mei afémaci jorai fuédamo dúcidiaioi, nai are íaioi íñena jira. Afémaci cien metros dinó bai itíaiói. ⁹ Eniemo dúcillano, chamu pan diga iraimo ruícana ciódiaioi. ¹⁰ Jesús íaioina daide:

—Jae omoi oga chámuniaimona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, nii aillo chámuniái illa íadi. ¹² Iemo Jesús íaioina daide:

—Mai omoi güizáibiri, —daide.

Llófuegamacimona buna ¿Búdio? daíñide. Afémie Ocuíraimana onódiaioiza. ¹³ Ie mei Jesús áinozillano afe pan llíinota íaioimo fecade. Daje izói chámuna fecade.

¹⁴ Daí Jesús tíllanomona meine abido cáadimiena jáillamona dacaiñoámani ie llófuegamacimo cíocai de.

Jesús Simón Pédro mo úrite

¹⁵ Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruitio? —daide. Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecarí, —daide.

¹⁶ Jesús meine dánomo íemo jicánote:

—Jonás jító Simón, ¿cuena izírúitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiaí uíñori, —daide.

¹⁷Ja dacaiñoámari Jesús meine abido íemo jicánote:

—Jonás jító Simón, ¿cuena gáidíio? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiaí o ecari. ¹⁸Uáfúena ona dáitíicue, iere o jítócomena llezica, jaca o comeci jítaina izóí iníroina jítáíredíio. Daje izóí nana o jáiacananomo jáííredíio. Mei íadi o eímaille llezica o onoi oni zítaitio, jiáimie o inícuíro jítátallena, daje izóí jiáimie o uíllena o jáiacañenanomo, —daide.

¹⁹Afe dáinado Pedro nie izóí tíitena Jesús daíí onótate. Afe íe tílledo Juzíñamuimo ñue ebírenafue nítaite. Ie méífodo íena daide:

—Cuedo biri, —daide.

Izírúiga llófuegamie

²⁰Pedro gírecaillano Jesús íere izírúiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abímo ráíidímie. Afémie, “Ocuíraima, ¿bu o fecalle?” daidímie. ²¹Pedro Juaana ciona llezica Jesumo jicánote:

—Ocuíraima, ¿báimie nie izóí iite? —daide.

²²Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

²³Jira Jesús jaináidinori taino daináfúena fidíbicaidiaíoi. Afe fue daide, “Bie llófuegamie tííñeite.” Mei íadi Jesús afémie tííñeiteza daííñede. Fia dáideza, “Afémie cue billíruimo caadi cue óiacaia ¿ómona mei nibai?”

²⁴Bímie llófuegamacimona aféfuíai uáfúena llotímie. Aféfuíai cuetímie. Afémie daina uai uáfúena onódicaíza.

²⁵Jesús jiáíe finócafúíai nai aillo íte. Nana aféfuíai dámíerie cúeíadi jamánomo aillo rabénicuaina zúite. Ua nibai afe rabénicuai jónellino náníena báíñeite. Jae ñíie.

JESÚS ORÉCAMACĪ FINÓCAFUIAI

Los Hechos de los Apóstoles

Ñuera Joreño billifue uícodo llogáuai

¹ Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiyai ie finócafuiyai diga omo cueticue. ² Ua ie monamo jáillaruimo finócafuiyai cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. ³ Ie tílla meífodo, Jesús dáamie cómena íaioimo cíocaide. Cuarenta dígarui uáfori cíocaifirede. Afe ciónanuedo ie cáanano ñue uáfueña daítate. Afe llezica Juziñamui illáimana illíruido íaioimo úrite. ⁴ Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoi úiñori, nauí ómoimo cue llua izói. ⁵ Uáfueña Juan fia jáinoido báutizade. Mei íadi íanori íllamona Ñuera Joreño ótiomoi, —daide.

Jesús caifo monamo jáillafue

⁶ Jesumo gairillano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

⁷ Jira Jesús uai ote:

—Moo afefue finóllirui ómoimo ónonide. Dama afémiemo riino afefue finóllena ite. ⁸ Mei íadi Ñuera Joreño ómoimo bíadi, riino ótiomoi. Iemona cuedo úrizaitiomoi, ua Jerusalem, nana Judea éniemo Samaria énie diga. Ua jamánomo jica ite itínuiamo llujaitiomoi, —daide.

⁹ Daií daina meífodo, nana íaioi éroillamo, afémie caifo ráiñuano monamo uiga. Iemo mona ero úillie íena ferínote. Iemona jaca íena cíóñediaioi.

¹⁰ Jesús caifo jáidemo monamo eróioidiaioi. Afe llezica mena come úzecuiro jitada íaioi abimo cíocaide. Juziñamui abi íaillinoi.

¹¹ Daidíaillinoi:

—Galilea íñíai, ¿ñibái mei monamo eróioidiaioi? Dámie Jesús, afe ómoimona caifo úilliedo jáidmie, afémie ie jáillana omoi ciona izói daje izói meine ana biite, —daide.

Judas meifo méidollena Matías nizédiaioi

¹² Ie mei Olivo ídumona oni jáillano abido Jerusalem bitíaioi. Jerusalén áinori afe idu ite. Ua ocózinairuido macácana

jailla daa kilómetro dieze izói ite. ¹³ Afe jófuemo dúciillano caifófecomo íaiói ífirenenomo jáidiaíoi. Bie íaiói mámeciai: Pedro, Santiago, Juan, Andrés, Felipe, Tomás, Bartolomé, Mateo, Alfeo jitó Santiago, Iere Járidotimacimo dúidimie Simón, Santiago ama Judas. ¹⁴ Nana afémaci dáanomo gairífrediaíoi Juziñamuimo úrillena. Afénomo Jesús ámatiai gairífrediaíoi, ie ei María diga naa jiáie ringóniáiri.

¹⁵ Aféruillaído Pedro afe ámatiai dainámaci cígiri caifo náidaillano úrite. Afe ámatiai ciento veinte dígamiede. Afémacina daide:

¹⁶ —Amatiai, Ñuera Joreño Cuegáuaimo Davido llote: “Judas meifo cai cígiri méidolle jitáirede,” daide. David cuegáuai uícodo llote: “Judas Jesús lláitaitimaci ífoite.” ¹⁷⁻¹⁸ Mei jii, afe Judas dani cáimona. Bie cai táijina afémie dibénemo ite. Mei íadi afe meífodo cimoi cúinano ágüicaillano caifona ifo dinena éniemo baíde. Baiíllamona ie jebe bójicaide. Afemona nana ie eromo itínuiai jino cocide. Afe mei ie fiénidifue iba úcubedo ja ie raillíbiri ibádiaíoi. ¹⁹ Jerusalén itímaci áfena íaiói fídiano, afébirina “Acéldama” jitádiaíoi. Afe mámece íaiói uaido dibénedo “Die illábiri” dáiiacade.

²⁰ Mei jírari Salmos ibénicomo daíi daide:

Daíi o jofó zóofefiteza

Buna afécomo íñeilleza.

Jiáífuedo daide:

Afémie táijina jiáima ólleza,

—daide.

²¹ Cai Ocuíraima Jesús nana cai diga illáruillaído cairi macádino birui cai cígimo itíaiói. ²² Jesús báutizaruimona, ie monamo jáillaruiimo cairi jáicadiaíoi. Mei jira afémacimona dáamie cai dájellena jitáirede, Jesús meine abído cáaillafuemo uai nabáillena.

²³ Jira dainámacimona mena come oni naidánetaíoi. Dáamie daámani mámeceirede: José Barsabás Justo. Jiáimie Matías. ²⁴ Ie mei Juziñamuimo úritiaíoi; daidíaíoi:

—Cai Ocuíraima Juziñamui, nana comini comeci onódimiedioza. Bíailinoimona o nizécamie caimo onótari orécamie táijina finóllena. ²⁵ Afe táijinamona Judas ie fiénidifue ícoinia oni baíde. Baiíllano dama ie zefuinaillinomo jaide.

²⁶ Iemo onótaraji dotádiaíoi. Jae Matíasmo níjide. Afe llezícamona afémie once orécamiiaimo dájena jaináicaide.

2

Ñuera Joreño billafue

¹ Pentecostés irui ráfuemo jae dúcide. (Afefue güille jofó óinarui rafue.) Afe rafue dúcidemo jae nana dáanomo

gairídíai. ² Ie mei rairéficana minica izói ficire monámona cácaide. Jairifo riire jáiñua izói cácaide. Nana íai. ³ Iemona ífi. ⁴ Afe llezica nana Ñuera Joreño úicaigai. Iemona jíie náirai. ⁵ Aféruillaído Jerusalemo aillo judíuai náganuiamona bitíai. ⁶ Afe riire ficirenana cacáillano comini dáanomo ofídíai. ⁷ Abi fáigacaidíai; daidíai:

—¿Nana bie úiraini Galiléamona bitímaci; uáfueñede?

⁸ Nágamierie dani cai uaido íai. ⁹ Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰ Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídíai. Bie románomana dáarie judíona jococa. Jíai romano imaci judíuai Juzíñamuimo inuafuena jeire otíai. ¹¹ Afe llezica Creta imaci bitíai Arabia imaci diga. “Mei íadi Juzíñamui caimare llogáfui. ¹² Nana fáigacaidíai. ¹³ Mei íadi jíaimaci íai uai áfeduano daidíai: —Bimaci jífáidíai, —daidíai.

¹² Nana fáigacaidíai. ¹³ Mei íadi jíaimaci íai uai áfeduano daidíai:

—Nana bie caimo comuidifue, ¿nie izói caina daíacade? — daidíai.

¹⁴ Ie mei Pedro once diga orécamaciri náidaillano cominimo riire úrite; daide:

—Judea comini naa Jerusalemo itínuiairi cácarei. Bie ráfuena omoi onoiri. Dáitícueza ñue omoi cacáreiri. ¹⁵ Bie íñiai jífáíñedimaci omoi comeci faca ízoi. Jitoma nai fuiri dáidemo. Jítiramo dibénemo comini jaca jífáíñidíai. ¹⁶ Bifue jíáfodo ite. Afe bifue uai lloraima Joel jaiai úcodo llogáu. Afémie daide:

¹⁷ Juzíñamui ómoína daide:

“Tirairuillaído cue Joreño nana náirai. ¹⁸ Bifue jíáfodo ite. Afe bifue uai lloraima Joel jaiai úcodo llogáu. Afémie daide: ¹⁹ Jitócomini nicaído ciónafui. ²⁰ Einamaci ñuera nicaído nicáiritíai.

¹⁹ Jitócomini nicaído ciónafui. ²⁰ Einamaci ñuera nicaído nicáiritíai.

²¹ Jitócomini nicaído ciónafui. ²² Einamaci ñuera nicaído nicáiritíai.

²³ Jitócomini nicaído ciónafui. ²⁴ Einamaci ñuera nicaído nicáiritíai.

²⁵ Jitócomini nicaído ciónafui. ²⁶ Einamaci ñuera nicaído nicáiritíai.

²⁷ Jitócomini nicaído ciónafui. ²⁸ Einamaci ñuera nicaído nicáiritíai.

²⁹ Jitócomini nicaído ciónafui. ³⁰ Einamaci ñuera nicaído nicáiritíai.

³¹ Jitócomini nicaído ciónafui. ³² Einamaci ñuera nicaído nicáiritíai.

³³ Jitócomini nicaído ciónafui. ³⁴ Einamaci ñuera nicaído nicáiritíai.

³⁵ Jitócomini nicaído ciónafui. ³⁶ Einamaci ñuera nicaído nicáiritíai.

³⁷ Jitócomini nicaído ciónafui. ³⁸ Einamaci ñuera nicaído nicáiritíai.

18 Aféruillaído cue Joreño cue táijitagamiaina naa cue táijitaga ringóniari ñue úicaitaicue.

Iemona cuedo úritiaioi.

19 Caifo monamo jacínaitadinona cíotaiticue;

Aféruimo ana éniemo onótajafuena fínoiticue.

Afe onótajafue díena cíotaite; iraina cíotaite, jamánomo irai úilliena cíotaite.

20 Afe monado jítoma jítireficaite, fiui die izói jáite.

Daí iite cai Ocuíraima Jesucristo billíruimo nai dúciñenia.

Afémie billirui iere ebíreitirui.

21 Nana Juzíñamuimo íaioi canóllena íemo jicádino jíllobicaitiaioi.”

Aquíe izói Juzíñamui Joeldo daide.

Iemo Pedro nai úrillano daide:

22 ‘Mei jii, Israel nairai cue daiíllifuemo cácarei. Nazaret ímie Jesús omoi uícori Juzíñamui ñue facácamié. Uafue aillo fáigatate ráaniaído ñue facátaga. Daí Juzíñamui omoi cígiri afémiedo finode. Aféfuaina ñue fidídiomoiiza. 23 Mei íadi afémie omoi fecálliruiamo maiano uitá fatiomoi, Juzíñamui jaiái uícodo comécitífuiái onótafuiái díga daína izói. Uafue fiénidimacído íena corátatiomoi. 24 Mei íadi Juzíñamui afe tílla cuinaca raa zúita izói, zúitano íena meine cáatate. Mei tíllafue jaca íena anáfenonide. 25 Mei illaíma David Jesudo úrillano daide:

Ocuíraimana cue uíecori cíófiredicue.

Afémie cue nabézimo izói ite, minícana cue jácicaiticue.

26 Ie jira cue comeci cáimafuena iere ite, afe llezica cue fuemo ite cáimafuiaído úriticue.

Afe jira daje izói cue íeizi ñue ocózinaitaicue, mei tíllamona meine cue abina cáataitio.

27 Mei jii cue joréñona tídinomo fiénocaiñeitio.

Afe izói o izíruiga táijitagamié abi rifáillana ráiruitio.

28 Cáatatinomo jóoide io cue llófuetio.

Cue díga o íllado, cáimafuena cue orúitaitio, —daí daide David.

29 ‘Amatiai, cácarei. Cai jáairagima David tíide raíga uáfodo onórede. Afe raiafo nai cai díga íteza. 30 Mei afe David uai llóraima. Jaiái Juzíñamui uícodo uafue llóllena ríifuedo íena daide:

—O emódoidiziemona dáamié Cristoite. Afémie o illáimana illánomo ráinaite, —daide. 31 Jira daí David, uícomo ciona izói Cristo meine abido cáailafuedo úrite. Afe izói daide:

—Cristo joreño tídinomo fiébiñeite. Ie íeizi rifáillana rairuícaza, —daide. 32 Mei jii Juzíñamui afe Jesuna meine abido cáatate. Aféfuemo nana cai uai nabáiraímacídicaí.

33 Daií Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llínote. Llínuana nana bie omoi ciona, omoi cacana raa finode. Nana aféfuiai afémiemona bite. 34-35 Mei David monamo jáiñedimie, mei íadi dama David daií daína:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

36 ‘Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístona itátate, —aci dinó Pedro daide.

37 Aféfuena cacáillano, iere comeci llícitagaiaioi. Afemona Pédro mo jicánotiaioi jáie orécamací diga:

—Amatiai, ¿ñie izói ñéiticaí?

—daidíaiioi.

38 Ie jira Pedro uai ote:

—Omoi illafue Juzíñamui uiécomo meídori. Omoi nágamierie Jesucristo mámeçido báutizatari. Omoi íaifuiiai oni dófilleza. Daií Juzíñamui ie Ñuera Joreño ómoína úcaiteza. 39 Afe bie uícodo llogáuai ómoie. Daje izói o jitótiai ie. Daje izói nana jícarié itino ie; ua aféuai nana cai Ocuíraima Juzíñamui uáidogamací íena, —daide.

40 Aféuailaído dáanomo jáie uáillaído Pedro íaioi lluano daide:

—Bie duere finóbitimacimona omoi jilloiri, —daide.

41 Mei daií afémie úrilla uaina jeire otino diga báutizagaiaioi. Aféruído Jesumo ínotimacimo tres mil dígamíai dáaziena jáinacaidiaioi. 42 Nana bimaci orécamací llófuiafuemo jáicina jáidiaioi. Afe daií conímamo ñue coméçidiaioi. Afe llezica Juzíñamuimo úrifrediaioi, ie mei gairíllano Jesús jae íraicaiño güilla izói finódiaioi.

Nano fueñe ínotino illafue

43 Aféruillaído nana jáicaidiaioi; mei aillo cióraininafuiiai naa onótate raa diga orécamací finódiaioiza. 44 Jae nana ínotino ñue dájena itíaiioi, íemona íaioi ráaniai conímamo jeruíñeno ífirediaioi. 45 Mei jii íaioi illábiri jáie ráifide raa diga fecádiaioi. Fécanona afe úcube nágamíai imaci jitailla izói jofu conímamo fecáfirediaioi. 46 Nágaruillaído gairíracomo gairídiaioi. Iaioi jófuemo pan fécano dáanomo cáimafuedo, comeci mánainafuedo güitíaiioi. 47 Juzíñamui íóbitaoidiaioi. Afe llezica nana comini afémacimo ñue coméçidiaioi. Afe daií cai Ocuíraima nágaruío afe ínotimacimo jáie jilloizaíbitimaci dáamacina itátate.

3

Aidaima jllotate

1 Jáiruido jítoma ana ítemo Pedro Juan diga gairíracomo jáidiaillinoi. Afe Juzíñamuimo comécido úrioína llezica. 2 Nágaruillaído jocóinamona aidaima dinomo ífirede. Ie comini gairíracomo íena úifirediaioi. Uillano afémiena nazemo ie ráinaifirediaioi, jofo jáioidinomona dúecaillano fecaca úcubecacallena. Afe naze mámece Ebíredize. 3 Aidaima Pedro Juan diga gairíracomo jofo jáillana cíoillano dúecaillano fecaca úcubecacallenoimona jicade. 4 Mei jira Pedro Juan diga íemo érocaidaillinoi. Pedro íena daide:

—¡Caimo érocaí!

5 Iemona afémie náicaide. Comece anado daide: “Níbai minícana cue iite.” 6 Iemo Pedro íena daide:

—Cue úcubenicue; óronidicue; mei íadi cuemo íena o íiticue. Nazaret ímie Jesucristo mámeceido náidacai. Maca, — daide.

7 Iemo Pedro onoi nabézido íena naidánete. Afe daí finua llezica ie idai mairíbicaide, ie idácoíñuai diga. 8 Iemona aidaima caifo tícaide. Caifo náidaillano macade. Afémie íaillinoído ja jofo gairíracomo jaide. Títaticacana jaide. Juzíñamuimo íóbitaide. 9 Nana comini ie mácana cíodiaioi. 10 Aferi iere jacínaificaidiaioi naa abi fáigacaillafue diga, afémie daí náidacaillari. Afémiena onódiaioiza. Afémie Ebíredize mámeceidizemo ráiifiredimie, gairíracomo úcubecacafiredimie.

Pedro comínimo Salomón jinófenemo macáranomo llófuete

11 Jllotaga aidaima Pedro Juan diga íaillinoído níjinijicaide. Aféfuere fáigacaillano nana comini gairíraco dibénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi. 12 Pedro áfena cíoillano comínina daide:

—Israel nairai, cácarei. ¿Omoi minícari fáigacaidiomoi? ¿Níbai mei cócomo eróizaibitíomoi? Bie íima dama coco ríinodo jllotano macátaticoco, níbai daí comécido daidíomoi. Daje izói coco Juzíñamuimo ñue comécinafuedo afefue finódicoco, daí níbai cócona comécido daidíomoi. Íadi aféfuiaído finóñedicoco. 13 Mei íadi jíáfodo joide. Cai jáiairagíma Abraham, Isaac, Jacob diga, íaioi Moo Juzíñamui ie Jító Jesumo baimo ñúefuena nitade. Afe Jesús ríimacimo omoi fecácámie. Pilato ie zuitáacana llezica áfena ráiruítíomoi. 14 Aféruído jáícina nífuenidimie zuitátajana jicáñediomoi, mei íadi jíáfodo jicádíomoi. Come fatímie zuitátatíomoi. 15 Afe daí cáatatino fecádimie titádíomoi. Mei íadi Juzíñamui

afémiena tíllanomona meine abido cáatate. Aféfuemo uai nabáiraimadícoco. ¹⁶ Bie dáamie Jesús mámecido, ie mámecimo ínuafuedo omoi ciona, omoi onoiga aidaima jae maírílicaide. Afe Jesumo ínuafue íena ñue jaícina jíllotate, omoi uiécomo cíocaidímie illa izói.

¹⁷ ‘Amatiai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. ¹⁸ Mei íadi Juzíñamui ie uai lloráimado uícodo daína uai bie izói fuitade. Aféuai daide: “Ie Cristo duere zefuúllifue jítaírede.” ¹⁹ Mei ie jira omoi mácafuiai méidori. Omoi illafue Juzíñamuimo ñue jaícina jóoneri. Omoi íaifuiái oni muiñólleza. Iemona cai Ocuíraima Jesús caina cánuafuiái mánainaruillai izói caimo orérede. ²⁰ Aféruimo nano uiécomo ómoiena mamécamie Jesucristo Juzíñamui óreite. ²¹ Mei íadi birui Jesucristo monamo fiébirede, Juzíñamui naga rafue jaícina nai jóoneíñeilleza. Afe daí jaiáidiruillaimo ite ñuera uai lloraini daídíaioi. ²² Mei daí Moisés cai jáairagimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daínafuiái jeire omoi oíri. ²³ Mei afe uai lloraima daínana jeire onédino Israel náiraimona oni táinocaite. Uáfueña íficaite.” Daí daide Moisés.

²⁴ Mei daí nana uai lloraini, Samuélmona batine ite lloraini diga bie írairuillaído úrite. ²⁵ Juzíñamui ie uai lloráinido uícodo daínauaillai ja birui ómoiri jino llotátaga. Juzíñamui cai jaiáiragimacimo íbana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comuínodo ñue caimare ífcaítiaioi,” daide. ²⁶ Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamíai ie íaifue fáicanocaillena, — daide.

4

Pedro Juan diga ríiredino uiécomo uiga

¹ Pedro Juan diga nai comínimo úrioidemo, lletáiraini gairíraco úiñotino illaíma diga bitíaioi. Daje llezica saduceo comini bitíaioi. ² Pedro Juan diga comini llófuetiaillinoi. Iaioina daide: “Comini tíllanomona cáatafue Jesudo ácataga.” Daí llófuiari como bitímaci ríicaidiaioi. ³ Iemona íaillinoína llaitádiaioi. Lláitano íaillinoína llavéracomo jítiramoidiruimo íbáidiaioi, ja nauízaiila jira. ⁴ Mei íadi aillo afe úrillauai cacáidino ínotiaioi. Afena ínotimaci dani íñíai facádua cinco mil áinomo dúcide.

⁵ Afe jíáiruimo Jerusalemo judíuai illaini, éinamací, naa ocuífue llófuerainiri gairídiaioi. ⁶ Afe llezica afénomo

lletáriraini illaima Anás ite. Afe dáanomo ite Caifás, Juan, Alejandro naa lletáriraini illaini comíniri. ⁷ Iemo Pedro Juan diga atítatiaioi. Atiano íaioi cígimo naidáneta jicánotiaioi:

—¿Nie ríinodo bífuiaí finódiomicoi? ¿Bu mámecido bífuiaí finódiomicoi?

⁸ Mei jira Pedro, Ñuera Joreño úicaigamienaza daide:

—Nairai illaini, Israel éicomini, omoi cácarei. ⁹ Mei afe baie iráredimie como finoca ñúefuena jicánotiomo. Mei nñe izói afémie jíllogata daí daidíomoi. ¹⁰ Mei jira omoi uiécomo jino uáfodo llóiticoco, nana Israel nairai fidíllena. Afémie omoi uiécori Nazaret ímie Jesucristo mámecido, omoi coráicamie mámecido íocire ite. Afe coráicamie (Jesucristo) tíllanomona Juzíñamui meine abido cáatate. ¹¹ Bie Jesús omoi jofó níraini oni dotaca jofocai izóidimie. Mei íadi afecai uálliraina jáizaide. ¹² Nie jáimie jíllogafue íñede. Jesucristo jáie daíítade jíllogaraimana caimo íñede, afémiedo cai jílloillena. Ua nana éniemo daíítade jíllogaraimana íñede, —jaca dinori Pedro daide.

¹³ Iemona ríimaci Pedro Juan diga méaicaíñeno úrillafue cacáillano, íaillinoi llófueñegaiaillinoi íllana fídía llezica, iere fáigacaidiaioi, jamáimieillinoi illa jira. Iemona ríimaci bíaillinoi Jesudo macádino daí íaillinoimo úbicaidiaioi. ¹⁴ Afe emódomo jíllogata aidaima dinomo íaillinoi abiri naidaide. Ie jira aféfuena jáanoicana daínide. ¹⁵ Mei jira gairíidinomona íaillinoina oni orédiaioi, daní jofó conímamo íaioi úriacana jira. ¹⁶ Daidíaioi:

—¿Bie íima íaillinoina nie izói ñéiticaí? Mei jii, nana Jerusalemo bitino bie cíórainina onótate raa íaillinoi fínuafluena onódiaioi; mei aféfuena jáanonidicaí. ¹⁷ Mei íadi mai íaillinoi cai jácidolle, afefue comínido jamánomo jalléíñellena. Afedo íaillinoina ráiruiticaí, Jesús mámecido ja benómona batine úríñeillena, —daidíaioi.

¹⁸ Mei jira íaillinoina jírítiaioi. Iaillinoi dúcidemo ocuídíaioi:

—Jesús mámecido jii mai due jiza úríñeno iri. Afe daí llófueñeno iri, —daidíaioi. ¹⁹ Mei íadi Pedro Juan diga uai ote:

—Juzíñamui uiécomo nñí fue baímo ñuena comeci omoi faca: omoína ñue cai cacárellena, nibai jáífo Juzíñamuina ñue cai cacárellena. ²⁰ Mei jii cai cíonafue cai cacánafue diga aféfuemo úrillana fáicanidicaí, —daide.

²¹ Mei jira ríimaci íaillinoina jácidotiaioi. Ie mei íaillinoina zuitádiaioi. Iaillinoi duere finóllifue baíñédiaioi; nana comini afe fínua jira Juzíñamuimo íóbioidiaioiza. ²² Afe cíóraininafuedo jíllogata aidaima, afémie mo cuarenta fimona baímo ite.

Īnotino méaicaiñenafue comeci r̄ino diga jicádiaioi

²³ Pedro Juan diga íaillinoi zuitaina mei íaillinoi nabáiñiai illánomo jáidiaillinoi. Dinomo afémacimo nana lletáriraini illaini éinamaci diga íaillinoina dainana llotíaillinoi. ²⁴ Aféfuena cacáillano nana dāanomo Juziñamuimo úritiaioi. Daidíaioi:

—Cai Ocuíraima, O Juziñamuina; mona, énie, monailai naga ráaniairi finódimedio. ²⁵ O Ñuera Joréñodo, o táijitagamie Davido daidio:

¿Nibái mei náraiai caillíoidiaioi?

¿Nibái mei comini táinofuiaimo comeci facádiaioi?

²⁶ Enie illaini Juziñamuina ie Cristo diga anáfenuabitiaioi.

Daje izói jofue illaini Juziñamuimo ofídiaioi ie Cristo diga áfedo afémiemo fuiríllena, —daide.

²⁷ ‘Uafue bie jófuego Herodes, Ponico Pilato diga o nífuenide Jitomo fieni gairídiaioi. Afénomo jicánemaci Israel comíniri fieni gairídiaioi, mei íadi omo jaináidimie Jitó illáimana ja jáitatio. ²⁸ Afe fieni íaioi gairíllafuedo nana o uícomo uaido finócafuiamo dainana finódiaioi. Afe dai íficaillena jitáiretadio. ²⁹ Cai Ocuíraima Juziñamui, mai birui cai íaioi jáciduamo eroi. Jae o táijitagamacidicaí. Afemona ñue méaicaiñenafue caimo fecari, o úrillauai jino jácicaíñeno cai llóllena. ³⁰ Afe llezica omo ite r̄inodo comini íaioi dúicomona ñue jíllotari. Afe izói o nífuenide Jitó mámecido ciórainina onótate raa finori, —dinori daidíaioi.

³¹ Juziñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úicaigaiaioi. Iemona Juziñamui úrillauai méaicaiñeno jino llotíaioi.

Īnotimaci íaioi ráaniaina jeruíñeno “Nana caie” daidíaioi

³² Afe aillo iráica ĩnotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daíñede, mei íadi nana comini íaioi ráaniaina “Nana caie” daidíaioi. ³³ Orécamaci Ocuíraima Jesús cáanafuemo aillo r̄inodo uai nabáioidiaioi. Juziñamui nana comínina iere caimátaitade. ³⁴ Íaioi cígiri jitáiredena ráanidimie ñede. Nana íbácana énieredino jofóredino diga áfeniai fécano afe oga úcube atídiaioi. ³⁵ Atiano orécamacimo izájidiaioi. Iemona orécamaci nágamieremo íaioi jítaina dieze fecádiaioi. ³⁶ Afe izói íaioi cígiri Leví izíe ímie finode. Afémie mámecí José. Monáillai zafedu Chípremo jocócamie. Orécamaci íena jíaie mámecina jitádiaioi. Afe mámecí Bernabé daina Fíradimie. ³⁷ Afémie ie illánie fecade, fécano afe íba úcube orécamacimo izáíbite.

5

Ananías Safira diga finoca íaifue

1 Mei jíaimie Ananías, ie ai Safira diga, daa illánie fecadíallinoi. 2 Bímie nano baa nieze úcubena jeruide. Jíáie dájeze úcubena nana ñue ite ízoi orécamacimo izájide. Aféfuena ie ai nana ñue onode. 3 Jira Pedro íena daide:

—Ananías, ¿níbái mei Taife o comécina féitate, Ñuera Joreño taino o llóllena? ¿Níbái mei o illánie nano nieze feca iba úcubena abimo maiñódio, daí jífueridio? 4 ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Níbái mei daí afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

5 Ie jira áfena cacáillano, Ananías éniemo baíllano tíbicaide. Nana afefue fídiabitino iere jacínaitiaioi. 6 Mei jira nano ba niga jítocomini bite. Ie abi jabínota ie raíájidiaioi.

7 Afe mei tres horas íllamona Ananías ai jofo bite. Nai ie ini tíllana fídíñede. 8 Jira Pedro jicánote:

—Cuemo llone, ¿afe ómicoi daína dieze afe énie fecádiomico? Jira afengo daide:

—Jii, áfeze.

9 Jira Pedro daide:

—¿Níbái mei dáafueritiomico, Juzíñamui Ñuera Joreño o ico facátallena? Jino batí o ini raíájidino bitíaioi. Jabe daje izói ona úitiaioi.

10 Afe llezica afengo Pedro anamo baíllano tíbicaide. Jítocomini jofo billano afengo tíllana cíozabitiaioi. Mei jira jino uillano ie ini abimo íena raíájidiaioi. 11 Nana Juzíñamuimo ínotino nana aféfuiaína fídídímaciri iere jacínaitiaioi.

Aillo cíórainina raaniai onótate raa diga

12 Aféruillaido comini cígiri orécamaci aillo onótate raa, cíórainina ráaniai diga finódiaioi. Nana Salomón jinófenemo macáranomo gairídiaioi. 13 Buna jíaimacimona íaioi diga daane gairíllana jacíruitiaioi; mei íadi comini íaioimo ñue izire comécidiaioi. 14 Aillo comini ííñiai ringóniai dájeze Ocuíraima Jesucrístomo ínuabitiaioi. 15 Uafue jamánomo ínotiaioi. Mei jira iráredino jofo abi íuemo, naa íaioi bíiralluaíri jino biródiaioi. Afénomo Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jíllozítiaioi. 16 Afe llezica aillo áinomo ite jofue comini Jerusalemo bitíaioi. Íaioi iráredinuaí atídiaioi fiénide jóriaído áifedogamací diga. Nana jíllotagaíiaioi.

Ríimaci illaini Pedro Juan diga duere finóllena llaitátatiai

17 Iemona lletáriraini illaíma, afémieoiri ite saduceo imaci iere úradoizaidiaíoi. 18 Ie jira orécamacina llaitada afe jófuemo ite llavéracomo ibáizaidiaíoi. 19 Mei íadi Juziñamui abi ímie naio llavéraco naze tuizáibite. Jino íaiíoi uánona daide:

20 —Gairíracomo omoi jai. Dinomo naidáillano comínimo nana bie comeci cáataite uáillaído úrizairi, —daide.

21 Aféfuena cacáillano, afe jáírui monáidacademo jofogairíracomo jáidiaíoi. Jáillano llófuiaide.

Afe llezica lletáriraini illaíma afémieoimo itínori, Nahíllaini gairíranomo gairírdiaíoi. Afe Nahíllaini Israel nairai éicomini. Gairíllano llaveca orécamaci atítatiaiíoi. 22 Mei íadi llavérraini llavéracomo dúcillano orécamacina baiñédiaíoi. Daa fia afefue abido lluáibítiaíoi. Daídíaíoi:

23 —Llavéraco ñue riire ibaide naa naze jinófene úiñotinori eróiediaíoi baizájidicai. Mei íadi cai zuitádicaimo afeco eromobuna iñena, —daídíaíoi.

24 Aféfuena cacáillano lletáriraini illaíma, gairíraco úiñoraini illaíma, íemo nanoide lletárirainiri ifo júdaizite; jicánotiaiíoi:

—¿Bífuiai ninomo jica jálleite?

25 Afe llezica daa íima daízabite; íaiíoina daide:

—Llavéracomo omoi íbaicogamíai jae gairíracomo comini llófuetiaíoi, —daide.

26 Iemona úiñoraini illaíma naa llavérrainiri íaillinoi uájidiaíoi. Mei íadi duere finóñeno íaillinoína atídiaíoi, “Comínina nófiena cai níjíte” daínano jacírutiaíoi. 27 Iaillinoi átianona, Nahíllaini uícomo íaillinoína naidánetaíoi. Iemo lletáriraini illaíma íaillinona daide:

28 —Afe mámecido ómicoi llófueñellena jamánomo riire rairuídicai. ¿Ja minica finódiomicoi? Nana Jerusalén comínimo ómicoi llófuiáfuiái jica jalleide. Afe llezica afe íima tíilla ícoínia caimo nitáacadiomicoi, —daide.

29 Mei jira Pedro jáíie orécamaci diga uai ote:

—Juziñamui uai jeire cai olle comini llogáuai baimo ñuera.

30 Cai jáíairagíma Juziñamui Jesuna tíllamona cáatate. Bie Jesús coráirabícimo agüíneta omoi fagámie. 31 Juziñamui caifo monamo uano nabézimo íena rainade. Afe llezica afénomo lláimana jónete. Dáanomo Jíllotaraimana jónete. Daí Juziñamui Israel náiraímo íaiíoi illafue méidollirui jónete, íaiíoi íaífuiai dóllena. 32 Aféfuemo uai nabáiraimadicai. Daje izói Ñuera Joreño aféfuemo uai nabaide. Nana ñue cacáredimacimo afe Ñuera Joreño Juziñamui iga, —daide.

33 Aféfuena cacana llezica, ríicaidiaíoi. Iaillinoína fáiacadiaíoi. 34 Mei íadi ríimaci cigíri fariseo ímie ite. Afémie

mámeci Gamaliel. Afémie ocuífue llófueraíma. Nana comini íemo ñue comécidiaioi. Afémie náidaillano ocuide:

—Nano dáallegoi bimaci oni jíáinomo ui, —daide. ³⁵ Afe ifodo ríimacina daide:

—Israel comini, cacai. Baimácimo omoi finóllifue abí omoi rairuiri. ³⁶ Jáífuemo omoi úbicairi. Naui nígarui íllamona Teudas dúcizaibite. Dúciillano daide: “Jamánomoidimedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. ³⁷ Afe mei comini mámecei cuiájillarui, Galilea ímie Judas dúcizaibite. Aillo comini íedo jáidiaioi. Daje izói íena fatíaioi. Afe izói nana íedo jáidino ráidozinaidiaioi. ³⁸ Ie jira bimácina omoi fáicanocai; afémacina áfedoñeno. Mei bifue íñiaí íeza, fuizájite. ³⁹ Mei íadi Juzíñamui ífue, táinocaitanidiomoi. Abi omoi rairuiri, Juzíñamui diga omoi fuirízaiñelleza, —daide.

⁴⁰ Nana jae jíeruificaidiaioi. Mei jira orécamaci jíritiaioi. Iaioi dúcinamona íaioina zechénotiaioi. Afe meífodo Jesús mámeceido úrillana íaioina rairuídiaioi. Afe mei íaioina fáicanocaidiaioi. ⁴¹ Orécamaci ríimaci uícomona jino jáidiaioi. Ióbioicaidiaioi, mei Juzíñamui íaioimo ñue comeci facáoillaza. Jesudo jaináinamona méaífuedo duere zefuídiaioi. ⁴² Ie mei nágaruido Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

6

Juzíñamui uai llotino canórainina siete dígamie mámecega

¹ Aféruillaído ínotino aillo jebuíoidiaioi. Griego imaci judío imácina zúucaillafuedo jítdiaioi:

—Nágarui güille fécanomo cai fecínguai figo íñégaiaioi, —daidíaioi.

² Mei íemo doce diga orécamaci nana ínotinori dánomo iráidiaioi. Iaioina daide:

—Juzíñamui úrilla uai jino llófueredicai. Afena cai fáicanocaillena dani omoi güille cai fecállena figóñede.

³ Mei jira, ámatiaí, omoi cígimona siete dígamie nize. Nana comínimona ñue comécidímie izóidena jitaide. Ñue onódimiena jitaide. Ñuera Joreño úcaigamiena daje izói jitaide. Ie mei daítadímiaí güille fecárainina mai jóneri.

⁴ Mei cai dani Juzíñamui como comeci facáoiticaí. Afe llezica Juzíñamui úrilla uaido llófueiticaí.

⁵ Nana aféfuemo ñue comécidiaioi. Iemona Ñuera Joreño úcaigamie Esteban nizédiaioi. Afémie Juzíñamui uaina iere ínofiredímie. Daje llezica jíáimíai nizédiaioi: Felipe, Prócoro,

Nicanor, Timón, Parmenas, Antioquía ímie Nicolás, nauí nano afémie judíuai íaioi íinoga uaimo dáafueriacadimie. ⁶ Ie mei orécamaci illánomo afémacina atídiaioi. Atia mei orécamaci íaioimo onoi bíitano Juzíñamui úritiaioi. Afe güille fecárainina mamécaiaioi.

⁷ Iemo Ocuíraima Jesucristo úrilla uai comínido oni móonaioicaide. Jerusalem ínotino aillo jebuídiaioi. Afe llezica aillo judíuai lletáraini aféfuemo ínotiaioi.

Esteban llaitádiaioi

⁸ Esteban Juzíñamui izói ríinoredimie Juzíñamui ézicigamie. Ie jira comíni cígimo aillo cíorainina raa onótate raa diga finode. ⁹ Ie jira Rairuíñegamaci llófueriraco ímíaimona dáarie Estébamo como fueñe ie finócafue júfiduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfiduaidiaioi. ¹⁰ Mei íadi íena anáfenonidiaioi. Ñuera Joreño íemo iga úrillana fibíllafuedo úriteza. ¹¹ Ie jira taino lloraini íbajidiaioi. Afémacina llotiaioi:

—Mai omoi daíri: “Esteban Moisená Juzíñamui diga fiéniduaina dáinana cacádicaí,” —daí daítatiaioi. ¹² Aféfuemo comínina éinamaci diga fáillifáilliñetadiaioi, daje izói ocuícáfue llófueraini. Iemona cirínuano íena llaitádiaioi. Lláitano Caifóidillaini uíeco íena uítiaioi. ¹³ Afe izói taino uailai nabáraini jenódiaioi. Afémaci daide:

—Bímie cai ñue rairuírede gairíracomo báíñuano fáicanocaitañede. Jaca báíñofrede, daje izói ocuícáfue. ¹⁴ Afémie dáinana cacádicaí. Afe daina daide: “Baie Nazaret ímie Jesús afe gairíraco júdaitaite. Moisés caimo iga finóllifuíai meídotaite,” —daí daidíaioi.

¹⁵ Iemona ríimaci naa dinó ráiiedinori, Estébamo eróillano, ie uíeco Juzíñamui abi ímie uíecona eróidena cíoidiaioi.

7

Esteban abi ie ríiduafue llote

¹ Mei jira lletáraini illaima Estébamo jicánote:

—¿Meita nana bífuiai uáfuiái?

² Jira afémie uai ote:

—Ñue coméide ámatiaí, móotiaí diga, cue úrillamo cácarei. Cai ebíredinoredimie Juzíñamui cai jiaí nanóidimie Abrahamo cíocaide. Ua Abraham Mesopotamia éniemo illa llezica, afémie nai Haramo jaiániñena llezica, ³ Juzíñamui íena daide: “O illánie fiénocai naa o comíniri. Afemona omo cue llole éniemo o jairi.” ⁴ Mei jira Abraham Caldea éniemona oni jaide; jáillano, Harán jófuemo nano nie dino ite. Dinomo ie

moo tilla. Iemona Juzíñamui Abraham afe bie omoi illíniemo atide. Ja birui aféniemo itíomoi. ⁵ Mei íadi ñie feci raana nai afémie Juzíñamui íena íñede. Afe izói due jiza ie macálliniena íemo fecáñede. Mei íadi Juzíñamui uícomo uáfuenta daide: “Bie énie óieite. O tilla meífomo o jitótiai íeite.” Mei íadi aféruillaído Abraham nai jitónide. ⁶ Nane dáanomo Juzíñamui íena daide: “O uícoidigima jáímaci éniemo onínemaci izói íitíai. Dinomo afémaci rairuícamacaci izói íitíai. Dinomo cuatrocientos fimona duere finólliai,” daide. ⁷ Mei íadi nane dáanomo Juzíñamui daide: “Omoi rairuícamacina finódizie íai. Fiénidífuaí cue jicánolle mei, afémacina duere zefuítaiticue. Ie meífomo o comíni afénomona oni jáitíai. Oni jaillano, bíniemo cuemo ñue caimare táijzai bitíai,” daide. ⁸ Juzíñamui Abrahamo daínauai ibana finóllifue lloste. Afe llezica ie jitótiai bacano ícoí quetállena ocuállado afe finóllifue uáfuenta onótate. Ie jira ie jitó Isaac jócua mei ocho dígarui íllamona, Abraham ie jitó bacano ícoí quetade. Daje izói Isaac ie jitó Jacóbona finode. Afe izói Jacob nana ie jitótiaína finode. Afe jitótiai Israel doce diga nairai moona jáidiai.

⁹ ‘Bie Jacob jitótiai cai nánoragimaciai. Afémaci ie ama Josemo úradoidiaí. Afemona afémiena fecádiai, Egipto éniemo úllena. Mei íadi Juzíñamui Joseri ite ie canóllena. ¹⁰ Nana ie zefuínallamona zuitade. Ñue úrillana fibíllafue íemo ite. Faraón uícomo ñue coméiidimiena Juzíñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe llezica daje izói dama Faraón jofo illáimana mameca.

¹¹ ‘Iemona júbietaillafue nana Egipto éniemo baite aillo zefuínallafue diga. Daje izói Canaán éniemo ite. Ie jira cai móotiai güíllendiaí. ¹² Mei íadi Jacob Egíptomo trigo íllana fídiano afénomo ie jitótiai orede. Afémaci cai jáiiragima. Bifue íai. Fueñe güille uájillafue. ¹³ Ie mei dáanomo nane jáidiaímo, José ie ámatiai ie abina onótate. Afe llezica José ie ámatiai Faraómo cíotate afémie íai. Onóillena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daí íai. Iéficaide Jacob Egíptomo jáiánillena. Dinomo afémie tíide; daje izói afénomo cai jáiiragimamona dáríe tíide. ¹⁶ Afe meífodo íai. Ícuruai Siquém illánomo uitá raíajidiaí. Afe dinomo Hamor jitótiaimona Abraham ie comíni ícuruai railínuaí ibade. Jira afénomo raíajidiaí.

¹⁷ ‘Jai. Iéniemo Juzíñamui Abrahamo uire ñue íai. Íllena ríirede uaido uáfuenta lloste. Afe uícodo daínauai fuizáillirui ánoziacademo, Israel nairai Egíptomo ñue jebuídiaí; ua iere áillue náiraina jáidiaí. ¹⁸ Afe llezica Egíptomo jáie Faraón illáimaizaide. Afémie Josena onóñede. ¹⁹ Aféllaima

cai náiraina jífuete; cai jáiairagimacina duere finode. Cai como jococa úruiaina zóofetade íaioi tíllena. ²⁰ Aféruillaído Moisés jococa. Afémie ie dúeza illáruimona Juzíñamuina ióbitade. Afe izói ie moona ie ei diga ióbitade. Afe íaillinoi daámani fíui jofomo íena móonaitadiaillinoi. ²¹ Mei íena zóofetarui dúcinamona Egipto illaíma nahí jiza íena abimo ote. Afengo jitó izói afézana comúitate. ²² Ie jira afe Moisés Egipto comini nana onóigafuena llófuegamie. Iemona ie daináuailai rírede. Afe izói afémie finócafuiaí jamánomoide. ²³ Ja afe mei cuarenta fimona illa llezica, Moisés ie nairai israelita comini méiñuaiacade. ²⁴ Afénomo Egipto ímie Israel náiraimona dámie duere finóinana Moisés cíozaide. Ie jira Moisés ie nairai ímie ríduaibillano Egipto ímie fate afe iba óllena. ²⁵ Moisés comécido daide: “Cue ámatiaí israelita comini Egíptomona fáicanocaillifue onódiaioi. Ua Juzíñamui íaioi cuedo fáicanocaitafuena fidídiaioi,” daide. Mei íadi áfena fidíñediaioi. ²⁶ Afe jítiramoidiruido Moisés Israel ímiiaillinoi fúrienailana cíode. Iaillinoi fuiríllafuena llíicaitaacanano íaillinoína daide: “Omícoi daje ámadíomícoi. ¿Níbái conímana duere finódiomícoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígímo illáimana jóonegao? ¿Bu cai fiénidifue jicánoraimana jóonegao? ²⁸ ¿Nauri Egipto ímie o faaja izói birui cuena fáiacadio?” daide. ²⁹ Daí dainana cacáillano, Moisés botade. Bótano Madián éniemo jaide. Dinomo jicánemie izói ite. Afénomo mena jitórede.

³⁰ ‘Cuarenta fimona méifomo, Moisés amena figo iñénazicimo mácajide. Sinaí idu ánomo ite. Afénomo Juzíñamui abi ímie boode íazaifedinamo cíocaide. Afe irai bóoidinomo cíocaide. ³¹ Afena cíonamona Moisés jabo fáigacaide. Afena ñue cíoillena áfemo jofu ánozide. Ánozillano Ocuíraíma Juzíñamui úrillana cacade. Afe uai daide: ³² “O nánoidimaci Juzíñamuidicue. Ua Abraham, Isaac, Jacob dieze Juzíñamuidicue,” daide. Jira Moisés jágieri cuidíricaide. Iemona dáonomo áfemo eróillana jacíruite. ³³ Iemona Ocuíraíma Juzíñamui íena daide: “O eiba ico duiño, benó o naidáillano cue íllaza jamánomo ñúenoza. ³⁴ Cue comini Egíptomomo duere zefuillana cíódicue. Iaioi eehe cáilliana cacádíicue. Jira ana íaioína zúitaibíticue. Jira cue dainana cacai. Egíptomomo ona óreitícueza,” daide.

³⁵ ‘Ja nano fueñe nana comini Moisenadaide: “¿Bu illáimana mamécao, caímo jicánoraimana o íllena?” Mei íadi bóodinamo cíode Juzíñamui abi ímiedo Juzíñamui Moisenadaide zúitaitimíena orede, íaioi

illáimana. ³⁶ Jira Moisés cai jáiiragimaci Egíptomona jino bairódimie. Afémie bie éniemo ciórainina raa onótate raa diga finódimie. Afe izói Jiáirede Monáillaimo ciórainina dáinamona comuide raa finode. Afe izói cuarenta fimona íllamona zaféredizicimo íaiói illa llezica ciórainina raa finófirede. ³⁷ Afe dáamie Moisés Israel comínina daidímie: “Juzíñamui dani omoi ámatiaimona uai llórainmana ómoimo óreite, cue ie ória izói. Aféniemo jeire omoi oíri.” ³⁸ Afe Moisés zaféredizicimo comíniri itímie. Afe Moisés Sinaí ídumo itímie. Dinomo Juzíñamui abi ímie íemo úrizabite. Afemona Moisés cai jáiiragimamo aféuai jino llotímie. Afe Moisés cáatatiuailai llínote, afe uáillaina caimo fiénocaillena.

³⁹ ‘Mei cai jáiiragimaci íemo cacáreacañediaíoi. Iena ruifruillano, meine Egíptomo jáiacadiaíoi. ⁴⁰ Jira Aarona daidíaíoi: “Cai uícodo ífoite juzíñamuillaina caimo finóllena jitáidicai. Baie Moisés Egipto éniemona cai otímie, íemo itífuenta onóñedicai,” daidíaíoi. ⁴¹ Ie jira juráreto jiza jana finódiaíoi; jáie rílleniai fatíaíoi afe jízato jánaraina finócamo fia fecállena íena íóbitallena. Mei íaiói ónoído finoca raamo caimátaíoidiaíoi. ⁴² Ie jira Juzíñamui íaióimona oni jaide. Afemona Juzíñamui íaióina fiénocaide mona úcuaimo íaiói comeci facáoillena. Mei daí uai llóraini rabénicomo cuegáuai daide:

¡Israel comini, omoi cacai!

¿Cuarenta diga fimona íllamona zaféredizicimo rílleniai fatíomoi cuemo fia fecállena?

⁴³ Ieñede. Jiáifodo finódiomoi.

Taino juzíñamui Moloc ráicaillacoji abímo máíñuano úioicaídiomoi.

Afe llezica jáie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca íóbitalle jánarai.

Ie jira omoi éniemona omoi otá Babilonia batífenemo ómoína óreitícue, daide.

⁴⁴ ‘Cai jáiiragimamo Juzíñamui gairíraco ite. Afénomo nofícomo cuega ocuica uailai éenotiaíoi. Afe gairíraco Juzíñamui Moísemo ocuilla izói niga. Nano fueñe Juzíñamui íena daide: “O ciónaco omo cue ácata izói o nitátari,” daide.

⁴⁵ Cai jáiiragimaci afe gairíraco feci raa izói llínotiaíoi. Ie mei Josué diga bitino jáie nairai énie báirua llezica afeco atídiaíoi. Afe éniemo itínuaíoi Juzíñamui oni jiude, íaiói meífomo ie comini illino finóllena. Afeco daí dinomo ite David illáruillaido. ⁴⁶ Illaíma David Juzíñamuina íóbitade. Iemona Juzíñamui afe Davidna canófirede. Aféruillaido ie jáiiragima Jacob ínoga Juzíñamui illico nitátaiacade. ⁴⁷ Mei íadi ie jitó Salomón

Juziñamui jofu ua nitátatimie. ⁴⁸ Mei íadi jamánomo caifoide Juziñamui, comini ónoido niga gairíracuaimo ífinide. Afe izói uai lloraima daide:

⁴⁹ Caifo bie mona ua cue illáimana ráirano izoide. Ie mei bie énie cue idai bitáoinanie izoide.

¿Níie izóidico cúeiena nitátaitio?

¿Nee cue ocózinairano?

⁵⁰ ¿Ua meita nana bie ráaniaina cue ónoido finódicue?

Jii finódicue, —daíí Ocuíraima Juziñamui daide.

⁵¹ Nai Esteban afémacimo úrioicaide. Daide:

—Mei íadi omoi comeci jaca Juziñamuina rairuífirede. Juziñamuina onóñedimaci izói jefónidiomoi. Juziñamuimo coméciñedimacidiomoi. Ñuera Joreño llétafue jaca jeire oñédiomoi. Omoi jáiairagima izóidimacidiomoi. ⁵² ¿Ua meita omoi jáiairagima nii uai llórainina duere finódiaioi? Nana íaioina duere finódiaioi. Nii fígomie bíllana uícodo llotínona titádiaioi. Afe fígomie jae dúcide. Iena fécano fatíomoi.

⁵³ Omoi Juziñamui abi ímíiaido llogámacidiomoi, mei íadi ñue cacáreñediomoi, —daíí dinori Esteban daide.

Esteban tíllafue

⁵⁴ Aféfuiaina cacáillamona, ríicaidiaioi. Estébamo fuedo gugúricaidiaioi. ⁵⁵ Mei íadi Esteban Ñuera Joreño úicaigamie. Afe llezica monamo érocaide. Dinomo Juziñamui ebírenafuena ciode. Afe llezica Jesús Juziñamui nabézimo naidáinana ciode.

⁵⁶ Ie jira daide:

—¡Ero! Mona túinana ciódicue. Nanoide fima Jitó Jesús Juziñamui nabézimo naidaide, —daide.

⁵⁷ Mei íadi afémaci jefo íbáidiaioi. Ríirerie caillíoicana illíñana íemo caízaidiaioi. ⁵⁸ Jófue mona oni uitá nófiena ie níjidiaioi. Níjidino íaioi emódodiroillai jítócome Sáulona maméidimiena úíñotadiaioi. ⁵⁹ Nai ie íaioi níjia llezica, Esteban Juziñamuimo úrillano daide:

—Ocuíraima Jesús, cue joreño oni llíno, —daide.

⁶⁰ Ie mei ana dújullano, ríire caillide. Daide:

—¡Ocuíraima! Bie fiénidifue ícoinia bimácimo jítáñeno iri, —daide.

Daíí daina meífodo tíbicaide.

8

Saulo Jesudo gairíraní racade

¹ Fatímaci izói Saulo afémacimo coméciioide.

Aféruimona Jerusalemo ite Jesudo gairíraní duere finóllena como fueñe judúuai jénuaidiaioi. Ie jira nana íñnotimaci Judea énie fuédado ráidoizítiaioi; daje izói Samaria éniado. Dani doce dígamie orécamaci Jerusalemo fiébitiaioi. ² Iemona Juziñamui

raana duéruitimaci Esteban raiájidiaioi. Ieri aillo éediaioi. ³ Afe llezica, Saulo gairíramacina nai racáoide. Nágacuaído jenode. Afécuaimona iññiai ringóniai diga jino zónuano íaioina llavétate.

Jesucristo ñuera uai Samáriamo lluájidiaioi

⁴ Ja birui Jerusalémona oni jáiredino, Cristo jíllo nafue íaioi jáillanuaímo lluájidiaioi. ⁵ Afémacimona dámie Felipe Samaria jófue mo jaide. Dinomo Cristo ráfuedo íaioimo úrizaide. ⁶ Afe comini gairíllano Felipe dáinamo ñue cacáreidiaioi. Felipe finoca ciórainina onótate ráaniai ciódiaioi. ⁷ Mei jira aillo fiénide jóriaimona jíllogaiaioi. Afémacimona fiénide jóriai caillícana oni jaide. Afe llezica aillo tizitaitimíai aidáimaiaí diga jíllogaiaioi. ⁸ Aferi afe jofue comini iere caimátaioidiaioi.

⁹ Mei íadi dámie Simona mámeciredimie afénomo ite. Afémie úcoidiruillaído aimana jaide. Afe jofue comini jífue. “Jamánomoidimiedicue” daiífiredimie. ¹⁰ Nana comini jabóidinomona ua nahállaimamo dieze íemo iere cacáreidiaioi. Daidíaioi:

—Bímie caifoide Juziñamui riinona igámie, —daidíaioi.

¹¹ Iere are ie aimánafuedo afémacina jífue; ie jira íemo jeire otíaioi. ¹² Mei íadi Felipe Juziñamui illáimana illirui uai Jesucristo mámecei diga, íaioimo llote. Aféuaillana cacáillano afemo ñue ínotiaioi. Híñiai ringóniari dájerize ínotiaioi. Inuano báutizagaiaioi. ¹³ Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

¹⁴ Jae Samaria comini Juziñamui úrillauai jeire otíaioi. Afe íaioi jeire uáfue na Jerusalemite orécamací fididiaioi. Fidiano afénomo Pedro Juan diga orédiaioi. ¹⁵ Dúciillano Samáriamo ite ínotinori Juziñamuimo jicádiaioi, Ñuera Joreño íaioi llínollena. ¹⁶ Mei afémacimona nímiemo Ñuera Joreño nai biñede. Dama Ocuíraíma Jesús mámeceido báutizaga. ¹⁷ Afemona Pedro Juan diga íaioimo onoi bitade. Iemona daií Ñuera Joreño úicaigaaioi.

¹⁸ Orécamací bimácimo onoi bitamona Ñuera Joreño bíllana Simón ciode. Cíonamona úcube orécamie íaillinoimo íoicana ¹⁹ daide:

—Jadíe riino cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juziñamui fecaca raa úcubedo ibárede daidio; daií comeci facádio. ²¹ Bífue mo o dúíñedio. Bie coco táijnafue mo jaináíñedio, o comeci jaícina Juziñamuimo jóoiñena jira. ²² Bie o fiénidífue o fáicanocai. Juziñamuimo izire o jicari o fiéni comécido daínafue iba omo

óñeilleza. ²³ Ja onódicueza o comeci fílliru izói eríredeza. Afe íaifuiáido cuinácamie izói itíoza.

²⁴ Jira Simón uai ote:

—Ocuíraimamo cuedo jicari, nana o cuena daináfuiaimona dafue cuemo níjiñeillena, —daide.

²⁵ Afénomo Crístomo ñúefue nitádiaioi. Daje izói Juzíñamui uáillaído úritiaioi. Ie meífodo, orécamie íaillinoi Juzíñamui jíllolluái aillo Samaria duera jófuiaimo llófuiaidiaillinoi. Ie mei Jerusalemo meine bitíaillinoi.

Felipe Etiopía ímiemo úrite

²⁶ Afefue meífodo Juzíñamui abi ímie Felípna daízaibite:

—Náidacaillano, furi batí Jerusalémona Gaza jófuemo jóidido o jairi, —daide.

Afeo zaféredizicido jóidio. ²⁷ Iemona Felipe náidacaillano áfeodo jaide. Dinomo uiécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraíma. Afe llezica afémie óinima. Naui uícodo afémie Jerusalemo Juzíñamuimo cáimaduaide. ²⁸ Afémie abido ie éniemo jáizaide. Ie caballo zonóicaiga ráiralloicimo ráicana Juzíñamui uai lloraíma Isaías cuegáuai facádote. ²⁹ Afe llezica Ñuera Joreño Felípna daide:

—Jadíllloicimo ánozillano afénomo nabairi, —daide.

³⁰ Ánozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoga uaina meita onódio? —daide.

³¹ Jira afémie uai ote:

—Cuemo jino llóitimie iñédeza, ¿ñie izói ónoiticue? —daide.

Iemona Felípemo caífo ie diga dáanomo ráillena jicade.

³² Juzíñamui Cuegáuaimona afémie facádoga uai áfena daide:

Oveja izói tízaillinomo uiga.

Oveja jiza abi cuidódino uiécomo úriñedimie izói táide,

afe izói afémie jaca níífuedo úriñede.

³³ Afémie iere jámairuigamie; jaícinaidífuenta íemo rairuídíaioi.

¿Ie ñue illáfuedo mei bu úrille?

Mei ie cáajano bie éniemona niné táinocaide, —daide.

³⁴ Jira illaingo abi ríimie Felípemo jicánote:

—Cuemo llone, ¿bumo úrite uai lloraíma? ¿Ñibai dama íemo úrite? ¿Ñibai jáímiemo úrite? —daide.

³⁵ Jira Felipe afémie facádoga Cuegáuaimona Jesús úrillauai íemo jino llote. ³⁶ Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

³⁷ Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

³⁸ Iemona jáiralloici moziñota ille diné jáidiaillinoi. Dinomo Felipe ie báutizade. ³⁹ Illémona ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíõñede. Mei dama ie éniemo caimare jaide. ⁴⁰ Felipe nane Azoto jófuego cíocaizaide. Dinómona naga jófuedo jíltonauai llócade. Ua ba Cesarea jófuego fuizájide.

9

Saulo comeci jíáifodo méiduafue
(Hch 22.6-16; 26.12-18)

¹ Afe llezica Saulo Jesumo ínotinona fáiacanafuedo úrioides. Ie jira lletáriraini illáimamo jícanuaide. ² Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailla. Afemona íñia naa ringóniari maitá Jerusalem cue atílleza, —daide.

³ Mei nai iodo jailla llezica, Damasco jófuego áinozidemo, monámona bite úzefo nágafene ie abimo úzere egáñocaide. ⁴ Iemona Saulo éniemo baiide; baiilla llezica Jesús íena dáinana cacade:

—Saulo, Saulo, ¿nibái mei cue racáido? —daide.

⁵ Mei jira Saulo uai otá jícanote:

—Ocuíraima, mei o ¿búido? —daide.

Jira aféuai ote:

—Cue Jesúsicue. Dama o racácamiedicue. Aillue juráreto zaitácademo jáiredizimo jiide. Afe izói ízitagamiedio. ⁶ Mei íemona Saulo jágeri cuidide; daide:

—Ocuíraima, ¿ona nie izói finóredicue? —daide.

Jira Ocuíraima uai ote:

—Náidacaillano baie jófuego mai jofo jai. Dinomo o finóllifuenta omo llóitiaioiza, —daide.

⁷ Sálodo jaide comini aféuaina cacádiaoí íadi mei buna cíõñediaoí. Aferi iere jacínaitiaoí. ⁸ Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daí ónoido jainátacana Damasco jófuego íena uítiaoí. ⁹ Dinomo daruíamani uina cíõñede. Afénomo minícana güñede, jiróñede.

¹⁰ Afe Damasco jófuego ínotimie Ananías illa, nímiemo Ocuíraima nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraima, benó iticue, —daide.

¹¹ Jira Ocuíraima íena daide:

—Náidacaillano, Deréchana mámecirede iodo jairi. Dinomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juziñamuimo úrite ¹² Ie úrioina llezica nicáirilla izóidedo ie uimo onoi bitabitimie, Ananías mámeciredimiena ciode; áfemona nane ie ui ñue cíoite, —daide.

¹³ Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuiaimo nana Jerusalemie ie fiene finócafuiaie cuemo llotíaioi. ¹⁴ Ja birui afémie benomo bite. Lletáriraini illaini llavétallibiai diga bite nana o mámecido jicáfiredino maitá úillena, —daide.

¹⁵ Jira Ocuíraima daide:

—¡Mai jai! Afe ímana jae cue nizeca jíaie náiraime cuedo úrillena naa íaioi illáiniri. ¹⁶ Afémie aillo cue náiraime llóite. Afémie aillo cue ícoinia duere zefuállana íemo ácataitícue, —daide.

¹⁷ Iemona Ananías Saulo illácomo jaide. Jofu jáillano íemo onoi bitajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoillena ocuide. Afe dáanomo afémie Ñuera Joreño ona cue úcaitallena cuena daide, —daide.

¹⁸ Afe daí dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate. ¹⁹ Afe meífodo güillano, ie riño meine comúitate. Afe mei nano nígarui Damáscomo ite ínotinori fiévide.

Saulo Damasco jófuego jino llófuerite

²⁰ Ie meífodo Saulo garíracomo jino llófuerizaide. Afénomo daide: “Jesús Juziñamui Jitó.” ²¹ Nana afémiemo cacáidino fáigacaillano daidíaioi:

—¿Ua meita bie nímiède, naui Jerusalemie Jesús mámecido jicáfiredino racádimie? ¿Ñie naui benomo bitimie lletáriraini illáinimo cai maitá úillena? —daidíaioi.

²² Mei íadi Saulo jamánomo riire jino llófuerite. Jesús Crístonana jino uafodo cíotate. Mei jira Damáscomo ite judúuai Saulo ifona íritagaiaioi.

Saulo judúuaimona jillode

²³ Diga iruillai jailla meífomo, judúuai dáanomo comecei fácana Saulo fállena maméritiaioi. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena.

²⁵ Mei íadi ínotimaci áillue cirígaimo íena jóonetiaioi. Jóniano afe jofue jinófene cirínuailla jinomo naio íena agúínetiaioi. Afe daí afémie botade.

Saulo Jerusalemo illafue

²⁶ Saulo Jerusalemo dúcillano, Juzíñamuimo ñinotinori gairíacade, mei íadi nana afémiena jacíruitiaioi. Afémie ñinogafuena nai jeire oñediaioi. ²⁷ Mei íadi Bernabé íena uáidote. Iemona orécamiiamo íena ácatajide. Afemona Saulo iomo Ocuíraimana cíonafue íaioimo llote. Ie mei Saulo Damasco comínimo méaicaiñeno Jesús mámecido úrillafue íaioimo llote. ²⁸ Jira Saulo Jerusalemo diga irui ite. Dinomo ñinotimaci diga macácaide. ²⁹ Ocuíraima mámecido méaicaiñeno úrite. Griego uaido úritino judíuaimo úrite. Conímamo jicánua uai ua daíí úrite. Iemona ie fállena mamediaioi. ³⁰ Jiáie ámatiai afefue fídiano, Saulo Cesaréamo uitíaioi. Dinómona Társomo íena orédiaioi.

³¹ Ie meífomo nana Judea éniemo ite Jesús mámecido gairídino fírazitiaioi. Ja íaioi ñinogafuemo caimare náireicaidiaioi. Afe izói Galilea éniemo Samaria énie diga ite ñinotino fírazillamona riire náireicaidiaioi. Ocuíraima Jesús ñúefueri jácicaidiaioi. Ñuera Joreño íaioi cánuamona jebuíoicaidiaioi.

Eneas jae jíllotaga

³² Pedro jiáie ámatiai uáidualla llezica, daje izói Lida jófuemo ite ñinotino éroizaide. ³³ Dinomo Enéasna maméidimiena cíoizaide. Afémie ocho diga fimona bíramo bíide ie tizitailla jira. ³⁴ Iena Pedro daíizaide:

—Eneas, Jesucristo ona jíllotaiteza. Náidacaillano o bíira ñue fino, —daide.

Afemona Eneas raire jíllobicaide. ³⁵ Lida jofue nairai aféfuaena nana cíodiaioi naa Sarón náirairi. Iemona jaiái nano íaioi ñinogafuai fáicanocaillano Ocuíraima llogáfueмо ñinotiaioi.

Dorcas tíide meine abido cáanafue

³⁶ Aféruillaído Jope jófuemo ite ñinotingo. Afengo mámecí Tabita. Afe mámecí griego uaido Dorcas. Afe ringo ñúefuedo jáicade. Jitáidinona canófirede. ³⁷ Aféruillaído afe Dorcas iráreizaide. Iemona tíide. Ie abi jócua meífodo oni caifóidicomo jóonetiaioi. ³⁸ Lida áinori ite Jope. Aféruimo Pedro afénomo nai ite. ñinotino afénomo íllana fídiamona, ménamie orédiaioi íena daííllena:

—Jópemo jizíñeno raire biri, —daide.

³⁹ Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócaquiruai íemo ácatatiaioi. Emodo íroillai naa jiáie iníroillairi íemo ácatatiaioi. ⁴⁰ Afécomona

Pedro nana jino íaioi orede. Ie mei caiñici ifodo dújuillano Juzíñamuimo úrite. Tiídingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo érocaillanona caifo ráinade. ⁴¹ Onoído llínota ie caifo naidánete. Afe mei ailli jino oreca fecíngotiai íemo ámatiai dainámaci diga abido jíríte. Iemona afengo caade íaioimo izájide. ⁴² Afefue nana Jope jófuemo jállecaide. Iemona aillo comíni Ocuíraimamo ínotiaioi. ⁴³ Afe mei Pedro diga irui afe jófuemo fiébide. Igorai ídiai jinítaraima Simón jofomo ífirede.

10

Pedro Cornelio uáiduafe

¹ Afe Cesarea jófuemo Cornéliona maméidimie ite. Afémie fuíríraíni áillogüelli illaíma. Afe áillogüelli mámece Italiano.

² Afémie naa dama ie comíniri Juzíñamuimo comeci fácajano caimare úrite. Afe llezica Juzíñamuimo ñue jacíruioides. Daje izói aillo úcubena judíuaímo fecáfírede íaioi canóllena. Iemo Juzíñamuimo nágarui úrifírede. ³ Ie mei daarui jítoma ana ítemo nicáirilla izói ciode. Afe nicai anado Juzíñamui abi ímie uáfodo cíode. Afe abi ímie jofu Cornelio illánomo jaide; jáillano íena daide:

—¡Cornelio! —daide.

⁴ Cornelio afe Juzíñamui abi ímiemo jacíruiociana érocaillano jicánote:

—Ocuíraíma, ¿bie minica?

Iemona abi ímie íena daide:

—O jicánua Juzíñamui jae jeire ote. Daje izói jítáidino o cánuaíuaína jeire ote. ⁵ Mei jira Jope jófuemo ííñiai ore, Simón jírizaillena. Afémie jíáfodo mameina Pedro. ⁶ Afe Pedro jíái Simón igorai ídiai jinítaraima. Afémie jofu monáillai fuédamo ite. Afe Simón Pedro o finóllifue omo llóite, —daí daide.

⁷ Afe íemo úrite Juzíñamui abi ímie jáidemo, Cornelio mena táijitagamie jíríte. Ie mei ie abi ímíiaímona daa ñúefuemo ínofírede fuíríraíma jíríte. ⁸ Nana Juzíñamui abi ímie íemo llogafue llua meífomo Jópemo íaioína orede.

⁹ Afe jítiramoidíruimo, nai afémaci iodo jailla llezica, Jópemo áinozidiaímo, Pedro jaíciri illa llezica jofu emodo ibánimo Juzíñamuimo úrizaide. ¹⁰ Aillo jufínaiillamona güíacade. Mei íadi nai güille íaioi fínua llezica, nicáirilla izoide ciode. ¹¹ Afe nicai anado mona túijicaillana ciode. Afénomona áillue iníroi izóidena nágafene zicai ícoínoga ana éniemo agüínana ciode. ¹² Afe

agüünega iníroimo naga táide ríllenai ite, jaióniai féedinuiai diga. ¹³ Iemona daa uai dánana cacade:

—Pedro, náidacaillano fatá rii, —daide.

¹⁴ Jira Pedro uai ote:

—Jii, Ocuíraima, ríñeiticue. Bácaca ríllena jaca riñédicue.

Daje izói íairede ríllena riñédicue naa rairuica rille diga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rílleza íaire maméñeno iri, —daide.

¹⁶ Afefue dacaiñoámani íemo íficaide. Ie meífomo afe iniroi meine abido monamo jaide. ¹⁷ Nai Pedro afe nicáirillafuemo comeci facáoide. “Afe cue ciónafue nie izói daiíacade,” dáidemo, Cornéliomona orécamiiai nazemo náidazaibitiaioi. Simón jofó jicánotiaioi. ¹⁸ Dúciillano aillo uaido jicánotiaioi:

—¿Simóndimie bicomó ite? Afémie jíáifodo mameina Pedro, —daidíaioi. ¹⁹ Nai Pedro nicáirillamo comeci facáoidemo, Ñuera Joreño íena daide:

—Cacai, damieámani o jenódiaioi. ²⁰ Náidacaillano ana billano jizire úriñeno íaioido jai, mei cue omo orécamiiaiza, —daide.

²¹ Mei jira Pedro jofó emódobanimona ana billano Cornelio orécamací, nazemo náidaidinona daide:

—Cue omoí jenócamiedicue. ¿Nibái mei bitíomoi? —daide.

²² Jira afémaci uai otíaioi:

—Íllaima Cornelio cai ória jira biticai. Afémie ñúefuena nitácamié. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izíruitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibiticai. Dinomo Cornelio íena o daiíacallifuena cácaite, —daidíaioi.

²³ Ie jira Pedro jofó íaioina ote. Afe naio ie diga fiébidiaioi. Afe jíáiruido Pedro afémaci diga jaide. Afe llezica Jópemo ite ámatiaimona íena nabáioicaidiaioi.

²⁴ Afe jíáiruido Cesaréamo dúcidiaioi. Dinomo Cornelio íaioina úiñote. Afénomo bíllena ie llogámaci ie comínimona, ie gaiga nabáíñiaimona dánomo gairídiaioi. ²⁵ Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáimadollena. ²⁶ Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

²⁷ Nai afémie diga úrioína llezica, jofó jaide. Jáillano aillo gairídinona cíozaida. ²⁸ Jira Pedro daide:

—Jae onódiomoi, judío ímie ie ínuafuiaido jíáizie ímie diga nabáirinide. Daje izói ie jofomo jaille rairuírede. Mei

íadi Juzíñamui jae cuena llófuete. Buna jiáimana comécina íáiredimie daiñide. Daje izói rofóci redimie jiáimana daiñide. ²⁹ Ie jira orécamiái cue jírilla llezica nie izói daiñeno jarire bitícueza. Mei jira nibái mei cue uáidotioza onócadicue, —daide.

³⁰ Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güiñeno iticue. Aféruimo jitoma ja ana ítemo Juzíñamuimo comeci faiticue. Comeci faiano quenírede inícuiro jitáoidimie cuemo cíocai. ³¹ Afémie cuena daide: “Cornelio, o jicánogafuiaina Juzíñamui cacade. Afe llezica jitáiredinomo o cánuafuiaimo Juzíñamui coméciide. ³² Jope jófuemo ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igorai ídiai jinítaraima. Ie jofo monaillai fuédamo ite. Pedro dúcia o diga úrizaité,” daide. ³³ Daií raire ona jenótaticue. Jira o bille ñuera. Birui nana benomo Juzíñamui uiécomo iticai. Nana Juzíñamui omo llotátgauai caimo o daiíllena cacáacadicaí, —daide.

Pedro Cornelio jofomo llófuezeza

³⁴ Jira Pedro ja úrillano daide:

—Ja birui Juzíñamui jiáimana daa úradotatañedeza onódicue. ³⁵ Mei íadi nizíemo itino íeri jáicaillano ñúfuedo úritinona Juzíñamui íaioina llínofirede. ³⁶ Israel cómogimacimo Juzíñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. ³⁷ Nana judío éniemo comuídifuena ñue onódiomoi. Juan Bautista jino llujilla mei, comini báutizailla meífodo afefue Galiléamo como fuéñe taineca. ³⁸ Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúfue finócana jáillana onódiomoi. Afe izói nana Taife ríino anamo duere zefuúdinona ie jíllotafuiaina onódiomoi. Aféfuiaína daií finode Juzíñamui ie diga jáicana jira. ³⁹ Nana Jesús judío éniemo finócafuiái uai nabáiraimacidicaí. Daje izói Jerusalén jófuemo ie finócafuiái uai nabáiraimacidicaí. Ie méifomo cruzmo íena coráiano íena titádiaoi. ⁴⁰ Mei íadi Juzíñamui daruíamani íllamona abido íena cáatate. Ie mei afémiena caimo cíocaitade. ⁴¹ Nana comínido cíocaitañede mei íadi dani caimo cíocai, Juzíñamui uícomo nizeca uai nabáiraimacidicaíza. Afe mei afémie tíllanomona meine abido cáanamona ie méifomo, afémie diga güiticaí; ie diga jiródicaí. ⁴² Afémie Jesucristo rafue jino comínimo caina llotátate. Afe izói jiáífue caina ua nabáiritade. Afefue daide: “Juzíñamui afe Jesús tíidino cáadino diga íaioi fiénidifuiái jicánoitimiena ocuide. Cai aféfuemo uaina

nabáitagamacidicai.” ⁴³ Daje izói jaiái ninómona nana uai lloraini Jesudo úritiaioi. Daidíaioi: “Nana afémiemo ínotino íaioi íáiredifuemona ie mámeçido ñue dóficaitiaioi,” daidíaioi, —daide.

Judúuaiñedino Ñuera Joreño como fueñe úicaigaiaioi

⁴⁴ Nai Pedro úrioina llezica, ie úrillauaimo cacáreidimacimo Ñuera Joreño nana íaioimo ana bite. ⁴⁵ Jira Pédrodo bite ínote judúuai fáigacaidiaioi. Ñuera Joreño judúuaiñedinomo daje izói úicaigafueri fáigacaidiaioi. ⁴⁶ Jae jíáizie uáillaído íaioi úrillana cacádiaioi. Afe llezica Juziñamuimo íaioi íóbioinana cacádiaioi. ⁴⁷ Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

⁴⁸ Iemona Jesucristo mámeçido íaioi báutizazigaiaioi. Ie meífodo Pédrodo izire jícadiaioi: “Nano nígarui cai diga iri,” daidíaioi. Daií íena jeruídiaioi, nano nígarui íaioi diga íllena.

11

Pedro Jerusalemo ite ínotinomo llogafue

¹ Judéamo ite orécamaci ámatiai diga, cómoicana jíáifuenta fidídiaioi. Afefue daide: Judíoñedimaci Juziñamui úrillauaina jae jeire otíaioi. ² Pedro meine Jerusalemo jáidemo, judúuaimona dámierie ínotino Pédróna zanódiaioi. ³ Zánuano daidíaioi:

—¿Nibái judíoñedino uáiduaidio? ¿Nibái íaioi diga güitio? —daide.

⁴ Ie jira Pedro afefue nanómona nana ie finócafuiai llote; daide:

⁵ —Jope jófuego cue íadi, Juziñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zícaimo ícoínoga. Daií cue illánomo dúcide. ⁶ Afemo ñue eródicue ie eromo itínuiaina onóillena. Iemona afe eromo ite táicaide rílleniaina ciódicue. Afe dáanomo jacírede rílleniaina ciódicue. Daje izói afénomo jáizai, íemo féedínuiái diga íllana ciódicue. Nana afe ciona rílleniái bácaziga. ⁷ Iemo daa uai cuena dáinana cacádicue. Daide: “Pedro, náidacaillano afe ríllemona fatá rii.” ⁸ Mei jira daidicue, “Ocuíraima, dama ite. Jaca nanómona cue fúedo íáiredena riñédicue bácaie diga.” ⁹ Ie mei afe monámona cacaide uai dáanomo cuena daide: “Juziñamui dogá rílleza íáirede daiíñeno o iri.” ¹⁰ Afefue dacaiñoámani meine íficaide. Afe meífomo dáanomo nana monamo meine jaide. ¹¹ Afe llezica daamieámani cue illánomo dúcide. Afémaci Cesaréamona cue jenóllena orécamaci. ¹² Ñuera

Joreño afémacido cuena orede: “Due jiza jizíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai. ¹³ Afémie Juzíñamui abi ímiena ie jofe eromo ie ciónafue caimo llote. Afe Juzíñamui abi ímie náidaillano íena daide: “Jope jófuego nano nígamie ore, Simón jírizaillena. Dáamie jáífodo mameina Pedro. ¹⁴ Afémie ona dáíteza, nie izói o nana o comini diga jilloitioza,” daide. ¹⁵ Cue fueñe íaioimo úrizaila llezica, Ñuera Joreño imaci acónimo bite, nano fueñe cai acónimo billa izói. ¹⁶ Mei íemona Ocuíraima daínáfuego úbicaidicue. Afefue daide: “Uáfueña Juan fia jáinoido báutizade, mei íadi Ñuera Joreño úicaigamacina ítiomoi.” ¹⁷ Mei jii Ocuíraima Jesucrístomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daíí daide.

¹⁸ Mei ie jira Jerusalemo ite ámatiai aféfuiaina fídia llezica, líicaidiaioi. Líicaillano Juzíñamuimo caimátaidiaioi. Daidíaioi: —Ua afe izói judíoñedimacimo íaioimo fiene itífue méidollena jae Juzíñamui íaioimo fecade. Afemona daíí jaca zíñona cáaillinona íaioimo ite.

Antioquíamo ite Juzíñamuimo ínote gairídino

¹⁹ Esteban íaioi faa llezica, jáíe ínotimacimo duere finótatiaioi. Dáarie Fenicia éniemo botádiaioi; jáímaci Chípreno Antioquía diga botádiaioi. Dinomo afe ñúefue dani judíuai namácimo llotíaioi. Jáímacimo llóñega. ²⁰ Mei íadi dáarie Chipre imaci, Cirene imaci diga ínotino Antioquía jófuego dúcidiaioi. Dúciillano judíoñedinomo úritiaioi. Afemona Ocuíraima Jesús úrillauai íaioimo llote íaioi jilloillena. ²¹ Afe llezica Ocuíraima ríino íaioimo ite. Mei daíí aillo comini nano íaioi jaiaí ínogafuiaí fáicanocailano Ocuíraima Jesumo ínotiaioi.

²² Afefue Jerusalemo ite ínotinomo jállecaide. Iemona afémaci Bernabé Antioquíamo orédiaioi. ²³ Bernabé dúciillano, Juzíñamui cáimadogamací izói ciode. Aferi afémie iere íóbicaide. Nana íaioi llófujete; daide:

—Nana cai Ocuíraimana fáicanocaiñeno ie llogáfuego jáicina omoi coméciri, —daide. ²⁴ Afe Bernabé comécina fígomie, Ñuera Joreño úicaigamie. Afémie Jesucrístomo izire ínofiredimie. Daíí aillo comini Ocuíraima Jesucristo íena náamatade.

²⁵ Afe meífodo Bernabé Társomo Saulo jénuaide. Baillano Antioquíamo íena úite. ²⁶ Dinomo daa fimona namónaze ínotino cígimo ñue fuitádiaillinoi. Afénomo aillo comini llófujete. Afe

Antioquíamo ínotino como fueñe Crístomo jaináidinona ja mamécaiaioi.

²⁷ Aféruillaido dámierie Juzíñamuimona llínoga uaillai lloráimaci Jerusalémona Antioquíamo jáizaide. ²⁸ Afémacimona dámie Agábona mámeciredimie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaido. ²⁹ Ie jira Antioquíamo ite ínotino comeci facádiaioi Judéamo ite ámatiaí canóllena. Naga come íaioimo ite úcube díerize bai jónetiaioi. ³⁰ Afe daí ñeta, Bernabé Saulo íaillinoide afe iraica úcube Judéamo ite ínotino illáicomínimo orédiaioi.

12

Santiago tíllafue Pedro llavéinafue diga

¹ Aféruillaido Juzíñamuimo jaináidino duere finóllena illaíma Herodes nane jénuaide. ² Iemo Herodes Juan ama Santiago lloéfaido titátate. ³ Afémie titátari judíuai iere íobidiaioi. Aféfuena Herodes fidínamona nane Pedro lláitajide. Ja birui iráizillarullai. Afe iráizillarullaido fáitañega pan güítiaioi. ⁴ Pedro llaitada mei Herodes llavéracomo íena íbaicuaide. Dinomo cuatro dígagüelli íena úíñotiaioi. Naga afe güéllimona cuatro dígamirie llaízíriraíni ite. Herodes comeci facade pas-cua rafue meífodo Pédrona jino comínimo cíotallena. ⁵ Ie jira Pedro llavéracomo llaveda ñue úíñoga. Mei íadi Juzíñamuimo gairídino íemo izire Juzíñamuimo jicáoidiaioi.

Juzíñamui Pédrona llavéracomona jino oreca

⁶ Herodes Pedro jino comini uiécomo óiacanarui uícodo, afe naio Pedro llavéracomo inide ñue úíñoga. Ná gafene onoi llóejina maíga úíñoraíma íaillinoi jaináoigari inide. Afe llezica jáíe úíñoraíma íaillinoi jino llavéraco naze úíñoide. ⁷ Iemo Juzíñamui abi ímie raire cíocaizaíbite. Afe llezica llavéraco ero úzerecaide. Juzíñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸ Afe Juzíñamui abi ímie íena daide:

—Mai o ciraigi tirínorafe jofu ríire tirino.

O éiba ico jita, —daide.

Pedro daí abi fínua llezica Juzíñamui abi ímie íena daide:

—O emodo jítaca árerói jítada, cuedo bi, —daide.

⁹ Iemona Juzíñamui abi ímie ódana Pedro jaide. Afe abi ímie fínócafue Pedro onóñedeza; nibai uafue nibai táínofue.

Comeci facáuide: “Nícaí anado ciona izóidifuenta cíódicue.”
 10 Mei íadi fuéñeide jóonetimíemona bai jújicaillano báifeicana jóonetimíemo dúcidiailinoi. Ie mei afémiemona jújicaillano bai nazemo dúcizaidiaillinoi. Afe naze íbaira lloébani. Dúcidiaillinoimo afe naze íbaira daingo tújicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaiide. 11 Iemona Pedro ñue onócaillano daide:

—Íco iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izói nana judíuai cue duere finóacanafuemona cuena zúitabite, —daide.

12 Aféfuemo comécillano Juan ei María jofomo jaide. Afe Juan jíáfodo mameide Marcos. Afécomo aillo comini Juzíñamuimo iere úrillena gairídiaoí. 13 Pedro afeco abi íbiri llaveca nazemo náidazaide. Náidaillano jofo ero imaci júrite. Iemona Ródena mámeçirede ringoza bu billa daíllena eróizaide. 14 Mei íadi Pédróna uáimona onóillano, nazena tuíñoño, íóbicaillano meine jofo aizida llujáide:

—Pedro nazemo dúcina, —daízaide.

15 Jira íena daidíaoí:

—¡Uáiritaidio!

Mei íadi afengo daide:

—Uáfuenta ñue lloticue; uáfuenta Pedro dinomo ite, —afengo daíuide. Mei íadi afémaci íñoño daidíaoí:

—Pédroñedeza; ía íe joreño, —daidíaoí.

16 Mei íaoí úrioina llezica, Pedro nazemo nai júrioide. Afe meífomo naze tuíñoda íemo érocaidiaoí. Erocaillano jacinaítiaoí:

—Ua meita Pédrodio, —daidíaoí. 17 Mei íadi ónoído:

—Mai omoi úriño, líicai, —daide. Iemona Juzíñamui llavéracomona íe zúitafue llote. Iemo íaoína daide:

—Bífue Santiágomo llujíri nana jíaie ámatiaíri, —daide.

Ie meífodo jino jaillano oni jíáinomo jaide.

18 Jae monáizaidemo, llavécano úíñorainimo aillo riire júfidotiaoí, mei onóñediaioíza; daidíaoí:

—Benó cai úíñoqa Pedro çníné jaide? —daidíaoí.

19 Herodes Pédróna íaoína jenótate. Iena íaoí baiñenamona, nana úíñorainimo jícáçicanode. Ie mei Herodes afeúíñorainí fatátate, Pedro íaoí botata jira. Afe mei Herodes Judéamona jae oni Cesaréamo jíáínite.

Herodes tíllafue

20 Jae Herodes Tiro comini Sidón comini díga íaoíri íçírioide. Mei íadi afémaci daní começi facádiaioí íe uíécomo cíozabillena. Illaíma Herodes jabóidíllaíma Blasto. Afémiena fairíotarediaoí íaoíri ñue nabáirillena. Afémiedo ñue caimare illífue Heródemo jícádiaioí. Ua izire jícádiaioí, íaoí güíllenaí,

illaïma Herodes éniemona íaioi ófirena jira. ²¹ Ie jira Herodes íaioimo úrizailirui íaioimo llote. Aféruimo ebírede illaïma iniroi jítano illaïma ráiranomo ráinade. Daí ñiano are íaioimo úrite.

²² Mei íemona comini caillíoicana íena daidíaioi:

—Bie úritimie fia cómeñedeza, afémie juzíñamui, —daidíaioi.

²³ Afe llezica Juzíñamui abi ímie Heródena iráretade Juzíñamuimo ñúefuena nitátañena jírari. Iemona afe Herodes aíaide tílla.

²⁴ Iadi Juzíñamui lloga uai oni jalléicaide. Afe jalléinamona náganerie fidídiaioi.

²⁵ Bernabé Saulo diga íaillinoi afe úcube fíiaillano meine abido Jerusalémona bitíaillinoi. Aféillinoido bite dáamie, Juan daínámie. Dáamie mámecei Márcona.

13

Bernabé Saulo diga como fueñe nágagobiai llócaidiaillinoi

¹ Antioquíamo ite gairíracomo nano ñiga uai jino llóraini ite naa llófueraniri. Afémaci mámeceiai: Bernabé, Simón, Cirene ímie Lucio, Manaén, Saulo dígamíediaioi. Simón jíáifo mameina Negro. Galilea illaïma Herodes Manaén diga, dáanomo comúidiaillinoi. ² Aféruillaído afémaci güiñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

³ Güiñeno Juzíñamuimo úrilla meífodo éinamací íaillinoina ónoído ézicita, daidíaioi:

—Mai, ómicoi jairi, —daidíaioi.

Orécamaci Chipre éniemo llófuiaidiaioi

⁴ Ie mei daí Ñuera Joreño íaillinoimo lluaíjillamona oni Antioquíamona Selúciamona jáidiaillinoi. Dinómona áillocaedo monaillai çigi záfedu Chipremo jáidiaillinoi. ⁵ Salamina ígobemo dúczaidiaillinoimo judío llófueriracomo Juzíñamui uaillai jino llotíaillinoi. Afe llezica Juan íaillinoi canócana nabázaide.

⁶ Nana Chipre éniendo llócadiaioi. Irainomo Pafó jófuemo dúcidiaioi. Dinomo judío aima Barjesuna mámeçiredimie baizájidiaioi. Afe aima táinona llófuefiredimie. Afémie daífírede:

—Juzíñamui dibénedo úriticue, —daide.

⁷ Afe aima ocuídillaïma Sergio Paulo dígamie dáanomo itíaillinoi. Afe Sergio ráfuena ñue onódimie. Aféllaïma Bernabé Saulo diga jíritade Juzíñamui uaillai cacáillena. ⁸ Mei íadi afe aima Bernabé Saulo diga llogáuai uáitano zanode. Ocuídillaïma ínuana aima rairuíacade. Afe aima jíáifodo

mameina, Elimas. ⁹ Saulo jáifodo mameina Pablo. Afe Pablo Ñuera Joreño úicaigamie. Aima dáinana cacáillano íemo riire érocaillano ¹⁰ daide:

—¡Jíáima jífuetimedio! Íaiba Taife jitódio. Nana ñúefuiaina uáitaraimadio. ¿Nibái mei ñuera Juzíñamui lloga uai oni cáitano féitaacadío? ¿Nibái mei o táinofuiaina fáicanocaiñeno jino llóllodio? ¹¹ Mei jabe Ocuíraima Jesucristo riire ona duere fínoite. O ui nírite. Nano nígarui jitoma egáíñuana cióñeitio, —daide.

Daí dáinamona ie ui niríbicaide. Jae jitídine taino mellécade. Dáamie íena ónoído jainátacana úite, ie ui cióñena jira. ¹² Ocuídillaíma Sergio Paulo áfena cióillano, llogáuaina ñue ñnote, mei Juzíñamui llófueinamo jacíruiocana aféuaimo ñue eroide.

Pablo Bernabé diga Pisidia éniemo ite Antioquía jófuego jáidiaillinoi

¹³ Pablo ie nabáíñiai diga nocaedo Pafó jófueмона jáidiaioi. Dinómona Panfilia éniemo ite Perge jófuego jáidiaioi. Afénomo Juan íaioina fiénocaillano abido Jerusalemo jaide. ¹⁴ Pablo ie nabáíñiai diga afe Pérgemo dúcillano, Pisidia éniemo ite Antioquía jófuego arido jaícina jáidiaioi. Dinomo ocózinailaruimo llófueriraco eromo ráinazaidiaioi. ¹⁵ Ocuícafuiai illánicomona fueñe facádotiaioi. Ie mei Juzíñamui uai jino lloránicuaímona facádotiaioi. Afe facádua fúillamona llófueriraco illaini íaillinoína daidíaioi:

—Amatiai, ómicoi cacai. Omicoi llóiaicaigafuiai íadi comini cacáilleza jino ómicoi llóoiri, —daide.

¹⁶ Mei íemona Pablo náidacaillano, ónoído comínina llíicaitade. Afe mei íaioína daide:

—Israel nairai, omoi cácarei. Daje izói Juzíñamuina jacíruioidino, omoi cácarei. ¹⁷ Israel nairai Juzíñamui cai jáiairagima nana íaioína nizede. Iemona Egipto éniemo ónoñegamacina íaioi illa llezica, aillo náiraina afémie jebuitate. Afe mei aféniemona dama íemo ite ie ríinodo íaioína oni ote. ¹⁸ Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioína zófeñeno úiñote. ¹⁹ Afe mei Canaán éniemo ite siete nairai Juzíñamui niné táinocaitaga, afe énie cai jáiairagima maiñóllena. ²⁰ Afe meífodo diga riire jicánoraini cuatrocientos cincuenta fimona ocuíaiaioi. Ua ocuíaiaioi uai llóraíma Samuel illáruimo. ²¹ Ie mei íaioína ócuite ríillaima jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jitó, Benjamín nairai ímie. ²² Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui

úrite; daide: “Cuena ióbitadimie David baiticue. Afémie Isaí jító. Nana cue jitaiga raana jetáfiredé,” daide. ²³ Afe David cómogimamona Jesús jococa. Afe Jesús Juzíñamui uícomo daináuai izóí Israel nairai jílloaitimiena íaioi cígiconi Juzíñamui comuítate. ²⁴ Jesús comínimo nai abi báifitañenia Juan nana Israel náiraímo jino llote; daide: “Nana omoi báutizaredíomoi. Omoi comeci ífuiai mai ñúefuena méidoziri.” ²⁵ Juan uícodo llófuiaillafue fúiacademo, daide: “Omoi comeci fácamiēñedicue. Jamáimiedicue. Mei íadi cue meífodo bitímie cue baimo baitádimie. Afémie idai ico igaina zuitánidicue, (jiba jamáimiedicueza),” daí Juan daide.

²⁶ Cáimaci, omoi cácarei. Abraham nairai urúcidíomoi; mai cácarei. Omoimona Juzíñamuina jacírioidino, omoi cácarei. Bie ñue jílloaitíuai ómoie. ²⁷ Mei Jerusalemo itino íaioi illáiniri Jesús nahí ífuena fidíñediaioi. Daje izóí naga ocózinaillarui mo facádoga uai llóraini llogáuailaina cacádiaioi, mei íadi aféuai daináfueña onóñediaioi. Aféuailaina íaioi onóñenado Jesús duere finótatiaioi. Daí jaii ninomo mamécáfuii afémiemo fuitádiaioi. ²⁸ Afe Jesús fatátallifueña due jiza jaca baiñediaioi; mei íadi Pilátomo ie fatátallena jicádiaioi. ²⁹ Afe mei nana afémiedo Cugáuailaimo jaii ninomo lloga uailai fuitádiaioimo, crúzmona íena ana otá íena raíájidiaioi. ³⁰ Mei íadi Juzíñamui tíllanomona íena meine cáatate. ³¹ Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaide. Afe iedo jáicadino ja birui comínimo afémie llócaigafue llotíaioi.

³² Juzíñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo lloticai. ³³ Ja cai bie afémaci cómogimadicaí. Ie jira afémie uícodo llogáuai ja caimo fuilla. Afe uai daide: “Jesucristo tídena meine abido cáataitícue.” Daí rúanicomo cueda; segundo ruamo cueda; llote: “Cue jítódio. Birui ona cáataticue.” ³⁴ Diga ícaíño Juzíñamui ie cáailifueña llote. Ua tíllanomona íena cáataite, ie íeizi jaca ninomo rífaíñeíllena. Juzíñamui aféfuena jaii ninomo Cugáuailaido daide. Afe uai ie jító Jesuna daide: “Davidmo uícodo cue uafue lloga ñue cáimafuii nahí omo jainaide.” ³⁵ Ie jira rúanicomo jáírúado daide: “O izírúiga ñue canódimie íeizi ráirúitio ie rífaíñeíllena,” daide. ³⁶ Afe David ie llezica igímana ñue canode, Juzíñamui ie ocuilla izóí. Afe meífomo David tíllano ie uzútiai cígimo íena raíájidiaioi. Iemo ie íeizi rifaide. ³⁷ Mei íadi Juzíñamui cáatagamie íeizi rífaíñede. ³⁸ Cáimaci, omoi cacai. Afe bie rífaítañeno cáatagamie Jesudo omoi fiénidífuiai iba óñeíllifue ja ómoimo jino lloga.

³⁹ Afémiedo nana íena ínotino nana íaioi fiénidifuaímona dófcaítiaioi. Mei íadi Moisés ocuífcaíuai cai fiénidifuaímona caina zuitáñede, mei cuinaca izói jaináidicai. ⁴⁰ Ñue abi omoi rairuiri uai jino llóraini cuega mamécafuaí omoimo báñeillena. Afe mamécafue daide:

⁴¹ Ínoñeno uáitaoidino, omoi cácarei; cacáillano áferi omoi jacínaificairi.

Iemona niné táinocaitiomoiza, aféruillaído jamánomo ñue jácifue cue fínua jírari.

Aféfuenta dámie omoimo lloía, íadi áfena ínoñeitiomoiza, — daide.

⁴² Pablo ie nabáñiaíri judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo lluáibillena jicádiaioi. Afe úireite ocózinaillarumo meine lluáibillena jicádiaioi. ⁴³ Afe llófueriracomo íaioi gairilla záillamona aillo judíuai Pablo llogafue jíeruitaioi. Iemona Pablo Bernabé diga íaillinoído jáidiaioi. Daje izói aillo judío onóigafuena jeire otino íaillinoído jáidiaioi. Pablo, Bernabé diga íaioimo llote:

—Mai Juzíñamui caina izíruillafuemo nágarui aféfuemo ñue omoi coméçiri, —daide.

⁴⁴ Siete dígarui íllamona ocózinaillarumo, nana jofue comini dáanomo gairídiaioi, Juzíñamui uillaí cacáreillena. ⁴⁵ Mei afénomo aillo comini gairíllana judíuai cióillano, úrioina izói itíaioi. Afénomo Pablo uillaí uáitano íena báñotiaioi. ⁴⁶ Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe omoimo lolle iere jítáirede; mei íadi ja aféfuena óiacañediomoi; afe ícoinia zíñona cáallinona llínoñeitiomoi. Ie jira ja birui judíoñedinomo jáiticaí. ⁴⁷ Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédicue.

Nana énie íiraino imaci ñuera jíllonafue llóraimana íitio.

⁴⁸ Aféfuena cacáillano judíoñedino íóbicaidiaioi. Iaioi úrilla fueñe táinia llezica:

—Juzíñamui uáillaina jamánomo ñuera, —daidiaioi.

Afémacimona aféfuena ínotino aillo ite. Zíñona cáatatinona llínoítinona mamécaiaioi. ⁴⁹ Iemona Juzíñamui uillaí nana afe énie náraído jae ñue jalleide. ⁵⁰ Afe jófuemo Moo Juzíñamuimo izire jaináiacade ringóniaimona dáingorie ite. Afe ringóniaí illaingo izóidingotiaí. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Iaioi comeci fiéni fínua jira, jáie Páblona duere finóacanafue comuízailla, Bernabé diga. Afe jófuemona oni íaillinoi orédiaioi. ⁵¹ Afe ória meífodo afe íaillinoi

eiba ico íaie íaioimo teténote; afe teténuafue baimaci comeci íaifuaímo íteza, daíacade.

Daí ñiano Iconio jófuemo jáidiaillinoi. ⁵² Mei íadi Jesús llogáfuemo ínotino iere íobioidiaioi. Afe llezica Ñuera Joreño úicaigaiaioi.

14

Pablo Bernabé diga Icóniomo itíaiillinoi

¹ Icóniomo dúcillano judío llófueriracomo daane jofa jáidiaillinoi. Dinomo jamánomo ñue úritiaillinoi. Afemona aillo judíuai Jesumo ínotiaioi; judíoñedinomona daje izói aillo afefue ínotiaioi. ² Mei íadi ínoacañede judíuai jáie judíoñedino comeci íaire finódiaioi. Daí Páblona Bernabé diga éoicana eróidiaioi. ³ Ie jira dinomo diga irui ñue jaícina jacíruiño Ocuíraima Jesús mámecido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniai cíorainina ráaniai diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate. ⁴ Mei íadi jofue comini bózietaidiaioi. Dáarie judíuai dibénemo jaináiacadiaioi. Jáimaci Pablo Bernabé diga dibénemo jaináiacadiaioi. ⁵ Afe meífodo ínoacañede judíuai jáie judíoñedino diga naa íaioi illáiniri noficiaina íaillinoi níjiacadiaioi. Daí íaillinoina duere finócadiaioi. ⁶ Mei íadi aféfuena orécamací uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Litra Derbe diga naa afe áinori itíniaido. ⁷ Dinomo ñue jíllonafue llotíaillinoi.

Lístramo Pablo noficina níjidiaioi

⁸ Iemo Lístramo macáñede aidaima ite. Ie jocóinanomona tízitaite izói macáñede. Jaca ie macánina jira dinomo ráide. ⁹ Afémie Pablo daínáfuemo ñue cacáreide. Iemona Pablo íemo érocaillamona, tízitaitímie ñue ínuana Pablo comécido fidide. Ie ínuamona afémie jíllorede. ¹⁰ Iemona Pablo íena ríire daide:

—O ídaido caífo jaícina naidai, —daide.

Afénomona afémie tícacaillano náidacaide; náidacaillano como fueñe mácajide. ¹¹ Daí Pablo finócafueña cíoillano, nana comini Licaónia uáillaído caillíoicana daidíaioi:

—¡Juzíñamuillai jamai comini izói ana caí cígimo billa! —daidíaioi.

¹² Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiaí llotímiena jira. ¹³ Júpiter garíraco naze fueri ite. Afeco úíñotímie

juráretuai atide naa amena záfiaiai diga. Afémie naa comini íaillinoimo cáimadoacadiaioi. Juráreto fáillemona íaillinoína ióbtaacadiaioi. ¹⁴ Mei íadi orécamací Pablo Bernabé diga fidídiailinoi. Aféfuena fidínamona, inícuíro cúatacaillano, comini cígimo jáidiaillinoi. (Afe iníroi cuata daííacade íaillinoi comeci jamánomo ríicaide.) Jaillano caillíoicana daidíailinoi:

¹⁵ —¡Nana omoi, cácarei! ¿Nibái bie izói finódiomoi? Coco omoi izói jiba cómedicoco. Nñue fue ómoimo atídícoco. Afe bie táinofuíai omoi fáicanocaillena lluíábitícoco. Fáicanocaillano, ua caade Juzíñamui dine omoi jáillena daí lluíábitícoco. Afémie mona, bie énie, monáillai dieze finode naa íaioimo itínuiari. ¹⁶ Jáiairagima illa llezica nana nairai íaioi comeci jítáillafodo macáoidiaioi. Aféruillaido Juzíñamui íaioína lletáñede. ¹⁷ Mei íadi Juzíñamui ñúemie ífuena ñue ómoimo finócafúiaido ómoína fidítafirede. Ua ñue nocina ómoimo bítafirede. Nana aménaiaí llizíllajiaína ómoiri llizítate. Afedo omoi güille ñue ite, omoi comeci ióbillena, —daí úrite Pablo.

¹⁸ Mei nana afe daínáuailai daína íadi, nana comini íaillinoiri juráretuai naí fáiacadiaioi. Iadi ícoimo afétuai íaioi faana féitadiailinoi.

¹⁹ Afe mei Antioquíamona Icóniomona dáarie judúuai dúcizaide. Listra comínimo júfiduano Pablo fállena mamédiaioi. Iemona Páblona nofíciaina níjdiaioi. Níjiano jofue jinófenemo íena zonóicaidiaioi. Comécido daidíaioi: “Nibai tíide,” daide. ²⁰ Mei íadi ínotino íemo gairídiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

²¹ Dínomo jíllona uailai jino llotíailinoi. Afe jófuemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. ²² Nana afénuiaí jofue ínotinúiaí ñue caimare íociretadiailinoi. Nñue jaícina ínuafuedo íaioi jáillena llófuetiaillinoi. Iemo íaioína daidíailinoi:

—Juzíñamui illáimana illíruimo cai jáillena, aillo afe facátafuíai iere caimo jítáirede, —daide.

²³ Afe llezica naga gairíracuaimo ócuite illáinina mamédiaillinoi. Afe mei güíñeno Juzíñamuimo iere úrilla meífomo nana como ocuídillainina mamécamiái Juzíñamui úíñuamo jónetiaillinoi, Juzíñamuimo ñue íaioi ínua jira.

Pablo Bernabé diga íaillinoi nano billánomo abido jáidiaillinoi

²⁴ Afe meífodo Pisidia éniemona jaillano Panfilia éniemo dúcíaillinoi. ²⁵ Perge jófuemo jíllonafue llotíailinoi. Afe llua méífomo Atalia jófuemo jáidiaillinoi. ²⁶ Dínómona Siria

éniemo ite Antioquía jófuemo nocaedo ruica jáidiaillinoi. Naui afe jófuemo ite ínotino íaillinoína Juzíñamui jónetiaioi. Daií finódiaioi jáie nairai ñuefuena llófuiaillena. Ja birui afe táijina fuilla. ²⁷ Antioquíamo dúcidiaillinoimo, nana ínotino Juzíñamui garíracomo gairídiaioi. Gairídiaioimo Pablo nana Juzíñamui íaillinoído finócafuiái jino íaioimo lloste. Afe llezica judíoñedinomo Juzíñamui ñue jílloille io como túíñua llotíaillinoi. Afe izói áfemo afémaci ínorediaioi. ²⁸ Afe meífomo Pablo Bernabé diga ínotino cígimo are diga irui itíaillinoi.

15

Ínotino illaini Jerusalemo gairídiaioi orécamaci diga

¹ Aféruillaído dáarie íñiaí Judea éniemona Antioquíamo ite ínotino llófuiabite. Iaioína daidíaioi:

—Moisés ocuica íiza bacano icoi quétafuena omoi finóñenia, jílloñeitiomoi, —daidíaioi.

² Ie jira Pablo Bernabé diga íaioimo riírede uáillaído úritiaillinoi aillo júfiduafuiái diga. Iemona Antioquíamo ite ínotino Pablo, Bernabé, jáímaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamui gairídino illáinimo jicánuaítiaioi.

³ Mei daií nízia mei Antioquía ínotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedino íaioi jaiaí llóinauailalai féitano Juzíñamui dibénedo jáillafue llotíaioi. Nana ámatiaí aféfuena cacáillano iere íóbidiaioi.

⁴ Pablo Bernabé diga Jerusalemo dúcidiaillinoimo, Juzíñamui gairídino caimare uáidogaiaillinoi. Daje izói orécamaci naa gairídino illáiniri íaillinoína caimare uáidotiaioi. Dinomo Juzíñamui íaioiri finócafuiái íaioimo jino llotíaillinoi.

⁵ Mei íadi fariséuaimona dáarie ínotino caifo naidáillano íaioína daide:

—Ínote judíoñedinomo afe cai izói quetáinafue jitáirede. Afe emódomo Moisés ocuífue ñue ínollena jitáirede, —daidíaioi.

⁶ Iemona orécamaci naa ínotino illáiniri aféfuena ñue onóillena gairídiaioi. ⁷ Aféfuiaí are íaioi júfidua meífomo, Pedro caifo náidaillano daide:

—Amatiaí, omoi cácarei. Naui Juzíñamui cuemo finócafue onódiomoi. Juzíñamui omoi cígimona cue nizada judíoñedino cígimo orede. Ua cuena nize de afémacimo ñue jíllonafue uailalai cue llúaíjillena; áfemona afémaci aféfuiaína ínotiaioi. ⁸ Cai comécina onode Juzíñamui cuemo lloste: “Afe judíoñedinona ñue llínoíticue,” daide. Afemona Ñuera Joreño íaioimo fecade caimo ie feca ízoi. ⁹ Juzíñamui cáimona afémacimo jáíifodo

finóñede. Iaioi ínuado íaioi comeci íaifue Juzíñamui oni dote caie ie dua ízoi. ¹⁰ Mei birui ¿nibái mei Juzíñamui finócafue jeire oñédiomoi? ¿Nibái mei baie ínotino jamánomo riire ocuífacadio? Afe ocuífafuena cai, cai jáiairagima diga finónidicai. ¹¹ Mei íadi jáífodo ínoticai, cai jílloillena. Ocuíraíma Jesús caimo dúecaide. Afemo cai ínuamona ibáñeno jíllobicaidicai. Afe izói judíoñedino Jesumo ínuamona ibáñeno jíllobicaidiaioi, —daide.

¹² Mei jira afémaci líicaidiaioi, Bernabé Pablo diga llogáfueмо cacáreillena. Nana judíoñedino cígimo Juzíñamui finócafuiái llotíaillinoi. Dinomo íaillinoído uaido finoca onótate raa ciórainina raa diga Juzíñamui finode. Aféfuiái jino llotíaillinoi. ¹³ Iaillinoi llogafue fúillamona, Santiago daide:

—Amatíai, cue dáinamo cácarei. ¹⁴ Simón Pedro jae Juzíñamui judíoñedinona como fueñe íaioina izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. ¹⁵ Afefue ua Juzíñamui jaiái uai llóraini cuegáfuiáimo jáicina dájena jóobide. Afe Cuegáuai daide:

¹⁶ Bifue mei, meine bíitícue.

Ua David jaiái nairai, júdaizitaga íadi, meine dáaziena jofó gairítaitícue.

Aféziemona due fiébidino jaiái íaioi ízaina izói meine jebuítaitícue.

Ríinidimaci jofó dáanomо otátaitícue, ñue riírediziena íaioi íllena.

¹⁷ Afe daíí fínuaibitícue nana jáíimacíaí Juzíñamuimo comeci fácajano íaioi íinollena.

Daíí fínoitícue nana cuena náamarede judíoñede náiraiái cuemo comeci facada íinollena.

¹⁸ Ua jaiái ninómona aféfuiái onótate Juzíñamui daíí daide.

¹⁹ ‘Ie jira bifue llotícue. Afe como Juzíñamuido jáiacade judíoñedino mai, cai íaioina áifedoñeiticai. Jae íaioi jaiái ínoga táinofuiái fáicanocaidiaioi Juzíñamui llogáuaina íaioi íinollena.

²⁰ Due llétafue íaioimo cai cúellena ja dieze figo baite. Afe bífuiái íaioimo llóitícai. Mai jánaraimo fia fecaca güíllena omoi jetáñeno iri. Mai jiruífueмона abí omoi rairuiri. Dama áiredimie ie ai diga illa ñuena. Mai cimoina cigínoga rílleniai riñeno iri. Afe izói coróbaitaga rílleniai riñeno iri. Daje izói díena omoi jíroñeno iri. ²¹ Daíí judíoñede como ínotimacimo lletádicaíza, nibái nanómona nana jófueмо Moisés ocuífafue llófueraini ite. Naga ocózinai llófuera como afe Cuegáuai jino facádotiaioi. Aci díno Santiago llote.

22 Iemo orécamaci gairídimaci, nana íaioi illaini diga, “Jii,” daidíai. Iemona íaioi cígimona dámierie nizéllena maméritiaioi, Antioquíamo oréllena Pablo Bernabé diga íaillinoi nabáillena. Judas dainámie nizédiaioi; afémie jíáfodo mameina Barsabás. Daje llezica Sílasna nizédiaioi. Afe íaillinoi ámatiai cígiri illaíma izóidiaillinoi. 23 Iaillinoi do cuegabe orédiaioi. Afébemo daide:

“Cai Antioquíamo ite judíoñede ámatiaimo uai orédicai. Afe izói Siria éniemo ite ámatiaimo, Cilicia éniemo ite ámatiai dieze nana ómoimo uai orédicai. Nana orécamaci, Juzíñamuimo gairídino illaini, benó ite ámatiai diga, ómoimo uai orédicai. 24 Cáimona ómoimo nauí bitino finócafue jae fidídicai. Caimo lloñeno oni jáidiaioi. Cai óreñegai. Dani imaci uáillaído jae omoi ifoci írnuaidiaioi. Daí ómoína áfeduaidiaioi. Omoi bacano icoi quetállifui. Iluájidiaioi; jíáie Moisés llogúauillaí ómoimo ocuízaidiaioi. 25 Ie jira cai comécido ñue jaide cai cígimona mena come mameda ómoimo oréllena. Aféfuena nana jíeruiticai. Bie nizécaillinoi Pablo Bernabé diga omoi éroizaíbitiaioi. Pablo Bernabé diga cai iere izíruiga ámaillinoi. 26 Cai Ocuíraíma Jesucristo ñuefue íaillinoi llua ícoína, jaci cácatagaillinoi. 27 Daí Judas Silas diga ómoimo orédicai. Aféillinoi ómoimo jofo úritiaillinoi nana bífui. Jino ñue llóllena. 28 Mei cáimona ñue cioide; afe izói Ñuera Joréñomona ñue cioide rírede rafue ómoimo cai mámeñeíllena. Dama jítaíredifue mámeíticai. 29 Jánaraimo fia fecaca rílleniaina omoi ríñeno iri. Daje izói díena jíróñeno iri; cimoina cígínoga ríllena omoi ríñeno iri. Nana jíruífuemona abi omoi rairuiri. Dama áiredimie ie ai diga illa ñuena. Bífuiaimona abi omoi rairuíaídi, ñue íitiomoi. Jae ñie.”

30 Daí Jerusalemo ite ínotino íaioína Antioquíamo orédiaioi. Antioquíamo dúcidiaioimo, dinomo ite ínotino dánomo gairítatiaioi afe rabe fecállena. 31 Afebe ámatiai facáduamona iere íóbidiaioi. Ua afe caimare llétafuéri íóbidiaioi. 32 Judas Silas diga Juzíñamuimona oga rafue jino llórediaillinoi. Ie jira íaillinoi uáillaído afe ámatiai ñue náirecaítadiaillinoi. Afe llezica íaioína ñue comeci fírazitadiaillinoi íaioi caimare íllena. 33 Dinomo diga iruí íllamona, Antioquíamo ite ámatiai comeci jacínaiñenafuedo íaioína jáitatiaioi. Daí íaioína uáidonocaidiaioi meine íaioi orécamaci diné jáillena. 34 Mei íadi Silas Antioquíamo fiébicaíllena mamérite. 35 Afe izói Pablo Bernabé diga Antioquíamo fiébidiaillinoi. Afe meífodo, aillo jíáie llóraini diga, llófuertiaioi. Cai Ocuíraíma Jesucristo uallaí jino llotíaioi.

Pablo dánomo nane jáizaide ñúefue llujjillena

³⁶ Diga irui illa meifomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uailai llófueticoco, ie jira afémaci nie izói itíaiioiza coco eróizai, —daide.

³⁷ Bernabé Marcos úiacade íaillinoi jaille dine. (Marcos jáifodo mameina Juan.) ³⁸ Mei íadi Pablo íena úiacañede, nauí Panflia éniemo íaioina fiénocailla jira. Iemo íaillinoi táijicanado jáiñede. ³⁹ Afefue jamánomo íaillinoi riire júfidua meifodo, dárie enénorie oni jáidiaillinoi. Ie mei Bernabé Marcos uite. Daí ñiano, nocaedo Chípreno jáidiaillinoi. ⁴⁰ Afe llezica Pablo dama íeiena Silas nizeda ote. Nízia mei, afénomo ite ámatiai Juziñamui íaillinoi izíruillena caimare jicádiaioi, daje izói Juziñamui íaillinoina nabáirillena. Daí jica meifomo, oni jáinomo jáidiaillinoi. ⁴¹ Siria énie, Cilicia éniendo jáidiaillinoi. Afénomo Juziñamuimo garide ámatiai náicaitaiddiaillinoi.

16

Timoteo Pablo Silas diga nabáizaide

¹ Derbe, Lystra jofue diga dinomo Pablo, Silas diga dúcidiaillinoi. Afénomo daa Juziñamuimo ínotimie baizájidiaillinoi. Ie ei judíuaimona Juziñamuimo ínotingo. Mei íadi ie moo griego ímie. ² Lystramo ite ámatiai afémiedo ñue úritiaioi naa Icóniomo ite ámatiairi. ³ Pablo Timotéona ie nabaina úiacade. Ie jira ie bacano ícoi quetátate, íaioi jáillinomo ite judíuai afémiedo comeci fieni fácañeillena. Mei afémaci ie moo griego ímienana ñue onódiaioiza. ⁴ Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamací ocuide éinamací diga llotátataioi. ⁵ Daí Juziñamuimo garídimaci íaioi ínuafue ñue oni mónaioicaide. Afemona nágarui aillo jebuíoicaidiaioi.

Pablo Macedonia ímiena nicai anado ciona izói ciode

⁶ Asia éniemo Ñuera Joreño ñúefue íaioi llujjillana ráiruide. Ie jira Frigia énie, Galacia énie diga afe éniemo oni llujjidiaioi. ⁷ Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸ Ie jira jica Misia énie fuédado jáidiaioi. Dinómona Troas ígobemo jáidiaioi. ⁹ Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniamo cai cánuaiibi,” —daide. ¹⁰ Daí Pablo nicai anado izói cionamona Macedóniamo cai jáillena mamériticai. Jae Juziñamui cai jírillaza ua onódicai dinomo ñúefue cai llujjillena.

Pablo Silas diga Filipos jófuego illafue

11 Iemona Tróasmona nocaedo monaillai cigi idu Samotráciamo jaícina jáidicai. Ie jítiramo Neápolismo dúcidicai. 12 Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticai. 13 Afe ocózinai llaruimo afe jofue jinomo jáidicai. Ua imani fuemo íaioi Juziñamuimo iere úrizafirenanomo jáidicai. Dinomo ráinaillano ñúefuedo gairídingotiaimo úriticai. 14 Aféngotiaimona daango Lidia mámeciredingo. Afengo Tiatira jofue ingo. Afengo jáire jítirede ñuera iniroi fecáraingo. Afe ringo Juziñamuimo ánozioidingo Juziñamuimo caimare úrillena. Iemona afengo afe ñúefuena cacáreacade. Jae Juziñamui afengo comécina tuiñode, Pablo llogáuailai jeire óllena. 15 Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daíadi, Juziñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

16 Afe Juziñamuimo úrizairanomo cai jailla llezica, fiénidena jóriarede ringoza baizájidicai. Afe fiénide joríaido come ónoñega éicina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi. 17 Afe ringoza Pablo diga caido jáizaide. Caillícana jaide; daide:

—Bimaci caifoide Juziñamuimo dúidiaioi. Omoi jílloille io ómoimo llotíaioi, —daide.

18 Diga iruillai daí afengo caillide. Are ie caillícana ícoimo, Pablo zefuínaite. Meine gírecaillano aféngomo ite fiénide joríaina daide:

—Jesucristo mámecido aféngomona ona oni orédicue, —daide.

Daí daina llezícamona afe fiénide joríaí aféngona fáicanocaillano jaide.

19 Afe ringoza náamatiai daí ie finóinana ciódiaioi. Iemona:

—Jae aféngodo úcubena óñeiticai, —daidiaioi.

Daí dainano Pablo Silas diga llaitada ríimaci uícomo aillo gairírabirimo uitíaioi. 20 Riire jicánorainimo íaillinoína izájidiaioi. Daidíaioi:

—Bíaiillinoi, judío ímíai cai jófuego comínina ríicaitaíbite.

21 Caimo lluíbigafuina jeire ónidicai. Afe izói cai ínidicai, cai bie románodicaiza, —daidiaioi.

22 Iemona afeno comini íaillinoimo ríicaidiaioi. Riire jicánoraini íaillinoi incuirona duiñoda rázido íaillinoína fatátate. 23 Íaillinoi aillo fáina meífomo, llavéracomo íaillinoína lláviaidiaioi. Afe llavéraco úíñoraima riire ocuíaioi íaillinoína

ñue rairuúllena. ²⁴ Afe riire ocuínafuena cacánamona llavéraco úiñotimie llavéraco jamánomo jofóidicomo íaillinoína orede. Dinomo come idai jíitara íredamo íaillinoína jíitate.

²⁵ Afe naio dáaferuimo Pablo Silas diga Juziñamuimo úrillano Juziñamui ruai rotíallinoi. Afécomo jíáie llavécamiiai afe rúana cacádíaiói. ²⁶ Íaillinoi rua llezica afe énie raire iere riire docáiricaide. Nana afe llavéraco jáillirai izói riire mozide nofíciái jaidínocaiga izói íficaide. Afe llezícamona llavéraco náziái túicoizite. Afemona nana llavécamiiai llójeuai tícoizite. ²⁷ Iemona llavéraco úiñoraima cazide. Cazídemo jae nana náziái túienana ciode. Comeci anado daide: “Nana llavécamaci jae nibai botádíaiói.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fieni finóñeno iri; nana benó itícaiza! — daide.

²⁹ Mei jira llavéraco úiñoraima bobaie jicade. Iemona Pablo diné aizicana bite. Dinomo afe jágieri abi cuidírioicana, Pablo Silas diga íaillinoi anamo dújude. ³⁰ Ie meífomo íaillinoína jino jíáinomo uillano, jicánote:

—Pablo, ¿cuemo ite fiénidífuemona cue jíllloillena nie izói íitícue? — daide.

³¹ Jira aféillinoi uai ote:

—O jíllloillena cai Ocuíraima Jesucrístomo ñno. Iemona o dama jílllobicaitio. Daje izói o ai nana o úruiai diga ínuamona jílllobicaitiaíói, — daide.

³² Iemona Juziñamui uailai íemo llotíallinoi naa ie jofó ero itínuáiri. ³³ Mei íadi daje naio llavériraima íaillinoi fáina boáfiai jocode. Afemona afémie naa íaillinoi úruiairi báutizaigaiáiói. ³⁴ Afe mei aféillinoína ie jofomo uillano ecade. Afémie naa ie comini diga Juziñamuimo ínuuari caimare íóbidiaíói.

³⁵ Afe jítiramo riire jicánoraini jíáie llavériraini llavéracomo orede, Pablo íaillinoi zuitállena. ³⁶ Iemona llavéraco úiñoraima Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái íllena jino jáiredíomícoi, — daide.

³⁷ Mei íadi Pablo llavérirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báinino cócona zuitátatiomoi? Mei íeñedeza. Coco llavétatino mai coco zúitaíbiri, — daídíallinoi.

³⁸ Afefue llavériraini jicánorainimo lluájide. Lluájillamona jicánoraini jacínaitiaíói, aféillinoi romano ímienari. ³⁹ Ie jira Pablo Silas diga íaillinoímo jícajidiaíói:

—Caimo ómicoi dúecai, — daíízaidiaíói.

Iemona íaillinoi jino uano, íaioi jófueмона oni jáillana izire jicádiaioi. ⁴⁰ Afe llavéracomo jino billano, Lidia jofomo jáidiaillinoi. Amatiaina cíoillano íaioina ñue náicaitadiaillinoi. Daí ñiano jáínomo oni jáidiaillinoi.

17

Tesalónicamo comuide aillo úrioinafue

¹ Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueмо dúcidiaillinoi. Afénomo ite judúuai llófueriraco. ² Pablo ie fibilla izói, afe llófueriracomo jofu llófuerizaide. Daámani ocózinai llaruido íaioimo úrite. ³ Juzíñamui jaiaí Cuegáuai jino íaioimo llóllode. Aféuaimona Cristo duere finóinafue jitáirede, daí íaioimo jino llote. Daje izói Cristo tída meine cáallena jitáirede daí jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴ Mei íemona judúuaimona dámierie aféfuemo ínotiaioi. Afemona Pablo Silas íaillinoi dibénemo itábicaidiaioi. Afe izói aillo Juzíñamuimo jaínaiacade griego ímiai iere ñue ínotiaioi. Afe izói aillo illaingo izóidingotiai aféuaina ínotiaioi. ⁵ Mei íadi íinoñede judúuai aféfuerei úradoilla izói itíaioi. Iemona cálleмо ite fiénide ráiraiedinomo gairídiaioi. Ie mei judúuai cálleмо ite itínori aillo úrioinafue finódiaioi. Daí jofue comíni comeci fieni icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. ⁶ Mei íadi íaillinoina baiñédiaioi. Ie jira Jasón zocana uitíaioi, jáie ámatiai diga. Jofue illaíni uiécomo íaioina uitíaioi. Daí caillídiaioi:

—Bíaillinoi nágagobiaido fieni faillíñeinafuiai finódino ja benomo dúcia. ⁷ Ie mei Jasón ie jofomo íaioina llínote. Nana afe bie bitino cai caifoide romano illaíma ocuícáfuaí uáitaocana daide: “Jíáie ua cai illaíma ite, Jesús,” —daídiaioi.

⁸ Aféfuena cacáillano ríimaci naa comíniri faillíñeidiaioi. ⁹ Jasonmo daídiaioi:

—Cai o jífueñellena uícomo o úcube caímo ine. Uire aféillinoi o oréadi o úcube meine omo íiticaí, —daídiaioi. Ie jira afe úcube íaioimo fécamona ja Jasón jíai ámatiai diga zuitádiaioi.

Pablo Silas diga Berea jófueмо dúcide

¹⁰ Afemona afe naio ámatiai Pablo Silas diga Beréamo raire orédiaioi. Dinomo dúcillano judúuai llófueriracomo jáidiaillinoi. ¹¹ Bie judúuai Tesalónicamo ite judúuai baimo fígomaci. Caimare afe úrillauaina jeire otíaioi. Nágarui Juzíñamui Cuegáuailaímo jénofirediaioi, íaioimo llogáuailaína

uafue daiïllena. ¹² Afemona aillo afémacimona ïnotiaioi. Daje izói griéguaïmona ïnotiaioi. Dájerize iññiai íemo jiái ñue caimare jacíruigangotiai ïnotiaioi. ¹³ Mei íadi Tesalónicamo ite judíuiai Pablo Beréamo Juzíñamui llogáuai llófueïllana fidíïllano, dinomo nane comini fiëni faillíñaitaitiaioi. ¹⁴ Mei íadi ámatiai dama Páblona raire aféruïdo monáïllai fuédamo orédiaioi. Ie mei Silas Timoteo diga Beréamo fiébicaide. ¹⁵ Pablo nabaina jáidino Atenas jófuemo íena izáïjdiaioi. Iaiioi meine jáidinodo Silas Timoteo diga Pablo íaïllinoïmo uai orede. Daide: “Cue diné iere raire ómicoi biri, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaiioi jánaraiiai cióizaide. Aferui Pablo comeci iere zúucaide. ¹⁷ Mei jira llófueriracomo judíuairi úrite; daje izói jiáie Juzíñamuïmo jaináiacadinori. Nágarui jofue gairírabirimo itínuiamo llote. ¹⁸ Dárie “epicuro” daina llófueinafue facádotino como Pablo diga úrizaidiaioi. Daje izói, dárie “estoicos” daina llogáfuiiai facádotino Pablo diga úrizaidiaioi. Dámierie daidíaioi:

—Bie aillo úrifiredimie, ¿nifue caïmo llóite? —daidíaioi.

Mei íadi jiáïmaci daidíaioi:

—Nibai jiáie juzíñamuïllai llotimie, —daidíaioi.

Daí úritiaioi, Pablo Jesús úrillauai, ie meine cáanafue diga íaïoïmo llóiacana jira. ¹⁹ Ie mei Areópago daina illánomo íena uitíaioi. Dinomo gairífirediaioi llófueinafuea cacáïllena. Dinomo íena jicánotiaioi:

—O atica cómue llófueinafuea cai onóacadicaï. ²⁰ Mei ónoñegafuiiai caïmo llotio. Afe bífuiiai dáinana onóacadicaï, —daidíaioi.

²¹ Nana Atenas imaci naa afénomo ite onínemaciri, cómue ráfuiaina cacáïllena járitaitiaioi. Afe izói cómofuiiai llóllena járitaitiaioi. Jiáie táïjinamo járitañediaioi.

²² Ie jira Pablo Areópago comini cígïmo náidaïllano daide:

—Atenas imaci, omoi cácarei. Aillo juzíñamuïllaïdo iere jaináidinodiomoi. Daí omoi ïllana ciódicue. ²³ Omoi juzíñamuïllai ánozïllena finócafuiiai illánuiïdo éroicaïdicue. Dinomo daa omoi juzíñamuïllaïmo comeci facáranó ciódicue. Afénomo cuela uallaï daide: “Bie cai ónoñega juzíñamui ie.” Bie omoi onóñeno jaináiacana Juzíñamui, ua birui ómoïmo cue lluáïbigamie.

²⁴ ‘Afe énie finode Juzíñamui naa éniemo itínuiairi, afémie bie énie Naama, mona diga. Afémie comini nigácomo iñede. ²⁵ Afémiemo cai nífuena fiñónidicaï. Nífuena llónidicaï. Mei jira dama afémie nana cominimo cáatatinona fecáfirede; daje

izói afémie jáfaicina cai ite. Ie emódomo nana ite ráaniaina afémie caimo iga.

²⁶ ‘Naga náiraiai fueñe dáziemona Juzíñamui comuítaga, naga illa dígano íaioi éniemo íllena. Iemona dájena diédicai. Nana íaioi illínuiái mamede. Daje izói nano nié dino íaioi illíruillai mamede. ²⁷ Daií afémie finoca afe Juzíñamui íaioi jenóllena, nibai are illa ícoinia ie íaioi báillena. Mei íadi uáfuenta Juzíñamui cai illa dígamíemona jica íñede. ²⁸ Mei Juzíñamuido cáadicai. Afémiedo cai jetácaga raana jetádicai. Afe izói afémiedo iticai. Afe daje izói ómoimona dárie rua fínua izoide llote: “Juzíñamui comuítagamacidicai; ie izíedicai.” ²⁹ Iemona afe Juzíñamuina fia oro finoina jánarai daií comeci omoi facáñeno iri, mei Juzíñamui comuítagamacidicaiza. Afe izói afémiena plata finoina jánarai, ebírede nofici finoina jánarai, daií comécido omoi daiíñeno iri. Nana bie jánaraiaina dani comini comeci faca izói finódiaioi. ³⁰ Naui jaiáidiruillaido comini abina onóñediaioi; daií íllaza Juzíñamui íaioimo nai ibana oñede. Mei íadi birui náganomo itímiaina Juzíñamui ocuícana daide: “Omoimo fieni itífuiaina méidori,” —daide.

³¹ ‘Nana comínimo itífuiái izire jicánollirui Juzíñamui jae mamede. Aféruillaido afémie nizécamiendo jaícina caimo izire jicánoite. Juzíñamui afe nizécamiena nana comínimo ñue jino uáfuenta onótate; tíllanomona íena meine abido cáatanado nana comínina uáfodo jino fidítate, —daií Pablo llote.

³² Afe tíidimaci meine cáanafuenta cacáillano, dárie itínomona Pablo jifánodoidiaioi. Jiáimaci íena daidíaioi:

—Ico jiáiruido aféfuena meine nane dánomo ómona cácaiticai, —daidíaioi.

³³ Iemo Pablo íaioi cígimona oni jaide. ³⁴ Mei íadi dáarie iedo jáidiaioi. Jaillano ínotiaioi. Afe ínotimacimona dámie Dionísio. Afémie Areópago nimáiranimo jaináidimie. Afe ínotimacimona Dámaris mámeciredingo ite, nai bai jiáimaciri.

18

Pablo Coríntomo illafue

¹ Afe meífodo Pablo Aténasmona oni Corinto jófuemo jáizaide. ² Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidillaíma Claudio nana judíuai Roma jófuemona oni íaioi oréina jira. Dinomo Pablo Aquila uáiduaide. ³ Aquila ie ai diga jédaciede iniroi tífuano bizáinicai fe nitíaioi. Afe íaioi níllado úcube otíaioi. Pablo afe táijinana fibídímie. Ie jira

Pablo afe íaillinoiri fiébicaide, dájena íaioi tájillena. ⁴ Naga ocózinai llófueriracomo Pablo llófuiáfiredé. Afemona judíuaimona dáarie ínotiaioi. Afe dájéize judíoñedimacimona ja ínotiaioi.

⁵ Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocaillano, dama Juzíñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

⁶ Mei íadi judíuai íena uáitaoidiaioi. Iemo fiénide uaillai nitádiaioi. Ie jira Pablo ie inícuero íaioimo faiánote. Afe faiánua daide: Íaioi íaire finócafue ícoinia afémie ícoiniañedeza, dani íaioi ícoinia.

Pablo íaioina daide:

—Dani omoi ícoinia timáritiomoi. Jae ómoiri nífuenidimedicue. Biruímona judíoñedimacimo llujíticue, —daide.

⁷ Llófueriracomona jino jaillano, Justo maméidimie jofomo jaide. Justo Juzíñamuimo ánozillano caimare úritimie. Afémie jofo llófueriraco abimo ite. ⁸ Afe llófueriraco illaíma Crispo. Afémie naa ie comíniri Ocuíraíma Jesucrístomo ínotiaioi. Afe llezica aillo Corinto jófuemo itino, Pablo lloga ñúefuaina cacáillano afemo ínotiaioi. Inuamona báutizagaiaioi. ⁹ Afe mei Juzíñamui Páblona nícai anado daide:

—Jacíruiñeno iri. Mai ñúefue llícaíñeno lloíri, mei o diga itícueza. ¹⁰ Fiénidifuenta bu omo jírítanide. Nai bie jófuemo aillo cuemo ínoitínona ite, —daide.

¹¹ Iemona Pablo Coríntomo nai daa fimona átuedo Juzíñamui uaillai comínimo llófullofuede.

¹² Mei íadi Galióna mámeceidimie, Acaya éniemo illáimana illáruido nana judíuai Páblona uáitaocana gairídiaioi. Iemona íena lláitano, ríimaci uíécomo uitíai. ¹³ Illáimana daidíaioi:

—Bímie comíni cígido llófuericaide. Jáífodo Juzíñamuimo ánozilli uaillai llófuecaide. Iemona afe uáillaimo cacáreidiaioi. Mei íadi afefue caímo ocuica uaillai uáitaocáide, —daidíaioi.

¹⁴ Pablo como úrizaidemo, illaíma Galión judíuaina daide:

—¡Judíuai, cue omoi áifedoñeno iri! Bímie aillo fiénidifue ícoinia íadi, cómena fáfafue izói, come merírinafue izói, ua afémie daíí íadi ómoimo cacáreiticue. ¹⁵ Mei íadi fia omoi uáillaido, omoi mámeceíado júfidotiomoi, ómoimo judíuai ocuífaijai diga. ¡Mai dani jaícina omoi finori! Aféfuiaímo izire jicánoraimana íacañedicue, —daide.

¹⁶ Ie mei afémie nana íaioina jino jicánoracomona orede.

¹⁷ Iemona nana griéguaí Sóstenes maméidimie llaitádiaioi.

Sóstenes llófueriraco illaíma. Iena lláitano, ríillaíma Galión uiecomo iena fáfadiaíoi. Mei íadi Galión afe finócafuiaina raa daiñede.

Pablo Antioquíamo meine jaide dinómona ja dacaiñoámani nane llujáide

¹⁸ Dīno Coríntomo Pablo diga iruillai ite. Ie jáiacanaruimo, ámatiai íraicaiño iena facádonocaidiaíoi. Afe mei Pablo no-caedo Siria éniemo ruica jáizaide. Aquila ie ai Priscila diga Pábloiri jáizaidiaíoi. Nai Cencrea ígobemona nai jáíñediaíoiimo, Pablo ie ifo cuidode. Daií finode, jae ie nauí Juziñamuimo llogáuai fuilla jira. ¹⁹ Ruica jáillano jae Efeso jófueмо dúcīdiaíoi. Dīnomo Pablo, Aquila Priscila diga fiénocaillano, llófueriracomo jaide. Afénomo gairide judíuaimo Pablo úrizaide. ²⁰ Afémaci ie íaioi diga are illena izire jicádiaíoi, mei íadi Pablo fairiñede. ²¹ Iraicaiño íaioina uáidonocaillano íaioina daide:

—Ja Jerusalemo íacade iráizillafuemo raire jáiacadicue, mei íadi Juziñamui óiacania dáanomo abido ómoina éroizaibiticue, — daide.

Iemona nocaedo Efésomona oni monáillaido jaide. ²² Cesarea jófueмо dúcīllano, Pablo arido Jerusalemo jaide, dīnomo ite Juziñamuimo gairidino uáidollena. Afe mei oni Antioquíamo jaide. ²³ Diga iruillai dīnomo illa meífomo, meine nane nana Galacia jófueмо Pablo oni jáizaide, Frigia jofue diga. Naga jófueмо dágoberie llófuecade. Daií Pablo nana Juziñamuimo ínotimaci comécina ñue náirecaitate.

Apolos Efésomo ñúefue jino llote

²⁴ Aféruillaido judío ímie, Apólona maméidimie Efésomo dúcīzaide. Afémie Alejandría jofue ímie. Afe ima uai jino llúana ñue fibídimie. Afémie Juziñamui Cuegáuaina ñue onode. ²⁵ Ocuíraíma Jesucristo llogáuailaina afémie llófuegamie. Aféfuiai jino llúana iere méaicaiñoeno caimare llote. Jino uáfodo Jesús ífuiaido llófuerite. Mei íadi dama Juan íaioi báutizafuena onode. Afe izói Juan Jesudo llogáfuena Apolos onode. ²⁶ Apolos llófueriracomo comeci jácīcaíñenado úrizaide. Mei jira Priscila Aquila diga Apolos llófueillana cacáillano, ie eneno uitíaiillinoi, Juziñamui uailai baimo ñue jino jáicina llóllena. ²⁷ Afe mei Apolos Acaya éniemo jáiacade. Iemona ámatiai ie abina jafue oñeno, ñue iena náicaitadiaíoi. Daje llezica uícomo rabe afénomo ite ínotinomo cuetíaioi, íaioi afémiena ñue llínollena. Afémie Acáyamo dúcīllano, afénomo ite ínotinona ñue canode. Juziñamui jae íaioimo dúecaillano íaioina ínotade. ²⁸ Nana comini eróicana judíuai lloga taino uai Apolos íaioimo cíotate. Afémaci Apolos jamánomo ñue jáicina

jóidiuaina jáanonidiaioi. Aféme Juziñamui Cuegáuailaido nii íaioi úiñoga Cristo dámie Jesuna jino íaioimo uáfodo llóteza.

19

Pablo Efésomo meine dúcinafue

¹ Apolos nai Coríntomo illa llezica, Pablo Galacia éniemo jailano, íduai íllado jaide. Jáillano Efeso jófuego dúcide. Dinomo ite Juziñamuimo ínotimacina cíozaide. ² Íaioimo jícanote:

—¿Meita omoi ínuamona Ñuera Joreño úicaigaomoi? —daide.
Jira afémaci uai otíaioi:

—Afe Ñuera Joreño íllana, jaca due cacáñedícai, —daidíaioi.

³ Mei jira Pablo nane jícanote:

—¿Mei bu mámevido báutizagaomoi? —daide.

Jira afémaci uai otíaioi:

—Juan mámevido báutizagacai, —daidíaioi.

⁴ Jira Pablo íaioina daide:

—Juan lloga báutizainafue comini comécimo ite fiénidífuiai méiduana jino náiraimo cíotate. Mei íadi Juan meífodo bitímiemo ínoredíomoi ómoína daidícue. Afe bitímie Jesús; afe Jesús Juziñamui Nizécámie Cristo, —daide.

⁵ Aféfuena cacáillano cai Ocuídímie Jesús mámevido báutizagaiaioi. ⁶ Pablo íaioimo onoi bitamona, Ñuera Joreño íaioimo bite. Iemona afémaci jíáimaci uáillaido úritiaioi. Juziñamuimona oga úrilla uailai jino llotíaioi. ⁷ Afémaci nibai doce dígamiediaioi.

⁸ Pablo afe llófueriracomo daámani fíui jáicade. Dinomo comeci jácicaíñeno jino íaioimo llófuerite. Juziñamui illáimana illáfuedo izire íaioimo jino llote íaioi ínollena. ⁹ Mei íadi dámierie comeci rairuillano aféfuena ínoacañede. Comini eróicana Juziñamui ñúefuiaido fiéni úritiaioi. Iemona Pablo íaioi cígimona oni jíáicomo jaide. Jaillano Pablo afe Juziñamuimo ínotinona jíáie comini llófueriracomo uite. Afe llófueraco naama Tiranno. Dinomo Pablo nágaruillaido llófuiaide. ¹⁰ Daí dinomo mena fimona llófuerite. Iemona nana Asia énie nairai Ocuíraima Jesús llogáfuiaimo cacáreidiaioi. Judíuaimona nano díga ímiai ínotiaioi. Afe dájerize judíoñedinomona ínotiaioi. ¹¹ Juziñamui díga áillue cíórainina ráaniai Páblodo finode. ¹² Uíeco dóraroillai Páblomo atidiaioi jinófene jítararoillai díga. Aféroillai Pablo jétanona iráredímacimo uitíaioi. Afe jetácaroi íaioi llínuamona jíllobicaidiaioi. Daje izói jíáimacimo ite fiénide jóriai oni jáizitiaioi.

¹³ Afe mei macáraini judíuai dárie dúcidiaioi. Afémaci:

—Fiénide jóriaiai comínimona oréredicai, —daidíai. Ja Ocuíraima Jesús mámecido afe fiénide jóriaiai jino oréacadiai. Jáimacimo ite jóriaiaina daidíai:

—Pablo lloga Jesús mámecido ja birui ómoina jino orédicai, —daidíai. ¹⁴ Afe izói judío ímie Esceva siete diga jitótiai daidíai. Afe Esceva lletáriraini illaíma. ¹⁵ Afémie jitótiai daií daínamona afe fiénide joriai íai. Uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

¹⁶ Daií daína mei, fiénidena joriairedimie riire íaioina llaitade. Nana íaioina anáfenuano iere duere íaioina finode. Ja iere jamánomo duere íai. Finóinamona, afécomona émuiromaiai naa boáfiairi jino botádiai. ¹⁷ Nana Efésomo ite comini, judíuai naa judíoñedinori aféfuena fidíillano iere jacírutiaiai. Iemona Ocuíraima Jesús mámecina jamánomoideza daidíai. Afemona aillo ñúefue Jesumo nitádiai.

¹⁸ Aillo áfemo ínotimacimona jai. Íai. Finoca fiénidifui. Uáfodo jino llotíai. ¹⁹ Daje llezica aillo nauí aiñíiai uaimo fibídino, íaioimo ite fiénino úrilla rabénicuai átiano nairai eróicana jobáidiai. Afe jobáicanicuai comécido facádiaoimo, jamánomo ráifide izoide, daidíai. “Cincuenta mil úcubetunillai dieze ráifide,” daidíai. ²⁰ Daií Juzíñamui lloga uailai jamánomo oni mónaioicaide. Afedo Juzíñamui ríino jino cíotaioicaide.

²¹ Afe meífodo Macedonia éniemo Acaya énie diga dino comini uáiduaillena Pablo mamérite. Afeno comini uáidua meífomo, abido Jerusalemo jáizaillena Pablo comécido daide. Afe emódomo daide:

—Jerusalemo cue jaille mei, dinómona Rómamo jáiacadicue, —daide. ²² Mei jira Macedóniamo mena ie canóraima Timoteo Erasto diga uícodo orede. Mei íadi Pablo nai Asiamo nano nígarui fiévide.

Efésomo fiénidifuedo faillíñeidiaiai

²³ Aféruillaido Jesús lloga ñúefuiari aillo fiéni faillíñeidiaiai. ²⁴ Afe faillíñeinafue Demetrio como fueñe taineca. Afémie aillo ebírede ráaniai plátamona finóraima. Juzíñamuina íai. Mamécango Artemisa, nofici finoina jánarai. Aféngomo gairíraco izói, plátamona ráiracojina finoda, Demetrio fecáfirede. Afedo afémie ie diga táijraimaci íena aillo úcube otíai. ²⁵ Iemo Demetrio naa jáie daje izói táijinana fibídinori dánomo gairídiai. Dinomo íaioina daide:

—Cáimaci, omoi cácarei. Bie cai táijnado ñue ráaredicai, onódiomoi. ²⁶ Mei íadi baie Pablo llócaigafuena cacádiomoiza. Afémie daide: “Comini finoca juzíñamuillaina íeñede,”

daide. Ie llogáfuemo Pablo aillo comínina ínnotade. Daa benó Efésomoñede daií ínnotade, mei íadi nana Asia éniédo ínnotaacade. ²⁷ Afefue iere jacire cacaide. Afedo cai fecácaiganiaina táinocaitabite. Daje izói cai áillue juzíñamui cai dainango Artemisa gairíracó jalléinafuena féitaite. Afe izói bie juzíñamui dainango jamánomo ebírenafuena jámairuitabite. Nana Asia énie naa jáie éniáiri aféngomo áinozifrediaioi, —daií Demetrio daide.

²⁸ Aféfuena cacáillano, iere comécido ríicaidiaioi. Iemona caillíoicana daidiaioi:

—¡Cai Efeso imaci juzíñamui cai dainango Diana, jaca ninomo záíñeno iri! —daidiaioi.

²⁹ Iemona nana afeno jófuedo aféfuiaí iere riire júfidotiaioi. Aillo afeno comini ífo írínote. Afe llezica mena Pablo nabaide íaillinoi llaitádiaioi. Afe íaillinoi mámecei Gayo Aristarco diga; Macedonia ímie íaillinoi. Iaiói llaita mei afémacei nairai uícomo íaioi gairíracó como íaillinoína zocana uitíaioi. ³⁰ Pablo afeco jofomo comínimo úrizaiacade, mei íadi ñúefuena ínnotino afe jofo jáillena rairuídiaioi. ³¹ Afe llezica Asia ríimacei Pablo diga caimare úriraini, Pablo afeco jofo jáíñeillena uai íemo oré diaioi. ³² Iaiói gairilla llezica, dárie jáífodo llotíaioi; jáímiaí jáífodo júrioicana llotíaioi. Mei aféfuiaíri jamánomo fiéni faillíñeidiaioi. Ja nabénairai aféfuena onóñediaioi, nífuérei gairídiaioiza. ³³ Mei íadi gairídino cigimona dámerie jino Alejándromo aféfuiaí llotíaioi. Afe Alejándrona judíuai, afeno comini uícomo judíuai abí ríiduafuedo úrillena, bai íena naídánetaioi. Bai náidallano íe ónoído íaioína, “Maí omoi llíicai,” daide. ³⁴ Mei íadi afémie judío ímienana íaioi comécido onónamona, mena hora nana caillíoicana daidiaioi:

—¡Cai Efeso nairai naango Artemisa, jaca ninomo záíñeno iri! —daidiaioi.

³⁵ Iemona afeno jofue jabóllaíma ícoína comini llíicaitade. Llícaitano íaioína daide:

—Efeso nairai, omoi cácarei. Naga énie náiraíai cai iere jalleide juzíñamui dainango Artemísamo gairíracona úíñotagamacídicaí, afe cai úíñuafuena onódiaioi. Afe daje izói aféngona mameca monámona ana baiíde jánaraina úíñotagamacídicaíza onódiaioi. ³⁶ Mei bifue buna jaca jáanonideza, maí omoi llíicai. Comecei facáñeno nífuena lloñeno iri. ³⁷ Mei bie omoi atica íaillinoi, omoi juzíñamui dainango Artemísari fiénidífuena úríñediaillinoi. Aféngona ríicaitañediaillinoi. ³⁸ Demetrio zúucaíllafue níimíemo íadi, maí jicánoraimamo llujíri. Daje izói afémieri táíjiraini zúucaíllafue íadi llujíri. Jaca ríimacei uícomo meine abído óllena afémacei

llórediaioi. ³⁹ Mei jáifodo omoi jicánoi acaniadi, mai ríimaci daina izói omoi gairiri. ⁴⁰ Ja birui jácifuemo baízaidicaiza. Birui omoi finócafue ícoinia, illaíma anáfenuafuena caimo nítaitaioi. Bie omoi faillíñeinafue caimo íaioi jicánoiadi, íaioi uai cai ollifue jaca due íñede, —daide.

⁴¹ Daí daina meífodo, afénomo gairídino oni rainode.

20

Pablo Macedóniamo Grecia diga dine jáillafue

¹ Afe íaioi faillíñeinafue llícailla meífomo, Pablo Juzíñamuimo ínotino ñue llófuellena jírítade. Daí íaioi llófuia méífomo íaioi llínuano íraicaiño uáidonocade. Uáidonocaillano Macedóniamo jáizaide. ² Nana afénomo itígobíai comíni uáiduaide. Ie uáillaído afénomo ite ámatíai nácaítade. Afe mei Pablo ja Grecia éniemo dúcide. ³ Dinomo daámani fiui llófuete. Dinómona nocaedo Síriamo jáizaidemo, judíuai íena llaitáacanafuena fidide. Ie jira ari éniemo Macedóniamo abído jáillena comeci facade. ⁴ Dinómona ie nabáidino: Berea ímie Sópater; Tesalónica ímie íaillínoí Aristarco Segundo diga; Derbe ímie íaillínoí Gayo Timoteo diga; jáíie Asia énie íaillínoí Tíquico Trófimo diga. ⁵ Afe bie ámatíai uícomo Troas jófuemo caina uíñuaidiaioi. ⁶ Fáitara jóoneñega pan güilla irázilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comíni uáidua fue

⁷ Semana nanóidíruido gairídicaí pan ditada fecállena. (Afe pan ditada güillamona Jesucristo íraicaiño güillamo úibicaidicai.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úrioidemo ja dáiferui ite. ⁸ Caifo jica ite caifóneco ero icomo gairídicaí. Afe dinomo aillo unérachecoí bóotatiaioi. ⁹ Dinomo ite daa jítócome, Eutícóna maméidímie. Afémie jino eróirafomo ráiide. Pablo iere are úrillamona, afe jítócome jamánomo ínietaide. Ícoinia izire íniamona, caifona ana baíide. Afécomo dabaniámani ite. Dinómona ana éniemo baíide. Tíide caifo llínotiaioi. ¹⁰ Mei jira Pablo ana aféniemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacínaiñeno, —daide.

¹¹ Daí daina mei Pablo meine caifo jaide. Caifo meine dúcillano, pan ditada güillano nai íaioimo nane úrite. Da úritemo monaide. Monáillamo oni jaide. ¹² Afe baíidímiena ñue caade uitíaioi. Iemona nana comíni ñue caimare íficaidiaioi.

Pablo Tróasmona Milétomo jáillafue

¹³ Ie meífomo Pablo Asonmo iodo jáiacade. Ie jira cai jáíimaci nocaedo uícomo Asonmo jáídicaí dínomo Pablo otá cai úillena. ¹⁴ Afémiena Asonmo cai báillamona, dínomona cai nocaedo nana Mitilénemo jáídicaí. ¹⁵ Dínomona jáillano jítiramoidiruido Quío jofue áinodo jáídicaí. Afe jáíruido Samos ígobemo zíjídicaí. Dínomona Trogíliomo ocózinaidicaí. Afe jáíruido Milétomo dúcidicaí. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoillena, íadi nibai cíoiñeite.

Pablo Efeso éinamacimo úrillafue

¹⁷ Nai Mileto jófuego cai illa llezica, Efésomo Juzíñamuimo gairíraini éinamací jírítate. ¹⁸ Iaiói dúcinamona Pablo íaióina daide:

—Nano fueñe Asiamo cue dúcinamona cue ífirenana ñue onódiomoi. ¹⁹ Nágaruillaido comeci mánainafuedo éeiafuedo omoi cígiri iticue. Daií cai Ocuíraíma Jesumo táijífiredicue. Afe llezica judúuai iere aillo duere cuena finócadiaíoi. Afedo aillo facátafuiai cuemo nitádiaíoi. ²⁰ Mei íadi fáicanocaiñeno nana ómoimo ñue illífuena llófuefiredicue. Daií uáfodo omoi gairíracomo ómoimo llófueriticue. Daje izói naga omoi jofomo llófuefiredicue. ²¹ Judúuaimo lloticue; daje izói judíoñedinomo lloticue. Nana íaióina daidicue: “Omoi fiénidífuiai ñúefuíaína Juzíñamui comeci jitailla izói omoi meídori. Iemona cai Ocuíraíma Jesucrístomo omoi íñori,” daií íaióina daidicue. ²² Mei birui benómona Jerusalemo jáíticue; afénomo cue jaille Juzíñamui Ñuera Joreño cue ocuilla izói. Dínomo cuemo cómuitifuena ónoñedicue. ²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñedicue. Ocuíraíma Jesús cuemo jónega táijinafuena ñue ícoimo cue fuitáadi cue cáanano cúemona ráífiñede. Afe táijinafue Juzíñamui ñue caina izíruillafue comínimo llócadicue. Ua comini áizia izóidinomona cue táijina ícoimo caimare ñue dúcitaiacadicue.

²⁵ ‘Omoi cígido Juzíñamui illáimana illafue llócaidicue; mei birui ua onódicueza, ómoimacimona buna cuena meine cíoiñeite. ²⁶ Ie jira biruido daiíacadicue, ja ómoimona nífuenidimedicue. ²⁷ Mei jira nana Juzíñamui caimo llófuegafuiai ómoimo uáfodo lloticue. Nífuena báinino lloñedicue. ²⁸ Ie jira afe izói dani abí omo rairuiri. (Jae einamáciomoi.) Daje izói nana Juzíñamuimo gairídinona úiñori, mei jira Ñuera Joreño íaióina úiñotade. Ua Ocuíraíma Jesumo gairíдино úiñotagaomoi. Afe gairídinona Jesús dama ie

táillado, ie die tóillamona dama ie comínina meine maiñode.
 29 Cue jailla mei jiámaci Juziñamuimo gairídinona jífuereidino
 bíitiaoí. Ua riírede jicóniai ovéjaina fázia izói Juziñamuimo
 omoi ínogafuena féitatabítiaoí. 30 Daje izói omoi cígiri
 táinofuiai llóitinona iite. Afémaci uáfueña féitajano táinofuiai
 ómoimo llóitiaoí, ínotino afe uai jeire otátallena. 31 Mei jira
 abi omoi rairuiri. Naui omoi diga cue illáfueño omoi uibíoiri.
 Dafimonaámani, mona naio diga éebicaillano izire ómoimona
 nágamiíaimo fáicanocaiñeno ómoimo jino lloticue.

32 Mei cue ámatiai, ja birui Juziñamuimo ómoína jóoneiticue,
 omoi úiñollena. Daje izói Juziñamui caína izíruilla uaimo omoi
 comeci uibíoillena jítaídícue. Afe uai ómoína náirecáitate. Afe
 daje llezica, aféuaido Juziñamui dibénemo ñue rairuícamacina
 ja itíomoi naa jíáie ie rairuícamaciri. Mei afe rairuícamací
 Juziñamuido ñue finócamacidiomoi. 33 Jiáimie mo ite úcubaiiri
 íaioimo ite iníroillaiiri dama cúeiena jaca úradoiñedicue. 34 Mei
 íadi jíáfodo, dama cue jitailla raa óllena dama cue ónoído
 táijidícue. Daje izói cue diga itino íena oticue. 35 Daií omoi
 táijillena lloticue. Afe izói raana jítaídino omoi canóllena
 ómoína llófueticue, Ocuíraima Jesús daína uaimo comeci omoi
 facáoicaillena. Afémie daína uai daií daide: “Fia iga raa
 líinotimie baímo, fecáfiredimie jamánomo ióbide,” —daide.

36 Daií íaioína daína meífodo, Pablo cañici ana dújuillano
 Moo Juziñamuimo nana afémaciri úritiaoí. 37 Iemona
 nana éenaitiaoí. Afe llezica Páblona meníñuano ñitada
 cáimadotiaoí. 38 Afe llezica Pablo “Ja meine abído cuena
 cíñoñitíomoi” dáinari iere zúucaidiaioí. Afe mei fei nocaemo
 íraicaiño íena nabáidiaioí.

21

Pablo Jerusalemo jáillafue

1 Amatiai fuénocaillano, Cos jófueño nocaedo jáicina jáidicai.
 Afe jítiramo Rodas jófueño jáidicai. Dinómona Pátara jófueño
 jáidicai. 2 Afe Pátaramo Feníciamo jáiacade nocáe baiticai.
 Dinómona afécaedo jáidicai. 3 Jaillano, monaillai cigi idu
 Chíprena jicana cíódicai. Afe éniéna jarífezi dibénemo fíañona
 Siria éniémo jáidicai. Afe cai jáillacaemo Tíromo fielle ráaniai illa
 jira afégobemo zíjidicai. 4 Afégobemo ite Juziñamuimo ínotinona
 cíózaidicai. Dinomo siete dígarui íaioi diga iticai. Dinomo
 Ñuera Joreño llogáiaioí. Ie jira Páblona daídíaioí:

—Benómona Jerusalemo jáiñeno iri, —daídíaioí.

5 Mei íadi afe siete dígarui illa meífodo jáidicai. Cai
 jáizailla llezica nana Juziñamuimo ínotino, íaioi ringóniai naa
 úruiairi jofue féimo caína nabáidiaioí. Dinomo ite guamáimo

ana dújuillano Juzíñamuimo iere úriticai. ⁶ Ie mei meníñota íraicaiño íaioi facádonocaidicai. Daí ñiano nocaemo caifo jáidicai. Afémaci íaioi jófuemo meine jáidiaioi.

⁷ Tíromona biticai Tolemáidamo dúcina. Dinomo ite ámatiai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúfue llóraima Felipe jofomo jáidicai. Afémie siete dígamiede güille fecárainimona Juzíñamuimo gairíraco táijiraima. Dinomo afémie jofomo iticai. ⁹ Afe Felipe jiza nagaámazade. Nai iníndiaioi. Aféngotiai Juzíñamuimona cacana uailai jino llotíaioi. ¹⁰ Afénomo díga irui iticaimo, uai jino llóraima Agabo Judéamona cai uáiduaibite. ¹¹ Afémie Pablo ciraigi ife zuitáicaillano dama ie idai onoi díga maiano daide:

—Ñuera Joreño daide: “Jerusalemo judíuai bie ciraigi ife náamana bie izói máite. Maiano íena jicánemacimo fécaitiaoi,” daide, —daí Agabo lluaíbite.

¹² Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicádicai. ¹³ Mei jira Pablo uai ote:

—¿Níbái cuena zúucaitatomoi? ¿Minícarí éedíomoi? Cue íaioi maille baimo comécido mamériticue. Juzíñamui jítaiadi Jerusalemo cai Ocuíraima ícoinia tíiticueza, —daide.

¹⁴ Afémie mámafueña jáanonidicai. Ie jira afefue fáicanocaillano daidicai:

—Juzíñamui comeci jitailla izói omo íficaiteza, —daidicai.

¹⁵ Afe meífodo, Jerusalemo jáillana finóbidicai. ¹⁶ Cesaréamona dárie Juzíñamuimo ínotino caina nabaide. Afémaci cígimona daa Chipre ímie Mnasón ite. Afémie jae díga fimona Juzíñamuimo ínote. Afémiemo ite Jerusalemo dúciracomo jáidicai.

Pablo Sanatiago uáiduafue

¹⁷ Jerusalemo dúcidicaimo dinomo ite ámatiai caimare caina llínotiaioi. ¹⁸ Afe jítiramo Pablo naa cairi Santiago uáiduidicai. Daje izói nana illáicomini afénomo itíaioi. ¹⁹ Pablo íaioi uáidote. Uáiduano Pablo nana íedo judíoñedinomo Juzíñamui finócafuijai jino illa dígafuijai íaioimo llote. ²⁰ Iemona aféfuina cacáillano Juzíñamuimo caimátaioidiaioi. Jira Páblona daidíaioi:

—Mii, o llogáfuijai iere ñuera, mei íadi judíuaimona díga mil comini afe ñúfueemo ínotiaioi ciódioza. Nana afémaci Moisés ocuica uai izói cai illena iere jítáirede daidíaioi. ²¹ Mei íadi dárie o nana jica jáinomo ite judíuaimo llogáfueña lluaíbitiaioi. Afe íaioi cacánafue daide: “Moisés ocuica uaina jeire omoi ofeno iri.” Afe izói íaioi jítótiai bacano icoi quetáañedio, daidíaioi.

Ie emódomo cai fibíllafuiaina finótañedio, daidíai. ²² Iemo bífuiaina cai dibénedo ¿nie izói lloítio? ¿nie izói ñéiticaí? O billáfuea comini fidíillano ua daáonomo gáiritiaí, —daide. Iemo Santiago nai úrillano íena daide:

²³ —Cai daináuai jeire o úamona aféuai izói o finolle jítárede. Cairi benomo ite nagaámamie. Afémiaí uícomo Juzíñamuimo nauí íaií oí llogáuai fuitáacadaí. ²⁴ Bimaci o uírí. Uillano nana omoi comécimo íaífue múiñuafue mai omoi finuairi. O úcubemona omoi ífue cuidótalle ibari. Iemona dani cuidótaitaí oíza. Afe daí o finuamona, benó ite ínote judíuai, o ñue ífirena izói ónoítiaí. Moisés ocuífue jeire o úana fidíitíai. Daje izói ja ónoítiaí nana o rafue benó comínimo jíáimaci llúaíbiga táinofuiaí. ²⁵ Mei íadi ínote judíoñedinomo jíáfodo jae cueticaí. Aillo judíuai finócafuiamo íaií oí jíruiñeillena lloticaí. Daa bifue íaí oímo lloticaí: “Jánaraí izóidemo fecaca líciaína omoi riñeno iri. Díena jiróñeno iri, daje izói cimoina cigínoga rílleniaína riñeno iri. Mai nana jiruífuiamona abí omoi rairuiri; dama áiredímie ie ai diga illa ñuena,” —dínóride Santiago llogafue fuilla.

Pablo gairíracomo llaitáinafue

²⁶ Ie mei Pablo afe nagaámamie uite; uillano afe jítiramo, íaií oí comécimo ite íaífuaí múiñuafue finódiaí. Afe meífodo jofo Juzíñamuimo gairíracomo jáidiaí. Dinomo íaií oí comécimo ite íaífuaí muiñoílliruillai fuillírui llujídiaí. Afe daí íaií oí llúamona illa dígamierie íaií oí raa fia íaií oí fecállirui llotíaí.

²⁷ Afe siete dígarui ja fúiacademo Asia éniemona bite judíuai Páblona Juzíñamuimo gairíracomo cíozai bitiaí. Iena cíozai billano nana afeno comínina fiéni faillíñaitadiaí. Iemona Pablo llaitádiaí. ²⁸ Lláitano caillíoidiaí:

—¡Israel nairai, cai cano! Bímie nágagobiaído nana comíniamos cai nairai uáitaoicana llófuecaide. Daje izói Moisés ocuífuea uáitaoide. Bie cai Juzíñamuimo gairíracona uáitaoide. Ie emódomo jae mena griego ímie íaillinoí jofo uite. Daí bie Juzíñamuido ñue finócaco ero bácaja bite, —daidíai.

²⁹ Nauí Pablo afe jófuedo judíoñedímie Trófimo diga nabáirillana íaií oí ciónamona daí daidíai. Afe Trófimo Efeso ímie. Afémaci comeci facádiaí, nibai Pablo Trófimona gairíraco eromo jofo uite, daidíai.

³⁰ Iemona nana afeno comini aféfuai júfidotiaí; aféfuéni fiéni faillíñaidiaí. Afe llezica nana comini áiziaí bitiaí. Billano Pablo llaitádiaí. Lláitano gairíraco jinomo zocana íena uitíai. Daí ñiano afe llezica gairíraco náziaí íbaidiaí. ³¹ Ja íena titáacadaí oímo, soldados igüelli illaíma ja afe aillo comini fiéni faillíñainana fidide. Daje izói Pablo ja íaií oí titáacanafuea fidide.

³² Mei jira afe illaïma ie jabóidillaïmaïaï naa ie llaizírainiri jírrite. Jírillano afe comini illánomo aizícana jáidiaioi. Iemona nana comini llaizíraini illaïma naa ie llaizírainiri bíllana cióillano, Pablo fáajana fáicanocaidiaioi. ³³ Afe mei afe illaïma Páblomo áinozide. Ainozillano Pablo llaítádiaioi. Lláitano mena llóejina iena maitátate. Afe mei illaïma iena daide:

—O mei ¿búdio? ¿Níifue finódio? —daide. ³⁴ Mei íadi comini jamánomo jáífodo caillíoidiaioi. Jáímiaï jáífodo daidíaioi. Illaïma ifona jamánomo írinote. Jaca jefomo uibíñede, jamánomo íaioi úrioinaza. Jira illaïma llaizíraini gairíracomo iena uitátate. ³⁵ Afeco caifo jáirabicimo íaioi dúcina llezica, llaizíraini Páblona caifodo rocádiaioi, comini iena llaítada íaioi fáiacana jira. ³⁶ Afémie uilla óodana caillícana daidíaioi:

—¡Pablo dama tíideza! —daidíaioi.

Pablo ie abi ríidollifue comini uiécomo llote

³⁷ Afécomo iena uizájidiaioimo, Pablo afe llaizíraini illáimamo griego uáillaïdo jicánote:

—¿Meita comínimo úriredicue? —daide.

Jira aféllaïma uai ote:

—¿O griego uai úrillana ónodio? ³⁸ ¿Mei o egipcio ímieñedio? Afémie nauí jáíie illáimana benó jóoneacade. Táizicimo cuatro mil come fáraini uite, —daide.

³⁹ Jira Pablo iena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰ Iemona afe illaïma Páblona fairíote. Iemo Pablo afe caifo jáirabicimo náidaillano comínina ónoïdo llíicaitade. Íaioi úrioina llíicallamona Pablo afémaci uáillaïdo íaioimo úrite. (Afémaci úrilla uai ‘hebreo’ daïna.) Íaioina daide:

22

1 —Cai comini naa illáicomini diga, omoi cácarei. Cue abi ríiduaifue jino llóiticueza, —daide.

2 Hebreo uaido íaioina dáinana cacáillano, iere tí daidíaioi. Iemona Pablo íaioina daide:

3 —Cue judíodicue. Cilicia éniemo ite Tarso jófuemo jocócacue. Mei íadi benó Jerusalemo comuítagacue. Afe mei Gamaliel llófuegacue. Cai jáíáidigima ocuífauiaï llúana iere áfemo jíeruiticue. Jaca Juzíñamuimo tájinafuemo comeci cue facai izóï naa cue ríinodo iere járitaifiredicue. Ua ja birui Juzíñamui ocuífauemo omoi járitailla izóï jaiaï daí járitaifiredicue. ⁴ Jaiaï Jesumo ínotinona daje izóï

fállena racádicue. Afe dáruido iññiai ringóniari llavéracomo lláviaidicue. ⁵ Lletáriraini illaini naui comini cue lláviafuemo uai nabáiraini itíai. Daje izói nana illáicomini rábiai cue fécamo uai nabáiraini. Afe rábiaido Damáscómo ite cai ámatiai judíuai jénuaidicue. Dinomo ite Jesumo iñnotino jénuaidicue, atida Jerusalemó íaioina duere cue finófallena.

Pablo íemo ite fiénidifue méidua jino llote
(Hch 9.1-19; 26.12-18)

⁶ ‘Mei íadi Damasco iodo jáidicuemo, ja jaíciri ítemo afe jófuemo dúciacadicue. Afe llezica monámona jamánomo riire cuemo egáiñoacade. ⁷ Iemona éniemo baídicue. Afe llezica monámona cuena daina uai cacádicue; aféuai cuena daide: “Saulo, Saulo ¿nibái mei cue racádio?” ⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide. ⁹ Cuedo jáidino afe egáiñuana cióillano jacínaitiaoi; mei íadi cuemo úrite uaina cacáñediaoi. ¹⁰ Jira íena daidicue: “Ocuíraima, ¿mei ñie izói íiticue?” Jira afémie cuena daide: “Náidacaillano o jailla Damasco jófuemo jai. Dinomo o finóllifuiaina omo llóitiaoí,” daide. ¹¹ Afe riire egáiñua cue ui dúitaga. Ie jira cue nabáiñiai Damáscómo ónoido jainátaoicaigacue.

¹² ‘Afénomo ite Ananíasna mámeciredimie. Afémie iere Moisés ocuífafuemo iñnofirede. Nana Damáscómo ite judíuai ñúefuena íemo nitáfirediaoi. ¹³ Iemo afe Ananías cue uáiduaibite. Billano cuena daide: “Cue ama Saulo, o ui meine nane cíoitiza,” daide. Dái daina llezica meine cue ui ñue cíoide. Afémiena ciódicue. ¹⁴ Mei jira afémie cuena daide: “Cai jáairagima Moo Juzíñamui nizécamedio. Afémie jaiái ninómona ona nizede íemo o táijillifuiiai jino omo llóllena. Ua dama Jesús fuémona ie úrilla uáillaina cácaítio. Afe llezica jaícina ñue finófredimiena Jesuna cíoitio. ¹⁵ Mei o cacánafuiái o cíónafuiái diga nana comini uícomo jino llóitio. ¹⁶ Mei birui ¿minícarí jizídio? Náidacaillano o báutizatari. Ocuíraima Jesús mámecimo ñue iñnori. Afedo o fiénidifue jae muiñócaza,” dinori Ananías daide.

Pablo Judíoñedinomo ie orécafue jino llote

¹⁷ Pablo nai úrite. Íaioina daide:

—Jerusalemó meine cue billa llezica, Juzíñamuimo gairíracómo úrizaidicue. Dinomo ñicai anado ciódicue. ¹⁸ Cai Ocuíraima Jesuna ciódicue. Afémie cuena daide:

—Jerusalémona mai riire oni jai. Afémaci cuedo o úrillana jéruñeítiaoí, —daide.

¹⁹ Jira Ocuíraimana daidicue:

—Nana afémaci omo ínotinona llófueriracomo cue lláitainafuena onódiaioi. Llavéracomo íaioina fácana cue uilláfuemo uibíoidiaioi. ²⁰ Esteban o mámeçido úrite táijitagamie. Afémie tíide die tota llezica aféno iticue. Aféfuemo “Jii” daídímiedicue. Ie emódomo Esteban fatímie inícuirona oni llíidicue, —daídicue. ²¹ Mei íadi Ocuíraima cuena daide:

—Mai jai. Judíoñedino cígimo jica ona óreiticue, —daide.

Pablo llazíraini illaíma anamo illafue

²² Afe ñinó afeno comini íanori tii daídíaioi. Mei íadi dánomo nane caillíoicana daídíaioi:

—¡Bie iima dama tíideza! ¡Afémie cáailinona íñeite! —daídíaioi.

²³ Nai are caillíoidiaioi. Iere icírillano dani íaioi inícuiruai cúacoídiaioi. Afe llezica eníchomaíai caífo táinomo júcoídiaioi.

²⁴ Ie jira llazíraini illaíma Páblona íaioi gairíracomo orede. Oriano ñinomo zechénotade ie finócafue jino llóllena, comini riire íemo fiene caillíoinafuena onóillena. ²⁵ Ja maítá fállena naidánega, íemo Pablo ñinomo ite jabóllaimana daide:

—¿Jicánoñoeno romano ímiena fárediomoí? —daide.

²⁶ Afena cacáillano jabóllaima llazíraini illáimamo llujáide; llujáillano daide:

—Bímiemo o duere finóacanafue o jírícaíñoeno iri; afémie romano ímieza, —daide.

²⁷ Jira afe llazíraini illaíma Páblomo jicánuaibite; daide:

—¿Ua romano ímiedio?

Jira Pablo:

—Ie mei, —daide.

²⁸ Jira afe illaíma daide:

—Aillo cue úcube baíílla baimo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daíi ie dáinamona, ie zechénotino afémiemona oni raíidíaioi. Nana afémaci naa aféllaimaoiri jacínaitiaioi ie íaioi llaitari; afémie romano ímienana íaioi fidínamona.

Pablo judíuai Nahí Ríillaini uícomo naidánetaioi

³⁰ Afe jíáiruido afe llazíraini illaíma Páblomo íaioi jítacafuíaína ñue jaícina onóiacade. Ie jira lletáriraini illaini naa íaioi ríillainiri dánomo gairítate. Afe mei Pablo llaveina llójei zúitano íaioi uícomo bai naidánete.

23

¹ Ñinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánainafuedo Juzíñamui uícori caimare iticue, —daide.

² Ie jira lletáriraini illaíma Ananías Pablo abímo itino fúena putátate. ³ Jira Pablo íena daide:

—¡Afe izói Juzíñamui ona fátaite! Jae jinóidíuaido ñue úritio, o comeci fiénide íadi. ¿Jadí ráidíio ocuica uai daina izói cuemo jicánollena? Iemona ¿ñibái mei ocuícáfue uáitano cue fúena putátatio? —daide.

⁴ Iemona afénori itino íena daidíaiói:

—¿Ñibái daí Juzíñamui caifoide lletáriraimana báíñoño? — daidíaiói.

⁵ Jira Pablo daide:

—Amatai, afémie caifoide lletáriraima ie íllana onóñedicue. Onódicueza Cuegáuailai daide: “O jofue ríimacina báíñoñoeno iri,” —daide.

⁶ Iemona Pablo Nahí Ríillaini cígimo itínona fidide. Afémacimona dárie fariséuaimo jaináidiaiói. Jáimaci saducéuaimo jaináidiaiói. Ie jira íaíoina riire daide:

—Amatai, cue fariséodicue. Afe emódomo fariseo ímie jítódicue. Ja birui cuemo jicánotiaíoi, mei tíidimaci meine abído cáalliruimo cue úíñua jira, —daide.

⁷ Daí daina meífomo, fariséuai saducéuai diga conímamo jofu afefue riire júfidotiaíoi. Iemona afénomo gairídino dázierie bozíetaidiaíoi. ⁸ Afe saducéuai tíidinona meine cáañeite daidíaiói. Afe emódomo Juzíñamui abí imácina íñede, daje izói joríaiaína íñede daidíaiói. Mei íadi fariséuai nana aféfuaimo ñnotiaíoi. ⁹ Nana caillídiaíoi. Ie mei dárie ocuícawai llófueraíni naídáidiaíoi. Afémaci fariséuai dibénemo jaináidiaíoi. Caífo naídáillano daide:

—Bímie fiénidífuiaína caido llócaíñede. Nibai joreño íemo úrilla; nibai Juzíñamui dibénedo úaitañeíticai, —daidíaiói.

¹⁰ Afe júfiduafue riire anado jaide. Iemo llazíraini illaíma Pablo íaíoi tibéruari jacínaite. Ie jira aféllaíma íaíoi cígimona Páblona llazírainína oni uitátate. Uillano meine íaíoi gairíracomo íena orétate.

¹¹ Afe jíáie naio Ocuíraíma Jesús Páblomo cíocaillano daide:

—Pablo, jacíruiñoeno, abí mame. Benó Jerusalemo cuedo o úrilla izói, daje izói Rómamo úrizaitio, —daide.

Pablo fállena mámiafue

¹² Afe jíáiruido judíuaimona dáarie Pablo fállena maméritiaíoi. Dani íaíoi abí faidódiaíoi. Jira fiénide uáillaído daidíaiói:

—Páblona nai cai fáñeille dino güñeíticai, jíroñeíticai, — daidíaiói.

13 Afe daií úritimíai cuarenta baimo jaide. 14 Iemona afémaci lletáriraini illáinimo naa judúuai éinamaciri jáidiaioi. Dinomo daiízaidiaioi:

—Dani cai abi fiēni daináfuedo faidódicai. Pablo cai fáñeille dino güññeiticai, jiroññeiticai. 15 Mai omoi naa jáie Nahí Ríillainiri llaizíraini illáimamo Pablo uire jiti atíllifue jica. Fia daií íemo lloiri, meine nane íemo itifue izire omoi jicánollena. Afémie nai dúciñeite, afe atica llaitada íena titaiticai, —daiidiaioi.

16 Mei íadi Pablo comoma afe Páblona íaioi fáiacanafuena fidízaibite. Iemona afémie llaizíraini gairíracomo Páblona llúajide. 17 Mei jira Pablo jabóllaíma jírillano daide:

—Bie jitócome llaizíraini illáimamo úi. Afémiemo llolífuena íteza, —daide.

18 Afe jabóllaíma íena uillano, llaizíraini illáimana daide:

—Afe llaveca Pablo cue jírillano bie jitócome benó cue atíllena jicade, afémiemo da llolífuena íteza, —daide.

19 Afe llaizíraini illaíma afémie ónoído oni eneno jicánollena uite; daide:

—¿Níifue cuemo llóiacadio? —daide.

20 Jira afémie daide:

—Judúuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atítallifue jícaitiaioi, meine íemo izire íaioi jicánollena. 21 Mei íadi íaioi jicállifue mo ñnoñeno iri. Afémacimona cuarenta baimo dígamie báinino Pablo fállena jóonetiaioi. Afe fáiacadino dani íaioi abi faidódiaioi. “Pablo nai cai fáñeille dino, güññeiticai; daje izói jiroññeiticai,” daiidiaioi. Ja birui afémie fállena ñue finóbidiaioi. Mei íadi o uai ollífuemo nai úiñoidiaioi, —daide.

22 Iemona afe llaizíraini illaíma afe jitócomena:

—Mai o jairi, —daide. Afe íemo ie lluaíbigafuena jíáimacimo “Lloñeno iri,” daide.

Caifóidillaíma Félixmo Páblona orédiaioi

23 Mei jira afe llaizíraini illaíma mena jabóidillaíma uáidote. Uáiduano íaillinoína daide:

—Mai doscientos diga llaizíraini mácaitinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zidaíairi jáitínona finóbitari. Nana afémaci nauilla baido Cesaréamo jáitiaioi, —daide.

24 Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate. 25 Afémacido cuegabe orede. Afe cuegabe daide:

26 “Cue Claudio Lisias mamécacue. Jamánomo cáimafuerede caifóidillaíma Félix, o uáidotícue. 27 Judúuai bímie lláitano

duere finótaacadiaioi. Iena fáiacadiaoioi. Mei ie romano ímie íllana cue fidínamona cue llazírainido íena riiduaidicue. ²⁸ Iemo íaioi jítacafuena onóacadicue. Ie jira judío Ríillaini uícomo íena uitátaticue. ²⁹ Ie mei aillo íemo júfidogafue záilla meífomo íemo nífuena baiñédicue. Dani íaioimo ocuica uai ie jeire ie ofiena íemo nitádiaioi. Mei íadi ie cue fallífuena íñede. Daje izói ie cue llavéllífuena íñede. ³⁰ Dani afémie íaioi nane fáiacanafuena cue fidínamona, íena omo orédicue. Afe llezica nana íemo fiénidífuiaí nitádinona daidicue; Mai Páblomo ní fue o nitáadi caifóidillaíma Félix uícomo o daízairi. Mai, jae nñe.”

³¹ Mei jira nana llazíraini íaioi illaíma ocuilla izói Pablo uitíaoi. Afe naio Antípatris jófuemo íena uitíaoi. ³² Afe jítiramo eíbado jaide llazíraini meine íaioi iníracomo bitíaoi. Ie mei cabállodo jáidino Páblooiri nai Cesaréamo jáidiaioi. ³³ Dinomo afe Cesaréamo dúciillano, afémaci uiga cuegabe caifóidillaímamo izájidiaioi. Daje izói Pablo íemo fecádiaioi. ³⁴ Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedicue, —daide.

³⁵ Ie jira íena daide:

—Omo fiénidífuena nitáдино bíadi ona cácaiticue, —daide.

Afe mei Félix Páblona Herodes illaíma illaco áillocomo rairuítatinona uitátate, afécomo íena íaioi ñue rairuíllena.

24

Félix uícomo Pablo abi riiduafue

¹ Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie éinamaci bitíaoi. Dáruido, caifóidillaíma uícomo raire úritimie bite. Afémie mámecei Tértulo. Nana afémaci caifóidillaíma Félix uícomo Páblomo jítacafuiaí nítaíbitiaioi. ² Pablo íaioi átia llezica, Tértulo íemo jíidífue riire nítade. Félixna daide:

—Cai izíruiga caifóidillaíma, ori íóbiacadicaí. Ñue záillafue caímo ite; íemo caímare llícaíllafuemo iticaí. O fibíllafuedo nana ñue ocuícacaí. ³ Nana bífuiaíri nágagobiaído íóbioídicaí. Félix o iere jamánomo fígomiedio. ⁴ Mei íadi are o cue áfedoñeilleza caí úrillamo o cacáreíllena omo izire jicádicue. ⁵ Bímie fiénide duico billa izói bíllana ciódicaí. Naga éníaído llócaide judíuai oni énenorie bozíetaíllena. Afémie Nazaret ímie Jesumo ínotino ífódimie. ⁶ Icoímo caí Juzíñamuimo gairíraco ero bácajide. Ie llaitádicai ñue afémiemo caí ocuina uai daína izói jicánollena. ⁷ Mei íadi llazíraini illaíma Lisias aféfuemona caína rairuide. Iemona caí anámona íena riífuedo oni bairode. ⁸ Afe emódomo caína daide: “Bie cómemo bifue jítáдино odo

bírediaioi.” Dama o aféniemo jicánorena, nana íemo cai jitácafue uáfueiteza. Daií áfena uáfueña onóitio, —daide.

⁹ Afénomo jaide judíuai nana aféfuiaina uáfuiái daidíai. ¹⁰ Jira Pablo úrillena caifóidillaíma ónoído lloite. Jira Pablo daide:

—O uícori cue abi ríiduaíue jino caímare llóiticue. Jaíai diga fimona bie nairai o jicánoraímana o íllana onódicueza. ¹¹ Ja doce dígarui íllamona Jerusalemo Juzíñamuimo áinozillano íemo caímare úrillena dúcidicue. Aféfuena dama o jicánorena, ñue o ónoillena. ¹² Bumo riire cue úrillana cacáñediaioi. Daje izói Juzíñamui gairíracomo comínina fiéni faillíñaitañedicue. Iemo jaíai Juzíñamui llófueriracomo daje izói júfidogafuiái finótañedicue. Daje izói nairai jófuedo nífuena lloñedicue. ¹³ Nana bimaci cuena nitácafuiaina bu áfena uafue daínina. ¹⁴ Mei íadi dafue jino llóiticue. Judíuai fiéni mameca fiénidido jáidicue. Afe como Jesús lloga iodo cue jáillamona cai uzútiai Moo Juzíñamuimo táijidicue. Mei nana cuega ocuica uáillaina ínoticueza. Afe daje izói nana uai jino lloraini Cuegánicuaimo ite uáillaina ínoticue. ¹⁵ Iaioi Juzíñamuimo úiñoínaíue daide: “Tíidino ñúemaci fiénidimaci diga meine abido cáaitiaioi.” ¹⁶ Ie jira Juzíñamui uíecomo nífuenidimíena cue íllena jaca nágarui cue comeci ñue finófiredicue. Afe izói comini uícomo nífuenidimíena ícadicue.

¹⁷ Ja diga fimona jaínuiaimo cue maca meífomo, meine cue éniemo Juzíñamuimo fia fecaca úcube izáibiticue. Afe izói dúeredimacimo dúecaillano úcubena fécaibiticue. ¹⁸ Afe daií cue fecá llezica, cue comécimo ite íaífuiaí cue múiñuafuemo nícidoticue. Daií cue comeci nícidua meífodo afe úcube cue fecalle llezica, dárie Asia énie judíuai Juzíñamuimo gairíracomo cuena baitiaioi. Afénomo nai comínina figo íñena llezica íticue. Afénomo ite comínina jaca buna faillíñaitañedicue. ¹⁹ Afénomo cuena ciódino benomo cuemo jítaíbirediaioi, cuemo nífué íaioi nitáadi. ²⁰ Mei jaíáfodo nauí judíuai Nahí Ríillaini uíecomo cue illa llezica fiénidífué cuemo nauí íaioi báíadi, benomo ite aféfuena cacáidino mai jino lloiri. ²¹ Aféruillaído íaioi cígiri cue illa llezica dafue riire íaioimo lloticue. Daídicue: “Ja birui cuemo jicánotiomoí tíidimaci meine abido cáailífuemo cue íinua jira.” Dño Pablo úrite.

²² Félix Pablo daií dánana cacáillano, aféfuena dño fiénocaide. Afe Jesucrístomo díbenemo ítino finócafuiaina Félix ñue fibídimie. Ie jira aféfuena dño fiénocaide. Fiénocaillano daide:

—Fui llaíziraini illaíma Lisias dúciadi bie ómoimo ítifue afémie cuemo ñue jino llóite, —daide.

23 Iemona Félix, jabóidillaimana ocuúde Páblona nai zuitátañellena. Mei íadi ie comini ie uáiduaibillena rairuñede. Afe izói ie íaiói cánuaiBILLENA jeruñede. Afe daí Félix Pablo figo riire llavétañede.

24 Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jírítade Jesucrístomo ínuafuedo úrillena. 25 Afe ínuafuedo úrilla llezica Pablo ñue jaícina jáillifuedo úrite. Afe daje izói ñue comini íllena abi rairuínafuiai lloste. Ie émodomo írairuimo comini jicánollifue jino lloste. Aféfuiaina cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíríticueza, —daide.

26 Afe jáífue Félix, Pablo ie zuitalle úcube fecalle úiñote. Ie jira diga ícaíño Félix íena jírítide ie diga úrillena. 27 Mena fimona daí íhidiaíoi. Afe mei Félix ie illáimana illano fáicanocaide. Ie meífomo Porcio Festo illáimana jóonetiaíoi. Félix judíuai úicori ñue íacanamona llavécamié Páblona zuitáñeno oni jaide.

25

Pablo Festo úicori abi ríiduaíue

1 Ie meífomo Festo ja illáimana bite. Afe mei daruíamani íllamona Cesaréamona Jerusalemo jaide. 2 Dinomo lletáriraini illaini naa judíuai ríimaciri Páblomo íaiói nitácafuiái nane Féstomo llotíaíoi. 3 Jerusalemo abido Pablo oréllena izire jicádiaíoi. Pablo io anamo íaiói fallífueña maméritiaíoi. 4 Mei íadi Festo íaiói uaimo daide: Pablo nai Cesaréamo llaveca. Nano íanori íllamona afénomo nane jáíticue.” 5 Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo ní fue íadi dinomo íemo nítajirediomoi, —daide.

6 Festo afe Jerusalemo nano ocho níbai diez dígarui illa meífodo meine Cesaréamo bite. Afe jáíruido ie riire jicánoranomo ráinazaide. Páblona atítate. 7 Pablo afénomo jofa jáidemo, Jerusalémona como dúcide judíuai íemo áinozidiaíoi. Áinozillano aillo fiénide ráfuiai íemo nitádiaíoi. Mei íadi aféfuiaimo ínollifueña íñede. 8 Mei jira Pablo ie abi ríiduaíueña daide:

—Cue nie fiénidifueña finóñedicue. Judíuai ocuúcafuiái uáitaoíñedicue. Íaiói gairíraco ero bácañedicue. Daje izói romano caifóidillaíma uáillaina uáitaoíñedicue, —daide.

9 Mei íadi Festo judíuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiai dinomo cue jicánolleza? —daide.

¹⁰ Jira Pablo uai ote:

—Ja birui romano illaima uícomo náidadicue. Ja benomo cuemo nitácafuiai jicánorede. Mei judíuaimo nífuenidimiedicueza ñue onódio. ¹¹ Cue títate fiénidifue cuemo íadi, áfemona abi jáanoñeiticue, mei íadi nana cuemo íaiói nitácafuiai táinofue íadi, buna íaióimo cuena ríifuedo izájinide. Dama romano jamánomo ocuídillaima cuemo jícano daidicue, —daide.

¹² Iemo ie fidítatimíiáimo úrilla meífomo, Festo daide:

—Mei “Jamánomo ocuídillaima cuemo jícano” daidíioza, ie jira afe jamánomo ocuídillaimamo ona óreiticue, —daide.

Pablo illaima Agripa uícomo illafue

¹³ Diga irui illa meífomo illaima Agripa ie ai Berenice diga Cesaréamo Festo uáiduaide. ¹⁴ Afénomo diga irui itíaiillinoimona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. ¹⁵ Naui Jerusalemo cue jailla lezica, lletáriraini illaini, naa judíuai éicomíniri íemo íaiói nitácafuiai cuemo llotíaiói. Ie duere cue finótallena cuemo jicádiaói. ¹⁶ Jira íaiói uai oticue. Íaióina daidicue: Romano ríimaci íaiói fibilla izói, afefue nitádimie íemo nitácamié uícomo conímamo jofu eróicana nai úriñenia, nitácamiéna fañediaói. Afe daí táinofue nitácamié ie abi ríiduafuena finórede. ¹⁷ Ie jira afémaci benomo billa lezica, raire afe jáíruido cue jicánoranomo ráinazaidicue. Ráinazaillano afe cómena atítaticue. ¹⁸ Mei íadi afémiemo nitádino cue comeci daína izói nitáñediaói. ¹⁹ Daa íemo íaiói nitácafue fia íaiói inogafuiaiimo jaináidifue. Daje izói da Jesudo úritiaói. Afémiena tíide daidíaiói; mei íadi Pablo “Caade” daide. ²⁰ Mei aféfuena onóñedicueza. Nie izói aféfuena níbaíticue, daidicue. Jira Páblomo jicánoticue: ¿Jerusalemo meine jáiacadio dinomo omo nitácafuiai ñue jicánollena? ²¹ Mei íadi afémie jamánomo ocuídillaima Augusto íemo jicánollena jicade. Ie jira nai íena zuitáñedicue. Iena rairuídicue jáíruido afe caifóidillaimamo ie cue oréllena, —daide.

²² Jira Agripa Féstona daide:

—Cue jáí daje izói afe iima uaimo cacáreacadicue, —daide.

Jira Festo uai ote:

—Uire jiti cácaítio, —daide.

²³ Afe jítiramo, Agripa Berenice diga dúciillano, áillue gairíracu nana jofu jáidiaói, naa llazíraini illáiniri, naa jofue ríimaciri. Ua aillo ebire finóbillano jofu jáidiaói. Dinomo Festo Pablo júiritade. ²⁴ Afe mei Festo illaima Agrípána daide:

—Illaíma Agripa, nana cairi benó gairídinori, omoi cácarei. Bímiemo omoi eroi. Aillo judíuai afémiedo cuemo úritiaioi. Benó Cesaréamo cuemo úritiaioi; daje izói Jerusalem izire cuemo jicádiaioi. Jaca fáinocaiñeno ie titáacanafuena cuemo llotíaioi. ²⁵ Mei íadi afémiemo comeci facádícue, íadi ie cue titállífuena iñede. Mei caifóidillaíma Augusto íemo jicánollena dama jicade. Jira afémiemo íena oréllena mamédícue. ²⁶ Mei caifóidillaímamo afémie rafue cue cuellífuena iñede, ¿níífue mei cúeitícue? Ie jira, Agripa, bímie o uíécomo atídícue íemo omoi jicánollena. Afedo caifóidillaímamo cue cuellífuena ónoitícue. ²⁷ Mei cue comeci daide: Da llavécamié cue oréadi, íemo íaioi nitácafueña ónoñenia, nibai afefue táínofue, —daide.

26

Illaíma Agripa uícori Pablo abi ríiduafue llote

¹ Jira afe Agripa Páblona daide:

—O dama o abi ríiduafuena llórena, —daide.

Iemona Pablo como fueñe íaioímo úrite; daide:

² —Illaíma Agripa, cue abi ríidollífué o uícomo cue llólleri íóbídícue. Nana judíuai cuemo nitaca táínofuíai jino jaícina llóitícue. ³ Nana judíuai fibíllafuíaina ñue onódioza. Daje izói conímamo cai úrillafuena onódio. Aferi iere íóbídícue. Ie jira íaícana cue úrillamo o cacáreíllena jicádícue.

Pablo íemo itífué méíduafue uícomo fínócafuíai

⁴ ‘Nai cue úruenamona dama cue éniemo, daje izói Jerusalem íaioi cígírí nana judíuai cue illáfueña onódiaioi.

⁵ Daje izói cue jítócomenanomona fariseo ímiena cue íllana onódiaioi. Afémaci jitaia aféfuena jino llóredícue. Cai íinogafuíaimo afe fariséuai jamánomo riire jaináidino. ⁶ Íaioi íinogafue izói Juzíñamui tíidino meine abído cáatallífuemo íinotícue. Juzíñamui daje afe cáallífué cai jáíairagímamo llote. Afefue ícoínia biruí bie jicánollífuemo cuena atídíaioi. ⁷ Cai Israel doce nairai afe uícomo llogáuai fuizájillínomo úíñoidiaioi. Ie jira mona naio díga Juzíñamuimo ánozillano caimare úritiaioi. Afe izói íemo táíjidiaioi. Illaíma Agripa, afe bie daje úíñogafue ícoínia, judíuai fiénidífuíai biruí cuemo nitádiaioi.

⁸ ¿Níbái mei daí comeci facádiomoi? ¿Níbái mei afe Juzíñamui tíidino meine abído cáatallífuemo buna ínonide, daídíomoi?

Pablo nauí Jesucrístomo íinotíno rácafue

⁹ ‘Nazaret ímie Jesús mámecímo jaináidino duere cue fínótallena, nauí aféfuemo comeci facáoidícue. ¹⁰ Iemona Jerusalem ímácina duere fínótaticue. Lletáriraini illaini

riibiaido aillo Jesumo ñnotinona llavéracomo íbaicotadicue. Comini afe llavécamaci titáacana llezica aféfuena fairióticue. ¹¹ Diga icaiño íaiioina duere finódicue, íaioi ñnogafue féitallena. Afe duere finótafue naga llófueriracuaído daií finódicue. Afe ñnotinona jamánomo fiéniruidicue. Ie jira afémacina onínemaci jófuemo racádicue.

Pablo íemo itífue méidoinafue nane llote

(Hch 9.1-19; 22.6-16)

¹² Bie daií comeci mamérillafuedo Damasco jófuemo jáidicue. Lletáriraini illaini riibiaido comini llaitállena orécacue. ¹³ Mei íadi jáiciri ia iodo jáidicue, jamánomo monámona riire cuemo egáñoaide. Afe egáñua jitoma egáñua baimo meáirede. Cue abimo egáñoaide naa cuedo jáidinori. ¹⁴ Iemona nana éniemo baídicaí. Hebreo uáillaído monámona cuena daínana cacádicue; cuena daide: “Saulo, Saulo, ¿nibái mei cue racádio? O dama o abi fiene finódio. Aillue juráreto jiúrainomo ite jáirede razi. Afe rázimo juráreto záitacailla jilla izói, afe izói dama abi daií finódio” daide. ¹⁵ Jira uai oticue: “Ocuíraima, ¿mei o búdio?” Jira afémie cuena daide: “O racácamie Jesúsicue. ¹⁶ Mai náidacaillano macácana jai. Jae cuedo o táijillena omo cíocaidicue. Afemona birui o ciónafuemo uai nabáiraímana íitio. Ie meífomo jáíruido jáífuiái omo ácataiticue. Aféfuiaímo nane uai nabáiraímana íitio. ¹⁷ Ja judíuaimona jáíe jicáneziemo ona orédicue. Dinomo ona lláitaitiaíoi íadi ona jílloítaiticue. ¹⁸ Dinó afeno imácimo ona orédicue, íaioi comeci o zuitállena. Afemona, jítifodo íaioi macáñeno úzefodo íaioi macállena o orédicue. Daje izói nana íaiioimo ona orédicue Taife íaioi náamatañellena, mei íadi Juzíñamui dibéfomo íaioi jaináillena. Afe izói íaiioimo ona orédicue cuemo íaioi ñnollena. Iemona íaiioimo ite fiénidífuiaí dóficaite. Afe fiénidífuiaína dóficaídino íaioi feci raa máíñoítiaíoi naa jáíe Juzíñamui ñue finócamaciri,” daií Jesús cue ocuide.

Nicaí anado Jesús íemo ocuícavaí Pablo jeire ote

¹⁹ Mei jira, illaíma Agripa, monámona cue cacánafuena jámairuíñedicue; mei íadi áfena jeire uano fueñe Damasco imácimo afe úrilla uai jino lloticue. ²⁰ Afe meífomo Jerusalén comínimo daje izói nana judea éniendo llócaidicue. Afe izói jáí judíoñedinomo llócaidicue. Nana íaiioimo itífuiái íaioi meídollena riire lloticue. Iemona Juzíñamui dibénemo íaioi íficaillena íaioi llófueticue. Níufuiaído íaioi macállena lloticue íaiioimo ite meídogafue jino ácatallena. ²¹ Afe bífuiaí cue llua ícoínia, judíuai Juzíñamuimo gairíracomo cuena llaitada fáiacadiaíoi. ²² Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri

Juziñamuido úricaidicue. Moisés llua izói lloticue. Jaiai uai jino llóraini llua izói llófueticue. Nana íaioi lloga caimo íficaitífuiai jino lloticue. ²³ Jaiai ninomo uícomo llotíaiói: “Cristo duere finólleza,” daidíaiói. “Afe meífomo tíite; tíillano meine abido cáate. Afe daí fueñe tíidimiemona meine abido cáaitimiena maméllimieite.” Daí aféfuena daidíaiói. Afe emódomo jíáfue daide: “Cristo cáaillemona, comini jílloillifue jino llóite. Ua cai náiraimo llóite. Daje izói jíáie náiraiaina fidítaite,” —dinó Pablo úrite.

Pablo Agripa Jesucristo dibénemo jaináillena llote

²⁴ Daí Pablo afe abi ríiduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ífoci uáiritaide, —daide.

²⁵ Jira Pablo uai ote:

—Fígomie Festo, cue uáiricoiñedicue. Mei jíáfodo cue daináuai ñue comécido facádorede. Aféfuiai uafue. ²⁶ Benori illaíma Agripa íte, bífuiaína ñue onódimie. Ie jira comeci mánainafuedo afémie uiecori úriticue. Afémie nana bífuiaína íe onónana ñue onódicue. Afémie nana bífuiai báinino izúgumo lloñégaza onode. ²⁷ Illaíma Agripa, ¿uai jino llóraini llogáuaimo ínotio? O ínuana onódicue, —daide Pablo.

²⁸ Jira Agripa daide:

—¿Jesucristomo afe dibénemo cue jaináillena raire cuena íficaitaacadio? —daide.

²⁹ Jira Pablo íena daide:

—Raíre Crístomo jaináidimiena o íficaiadi, o are íllamona Crístomo jaináidimiena o íficaiadi, nai birui Juziñamui uailai ñue jeire o ollifue jicádicue. Afe izói dama óieñedeza mei íadi cue Jesucristomo ínuua izói nana cue úrillamo cacáreidino Crístomo ñue ínotinona jitáidicue. Mei íadi llójeina cue máina izói ómoina maitátaacañedicue, —daide.

³⁰ Pablo aféfuiai llua meífomo, illaíma Agripa caífo náidacaide, afe caífoídillaíma Festo díga. Afe llezica íe ai Berenice nana dinó ráíiedino díga caífo náidacaidiaíói.

³¹ Náidacaillano bai eneno jáidiaíói aféfuiaído úrillena. Dinomo jofo conímana daidíaiói:

—Baíe cómemo íe títállifuena íñede. Daje izói llavéracomo íe llavéllinona íñede, —daidíaiói.

³² Jira Agripa Féstona daide:

—Bímie nauí jamánomo ocuídillaíma íemo jicánollena jicáñeniadi ja birui zuitárede, mei íadi báillaímamo jicádeza zuitánide, —daide.

27

Pablo Rómamo oréinafue

¹ Pablo Itáliamo oréillifue mo maméritiaioi. Iemona Pablo naa jáie llavécamiari jabóidillaíma Júliomo izájidiaioi. Afémie Augusto llazíraini igüéllimo jainaide. ² Iemona Adramitio ígobemona áillue nocaedo jáizaidicai. Afecae nana Asia énie ígobiaido zójicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue. ³ Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuíño ie onóigamilaína uáiduajitade. Afe daí ie onóigamilaína Pablo jitaica raana fecárediaioi. ⁴ Sidón ígobemona jáidicai. Jaillano monáillai cigi idu Chipre jarífezimo fiéoicaidicai, mei jairifo jáífodo cai ñuitáocaillamona. ⁵ Dinómona Cilicia énie áinodo Panfilia énie diga baido monaillai cigido jaitádicai. Afe mei Licia éniemo ite Mira ígobemo zójidicai.

⁶ Dinomo llazíraini illaíma Alejandríamona bite, Itáliamo jáizaide áillue nocaena cíozaide. Afécaemo afémie caína nana jofo orede, afénomona afécaedo cai jáillena. ⁷ Dinómona diga irui fiaicana juare jáidicai. Icoimo Gnido jofue féifenemo dúcidicai. Mei jairifo nai jáífodo oni cai ñuitáocaillamona monaillai cigi idu Salmón féifenedo jáidicai. Ie jira monaillai cigi idu Creta onido nefícana jáidicai. ⁸ Afe monaillai fue áinodo fiaicana juare jáidicai. Icoimo Buenos Puertos mámeciredinomo dúcidicai. Afégobe Lases jofue áinori ite.

⁹ Jae diga iruillai fia fiaicana jáidicai. Iemo ja uácimo áinozidicai. Iemona monaillai cigido cai jaitalle jamánomo jacírede. Ie jira Pablo íaioína izire llote; ¹⁰ daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai ñibai coróbaizaiticai, —daide.

¹¹ Mei íadi llazíraini illaíma nocáe naama jáiacanafue Pablo daínafue baimo jeire ote. Daje izói afecae illaíma daína uai llazíraini illaíma jeire ote. ¹² Afégobe uáiciai úiño llena figo jínoíñede. Ie jira nana comécido daidíaioi: “Ñibai Fenice ígobemo jáidicaina figura izoide,” daidíaioi. Afégobe Creta énie mona icoi dibénemo ite. “Afe dinomo uáci záillena úiñoiticai,” daidíaioi.

Monáillaimo jamánomo ritrede jairifo noci diga jáiñuafue

¹³ Afe jáíruido mona átue dinena jairifo fiaicana fúuoide. Jira áfemo ínotiaioi ruica íaioi jáitallena. Afemona jáizaidicai.

Afe Creta énie áinodo jáidicai. ¹⁴ Mei íadi due afe meífodo riírede jairifo cai jailla nocáe riire ñúitabite. Ua afecae riire aiñóicaide. ¹⁵ Mei cai jáiacananomo jáinina jira, “Dama jairifo niné uigacai,” daidíai. ¹⁶ Iemona duera monaillai cigi idu Clauda jinófenedo jáidicai. Dinomo jairifo caina riire fúuoiñede. Ie jira cai abido uiga dúecae, fíaicana juare caifo bitádicai. ¹⁷ Dúecae bita meífomo, áillocae jéerie ñécigaido riire jofo mozidicai. Afe mei guamáeaimo íai. ¹⁸ Afe meífodo dáii jacírui. Afe guamáeai mámece Sirte. Afe jágiedo íai. ¹⁹ Afe meífodo dáii jacírui. Afe guamáeai mámece Sirte. Afe jágiedo íai. ²⁰ Afe meífodo dáii jacírui. Afe guamáeai mámece Sirte. Afe jágiedo íai. ²¹ Afe meífodo dáii jacírui. Afe guamáeai mámece Sirte. Afe jágiedo íai. ²² Afe meífodo dáii jacírui. Afe guamáeai mámece Sirte. Afe jágiedo íai. ²³ Afe meífodo dáii jacírui. Afe guamáeai mámece Sirte. Afe jágiedo íai. ²⁴ Afe meífodo dáii jacírui. Afe guamáeai mámece Sirte. Afe jágiedo íai. ²⁵ Afe meífodo dáii jacírui. Afe guamáeai mámece Sirte. Afe jágiedo íai. ²⁶ Afe meífodo dáii jacírui. Afe guamáeai mámece Sirte. Afe jágiedo íai. ²⁷ Afe meífodo dáii jacírui. Afe guamáeai mámece Sirte. Afe jágiedo íai. ²⁸ Afe meífodo dáii jacírui. Afe guamáeai mámece Sirte. Afe jágiedo íai. ²⁹ Afe meífodo dáii jacírui. Afe guamáeai mámece Sirte. Afe jágiedo íai.

²¹ Ja diga iruillai güiñeno iticai. Ie jira Pablo íai. ²² Ja diga iruillai güiñeno iticai. Ie jira Pablo íai. ²³ Ja diga iruillai güiñeno iticai. Ie jira Pablo íai. ²⁴ Ja diga iruillai güiñeno iticai. Ie jira Pablo íai. ²⁵ Ja diga iruillai güiñeno iticai. Ie jira Pablo íai. ²⁶ Ja diga iruillai güiñeno iticai. Ie jira Pablo íai. ²⁷ Ja diga iruillai güiñeno iticai. Ie jira Pablo íai. ²⁸ Ja diga iruillai güiñeno iticai. Ie jira Pablo íai. ²⁹ Ja diga iruillai güiñeno iticai. Ie jira Pablo íai.

—Nana omoi cácarei. Naui Crétamona jáiñeiticai cue daina uaina jeire oñédiomoi. Afe cue daina uaina ñue ínotiomoinia bie izói duere zefuñedicai. Daje izói nana cai atica ráaniai niné táinocaiñede. ²² Mei íadi, birui omoi jacíruiñeno iri. Bie no-caena niné táinocaita mei íadi ómoimona buna tíñeite. ²³ Mei ja naio Juzíñamui oreca ie abi ímie cuemo daízabite. Afe Juzíñamui jaináidimedicue. Afe izói íemo táijidimedicue. ²⁴ Afe oreca abi ímie cuena daide: “Pablo, jacínaiñeno iri. Romano jamánomo ocuídillaima uícomo náidazaitioza. Ie jira o illa ícoinia nana nocaedo odo jáidinona Juzíñamui tíllinomona jíllotaite.” Dinó Juzíñamui oreca ie abi ímie cuena daide. ²⁵ Ie jira abí omoi mameri. Juzíñamui uaimo ínoticueza. Ie oreca ie abi ímie cuena daina izói bie cai duere zefuúllafuemonas ñue jino jáiticaiza. Afe bífuena ñue onódicue. ²⁶ Mei íadi benómoma daa monaillai cigi ídumo jairifo caina nétaite, —daide Pablo.

²⁷ Mena semana cai jailla meífodo daa naio Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódia. ²⁸ Jira níe dinó afórede dainano facádia. Facádiaimo treinta y seis metros afórede. Nane afe baímo dáanomomo facádia. Ja veintisiete metros afórede. ²⁹ Noficiaimo íai. ³⁰ Noficiaimo íai. ³¹ Noficiaimo íai. ³² Noficiaimo íai. ³³ Noficiaimo íai. ³⁴ Noficiaimo íai. ³⁵ Noficiaimo íai. ³⁶ Noficiaimo íai. ³⁷ Noficiaimo íai. ³⁸ Noficiaimo íai. ³⁹ Noficiaimo íai. ⁴⁰ Noficiaimo íai. ⁴¹ Noficiaimo íai. ⁴² Noficiaimo íai. ⁴³ Noficiaimo íai. ⁴⁴ Noficiaimo íai. ⁴⁵ Noficiaimo íai. ⁴⁶ Noficiaimo íai. ⁴⁷ Noficiaimo íai. ⁴⁸ Noficiaimo íai. ⁴⁹ Noficiaimo íai. ⁵⁰ Noficiaimo íai. ⁵¹ Noficiaimo íai. ⁵² Noficiaimo íai. ⁵³ Noficiaimo íai. ⁵⁴ Noficiaimo íai. ⁵⁵ Noficiaimo íai. ⁵⁶ Noficiaimo íai. ⁵⁷ Noficiaimo íai. ⁵⁸ Noficiaimo íai. ⁵⁹ Noficiaimo íai. ⁶⁰ Noficiaimo íai. ⁶¹ Noficiaimo íai. ⁶² Noficiaimo íai. ⁶³ Noficiaimo íai. ⁶⁴ Noficiaimo íai. ⁶⁵ Noficiaimo íai. ⁶⁶ Noficiaimo íai. ⁶⁷ Noficiaimo íai. ⁶⁸ Noficiaimo íai. ⁶⁹ Noficiaimo íai. ⁷⁰ Noficiaimo íai. ⁷¹ Noficiaimo íai. ⁷² Noficiaimo íai. ⁷³ Noficiaimo íai. ⁷⁴ Noficiaimo íai. ⁷⁵ Noficiaimo íai. ⁷⁶ Noficiaimo íai. ⁷⁷ Noficiaimo íai. ⁷⁸ Noficiaimo íai. ⁷⁹ Noficiaimo íai. ⁸⁰ Noficiaimo íai. ⁸¹ Noficiaimo íai. ⁸² Noficiaimo íai. ⁸³ Noficiaimo íai. ⁸⁴ Noficiaimo íai. ⁸⁵ Noficiaimo íai. ⁸⁶ Noficiaimo íai. ⁸⁷ Noficiaimo íai. ⁸⁸ Noficiaimo íai. ⁸⁹ Noficiaimo íai. ⁹⁰ Noficiaimo íai. ⁹¹ Noficiaimo íai. ⁹² Noficiaimo íai. ⁹³ Noficiaimo íai. ⁹⁴ Noficiaimo íai. ⁹⁵ Noficiaimo íai. ⁹⁶ Noficiaimo íai. ⁹⁷ Noficiaimo íai. ⁹⁸ Noficiaimo íai. ⁹⁹ Noficiaimo íai. ¹⁰⁰ Noficiaimo íai.

mona monaille úiñotiaioi. ³⁰ Afe llezica afecae marinéruai “Bie áillocameña mai cai botalli” dani conímana daidíai. Afe daií íai. Botácanamona emódomo bitaca dúecae ana jáinoimo agüñetiaioi. Afe llezica jáímacina jífueacana daidíai: “Bie dúecaedo áillocae ifo dibécaemo jáie cuinara lloélloici dótaíticai,” daidíai. Daií afe nocáe ana agüñiadao jífuercadiaioi. ³¹ Mei jira Pablo llaizírini illáimamo naa ie llaizírini lluno daide:

—Baimaci bie nocaemo fiébiñeno botáadi ómoimona buna jílloneilleza, —daide.

³² Ie jira llaizírini dúecae agüina ñécigai jaitadiaioi, afecae illemo baiíllena.

³³ Afe monáidemo Pablo íai. Ina daide:

—Mai omoi güiri. Ja mena semana güiñédiomoi; inñédiomoi. ³⁴ Izire ómoina güitátaticue. Afe omoi güille jítaírede ñue omoi jílloneilleza. Uafue ómoimona buna córobaiñeite. Daje izói omoi abímona minícana due jiza báíñeite.

³⁵ Daií dainano, Pablo daa pan llínuano nana comini eróicana Juziñamuina “Iere figura” daide. Daií ñiano afe pan dítaide güite. ³⁶ Afemona nana náreficaidiaioi. Afe daje llezica jáino güitíaioi. ³⁷ Afe áillocameño doscientos setenta y seis dígamiedicai. ³⁸ Ja íai. Güiacaga güille güilla meífodo, fiébide trigo illemo dotadiaioi, afecae féecocaillena.

Afecae buíllafue

³⁹ Jae monáidemo, afe éniena onóñediaioi, mei íadi guamai diga ñue itízuguaina cíodiaioi. Onóñegaza afénomo íai. Zíjizaillena maméritiaioi. ⁴⁰ Iemona afecae cuinaina lloélloici igai jaitadiaioi. Afe lloélloici monáillai anamo fiébicaide. Afecae datara jairábai zuitadiaioi. Afe mei afecae uite iniroi ifófecaemo caifo jairífomo jónetiaioi. Iemona afecae oni guamáemo áinozioicaide. ⁴¹ Mei íadi mena meine ábiedo totínuaímo dúcidiaioi. Iemona afecae afénori ite guamáemo bíjide. Ifófeca afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga. ⁴² Jira afécaemo ite llaizírini llavécamiái fáiacadiaioi, “Íhi bótaítiaioi” dainano. ⁴³ Mei íadi afe llaizírini illaíma Julio Páblona jíllotaacade. Mei jira íai. Ina fatátañede. Jáífodo ocuide nana íana onódino illedo ícana riire uícomo dúcillena. ⁴⁴ Jáímaci íana onóñedino afe nocáe lláicoizillabici emódodo jáitate. Daií nana oni fuédamo dúcidiaioi. Afe daií ñue jíllodiaioi.

¹ Nana ari éniemo ñue jíllobicaidicaimo, afe monaillai cigi idu, comini cai llúamona Máltana mámecirenana onódicai. ² Afedu nairai ñue caina llínotiaioi. Aillue irai bonódiaioi noci jáiñua rozirena jira. Aferai bónuana nana caina: “Mai omoi agázaibi” daide. ³ Afe llezica Pablo záfegai llínota aférimo jóoniaide. Aferai uzire cácanamona titade jaio jino billano Pablo onoi ainide. ⁴ Afedu nairai afe jaio ie ónoimo agúinana cióillano, conímamo llotiaioi:

—Ñibai baie iima come fáfiredimie. Meiti monáillaimona ñue jillode íadi, Juziñamui jaicina jóidifue nana comínimo onótaiacanamona íena raamo jiritate ie jilloiñeillena, —daí daidíaioi.

⁵ Mei íadi Pablo afe jaio iraimo jaidínota dotade; íena ñue izói nibáiñede. ⁶ Nirui íena fáitaite dainano áfemo nana ocuúridiaioi. Jáifodo ñino llezica íena ana dotada titaite daidíaioi. Mei íadi íena ja are úiñodiaioimo ñe izói íena nibáiñede. Ie jira nano comécido íaioi daináuai jáifodo meídotiaioi. Iemona bie Pablo Juziñamui izóidimie daidíaioi.

⁷ Afe áinori afedu illaíma Publio illánuiái ite. Dinomo daruíamani afe Publio caina ñue llínote. Cai jitaica raana ñue caimo fecade. ⁸ Aféruillaído afe Publio moo irárede. Bírallumo diga irui bíifirede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juziñamuimo íena jicade. Daí ie jica mei Pablo onoi íemo bitade. Iemona afémie jíllobicaide. ⁹ Afena íaioi fidínamona nana afédumo ite iráredinuiái Páblomo atidiaioi. Iemona nana jillozitiaioi. ¹⁰ Aferi ióbillano aillo ñúefuiai caimo nitádiaioi. Afe mei nane dánomo cai jáiacanaruimo, nana cai jitaica ráaniai caimo atidiaioi.

Pablo Rómamo dúcinafue

¹¹ Afe monaillai cigi ídumo dauíamani iticai. Afe meífodo, jáie nocaena cióizaidicai. Afecae nauí bie ídumo uáici zaille dino úiñote. Dinómona afecae jáillado ruica jáidicai. Afecae Alejandría jófuemona bite. Afecae ífomo mena taino juziñamui uiécona cuega. Afe íaillinoi mámecei Castór Pólux. Afecae aféillinoína náamaredena mameide. ¹² Dinómona Siracusa ígobemo dúcidicai. Afégobemo daruíamani iticai. ¹³ Dinómona fueda áinodo Regio ígobemo jáidicai. Afe jáíruido jairifo mona átue dinena billamona Régiomona jáidicai. Ja ménarui íllamona Puteoli ígobemo dúcidicai. ¹⁴ Afénomo ite ámatiai cióizaidicai. Íaioi diga da semana cai íllena jicádiaioi. Afe mei ja Rómamo jáidicai. ¹⁵ Jae Rómamo ite ámatiai cai billáfuenta uícodo fidídiaioi. Ie jira io anamo conímamo caimo dúciillena uícomo bitiaioi. Conímamo íaioi dúcinano “Foro de Apiona” mameide. Jáifodo daina, Apio iomo ite fecáriraco. Jáino mámecei

“Tres Tabernas.” (Afe mámecei dobáiñuano daina Daámani Dúcirachupi.) Afénuiaimo Pablo éroicaillano Juzíñamuimo “Tere figura” daide. Iemona Pablo comeci caimare íficaide.

¹⁶ Ie mei Rómamo dúcidicaimo llazíraine illaíma Julio ie uiga llavécano rairuídino illáimamo izájide. Mei íadi Pablo oni eneno dama ícomo uiga. Afénomo daa llazíraima íena rairuide.

Pablo Rómamo Juzíñamui uai jino llote

¹⁷ Rómamo íaioi dúcinamona daruíamani íllamona Pablo Roma judíuai illaini jírítade. Íaioi gairilla llezica Pablo íaioina daide:

—Amatiai, judíuaimo fiénidífue lloñédicue. Afe izói cai jaiáidigíma fibíllafuena uáitaoíñedicue. Mei íadi Jerusalemo romano comínimo lláitano izájigacue. ¹⁸ Dinomo cuemo íaioi jicánua mei, cuena zuitáacadaíaoi cue íaioi titállifue íñena jira. ¹⁹ Mei íadi judíuai jíáífodo cuena zuitátañediaíoi. Ie jira romano jamánomo ocuídillaíma cuemo jicánorena daidicue. Mei íadi afe llezica cue náiraímo cue jíitállifuena íñede. ²⁰ Mei jira omoi díga cue úrillena jíriticue. Mei cai bie daje Israel náiraídicaí. Daje cai Mesías billífuemo comécidicaí; daje izói meine abido cai cáailífueмо úíñoidicaí. Afe cai úíñoigafue ícoiniadi birui benó llavécameí cue llavéinana ja ciódiomoíza.

²¹ Jira íena daidíaíoi:

—Jaca daabe o finócafuiai lluabe caímo dúcíñede. Daje izói afénomona bite ámatiai judíuai o mámeceido fiénidífuiaína nítaíbiñediaíoi. ²² O comeci fácafuiaímo cacáreacadicaí. Mei náganíiaímo afe bie comue Jesumo jaináidinona onódicaíza uáitaoídiaíoi, —daí íena daidíaíoi.

²³ Ie jira meine íaioi cacáillirui mamédiaíoi. Afe maméinaruimo aillo nairai Pablo illácomo nane gairízaíbitiaíoi. Jítiramona ua nauízaidemo Pablo Juzíñamui illáimana illafue íaioímo llote. Moisés ocuica uáillaído Pablo Jesús díbénemo íaioína ínotaacade. Afe llezica Juzíñamui uai jino llóraini cuega uáillaído Jesumo íaioína ínotade. ²⁴ Dárie Pablo llogáfuemo ínuaidiaíoi, ie mei jíáímaci íñoiacañediaíoi. ²⁵ Mei íadi nana dáafuemo coméciíñenamona raízítiaíoi. Como raíacadaíaoímo Pablo íaioína daide:

—Ñuera Joreño cai jaiáidigímacímo uai jino lloraíma Isaíado ñue úrite. Afémie daide:

²⁶ Baimácímo bifue llujíri, daide:

Omoi uafue aféfuena cácaítímoí íadi áfena óñoñeítímoí.

Omoi uáfuena cíoitímoí íadi ñue fídiñeítímoí.

²⁷ Mei bie comíni comeci meine fiéni rírenamona bie ñúefuena óiacañediaíoi.

Íaioi ífocí jíaiainamona fiéni cacádiaíoi.

Íaiói uíjiaí nitáoidiaíói daní íaiói uído áfena íaiói cíói dáii.

Daje izói íaiói jefodo cácañeillena jefo íbáidiaíói.

Afe izói comécido cacáacañediaíói.

Daje izói meine cuemo bíacañediaíói, íaiói cue jíllotallena, —daí

Isaías daide.

²⁸ Bifue omoi onoiri: biruímona bie Juzíñamui lloga jíllóillifue judíoñedimacimo llujáiga. Aféfuemo afémaci ñue cacáreitíaiói, —daide.

²⁹ Pablo daí dánamona, judíuai aillo conímamo úricana jáidiaíói.

³⁰ Afénomo Pablo ie íbaca jofomo mena fimona fuitade. Nana íemo ráfuaí jicánuaíbífiredinona ñue caimare líinofirede. ³¹ Aféruillaído Pablo Juzíñamui illáimana illafue jino uáfodo comínimo llote. Afefue ie jino llole rairuide cómena íñede. Daje izói Ocuíraíma Jesucristodo diga irui llófuerite. Aféruillaído ie llófuerilla buna llótaidoñede. Mai. Jae níie.

ROMA COMINIMO SAN PABLO ORECABE

La Carta del Apóstol San Pablo a los Romanos

Pablo Rómamo ite Jesumo ñnotinomo cuete

¹ Cue Páblodicue; Jesucristo ocuífíregamiedicue. Juzíñamui cuena uáiduano eneno cuena nizede ie jílona uai jino llóllena. Ua afémie orécacue; Juzíñamui mamécamedicue.

² Afe bie jílloñafue Juzíñamui jaiiai ninomo uícodo ñuera Cuegáuaímo, ie uai llórainido jino llotátate. ³ Afe jílloñafue cai Ocuíraíma Jesucristodo úrite. Afémie Juzíñamui Jitó. Iemo jíaí afémie cai come izóidimie. Afe Jesucristo jaiiai illaíma David méifoidigimamona jocócamie. ⁴ Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza. ⁵ Juzíñamui Jesucristodo, ñúefuena cuemo itátate. Aferi iere ióbodicue. Afefue cuemo illano, iere cuena canode, ie mámeçido oni jíaínomo ie orécamiéna cue íllena. Bie cue ióbillafue ie mámeçido oni jíaínomo cue oréllena. Afe cue oréinamona naga náiraíaido aillo Jesumo ñnotinona iite. Daje izói ie uaina jíéruitinona iite. ⁶ Afémacimona Crísto mo ñnotinona itíomoi za. Ie jira Jesucristo íeiena omoi íllena, Juzíñamui eneno omoi nizede.

⁷ Mei jira nana ómoímo cueticue Roma jófuemo itínodiomoi. Juzíñamui izíruigamacidiomoi. Afémiemo omoi ñue jaináíllena eneno uáidogamacidiomoi. Iemo ite caimátaíllafue, naa comeci caimare uái íllafue díga ómoímo fécaíteza. Nana bífuíai cai Moo Juzíñamui cai Ocuíraíma Jesucristo díga, ómoímo mámeíteza.

Pablo Rómamo macáacade

⁸ Nana ómoíri fueñe Jesucristodo “Iere figora,” cai Juzíñamuina daiífiredicue. Ua daií daídícue mei nágagobiaído ómoímo ite ñuera ñnogafuedo úritiaíoi. ⁹ Jaca nana cue comécido Juzíñamuimo táijidicue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoímo uibíoiífiredicue. Aferi Juzíñamui cue uai nabáidimie. ¹⁰ Bie ícoi iruimo ómoímo cue jáíllena Juzíñamuimo jicáfiredicue. Ua Juzíñamui comeci jitaia, níbai níbéfodo ñue cuena óreite, ómoímo cue macájíllena. ¹¹ Mei ómoína cíacadicue, Crísto mo omoi ñnogafuíaí cue cánuamona, ñue riire jaícina omoi íllena. ¹² Ua bie ñnogafue cuemo íteza ja

ómoimo ite. Afe Juzíñamui mo cai ñinogafuedo conímamo cai úrillamona, conímaiaina comécina caimare náiretaíticai.

¹³ Juzíñamui mo ñinote ámatiai, diga icaiño omoi diné cue jáiacanafue ómoina cue cióillena, ómoimo fidítaacadícue; mei íadi nai jaca jáinidícue. Omoi diné jáiacadícue ómoimona jáíimacina Jesumo jáináitallena. Ua jeede ria lízie jofo ua izói, afe izói Jesús uaimo ñinotina itátaacadícue. Oni jáígobiaimona dáarie cue itata izói, daje izói, ómoimona itátacadícue. ¹⁴ Mei cue naga cómemo ñúefuena cue llóllena iere jítáirede. Ua iere baitádinomo llóredícue; daje izói abina onóñedinomo daa fiéñeno llóredícue. ¹⁵ Iemona afe izói cue dibénedo nana afe jílloilluui ómoimo jino ñue lluáíbiacadícue, jica Rómamo itíomoi íadi.

Ñúefue riírede

¹⁶ Bie ñúefue uai jino cue llólleri méairuñeíticue, mei aféuaimo ite Juzíñamui ríino nana áfemo ñinotino jílloillena. Nano fueñe judíuaina jílloitaite, ie mei daje izói judíuainédinona jílloitaite. ¹⁷ Bie jílloilluui Juzíñamui anamo ñue jaícina cai íllena caina fidítate. Dama Jesumo cai ñinogafuiaido Juzíñamui anamo ñue jaícina íiticaí. (Abi diné jáíiena íñede.) Jaiaí Cuegáuui daí daide: “Ñinogafuedo Juzíñamui anamo ñue jaícina itímie, zíñona cáate.”

Nana énie nairai íaioi fiénidífuiaí ícoínia ite

¹⁸ Mei monáimona bite Juzíñamui iere izire duere fínuafue nana fiénidinomo, naa comécina jáícinaíñedinomo jaiaí zúillana, ja birui fidídicaí. Dani íaioimo ite íaífuedo ua ráfuena ónuana rairuíaiaioi. Daje izói afémaci jáíimacina ua ráfuena onóillena jeruíaiaioi. ¹⁹ Cai onoiga Juzíñamui dibénemo itífuena daje izói ñue onódiaioi; mei dama afémie íemo itífuena nana caimo ciótateza. ²⁰ Juzíñamui mo ite ie cióñena raa, ie finócafuiado caimo ónorede. Jaca énie fínuaruimona afémie nahí Juzíñamui nana uáfodo ónorede. Daje izói afémie jaca ríinoredeza uáfodo ónorede. Bífuiaina comini náfuéñediaioi; íemona dani íaioi ícoínia daí ite. ²¹ Mei Juzíñamuina onódiaioi íadi, íemo nitárede ñúefuina íemo nitáñediaioi. Daje izói íena “Figora” daífinidiaioi. Mei jáíifodo ráfiñede raamo comécidiaioi. Iaioi abina onótatañede comeci jítifomo fiébicaide. ²² “Nimárainidicaí” daífirediaioi íadi, abina onóñedinona jáidiaioi. ²³ Ziiño Juzíñamui mo ite ebíredífuena ziiñoñede come jánaraina méidotiaioi. Afe baímo figóñede jánaraina finódiaioi. Féedinuiai jánaraina finódiaioi. Jaizai

jánaraina finódiaioi. Táicaide rille jánaraina finoda jeire otíaioi.

²⁴ Ie jira Juziñamui íaioimo ite fieni comeci óiacanafuemo íaioina zóofete. Daií afémaci dani jofo conímamo méaifuiái finódiaioi. ²⁵ Juziñamuimo ite ua ráfuenta íñoño tainofuiái jeire otíaioi. Afe emódomo ie finoca raamo ñúefue nitádiaioi, mei íadi fueñe afe finode Juziñamuimo ñúefue nitáñediaioi. Daje izói ie finoca raamo caimare ánozioidiaioi, mei íadi nahí Juziñamuimo cáimadoñediaioi. Bie Juziñamuina jaca ninomo cáimadoaredicai. Daií íteza.

²⁶ Mei jira Juziñamui jiáie meáire comeci óiacanafuemo íaioina zóofete. Ringóniai daa íaioi ini diga íllana féitatiaioi; féitano aillo méaifuiái jiáinori otímaci. Juziñamui ringóniai jóonia izói íacaño afe jóoniafuenta uáitatiaioi. ²⁷ Daje izói íññiai daa ringo diga ñue íllana féitatiaioi. Féitano fieni illáfuedo íaioi abi bóobicaide, conímaiaimo fieni finóllena. Afe íññiai conímamo méaifuiái finódiaioi, íemona dani afémaci abímona comuídifueri duere zefuídiaioi. Bie izói Juziñamui íaioina duere finótate, dani íaioi comeci ífue jaícina jóiñena ícoinia.

²⁸ Ja mei Juziñamuina onócañediaioi, jira íaioi comeci jaícina jóiñenafuemo Juziñamui zóofegaiaioi, Juziñamui rairuícafuiái finódimaci íaioi íllena. ²⁹ Afémaci naga íaifuiáimo itíaioi; comeci jaícinaíñenafuemo itíaioi. Daje izói jiruúrenafuemo itíaioi; fieni jítainafuiáimo itíaioi; naga ráaniaina óiacanafuemo naa fiénidifuiái diga itíaioi. Daje izói afémaci úradorifiredino; come titáfiredino. Fuiríllafuedo úritiaioi. Jífuemarifirediaioi; ñúeodo jáiñedino. Táinona conímamo fieni úrifiredino. ³⁰ Afémaci jiáima jánana fieni úritiaioi. Juziñamuina éoidiaioi. Daje izói ríimacimo náfueñediaioi. Tainofuiáimo comécidino. Daje izói fieni abi íñnotino. Fiénidifuiáimo comeci facada finófirediaioi. Íaioi úruiai móotiai ocuúcafuenta jeire oñediaioi. ³¹ Afémaci abina onócañediaioi. Íaioi daina izói finófinidiaioi. Buna duéruiñediaioi. Caimare uáiduano íba oñellena onóñediaioi. Daje izói afémaci jiáimamo dúecañediaioi. ³² Juziñamui ocuúllana ñue onódiaioi, íadi óiacañediaioi. Afe nana bie fiénidifuiáimo itino jaca zíñona duere finólliaioiza, áfena jiái onódiaioi. Onódiaioi íadi aféfuaiaina féitaño nai uícadiaioi. Nane bie emódomo jiáimaci afe fiénidifuiái finua llezica, íaioina: “Caimare bie izói cai illi,” daidíaioi.

2

Juziñamui nahí uafue daina izói comínimo riire jicánote

¹ Jiáima fieni illafue riire o jicánollena íñede. Naga come “Cue nífuenidícue” daíñidiaioi. Nana omoi dáafuemo itíomoi. Mei jiáimamo ite fieni illafue riire o jicánua llezica, dama

o abi duere finótaitio. Aféfuena riire jicánotio íadi, o jíái dáafuiaiimo itio. ² Mei jíi, bífuiaiimo itino Juzíñamui duere finótaja llezica, afémie nahí uafue daina izói riire jicánoteza, áfena onódicai. ³ Mei o, jíáima fieni illafue riire o jicánua llezica, o jíái daje izói dáafuiaiimo itio. Daí o illa llezica “Juzíñamui ie duere finóllifuemona nibai cuena jíllote,” ¿daíio? ¡Jílloneitio! ⁴ ¿Juzíñamui omo zíñona fuiñede dúecaillafuena jámairuitio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úbicaiñedeza, ero ua? ⁵ Mei o, comécina iere riiredioza. O comeci ífuena méidoacañedio. Iemona o duere finóllifuiaina aillo ofítaoicaidio. Ua Juzíñamui cíocaizaibilliruimo o jaícina jóoide duere finuafue jino omo llóite. ⁶ Aféruido naga come dani íaioi finócafuiái izói, íaioimo ibátaite. ⁷ Aféruido ebíredifue jenódinomo, zíñona cáataitino íaioimo iite. Daje llezica, nana Juzíñamui íaioimo ñúefue nitállena jenódinomo, naa zíñona illa raa jenódino diga, Juzíñamui zíñona cáataitino íaioimo fécaite. Aféfuiaina jenódiaioi, mei nágarui féitañeno ñúefue dibénemo ífirediaioi. ⁸ Mei íadi aféruillaído nana fieni abi ínotinona, Juzíñamui duere finoite. Daje izói nana ua ráfuena jeire óiacañedinona Juzíñamui ie riífuedo duere finoite, fiénidifuiái jeire íaioi ua jira. ⁹ Nana fieni mácafiredinomo aillo duere zefuillifue iite, naa jamánomo íaioi comeci zúunaillifue diga. Nano fueñe daí judúuaimo iite; ie mei jíái daje izói judúuaiñedinomo cómuite. ¹⁰ Mei jíáifodo ñúefuiai finódinomo, Juzíñamui íemo iite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daí judúuaimo iite, ie mei jíái daje izói judúuaiñedinomo cómuite.

¹¹ Comínimona dámie jíáie come baimo Juzíñamui gáigamie iñede. ¹² Nana fieni itino Moisés ocuífafuena nai onóñena llezica, ico nine táinocaitiaioi, aféfuena nai onóñenano. Daje izói nana jíáie fieni itino Moisés ocuífafuena onódiaioi íadi, afe daje bie ocuífafuedo riire jicánolliaioi. ¹³ Mei ocuífafuena táinona cacádino Juzíñamui anamo ñue jaícina iñediaioi, mei íadi ocuífafuena jeire otino Juzíñamui anamo ñue jaícina itíaioi. ¹⁴ Dáarie ocuífafuena onóñede judúuaiñedinono afe ocuilla daina izói dani íaioi comécido jeire otíaioi. Iemona afémaci dani abi lletádinona itíaioi. ¹⁵ Mei jíi, íaioi ñue mácafuedo íaioi comécimo ocuica uai cúeinana ácatafirediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ífoci úrillafue fiénidifue íaioi finóadi, áfena íaioimo llóite. Fiénidifue nai íaioi finóñenia, ¹⁶ Juzíñamui comínimo riire jicánolliruimo íaioi ífoci úrillafue íaioina ráiruute. Aféruillaído naga comini báinino finoca

raana Jesucristodo Juziñamui riire jicánoite, cue lloga jílloilliuai daina izói.

Judúuai Moisés ocuícafuemo figo náfueñediaioi

17 Mei ja birui, “Judío ímiedicue” daidio. O jílloillena, Moisés ocuícafuemo ínotio; o Juziñamui dibénemo fieni abina ínotio. 18 Juziñamui comeci jitáinafue onódio; afe ocuícafue omo llote: “Nana o nícidogafuemo ñuera diga o nizeri”. 19 “Uínidino izóidino ifóllena, ñue uáfueña onódicue,” daidio. “Daje izói jítifodo macádinona ñue egáíñollena onódicue,” daidio. 20 “Abina onóñedinona llófueredicue,” daidio. Daje izói, “Urue izóidinona jaícina llófueredicue,” daidio. “Ua nahí ráfueña onótate uai afe cai ocuícafuemo ite,” daífiredio. Afe izói, “Nana ifócido onóigafue caimo ite,” daidio. 21 Mei jiáimana llófuetio íadi, ¿nibái mei dama o abina lletáñedio? Omoi meríriñeno iri daícadio íadi, ¿nibái mei merírifiredio? 22 Omoi jiruíreñeno iri, dama daícadio íadi, ¿nibái mei jiruiredio? Jánaraiaina éoidio íadi, ¿nibái mei íaioi illácomo ite ráifide ráaniai o mériano ráaredimiena jáidio? 23 Ocuilla uai dibéfodo iere abi ínotio; mei íadi Juziñamuina jámairuitio, afe daje ocuícafueña jeire o oñena ícoinia. 24 Meita Cuegáuai ñue daide: “Judúuaiñedino omoi ícoinia Juziñamuina fieni úritiaioi.”

25 Moisés ocuícafue jeire o oíadi omoi finófirena bacano ícoi quétafue uáfueña omo ráifite. Mei íadi afe uai figo o íñoñeniadi, jaca quétañegamie izói ítío. 26 Mei jiáfodo, daa bacano ícoi quétañegamie ocuícafue daina izói jeire oíadi, afémie bacano ícoi quetácamié izói facádoga, quétañega íadi. 27 Afe bacano ícoi quétañegamie, mei íadi ocuícafue jeire otímie, ona riire jicánoite, bacano ícoi quetácamiéna o íadi, daje izói cuega ocuícafue omo ite íadi, mei áfena jeire oñédioza. 28 Judióna jáillena dama jinófenemo cíoide ráaiñede. Daje izói bacano ícoi quetácamiéna jáillena fia abimo cíoide ráaiñede. 29 Mei íadi nahí ráfuiái jiáfodo jóide. Nahí jáidimie ie comécimo áfena jaide. Daje izói nahí bacano ícoi quétafue comécimo dúide. Cuega ocuilla uaimo jáináñede; mei íadi come joréñodo ie comécimo ite. Bie izói ítimie comínimona jíruiñegaza, mei íadi Juziñamui jíeruiga.

3

1 Judío ímiena cue íllemona ¿minica mei baimo óiticue? ¿Bacan quétafue mei nibénemo ráifide? 2 Judío ímiena cue íllamona áillofuiái ícoinia ñue íiticue. Daje izói quétafuemo aillo ráifinafue ite. Nano fueñe Juziñamui ie comeci úrilla uai Judúuaimo orede. 3 Iaióimona dáarie íaioi ínogafueña

féitataioi. Féitataioi íadi, Juzíñamui lloga uai jáanonide, mei afe Juzíñamui jaca féitafinidimie. ⁴ Ie íaioi féitaja íena nie izói nibáíñede. Mei jíáifodo íteza: nana comini taino llófiredino ille llezica, Juzíñamui nana ie jetáacaigafuena nai uáfueña jaícina finode. Daí Cuegáuai úrite:

O daina uáillaimona jaícinaidimiena o íllana ónoitiaioi.

Riire o jicánua mei, comini ñue ínogamiena ítío.

⁵ Mei caimo ite fiénidifuedo Juzíñamui jaícinaidimie illáfueña jino uáfomo cíotaiadi ¿nie izói dáíticai? ¿Mei Juzíñamui cai duere finóllena jaícinaíñedimie? (Jamai come úrilla izói úriticue.) ⁶ Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

⁷ Mei cue táinofuiaido Juzíñamui uafue nai jamánomo cue ebíruiadi, ¿nibái mei fiénidimiedicue izói Juzíñamui riire cuemo jicánote? ⁸ Bie uáfueña, ñúefue bíllena nibái mei fiénidifueña finóñedicaí. Afe bie izóidifue llófuiana dáarie caimo jítadiaioi. Bifue caimo jítádino comeci fieni jítainafuedo úritiaioi. Bie izói itino duere finólliaioi.

Nana caimo ite fiénidifue ícoínia

⁹ ¿Mei níífue? ¿Cai bie judíuai jíáie comini baímo ñuera? Mei ua íeñede. Ja como fidíticai judíuai naa jíáie comini diga riírede fiénidifue anamo ítíaioi. ¹⁰ Jaíai Cuegáuai daí daide:

Buna jaca íaifuenidimiena íñede.

Jaca ninó daa ñúemiena íñede.

¹¹ Daje izói jaca ninó ñúefueña onócadimiena íñede.

Daje izói Juzíñamui daa jenódimiena íñede, ie diga íllena.

¹² Nana Juzíñamuimona onido jáidiaioi.

Afémaci daní fiénidimacina jáidiaioi. Buna ninó ñúefue finóñena.

Jaca ninó daa íñede.

¹³ Iaioi úriragoi íbaíñega raíafu izoide, mei iere íáire úritiaioiza.

Iaioi fuedo jífuemarírediaioi.

Iaioi fuemo ite úrilla jaio aífoi izoide, mei jíáíma jánana iere fieni úritiaioiza.

¹⁴ Afémaci daa faidórafuiaido úritiaioi, naa íáirede uáillaído.

¹⁵ Come titállena jarire áizicaidiaioi.

¹⁶ Iaioi fieni illáfuedo aillo jíáímaci táínocaitadiaioi.

Daje izói comínina zúunaitadiaioi.

¹⁷ Afémaci comeci caimare uái illáfueña onóñediaioi.

18 Daje izói afémaci Juzíñamui ñue jacírenafuemo due jiza comeci facáñediaioi, —daí jaiái Cuegáuai daide.

19 Nana jaiái ocuícáfue daína uaina, afe ocuícáfue anamo itínomo dúide. Bífueña ñue onódicaiza. Daí Juzíñamui mamérite, nana comini úrillana llícaitallena; daje izói naga nairái Juzíñamui riire jicánollifue anamo íaioi itábicaillena. 20 Ocuica uai jeire cai úado, buna Juzíñamui anamo ñue jaícina íñeite. Ocuícáfue caina jílloñaite; daa caimo ite fiénidifuiaina caina onótate.

Jílloillifue cai ñnogafuedo comuide

21 Mei birui, jácara ocuícáfue oni eneno fiiano, Juzíñamui anamo ñue jaícina cai íllena afémie cómfuena caimo onótate. Bie cómfuena uai lloraini cuegánico facádoiadi ónorede. Daje izói ocuilla uai cúeinanicomona jíái ónorede. 22 Juzíñamui anamo ñue jaícina cai illifue bífuedo ite. Dama Jesucrístomo cai ñnuado bje izói íticaí. Nana ie uaimo ñnotinona afémie daje izói finoite; dáamie jíáimie baimo gáñeno nana dájerize jaícina jóoneite. 23 Mei naga come fiénidifuiarede; jílloaite Juzíñamui mona nana jica itíai. 24 Mei íadi Juzíñamui caimo dúecaillanona, ía íbáñaie ie anamo ñue jaícina caina itátate. Mei dama ie jító Jesucrístodo caina jílloaite. 25 Cai finoca fiénidifue íbana Juzíñamui Jesucristo tíllamo dane ote. Iemona íaifueña dogá izói iticaí. Bie múñuafue cai ñnogafuedo caimo dúciite. Bífue daí íficaide Juzíñamuina jaícinaidimie daíllena. Mei jaiái finoca fiénidifuiái íbana raire otáñaie; afémie comécina járidoñedimie. 26 Daje izói daí íficaide birui Juzíñamui jaícinaidimie daíllena. Nana Jesumo ñnotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimie íoicaite.

27 Ie mei ¿come abí ñnuafue mei ñie izói ite? Afe abí ñnuafue oni eneno fiébicaite. Ocuícafuíai jeire íaioi úado nai fiéni abí ñnuafuemo itíai. Mei íadi Jesucrístomo ñnogafuemo fiéni abí ñnollifueña íñede. 28 Nana cai llogáfuiaimona bifue jino llúana ñue baite. Dama Jesumo ñnotimie Juzíñamui anamo ñue jaícina írena. Ocuica uailái afémie jeire ua oni jíáfodo joide. Afena Juzíñamui náfuñede, dama íemo ñnuana náfue.

29 ¿Meita Juzíñamui dama judíuai íena? Ieñede. Daje izói afe Juzíñamui judíuaiñedino ie. 30 Mei jíi Juzíñamui damade. Afémie baimo jíáiena íñede. Afémie nana íemo ñnotinona ie anamo ñue jaícina itátate. Afémaci bacano ícoi íaioi quétajana náfuñede. Daje izói quetáñenana náfuñede. 31 Ie mei

ñibai dámie jicánoite. ¿Meita cai ñinogafuedo ocuilla uaina uáitaiticai? Ieñedeza; úaitañeiticai. Mei jiáifodo Jesuna cai ñinuado afe ocuilla uaina uáfueña jieruíticai.

4

Abraham Juziñamuimo ñinua izói cai ñinollena cai onótate

¹ Mei áfemona cai jaiáidigima Abraham dibénemo jiáifue jicánoiticai. ¿Afe Abraham mei ñie ñúefue ote? Daina uai jeire ie ófirenamona abí dine nífuena oñede. ² Mei Abraham ie finócafuiuido Juziñamui anamo ñue jaícina ie itábicaiaidi, afémie abi ñnorede. Mei íadi Juziñamui uícori afémie abi ñnonide. Ie finócafuiuido Juziñamui anamo ñue jaícina itátañega. ³ Mei jiáifodo Cuegáuai daina izói, “Abraham Juziñamuimo ñnote.” Iemona Juziñamuimo ie ñinuado Juziñamui íena “Íaifuenidimiedio” daide. ⁴ Da come táijiaidi, afe táijina iba ña íemo dúecaillano íñega; afe táijitatimie íena íbárede. Mei íadi cai jilloillifue cai táijicanado iba llíñua izói llíñonide. ⁵ Mei jiáifodo, dámie jillona táijina finóñeno, ie jilloillena dama Juziñamuimo ñnorede; mei Juziñamui íemo ñnote íaifuiaredimienna llíñofiredeza. Mei íemo Juziñamuimo ie ñinuado, Juziñamui íena: “Íaifuenidimiedio,” dáite.

⁶ Dama David come cáimafuiuido úrite. Dámie ie uícodo finócafuiaina Juziñamui náfueñede. Ua náfueñede, mei íadi íemo ie ñinuado Juziñamui íaifuiainide dainámiena afe ñnotimie jaide. Afe daítadimie iere caimare ite. ⁷ David daináuai daide: Íaioimo ite fiénidifuiaina Juziñamui dogánona iere íóbidiaioi.

Daje izói íaifuiaina oni féitagamiiai iere íóbidiaioi.

⁸ Daje izói íaioimo ite fiénidifueña náfueñegano iere caimare itíaioi.

⁹ ¿Meita bie cáimafuiiai dama bacano ícoi quetaca judíuaimo duide? Ieñedeza; nana comini íena mameide. Jira bacano ícoi quétañega judíuaiñedimacimo daje izói afe cáimafue íaioimo duide. Jae llotícueza Abraham Juziñamuimo ñinuado Juziñamui íena: “Íaifuiainidimiedio,” daide. ¹⁰ Mei íadi ¿ñiruido daí íena daina? ¿Bacano ícoi quetaa mei daí daina? ¿Ñibai quétañenia daí daina? Jí, uáfueza, ña quétañena llezica daí íena daina. ¹¹ Afe: “Íaifuenidimiedio,” daina méifodo, Abraham bacano ícoi quétafuena Juziñamui ocuide. Bie quetáinafue onóillena jónega raa izoide, Juziñamui ja bímie ie ñnuafuedo íaifuenidimie daíllena. Daí Abraham ña quétañena llezica Juziñamuimo ie ñnuamona, nana judíuaiñede ñnotino moona jaide. Iemona Juziñamui daje izói nana afémacina:

“Íaifuenidiomoi,” daide. ¹² Uáfueza. Abraham nana afémie dama ie ínua izói ínnote quetácano moo. Mei nanoide cai moo Abraham ie bacano icoi nai quétañega ia, ñue Juzíñamuimo ínnoteza.

Juzíñamui jica ia raire llogáuai comini ínnumona ñue ícoimo fuitaca

¹³ Mei jii, Juzíñamui Abrahana ñuera jica ia raire fidítauai daide. Aféuai llore: “O nana o erófene igímaiairi nana éniena máñoitiomoi.” Abraham Juzíñamuimo jaiai úcodo ínua jira, Juzíñamui bíuai íemo llore. Fia ocuilla uai ie jeire úado Juzíñamui daí íena daíñede. Ua, dama Juzíñamuimo ie ínulado Juzíñamui íena: “Íaifuenidimiedio,” daide. ¹⁴ Mei dani ocuilla uai jeire otino ñúefuena íaioi maiñóadi, íemona ínogafue comínimo figo jinoñede. Daje llezica Juzíñamui jica ia raire llogáuai ráifinano niné feide. Mei íadi daítañedeza jiáfodo joide. Juzíñamuimo cai ínuaufuedo ie caimo lloga ñúefuena maiñóredicai. ¹⁵ Ocuilla uai llóina meífodo aféuai jeire oñédino duere finótalliaioi. Mei íadi ocuilla uai nai lloñena llezica, aféuai náfuenide.

¹⁶ Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene igímaiai afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comini Juzíñamuimo ínulado íaioimo írede, mei áfena íaioi ñéfina cigímona ónidiaioiza. Bifue daíacade, Juzíñamui úcodo raire llogáuai daa ocuilla uai jeire otino íeñedeza, mei íadi nana Abraham ínua izói ínnotino ie. ¹⁷ Iemona Abraham Juzíñamui eróicana nana cai moona jaide. Abraham afe Juzíñamuimo ñue ínnote. Jaiai Cuegáuaido Juzíñamui Abrahana daí daide: “Aillo náraiai moona ona jóneticue.” Afémie daí daírede, mei Juzíñamui tíidinona meine abido caátaitaredeza. Daje izói íñede ráaniaina Juzíñamui itátarede.

¹⁸ Aféfuiaimo Abraham fáicanocaiñeno ínnoide. Ua comini daina izói Abraham jamánomo jionaiteza, ja úruenide. Abraham daí úruereillinona úiñonina llezica nai Juzíñamuimo ínuaño úiñnoide. Afe daí Juzíñamui íena daina izói, Abraham “aillo náraiai moona” jaide. Juzíñamui bie izói íena daide: “O uícoide erófene igímaiai aillo jébutiaioi,” daide. ¹⁹ Abraham cien fimónamo áinozide íadi, ie ínogafue jaca féiñede. Afémie jionaila izói ie ai jionailana onode. Ua afengo iere jionailamona tíacade. Jae úruena comútanide. ²⁰ Mei íadi afe llezica Abraham jizíñeno Juzíñamuimo ínnoírede. Juzíñamui jica ia raire

llogáuaina ruifíruíño nái íemo íñoicaide. Mei jíáfodo Abraham áfena féitaño iere izire ínote. Jaca comeci rairuíño Juzíñamui úrioicaide. Juzíñamui ióbioicana úrite. ²¹ Afémie daide:

—Nana jaiái Juzíñamui jica ia raire cuemo lloga rafue Juzíñamui uáfueña cuemo zúitaite, —d-aide. ²² Iemona, íemo ie ínuado Juzíñamui íena daide: “Íaifuenidímiedio,” daide.

²³ Bie Juzíñamui Abrahana daína “Cuemo o ínuado jae íaifuenidímiedio” daa Abrahamo cúeñegaza, ²⁴ mei íadi nana caimo cuega cai ínollena. Mei jira tíllanomona cai Ocuíraima Jesús cáatate Juzíñamui birui ínoticai. Iemo cai ínuado caina: “Íaifuenidínodíomoi,” dáite. ²⁵ Afe Jesús caimo ite fiénidífue ícoínia duere finótagamiena jaide. Afe mei Juzíñamui anamo ñue jaícina nífuenino cai íllena afémie cáataga.

5

Juzíñamui “Níifuenidímiedio” daína méifomo ñue cai illífue

¹ Mei afe jira, dácaíño Juzíñamui anamo ñue jaícina nífuenino cai illa mei, meine abído Juzíñamuina jácíruiñeíticai. Afe comeci caimare uái illafue cai Ocuíraima Jesucristo ie tíllado cáiena ote. ² Mei jí, cai ínuado bie afémie cai cánuafue dibénemo jónegacai. Aferi izire jaináidicai. Iemona ióbifiredicai, mei Juzíñamui ite ebíredemona cáiena oni máíñoíticaíza. Afemo ocuíticai. ³ Daa bie cai ocuírillamo ióbíñeíticai, mei daje izói duere cai zefuillífue ióbíticai. Mei onódicaíza duere cai zefuillífue cai comeci járitañenafue caimo comuide. ⁴ Iemo afe comeci fígomie dáiñana caina jáitate. Iemo fígomie dáiñana mei Juzíñamui cáimafuemo úíñoifireíticai. ⁵ Iemo bie úíñoínafue caina zúucaitañeite, mei Juzíñamui caina ie izíruillafue ñue caimo llóteza. Bie caina ie izíruillafueña ie oreca Ñuera Joréñodo onódicai.

⁶ Dái cai ñéfina cígimona jíllonidicai. Dái cai illa llezica, Juzíñamui jica ia mamécaruimo, Jesucristo nana fiénidíno ífomo tíizaíbite. ⁷ Bíníemo comécina jaícina jóidímie tílla ífomo tíitimiena íñede. Mei níbai jamánomo fígomie ífomo, daa tírede. ⁸ Mei jíáfodo cai fiéni illa llezica, Cristo cai ífomo cai jíllloillena tíizaíbite. Afedo Juzíñamui caina ie izíruillafue caimo cíotate. ⁹ Iemona ja birui Cristo tíllamona Juzíñamui anamo ñue jaícina itícaíza, ie jira írairuimo ite duere fínuafuemona, Cristo cai rairuillado, jamánomo oni eneno íredicai. ¹⁰ Nai afémie bacáuai imácina cai illa llezica, ie Jító cai ícoínia tíide. Dái ie tíllamona, Moo Juzíñamui comécina

jaciruitañegacai. Ja birui cai comeci íena jaciruiñenamona, birui ie cáanado jamánomo ñue jílloredicai. (Ua caade Cristo Juziñamui uícomo caído úrite. Afe daí ie úrioinado, ico bite duere cai finóllifuemona jílloticaí). ¹¹ Daa bífueñedeza, nane bie emódomo cai Ocuíraíma Jesucristodo Juziñamuimo íobioiticaí, mei afe Crístodo Juziñamuina cai jaciruiñenafuena otícaíza.

Nanoide Adán caímo comuítagafuemona Juziñamui caína éoicaide; mei jíáifodo Cristo caímo comuítagafuedo Juziñamui caímare caído eróicaide

¹² Mei onóigaza, dáamiemona fiénidifue nana comínido jaide. Ie mei afe fiénidifuemona tíllafue daje izóí naga cómemo comuide, mei naga come fiénidifuiairedeza. ¹³ Moisés ocuilla uai nai íñena llezica, fiénidifue jaca comínido ite. Mei íadí ocuilla uai nai íñena llezica, afe fiénidifue comínimo nítañega. ¹⁴ Mei íadí jaiái Adán illágamamona Moisés illágamamo fiénidifuiái finódino tícoizifirediaíoi, mei titade ríino anamo itíaiíza. Juziñamui jónega íaiíoi comeci ñue úrilla uaimo náfueñediaíoi. Daíí náfueñenamona íaiíoi fiénidifue comuide. Mei jíáifodo Adán fiénidifue Juziñamui uáfodo lloga rairuica uai jeire ie oñenamona comuide. Mei íadí bie Moisés uícodo itíno fiénidifue jíáínodo comuide. Adán finoca fiénidifue izóí comuíñede. Afe Adán uire biite Cristo jana.

¹⁵ Adán náfueñegafue Juziñamui caímo fia iga cáimafue izóíñede. Mei dama Adán náfueñegafuedo nana comini tímáritiaíoi. Mei íadí Juziñamui raiñóñeno caímo fecaca jíllonafue jamánomo baímo ñuera. Dama Jesucristodo aillo comini canócaiaíoi. ¹⁶ Dáamiede finoca fiénidifue jaca Juziñamui caímo fecaca jíllonafue izóíñede. Mei afe daade Adán náfueñegafuemona cai duere finóbillifue zúide, mei jíáifodo Juziñamuimona caímo lloga jíllonafuedo, Juziñamui raiñóñeno aillo comínina ie dibénemo ñue jaícina itábicaítate, aillo íaiíoi náfueñegafuiái íaiíoi ite íadí. ¹⁷ Mei jíí, daa come náfueñenamona titáfírede ríino anamo nana comini are ninomo itíaiíoi. Mei jíáifodo dáamiede Jesucristodo nana Juziñamui anamo raiñóñeno ñue jaícina jónegano, jamánomo baímo ñuera zííñona íaiíoi ille ríino óítiaíoi.

¹⁸ Mei dáíí Adana náfueñegafuemona duere finóbillafue nana comínimo comuide. Daje izóí Jesucristo nífuenide comécimona tízaiíbillafuemona, duere finóbiñenafue nana comínimo zúide. Daje llezica zííñona cai illifue caímo comuide. ¹⁹ Bie daide: dáamiede jeire oñegafuemona nana comini fiénidifuiáiredinona jáidiaíoi. Mei íadí dáamiede

Jesucristo jeire ogáfueмона aillo comini Juziñamui anamo nífuenidinona ñue jónegaiaioi. ²⁰ Mei jai ai Juziñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai lua mei caimo ite fiénidifui ai aillo jebuide. Mei íadi daje llezica Juziñamui caimo dúecaillafui ai daje izói afe fiénidifui ai baimo aillo jamánomo jebuide. ²¹ Iemona, fiénidifue caimo íllamona afe riírede fiénidifue caina titárede. Daje izói Juziñamui caimo izire dúecaillano, Juziñamui anamo nífuenino ñue jaícina cai illa llezica, cai Ocuíraima Jesucristodo, afémie caina ziiñona cáatarede.

6

Comini fiénidifui aimo íllamona tíidino izóidiaioi, mei íadi daje llezica afémaci Crístromo ínuamona cáadiaioi

¹ Nana bie caimo llógamona ¿nie izói dáiticaí? ¿Mei nibai fiénidifue finócana uiticaí, Juziñamui jamánomo caimo ie dúecaillafue caimo ácatallena? ² ¡Mei íeñedeza! Cai bie ja fiénidifue dibénemo tíidinodicaíza ¿mei nie izói, fiénidifuemo nai íocaiticaí? ³ ¿Nai bífuena onóñediomoi? Nana cai ie báutizaillarui mona Jesucristomo uáfue na jainaina llezica, dáaruído afe Cristo tíilla dibénemo jaináitagacaí. ⁴ Mei jii, cai báutizaillarui mona Cristo diga dáafomo raigacaí izóidicaí. Iemona aféruimo tíidinona maméidicaí. Ua tíidinona mamécacaí, áfemona Cristo ie tíillanomona meine abido cáadimiéna jailla izói, birui cáadena cai jáillena. Daí cai jaillano cómofuemo íocairedicaí. Mei jii, Cristo ie Moomo ite jamánomo ñuera riínodo meine cáadimiéna jáitaga, íemo daje izói afe daje riínodo cómofuemo íocairedicaí.

⁵ Uáfue na dáiticaí, Cristo tíilla izói tíidinona jae mamécacaí. Iemona daje izói ie meine abido cáadimiéna jailla izói, daní cai tíillanomona meine cáataga izói cómofui aimo íredicaí. ⁶ Cristo cruzmo coraíca llezica nauí fueñe cai illafue dáanomona titácaza onódicaí. Uafue, afefue titaca, nanómoma cai comécimo ite fiéni gáinano caina anáfenoñeíllena. Iemona fiénidifue dibénemo rairuícanona íñeíticaí. Daje izói riire táijitatimiemo jainaina izói, fiénidifuemo jáinaiñeíticaí. ⁷ Mei jii, Cristo diga tíidimié ja íaífuemona oni jírecaíde. ⁸ Iemona dácaíño Cristo tíilla izói dáanomona afémie diga, cai comeci fiéni óiacanafue tíide izói féitaga. Nauí daí ie diga cai tíillamona, daje izói biruíllaido afémie diga cai íllana ua onódicaí. ⁹ Mei onódicaíza, Cristo dácaíño tíillanomona meine abido cáadimiéna jaide. Daí meine jaillano ja meine abido dánomo tíiñeíte. Afémie ja ménacaíño tíinide. ¹⁰ Mei Cristo ie tíillarui mo, fiénidifue

dibénedo dácaiño tíide, jaca ninomo nane tíiñeilla. Mei íadi afémie meine cáadena jaillano ie cáanano Juzíñamuimo duide. ¹¹ Daje izói, mai fiénidifue dibénemo tíidino izói omoi iri. Mei jiáifodo Juzíñamui íena cáadinona mai omoi iri. Afemo izire comécimo mai omoi facáoiri, mei cai Ocuíraima Jesucristomo dájena jaináidiomoiza.

¹² Ie jira fiénidifuena omoi abina náamatatañeno iri; afefue omoi ziiñona iñena abi ana úillemona abí omoi rairuiri. Mei Taife comuítaga caimo ite íaifue cai abi fieni jítainafue jino déilla ocuíodeza. Afemona izire abi omoi rairuiri. ¹³ Dani omoi abina fiénidifuena finótañeno iri. Mei jiáifodo dani omoi abina Juzíñamuimo omoi jaináitari; ua, tíllanomona meine cáadena jaide izóidino afémiemo omoi abi jaináitari. Ie jira nana omoi abina Juzíñamui ñúefue finóllena, omoi jaináitari. ¹⁴ Ja benómona fiénidifue ómoína ana úiñeite. Mei ocuilla uai anamo ja íñedicaiza; mei jiáifodo Juzíñamui cairi dúecaillafuemo itícaiza.

Comini jacire riire rairuillarumona daa ráfuena caina onótate

¹⁵ Ie mei ¿nie izói íiticaí? Mei ocuilla uai anamo íñedicaiza mei jiáifodo Juzíñamui cairi dúecaillafuemo itícaiza; íemona ¿meita fiénidifue finóredicaí? Ieñedeza, finónidicaí. ¹⁶ Ñue onódiomoiza, ómoimona nágamiiai riire ocuídillaímamo fecaca llezica, aféllaíma ocuállana ñue jeire órediomoí. Daje llezica aféllaímamo izire jaináidiomoí. Bie izói caimo ite fiénidifuiái, jacire ocuídillaíma ana uilla izói, nana caina ana uite. Afemona tíllafue naga cómemo comuide. Mei íadi Jesumo cai íinua llezica jiáie cai ocuídillaíma Juzíñamuimo dúidicaí, comécina jaícina ñue jóidimacina nágarui cai íllena. ¹⁷ Mei íadi ómoíri Juzíñamuina: “Iere figora,” daidícue. Mei nauí fiénidifuemo izire rairuícana omoi illa llezica, ómoímo lloga llófueinafuena ja ñue jeire otíomoiza. ¹⁸ Afe fiénidifuemona oni omoi jírecailla mei, jiáie ocuíraíma Juzíñamui rairuícana jáidiomoí. Iemona comécina jaícina ñue jóidinona nágarui írediomoí. ¹⁹ (Ua omoi onoíga comini ráfuiaído úriticue, mei omoi ifoci déiñenamona bífuiaína ñue cacánidi omoi.) Nauí fieni illáfuiáimo omoi abina jaináitafirediomoí. Nane afe baimo jiáie jamánomo fieni abi finuamo abina finótadiomoí. Nauí daí abina omoi finota izói, mai birui comeci jaícinaínafuemo abí omoi jaináitari, dama Juzíñamui íena oni eneno ñue mamécana omoi íllena.

²⁰ Nai fiénidifuiáimo riire rairuícana omo illa llezica, comeci jaícina jóinafuemo jaináíñediomoí. ²¹ Nauí omoi illáfuiaina birui meáiruitiomoí. Mei aféfuiaímona ¿nie

cánuafuiai otíomoi? Oñédiomoi za; tíllafue diné jaca ómoína uite. ²² Mei íadi fiénidifuemona oni eneno omoi jirecaillamona, ja birui Juzíñamui rairuícánodiomoi. Iemona birui afémiemo ñue jaináidiomoi. Bie izói omoi illamona, Juzíñamui ibana ñue caimare ómoína cánoite. Ua afémie íeiena ómoína oni eneno ñue fínoite. Iemona afe ícoimo zíiñona illáfueña óitiomoi. ²³ Fieni cai illamona daa tíllafue óiticaí. Mei íadi Juzíñamui raiñóñeno fia caimo iga raa, cai zíiñona illifue. Bie zíiñona cai illifue dama cai Ocuíraíma Jesucrístomo dájena cai jaináinamona caimo iga.

7

Iima áireinamona ringo iníreinamona daa ráfueña cai onótate

¹ Amatiai, onódiomoi za, da come dama nai ie tíiñeniadi, ocuilla uai nai íemo dúide. ² Ja omoi onóigafue jino llóiticue, áfedo jíáifuena omoi onóillena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tílla mei, afe íemo jaináitate ocuilla uáimona afengo jae oni jirecaide. ³ Afe llezica afengo jíáie íímamo inírena ñuera. Afengo daí iníreilla jiruífede. Mei íadi ie ini nai ítemo afengo jíáie íima díga illa afengo iere jiruífede.

⁴ Cue ámatiai, birui Jesucristo abímo dájena jaináidicaí; ua iníredingo inimo jainaina izói jaináidiomoi. Afe Crístomo omoi jaináinamona, ie tíllado tíidinona mamécaomoi. Ie jira ocuilla uai dibénemo tíidino izói iticaí. Fueñe bie ocuilla uaimo, ringo inimo jainaila izói, jaináidicaí. Mei íadi ja birui tíidino izói cai illamona afe ocuilla uaimo jaináíñedicaí. Dama tíllanomona meine abido cáadimiena jaide Crístomo jaináidicaí za. Afe bie Crístomo cai jaináinana Juzíñamui caimo comúitate. Ua comúitate caido ie comeci jítaínafue ñue ícoimo cai fuitállena. ⁵ Mei nanómona comini comécimo itifue dibénemo cai ífirena llezica, afe ocuilla uai cai abímo ite fieni óiacanafuíaína cazítate. Aféfuiai caina ana tíillinomo uite. ⁶ Mei íadi ja birui afe ocuilla uai dibénemo tíidino izóidicaí. Fueñ afe ocuilla uai anamo riire iticaí, mei íadi ja birui afe uáimona ñue oni jirecaidicaí, Ñuera Joreño cómuena méidoga caimo itífuedo Juzíñamui ocuícamacína cai illena. Jaiái cuela ocuilla uaido Juzíñamui ocuícamacína índicaí.

Cuomo ite íaí fue cue caimare illafue llótaidote

⁷ Iemona ¿mei nie izói dáiticaí? ¿Ocuilla uaina fiénidifue daíredicaí? ¡Daíínidicaí! Mei íadi afe ocuilla uaido fiénidifueña onótagacue. Afe uai nai jino lloñena llezica fiénidifueña onóñedicue. Ja omoi onóigafue jino llóiticue, áfedo jíáifuena omoi onóillena. Ocuilla uai nai cuena dáíiñeniadi, aino come

raana óiacanana onóñedicue. Mei íadi afe daií llua mei fienu óiacanana onódicue. ⁸ Afena cue onónamona, bie ocuilla uai llúado, cue comécimo ite naga fienu jítainana uáfodo cazítaga. Mei ocuilla uai nai cuemo lloñena llezica, fiénidifue tiide izói uái illano figo onóñedicue. ⁹ Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja lluábillado fiénidifue meine abido comuide. Afefue meine comuillamona fállena cue orede. ¹⁰ Dinómona bie izói cuemo zúide. Daje cuena ñue ziiñona illífuemo úirede uaillai, ñue illífuemo cuena uiñede. Mei jiáifodo cue dibénemo, cuena ana tállanomo uite. ¹¹ Mei jii, fueñe fiénidifue cuemo iñede daidicue. Mei íadi ocuilla uaina cue fidiamona, cuemo ite fiénidifuiaina onódicue. Afe ícoinia Juzíñamui fáiacagamiena iticue.

¹² Afemona onoiga, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidíuai. ¹³ ¿Meita bie ñuera ocuilla uai cuena ana tállinomo úirede? Ñue onóigaza, únide. Mei jiáifodo cuemo ite fiénidifuedo ana tállinomo uigacue. Afemona uáfueña cíotagaza, bie fiénidifue ua nahí fiénideza. Afe cuena ana uillafue ñúefuedo finoca. Daií Juzíñamui ocuilla uai, nana fiénidifuiái jamánomo íaire nana caina onótate.

¹⁴ Afe ocuilla uai Juzíñamui Ñuera Joréñomo dúidifue. Afena onódicaiza. Mei jiáifodo nanómona cue comécimo itifue Ñuera Joréñomo dúíñede. Mei izire rairuícamié izói íaifue finuanamo fecácamié izóidicue. ¹⁵ Birui cuemo íficaidifueña onóñedicue. Ñue cue comeci jítainafueña finóñedicue, mei íadi cue comeci éoillafueña áfena finóñedicue. ¹⁶ Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue. ¹⁷ Mei daií áfena dama finóñedicue, mei jiáifodo cuemo ite íaifue aféfuemona comuide. ¹⁸ Mei onódicueza, dama cuemo ñúefueña iñede. Bíedo daiíacadicue, nanómona cuemo itifue ñueñede. Mei jii, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefueña finóñedicue; mei íadi cue jítaiñega fiénidifuiaina finócadicue. ²⁰ Iemona cue finóacañega fiénidifue cue finóadi, dama cúeñedeza, cuemo ite fiénidifuemona comuide.

²¹ Daií jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báifiredicue. ²² Mei jiáifodo cue comécido Juzíñamui ocuilla uaina gáidicue. ²³ Mei íadi afe llezica cue comécimo ite jiáie niné cue úiacade uaina comécido onódicue. Afe uai cue ifoci úrilla ñúefueña niné féitaoide. Afe bie fienu cue rairuíoide uai cue abimo ite. Afe uai cuena llavéoide.

24 ¡Nai iere ióbiñedimiedicue! Bie ana tíllamo cue uite abímona, ¿bu oni cue jirecaitalle? 25 Dama Juziñamui ie Jitó cai Ocuíraima Jesucristodo bífue mona cuena oni jirecaitarede. Iemona, ja birui Juziñamuina “fere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jónega cue comeci ñue úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finóicaidicue.

8

Juziñamui Ñuera Joreño úicaigamie illafue bie izoide

1 Mei ja benómona, nana Jesucristomo dájena jaináidinomo duere finótaituui jaca iñede. Afémaci Juziñamui Ñuera Joreño ríinodo afe Joreño illa izói ífrediaíoi. Dáanomo afémaci nanómona comécimo itífuiái izói coméciñediaíoi. Daje izói nánorafuiaina náfueñediaíoi. 2 Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jirecaitade. Afemona fiénidifue ana tíllinomo cuena úiñeite. 3 Moisés ocuica uáimona finónidifueña, Juziñamui daade ie Jitó ana óriano áfena finode. Afe caimo ite fiénidifue mona oni cai jirecaillafue Moisés ocuilla uáimona finónide, mei nanómona cai comécimo fiénidifuiái íllado, afe uai ríinonideza. Iemona afe uai figo jinoñede. Ie jira Juziñamui cai oni jirecaitallena, daade ie Jitó jamai cómena bie éniemo jéicitade. Afe mei, cai fiénidifuiái ícoinia cai ífomo Juziñamui ie Jitó fatátate. Bie izói daina daiíacade, biniemo ite fiénidifuiáiredino comínina íaíoi illa izói, afe izói Juziñamui ie Jitó ana biniemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie íllamona afémie bíniedo ua nífuenidimiena jáicaillado nana caimo ite fiénidifuiaina anáfenode. 4 Mei ocuica uai jeire cai óllena, afémie nana bie izói finódeza, mei ja nano cai comécimo comuídifuiáimo coméciñedicaiza. Afena ja náfueñedicaí. Mei jíáfodo Juziñamui Ñuera Joreño ífuiáimo comécioidicaí; aféfuíaina ñue náfueticaí.

5 Nano comécimo fiéni comuídifuiáimo coméciidino, daa bie cai abi ífuiáimo izire comécido lícioidiaíoi. Mei jíáfodo Ñuera Joreño ífuiáimo coméciidino afe Ñuera Joreño daináuaimo izire comeci fáioidiaíoi. 6 Da bie cai abi ífuiáimo comeci izire cai lícioia, ana tíllinomo caina uite. Mei jíáfodo Ñuera Joreño daináuaimo izire comeci cai fáioia,

zúñona illífuemo caina uite. Iemo daje izói caina caimare uái illínomo uite. ⁷ Daje bie cai abi ífuiaimo izire comeci llícioidino, Juzíñamui uáitatimacina jáidiaioi, mei afémaci, nana comíni Juzíñamui ocuilla uaina gáñediaioiza. Afémaci áfena gáñenamona afe uai anamo ínidiaioi. ⁸ Ie jira nano cai comécimo comuídfuiaimo jaináidino Juzíñamuina ióbitanidiaioi.

⁹ Mei íadi Juzíñamui Ñuera Joreño ja ómoimo íllamona, comécimo fieni itífuiaimo, cuinaca izói, izire jaináñediomoi. Mei jáífodo Ñuera Joréñomo dájena iere jaináidiomoi. Cristo Ñuera Joréñona íñédime Cristo íeñede. ¹⁰ Cristo ómoimo íllamona ómoimo ite joreño caade. Ua, Juzíñamui anamo ñue jáicina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tíllinomo uite. ¹¹ Mei jáífodo Jesucristo tíllanomona Juzíñamui Ñuera Joréñodo meine abido cáadimiena jáitaga. Iemo afe Cristo cáadena jáitate Juzíñamui omoi tíífirina abina nane meine cáadena jáitaite. Ua ómoimo ite Juzíñamui Ñuera Joréñodo Juzíñamui cáadena jáitagamacina ómoína fínoite.

¹² Amatiai, mei daí cai comécimo fieni ífiredifuiaimo comécíñellena, izire ocuícánodicai. ¹³ Da bie omoi abi ífuiaimo omoi comécíoiadi, tíllinomo ana ómoína uite. Bie cai comécimo itifue jaca fiénidifuena caina finótate. Mei íadi afe ómoína finótate fiénidifue Ñuera Joréñodo omoi anáfenoíadi jaca ninomo cáaitiomoi.

¹⁴ Nana Juzíñamui Ñuera Joreño ífócamaci, Juzíñamui úruiai. ¹⁵ Mei jii, ómoimo iga Ñuera Joreño, jacire ráiruite joréñoñede. Daje izói ómoimo ite Ñuera Joreño ómoína meine jacíruiñede. Mei íadi afe ómoimo iga Ñuera Joreño Juzíñamui jítótiaína ómoína mamede. Afe Joreño Juzíñamuina “Cue Móodio” caina daítate. ¹⁶ Da bie Ñuera Joreño caimo ite joreño diga, dájena nabázaibite “Juzíñamui jítódicai” caina daíllena. ¹⁷ Afe daí ie jítótiaína cai íllamona, Juzíñamui raire uícodo caimo lloga feci raa izoide cáimafue maiñóredicai. Afe cáimafue dama Cristo ie, mei afémie Juzíñamui nahí Jitoza. Mei íadi ja birui áfena daane afémieoiri maiñóredicai. Afe Cristo duere zefuilla izói, daane birui duere cai zefuíadi, Juzíñamui caina cíoite. Iemona Juzíñamui ebíredifuena íemo nitalle izói, afe izói caimo nítaite.

¹⁸ Iemona ja biruíllaido duere cai zefuilla figo ráañenamo comeci facádicue. Afefue ráañenari ióbidicue. Ua afe aillóñedeza áfena lloñedicue: mei afe uire caimo cómuite ñue ebíredifue jamánomoideza. Afe ebíredifue duere zefuíllafue baímo jamánomoideza, afe duere zefuíllafuena úibiñoñeiticai. ¹⁹ Nana Juzíñamui finoca cómena maméíñedinuiai, Juzíñamui

jítótiai meine cáadino jaillano jino cíotalliruimo iere izire úiñoidiaioi. ²⁰ Ua comínimo ite fiénidifue ícoinia, nana afe Juzíñamui comuitaganuiai zuure fíallifuemo mamécaiaioi. Dani íaioi jítainamona aféfuemo mámeñegaiaioi. Mei íadi Juzíñamui daí íaioina mamede; afe ie comeci jítaina ízoi mamécaiaioi. ²¹ Mei afémie nana ie finócanona riire ocuífafuemona oni jirénoiacade. Daje izói ie finócanona niné táinocaitifuemona oni jirénoiacade. Afe íaioi jirénollifuemo Juzíñamui ñue comécide. Daí íaioi oni jirecaitaite, Juzíñamui jítótiaioiri ebire jaícina joide cáimafuena íaioi maiñórilla. ²² Onódicaiza, jaiái fiénidifue biniemo tainéinanomona, nana Juzíñamui finoca cáadinuiai abi izírenari murífrediaioi. Ua jaiáimona nai biruimo, ringo úrue jocóacana llezica izínailla izói, nana ie comínina mámeñega comuitaganuiai izi cácadiaioi. ²³ Daa afémaci izi cácañenaza; daje izói cai izi cácaillano, afe caina jaícina ñueitalliruido izire ocuíticai, Juzíñamui Ñuera Joreño caimo ite íadi. Juzíñamui icoi aillo caimo fecalle caimátaillifuiamona, bie Ñuera Joreño fueñe raire úcodo caimo iga. Mei íadi nai biniemo iere zuure murífredicai; mei Juzíñamui jítótiai maméidicai íadi, móonidiza jíáie come íena náamataja izói, cai ie náamatalliruimo ocuíticaiza. Aféruimo nana fiénidifuiamona, naa jíáie cai rairuíoide íaifuiari, Juzíñamui cai abina oni jirecaitaite. ²⁴ Afe bie cai jíllollifuemo úiñoidicai. Jesucristo daí caimo llogáuaimo afe jeire cai úamona, áfemo úiñoidicai. Afemo daí izire cai úiñoinado jíllotagacai. Cai úiñoga raana cai cíonamona, jae áfemo úiñoñeiticai, mei jae íteza. ²⁵ Mei jíáfodo cai cíónena raamo cai úiñoadi, ja áfemo raire járitaño úiñoredicai. Iemona Juzíñamui Ñuera Joreño, Juzíñamui jítótiaina cai maméinamo uaina nabaide.

²⁶ Daje izói Juzíñamui Ñuera Joreño mei ñifue Juzíñamuimona cai jicállena ñue caina cánuaibite. Juzíñamuimona jaícina ie jitailla izói cai jícajana onóñedicai. Mei daí cai illa llezica, Ñuera Joreño come uaido jino llónide murilla uaido Juzíñamuimo caido izire jicade. ²⁷ Juzíñamui naga come comeci ífuena ñue onóillena izire jicánofredimie. Afemona Ñuera Joreño caido daíacanana Juzíñamui ñue onode, mei Ñuera Joreño, Juzíñamuimo jaináidinodo Juzíñamui comeci jitailla izói izire íaioimo jicádeza.

Nana zuure íaifuiamona caifófeficairedicai

²⁸ Onódicaiza, Juzíñamui nana cómemo ífcaifuiaina ñue jaícina mamede, nana íena izíruitino ñue íllena. Ua Juzíñamui comeci jítaina izói, ie jírigano ñue íaioi íllena, Juzíñamui illa

dígamiemo cómutifuiaina ñue jaícina zúitafirede. ²⁹ Mei Juzíñamui nana ie uícodo onóigano nanómona mamede, ie Jitó illa izói íaioi íllena. Bie izói íaioi íllamona Juzíñamui Jitó ámatiaina itíaioi. Afemona aillo ite ámatiai cígimona Jesucristo dama námiena jaide, Juzíñamui jaiai uícodo mámia izói. ³⁰ Nana daií ie mamécanona, daje izói íaioina jírrite. Nana ie jíriganona, daje izói ie anamo ñue jaícina itábicaitate. Daje izói, nana daií ie anamo ñue jaícina itábicaiganomo Crístomo nitaca ebíredifuenta afe izói íaioimo nitade.

³¹ ¿Bífuena nie izói dáiticaí? Juzíñamui cai dibénemo íadi, ¿mei bu caina anáfenolle? ¿Cai anáfenoitena íñede! ³² Juzíñamui dama ie daade nahí Jitona cáimona rairuíñede. Mei jáífodo nana ñue cai jíllloillena, ie daade Jitó titállena jeruíñeno fecade. Iemona onódicaiza, nana jáíe cai jítaille ríiduana naa ie Jitóoiri nágarui caimo fecáfireite. ³³ Juzíñamui nizécamacimo, ¿bu fiénidifuenta nitárena? Afe izói nítaitimie íñede, mei afémaci nífuenidinona Juzíñamui jae jino uáfodo llógaza. ³⁴ Afe Juzíñamui nizécanona, ¿mei bu duere finótarena? Íaioina duere finótaitimie jae íñede, mei Jesucristo íaioi ícoinia tíizaibiteza. Afe baímo Jesucristo tíllanomona meine abido cáadimiéna jaillano, Juzíñamui nabézimo ráinazaide, dinómona Juzíñamuimona cai ie canóllifuenta izire jícallena. ³⁵ Cristo cai ie izíruillana, ¿bu mei féitarena? ¿Meita duere cai zefuíadi, Cristo caina izíruillana féitaite? Féitanide. ¿Meita llotáredifuiái caina ie izíruillana féitaite? Féitanide. ¿Meita fiéni caina finócadino caina ie izíruillana féitaite? Féitanide. ¿Meita júbietailafue caina ie izíruillana féitaite? Féitanide. ¿Meita ínícuironinafue caina ie izíruillana féitaite? Féitanide. ¿Meita jácifuiái caina ie izíruillana féitaite? Féitanide. ¿Meita tíizaillafue caina ie izíruillana féitaite? Féitanide. ³⁶ Juzíñamui Cuega Uai bie izói dáideza:

Nágaruillai o ícoinia tíllanomo ánozitagacai, mei íadi tííñedicai.

Daje llezica caina titalle ovéjaiai izói mamédaioi.

³⁷ Mei íadi nana bie zúuredifuiáimona, caina izíruitimie Jesucristodo, caifófeficaidino baímo ñue jino jáidicai. ³⁸ Iemona ñue onódicueza, Juzíñamui cai ie izíruillana ráiruitena íñede. Naga raamo cai jíriadi Juzíñamui féitañeno caina izíruioide. Cai tíillifue Juzíñamui caina izíruillana cáimona feitañeite. Daje izói bíniemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fiéni ríinorede joríaí caina ie izíruillana cáimona rairuínide. Daje izói biruido comúidifuiái caina ie izíruillana cáimona rairuínide. Daje izói

uire cómuitifuiái caina ie izírui llana cáimona rairuínide. ³⁹ Daje izói Juzíñamui abi imácimona ríillaini caina ie izírui llana cáimona rairuínide. Daje izói Taífemo jaináidino ríillaini caina ie izírui llana cáimona rairuínide. Ua nana Juzíñamui finócanuiaimona buna Crístodo caimo jino cíotaga izírui llana cáimona rairuínide.

9

Juzíñamui jaiái uícodo Israel nairái nizede

¹ Ja birui jiáifue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue lloífue nahí ua ráfueza, onódicue. ² Be ñie: nana cue nairái comíniri iere zúuruiticue. Afémaci Crístomo ñinoñenamona zúufueri comécina cuidiridicue. ³ Iemo mei cue dáinamona nibai afémacina jíllotareníadi, Juzíñamuina, “Mai fieni cue faido,” nibai raire dáititcúe. Mei íadi cue daina izói Juzíñamui cue faidódena, cue nairái imácina cánoñeite. ⁴ Afémaci jaiái Juzíñamui nizécamié Israel, méifomo comuícana jáidino. Daje izói afémacina Juzíñamui daide:

—Bimaci cue nairái, —daide. Afe mei íaiói cígimo ie íllado íemo ite áillue ebírede ríino Juzíñamui íaióimo jino cíotate. Daje izói íaióina ie ñuera finóllifuiái Juzíñamui íaióimo llote. Iemo Juzíñamui Moisédo ocuica uaina llogáiaíoi. Daje izói Juzíñamuina nahí caimátaitajana onótagaiaíoi. Daje izói Juzíñamui lloga caimare íaiói illíuai íaióimo íteza. ⁵ Bimaci mámecina jica jalleide judíuai jáiáidigimamona comuítagano. Íraínomo íaiói náiraimona Cristo cómena jócuai biga. Bífuiaimona Juzíñamui naga ráfuiái jamánomo ocuíllana onódicai. Iemona nana náiraiaimona illa dígamíai Juzíñamuina jaca ninomo fáicanocaiño ióbitarediaíoi. Mai daí íteza.

⁶ Diga ñúefuiái cue náiraimo duide; mei íadi Crístona náfueñediaíoi. ¿Mei níbai? ¿Níbai Juzíñamui uícodo lloga Israelna ñuera daináuai figo déizaibiñede? Daí daíñedicueza. Jiáifodo jóide. Nana Israel náiraina maméidinomona dáarie Juzíñamui nízeñegano. ⁷ Daje izói Abraham méifomo comuídino dáarie ie nahí úruiañediaíoi. Jaiái uícodo Juzíñamui Abrahana daide:

—Dama Isáacimona cómutino o uáfueña méifomo comuídinona jaille, —daide. ⁸ Bie uai jiáifuena cai onótateza: Dámie ñuera náiraimo jócuado, dama áfedo “Juzíñamui jítoíticue” daínide. Mei jiáifodo Juzíñamui uícodo daina uai fúitamona jocócana, dama afémaci ie uáfueña méifomo comuídinona mameina. ⁹ Juzíñamui Abrahana uícodo daina

uai be nñie: “Uire afe nauí cue mamécaruimo meíne bíiticue; íemo o ai Sara jító jócoite,” daíde.

¹⁰ Iemo nai jíáífuena íte. Rebeca jító íaillinoí dáamiena móorediaillinoí. Iaillinoí moo cai jaiáídigíma Isaac. Afe jító íaillinoí guarázaillinoí. ¹¹⁻¹² Mei íadí íaillinoí nai jocóñeniadi, afe ménáillinoí nai níífuenina illa llezica, Juzíñamui Rebécana daíde: “O jító nánoramie íe méifoide ama anamo jabóidimiena íite.” Juzíñamui daíí daíde, bífuena cai onóíllena: Afe íaillinoímona dáamiena Juzíñamui nízéllena dama Juzíñamui comeci jítaina izóí mamede. Afe Juzíñamui íaillinoímona dáamie níziafue íaillinoí finócafuemona comuíñede. Dama Juzíñamui mámiamoná íaillinoímona dáamie nízécamiena jaíde. ¹³ Juzíñamui Cuegáuai bie izóí daíde: “Jacob cue nízécamie, íemoná cue izíruigamie, mei íadí Esaú cue ruífruígamie.”

¹⁴ Iemoná dáarie níbai dáítiaíoi: “Juzíñamui daíí dáamiena íia ruífruíllano jíáímie nízedá máíñua jaícina jóíñede.” Mei íadí bie comíni daínáuai uáfueñede; jaícina jóíñedífuena Juzíñamuímo jaca íñede. ¹⁵ Mei Juzíñamui Moísená ja dáídeza: “Daa cómemo cue dúecaíacaniadi, afémiemo dúecaíticue. Daje izóí daa cómena duéruíllano ríire íbana cue óíacañeniadi, íemo íbana óñeíticue.” ¹⁶ Bie Juzíñamui daína uáímona onódícaíza: Juzíñamui dáamie eneno nízia afe come óíacanamoná daíngo comuíñede. Daje izóí afe come ríire fínuaamoná Juzíñamui níziafue comuíñede. Juzíñamui afémie nízia dama cómemo Juzíñamui dúecaíacanamona comuíde. Daje izóí afe ímana íe canóacanamona comuíde. ¹⁷ Mei jíí, Juzíñamui íe Cuegáuaido, Egipto ílláímana daíde: “Ja ílláímana o jóonetíicue, cuemo íte áíllue ríino jíáímacímo odo jíno cíotállena. Afe llezica íere duere o cue finóllado cue mámece naga náíraíaido jíca jalléítaitío,” daíde. ¹⁸ Íe jíra onódícaíza: Juzíñamui dama íe óíacana izóí, daa cómemo dúecaíte; íemo Juzíñamui dama íe óíacana izóí jíáíe come comécina ríireítaite.

¹⁹ Bífuíaímona daa come níbai cuena jícánoíte: “Mei Juzíñamui afe íe óíacana izóí finóííredeza, jíáífoto ínídicai. Iemoná ¿níbái mei íiénídííue ícoínia caímo nítaííírega? ¿Bu mei Juzíñamui óíacanafuena uáítarena?” ²⁰ ¡Ací! ¡Daíí daínámie cacai! ¿O íere ua ímíedicue daídío, Juzíñamuímo ríire júfídollena? Mei nána Juzíñamui comuítagacaíza bie jíáííuemo comécííri. ¿Mei níbai nogo, afe nogo níraíngona dáííte: “¿Níbái mei cuena bie izóí nííío? ¡Daííñeíte! ²¹ Nogo níraíngo daíngo íe comeci óíacana izóí afe nogórainá nírede. Afe daje nógorafella átuédo daa ebíre eroíde ícírúna nírede, íemo daje nógorafella enéfenemoná jamái nogócírúna nírede.

²² Iemona daje izói Juzíñamui finócafuiaí ñúeraza, onódicai. Afémiemo ñinoñedinona Juzíñamui duere finótaacade, íemo ite fiénidifuena gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fiéni illafue ibana raire otátañede. Ie icírafue anamo itínomo, Juzíñamui raire comeci járitañede. Iaióimo dúide niné táinocaitallifuena nai are ocuñede. ²³⁻²⁴ Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíoñedinona nizeda íaióimo dúecaide. Dúecaillano íaiói fiéni illafue ibana oñeno íaiói jíllotate. Afe ie dúecaillado nizécanodicai. Aféme jaiái uícodo, íemo ite ebíredifuemona afe cáiena oni cai maiñóllena caina mamede. Daí ínuamona, íemo ite jamánomo ñuera ebíredifuiaí Juzíñamui caimo jino fidítate. ²⁵ Jaiái Juzíñamui uai jino llóraima Oseas ciegánicomo Juzíñamui bie izói daide:

Cuemo jaináñede comínina “Cúeiena” náamataitícue.

Daje izói nauí cue izíruiñega náiraina “Cue izírui gamacina” mámeitícue.

²⁶ Daje izói batí jáíe éniemo itínona Juzíñamui daina “Cue comíñediómoi,” afénomo itínona “Cáataite Juzíñamui jítótaina mamélliaíoi,” —daí Oseas daide.

²⁷⁻²⁸ Mei íadi Israel nairai dibénemo Isaías daide: “Israel comini iere aillo jebuídiaíoi, ua monáillai fuédamo ite facádonide guamájaí izói, jamánomo áillomaci. Mei aillo jebuídiaíoi íadi, afe náiraímo Juzíñamui raire duere finótalle mei, daa dúemacina fiébitiaíoi. Dani afe dúemaci jíllotiaíoi. Mei jíi, Juzíñamui ie daina uai izói náiraina duere zefuúllifue jino zuítaite.” ²⁹ Dáame Isaías afe duere zefuúllifue uícodo llote:

Mei jamánomo ríinorede Juzíñamui, caina due méifomo cómuitinona níiriñeniadi, Sodoma íemo Gomorra diga jofue nairai niné táinocaila izói niné táinocaiticai, —daide.

Jesucristo cai jíllotalle ñúefue daje izói Israel comínimo dúide

³⁰ Cai lloga uailai bie izói daíacade. Be ñie: Judíoñedino Juzíñamui anamo ñue jaícina íaiói illínona figo jenóñediaíoi, mei íadi Juzíñamuimo íaiói ínuamona, Juzíñamui anamo ñue jaícina itátagaiaíoi. ³¹ Mei jáífodo afe Israel nairai, (judíuaina maméidino) Juzíñamui anamo ñue jaícina íaiói itátate ocuilla uáillaina jenódiaíoi, mei íadi afe uáillaina ñue ícoímo figo dúcitañediaíoi. ³² ¿Ñibái mei afeno baiñediaíoi? Mei Juzíñamuimo ínuado íaiói comeci ñue jaícina jóillifuena jenóñediaíoi za. Dani íaiói nícidogafuiaímo comécidiaíoi.

“Nibai aféfuiaido Juzíñamui anamo ñue jaícina íiticaí,” daidíai. Ie jira Juzíñamui oreca jíllotaitimiemo, ñie Jesumo, uieco riire finódiaioi; finuano Juzíñamui anamo ñue jaícina iñédiaioi. Come iodo jáiadi éicitaila izói, Jesumo éicitaidiaioi. Afémie iomo éicitaitate nofici izóidimie mei afémie ñüemie, mei íadi ruifíruigamie. ³³ Juzíñamui Cuegáuai afémie dibénedo bie izói úrite:

Omoi cácarei, judíuai iomo éicitaitate nofici izóidimiena jóneticue.

Afemo comini éicitailano oni nibéfodo báitíai.oi.

Mei íadi nana íemo ínotino íena méairuifeitiaioi.

10

¹ Cue ámatiai, nane ómoína daíticue: Cue nairai israelitas imaci jíllloillena, nana cue comécido izire óiacadicue; íemo áfena Juzíñamui jicáfiredicue. ² Bie ñúefue afémacimo nitáredicue: Juzíñamui comeci jítainafuemo nágarui iere járidofirediaioi. Mei íadi áfena ñue jaícina íai.oi fidiñenamona daí táinomo járidotiaioi. ³ Comini Juzíñamui anamo ñue jaícina ie itátallifuena, íai.oi ifócimo ñue denóñede. Mei jíáfodo Juzíñamui anamo itábicañeno daní íai.oi mameca comeci ñue jaícina jóitaitifuemo járidotiaioi. Ie jira Juzíñamui lloga ñue jaícina itátaitifuena maiñóñediaioi. ⁴ Mei jíi, Cristo billano nana íemo ínotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íai.oi illena, Moisés ocuica uaimo daní íai.oi níciduafuena Cristo jae féitate.

⁵ Ocuica uai jeire úado Juzíñamui anamo ñue jaícina cai illífue dibénemo Moisés bíena daide: “Nana ocuica uailai dáamie ñue ícoimo fuitáadi, áfede afémie are iite.” Mei íadi afe uáillaina ñue jeire otímiena iñede. ⁶ Mei jíáfodo, Jesumo cai ínogafuedo Juzíñamui anamo ñue jaícina cai illífue Juzíñamui Cuegáuai bie izói daide: “O comeci anado bífuena daí jicánoñeno iri: ¿Bu mei caifo monamo jaille, Cristo ana cai jíllotataibillena? ⁷ Daje izói bie jíáfue daíñeno iri: ¿Bu mei ana tíidino illánomo jaille, afénomona Cristo caína caifo jíllotataibillena?” ⁸ Juzíñamui Cuegáuai bie izói daide. Be ñie: “Ací, Juzíñamui jíllotaja uaina ja cacádiomoi. Ie llógamo ja coméidiomoi.” Bie uailai ómoimo cai lloga omoi ínollífue. Be ñie: ⁹ O fúedo jino comínimo “Jesús cue nahí Ocuíraima,” o daíadi, nane daje llezica afémie tíllanomona meine abido cáadimiena Juzíñamui jáitagamiemo o comécido o ínoiadi, ua jíllotio. ¹⁰ Mei Juzíñamui anamo ñue jaícina cai itábicaillena, afémieemo comécido ínoredicaí; ie mei Jesucrístomo nahí cai

jaináinafuenta, cai fúedo jino comínimo llóredicai, áfedo ñue cai jílloillena.

11 Juzíñamui Cuegáuai daide: “Nana íemo ínotino íena meáiruiñeite.” 12 Jesucristo nana náiraímo daje uaido úrite. Judíoñedinona énenoruiñeno daje uaido íaioímo úrite, naa judíuui diga. Nana nairai Ocuíraíma daade Jesucristo; nana afémiemo jicádinomo afémie jaca dúecaífirede. Ja ie jira íemo ite jamánomo ñúefuíaímona íaioímo fecáfirede. 13 Mei Juzíñamui Cuegáuai daí daídeza: “Nana cai Ocuíraíma Jesucristo jicaitino jílloítiaioí.” 14 Mei íadi Crístomo nai íaioí ínoñeniadi, ua afémiemo jicánidiaioí. Daje izóí afe jílolle uai nai íaioí ñue cácañeniadi áfemona nai ínonidiaioí. Iemo afe uai jino llóraíma nai íñeniadi, afe uaina ua cacánidiaioí. 15 Afe izóí, uai jino llóraímana nai íaioí ocuíñeniadi, afe ñúefue uaina ua jino llónide. Jira Juzíñamui Cuegáuai bie izóí lote: “Núefue lluaíbitimie billa iere ñuera.”

16 Mei íadi nana cue nairai imaci, Cristo daína ñúefuena jeire oñediaioí. Jaiai uai llóraíma Isaías dama bie izóí daide: “Ocuíraíma, cai lluaíbigafuena jaca buna ínoñena!” daide. 17 Aféfuíaímona bie izóí onódicai: ñúefue fidínamona comini ínotinona jáidiaioí. Iemo dáamie Cristo daína uai jino lluaíbillamona, comini afe ñúefuena fidídiaioí.

18 Mei íadi jicánoticue: ¿Mei nibai nana judíuui afe ñúefuena fidíñediaioí? ¡leñede! Ja fidídiaioí. Juzíñamui Cuegáuai daje izóí lote:

Afue llóraíni úrilla uai nana énie náiraíaido cácaide. Iaioi daínauaillai nana énie fuédamo jica itínuaímo ñue jalleide, daide.

19 Dánomo nane jíaífuena jicánoiticue: ¿Mei nibai afe cacánafue Israel comini ífócimo nai figo déíñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua comíniñedimacimona ómoína úradoítaiticue. Daje izóí abina onóñede nairai ícoínia ómoína ícítaiticue, daide.

20 Afe mei Isaías jacíruiñeno Juzíñamui daínafue lote. Be ñie: Cuena jenóñedino ja cuena baitíaioí.

Cuena jicánoñedinomo dama cue abina ja onótaticue, daide.

21 Israel nairai dibénemo Juzíñamui daínauai Isaías lote. Be ñie: “Nágaruillaído cue uaina náfueacañedinona uáidotícue. Mei íadi fairíoñediaioí. Daje izóí cuena uáitaoidinona uáidotícue, mei íadi náfueñediaioí,” daide.

11

Israel náiraímona dáarie jílloítiaioí

1 Iemona nane jicánoticue: ¿Ja nibai Juzíñamui ie nizeca Israel náiraina ruífiruiga? ¿Jaca íeñede! Mei cue dama Israel nairai ímiedicue. Daje izóí Abraham izíedicue. Iemo Benjamín comínimona comuídicue. 2 Jaiái nínomo uícomo íeiena onoiga Israel comínina birui ruífiruiñeite. Uáfueza, uai llóraíma Elías daína uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fieni finócafuiaí íaíoímo ríire jitade. Daíde: 3 “Cue Ocuíraíma, o uai jino llórainína fatíaoí. Daje llezica o íóbitalle illánuaína niné táinocaitatíaoí. Afemona dama cue fiébilla. Iemo daje izóí nane cuena titáacadíaíoi,” daíde. 4 Mei íadí Juzíñamui ie uai fairíote: “Siete mil dígamaci eneno cúeiena ja níriticue. Afémaci afe taino juzíñamui Baal jánarai anamo caíñici ífodo dújuñediaíoi, ie íóbitallena,” daíde. 5 Ie jira daje izóí birui judíuaímona ínote dúemacína eneno mamécaíaoí. Juzíñamui nana comínimo dúecaillano daa bimácína oni eneno nízedo. 6 Bie níziafue Juzíñamui caímo dúecaillamona comuide. Iemona come finóacanamona comuñede. Mei íadí caí níziafue come finóacanamona comuideniadi, Juzíñamui caímo dúecaillafue nahí caímare dúecaillafueñede.

7 Bie daínaí fue ¿mei nífuena caí llote? Be níie: Israel comíní íaíoí jenoca Juzíñamui anamo ñue jaícífueña baíñediaíoi. Mei íadí Juzíñamui nizeca dúemaci afe íaíoí jenócana otíaoí. Ie mei baíñedímaci Juzíñamui íaíoí comécína ríiretade. 8 Juzíñamui Cuegáuái daí daíde: “Bimácína Juzíñamui comécína tíidino izóí finode. Uina cíoiñedino izóí íaíoína finode. Daje izóí jefona cacáíñedino izóí íaíoína Juzíñamui finode. Naí afémaci jaca biruílaimo bie izóí ítaíaoí.” 9 Iemo jíái David Juzíñamuimo jícajano daíde:

Juzíñamui íóbitallena íaíoí finoca güilláfuiaí táinona finódiaíoi. Afe jira Juzíñamuína daídícue: Mai duere íaíoí finoiri.

Iemona aféfuiaí tácofo izóí íaíoímo jáíteza; daje izóí llójeji izóí jáíteza.

Afe táinona finócafuiaímo écitaillano izóí duere finólliaíoíza.

10 Daje izóí uina níridino izóí mai mei íaíoí jáilleza, Juzíñamui ñúefuiaí íaíoí ónoñeilleza.

Iemo nágarui íere baízídaitaganona íítiaíoíza, daíde.

Judíoñedino jíllotafue

11 Ja birui nane jicánoticue: ¿Ja nibai judíuaí íaíoí écitaillamona niné nana táinocaitalliaíoi? ¿Jaca íñédeza! Mei jíáfodo judíuaí Juzíñamui lloga uaina cacáacañena llezica, judíoñedino aféuai cacáillano íaíoí jíllloíllifue maíñódiaíoi. Afe íaíoí maíñua Israel comínina úradoitate, afe jíllonafue otino

illa izói íaiói íllena. ¹² Iemona judíuai íñoñenafue íraínomo nana náiraiaina canode. Afe judíuai ícoimo fuitáñeno zófenocaillafue, judíoñedinona ñue canode. Mei íadi judíuai meine abido Jesumo ínuaille llezica, nana náiraiái jamánomo ñue ézicilliaíoi.

¹³ Ja birui judíoñedinomo úriticue. Mai omoi cácarei. Mei judíoñedinomo ñúefue llúájillena Juzíñamui orécacueza, afe bie cue llócaillifue mo iere járítai-firedicue. ¹⁴ Nibai áfemo riire cue tájinamona, cue nairai comini, omoi illa izói íacaitiaíoi; afe izói íaiói íllena jitáidicue. Afemona afémacimona dáarie ñue jíllobicaitiaíoi. ¹⁵ Mei Juzíñamui judíuai ruifruillamona nana jáie nairai Juzíñamuimo comeci caimare uái illáfuena llogáiaíoi. Iemo uire judíuaina íaióina Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. ¹⁶ Mei jíi, Abraham Juzíñamuimo dúinamona, nana ie anamo comuíocaidino Juzíñamuimo dúidiaíoi. Daje izói da amena jáinao Juzíñamui íeiena maméiadi, daje izói nana afe amena ícairuai Juzíñamuimo dúide.

¹⁷ Mei íadi dáarie Abraham anamo comuídino íaiói íñoñenamona Juzíñamui comínina íñeillena ruifruigaiaíoi; íemo ie uai jeire omoi úamona Juzíñamui comínina itátagaomoi. Afe ruifruigamací ífomo jae jóonegaomoi; jóoneficaillano Juzíñamui Abraham imácimo lloga ñúefuiai daje izói llínorediomoi. Ie jira judíuai ñuera olivo amena naa ie ícairuai diga izóidiaíoi. Iemo omoi nano fueñe jazicí amena ícairuai izóidiomoi, mei judíoñediomoiza. Jae judíuaimona dáarie íaiói íñoñenamona amena ícairo jaitaina izói jaitácaiaíoi. Afe mei omoi ínuamona afe jaitácacairuai méífomo jóonegaomoi. Ua, jaiái jaitaca ícairuai jáie aménamona méífomo zicóllena jóonegano izóidiomoi. Birui daje moi ícoraimo jáináidiomoi. Afe ñuera olivo íjido cáadiomoi. ¹⁸ Ie jira abina íñoñeno iri. “Olívomona jaitaca ícairuai izóidimací baimo ñúeracue” daíñeno iri. Afe izói daínidiomoi, mei ñuera olivo moi ícoraiaina cáatañediomoiza; daní jáinamona zicóllena jóonega ícairuai izóidiomoi. Mei uáfueza, daní Juzíñamui nizeca comínimo birui omoi jáináinamona ie lloga ñúefuiai llínorediomoi.

¹⁹ Nibai dáamie dáite: “Dáarie afe ñuera olivo ícairuai jaitácaiaíoi, afe méífomo cue jóonellena”. ²⁰ Jáinamona ñuera olívomo zicódiomoinia ñuera, mei íadi jaitaca izóidimací jáífo joide: Juzíñamuimo íaiói íñoñenamona jaitácaiaíoi. Daní omoi ínogafuemona jóonegaomoi. Iemona áfedo daní abina ínonidiomoi. Mei jáífodo omoi jaitábiza abina ñue omoi rairuirí. ²¹ Mei Juzíñamui nano nizécanona figo íaiói

hinoñenamona jiziñeno íaiõina ruifíruite, afémie daje izói omoi figo hinoñeniadi, amena ícairo jaitaina izói, jiziñeno raire ómoina ruifíruiteza. ²² Mai bífuego omoi coméciri. Juziñamui daí omoi jóniano iere ñuera. Afedo afémie ómoimo dúcaifirenana fidídiomoi. Mei íadi nane afémie iere riire jaícina ocuídime, mei ie uaimo náfueñedimacina afémie iere duere finode. Mei jiáfodo afémie ómõiri dúcaifirede. Iemo fáicanocaiño ie uaina jeire omoi óadi, ie dúcailla dibénedo ífireitiomoi. Afefue jeire omoi óñenia, jiái ómoina afémie jáitaite. ²³ Mei jiáfodo judíuai nane abido hinoia, afémaci abido dáanomo jofo jónelliaõoi. Mei Juziñamuimo meine íaiõ jónelle riino ite. ²⁴ Mei omo judíoñediomõiza, jica ite onínemaci izóidiomoi; Juziñamui comínimo due jiza dúñediomoi. Daí omoi illa llezica Juziñamuimo omoi hnuado, afémie ie comínina ómoina itátate. Ie jira nano fueñe ie nizécamacimona oni nibéfodo baiídino íaiõ hnoiadi, abido daje ie comínina itátallena, Juziñamui dibénedo jamánomo juánide.

Iirairuillaído Israel nairai jilloitiaõoi

²⁵ Amatiai, omoi cacai. Afe olivo amena ráfuenta ja ómoimo llotice, uáfodo ónoñega Juziñamui mamécafuena comécido omoi onóillena. Juziñamui nanómona comécido mamérillafuena ómoina fidítaiacadicue. Aféfuena ónoillano Juziñamui comínina omoi itátagafuedo abina hnoñeitiomoi. Juziñamui mamérillafue bie izói joide: Juziñamui Israel nabémacina comécina riire finode, mei íadi nano íanori íaiõ comécina riiretade. Íaiõ comeci riireta mei, Juziñamui nana jiáie náiraina caimare uáidote, íaiõmona nana Jesumo hnotino nizéllena. ²⁶ Nana Juziñamui óiacana dieze íemo hnotimaci ofille mei, nana Israel nairai jilloizitiaõoi. Mei Juziñamui Cuegáuai daí daide: Cai Jílotaraima dani cáimona cómuite. Afémie Jerusalén jófueмона biite. (Afe jofue jiáfodo Siõna mameide.)

Jacob meifo igímaiai íaifuiaina afémie múiñoite.

²⁷ Íaiõ fiénidifuiái oni cue dolle mei nana uícodo cue lloga ñúefuiái ñue fuite, daide.

²⁸ Nana comini jilloille uai dibénedo judíuai fairíoñediaõoi. Iemona judíuai Juziñamui ruifíruigaza, ie bacáuai imácina jáidiaõoi. Ie bacáuai imácina íaiõ íllamona Juziñamuimo cai nabáirillino comuide. Mei íadi Juziñamui nai íaiõina izíruite, íaiõ jaiáidigímaiai ie nízia jira. ²⁹ Mei uáfueza. Juziñamui ja ie fecaca raana abido bairóñede. Daje izói cai ie uáiduafluena jaca jiáfodo méidoñede. ³⁰ Naui Juziñamui uaina hnoñediomoi;

mei íadi jíai birui judíuai daje izói íaioi íinoñenamona Juzíñamui ómoiri dúecaizaide. ³¹ Ja birui nano ánorí judíuai Juzíñamui uaina íinoñediaioi, Juzíñamui ómoimo dúecailla izói íaioimo dúecaillena. ³² Bie uáillaimona bífuena onódicai: Nana jíaié comini ie uaina dájerize íinoñediaioi. Ie uaina cai íinoñenamona fiénidifuiái finófredicai. Iemona Juzíñamui nana caina dájerize cai gaiga fiénidifuiaimo llaveca izóidinona jónete. Afémie bie izói caina daide, afe méifomo afémie nana caimo dájerize dúecaillena.

³³ ¡Diga Juzíñamui ebírede comeci ífuiái caimo ie dúecaillena, naa ie onóigafuiái diga! ¡Afémie iere ráfuena baitádimie! Uícodo ie mamérrillafuiaina cai jino llónidicai. Daje izói eneno dáarie comínina ie níziafuiaina, onóñedicai. ³⁴ Cai Ocuíraíma comeci úrillafuiaina buna onóñede. Daje izói afémiena bu llófuetimie íñede. ³⁵ Iemo jíai cai Ocuíraímamo raana izájitimie íñede, afe raa iba llíinollena. ³⁶ Mei nana ráaniai Juzíñamui comuítaga. Nana afémie finoca; daje izói íeiena nana finode. Jaca zíiñona Juzíñamuina íóbioitaredicai. Aquíe izói íteza.

12

Juzíñamuimo ñue jaícina cai dúina uai

¹ Cue ámatiai, birui Juzíñamui caina dúecaillamona, ómoimo izire jicádicue. Dani omoi mai Juzíñamui anamo itábicairi. (Dani omoi comeci gáinafue finóñeno, mai Juzíñamui comeci jítainafue omoi finori, cai ie ocuilla izói.) Juzíñamui íóbitalle rille jaiai íemo jaiai feca izói, nai omoi caana llezica, Juzíñamui anamo dani omoi mai ñue itábicairi, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oíri. Nana bífuiái ñue cai fínuamona, cai joréñodo Juzíñamuina caimátaitadicai. ² Biniemo ite comini comeci táinomo facáoidiaioi. Mai, afe izói omoi íñeno iri. Mei jíáifodo, omoi comeci ífuiái, mai jíáifodo méidori. Daíí omoi comeci ífuiái omoi méiduamona afe izói Juzíñamui nana o illafue cómfuena méidoite. Afemona Juzíñamui comeci ñue jítainafue ónoiticaí. Daje izói ie jitaina ñúefue ónoiticaí, naa ie cai íóbitallifuiairi. Daje izói ie ciona jaícina jóidifuiaina ónoiticaí.

³ Juzíñamui cuena dúecaillano cuemo jóonegafuedo, nana ómoína dáíticue. Juzíñamui cai fibítajafuemo da comécina facáredicai. Afedo abí cai ínolle ñuera. Mei íadi afefue baimo táinodo ínonidicai. Iemona nana ómoimona dámie, afefue baimo dama ie abina ínoñeno iri. Mei jíáifodo illa dígamie comécina ñue jaícina facárede, Juzíñamui íemo lloga ie comécimo Juzíñamui comuítaga ínuafue daína izói. ⁴ Da come

abimo aillo táijide ráaniai ite. (Onoi jáífodo táijide. Daje izói idai táijina jáífoide. Daje izói fue táijina jáífojoide. Daje izói jefo táijina eneno jáífojoide.) Mei íadi daade cai abi íadi. Naga cai abimo ite raa eneno jáífofodo caina canode. Daje táijinamo iñédiaioi. ⁵ Daje izói, áilloziena Jesumo ñnoticai. Aillo cióidicai íadi, daade abi izóidicai. Ua, Crísto dájena cai jaináinamona, dáamiede abina iticai. Dáamacidicai. Afe llezica dáamiedicai abimo ite táijide raa izói, dani conímamo dájena jaináidicai.

⁶ Naga cómemo Juzíñamui jónega táijinana fibíllafue jáífojoide. Juzíñamui comeci óiacana izói, afémie naga cómemo fecade. Bie táijinana fibíllafue ñue jeire óredicai. Dáamiemo Juzíñamuimona onoiga uailai jino llóllena fibítaga. Afemona áfena afémie rairuíño jéruirede. Nano ie ñnogafue íllaze jino llófuere. ⁷ Jáímaci cai canófireille fibíllafue Juzíñamui caimo jóneiadi, áfede rairuíño canóredicai. Daje izói llófuiana fibítagamie, afe ie llófuefirenamo ñue járitairede. ⁸ Afe izói jáíma comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe ibana ie maiño llemo coméciñide. Fia íaioimo dúecaillano fecádenia ñuera. Afe izói comini jetállifuena ocuídime caimare abi rairuíocana ocuired. Duéredino canófiredimie, caimare íaioina canórede.

Jesumo ñnotino finórede uai

⁹ Táinona lloño conímama izírui. Íafue bai oño iri, mei íadi ñúefue jeire omoi óiri. ¹⁰ Jáímana caimare nahí ama izói izírui. Afémiemona raire uícoficaiño iri, mei jáífojoide méifomo fiéño raire íena o uícodó o otátari.

¹¹ Ráiraieño jiere omoi iri. Ñue naire cai Ocuíraimamo omoi táijiri.

¹² Cai ocuírinafueмона caimare omoi ífireiri. Duere omoi zefuádi, áfemo raire járitaiño, fíaicana caimare úriri. Juzíñamuimo úrillana jaca féitaño iri.

¹³ Jesumo ñnotino jitailla raana, íaioi canóllena jeruíño fecari. Nana omoi jofomo uáiduaibitina caimare uáidori.

¹⁴ Omoi fieni finódinona ñue caimátaitari. Íaioi ibana fieni faidóño, íaioi cáimafuiai Juzíñamuimona jicari.

¹⁵ Caimáaidino diga caimare omoi iri. Daje izói raamo jírídino omoi dúecari. Eedino diga omo eeri, íaioi fíralena.

¹⁶ Conímama úradoiño iri, dájena illa dígamie ñue coméciiri. Daje izói fieni abina ñnoño iri, mei jáífojoide comécina mánaidino izói omoi iri. “Íere baitáidimedie” comécido daiño iri.

¹⁷ Da come fieni omo finóadi, afe ibana afémiena fieni finóño iri. Mei jáífojoide, nana comini eróicana iba oño ñue o

finori. ¹⁸ Omoi illa dino, nana comini comeci jacíruiñenafuedo caimare uái omoi iri. ¹⁹ Cue izíruiga ámatiai, fiénidifue comuádi, ibana omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jii, Juzíñamui Cuegáuai daide: “Duere finóllifue cuemo dúideza. Daje izói cue iba ólleza. Daií cai Ocuídímie daide.” ²⁰ Nane dánomo daide: “O bacáuai ímie jufírui, icíñeno íena ecari. Iemo afémie jiróacaniadi, ie o jirótari. Bie izói ie o fínuamona, izire íena méaicaitaitio,” Juzíñamui Cuegáuai daií daide. ²¹ Fiénidifue omoi anáfenuamona abí omoi rairuri. Mei jiáifodo ñúefue jeire omoi úado, fiénidifuena mai omoi anáfenori.

13

¹ Nana comini omoi jamánomo ocuídillaíma ocuica úiñotillaini anamo ñue omoi itábicaíri, mei nana ocuídillaini Juzíñamui jónegaza. Afémie jóneñega ocuídímiena íñédeza. ² Iemona afe úiñotillaimana uáitaoidímie Juzíñamui jónegamiena uáitate. Nana daií uáitatino, afe ie uáitaja ícoínia afémacina Juzíñamui duere finótaité. ³ Mei jii, ñúefuena jeire ófiredino ocuídillainina jacíruiñeítiaíoi; mei jiáifodo fieni finódino jacíruillena jónegaíaiíoi. ¿Meita ocuídillaímana jacíruiñedímiena íacadío? Mai ñúefuena jeire o oíri. Iemona aféllaíma “Facátagamiedío” ona dáíte; ⁴ mei afémie Juzíñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaímana jacíruiredío, mei afémie duere finótalle ríino táinomona íñegaza. Uafue, afémie Juzíñamui táijitagamie nana fieni itino duere finótallena. Nana íaiíoi fieni finócafue íllaze ñue jaícina íaiíoiina duere finótaité. ⁵ Ie jira ocuídillaini anamo itábicairedíomoi, daa duere omoi fínobiñeillena, mei íadi daje izói Juzíñamui jónega omoi comeci úrilla uai jeire omoi óllena. ⁶ Afe bie izói ñue omoi íllena, ocuídillaini lloga gobiérmomo íbárede úcubena íbáfiredíomoi. Mei jii, aféllaíni Juzíñamui táijitagano. Afe íaiíoi táijinamo izire járitaíoiíaiíoi.

⁷ Iemona naga cómemo dúide raana, mai jeruíñeno ñue íemo ine. Gobiérmomo cai jaináinamona, íaiíoi ocuica úcubé llíinoraíma lloga gobiérmomo dúide úcubena mai omoi fecari. Daje izói gobierno caímo jicana oga raa, emódomo raiñócana áfena mai omoi ibari. Naga ocuídillaímamo dúide ñúefuedo jacíruióinafue, áfedo ñue íena omoi jacíruiuri. Daje izói naga jamánomoidillaímamo dúide ñúefuena, mai áfena íemo omoi nitari. ⁸ Omoi záitaiñega íbállifuena bumó itáteñeno iri; jiáifodo daa ñue íbállifue íte. Afefue jiáímana cai izíruíllifue. Afemona daní conímaíina izíruíredicai. Mei naga conímana izíruitímie,

áfedo Juzíñamui ocuica uaina ñue jaícina fuitádeza. ⁹ Jaiai Juzíñamui ocuica lletara uallai daide: “Jiruífueña finóñeno iri, cómena titáñeno iri, meríríñeno iri, jaímamo táinona lloñeno iri, jaímiemo ite ráaniairi úradoiñeno iri.” Mei íadi bie ocuica uallai naa jaíie lletara uáillairi daa bie dáinamo dájena itíaiói: “Dama o abina o izíruilla izói, afe izói o abi cómena izíruiri.” ¹⁰ Izíruitimie ie abi cómemo fiénidífueña finóñede; íemona izíruillafuedo Juzíñamui ocuilla uallai ñue jaícina jino zuitárede.

¹¹ Nana bífuiamo jeire omoi ua llezica, birui cai illáruillaimo ñue mai cai uibíoilli. Ja iere abi cai rairuúlliruimo ja dúcidicai. Afemo ñue omoi comécioiri. Mei Jesucristo caina jíllotajano uire jaíruido caina uáibiteza. Afe ie cai uáibilliruimo ja áinozide. Fueñe Jesús uaina cai ínua llezica, afe cai ie uáibillirui bai jica ite, mei íadi birui ja aféruimo itícaiza. ¹² Bie énie fiénidífue árera naio izoide. Afe bie árera naio ja monáiacade. Jítinomo finoca fiénidífuiái finuana ja fáicanocairedicai. Fuiríraima ie abi ríidua llojeco jítaja izói, afe izói íaífue cai fínoñeilla caí comeci rairuúllafueña jeire óredicai. Ie mei ñúefuedo, úzefomo itino izói macáredicai. ¹³ Ua, úzefomo itino izói, mai ñue jaícina caí macalli. Jífaífrenafuemo mai caí íñeilli, naa fiénide aillo güillárenafuiaiiri. Afe izói nana jiruífuiamo mai caí íñeilli, naa jaíie comeci meáire óiacanafuiaiiri. Daje izói dájena comécíñedimaci izói íñeno omoi iri. Iemo jaíi fiénide júfidogafuedo mai caí úríñeilli, naa úradoillafuiaiiri. ¹⁴ Mei jaíáfodo Jesucristo ñue illa izói, ie cánuado afe ñue illáfuemo mai omoi iri. Omoi comécimo ite fiéni óiacanafuemo, áfemo mai omoi comécíñeno iri. Daje izói, afefue omoi finóllema mamériñeno omoi iri.

14

O ama jánana fiéni úríñeno iri

¹ Juzíñamui uai como fueñe jabo ínnotimíena, ñue jofu omoi cígimo llínori. Afémie ínogafueña féitaiacaniadi íena caimare uáidori. Ua, ie ínoga onóñega uáillaimo aillo omoi úridoñeno caimare íena omoi uáidori. ² Mei jii, “Naga raana íairuíñeno güiredicai,” daíífiredinona ite. Daje izói dáarie Juzíñamui jabo ínnotino “Rillena riñeno da ria llizíllana güiredicai,” daíífirediaíoi. ³ Ie jira naga raana güitímie mai afe rillena fímairitimíena jámairuíñeno iri. Afe izói, fímairitimie, mai naga raana güitímie comeci fiéni facáñeno iri. Mei Juzíñamui afe íaillinoi, íemo ínua mona, ie comínina caimare íaillinoína uáidoteza. ⁴ Afémaci Juzíñamui ocuícamaciza, íaíoiña fiénidífuedo jicánonido, mei afémaci óieñedeza. Dani íaíoi

ocuídimiemo uai orédiaioi. Iaioi illafue riire jicánollena dama íaioi ocuídimiemo dúide. Ocuícamié illafue ñúenia, ie ocuide Juzíñamui uícomo méairuiñeno náidaite. Ie illafue fiénia, ie ocuide Juzíñamui duere íena finoite. Mei íadi afémie ñúefue dibénemo féitañeno íite, mei cai Ocuíraima Jesucristo riinoredeza, afémiena ñúefuemo jaícina jaináitallena.

⁵ Daje izói, dáamié nágaruillai baimo daa illirui eneno rairuide, Juzíñamuina caimátaillena aferui judíuai ráfuena jira. Jiáimaci naga mona daje izói ñúeruillai, daidíaioi. Illa dígamie dama ie comeci úrillafuena ñue onótaredeza. ⁶ Daruina eneno ráruitimie, cai Ocuíraima íóbitallena íeiena íllamona, aféruina eneno rairuide. Daje izói nana raana güitímie cai Ocuíraima íóbitallena íáiruiñeno güífiredé, mei afémie afe güíleri Juzíñamuina “Íere figora” dáideza. Daje izói cai Ocuíraima íóbitallena fimairitimie fimairillano Juzíñamuina “Íere figora” daide.

⁷ Nana cáimona buna dama ie comeci íóbioillena ínide; daje izoi buna dama ie comeci íóbillena tííñede. ⁸ Cai caana llezica cai Ocuídimiemo jaináidicai. Daje izói cai tííadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraima íédicai. ⁹ Mei jira Cristo tíizaibillano, meine abido cáadimiena jaide, cáadino náamata izói, daje izói tíidinona náamatallena.

¹⁰ Mei íadi comínina náamañedio. Iemona ¿nibái mei o ama jánana fiéni úrillano íena riire jicánotio? ¿Nibái mei íena izíruiñeno jámairuitio? Mei jii, nana cai Cristo uíécomo ácatallicai. Afénomo afémie caimo itífuena riire jicánoite. ¹¹ Juzíñamui Cuegáuai lloste:

Uáfuenta jaca ninomo cáadimiena cue íllana onódiomoiza; afe
 izói uáfuenta nana comini cuemo eróicana íaioi cañici
 ífodo dújuzaibitiaioi.
 Daje izói nana comini jino uáfodo ñúefuena Juzíñamuimo
 nítaitiaioi, daide.

¹² Iemona jae onódicaiza, cáimona illa dígamie dama ie illáfuenta afe Juzíñamuimo jáanoñeno jino íemo llórede.

O ámana ñúefuemoni oni nibéfodo baiítañeno iri

¹³ Ie jira benómona mai conímaiaina comécido fiéni úriñeno iri. Mei jíáfodo, nágarui omoi finócafuiáido conímana fiénidifuemo omoi baiítañeno iri áfemo mai ñue omoi mamériri. Daje izói omoi illáfuedo afémiena fiéni facátañeno iri. Afemona abí omoi rairuiri.

¹⁴ Jae onódicueza, nana güille naa rílleniari, dama íainideza. Ua, cai Ocuíraima Jesumo cue ínuamona, ie daína izói, cómena íáruitaita güille íñédeza, ñue onódicue. Daa

“Bíena cue güiadi cuena íáiruitaite” comécido daidímiemo, afe raana afémie güiadi íena íáiruitarede. ¹⁵ Mei jáífodo, o ama comécilla rairuica güille o güillamona o ama o ríitaiadi, íena ja figo izíruiñedio. Mai daade o güiacaga güilledo, Jesumo o ñnote ama íaifuemo féiraitañeno iri; mei afémie jíilloillena Cristo tíizaíbiteza. ¹⁶ Omo ite ñue finócafuiaido jíáimacina fieni úritañoeno iri. ¹⁷ Mei jíi, daa cai güiga raado Juziñamui comínimo jaináñedicaí; daje izói daa cai jiroca raado afémacimo jaináñedicaí. Mei jáífodo Juziñamui anamo ñue jaícina cai íllamona Juziñamui comínimo jaináitagacai. Daje izói Ñuera Joreño caimo comuítaga caimare comeci uái illáfuedo, afe dibénemo jaináitagacai. Daje izói íeri cai íóbioillafuedo, dájena ie comínimo jaináitagacai. ¹⁸ Cristo lloga iodo jailla llezica, nana bífuiaina jeire otímie Juziñamuina íóbitade. Afe llezica afe izói finófredino comini ñue facátagamaci.

¹⁹ Iemona, naga come conímana caimare uái itátatífuiaína nágarui mai cai jenófireilli. Daje izói conímana Juziñamuimo baimo izire jaináitaja raa, mai cai jenófireilli. ²⁰ Daa o óiacaiga güilledo, dani omoi cígiri Juziñamui comuítaga caimare dájena omoi jaináinana, mai fia táinomo fáifitañoeno iri. Uafue, nana Juziñamui finoca güille güirede, mei ja ñúeraza. Mei íadi daa o güiga güilledo jíáimana ñuera íómona oni nibéfodo o baiítaiadi, afe fiénide. ²¹ Daje izói rille o ríamona jíáimana fiénidífuemo o baiítaiadi, ríllena o ríñeille, afe baimo ñuera. Afe izói vino o jíruamona íena ie ñnogafue o uáitaiadi, vínona o jiróñena afe baimo ñuera. Daje izói nana o finuafuiaimona jíáima ñnogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ñnogafue o féitañeillena. ²² Iemona bie güillafue, nibai güíñenafue dibénedo o ñuera ñnogafue fáicanocaiñoeno, Juziñamui eróicana dama óiena ñue o mameri. O comécido mamérrillamona finóacagafuiái dibénedo ñuera o daíreniadi, áfedo caimare itio. ²³ Mei íadi dámie Juziñamuimo figo ñnoñenamona ie güille jízíreoicana güiadi, afémie fiénidífuemo báide. Mei Juziñamuimo ñnuamona cai onoiga íena íóbitallífué cai finoca ñuera, mei íadi nana aféfuiaí jinomo cai finócafuiái fiénideza.

15

Dama o abina íóbitañeno o ñnote ámana ñue íóbitari

¹ Nane Jesumo ñnotínuiaimona dámerie ñue ríinorede. Jáímaci figo comécina náinidiaíoi. Cai ja comécina ríinoredinodicaí, íemona nai comécina ríinidinona

canóredicai. Afefue caimo llonódacaigafue. Afedo dani cai abina ióbitanidicai. ² Cáimona illa dígamie ie ñnote ámana ióbitarede, afémie ñue ñllena. Daje izói íena Juzíñamui aillo ñnotaredicai. ³ Mei Cristo dama ie abiri ióbillena jenóñede. Mei jáífodo Juzíñamui Cuegáuai íemo zúilla. Afe uai daide: “Afe báñoridino Juzíñamui jáíma báñoia cuemo baite.” ⁴ Nana jaiái uícodo Juzíñamui Cuegáuailai cai llófuellena cuega. Aféuaimo cai comeci fíraja uai baiticai. Afe izói bíuai cai facáduamona comeci járitañenafue caimo comuide. Iemona Juzíñamui ico cai nabáirizailliruiemo ocuírídicaí. ⁵ Juzíñamui afe comeci járidoñenafue llotímie. Daje izói afémie, cai comeci fírajano caina náiretade. Iemona omoi ie canóllena afémiemo jicádícue, illa dígamie jáímaiairi dájena caimare omoi ñllena. Mei Cristo Jesús daí caina dáideza. ⁶ Afe llezica, dájena omoi comécillena íemo jicádícue, cai Ocuíraima Jesucristo Moo Juzíñamuina dáauaido omoi caimátaitallena.

Judíoñedinomo Juzíñamui ñúefue jae llujáiga

⁷ Mei daí Cristo caimare cai uáidua izói, afe izói conímana caimare omoi uáidori, Juzíñamui ebíredifue nitállena. ⁸ Mei bie cue daina uai: Cristo judíuai ñue fínuaibite. Nana Cristo táijina fueñe judíuaimo dúide, cai nanóidigimana daina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie daina uai jaca jáífodo méidofinideza. ⁹ Daje izói judíoñedino Juzíñamui ióbillena Cristo ana bíniemo bite. Iemona Juzíñamui íaioimo dúecaillari ióbidiaioi. Juzíñamui Cuegáuai jaiái uícodo daí daide:

Ie jira afe izói judíoñede náiraiai cígiri omo caimátaiticue.

Omo ñúefue cue nitalle rua afémaci cígimo róiticue.

¹⁰ Ie mei jáínomo Cuegáuai daje izói daide:

Judíoñede náiraiai mai omoi cáimacairi, naa Juzíñamui imáciairi.

¹¹ Nane jáínomo Cuegáuai daje izói daide:

Naga judíoñede náiraiai, cai Ocuíraima ióbiri.

Mei afe Juzíñamui jamánomoidimieza, íemo omoi ióbiri.

¹² Mei daje izói Isaías cuete:

Isaí (illaíma David moo) ie méifomo comuídígimamona jamánomoidillaíma cómuite.

Afémie nana judíoñedino cígiri illáimaite.

Afe comini afémiemo ocuírítiaioi, daide.

¹³ Juzíñamui caina íemo ocuírítaita. Ie jira íemo omoi ñnuamona ñue cáimafue jeire omoi óllena, afémiemo jicádícue, daje izói omoi comeci caimare uái illafue jicádícue. Afe llezica Juzíñamui omoi nabáirizaillena birui jabo ocuírídiomoi.

Afemona Ñuera Joreño ríinodo ñue izire omoi ocuírillena Juzíñamui jicádícue. Mai mei daií Juzíñamui ómoína ñue éziciiteza.

¹⁴ Cue ámatiai, ñue onódícueza, ñúfuiaina jeire otíomoi naa omoi fibítainafuiairi. Daje llezica illa dígamie jíáimacina caimare llófuiana onódiomoi. ¹⁵ Mei íadi bie cue cuegábedo, bíuailai ómoimo iere jino uáfodo cueticue, afe uáillaina omoi féitañeillena. Juzíñamui cuemo dúecaillano cuemo jóonenocaigafue jino llotícue. ¹⁶ Bie cue táijinafue: Juzíñamui lloga cai jílloillifue ómoimo cue llujállena. Afefue ómoimo llotícue, Juzíñamui íena omoi maméillena, mei judío imáciñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

¹⁷ Mei daií dama Jesús cue ínuamona, Juzíñamui cue táijinafueri íobillano caimare itícue. ¹⁸ Dama Cristo cuedo finócafuiairi llócaítícue, mei áfedo judíoñedino Juzíñamui uaina jeire otátaticueza. Jíáimie táijinafuena jaca jino llócaíñeítícue. Afe íaioi Juzíñamui uailai jeire ua, cue daina uáillaído jino ñue ícoimo fuitádícue. Daje izói cue ñue táijinado íaioína ñue jaícina ínotadícue. ¹⁹ Afe izói jino cue cíotaga uaido comuítaga cíorainina ráamona íemo jíáie onóillena finócafuiairi, íaioína ñue jaícina ínotadícue. Daje izói Ñuera Joréñomo ite ríinodo íaioína ñue jaícina ínotadícue. Bie izói cue ínuamona Jesucristodo cai jílloillifue llujállena ja ñue ícoimo fuitádícue. Ua Jerusalémona oni jica nágagobiaído aféfuena llócaidícue. Ua ícoimo lírico éniemo záitajidícue. ²⁰ Afe daií, nai jaca Cristo mámecina cacáñedinuíaímo, afe ñuera cai jíllonafue llócaidícue. Daií oni jicado llócaidícue, jíáima jae llógamo dáanomona nane cue llóñeillena. ²¹ Mei íadi Juzíñamui jaiái Cuegáuái daina izói: Juzíñamui ífuena nai lloñéganuíaí afémiena ñue ónoítiaíoi.

Daje izói jaca íena cacáñedino nane aféfuena como fídiítiaíoi, daide.

Pablo Rómamo jáillena comeci facade

²² Díga icaiño omoi uáiduaillena comeci facáfiredícue, íadi jaca jáinidícue. Mei como ómoimo cue lloga oni nágagobiaído cue llócaigafuemo záitaiacadícueza; bínidícue. ²³ Mei ja birui bígobiaído cue táijicana ja fuitádícueza. Jaiái diga fimónaíai omoi diga íacadícue. ²⁴ Ja birui Españámo cue jáizailla llezica ómoína méiñuái biacadícue. Omoi cígiri cue illa llezica, iere caimare ítícue. Afe mei Españámo cue jáiacana llezica, omoi cue canóllena jítaitícue. ²⁵ Mei íadi birui fueñe Jerusalemo ite ámatiai canolle raa úitícue. ²⁶ Macedonia énie imaci, naa Acaya énie comíniri, Jerusalemo

ite dúeredino canolle úcube ofítallena maméritiaioi. Afe íaioi ofitaga úcube cuedo Jerusalemo óreitiaioi. ²⁷ Afe bie úcube oréllemo ñue comécidiaioi. Mei jii, afefue ñue jaícina joide. Uafue benó itímaci afémacimona aillo comeci cáimafuiaí ibáñeno itíaioi. Iemona birui Jerusalemo ite ínotinomo raire iballe ite. Ua judíuaimo ite Jesumo ínotino, íaioimo ite comeci cáimafuiaí, jae judíuainédinomo dájeze fecádiaioi. Iemona benó Macedóniamo ite ínotino naa Acaya ínotinori, judíuaimo ite ínotinona, afe ibana íaioimo ite úcubedo canócadiaioi. ²⁸ Bie íaioi afémaci cánua mei, afe izói íaioi jóonega úcube cue izájille mei, Espáñamo jáitícue. Ua omoi uáidocana afénomo jáitícue. ²⁹ Ñue onódicueza, omoi cígiri cue dúcille llezica, nana Cristo uáimona comuide cáimafuiaí ómoimo llófuerecúe.

³⁰ Amatiai, cai Ocuíraima Jesucristo mámecido izire ómoimo jicádícue. Daje izói Ñuera Joreño caimo comuítaga izíruillafuedo izire ómoimo jicádícue. Mai, cue diga dájena omoi iri, Juzíñamuimo dájena cai úrilla. Juzíñamui cue canólleza, mai izire omoi jicari. ³¹ Dinó Judea éniemo ite ínoñedino cue íaioi llaitáacanamona cue ie zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llínolleza, daje izói Juzíñamuimo omoi jicari. ³² Bie Juzíñamuimo omoi jicáfíreillífuaí ómoimo jóonenocaidícue, Juzíñamui comeci jítaina izói omoi illánomo caimare cue dúcillena. Afe mei omoi cígiri nano áinori cue illedo cue comeci ñue náireite. ³³ Mai, comeci caimare uái illáfúena fecade Juzíñamui omoi ñue nábaiteza. Daiítadeza.

16

Pablo ie onógamaci uáidote

¹ Birui cai Jesumo ínote miringo Fébena, ómoina caimare uáidotadícue. Afengo Cencrea jófuemo ite Juzíñamuimo gairídímaci canófiredingo. ² Cai Ocuíraima mámecido aféngona caimare omoi llínori. Mei nana Jesumo ínotino illa dígamie jáimana daí caimare llínofíredeza. Daje izói nana afengo jitailla raana aféngomo omoi fecari. Afedo aféngona canóredíomoiiza, mei afengo jaiái aillo comínina canófiredeza. Iemo jíái daje izói cuena canódeza.

³ Iemo Aquílamo ie ai Priscila diga, uai orédícue; mei afe íaillinoi Cristo Jesús uaimo cue táijicana llezica cuena nabáidiaillinoi. ⁴ Jácinomona cue íaillinoi jíllotado íaillinoi illa-fue jacire fiévide. Aferi afe íaillinoina “Iere figura” daidícue. Dama cue daí daíñenaza, nana judíuainédinomona gairífirede

ámatiai daje izói “Iere figura” daidíai. ⁵ Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crístomo ñnotimie. ⁶ Afe izói ómoïdo iere táijifiredingo María omoi uáidori. ⁷ Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoi omoi uáidori. Cáizie ímie íaillinoi. Jesús orécamacimona mámecina jica jalleide íaillinoi. Afe íaillinoi nai Crístomo cue ñnoñenia, raire úcodo Crístomo ñnotiaillinoi.

⁸ Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹ Iemo Cristo Jesumo cue táijina llezica, cue nabai Urbano uáidori. Daje izói cue izíruiga Estaquísimo uai orédicue. ¹⁰ Afe izói Apeles uáidori, mei diga ícaíño Crístomo ie ñnogafuena afémie jino comínimo cíotateza. Daje izói nana Aristóbulo comini uáidori. ¹¹ Cue nairai ímie Herodiómo daje izói uai orédicue, naa cai Ocuíraimamo ñnote Narciso comíniri. ¹² Daje izói Trifena ie ai Trifosa diga uáidori. Afe íaillinoi cai Ocuíraima táijinamo táijifirediaillinoi. Daje izói cai izíruiga miríngo Pérsida uáidori, mei afengo cai Ocuíraima táijinamo táijifiredeza. ¹³ Iemo mámecina jica jalleide Ocuíraimamo ñnotimie Rufo uáidori, naa ie ei diga. Afengo aillo cuena ie izíruillado cue ei izoide. ¹⁴ Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri ite ámatiai uáidotícue. ¹⁵ Daje izói Filólogo, Julia, Olimpás, Nereo, naa ie miríngooiri uáidori. Iemo nana íaioiri ñnote ámatiai uáidori.

¹⁶ Mai, illa dígamie Crístomo izíruillamona conímana caimare uáidori. Daje izói benó Juzíñamuimo gairíracuai imaci ómoïmo uaillai orédiaioi.

¹⁷ Amatiai, bifue jeire omoi óllena izire jicádícue. Conímaiaina éoitadinomona abí omoi rairuiri. Afémaci jíáimana fiéni écitailla izói finódiaioi, omoi ñue ñnogafue féitallena. Baimáci jíáimana énenoruitaitiaioi. Bie íaioi lloga uai, nauí omoi cue llófuiafuena uáitaacadeza. Afémacimona oni jicado omoi iri. ¹⁸ Afe izóidino cai Ocuíraimo comeci jitaina izói ñnédiaioi. Dani íaioi comeci gáinanomo táijidiaioi. Afe llezica íaioïmo ite caimare ebírerie urilla uaido, comécina nífuenidinona jífuetiaioi. ¹⁹ Nana jíáie comini Juzíñamui uai jeire omoi úana fidídiaioi. Iemona áferi íóbídícue. Iemo ñúefue dibénedo iere baitádimacina omoi íllena jitáidícue. Mei jíáifodo fiénidífue fínua dibénedo nífuenide onóñedimacina omoi íllena jitáidícue. ²⁰ Mei onódicaiza, comeci caimare uái illafue llote Juzíñamui Taife uaina anáfenoiteza, omoi ie áifedoñeillena. Mei cai Ocuíraima Jesucristo ómoïna ñue ézicíteza.

²¹ Cue diga táijiacade nabai Timoteo ómoimo uai orede. Daje izói cai nairai ímilai Lucio, íemo Jason, íemo Sosípater diga ómoimo uaillai orédiaioi.

²² Pablo ocuica rabe cúeraimadicue; cue mámecei Tercio. Daje izói Jesumo cue jaináinamona uai ómoimo orédicue.

²³ Benó ite Gayo ómoína uáidote. Birui afémie jofomo iticue. Daje izói nana Juziñamuimo gairíacadinomo íaioi dúcillena, afécona nano íanori íaioimo fiende. Daje izói cai jófuego ite úcubemo tájidimie Erasto, uai ómoimo orede. Iemo cai ama Cúartona mámeceiredimie uai ómoimo orede.

²⁴ Mei cai Ocuíraima nana ómoína ñue íllena éziciiteza. Daiítadeza.

Iraicaiño Juziñamuimo caimátaillafue Pablo úrite

²⁵ Juziñamuimo mai cai caimátailli, mei afémie omoi ñnogafuena iere izire ñnotaredeza. Cue ómoimo jino lloga cai jílloille uai daií dáideza. Daje izói Jesucristodo omoi cue llófuiafue daií dáideza. Juziñamui jaiái ie comécido mamérilla izói, ja birui judíoñedino comécina ñue náiretade. Ua, bínie nai cómuifñenia, bífuena jica ia daií comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. ²⁶ Mei íadi ja birui Juziñamui uai llócaidino cáiena fieca Cuegáuaido, afefue jae jino denoca. Bifue ziiño Juziñamui ocuilla izói caimo íficaide. Bie fueñe báinino Juziñamui comécido mamépillafue, ja birui nana náiraíaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ñnota afe uaimo ñue jeire íaioi óllena.

²⁷ ¡Daade jamánomo baitade Juziñamuimo ebírede ñúefuiai nítaiticaíza! ¡Daií afémiemo Jesucristodo ziiñona jaca ninomo llóiticaíza! Mei daiítadeza; jae ñie.

NANOIDE SAN PABLO CORINTO

IMÁCIMO ORÉCABE

Primera Carta del Apóstol San Pablo a los Corintios

Coríntomo ite Jesucristomo ñinotino Pablo cuete

¹ Cue Páblodicue. Ñúefue llujállena Juziñamui começi jitaina izói Jesucristo jóonegamiedicue. Bie izói daína Jesucristo orécamedicue. ² Cue, cai ama Sóstenes diga, Corinto jófuemo ite Juziñamuimo gairífiredino uáidotico. Afe llezica bibe ómoimo cueticue. Omoimo Jesucristomo dájena jaináinamona Juziñamui iédiomoi. Juziñamui íena omoi jáillena afémieoiri ómoína jírrite. Náagobiaimo ite cai Ocuíraima Jesucristo mámedido jicáfiredino, daje izói Juziñamui íeiena uáidogaiaioi. Afe Ocuíraima Jesucristo afémaci ie, daje izói cáíie. ³ Cai Moo Juziñamui, cai Ocuíraima Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue éziciiteza.

Jesucristomona comuide caimare illafue

⁴ Nágarui ómoiri Juziñamuina iere figura daiífiredicue, mei Juziñamui Jesucristodo ñue caimare ómoína itátate. ⁵ Mei jii, Jesucristomo dájena omoi jaináinamona, Juziñamui nana ie cáimafuiai ómoimo orede. Nana ie caimare úrillafue Juziñamui ómoimo llote. Daje izói ie onóigafuiai ómoína onótate. ⁶ Mei daií Juziñamui Crístodo daína uai ja ómoimo bie nahífueña ite. ⁷ Bíemona cai Ocuíraima Jesucristo cíocaizaibilliruimo nai dúciñena llezica, nana Juziñamui lloga uaina ómoimo íteza; abi diné jíáie uaina jítaiñeitiomoiza. ⁸ Afémie ico íirairuimo ómoína náiretaite. Iemona cai Ocuíraima billíruimo dúcille dino buna ninó fiénidifuena ómoimo nitáñede. ⁹ Juziñamui uícodo ie dáinana jaca ñue ícoimo fuitáfirede. Afe ñnofirega Juziñamui ie jitó Jesucristomo cai nabáirillena caina uáidote. Afe Jesucristo cai Ocuídime.

Crístomo gairífiredino dájena iñeno oni eneno comécidiaioi

¹⁰ Amatiai, omoi cacai. Cai Ocuíraima Jesucristo mámedido izire ómoimo jicádicue. Dájena omoi jainairi. Daje izói eneno omoi bozíetaiñeno iri. Mei jíáifodo jíáimana énenaruiñeno ñue dájena omoi iri. Daje izói dáafuemo começi fácaitiomoiza, íemo daje izói dáafuemo omoi maméritiomoiza. ¹¹ Cue ámatiai, bifue ómoína daidicue, mei Cloé comínimona dáarie cuemo llotíai, omoi cígiri jíáimana ruifíruillano oni enénorie

itíai oi, daií daidíai oi. ¹² Bie izó i cue cacánafuedo ómo i na daííacade. Omo i mona illa dígamíai jííí fodo úritíomoi. Dáaríe cue Pablo iédí cue daíde, jííí mací cue Apolos iédí cue daíde, jííí mací cue Pedro iédí cue daíde, jííí mací cue Cristo iédí cue daíde. ¹³ Mei íadi nana omoi Cristo abi izó idínodiomoi. ¿Meita afe Cristo abi énenoríe fecaca? Daiítañede. ¿Meita Pablo omoi méí fomo cruzmo coraíca? Córaíñega. ¿Meita Pablo máme cido omoi báutizagaomoi? Daiítañede. ¹⁴ Cue mena come Crispo Gayo díga báutizadí cue. Omo i mona abi díne jííí mací na báutizañedí cue. Aferí Juzíñamuína “Figora,” daídí cue. ¹⁵ Iemona ómo i mona buna “Cue bie Pablo máme cido báutizagacue,” daíí nide. ¹⁶ Iemo jííí daa Estéfanas comíni báutizadí cue, mei íadi cuemo úbicaiñedeza, abí díne jííí mací na báutizañedí cue. ¹⁷ Mei Cristo cuena “Comíni o báutizari,” daííñede. Cuena “Cue ñuera jíllona uai o llócaíri,” daíde. Mei íadi cue abi íínotade comíni bacácido cuena llotátañede, Cristo cruzmo tíllana cue ráí fitañellena.

Cristo llogáfuemo Juzíñamui ríino ite naa ie baitácafuiari

¹⁸ Afe bie Cristo cruzmo tíllafue, nana níne táí nomo báí itíno díbénemo ráí íñede táíno uailíai izoide. Mei íadi ñue jíllotíno díbénemo, Cristo cruzmo tíllado caí comeci illafue méí dorede, mei afe uaimo Juzíñamui ríino íteza. ¹⁹ Jaiíai Juzíñamui Cuegáuaido afémíe bie izó i daíde:

—Iere baitá díno onó ígafuiána níne táí nocaitaití cue.

Daje izó i fibídíno fibíllafuena ráí fitañeítí cue, —daíde.

²⁰ Ja bíniemo fibídí me ¿mei níí fuemo cánoite? Comíni comeci ífuena ñue méí doñede. Daje izó i fia fibíllafue lló fueraima canóñede. Afe izó i bíne ráfuií jííí fótí me canóñede. Mei nana bíniemo fibíllafuií Juzíñamui ja jííí fodo méí dogá. Ráí íñede táíno uáíllána méí dogá. ²¹ Juzíñamui nana íe finó llí fuiána onó írede. Iemona “Fia bíne comíni báítajafuedo cuena ónoñeítí omoi,” afémíe daííñocaide. Mei jííí fodo Juzíñamui íaí oímo lloga uailíai íaí oí íínuado afémí na jíllotaacade, afe bie lloga uai jííí mací mo ráí íñede táíno uai izoide íaí oímo cíocaide íadi.

²² Iemo Judíuái fia dáí namona comuíde cíoráí nína ráániána cíocadíai oí. Iemo judíoñedíno íere báítajafue jenódíai oí. ²³ Mei caí, cruzmo coraíca Cristo rafue jíno lló íredí caí. Ie mei judíuái afefue lló fuiána meáí ruitíai oí. Iemo judíoñedíno afé fuena “Ráí íñede táíno uailíai,” daídíai oí. ²⁴ Mei jííí fodo Juzíñamui jílló íllena maíñócano díbénemo afe Cristo caíri tílla llogáfuemo Juzíñamui ríino ite. Daje izó i afémí íena afe llogáfuemo Juzíñamui baitaca uai ite. Daa Juzíñamui jííí rígamíe judío í me íadi, bí fue afémíemo ráí fide. Daje izó i Juzíñamui uáí dogamíe

judíoñedimie íadi, bifue dájerize íaillinoimo ráifide. ²⁵ Mei jii Juzíñamui lloga uai, ráifíñede taino uai izói comínimo cíoide, mei íadi afe uai énie comini baitácafue baímo ìere baitade. Daje izói Juzíñamui finócafue riinonina izói comínimo cíoide, mei íadi comini máiríe baímo jamánomo rífrede. ²⁶ Amatíai, mai Juzíñamui omoi jírillafuemo uibíoicairi. Omoimona baitádinona figo iñede, mei íadi nai ie comínidiomoi. Daje izói ómoimona ríllainina figo iñédeza. Iemo ómoimona jica jalleide comínina figo iñede, mei íadi nai Juzíñamui izíruigamacidiomoi. ²⁷ Mei jíáfodo, bíníe comini daina abina onóñedino Juzíñamui jae nizeca, ráfuiaina baitáдино méaicaillena. Daje izói bíníe comini daina ríinidimaci Juzíñamui jae nizeca, nana “Mairídíe” daidino meáicaillena. ²⁸ Iemo bíníemo ite jica jalléiñedino naa jámairuigamaci diga Juzíñamui jae nizede. Nana bie Juzíñamui nizécano jamai comini. Juzíñamui bie izói jamai comini nizede, abi íinota “Ail-lomíedíe” daidino ríinitallena. ²⁹ Iemona buna Juzíñamui uícomo abina íinonide. ³⁰ Mei dama Juzíñamui ómoína Cristo Jesumo dájena jaináitate. Daje izói Juzíñamui, Jesucristo cai ífoci déitatimíena jóonete. Iemo Crístodo, Juzíñamui anamo ñue jaícina cai íllena, afémíe caímo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllodícaí. ³¹ Afémíe daí finode, Juzíñamui Cuegáuai daina izói jaícina jino fuitállena. Afe uai daide: “Dámíe abí íinoiacania, cai Ocuíraímado abí íinori,” daide.

2

Dama coraíca Cristo rafue Pablo comínimo llote

¹ Biruí ómoímo cue llua izói, afe izói nauí Juzíñamui ua rafue ómoímo cue lluaíbillaruido, cue baitaca féirede uaido ómoímo úriñedicue, “Íere ráfuiaina baitádimíedio” cuena omoi dáííñeillena. ² Mei nauí omoi cígiri cue illa llezica daa Jesucristo ráfuena naa ie coraíafue diga, abi diné jíáfúena ómoína onótaacañedicue. ³ Aféruillaído ómoíri ríinidimíe izói itíe. Ie jira benena cue jácieri cuidíridíe. ⁴ Ómoímo jino cue llua llezica íia énie come baitaca uaido ómoína jíéruitañedicue. Mei jíáfodo Juzíñamui Ñuera Joréñodo jíéruitadíe. Daje izói Juzíñamuímo ite ríinodo: “Bífuena omoi jíéruiri,” daidíe. ⁵ Daíí ómoína daidíe omoi íinogafue, Juzíñamui ríino díbénemo íllena; daje izói omoi íinogafue bíníe comini onóigafuemo jáinaiñeillena.

Juzíñamui da ie Ñuera Joréñodo onoíga

⁶ Mei íadi ómoimona Juzíñamuimo ñinogafuemo ñue móonaitinomo cue baitaca uaido úriticue. Bje cue baitaca uai bínie comini íeñede. Daje izói bínie uíñote ríillaini uáíñede. Afémaci naa íaioi uáillairi niné cíocaiñeitiaioi. ⁷ Jaiái uáfodo ónoñega Juzíñamui fibíllafuiaido úriticai. Afémie jaiái énie comuíacana úicodo báinino mamérillafuedo úriticai. Aféruillaído caimo zíiñona fuiñeite jíllollifue caimo mamede. ⁸ Nana bínje uíñote ríillainimona bífuena buna onóñede. Bífuena onódiaioina cai ñuera Ocuíraima Jesucrístona coráíñediaioi. (Aféfuena íaioi onóñenado íena coráidiaioi.) ⁹ Mei íadi Juzíñamui cáiena mamécáfue ie Cuegáuai daína izói ite. Afe uai daide:

Bínie comínimona jaca buna cíóñena ñuera raa Juzíñamui íena izíruitino íaioiena jóonete.

Afe izóidena comini jaca cacáñediaioi.

Daje izói áfemo jaca buna comeci facáñena.

¹⁰ Afe bífuiaína Juzíñamui ie Ñuera Joreñodo caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaína onóillena izire jicánofiredeza. Iemona afémie cai fídítate.

¹¹ Bíniamo ite comínimona, ¿mei nímie jíáima comeci ifue onona? Dama afémiamo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona. ¹² Bínie comini fiéni comécíillafuiaí úicaiñegacai, mei íadi Juzíñamui caimo oreca Ñuera Joreño úicaigacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaína cai onóillena. ¹³ Juzíñamui Ñuera Joreño caimo llófuega uáillaído afe bífuiaído ómoimo úriticai. Dani cai fibíllafuemono cai onoiga uáillaído ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiaí jino ñue lloticaí.

¹⁴ Mei jíi, Juzíñamui Ñuera Joreñoína úicaiñegamie afe Ñuera Joreño lloga ráfuiaína jeire oñede. Mei afémieimona bífuiaí ráííñede taino uaillai izóideza. Aféfuiaí afémiamo jánaide, mei bífuiaí cómemo dama Juzíñamui Ñuera Joreñodo llófuegaza. ¹⁵ Mei íadi Juzíñamui Ñuera Joreñoína igámie naga ráfuiaimona nifue ñuena, nifue fiénina daírede. Mei jíáifodo Ñuera Joreñoína íñegamie afe izói daínide. Iemona Ñuera Joreñoína íñegamie Joreñoína igámiamo jaca níifuena jicánonide. ¹⁶ Mei Juzíñamui Cuegáuai daide: “¿Bu mei cai Ocuíraima comeci fácafueña onona? ¿Mei nímie Juzíñamuina llófuerena?” Mei íadi ie Ñuera Joreñodo Cristo ifoci úrillafue caimo ite.

3

Dájemo táijidino izói Juzíñamui ocuica uai llujállena canódicaí

¹ Amatiai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidicue. Mei jáífodo Ñuera Joréñomo nai figo jaináñedino izóidiomoi. Crístromo jaináidino dibénemo nai figo onóñede úruiai izóidiomoi. ² Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúíñede. Iemo afe izói ñue baitácafue nai ómoimo jaca dúíñede. Nai aféfuena jeire ónidiomoi. ³ Mei nai Ñuera Joréñomo jaináñena llezica jamai come izóidiomoi. Nai birui jáímana úradoidiomoi, íemo icírafuena jenófrediomoi, íemo nai jáímana énenoruidiomoi. Iemona bíniemo ite Juzíñamui Joréñona nai ñnegano izóidiomoi. Nana íaioi eneno bozíetaillafuiai naí jeire otíomoi. ⁴ Omoimona dáarie “Pablo iédicue,” daide. Jáímaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úicaiñega comini izóidiomoi.

⁵ ¿Mei nímie Páblona? ¿Mei jáí nímie Apólona? Coco bie daa Juzíñamui ocuícamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. ⁶ Cue bie fueñe ritímie izóidicue. Ie mei Apolos afe rigaji jáinoina riáitatímie izoide. Mei íadi afe rigaji zicótatímie daade Juzíñamui. ⁷ Iemona cue bie fia ritímiedicue. Iemo Apolos fia riáitatímie. Bie coco jabóidimedicoco. Mei íadi Juzíñamui jamánomoidímie, mei afémie afe rigaji zairítaiteza. ⁸ Nana ido ritímie, afeji jáinoina riáitatímie nágaillinoi daje Juzíñamui ocuícámie íaillinoi. Mei íadi illa dígamie nano ie táijina dieze Juzíñamui íbaite. ⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jáíe raa izóidiomoi. Juzíñamui como nicana uiga jofu izóidiomoi. ¹⁰ Cue bie jofu níraíni ocuídimedicue. Juzíñamui cue ocuilla izói, bico jáíllirai riire naídánétímie izóidicue. Iemo jáíímie afe jáíllirai acónimo ticáidímie izoide. Ie jira naga ticatímie rairuídicue, fienu ie ticáñeno ñue ie ticáilleza. ¹¹ Mei jú, abi díne jáíímie riire naidaide jáílliraina naídánenide. Afe jae riire naídánega jáíllirai izóidímie Jesucristo. ¹² Mei naga come bie jáíllirai caifófemo ie illínona nírede. Afe bíena daírede mei naga come illafue bie nillico izóideza. Dámie afe jáílliraina mameide Jesucristo caifófemo oro izóidedo ie illínona nírede, jáíímie quenírede llojefe izóidedo ie illínona nírede, jáíímie ráifide nofíciái izóidedo ie illínona nírede, jáíímie amena iedo ie illínona nírede, jáíímie fia uifzaido ie illínona nírede, jáíímie zicicai izóidedo ie illínona nírede. ¹³ Iemo

ico jíáiruido Cristo comínimo itifue riire jicánuaibilliruimo naga come ie nigano uáfori cíote. Aféruido Juzíñamui cai táijina fácaite. Irai izóidedo naga come nigánuaí Juzíñamui fácaite. ¹⁴ Irai cúaritañega raado nitímie Juzíñamui ie táijina íbaja raana jirídoite. ¹⁵ Mei jíáifodo cúarirede raado nitímie minícana jírídoñeite. Nana ie táijina niné táinocaiteza; dama táinori llégüite. Mei íadi dama afémie jíllote. Ua, jofo bóoamona nana raaie uzilla mei, dama come jíllona izói, afémie jíllote.

¹⁶ ¿Omoi bie Juzíñamui jofo izóidiomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷ Afe bie Juzíñamui ico íaifuenidico. Iemona ómoimona dámie bie Juzíñamui jofo eneno botáadi, afe cómena Juzíñamui jíái niné táinocaitaite. Omoi bie íaifuenidico izóidiomoi.

¹⁸ Nane daa come dama abi jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daíadi, afémie meine abido íñoñedino daína izói ráfuenta baitáñedimiena jáirede, Juzíñamuimo ite nahí rafue baitállena. ¹⁹ Mei bínie comini baitácafuiái Juzíñamuimona ráfíñede taino uaillai. Ie Cuegáuai daide: “Fere baitádinona Juzíñamui dani íaioi bífueinamo írebaimo jiilla izói jíitate.”

²⁰ Nane dáanomoi daide: “Baitáдино começi fácafuiái ráfíñenana cai Ocuíraíma onode.” ²¹ Ie jira jíáimamo jaináillado jaca buna abina ínonide. Afe omoi dáamiemo jaináilla uai jíáifodo jóide. Nana omoi canódino ómoimo jainaide. ²² Daa cómemo jainaiñeno nana bimaci ómoimo jainaide: Pedro, Apolos diga ómoimo jainaide, cue jíái Páblodicue ómoimo jaináidicue. Daje izói nana bíníemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tíadi, Crístodo afe tíillana jáciruiñeitiomoi. Iemo biruíllaido Crístodo caimare írediomoi. Iemo uire jíáiruido ómoimo ífcaitífueмо Crístodo jáciruiñeitiomoi. Nana bie ñúefuiái ómoie. ²³ Iemo Cristo iédiomoi, ie mei Cristo Juzíñamui ie.

4

Jesucristo orécano táijinafue

¹ Iemona Cristo canódino omoi caina daírediomoi. Daje izói uáfodo óñoñega Juzíñamui lloga uaillai jino comínimo llófuetino omoi caina daírediomoi. ² Mei jii, táijinana jónegamie ie ocuídímie ínofirenana afémiemo jino cíotarede; ie ocuíllana ñue ícoimo fuitárede. ³ Mei íadi cúemona, omoi cuemo itifue jicánodoiari járitañedicue. Daje izói dáarie cuemo itifue jicánodoidino cuena dánana figo náfueñedicue. Afe izói cue itifue dama cue jicánoiadi áferi járitañeiticue. ⁴ Mei cue começi

úrilla níufuena cuemo nitáñede. Mei íadi afe izói cue começi úria, nai ua Juzíñamui eróicana ua nífuenidimiedio cuena daiñede. Mei cuemo itifue jicánotimie dama Jesucrístoza. ⁵ Mei jira, Cristo nai biñena llezica jiáima táijnafuena riire omoi jicánodoiñeno iri. Daa cai Ocuíraima jicánuaibillirui omoi ocuíriri. Aféruido afémie jítifomo báinino itínona bai úzefomo uáfori cíotaite. Daje izói aféruido cai Ocuíraima naga come começi mamérrillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

⁶ Amatiai, mei ñue omoi íllena bífuiaido omoi o úriticue. Omoi canódimie Apolos ifue dama cufue diga jae ómoimo lloticue, omoi ñue dájena coméçillifue uáfodo omoi onóillena. Bifue ómoimo lloticue ómoimo coco cíotagafuiaido Juzíñamui Cuegáuai baimo omoi coméçiñeillena. Afe uai caina daide: Dáamie dibénemo gáifiñeno omoi iri. Daje izói jiáimiena jámairuiñeno dájeze nana íaioimo omoi ínnori. ⁷ ¿Mei ñie come jiáimaci baimo ómoína ñue fínua? Nana omoi onoiga ñúefuiai Juzíñamui fecácaza. Jaca Juzíñamui fecáñegana íñede. Iemona ¿ñibái mei dáamiedo abina ínnofirediomoí? Abina ínnofiredimie: “Cue começi jítaina izói cuemo fecácaza,” daiñifrede. Mei íeñedeza. Omoi dani fécañegaza. Mei jira áfedo abina ínnonidiomoí. Nana caimo ite ráaniaimona dani cai ocuilla izói íñede. Nana Juzíñamui caimo fecaca.

⁸ Birui ja “Nana Juzíñamui caimo fecácagafuiai ja cai ógaza,” daií coméçidiomoí. Nana omoi jitaica ráaniai ñibai ja omoi oga. Nana omoi onóacaga ífuiaina ñibai ja ñue baitádiomoí. Ñibai ómoína cai canóñenado ja illáicomínina jáidiomoí. Mei íadi táinodo abi ínnotiomoí. Iemo afe llezica cai bie jalléíñedícaí. Mei íadi ómoína: “Ua illáicomínina omoi ii,” daidícue. Afe daií cai bie omoi diga dájena illáimaitícaí. ⁹ Cai bie Cristo orécamiiai jino írainomo Juzíñamui fiécacai. Cai bie lláviano tíitino izóidícaí. Jira cai bie nana énie nairai acárilla raa izóidinona jáidícaí. Iemona nana comíni naa Juzíñamui abi imáciri caimo éroitiaioí, mei afémaci abi fáiacaitadinodícaíza. ¹⁰ Cristo rafue cai llócaillamona caina jiáimaci “Abina onóñediomoí,” daidícaioí; mei afe llezica “Crístodo ráfuiaina baitádinodícaí,” daidíomoí. Omoi riiredinona illa llezica, cai bie riínidinodícaí. Caina comíni jámairuilla llezica ómoína ñue jacíruiitiaioí. ¹¹ Mei jaiai nai biruimo júbieri duere zefuídícaí. Daje izói cai jirolle jainoi íñénari jáí duere zefuídícaí. Daje izói figo ínícuironidícaí. Daje izói comíni caina fiéni finódiaioí. Uái cai illino íñede. ¹² Aillo cai táijnamona iere llégidícaí. Iemo comíni cairi jainónaitimaci; mei íadi íaioína Juzíñamui canolle uaido fairíotícaí. Caina fiéni

finóllena racádiaioi; mei íadi ocuídicaí. ¹³ Cairi fiénidifuedo úritiaioi; mei íadi afe comínina comeci mánainafuedo fíaicana llófueticaí. Afe llezica oni dotaca íairede raa dota izói, afe izói caina ráifiñedinona caina mámico náfueñediaioi. Nai biruimo cuidoda oni faiga íairede raana caina mamédiaioi.

¹⁴ Bífuiaina omoi meáidaillena cueñédicue, mei jíáfodo omoi ñue íllena rairuállano, lloticue, mei cúemona izíruiga jitótiaí izóidíomoiza. ¹⁵ Mei cómemona facádonide Cristo ráfueña llófuetino ómoimo ite íadi, nai omoi ínogafue tainédimie daade. Cristo Jesumo omoi ínollena, omoi moo izói omoi comútatimiedicue, mei cai jíllona uaina ómoimo llotícueza. ¹⁶ Ie jira ómoimo cue cíotaga cai ñue illífuedo omoi jáillena, izire jícadicue. Daje izói cue llogáfuedo omoi jairi daidicue.

¹⁷ Afedo omoi jáillena, Crístomo cue ínotaga Timoteo ómoimo orédicue. Afémie cue izíruiga jitó izóidimie. Afémie, Crístomo cue ínuamona cue lloga ñue cai illáfueña ómoimo úbicaitaite. Afe bie afémie ómoimo llujáillifue izói, afe izói nágobiaimo ite Juzíñamuimo ínotimacimo, cue jíái llófuefiredicue. ¹⁸ Omoimona dáarie abina ínuano, daidíaioi: “Pablo caina éroizaibiñeite,” daidíaioi. (Afe izói dainado cue uaina uáitaacadiaioi.) ¹⁹ Mei íadi cai Ocuíraima Jesucristo comeci jítaíadi raire omoi cue méíñuaillena ocuídricue. Iemo cue billíruimo afe abina ínotimaci ñue ñuefue jíáimacimo finódiaioiza, afefue cue onóillena fácaíticue. Afedo íaioi ñuera ríino ite, níbai íñédeza, ónoíticue. Aillo íaioi úrilla uaina náfueñeíticue. ²⁰ Mei jíi, fia cai úrilla uaido, Juzíñamui illáimana illáruimo jaináitañegacai. Mei jíáfodo Juzíñamui Ñuera Joreño ríinodo cai comeci itifue méiduano ie illáimana illáruimo jaináitagacai. ²¹ ¿Mei ñe izói óiacadiómoi? ¿Mei níbai ómoína duere cue fínuaiBILLANA óiacadiómoi? ¿Níbai izíruillafuedo comeci mánainafuedo ómoimo cue éroizaibILLANA óiacadiómoi?

5

Pablo fiénide meáfue finódimie duere finóllena llote

¹ Ja birui omoi cígimo ite iere fiénide jíruífueña comíni cue fidítatiaioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidífueña Juzíñamuina ónoñedimaci jaca rairuídíaioi. ² Mei íadi bie izói ómoimo illa llezica ¡nai omoi iere abina ínofirediómoi! (Afe izói omoi illa iere figóñede.) Mei jíáfodo áferi iere zuure írediómoi. Daje izói áferi meáidarediómoi. Bie izói jíruíredimie omoi cígimona mai oni ore. ³ Náamiena omoi diga dama cue íñédicue, mei íadi afefue díbénemo cue comeci facáoinana ñue onódiómoiza. Ie jira afe bie jíruíredimie ie duere finóllena

jae cai Ocuíraima Jesucristo mámeçido ocuídícueza. ⁴ Iemona Jesucristo mámeçido dáanomo omoi gairízailla llezica, íemo cue comeci facáoinamo ñue omoi uibíoicailla llezica, íemo jiái cai Ocuíraima Jesucristo omoi çígiri ríinorena llezica, ⁵ mai afe íimana ómoimona jino dótano Taifena náamataga comínimo íena omoi zóoferi, ie abi fieni jítainafuiái niné táinocaitallena. Afemona cai Ocuíraima Jesús billíruimo afémie joreño jíllobicaiteza.

⁶ Afe íaifue nai ómoimo illa llezica omoi ñue íáinínana illa izói abí ñnotíomoi. Afe abí ñnuana figóñede. “Mei daa cómemo ite íaifue aillo ie abimo itímacina íáiretaiteza.” ¿Comini daína uaina onóñediomoi? Afe uai daide: “Pan finóadi afe aillo fáitate raa tamédiaioi. Due jiza fáitatena jóonega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode. ⁷ Iemona ómoína fieni finode come ómoimona oni jica oreri, mei afémie jácaie pan fáitara izóidímieza. Ie jira afe fiénide méaifue ómoimona ñue muiñori, ñue jáicina íaifuenidímacina omoi íllena. Iemona fáitatena jóoneña comue pan izóidínona íitiomoi. Ja onódícueza, afe bie izóidino ua itíomoi, mei Cristo nana cai ícoínia fagámiena jáideza. Afémie cai ifomo fatá Juzíñamuimo fecaca oveja jiza izóidímie, caimo ite íaifue oni dóllena. Afémie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tíideza. ⁸ Iemona nágarui cai illáfuemo táinona úriñede comécido mai cai illi. Daje izói ñúefuiairede comécido mai cai illi. Afe izoide comeci fáitate raa jóoneña comue pan izoide. Mei jiáifodo íairede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeilli. ⁹ Naui ómoimo cue cuezábemo ómoína daidícue: “Bie izói jiruúrede comínimo nabáiriñeno iri.” ¹⁰ Bíníemo jaca jiruúredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiriñeillena lloñédícue. Aféfuena rairuídícuena bíníemo oni járediomoi. Mei íadi afe izói ocuíñédícue. Mei íadi onódiomoiiza, afémaci illa izói ínidiomoi. ¹¹ Mei ómoína cue daiíacanafue jiáifo jóide. “Crístomo ñnote omoi ámadícue” daidímie íadi afémie jiruúreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jiáimana fieni úrifireia, ie jífaireia, íemo ie merírifireia, afe izoide “Crístomo ñnote omoi ámadícue” daidímie diga nabáiriñeno iri. Iemo jiái bie izoide come diga omoi güiñeno iri. ¹²⁻¹³ Bíníemo ite

ñnoñede fiénidinomo itífue riire cue jicánolle cuemo dúñede. Mei íaioimo fiéni itífuiái dama Juzíñamui riire jicánoteza. Mei jíáfodo omoi daní ómoimo jaináidinona riire jicánorediomoi. Ie jira afe bie fiénidífuiáiredimie omoi cígimona oni oreri.

6

Juzíñamuimo ñnotino júfidogafuiái oni ñnoñedinomo llujinide

1 Dani ómoimona dámie jíámamo júfidogafue comuíadi, ¿nibái mei oni jíámacimo afefue záitallena jáidiomoi? mei afémaci cai ñnogafuemo jaináñedimaci. Dani omoi cígiri ite Juzíñamuimo dúidinomo jicárediomoi, o júfidogana jaícina záitallena. 2 ¿Nai onóñediomoi Juzíñamui iédino nana bínie comini itífuenta riire jicánoitiaioi? Mei uire bínie comini riire jicánoitiomoi, ¿nibái mei omoi cígiri ite dúefuiaina raire záitanidiomoi? 3 Iemo jíái, ¿nai onóñediomoiza Juzíñamui abi imaci, ángeles daínamací, itífuiaina riire jicánoiticaí? Mei uafue Juzíñamui abi imaci itífuiaina riire jicánoitiomoi, ómoimo ite bínie ífuiái raire záitallena ómoimona juánide. 4 Bie cai illáfueмона comuide júfidogafuiái ómoimo comuíadi, ¿mei nibái mei Juzíñamuimo gairídino dibénemo ññedinomo llujífirediomoi, afefue jaícina ómoimo finóllena? 5 Bie izói ómoína daidicue omoi méaicallena. ¿Mei nibai omoi cígiri ámatiaimo comuídifuenta jaícina finuana baitádimie ññede? 6 Ja birui da ama jíámamo júfidogafue comuíadi, Juzíñamuimo ñnoñede jaícina finóraima uícomo llujífirediomoi. ¿Meita bie izói írede? ¡Inide!

7 Uáfodo onóigaza, nanómona daa júfidollífue omoi cígiri comuíadi, jíáie o ñue illáfuenta táinomo fáifitaite. (Daje izói o júfidogafue Juzíñamui ífuenta jámairuitade.) Daa cáimona dámie fiéni o finóadi, afe iba o óñeille baímo ññuera. Daje izói daa come cue raa jífuiano bairóadi afe meine cue óñeille iere baímo ññuera. 8 Mei jíáfodo fiénidífue fáicanocaiñeno, daní omoi ámatiaimo fiéni finódiomoi, íemo jíái omoi ámatiaína jífuiano raana bairófirediomoi.

9-10 ¿Nai onóñediomoiza? nana jíáimana fiéni finódino Juzíñamui illáimana illíruimo dúciñeitiaioi. Omoi jífuefiñeno iri, mei naga fiénidino Juzíñamui illáimana illíruimo jáinañeitiaioiza. Daje izói áreiñeno jíáie ringo jetáidino dúciñeitiaioi, íemo jánaraina íóbitadino, íemo jiruífiredino, íemo jíáie ñma diga fiéni itímiaí, íemo merírifiredino, íemo iere ráanaíacadino, íemo jíáfíredino, íemo jíámamo fiéni úritino, íemo jífueta bairófiredino; nana éniemo ite bie izoide

comini Juziñamui illáimana illíruimo dúciñeitiaoi. ¹¹ Naui ómoimona dáarie bie izoide. Mei íadi ja birui Jesucristo ñue íainino finócaomoi. Daje izói Juziñamui íeiena ñue mamécaomoi. Afe izói Moo Juziñamui Ñuera Joreñodo, íemo jíai cai Ocuíraima Jesumo omoi ñnuado Juziñamui anamo ñue jaícina itábicaidiomoi.

Cai abi Juziñamui eróicana iere ñúeraza áfena íaidonidicai

¹² Comini daiífirediaoi, “Cue bie cue comeci jitailla izói íredicue.” Afe uafue, mei íadi naga íaioi comeci gáinafue íaioina ñue finóñede. Uáfueza daa come dama ie comeci jitailla izói írede, mei íadi afe comeci jitaillafue íena anáfenotanide. ¹³ Mei uáfueza: cai güille, cai jébegoi ie; daje izói cai jébegoi güille íena finoca. Mei íadi jíairuido Juziñamui nágaillinoi güille naa jébegoi diga jíáifodo méidoite. Mei íadi “Bie cai abina jiruifue íena mameca,” daiñide, dáarie daií daiífirediaoi íadi jmei afe uáfueñede! Bie cai abi cai Ocuíraima ie. Afe ibana cai Ocuíraima cai abimo dúide, cai ñue rairuícaillena. ¹⁴ Iemo Juziñamui cai Ocuíraima Jesús cáadimiena jáitate. Afe daií ie finua izói, afémie dama ie ríinodo cáadimacina caina mámeite.

¹⁵ ¿Onóñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidimie jiruíredingomo dájena jóneredicue? ¡Jaca jónenide! ¹⁶ ¿Mei nibai jíáifue onóñediomoiza, dáamie jiruíredingo diga íadi afémie abi daa afengo abi izóicaide? Mei jíi Juziñamui Cuegáuai áirenafue dibénemo bie izói daide: “Íima ie ai diga afe íaillinoi dámienna ja mameide.” ¹⁷ Afe izói dáamie cai Ocuíraimamo dájena jaináiadi, afémie dájena joreñoredimiena jaide.

¹⁸ Iemona mei jiruífueмона oni omoi iri. Nana jíaie cai finoca fiénidifue cai abina figo íáiñede, mei íadi áireiñeno jíaie ringo diga jiruifue cai finóadi, cai abina bácadicai. ¹⁹ ¿Mei onóñediomoiza, omoi abi Juziñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juziñamui ie. ²⁰ Mei omoi abi Juziñamui jamánomo ráifidena íbácaza. Mei jira cai abido Juziñamuina íóbitaredicai, íemo jíai daje izói caimo ite joreñodo íena íóbitaredicai, mei afe bie cai abi naa cai joreño diga Juziñamui íeza.

7

Pablo come áirenafue llófuete

¹ Ja omoi cuemo jícánoga uaillai afe íbádiuai llóiticue. Uáfueza dáamie áireiacañena dama illa figora. ² Mei íadi aillo jiruifue íteza, naga íima áirede. Daje izói naga ringo ínrede. ³ Airedimie dama ie ai afémie diga íacana dieze, afémie írena.

Iemo daje izói iníredingo ie ini afengo diga íacana dieze, afengo írena. ⁴ Iníredingo “Cue abi daingo cuemo dúide,” daiñide. Afengo abi ie ini íeza. Daje izói áiredimie “Cue abi bie dama cuemo dúide,” daiñide. Ie aimo jaináideza. ⁵ Fima ie ai diga íacania ráiruiñeno jíeruiri. Daje izói ringo ini diga íacania ini ráiruiñeno jíeruiri. Mei íadi nibai jíáiruido da come ie ai diga nano nígarui iere Juzíñamuimo íaillinoi comeci facáacana llezica, aféruillaído dájena iñédiaillinoína ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jítáinafuenta ocuíninamona fiéni íllena Taife íaillinona facátaiteza.

⁶ Bífuiái caimare ómoie íllena lloticue. Raire lletara uai daina izói lloñédicue. ⁷ Cúemona nana comini cue áinino cue illa izói itíaióina, ñuera. Mei íadi Juzíñamui illa dígamíaimo jíáifoide ocuilla ríino fecade. Dámie áinino dama illa ocúrede. Jíáimie áinino dama illa ocuínide.

⁸ Ja birui áinidinomo naa fecínguai diga úriticue. Damádimie dama cue illa izói itíaióina ñuera. ⁹ Mei íadi dámie ie abi jítáinafuenta ócuiñenia afémie raire áirede. Daa come ie abi jítáinafue íena anáfenoa fiénide, íemona raire áirena ñuena.

¹⁰ Mei íadi áiredino iníredino diga afémacina bie izói ocuídicue. Iníredingo ie inina jaca dotánide. Bie ocuilla uai dama cúeieñedeza, cai Ocuíraima Cristo ie. ¹¹ Mei íadi iníredingo ie ini dotáadi afengo daingo írede; mei jíáifodo afengo afe daí íacañenia, afengo meine ie ínimo abído bírede. Daje izói áiredimie ie aina jaca fáicanocainide.

¹² Iemo jíáifue dibéfodo cai Ocuíraima úriñedeza, dama cue ñue fibíllafuemona úriticue. Daa Jesumo ínotimiemo nai íñoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. ¹³ Daje izói daa Jesumo ínotingo ie ini nai Jesumo íñoñede íadi afémie afengo diga íacana llezica afengo afémie diga írede. Afengo afe ie inina dotánide. ¹⁴ Mei jíi, Jesumo íñoñede áiredimie Jesumo ínote aimo jaináillamona Juzíñamui ñue finócamiena jaide. Daje izói Jesumo íñoñede iníredingo ie Jesumo ínotimiemo jaináillamona, Juzíñamui ñue finócanogona jaide. Afe izói iñéniadi, omoi jíótíai íñoñedino úruiai izói itíaiói. Mei íadi afe izói jóoiñede. Afémaci Juzíñamui ñue finócaiaíoi. ¹⁵ Mei íadi Jesumo íñoñedimie izire ie aina oni oréacania, dama daíítadeza; orérede. Daje izói Jesumo íñoñedingo izire ie ini fáicanocaiacania, dama daíítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífireiri,” caína dáideza. Bie izói íficaiadi Jesumo ínote ama naa ínote miringo diga rairuínino afe íñoñedimiemo jaináitanide. ¹⁶ Mei íadi

Jesumo ñnote iníredingo cácarei. Nai ónoñegaza nibai odo o ini jilloite. Daje izói Jesumo ñnotimie cácarei. Nai ónoñegaza nibai odo o ai jilloite.

¹⁷ Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ñnua llezica aféruimo cai táijina izói, afe izói nai birui táijiredicai. Bie izói nana Jesumo gairídinona ocuídícue. ¹⁸ Dáamie Juzíñamuimo ñnua llezica ie bacano icoi quetátañenia, dama daiítadeza; quetátañeno iri. Daje izói jiáimie Jesumo ñnua llezica jaijai quetácaza dama daiítadeza; jiáifodo júfidoñeno iri. ¹⁹ Dáamie ie bacano icoi quetaca nibai quetañega áfena náfueñeno iri. Mei jiáifodo Juzíñamui comeci jítainafue jeire cai olle iere ráifina. ²⁰ Illa dígamie fueñe Juzíñamuimo ie ñnua llezica aféruimo ie illa izói, afe izói nai birui írede. ²¹ Aféruimo jiáima jeruícamiena o ia, áfemo járitañeno iri. Mei íadi afe ímamona oni o jáillino o báia, áfena maiñori. ²² Mei jii, dáamie como fueñe Juzíñamuimo ie ñnua llezica, aféruido afémie jiáima ocuífíregamie. Ja ie ñnua mei Juzíñamui díbéfomo afémie bu ráiruiñegamiena jaide, cai Ocuíraima táijinafue ie finóllena. Mei daje izói jiáimie como fueñe Juzíñamuimo ie ñnua llezica, aféruido afémie bu ráiruiñegamie. Ja ie ñnua mei Cristo izire ocuífíregamiena jaide. ²³ Juzíñamui iere ráifidena íbácaomoiza. Iemona jiáima riire ocuífíregamiena omoi ñño iri. ²⁴ Amatiai, omoi cácarei, ómoimona illa dígamie como fueñe Juzíñamuimo ie ñnua llezica, nanómona ie táijina izói, Juzíñamui eróicana afemo táijífireiri.

²⁵ Mei birui nahí áinidino naa inínidingotiai diga afémaci ífue llóiticue. Afémaci cue lletalle uaina cai Ocuíraima cuemo lloñede, mei íadi cue fibillamona cue onoiga uai llóiticue. Mei Juzíñamui cue cánuado cue lloga uaina ñnoredeza. ²⁶ Mei birui iere jacírediruillaiza, cúemona bifue ñue cioide: daa come birui ie illa izói jiáifodo méidoñeno írede. ²⁷ Mei birui ja áiredio, afe mei áinidimiena abina maméñeno iri. Mei daje izói, birui nai ánidioza, mai ringona oñeno iri. ²⁸ Mei íadi o áirenia, afefue fiénidífueñedeza. Daje izói daa jitaingo inírenia, fiénidífueñedeza. Mei íadi biruillaído naga áiredimie naa iníredingotiai diga íaioi illafue ánidímaci baimo iere Juárezde. Afe bie Juárezdifuiaimona ómoina rairuíacadícue.

²⁹ Amatiai, ómoina cue daiíacanafue bie izói jóide. Bíníemo Juzíñamuina cai íóbitallirui aréíñede. Ja benómona cai illífuena jiáifodo maméredicai. Birui áiredimie, ánidimie izói írede, raire jiáímaci jacíredífuemona cánuaillena. ³⁰ Daje izói come tíllamo zúunaitino birui zúunaiñedino izói íredíomoi. Daje izói

caimare iráizizaidino ja birui caimátaiñedino izói írediomoi. Daje izói nana ráaniai ibáritino ja birui íaioi ibaca raana “Cáieñede” daiífirediomoi. ³¹ Iemo bínie ráaniai fecáfiredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

³² Omoi gágudifuiaimona oni ómoína óiacadicue. Dáamie nai áinina llezica, cai Ocuíraima ífuiaimo járitairede, cai Ocuíraima íóbitallena. ³³ Mei jáífodo áiredimie ie ai íóbitallena, bínie ráaniairi járitaifirede. Iemona afémie mena ocuídímie anamo ite izóidemona, ie finóacagafuiaina finónide. ³⁴ Ringóniaimo jáíi daje izóidífue ite. Nai inínidíngo cai Ocuíraima ífuiaimo járitaite. Afengo joreño naa ie abi diga Juziñamui íena iere íacade. Mei íadi iníredíngo ie ini íóbitallena bie énie ráaniairi járitaide.

³⁵ Ñue omoi íllena bífuiái ómoimo llóiticue. Omoi áireiacanafuena rairuíacañedicue. Mei jáífodo comini eróicana ñue jaícina omoi illífueña jitáidicue. Iemo jáíi cai Ocuíraima Jesús ocuífue jizíñeno jeire omoi óllena, bífuiái ómoimo llóiticue.

³⁶ Mei ómoimona daa come comécido daiía: “Cue jicánogango dibénedo ñue jaícina finóñedicue,” íemo afe llezica afengo are dinó jitáíngoñeiteza, afémie comeci ñue faca izói, izire ie áireiacana izói áirede. Ie jicánogango ie olle fiénidífueñedeza, afe íaillinoi áirena rairuínide. ³⁷ Mei íadi jáímie jáífodo comeci facáadi, mei afe ñuera. Ie jicánogangona ie aina ie óiacañenia daje izói afefue jáíi ñuera; mei afémie ie jicánogango raire óñeillena ie comeci ñue daína izói, jica ia ñue mamédeza. Afe izóidífue íaifueñede. ³⁸ Nana búauillaimona bie izói onódicai. Jicánogango otímie ñúefue finode, íemo jicánogangona oñédímie afe baimo ñúefue finode.

³⁹ Iníredíngo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumo jaináíñede. Jesumo ínote afengo gágamiemo iníreirede. ⁴⁰ Mei íadi cue comeci faca izói, afengo meine nane iníreíñedena baimo caimare iite. Bie uai ómoimo cue llua llezica, Juziñamui Ñuera Joreño cuemo ite izoide daidicue.

8

Jánarai íena mameca rílleniai ífue San Pablo llote

¹ Ja birui omoi jicánoga jáífue llóiticue. Jánarai íóbitallena fia fecaca rille ífue llóiticue. Iere uáfueza, bífuiaimo fibídicaiza. Mei íadi cai onóigafuemono cai abi fiéni ínuana aillo comúitate. Mei jáífodo jáíimana cai izíruillafue nana comínina náirecaitade. ² “Baitádimiedicue” daidímie Juziñamui ie

onótaacanaze nai onóñede. Nai abina onóñede. ³ Mei dáamie Juzíñamui izíruiá, afe ibana Juzíñamui ñue afémiemo éroite.

⁴ Mei ja birui jánarai íóbitallena fia fecaca rille ifue llóiticue. Omoimona dáarie bie izói daidíaiói: “Afe rílleniaina ríiri” daidíaiói. Jiáimaci “Ríñeno iri” daidíaiói. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jiáie Juzíñamui jaca iñede. Juzíñamui jaca daade. ⁵ Mei comini, monamo aillo ite juzíñamuillai daíadi, daje izói bíniemo jiái aillo juzíñamuillai ite íaiói daíadi, íeñede. ⁶ Mei íadi cáimona cai Moo Juzíñamui jaca daade. Afémie baimo jiái juzíñamui iñede. Uáfueza comini juzíñamuina mameca taino juzíñamuillai aillo ite. Daje izói íaiói mameca Juzíñamui jabóidillaini aillo ite. Mei íadi cai onóiga daade Moo Juzíñamui naga ráaniai finódimie. Iemo bie cai afémie íena iticai. Iemo jiái cai Ocuídime daade; afémie Jesucrístona. Afémiedo naga raa comuítaga. Cai jiái daje izói afémiedo comuítagacai.

⁷ Mei íadi nana comini nai bífuiaina onóñediaiói. Dámierie nai jánaraina íóbitajana fibídiáiói. Afémacimona taino juzíñamuimo fecaca güllena, “Bie güille cai juzíñamuillai ie” comeci anado daidíaiói. Daí íaiói comécilla mei áfena ritíaiói. Iemona afe taino juzíñamuillai güllado íaiói ifoci úrillana bácadiaíói, mei íaiói ñnogafuena nai figo baitáñediaíoiá. ⁸ Mei uáfueza, fia cai güigado Juzíñamui caimare caina uáidoñede. Cai güia, níbai cai güñeniadi áfena Juzíñamui lloñede. Cai güiadi, afémie íena caina caimare fínoñeite. Daje izói güñeíticai íadi, caina fieni fínoñeite. ⁹ Iemona ja onódicaiza rairuíñeno güiredicai. Mei íadi áfemona abí omoi rairuíoicairi, mei dáarie íaiói ñnogafuena nai figo baitáñediaíoiá. Jánaraimo fecaca rille o riana íaiói fidíadi, afémacina fiénidifuemo baítatio. Afemona abí omoi rairuiri. ¹⁰ Afe bie güille ráiruíñegaza onódio. Iemona jánaraimo dúide güirácómo güizájidio. Afe llezica ñnogafuena nai figo baitáñedime o güillana cióadi, afémie dáite: “Cue jiái cue güizájiticue,” dáite. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí ie íllamona dama ie comeci úrilla bácade. ¹¹ Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jiái afémie jíllloillena tíide. Jira o afémie féiraitalle fiénide. ¹² Afe jira, ñnogafuena nai figo baitáñedime fiénidifuemo afémie o ifóadi, áfede Cristo fieni finódio. ¹³ Ie jira rille cue ria ícoínia cue ama fiénidifuemo cue baítaiza, ja benómona jaca ríllena ríñeíticue. Daí cue illa jamánomo ñuera, afémie fiénidifuemo cue baítañeillena.

9

Jesucristo orécamie buna ráiruñega

¹ Ñue onóigaza, nana jiáie Jesús jiáinomo orécamiai izói, rairuñidicue. Mei cai Ocuíraíma Jesuna afémaci íena ciona izói, íena jiái ciódicue. Iemo jiái omoi dani Jesumo íinogano cai Ocuíraímamo cue táijinamona comuide. ² Jiáimaci, “Bie Pablo Jesús óreñegamie” nibai cuena dáíitiaioi. Mei íadi afe izói cuena daíinidiomoi, ómoína cai Ocuíraímamo ja íinotadicueza. Iemona omoi dani Jesumo íinuamona, cuena bie uáfueña Jesús orécamie daítaite.

³ Omoimona cue uáitatino uaina bie izói óiticue. ⁴ Juzíñamuimo gairidino cuemo fecaca güille naa jirole diga áfena cue llínolle bu cúemona rairuñede. ⁵ Daje izói jítadicuena jiáie Jesús orécamie fínua izói, Jesumo íinotingona cue aina óredicue, cue diga jáicaillena. Iemo afengo jítaille güille daje izói ómoimona llínoredicue. ¿Ero ua? Ua, cai Ocuíraíma Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede. ⁶ ¿Mei omoi nie izói comeci facádiomoi? ¿Nibai coco dáaillinoi cue nabai Bernabé diga, nanómona coco ónoido tájinafueña fáicanocainidicoco, ñúefue coco llujállena? Mei íeñedeza. ⁷ Mei daje izói ¿nie fuiríraíma dama ie güille diga jáirena? Jáinide. Jaca afénomo ecácaza. ¿Nie come jíricona ríadi áfemona afe llizíllajina afémie riéñede? Jaca afe izóidimie íñede; jaca afémie aféjiaína riéfirede. ¿Mei nie ovéjaiai úiñotimie ie úiñoga oveja monoi omída afémie jiróñede? Jaca afémie áfeji jirófirede. ⁸ Fia come daina izói bífuiai cue lua daíí omoi comécíñeno iri, mei jaiai Moisés cai ocuilla uai daje izói dáideza. ⁹ Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioi güilleza fue maíñeno iri. Ñue onóigaza, bífueña Juzíñamui dama juráreto jíicana daíñedeza, ¹⁰ mei jiáífodo biedo Juzíñamui cai llote. Bie ocuilla uai cai ñue íllena ciega. Mei jii, jacafai tíeraíma afénomona llizide raana otá güirede. Daje izói trigo gájirillena juráreto zaizítatimie áfemona otá güirede. Afemona afe íaillinoi güíllena caimare ocuírídiailinoi. ¹¹ Iemo ritímie rífirega izoide Juzíñamui uailiai ómoimo fueñe lloticue. Ie mei biruí ómoimo ite bínie ráaniai abido cue maíñolle figora. ¿Mei nibai ómoimona bie áíllue izói cíoide? ¹² Mei jiáie llófueraini ómoimona íaioi güíllena ófirediaioiza, ie mei bie cai afémaci baímo fia ecáregacai.

Mei íadi bie daina izói cai güíllena ocuñedicaí. Mei jiáífodo ómoimo ñúefue lluaíbiticue. Nana cue jitaiga ráaniai dama cue íbaca. Omoimona minícana fia oñédicue, cue lloga

Cristo daina uaina omoi ruifruiza daii. ¹³ Mei jii, jiaifue ñue onodiomoiza, nana Juziñamuimo gariracomo taijifiredino afeco ie güilledo írediaioi. Bifue bie izói daiíacade; nana Juziñamui ióbitallena fecaca rille jobáiranomo taijifiredino, afénomo fecaca rillemona come jitáillaze otá rírediaioi. ¹⁴ Mei birui cai Ocuíraima daje izói ocuide. Nana jillona uai llócaidino, íaioi llófuega comínimona güllena otá güírediaioi. ¹⁵ Mei íadi cue bie daina izói jaca finóñedicue. Daje izói bie cue cuezábedo ómoimona minícana fia jicáñedicue. Güille ómoimona cue jicáñenamona júbieri tídicuena, afe figo cuemo ráifíñede. Raiñóñeno bie ñúefue cue llujáiri iere ióbídícue. Afe bie cue ióbillafue cue tílla baímo jamánomo ráifide.

¹⁶ Jillona uai cue llócaillado abina ínonidícue, mei afe llócaillena jónegacueza. Bifue llócaíñedicuena jni duere cue zefuilla! ¹⁷ Ie jira, dama cue comeci jitailla izói bífuena cue llócaíadi, Juziñamuimona jirídoredicue. Mei íadi afe izóiñedeza. Juziñamui cue nízano bie ñúefue cue llócaillena cue jónete. Afena cue jaca jámairuinidícue. ¹⁸ Iemona daií cue llócailla jirídua jiaífodo jóide. Nie afe cue jirídoga daiítana fia cue ióbillafue; mei raiñóñeno bie ñúefue cue llujáillari iere ióbídícueza. Nana cuemo dúide taijinana íbatañedicue. Uai llóraima izói cue taijinamona, cuemo dúide ráaniai ómoimona raiñóñeno fia oñédicue. Aferi iere ióbídícue.

¹⁹ Mei comínimona buna ráiruíñegacue, mei íadi nana comini ocuállimiena abí mamédicue, baímo aillo comínina Crístomo cue jaináitallena. ²⁰ Judíuai cígimo cue illa llezica, judío ímiena abido jáidícue, afémaci Crístomo cue jaináitallena. Bie izói daina, Moisés ocuica uai anamo itínona Crístomo cue jaináitallena, afe Moisés lloga uai anamo abí jóneticue. Mei íadi uáfueña afe ocuica uaimo dúíñedicue. ²¹ Iemo jiaínomo, afe Moisés ocuica uai anamo íñédinona Crístomo cue jaináitallena, íaioi izóidimiena jáidícue. Mei íadi uáfueña Cristo uai anamo cue íllamona Juziñamui uai anamo iticue. ²² Juziñamuimo ínogafuena nai figo baitáñedino cígimo cue illa llezica, afémaci izói abi mamédicue, afémaci Crístomo íaioi ínogafue cue móonaitallena. Bie izói daina, nana comínimona illa dígamie íaioi illa izói íacadícue, mei nibai jiaífodo íaioimona dáarie cue jíllotallena. ²³ Nana bífuiaína finóñedicue cai jillona uai jica jalléillena. Daje izói bífuiaí finódicue, ñuera cai jíllotate uai caimo onótaga núefuiaína cue maíñólleza.

²⁴ Ja onodiomoiza, jiaímacimona aillo comini áizia, illa dígamie fia jirídoga raana oñede. Dáamie jirídote. Mai riire omoi aizi, jiríddolle raa omoi jiríddolleza. ²⁵ Nana jifánuafuemo

maméritino, jifánoiacana uícode abina náinitade raana fímaidiaioi. Afémaci iere abina fímaidiaioi, raire zábifirede raa íaioi jirídollena. (Mei aféruillaído íaioi jirídoga rábiai finoína ifo icuífoi are íñeno raire etúdeza.) Mei íadi jíáimaciri fuíríenaila izói, riire nícidotícaí, jaca ninomo zábinide raa cai maiñóllena. ²⁶ Cue dibénemona uínidímie izói ebena aizíñedicue. Iere níciduano, come jana fatímie izói táinona fañédicue, mei íadi comíni ñue ínotallena riire nícidotícue. ²⁷ Mei jíáífodo abí fímailla izói cue abina duere finódicue. Daí abí cue rairuállamona dama cue abina ñue jíeruitadícue. Bie izói finóicaidícue, jíáimaci cue llócailla mei, ruiífriullano Juzíñamui jino cue dótañeillena.

10

Jánaraimo caimátaiñredino lleta uai

¹ Cue ámatiai, bífuena ómoína fídítaacadícue. Nana cai jaiáidigíma Juzíñamui jóonega mona uílliena eroide raa anado jáioicaidiaioi. Daje izói nana afémaci Jáirede Monáíllaina ruica jaitádiaioi. ² Daí íaioi jáíllamona afe mona uílliedo, daje izói monáíllaido dájena Moiséoíri jaináitagaiaioi. ³ Daje izói nana afémaci Juzíñamui monámona cocítaga güille güífrediaioi. ⁴ Iemo nana afémaci afe Juzíñamui nofícimona totátaga jainoi jirófrediaioi. Mei íaioi jáioicailla llezica afe íaioi nabáioicaide jamánomo riirede nofici llócuca jiródiaioiza. Afe nofici daína Cristo. ⁵ Mei íadi afémaci nabézie Juzíñamuina íóbítañede. Iemona zaféredizicimo tícoizitiaioi.

⁶ Nana bífuiái cai onóillena daí íficaide, afémaci gaíga fiénidífuiaína cai gáíñeillena. ⁷ Afémacimona dámerie jánaraimo caimátaila izói omoí caimátaiñeno iri. Juzíñamui Cuegáuai íaioi finócafuena bie izói daide: “Afe comíni fia ráinaillano güífrediaioi, jirófrediaioi. Afe mei náidacaillano rafue finoda záífrediaioi.” (Daí íaioi jánaraimo caimátaitiaioi.) ⁸ Afémacimona dáarie jiruírena izói, mai cai íñeilli. Daí íaioi jiruírenamona afémacimona daje monado veintitrés mil dígamie titácaiaioi. ⁹ Afémacimona dáarie Juzíñamui afémacimo raire járitañenafuena náfueñeno, fiéni íena facátatiaioi. Afemona díga comíni Juzíñamui oreca jaio ainica íaioi tilla. Mei jira, afémaci Juzíñamui fiéni facátaja izói mai íena cai fácatañeilli. ¹⁰ Daje izói Juzíñamuimo omoí ríiríñeno iri. Mei afémacimona dáarie Juzíñamuimo ríiríillano úrioidino titade Juzíñamui abí ímie titácaiaioi.

¹¹ Nana bífuiái cai jaiáidigímamo íficaide, áfena cíoillano comíni bífuiáimona ñue abí cai rairuállena. Afe mei, cai onóillena Juzíñamui afe bífuiái ie Cuegánicomo cuetátate, afe

izóidifuiamona cai bigímaiai ñue abi cai rairuállena. Mei ja birui írairuillaímo itícaíza. ¹² Mei áfemona, “Ñue ínoticue” daídímie daítadífuemona ñue abí rairuiri, afémaci izóí cai báíñellena. ¹³ Omoímo comuide facátaina duere zefuállafui, daje izóí nana jíámacimo comuide, daní ómoíñedeza. Mei íadí Juzíñamui jaca ínofiregamie. Mei onódicaíza, Juzíñamui caímo ite máirie baimo, rírede facátafuedo caina fácatañeite. Mei jíáfodo facátafue comuilla llezica Juzíñamui áfemona omoí jíllóille iona ómoína onótaite. Afemona afe facátafuena ja ñue ocuírediomoi.

¹⁴ Ie jira, cue izíruiga ámatiai, jánaraimo caimátailamona oni omoí jírecairi. ¹⁵ Ráfueña baitádinomo úrilla izóí ómoímo úriticue, íemo ómoína cue daíllífue mo daní ñue comeci omoí facari. ¹⁶ ¡Cácarei! Cai Ocuíraíma tíllamo cai úbicaillena, ñue finoca comunióñ illácurimona cai jíróadi, Cristo díena dájena caimare mamécacai. Daje izóí afe illa dígamíemo fecaca comuniómo jainaide pan, cai güíadi, Cristo abina dájena caimare mamécacai. ¹⁷ Aíllomaci cai íadí, daje pan cai güíllamona daade come abina iticai.

¹⁸ Mai Israel nairai finoca ráfuiaimo comeci omoí facari. Juzíñamuimo fecaca rílleniai ritino, afe fecaca rílle mo dájena mamécaíaióí. ¹⁹ Bie cue dáinamona jánarai ua raaza dáííacañedicue. Daje izóí, afe jánaraimo caimátaillena fecaca rille, jíáie rille baimo ráífideza dáííacañedicue. ²⁰ Cue daína bie izoide: Juzíñamuina onóñedíno ía íga raa afe jánaraimo íaíoi feca llezica, afémaci Juzíñamuimo fecáñediaíoi; mei fiénide joríaímo fecadíaióíza. Afe fiénide joríaí anamo dájena caimare omoí itábicaíri, daííñedicue. (Daítademona ómoína rairuíacadíicue.) ²¹ Fiénide joríaí íchécoímona omoí jírua llezica cai Ocuíraíma íchécoímona jíronídiomoi. Daje izóí fiénide joríaímo mameca rílleniai omoí ría llezica, cai Ocuíraíma mameca comunióña güínídiomoi. ²² ¿Meita cai Ocuíraímana ríicaitaacadíomoi? Jaca daí íacañedícaí. ¿Meita cai Ocuíraíma baimo ríiredíomoi, afémie duere omoí fínoñellena? Jaca daí ríinídícaí.

Crístomona comuide conímana cai izíruíllafue cai rairuíñinafue baimo ñuera

²³ Uáfueña daína. Dámie íe comeci jítaina izóí fínuana rairuíñide. Mei íadí afe izóí illa cómena canóñede. Mei uafue, dámie íe comeci jítaina izóí írede, mei íadí afe íe comécina mánaitallena ñue canóñede. ²⁴ Daní omoí ñue íllífue jenóñeno, jíámaci ñue íllífue jenóredíomoi.

²⁵ Fecáriracomo nana fecaca gülleniai jiáifodo o ifoci úrillado jicánoñeno uái daií omoi güiri. ²⁶ Mei nana bínie Juziñamuimo dúideza naa áfemo ite rílleniairi.

²⁷ Mei jiáiruido Juziñamuimo íñoñedimie ona: “Güizaibi” daiíadi, jaillano jiáifodo ifoci úrillado jicánoñeno nana o ie écajana uái daií güiri. ²⁸ Mei íadi dáamie: “Bie llíciai jae jánaraimo fecácaza,” ona daiíadi, áfena riñeno iri; daií daidímie comeci fiени o fínoiza. Daje izói afémie ifoci úrilla o úaitañelleza. ²⁹ O ifoci úrillana lloñédicueza, afémie ifoci úrilla o zánoñeillena, daií daidicue.

Mei nibai dáamie jicánoite: “¿Nibái mei jiáie come ifoci úrillado rairuícacue?” ³⁰ Nana cue güigari Juziñamuina: Figora cue daiía, nibái mei jiáima cue güillari fiени úrite,” daií afémie dáite. ³¹ Iemona bizóidifue ñuera: Omoi güilla llezica, omoi júrua llezica, nana omoi jetáacaigafue jeta llezica, mai nana afe omoi finóacaigafuiaina Juziñamui íobillena finori. Afe daií aillo ñúefue íemo nítaitiomoi. ³² Ninó jiáimana oni nibéfodo fiénidifue o illáfuedo baiítañeno iri. Ua, judíuaina baiítañeno iri, daje izói judíoñedinona baiítañeno iri. Iemo Juziñamuimo ínotinona baiítañeno iri. ³³ Cue dibénemona, nana comínina nana cue finócafuiaido íobitaacadicue. Dama cue ñue illifue jenóñedicue, mei jiáifodo nana jiáimaci ñue illifue jenódicue, ñue íaioi jíllloillena.

11

¹ Cristo ciótaga ñúefuedo cue jailla izói, ómoimo cue ciótaga ñue illáfuedo omoi jairi.

Juziñamuimo cai caimátaifirena llezica, ringóniai jaca jiáimacina lletánidiaioi

² Cue ámatiai, ómoimo ñúefue nítaiticue mei cuemo uibíoifirediomoiza. Daje izói omoi cue llófuiana jeire uano áfedo jáifirediomoí. ³ Mei íadi ja birui jiáifuena omoi onótaacadicue. Bifue bie izoide. Cristo nana íñiai ifoci izói Ocuídímie. Iemo nana ringo ie ini ocuica; afémie afengo ífódimie. Afe izói Juziñamui Cristo ifode. ⁴ Iemona dáamie Juziñamuimo úrilla llezica, ie ifoci ibaia, afe ie ífócina meaire finode, mei ifoci ibailla jiáie come ocuilla anamo íllana llóteza. Daje izói Juziñamuimona onoiga uai afémie llua llezica, ifoci ibailla ie ífócina meaire finode. ⁵ Mei jiáifodo, daa ringo Juziñamuimo úrilla llezica, íemo Juziñamuimona onoiga uai llua llezica, afengo ie ifoci íbáiñenia, afe afengo ífócina meaire finode. Afe íbáiñena afengo ífo itirai nana cuidoca izoide. ⁶ Daa ringo ifoci íbaiacañeniadi mei dáaruido nácina cuidórede. Mei nácina cúdocana, ifoci íbáiñena daje izói meáirede. Mei íadi ringo ie ifoci naado cúduana meáiruiadi, afengo ifoci

ibáirede. ⁷ Iññiai íaioi ifócina ibáinidiaioi, mei iima Juzíñamui jánana eróideza. Daje izói iima Juzíñamui ñue ocuilla ríinona jino cíotatímieza. Mei íadi ringo iima ñue ocuilla ríinona jino cíotaite. Uáfueza, Juzíñamui iññiai anamo iñena izói, afe izói iññiai ringóniai anamo iñede. ⁸ Mei iima Juzíñamui fínua llezica, ringómona finóñedeza. Mei jíáfodo ringo ímamona finócaza. ⁹ Iima jitailla jira ringo finoca; mei íadi ringo jitailla jira iima finóñega. ¹⁰ Afe jira ringóniai ifócina ibáirede, afengo ie ini ñue ocuícana anamo illa daiíllena. Daií írediaioi mei Juzíñamui abi imaci eróicana itíaioiza. ¹¹ Mei íadi Crístomo cai jainaina dino iima ringónino ínide. Daje izói ringo íimanino ínide. ¹² Mei uáfueza ringo ímamona finoca, daje izói uáfueza naga iññiai ringo jéiciga. Iemo nana Juzíñamui comuítagacai.

¹³ Bíemona ¿nie izói comécidiomoi? conímamo omoi daini. Ringo ifoci ibáiñeno Juzíñamuimo úriadi, meita figora, nibai figóñede. Mai daini. ¹⁴ Nanómona omoi izóidino griego imaci onóigaza: Iima ifótiirena baiñede; meaire cíoideza. ¹⁵ Daje izói afe abina cai onónafue jíáfueña dáanomo cai llote. Ringo ifótiirena ñue baite, mei áfedo aféngomo ñúefue nítaítiaioi. Jaca afe ringo ifoci ibáiíllena, ie ifótií áretiina comuítaga. ¹⁶ Mei dáamie bizóidifue júfidoacaniadi, bie cue llógamo mai cacai, mei Cristo orécamací cue diga jíáfoidifueña náfueñedicai. Daje izói Juzíñamuimo ínotino bifue baimo jíáifo maméñediaioi.

Cai Ocuíraimamo cai uibíñoga güilla rafue jíáimaci bácacá

¹⁷ Bie izói cue dáinado ómoimo ñúefueña nítañeiticue, mei omoi gairíllafuíaimo ñue iñeno, conímama fienni finódiomoiiza. ¹⁸ Fueñe bifue llóiticue. Dámierie omoi illáfueña cue fíditatíaioi. Juzíñamui cáimacaíllena omoi gairilla llezica, jíaimana énenoruidiomoi, daidíaioi. Afémaci cuemo llógana jabo ínoticue. ¹⁹ Afe eneno bozíetaillafue comuífíredeza, nibézie Crístomo nahí ínotinona, nibézie ínoñedinona jino uáfodo daiíllena. ²⁰ Conímama omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraima íeñede. ²¹ Mei güizájillamo dúcina llezica, illa dígamie dama ie atica güille güizájillena járitaífirede. Iemo dáarie jufíruilla llezica, jíáimaci jífáizabítiaioi. ²² ¿Meita birui omoi jofónidiomoi, afénomo güitá omoi jiróllena? Bie izói omoi íllado Juzíñamuimo nahí ínotinona jámairuitiomoi. Afe dáaruido güíllenidinona meáruitadiomoi. ¿Mei nie izói ómoína daíiticue? ¿Mei ómoimo ñúefueña nitáredicue? ¡Aferi ómoimo ñúefueña nitánidicue!

*Cai Ocuíraima íraicaiño güíllamo cai uíbicaíllafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraimamo cai uibíñoga güillafue fieni omoi fínuamona, ómoimo ñúefue nitánidicue. Mei nauí ómoína cue daina izói, bie omoi cue llófuiáfueña dama cai Ocuíraíma llotátagacueza. Afefue be ñie: Cai Ocuíraíma Jesús afe ie Judas fécaja naío, pan llíinote. ²⁴ Llínuano Juzíñamuina: “Fere figura” daide. Daina méifodo fécano daide: “Mai omoi güi. Bie cue abi; omoi ñue íllena ditaca izói ómoimo cue fecácaza. Bífuedo cuemo omoi uíbicaifireiri,” daide. ²⁵ Daje izói íaíoi güilla méifomo, jiróracuri llíinota daide: “Afe bie jiróracuri eromo ite iji, ómoimo cue comúitalle cómfuena ómoína onótate. Afe bie Juzíñamuimo dájena omoi jainátalle cómfuena cue die uáfueña ífcaitate. Diga ícaíño bie íjimona omoi jiróadi áfejido cuemo omoi uíbicaifireiri,” daide. ²⁶ Nana bífuiái jira, Jesucristo nai meine ana biñena llezica, nágaruillai bie pan omoi güíadi, íemo bie jiróracuri ero iji omoi jiróadi, áfedo Jesús cai ícoínia tíllana jino uáfodo llóitiomoi.

Afe bie cai Ocuíraimamo cai uíbicaillafue jaca ñue coméçillamona finórede

²⁷ Mei jira, nie come bie paana Juzíñamuimo ñúefueña nitáñeno güíadi, daje izói afe jirócaji afémie fieni jiróadi, afémie cai Ocuíraíma abi naa ie die diga fieni finode. ²⁸ Ie jira, illa dígamie nai afe pan güíñena llezica ie ifoci úrillana ñue onórede; daje izói áfeji ie jiróacana llezica áfena onórede. ²⁹ Mei onóigaza afe pan Cristo abina caina onótate. Dámie aféfuena ñue náfueño ebena güíadi, afe daí ie güíllamona dama Juzíñamui íena duere fínoite. Daje izói dama Juzíñamui ie duere finóllíji jírúa izoide. ³⁰ Daí omoi íllamona ómoímona aillo irárediaíoi. Jiáie comíni náinidiaíoi. Iemo daje izói dáarie tíidiaíoi. ³¹ Mei jíáfodo dani cai ifoci úrillana ñue cai náfueía Juzíñamui caimo riire jícanoñeite. ³² Mei íadi cai Ocuíraíma riire caimo jícanoíadi, afe jícanuado afémie izire caina lletade bíniemo ite Juzíñamuimo íñoñedino diga cai duere fínobiñeíllena.

³³ Mei cue ámatíai, bie izóideza: Comunió gütállena omoi gairíadi, dámie raire güíñeno dájena omoi gütálleza comíma omoi úíñori. ³⁴ Dámie ie jufíruiadi dama ie jofomo güizájirede, fieni omoi gairíllado Juzíñamui duere omoi fínoiza daí. Íco omoi cue eróizaille llezica, omoi jícaca jíáfuiái jáícina jóoneíticue.

12

Juzíñamui Ñuera Joreño illa dígamie Juzíñamuimo cai táíjinana fíbílleña caimo fecade

1 Amatiai, Juziñamui Ñuera Joreño illa dígamíemo fecaca Juziñamuimo táijinana fibíllena ómoína fidítaacadíe.

2 Ñue onódiomoíza, nai Juziñamuina omoi onóñena llezica, úrinide jánarai anamo íllena cuinada zonóicaigaomoi. 3 Iemona: “Bífueña omoi onoiri,” daidíe. Jesuna faidódímie jaca Juziñamui Ñuera Joreñodo úrinide. Daje izói Juziñamui Ñuera Joreñodo úriñedímie jaca uáfueña, “Cue Ocuíraima Jesús” daiñide.

4 Illa dígamíemo afe fecaca jíáíforie Juziñamuimo táijinana fibíllena íte. Mei íadi aféfuiai daade Juziñamui Ñuera Joreño fecácaza. 5 Illa dígamíe jíáíforie conímána canóredicai, Juziñamui ocuícamacina cai íllena. Mei íadi daade cai Ocuíraima anamo iticai, íe cai íóbitallena. 6 Illa dígamíemo cai illafue ñue jáícina jóoíllena, Juziñamui díga jíáíforie caina ocuíoide. Mei íadi daade Juziñamui nana comínina ocuíoide. 7 Juziñamui Ñuera Joreño caído jáicanana cai ónoíllena facáfíreña raana illa dígamíemo Juziñamui fecade, nana jíáímaci cai canóíllena. 8 Íe jíra Juziñamui Ñuera Joreño dáamíe íere baitádimíena jáíllena íena fibítate, jíáímaci llófuellena. Íemo jíáímíena daje Ñuera Joreño nímaíraima úrífíreña izói úríllena íena fibítate. 9 Íemo jíáímaci afe daade Ñuera Joreñodo jamánomo Juziñamuimo ínotagaiaíoi, áfedo jíáíe Juziñamuimo ínotino ñue canóíllena. Íe mei jíáímaci íráredino jíllotaraimána fibítagaiaíoi. 10 Íemo dáarie uaido dáínamona comuíde raa fínuana fibítagaiaíoi. Íemo jíáínona Juziñamui dáina uai uáfodo jíno llóíllena fibítagaiaíoi. Íemo jíáímacina níe ua Ñuera Joreñodo úríllana daje izói níe táino jóríaído úríllana onóíllena Juziñamui fibítate. Íemo jíáímacina nai llófueñega jíáíforíede uáíllaído úríllana onóíllena fibítagaiaíoi. Íemo nai jíáímaci afe dáina uáíllai ñue jíno dobáíñuana onóíllena fibítagaiaíoi. 11 Mei íadi nana bífuiai daade Juziñamui Ñuera Joreño fecaca. Ua dama íe óíacana izói, illa dígamíemo jíáíforíede fibíllafuíaina fecade.

Nana cai bie dáamíe abímo dúídícai

12 Bífuiai nana bie izói jóide, mei Cristo íemo ínotino díga, daade abí izóideza. Afe daade abímo jáináídínuaína aillo íte. Mei aillo íte íadi, nai afe abí daade. 13 Afe izói aillo jíáífoídínona cai íllamona, níbai judíodícai, níbai gríégodícai afe jaca mámeñega. Mei daade Ñuera Joreñodo nana cai daade abína jáináítagacáíza. Daje izói níbai ráiruícanodícai, níbai ráiruíñeganodícai daje abína íticai. Ua daade Juziñamui Ñuera Joreño daade abína fínócaí. Afe daade Juziñamui Ñuera Joreño úícaítacacai.

14 Cai abi daje izóinède, mei diga ráaniai daade abimo jaináinaza. 15 Mei jii, come eiba: “Cue bie ónoñedicueza daje abí iñédicue,” daiíadi, daií dáinado daje abimo ie jaináinana uáitanide. 16 Daje izói come jefo: “Cue bie uíjiiñedicueza daje abí iñédicue” daiíadi, daií dáinado daje abimo ie jaináinana uáitanide. 17 Mei cai abi nabáinino daa uíi íadi ¿nie izói cácaiticai? Daje izói cai abi nabáinino daa jefo íadi ¿nie izói jálliana cácaiticai? 18 Mei íadi nana cai abimo jaináidinuiaina, afe abimo ñue baitínuiamo, Juzíñamui ie comeci jítaina izói jóonete. 19 Nana cai abi dáadeniadi afe nabáíñiai illino iñede. Ua abi iñede. 20 Mei íadi ja onódiomoiza, dáamiemo jaináidinuiaina aillo ite, íadi jaca ie abi daade.

21 Daje izói nane jiáifue, cai ui ónoina: “Ona jitáiñedicue” daiínide. Daje izói ifoci eíbana: “Ona jitáiñedicue” daiínide. 22 Mei jiáifodo cai abimo ite mairíñedino iere jamánomo jitáirede. 23 Daje izói cai abimo ite figo coméciiñegano áfena iere ñue uíñotícaí. Iemo cai abimo jino uáfodo cíotanidínona, áfena iníroido ebire finode. 24 Mei íadi cai abimona uáfori cíoidino cíotanidino izói ebire finónidiaíoi. Bie izói Juzíñamui cai abimo itínuiaina dájemo jofo ñue zorode, cai figo coméciiñeganomo ñúefuena jamánomo cai nitállena. 25 Juzíñamui daií zorode, cai abimo itínuiái conímama énenoruiñeillena. Mei íadi jiáifodo illa dígano conímamo comeci úrede. 26 Come abimo itínuiaimona daano izi cácana llezica, nana jiáinuiaí daje izói duere zéfuitaíoi. Daje izói dánomo ñúefue nítano caimare íadi, nana jiáinuiaí dájena caimare itíaíoi.

27 Mei jira bie izói nana omoi Cristo abídiomoi. Omoimona illa dígamiaí daa ie abimo itínuiái izóidiomoi. 28 Afe jira Juzíñamui jiáifodo tájinana dáarie íemo íinotíno jónete. Nano fueñe Cristo orécamaci jónete. (Afémaci jiáifo mameina ie apóstoles.) Afe mei jiáinona Juzíñamuimona ogáfuaí uáfodo jino llotíno jónete. Afe mei nane jiáinona ie uai llófueraini jónete. Iemo uaido dáinamona raana comúitatino jónete. Iemo iráredino jíllotaitino jónete. Iemo jiáímacina canófredino jónete. Iemo jiáímacina ocuífreitino jónete. Iemo nai llófueñega jiáízie uáillaido úritino jónete. 29 ¿Meita cai nana Cristo orécanodicai? Ieñedicai. ¿Meita nana cai bie Juzíñamuimona ogáfuaí uáfodo jino llotínodicai? Ieñede. ¿Meita nana cai ie uaina llófuetínodicai? Ieñede. ¿Meita nana cai bie uaido raana finódinodicai? Ieñede. 30 ¿Meita cai bie iráredínona jíllotaredicai? Jíllotanidicai. ¿Meita cai bie nana nai llófueñega jiáízie uáillaido úritínodicai? Ieñedicai. ¿Meita cai bie nana aféuai dobáíñuano jino uáfodo llóredicai? Jaca nana

llónidicai. Dámierie dobáiñorediaioi. ³¹ Mei ie jira, nana bie fibíllafuiai mona baimo ñuera fibíllafuiai na Juzíñamuimona omoi óllena afe omoi nícidori. Mei íadi afe fibíllafuiai baimo, jáie ñúefuena ómoimo llófueiticue.

13

Jiáimana cai izíruillafue

¹ Mei uáfueza, nai llófueñega jáizie uáillaído úrillana cue fibíadi, íemo afe baimo Juzíñamui abí imaci úrilla izói úrillana daje izói fibídícue ia, mei íadi jáimana cue íziruñeniadi, fia taino ficírede juai izóidícue. Íemo jáie taia ficírede lloéturu izóidícue. ² Daje izói Juzíñamuimona ogáfuii jino llúana cue fibíadi, íemo nana nai uáfodo onóñegafuiai llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ínogafue cuemo íadi, mei íadi jáimana cue íziruñenia, táinomo fáifitícue. ³ Daje izói, nana cuemo ite ráaniai jáimaci canóllena fia cue fecáadi, íemo Juzíñamui ióbitallena dama cue abí cue jobáitaiadi, mei íadi afe llezica jáimana cue íziruñenia, nana cue finócafuii cuemo ráifíñede.

⁴ Mei jáífodo, jáimana izíruitímie jaca járitaiñede. Afémie dúcaifírede. Daje izói úradoifinide, íemo afémie uícofíñede, íemo fiéni abí íñoñede. ⁵ Daje afe jáimana izíruifíredímie meáiredífuena jaca lloñede, íemo afémie ie abina jacire maméñede, íemo afémie jaca ríicaifinide. Jáima fiénidífué íemo finóadi, fiéni comécíñeno raire féitate. ⁶ Afe jáimana izíruitímie jáimaci fiénidífuiai fínuari zúureite, mei jáífodo ua ñúefueri ióbifírede. ⁷ Nana íemo comuídifuiari caimare ocuide. Raire járitaiñeno aféfuiaimo ñue úíñoode. Juzíñamuimo izire ínuano aféfuiairi jacínaiñeno ñue ocúride.

⁸ Izíruillafue zíñona jaca záíñeite. Mei íadi Juzíñamuimona uícodo onoiga ráfuiai záite. Daje izói jáimaci uáillaído úrilla llícaite; íemo daje izói ifócido onóigafuiai záite. ⁹ Mei biruúllaído cai ifócido onóigafuiai ñue ícoimo baitáñedicaiza, jabo onódicai. Daje izói Juzíñamui uícodo onoiga ráfuiaimona due jino lloticai, mei due onódicaiza. ¹⁰ Mei íadi uire Juzíñamui nana ráfuiai caimo baitállirumo afe ícoimo ñue báitañegafuiai fáicanocaille.

¹¹ Nai cue úruena llezica úruiaimo itífuiaído úritícue. Urue comeci fácaja izói, comeci facádícue, íemo úrue ifocí úrilla izói itícue. Mei íadi ja cue móonaila llezica, úrue illa izói cue illáfuiaina fáicanocaidícue. ¹² Daje izói birui Juzíñamui dibénemo cai onóigafuiai jaicuíbicaide. Dámie jáaira acáranimo figo cíoiñena izói afe izói Juzíñamui ífuiaina birui figo baitáñedicai. Mei íadi íco jáíruido nana ñue báitaiticai.

Birui cue ifoci úrilla figo déiñedeza, jabo onódicue, mei íadi aféruido nana ñue ónoiticue. Jii, Juziñamui cuena onona izoi ñue jaícina ónoiticue. ¹³ Mei daíi Juziñamuimo ñnogafue, íemo jiái ocuérinafue, íemo jiái izíruillafue jaca zíiñona féiñeite. Bie daámanidemona izíruillafue iere jamánomoide.

14

¹ Mei ie jira, afe izíruillafue iere jeire omoi oiri. Afe ua llezica Juziñamui Ñuera Joreño fecaca jiáiforie táijinana fibíllena izire omoi jenori. Omoi jenolle llezica, Juziñamuimona onoiga uai jino llua baimo izire jicari. ² Mei íadi dámie nai llófueñega jiáizie uaido úriadi, dama Juziñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joréñodo úrite, mei íadi afémie daína uai uáfodo onóñena báinino jóoide. ³ Mei jiáifodo afe Juziñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jiái íaioi caimare firallena. ⁴ Afe jiáizie uaido úritimie dama ie joreño dibéfuemo móonaite; mei íadi afe Juziñamuimona onoiga uai llotímie, Juziñamuimo jaináidinona ñue móonaitaite.

⁵ Afe nai llófueñega jiáizie uaido úrillana nana ómoiena jitáidicue. Mei íadi Juziñamuimona onoiga uai jino omoi llóllena iere baimo jitáidicue, mei afe onoiga uai jino llua, jiáizie uaido úrilla baimo ráifide, Jesucrístomo ñnotino aillo móonaitallena. Mei íadi afe jiáifoide uaido úritimie úrilla dobáinoraíma íadi, afefue ñuera; mei áfedo nana Juziñamuimo jaináidino dani íaioi joreño dibéfuemo daje izói ñue móonaitiaíza. ⁶ Ie jira ámatiai cácarei. Uire omoi cue uáiduaibia omoi cígiri Ñuera Joreño úritate jiáizie uaido cue úriadi, cue úrilla ómoimo due jiza ráifíñede. Mei jiáifodo Juziñamui caimo onótagafuiaido cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juziñamuimona onoiga uai ómoimo jino cue lloia afefue jiái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciri, áfemona ñue onóillena. Afe raa jaca comécinideza. Be totíbacui, íemo arpa, íemo juai diga caimare ficire úrite, mei íadi jiáíma fieni taia, áfena cacáidino afe úrilla uaina ónoñeitiaíoi. ⁸ Daje izói comini jobáiriacana llezica, uáidua juai táíñeniadi comini figo áfemo mámeriñeitiaíoi. ⁹ Afe izói ómoimo íficaide: dáamie jiáifoide ónonide uaido omoi llófueia ie daínana bu onóñena. Afémie táinomo úrite. ¹⁰ Uáfodo onóigaza; bie éniemo diga jiáie nairai uallai ite. Afe uáillaina onóidinomo nana aféuallai ñue baite. ¹¹ Mei íadi cuemo úritimie uaina

cue ónoñenia, afémiemona jicánemiedicue. Daje izói afémie cúemona jicánemie. ¹² Ie jira, afe Ñuera Joréñomona fecaca táijnana fibíllena omoi iere gaina llezica, mai Juzíñamuimo jaináidinona ñue móonaitallifuaiaina iere izire omoi jicari.

¹³ Afe jira nai llófueñega jiáizie uaido úritimie afe ie daina uaina ñue jino llúana fibíllena Juzíñamuimo jicárede. ¹⁴ Mei jiáizie uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijiñeno oni eneno ite izoide. ¹⁵ Mei íemona ¿ñifue fñoiticue? Cue joréñodo naa cue ifoci úrillado Juzíñamuimo úriredicue. Daje izói cue joréñodo naa cue ifoci úrillado afémiemo róredicue. ¹⁶ Mei jii, dama o joréñodo Juzíñamuimo o úriadi o áinori ite, áfemo fibítañega cacáreidimie, Juzíñamuina figora o daiífirenafue dibénemo ínide. Mei o dainana onóñedeza. ¹⁷ Mei nibai Juzíñamuina figora o daiífirena Juzíñamuimo ñue cacaide, íadi jiáimana dama ie joreño dibénedo ñue móonaitañede. ¹⁸ Nana omoi baimo jiáizie uaido úriredicue. Aferi iere Juzíñamuina figora daidicue. ¹⁹ Mei íadi Juzíñamuimo jaináidino gairífirena llezica, ónoñega jiáifodo jóide uaillai baimo, jubeba diga ñue onoiga uai cue dainana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáañedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézainidino izói omoi iri. ²¹ Jaiai cai ocuilla uai ciegánicomo Juzíñamui íemo cacáacañede Israel náiraina bie izói daide:

—Bie náiraina jiáie uáillaido úritinodo duere fñoiticue; onínemacido íaioi llétaiticue.

Mei íadi afe bie uaido nai cuena náfueñeitiaioi.

Daií cai Ocuíraima daide, —aquíe izói ie uai llote.

²² Mei daií afe jiáizie uaido úrillana fibíllafue Juzíñamuimo íñoñedinomo dúide, jiáie onótate raa izói íaioina onótallena. Ínotinomo dúíñede. Mei íadi Juzíñamuimona onoiga uai jino llúana fibíllena Juzíñamuimo ínotinomo dúide, jiáie onótate raa izói íaioina onótallena. ²³ Mei jira nana Juzíñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fibítañega íñoñedino omoi cígimo bíadi, nibai “Uáiritaidino izóidíomoi,” dáitiaioi. ²⁴ Mei jiáifodo Juzíñamuimona onoiga uai jino omoi llua llezica, íemo fibítañega íñoñedimie omoi cígimo bíadi, ie comécimo ite fiénidifuenta uáfodo ónoite. Nana omoi dainana cacáillano afémie dama ie comécina méiñotaite. ²⁵ Afe daií dama ie comeci onóigafuiai jino ciocaillamona, cañícido ana dújullano

Juziñamuina cáimadoite. Iemona: “Uáfueña, Juziñamui omoi cigiri íteza” dáite.

Omoi gairilla llezica nana omo lollífuiái jaicuíñeno jaícina lloiri

²⁶ Mei jira, ámatiai, omoi gairillífuiái bie izói írede: Omoi gairilla llezica ómoimona dáarie Juziñamuimo rollírúa jino llóiacade. Iemo jiáimie llófueacade, íemo jiáimie Juziñamui íena onótágafue jino llóiacade, íemo jiáimie jiáifoide uaido úriacade, íemo jiáimie afe jiáizie uaido úrilla jino dobáiñoiacade. Nana bífuiái ñuera. Mai bífuiái daí íteza, Juziñamuimo jaináidino ñue móonaillena, daje izói íemo nai ínoñedino ínotallena. ²⁷ Jiáizie uaido omoi úriadi mena come dáaruído úrinide. Jiáimie úrilla llícailla méifomo úriri. Daámani come daí úrrede. Naga come jiáifoide uaido úrilla fuíllamo ie lloga uai dobáiñorede. ²⁸ Mei íadi uai dobáiñoitimie íñeniadi, mai nie izói jiáifoide uaido daíñeno iri. Dámie úriacania dama ie comécido Juziñamuimo úriri. ²⁹ Daje izói afe Juziñamuimona onoiga uai llotínomona damieámani úrrede, íadi daje llezica úrinidiaioi. Llotímie fuilla méifomo íemo cacáreidino fairíorediaioi, ie dánana ja Ñuera Joréñomona comuide, ñibai íeñede daíllena. ³⁰ Mei íadi dámie uai jino llua llezica, Juziñamui jiáie ana ráidimiemo jiáífue íena onótaiadi afémie raire fueñe úritarede. Nano fueñe úritímie ie úrillana fáicanocairede. ³¹ Afe daí nana omoi Juziñamuimona onoiga uai llotino llórediaioi. Uafue dámerie jino llórediaioi, áfedo nana omoi onócaillena; daje izói áfedo nana omoi comeci náirecaillena. ³² Nana afe Juziñamuimona onoiga uai llotino dani íaioi joréñona rairuírediaioi, nai jiáimie úrilla fuiñena dino. ³³ Mei Juziñamui caimare uai illifue comútatímie; íemo, úrillana féitate gáguana afémie comuítañede.

Nana jiáinomo ite Juziñamuimo jainaide gairídino fínua izói birui ómoína finótaiticue. ³⁴ Juziñamui íobillena omoi gairilla llezica, cigimo ite ringóniai úrilla rairuírede, íñiaina ie llófuellena. Juziñamui ocuilla uai daina izói, aféngotiai íima anamo caimare írediaioi. ³⁵ Aféngotiai daa rafue onóacania, jino jofomo íaioi inimo jicánorede. Daa ringo comini gairilla cigiri úria meaire cioide.

³⁶ Mai cácarei, ¿Meita Juziñamui uai dani ómoimona comuide, daí comeci facádiomoi? ¡Daíñede! Daje izói aféuaina dani ómoimo llógaza coméciñeno iri; mei diga jiáimaci íena, daje uaina jae llogaíaioiza. ³⁷ Daa come Juziñamuimona onoiga uai jino llotímiedicue daíadi, bie ómoimo cue cuezáfuiái cai Ocuíraima Jesucristo cai ocuilla uai afémie daírede. Daje izói daa come Ñuera Joréñodo úritímiedicue daíadi, afémie cue

cuega dibénemo Jesucristodo cai ocuilla uai daiírede. ³⁸ Iemo afe cúegana ailli cue daina bie izói daiíacañediemiemo omoi náfueñoeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo da come jíáizie uaido úria, rairuíñoeno iri. ⁴⁰ Mei íadi afe llezica, omoi lllóluuaina jaicuíñoeno daje fuémona jíáimamo meaire cíotañoeno lloiri. Daje izói nana omoi jetaca raana jaicuíñoeno ñue jaícina maméfireiri.

15

Jesucristo tilla meine abido cáadimie illafue

¹ Cue ámatiai, ómoimo cue lloga jílona uai ómoína uibíñotaacadícue. Afe uaina jae jeire otíomoi. Iemo bie uaido ñue itíomoi. ² Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi nauí nibai táinona omoi íinoia jae jíllonediomoi.

³ Cue onoiga jamánomoidífue nauí ómoimo llotícue. Juzíñamui Cuegáuai daina izói, Cristo cai fiénidífuiai muiñóllena tíillafuena jae omoi llófueticue. ⁴ Iemo nane afe Cuegáuai daina izói, Cristo raiga daruíámani íllamona meine abido cáadimiena jáillana ómoína llófueticue. ⁵ Iemo afe Cristo Pédro mo cíocaide; afe mei nana jíáie ie orécamacimo cíocaide. ⁶ Nane afe mei dáaruido quinientos baímo íemo ínotinomo cíocaide. Afémacimona aillo nai itíaiói, íadi dáarie jae tíidiaíói. ⁷ Nane afe mei Santiagomo cíocaide, íemo nane nana ie orécamacimo cíocaide.

⁸ Nana jíáimacimo cíocailla mei, írainomo afémie cuemo cíocaide. Iemona úrue jíáifodo jocoína izóidimiedícue, mei Crístomo cue dóbaicaillafue jarire cuemo íficaideza. ⁹ Mei Jesús orécamacimona jofófenemo ráifidimiedícue. Juzíñamuimo jaináidino fállena cue racáfirenamona, nauí ie orécamie cuena daiínide. ¹⁰ Mei íadi Juzíñamui ñue cuemo íllado, bie izói itícue. Afémie cuemo dúecaillano afémie cue cánuana táinomo fáifitañedicue. Mei jíáifodo jíáie ie orécamaci baímo, iere riire tájídícue. Mei íadi afe izói dama tájínidícue. Juzíñamui cuemo dúecaillano cue diga jáicaillado daií tájiredícue. ¹¹ Mei birui, afe ñúefue nibai cue lloga, nibai afémaci lloga, afe llúáfueña náfueñedicue. Mei íadi bie ñúefue ja ómoimo cai llogafue, daje izói afefue omoi ínogafue.

¹² Mei bie ómoimo cai llogafue Cristo tíillamona meine abido cáadimiena jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadinona íñeite,” daidíaiói? ¹³ Meita íaiói daina izói tíidinomona buna

cáañenaza, daje izói meita dama Cristo cáañeite. ¹⁴ Iemo meita Cristo cáañedeza cai llócaiga uai ráifiñede. Daje izói omoi ñnogafue ráifiñede. ¹⁵ Iemo afe baimo, cai bie Juziñamui dibénemo taino llotinodicai, mei Juziñamui Cristo meine abido cáatate daidicaiza. Meita tíidino meine cáañenaza, daje izói Juziñamui Cristo meine cáatañeite. ¹⁶ Mei tíidino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi ñnogafue ómoína ñue finóñede. Nai ómoimo ite fiénidifuiamo nai jaináicaidíomoi. ¹⁸ Meita íaioi daina izói Cristo cáañedeza, Crístomo ñnote tíidino táinomo fáifidiaioi. ¹⁹ Meita Crístomo cai ocurinafue daa biruillaido biniemo cai illa llezica caimo dúideza, nana comini baimo cai duere finócanodicai.

²⁰ Mei íadi afe izóiñede. Cristo tíillanomona meine abido cáadimiéna jailla ñue onóigaza. Amena llizillajimona jotáiritiji fueñe uailla izói, Cristo nana tíidinomona meine abido caadino ifódimie. ²¹ Mei bie izói daa cómemona, Adán dainámiemona tíillafue fueñe biniemo comuídeza; daje izói tíidino meine abido cáaillifue daa cómemona comuide. Afémie Jesucristo. ²² Afemona nana comini Adamo jaináideza, tíitiaioi; iemo daje izói nana Crístomo jaináidino meine abido cáaitiaioi. ²³ Mei íadi nana nairai daje llezica meine abido cáañeitiaioi. Nágamiiai íaioimo dúide dieze, íaioi cáatalliruido cáaitiaioi: raire uícodo oga llizillaji óina izói, Cristo fueñe meine abido cáadimiéna jaide; afe mei Cristo billíruimo dama Cristo iédino cáaitiaioi. ²⁴ Iemo írairuimo dúciite. Aféruimo Cristo nana biniemo ite riírede illaini naa monamo ite riinoredinuiari niné táinocaitaite. Afe mei nana ie illáimana illa riino naa ie anamo itinuiari ie Moo Juziñamui fécate. ²⁵ Mei jii, Cristo nai illáimana írede, Juziñamui nana íena éoidino Cristo anamo itábicaitalle dino. ²⁶ Come tíillafue caína anáfenoacade caína éoidimie izoide. Mei íadi afe cai titade riinona Cristo íraínomo niné táinocaitaite. Afe mei jíaie táinocaitallimiena íñeite. ²⁷ Mei Juziñamui nágafuiaina Cristo anamo jóonete. Cristo ñue afémaci ocuillena. Juziñamui Cuegáuai bie izói daíladí, Juziñamui Cristo anamo íñénana uáfodo onóigaza, mei Juziñamui naga raa Cristo anamo jóonetimieza. ²⁸ Iemo nágafuiái Cristo anamo itábicailliruiamo, dama afe Cristo Juziñamui Jitoza ie Moo anamo itábicaiteza. Juziñamui nágafuiái Cristo anamo itábicaítimie. Aféruimo bífuiaido naga ráaniai dibénemo Juziñamui jamánomoidimiena íite. Naga ráfuiái naa ie comuítaga ráaniairi ñue jaícina afémiemo dúite.

²⁹ Nane jíáifue “Tíidinona meine cáañeite” daííiredinona daííticue. Dáarie tíidino dibénedo báutizatatino ite. Meita

tíidino meine cáañeitiaioiza, ¿nibái mei daí bántizatataioi? Iemo tíidino dibénedo bántizafue ¿minícamo ráifide?

³⁰ Iemo cue, cue nabáñiaí diga, Juzíñamui ñúefue ícoínia, nágaruillaído iere caina titáacade jácifue mo ífiredicaí. Meita tíidino meine abído cáañeiteza, daí caí íadí ¿minica caimo ráifilla? ³¹ Nágarui cue titállena mamédiaioiza jácinomo iticue. Uáfue na daí iticue. Cue ámatiaí, caí Ocuíraíma Jesucrístomo omoi ínuari uáfue na iere íobidicue. Afe uáfue na cue íobilla izóí, daje izóí uáfue na nágarui titáacagacue. Iemona tíidino meine abído caalle uáfodo onóigaza. ³² Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuírillamona ¿minica cuemo ráifilla? Mei afe izóí cue illa cuemo ráifíñede. Meita uáfue na tíidino meine cáañeiteza, afe taino llotino ñue jaícina daídíaioi. Afémaci daína bie izóí jóide: “Mai raire caí güilli, güillano caí jirolli; mei úireitirumo raire tíiticaíza afe mei ñine íñeiticaí,” daídíaioi.

³³ Jíaimamo omoi jífuefíñeno iri. Abina ñue onona uai uáfodo jóideza: “Fíenide nabáñiaí ñue illáfuaína ñiné táinocaitate.”

³⁴ Mei jíáfodo, ñue abina omoi onoiri. Omoi illafue ñue jaícina jóneri. Fíenidífue na finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izóí ómoína daídicue.

Tíidino meine abído cáadinona íllena abí Pablo llote

³⁵ Nibai birui ja dáarie jícanoite: ¿Mei nie izóí tíidino cáaitaioi? ¿Mei afémaci abí nie izóí éroite? ³⁶ Afe izóí jícanua abina onóñedimie úrilla izoide. Mei daa rífiregají caí ríadi, afejí tíide izóí énie anamo fíébirede, áfemona ie iroci zicóllena. ³⁷ Eniemo riga raa, afénomona zicódirociñede, mei jíáfodo dama ie íjí ríina. Iemo diga jíáiforie de íjiaí ríina: bellají ríina, íemo mazácají ríina, íemo arroz íjí daje izóí ríina. ³⁸ Afe ríinají zícua llezica ie ciona izóí Juzíñamui comúitate. Dani aféjiaí dúina izóí zicótate. (Bellájimona bellari zócaja, íemo mazácajimona mazácari zócaja.) ³⁹ Mei afe izóí naga cáadinuaí abí jíáiforie eroide. Come abí jíáifoide, íemo rille abí jíáifoide. Daje izóí féedino abí jíáifoide, íemo chámuniaí abí jíáifoide. Nana daje izóí eróíñede. ⁴⁰ Iemo jíái monamo ille abí ite, íemo jíái éniemo illa abí ite. Biniemo illa abí ebírede, mei íadí monamo ille abí ebire eroína jíáifoide. ⁴¹ Jitoma egáíñua fiui egáíñuana eróíñede; jíáfodo egáíñote. Daje izóí ucudu egáíñua izóíñeno, jitoma jíáfodo egáíñote. Iemo jíái daa ucudu jíáie ucúdumona egáíñua jíáfodo cíoide. ⁴² Tíidino meine cáaillífue bie izóí jóide. Rífaite íeizi éniemo raiga, íemo tííñeitina

meine abido cáate. ⁴³ Jámairuiga abi éniemo raiga, ie mei ebire cíotaga abi meine cáate. Daje izói nane ríinide abi éniemo raiga ie mei ñue íocirede abi cáate. ⁴⁴ Bíníemo cai jocoína abi éniemo raiga, ie mei mona dibénemo dúide abi cáate.

⁴⁵ Mei daií Juzíñamui Cuegáuai lloste: “Nanóidimie Adana cáadimiena íficaide. Iiraie Adán daina Cristo zíiñona cáatatena joreñoredimie,” daide. ⁴⁶ Juzíñamui dibénemo cai comuítatimie nano fueñe cómuítañega, mei jáífodo bíníemo cai nanóidimie Adán fueñe comuítaina. Afe méifomo Juzíñamui dibénemo cai comuítatimie cíocaide. ⁴⁷ Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraima. ⁴⁸ Afe énie finóinamie izói, nana bíníe comíni ie abi izóidiaioi. Daje izói Jesumo ínuamona monamo dúidino afe monámona bitimie izóidiaioi. ⁴⁹ Iemona énie ie finócamiena cai eroína izói, afe izói mona ímiena éroiticaí.

⁵⁰ Amatíai, omoi cacai, ómoína dáitícue, nana bíníe dúide cai abi die diga jaca Juzíñamui illáimana illánomo jofo jáinide. Daje izói raire táinocaitaitíue zíiñona illínomo dúíñede. ⁵¹ Mei íadi nanómona uáfodo onóñega ráfuena ómoína onótaacadícue: nana tíñeíticaí; mei íadi nana jáífodo méidoficaiticaí. ⁵² Uáfúena, Juzíñamui íraie vudugoi fúunua llezica, jarire ui bótaçaila izói raire jáífodo méidoficaiticaí. Afe vudugoi ficire cácaçailamona tíidino meine abido jaca tííñeíllena cáatalliaioi. Afe llezica cáimona cáadímaci jáífodo méidoficaiticaí abido tííñeíllena. ⁵³ Mei çaimo ite raire féitííue zíiñona féíñeítííuena méidoficáirede. Daje izói çai tííte abi zíiñona tííñede abína méidoficáirede. ⁵⁴ Iemo afe bie çaimo ite raire féitííue zíiñona féíñeítííuena méidoficáilla llezica Juzíñamui Cuegáuai daina ñue jáícina zúíte. Daje izói çai tííte abi zíiñona tííñede abína méidoficáilla llezica afe Cuegáuai ñue jáícina zúíte. Afe Cuegáuai daina bie izói jóide:

Çaimo ite tíillííue,

çaina éoidimie anáfenoína izói, anáfenoga; ja táinocaide.

⁵⁵ Çai tíítaitííue çaina izi cácatáfírena ríino jae íñede.

Çaina nie izói níbaiñeíte,

mei ie molleroi izoide raa ja birui íñédeza.

⁵⁶ Nana comínimo fiénidííuiai íllamona, tíítaitííue çaina jacíruitade. Iemo jaiai Juzíñamui çai ocuilla uai llúamona çai fiéni finóçafuiai duere finórede. Iemona tíillííue çai anáfúenuana jaca jacíruiticaí. ⁵⁷ Mei Juzíñamui çai Ocuíraima Jesucrístodo áfemo çaina anáfenotañenamona íena iere figora daiííredicaí.

⁵⁸ Ie jira, çue izíruiga ámatíai o ínogafúena jáífodo méidoñeno ñue jeire omoi oiri. Juzíñamui ocuica táíjinaíuemo

nágaruillai iere omoi náfuẽfireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifíñeiteza.

16

Dúerede cai ámatiai canóllena úcube eneno ofítafue

¹ Crístomo ñinote ámatiai canóllena úcube omoi jicánoga eneno ofítallifue llóiticue. Galacia éniemo ite Juzíñamuimo jaináidino cue llófuia izói, afe izói omoi ofítari. ² Naga semana táiniaruimo, ómoimona illa dígamie omoi oga úcubemona due jiza Juzíñamui íena oni eneno jóoneri. Nano omoi llínua dieze oni eneno jóoneri. Daí uícodo omoi ñue eneno énofireiri, cue billíruimo afe úcube ómoido cue íraíñeillena. ³ Uire cue bille llezica omoi nizada dani baillímiedo afe úcubena Jerusalémo óreiticue. Afe llezica omoi cuelle uítimíai mámece illábedo íaioina óreiticue. Afe bie izói omoi ofítaga úcubena Jerusalémo ite ámatiaimo óreiticue. ⁴ Onoñegaza, cue jíruia afémaci diga dane jáiticaí.

Pablo jáinomo jáillena mamérite

⁵ Cue jáiadi Macedonia éniemo jáiacadicue. Afe méifodo daí Coríntomo dúciiticue. ⁶ Mei nibai nano nié dino omoi cígiri íiticue. Nibai ónoñegaza bie rozírediruillaina omoi cígiri záitaiticue. Afe mei oni jáinomo cue jaille llezica cuena canórediomoi. ⁷ Mei ómoimo fia jarire érocaillano jáiacañedicueza, cai Ocuíraima comece játaia, omoi cígiri are íacadícue. ⁸ Mei íadi Pentecostés rafue dúcille dino, benó Efeso jófuemo íiticue. ⁹ Mei iere ñue Juzíñamui uaimo cue táijillíruimo itícueza. Aillo comíni birui aféuaimo jíruiacadiaioi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áifedoñeno iri. Mei afémie daa cai Ocuíraima ocuícamo cue izói táijideza. ¹¹ Ie jira ómoimona buna afémiena jámairuiñeno iri. Mei jáífodo cue ie éroizabilleza caimare afémiena omoi canori. Mei naa jáie ñinote ámatiaioiri íena ocuúridicue.

¹² Cai ama Apolos dibénemo llóiticue. Naui íemo izire jicadicue, jáie ámatiaioiri omoi éroizaillena. Mei íadi afémie birui jáiacañede. Uire ie jáiacalliruimo jáite.

Iraicaiño uáidonocailla uai

¹³ Mai abina ñue omoi onoiri. Crístomo omoi ñnogafue jáífodo méidoñeno jeire omoi oiri. Jacíruíñeno ñue íociredimie izói omoi iri. ¹⁴ Nana omoi jetáacagafuiai, conímana izíruillafuedo finori.

¹⁵ Amatiai, birui onódiomoiza, Estéfanas mámeciredimie comini, nano fueñe Acaya éniemo ñúefuemo dóbaicaidino. Dóbaicaillano jiáie Crísto mo ínnote ámatiai canóllena ja maméritiaioi. ¹⁶ Jira afémaci, naa jiáie afémaci izóidinori anamo omoi caimare itábicaillena iere jitáidicue. Daje izói jiáinona canófiredino, naa jabo ocuídinori anamo mai caimare omoi itábicairi. ¹⁷ Ja Estéfanas, Fortunato, Acaico diga billari iere ióbidicue, mei cúemona jica itíomoiza cuena canónidiomoiza. Mei íadi afémaci ómoimona féiredifue cuemo finódiaioi. ¹⁸ Afémaci cue comécina iere náiretadiaioi; daje izói ómoina náiretadiaioi. Afe izoide comínimo ñue omoi jíeruiri.

¹⁹ Benó Asia éniemo ite Juzíñamuimo jaináidino ómoimo uailai orédiaioi. Daje izói Aquila ie ai Priscila diga naa íaillinoimo gairídinori, cai Ocuíraima mámecido uai ómoimo orédiaioi. ²⁰ Nana benomo ite ámatiai oreca uailai, mai omoi llínori. Daje izói conímana caimare uáidori.

²¹ Cue Páblodicue. Dama bie cue ónoido cuela uai ómoimo orédicue.

²² Ninó dámie cai Ocuíraima Jesucrístona izíruiacañedimie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucristo ómoina ñúefuena éziciteza.

²⁴ Nana omoi Jesucrístomo jainánado, ómoina cue izíruilla uai orédicue. Daiítadeza. Jae ñie.

MÉIFODO SAN PABLO CORINTO

IMACIMO ORÉCABE

Segunda Carta del Apóstol San Pablo a los Corintios

Coríntomo ite Juzíñamuimo jaináidinomo Pablo cuete

¹ Páblodicue. Juzíñamui comeci jítaina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ² Cai Moo Juzíñamui, cai Ocuíraima Jesucristo diga ómoína ñue éziciiteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuállafue

³ Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifrede. Afémie cai Ocuíraima Jesucristo Moo. ⁴ Nana duere cai zefuilla llezica, afémie caimo dúecaifrede. Afémie caimo dúecaide, afe izói jiáie duere zefuídinomo cai dúecaillena. Afemona Juzíñamui caimo lloga dúecaillafue jiáimacimo llóredicai. ⁵ Mei Cristo duere zefuállafue dibénemo cai nabaia izói, afe izói Crístodo caimo iere ie dúecaillafue jeire óiticai. ⁶ Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiadi, áfedo daje izói dúecaillafue, naa jíllonafue diga óitiomoí. Iemona daje cuemo comuide duere zefuállafue ómoímo comuíadi, raire járitaiñeno áfemo fia ocuírerediomoí. ⁷ Omoí dibénemo uáfodo onóigafuemo ñue ínoticue, mei ñue onódicueza daje zefuállafue dibénemo omoí illa dieze, afe izói Juzíñamui fecaca dúecaillafue óitiomoíza.

⁸ Amatai, Asia éniemo cuemo comuide féiredifuiaina ómoímo fidítaiacadicue. Afénomo cuemo comuide riürede facátafue iere jamánomoideza, áfena ocuínidicue. “Nibai bífuemona jíllóñeno benó tíiticueza,” daiñiredicue. ⁹ Aféruimo méinellena llavécamié abi izói cue abi çaçaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí íñoñeillena cue llófuete. ¹⁰ Aféruimo Juzíñamui afe iere jacírede tíillafuemona cuena jíllotate. Afémie nai birui jaca cuena jíllotaocaide. Daje izói uíreitiruillaído afémie aféfuemona cue jíllotallemo ocuíricaidicue. ¹¹ Uáfuenta, cuedo Juzíñamuimo omoí jicáfíreiadi afémie cuena jíllotaite. Aillo comini cuedo Juzíñamuimo úriadi,

aillo íena íóbitaitiaíoi. Juzíñamui cue ézicia ñúefuiaiíri íena íóbitaitiaíoi.

Pablo Coríntomo jáíñenafue llote

¹² Daa cue comécido onóigafueri iere íóbidicue. Afefue bie izói jóide: cue comeci úrilla uai nífuenino bíniedo cue mácajana llote. Daje izói Juzíñamui eróicana jáímana jífueñeno cue mácaja llote. Omoí cígiri bie izói riire iticue. Juzíñamui caimare cue cánuado daíí iticue. Dama cue fibíllafuedo daíí íñédicue. ¹³ Omoímo cue cuezábiaimo báinino lloga uaina íñede. Omoí facádoia onuille raa ja uáfodo cuela.

Nane jáífuena ñue omoí onóillemo ocuírídicue. ¹⁴ Aféfuena jabo onódiomoi. Afefue bie izói dáíiacade: Cai Ocuíraíma Jesús billíruimo ómoíri caimare abí cue íñnua izói, afe izói cueri caimare abí íñoitiomoi.

¹⁵ Nana bífuiai iere cue jíeruillamona, omoí eróizaillena fueñe mamériticue. Daíí ménacaíño omoí cue éroizailleri íóbitiomoi. ¹⁶ Macedonia éniemo cue jaille llezica omoí jarire cue méíñonocaillena comeci facádicue. Afe mei Macedóniamona abido cue bille llezica nane dáanomoi omoí cue éroizaillena mamériticue. Afe daíí afe méífomo judéamo cue jaille llezica cuena cánoitiomoiza. ¹⁷ Bie cue maméřillafuiai comeci cue faca llezica, ¿cuena níbai jáíáfodo raire méídořiredimie izoide daídíomoi? Bie éniemo ite fiénidíno maméřilla izói níbai cuena maméřite daídíomoi. Afémaci “Jii” daídíaíoi; íemo méífodo daje llezica “Dama ite” daíířirediaíoi.

¹⁸ Mei íadi Juzíñamui uáfueña daíířiredimie illa izói, afe izói táinona “Jii,” íemo “Dama ite” dáaruído ómoína daíířinídíicue. ¹⁹ Mei Juzíñamui Jitó Cristo Jesús jaca táinona “Jii,” íemo “Dama ite” dáaruído daíířinideza. Íemo Silvano, Timoteo, íemo cue, Cristo dáina uaillai omoí cígiri llotícaí. Nana Cristo lloga uai táínoñedeza, ua uai. Ie dáinana méídořinide. ²⁰ Mei afémiedo nana Juzíñamui uícodo llogáuai ñue jaícina zúdeza. Ie jira Juzíñamuina cai íóbitaja llezica, Cristo Jesudo “Daíítadeza” daíířiredícaí. ²¹ Íemo jáí Juzíñamui ómoína naa cairi Crířtomo riire jaínáitate, nana cai íñnogafuemoni oni jáíáfodo cai báííñeíllena. Daje izói afémie ie táíjinafuemo ñue caina jóonete. ²² Juzíñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona íco jáííruído Juzíñamui caimo fecállífuena cai llíñollena uáfodo onódicai.

²³ Mei jáíífuemo omoí comécíiri. Ómoína duéřuítíicueza, ómoína duere cue fínoñeíllena, uícodo cue maméřilla izói nai ómoímo bíñédíicue. Juzíñamui afe bie cue uaina nabáíllena jícadíicue, aféuai uafue daííllena. Cue dáina uai uáfueñenia, Juzíñamuina abí fatátatíicue. ²⁴ Omoí íñnogafuena riire

ocuía cañedicue, mei omoi ñinogafuedo Jesucristomo ñue riire jaináidiomoiza. Mei jiáifodo conímamo táijina izói, omoi iere aillo ióbillena ómoína canóacadicue.

2

¹ Ie jira omoi cue zúucaitabiñellena mamériticue. ² Mei omoi zúucaitadicuena ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoína zúucaitaacañedicue. ³ Ie jira nauí ómoímo cue cuezábemo cue daína izói cueticue. Ómoína zúucaitabiacañedicue. Mei jiáifodo cuena ióbitarediomoi. Mei nauí aféruimo uáfueña onódicueza, cue caimare illarui omoi caimare ítiomoiza. ⁴ Ómoímo nauí cue orécabe cue cuia llezica, iere cue comeci zúurenari éedicue. Mei íadi omoi zúucaillena afévena cueñedicue. Mei jiáifodo ómoína iere cue izíruillana omoi onóillena cueticue.

Fieni finófredimie ie illafue múiñua mei, meine caimare uáidua

⁵ Mei íadi ómoímo riire úriacañedicueza bie izói dáíticue. Dámie fieni illa dama cuena zúunaitañedeza, mei jiáifodo cue baimo nana ómoína zúunaitade. Daí daídicue iere riífueña jáiñeilleza. ⁶ Omoi gairilla llezica afe cómemo omoi mameca duere finóllifue ja figo báiteza. ⁷ Mei benómona afémiemo jiáifodo úrirediomoi. Nauí ie finoca fiénidifue omoi féitano caimare íena omoi uáidori. Daje izói íena dúcairediomoi, aillo ie zúunaillamona afémie jamánomo anado fieni jáiñeilleza. ⁸ Ie jira ómoímo izire jicádicue, afémie omoi izíruilla meine abido íemo omoi onótallena. ⁹ Nauí uícodo bifue dibénedo ómoímo cueticue. Nauí omoi cue llófuiana nibai jeire ótiomoí, nibai jeire óñeitiomoí; áfena cue onóillena ómoímo cueticue. Daje izói, omoi comeci ifue onóillena afébedo ómoína facátaticue. ¹⁰ Mei ja benómona, ómoína fieni finódimie omoi caimare uáidoia, cue daje izói caimare íena uáidoticue. Meita afémie fieni finuado cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo erócana aféfuena féitaticue. ¹¹ Mei afe zúunaitagamie raire abido íena caimare uáidoredicaiza, afe zúufuedo Taife raire íena ana úiñeillena. Mei Taife comínina bífuefirena uailai ñue onódicaiza.

Pablo Tróasmo uái iñénafue

¹² Jesucristo lloga uai Troas jófueño jino cue lluaíbilla llezica, cai Ocuíraima áillomaci cuena jieruitajamona Juzíñamui cue ocuilla táijinafuena uáfodo caimare fuitáredicue. ¹³ Mei íadi Coríntomona bíacade cue ama Tito afémie cue cióñenamona cue comeci uái iñede. Mei jira Troas imácina facádonocailano, oni Macedonia éniemo íena jénuaidicue.

Jesucristomo cai jaináinamona buna anáfenoñegacai

¹⁴ Juziñamuina iere figura daiífiredicai; mei Cristo nana éoidinona anáfenua izói, Juziñamui dáfeodo, Cristo diga, nágaruillaido caina úcaiteza. Afe llezica ziórede raa caimare jállia izói, afe izói Juziñamui Crístona onóillifuena caido nágagobaiido jica jalléitate. ¹⁵ Cristo Juziñamuimo fecaca ziórede uguci izóidinodicai. Nana jilloitinomo jallédicai, daje izói niné féiraitinomo jallédicai. ¹⁶ Afe niné féiraitinomo titade jucui izói iáire jállecaide. Mei íadi jilloitinomo caimare íocire cáatate jállia izói jállecaide. Bie Juziñamui ebire mamérillafue, ¿bífuena bu mei ñue llínorena? Juziñamui cuena cánua izói canóñenia jaca buna figo llínonide. ¹⁷ Juziñamui uailai jáíimacimo fécano úcubena llínoñedicue. Afena jaca raiñoño llócaidicue. Jáíimaci úcubé óllena afe uai jáíáfodo méidua izói méidoñedicue. Mei jáíáfodo Juziñamui orécamié izói, afémie eróicana jáíama jífueño uáfodo úriticue.

3

Juziñamui comue ñue finóllifue bie izói daide

¹ Bie izói cue úrilla, ¿ómoimona nie izói cacaide? Nibai ¿dama cue abi ínollena meine dáanomo ñue úriticue? Mei íadi daiítañede. ¿Nibai cue ñue illánona onótatibiai ómoimo izájirede? Mei nibai jáíimaci finua izói, ¿ómoimona cue ñue illánona onótatibiai jicárede? ² Mei daiítañedeza. Dani omoi cue ñue illánona onótatibe izóidiomoi. Omoi baimo jáíie onótatibena jítaiñedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaioi. ³ Dama Cristo cuega onótatibe izóidiomoi. Cuedo cuegábai izóidiomoi, mei cuedo ñuefuena llotátagaomoi. Jamai tintado cuegabe izóiñediomoi; mei jáíáfodo caade Juziñamui Ñuera Joreño úcaiganodiomoi. Daje izói Moisés nofícomo cuegáuai fia comini eróicana jeire oñédiomoi, mei íadi omoi comeci úrillado Juziñamuina ióbitaacadiomoi.

⁴ Nana afe bie ñuera cue dánana jacíruiño daiíredicue, mei Crísto Juziñamuimo daa uai fiéño ínófiredicueza. Uáfueza, nana cue dánana afémie ómoimo zúitaiteza. ⁵ Mei íadi nana cue jetácagafuiai finolle riino dama cúemona comuíñedeza; mei jáíáfodo nana cue finócafuii Juziñamuimona comuide. ⁶ Ie lloga comue finóllifuemo cue táijillena, afémie ñue cuena riinoretade. Afe Juziñamui comue finóllifue, jaii cuega ocuífue jeire cai úado caimo zuitánide. Mei jáíáfodo Ñuera Joreño comuítaga cai comeci zíiño cáatatino caimo illado, Juziñamui comue finóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

⁷ Afe Moisés lloga ocuilla uai nofici finóinabicimo cueda. Aféuai lluaíbilla llezica, iere riire ebíredifuiaido lloga. Aféruído Israel nairai, mei Moisés uiéco jiáifodo iere quenire eróideza, afémiemo eróinidiaioi. Mei íadi afe riire ebíredifue fáicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸ Ñuera Joreño caimo lluaíbiga uai, ua afe titade uai baimo jamánomo ebírede. ⁹ Bifue bie izói dáiacade: mei cai fiénidifuiamona cai titállena llote ocuilla uai iere ebíreia, birui aféuai baimo nífunino cai íllena Juzíñamui llogafue jamánomo ebírede. ¹⁰ Afe ocuilla uai nauí iere ebírede, mei íadi Juzíñamui como finoca jamánomo ebíredifue comuállamona, afe nanoide ocuilla uai jae figo ebínide; ja birui ráañede. ¹¹ Iemona nauí lloga are íñeno raire záitífue ebíredenia, afe zíiñona záíñeitífue nauí llogáuai baimo jamánomo ebírede.

¹² Ie jira afe bífue mo ocuírillano, jacíruiñeno caimare úriticue. ¹³ Mei íadi cue bie Moisés fínua izói finóñedicue. Afémie uiéco quenire cioina are íñedeza féibicaide. Ie jira afe quenire cíoide dúillana Israel nairai cíoiñellena, Moisés ie uiéco iníroina ibaide. ¹⁴ Mei íadi dama Moisés uiéco ibaina llezica afe nairai, uina cíóñedino izói, íaioi ifoci úrilla figo déiñede. Birui afe jaiái llogafue íaioi facádua llezica, afe ibaille iníroi izóidífue íaioi onóillifuená jánaide; mei afe ibaille iníroi izóidífue nai oni óñegaza. Afe jízitatífue dama Cristo oni órede. ¹⁵ Nai biruimo Moisés cuedánicuai íaioi facádoia, afe ibáiraroi íaioi ifoci úrillana féitaoicaide. ¹⁶ Mei íadi dáamie cai Ocuíraimamo ínoia, afe ibáiraroi oni oga. ¹⁷ Cai Ocuíraima afe íaioina zíiñona cáatate Ñuera Joreño. Afe ie Ñuera Joréñomo jieruitimie fiénidena fínuamona ráiruiñegamiéna jáite. Daje izói afe Ñuera Joréñodo cai Ocuíraimamo ínote come, Moisés ocuica uáimona ráiruiñegamiéna jaide. ¹⁸ Mei íemona cai uiéco ibáillaroi izóidífue íñedeza, uáfori cíoide acárani izóidinodicai. Afemona, cai Ocuíraima ebíredifuená acárani egáíñua izói, jiáimamo ja cíotaticai. Afe daíí cai bie Cristo izóioicaidicai, mei nágaruillaído ie ebíredifuená jamánomo náamatafiredicaiza. Bifue cai Ocuíraima finócafue. Afémie Ñuera Joreño.

4

¹ Afemona cue bie jaca comécina náinidino izóíñedicue, mei Juzíñamui cuena dúecaillano bie táijnafue cuemo jóoneteza. ² Báinino jiáima jífuefirenana ruifíruiticue naa jáite meáiredifuiairi. Daje izói jiáima caimare bífua uaido úriñedicue. Afe llezica Juzíñamui uaina méidota jiáifodo lloñedicue. Mei jiáifodo jaca uáfuedo úriticue. Afedo Juzíñamui eróicana nana comini comeci ñue úrillado afe cue lloga ua uaina íaioina jieruitadicue. ³ Mei íadi cai llócaiga jíllona uai

comínimona nano nígamíemo nai ónonino cacaide. Afefue daí ite, mei afémaci daní nine íaiói táinocailífue mo jáideza. ⁴ Mei afémaci Juzíñamuimo ínoñenamona bínie naama Taife, ui nirilla izói, íaiói ífoci úrilla uaina féitate, cue lloga comíni jílloate ebírede Cristo ñúefuena íaiói ónoñeilla. Afe ñúefue ñue úzere egáíñote raa izoide. Iemo afe Cristo Juzíñamuina jino uáfodo ñue onótate cáadímie. ⁵ Jino cue llócaina llezica, dama cue abí íena lloñédicue, mei jíáfodo afe Jesucristo cai Ocuíraíma llócaidicue. Iemo cue dibénedo Jesuna cue izíruillamona ñue omoi íllena canódimiedicue daííredicue. ⁶ Mei Juzíñamui énie comúitaja llezica, afémie “Mai batí jítino egáíñuairi” daide. Afe daí daidímie, cue comécimo ie ñúefue egáíñua izói jóonete. Afémie daí cuemo jóonete, Crístodo cuemo ácataga Juzíñamui ebírede cáimafuena ñue cue onóillena.

Juzíñamuimo ñue cai ínuado cai illafue

⁷ Mei íadi afe Juzíñamui ráífide cáimafue cue zííñona íñeite abído onótacacue. Bie cue abí are íñeite énie niina icíru izoide; mei íadi afe ñúefuena méidotarede íino bie cue jamai abímo jóonega, afe ríino dama cúemona comuíñenana omoi onóillena; íemo jíáfodo afe ríino Juzíñamuimona comuíllana omoi onóillena. ⁸ Daí cue íllamona diga féirede finónidífuíai cuemo comuíadi, jaca Juzíñamui cánuado aféfuíai ñúeite. Daje izói aillo ónonidífuíai zuure cuemo comuíadi, jaca nai ocuíríñedímie izói íñédicue. ⁹ Mei jíámaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue. ¹⁰ Náganuíaimo cue jailla llezica, Jesús íaiói fállena mámia izói maméfiregacue. Nágaruillaído afe titállena mamécámie izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹ Mei nai cue caana llezica, nágaruillaído Jesús ícoínia jacire titállena mamécacue, Jesús cáanana, are íñeno tíite cue abído cíotafireilla. ¹² Daí cue zefuillamona cue dibénedo títaigamíena jáitícue, mei íadi omoi dibénedo dáaruido omoi cáataganona jáitímoí.

¹³ Juzíñamui Cuegáuaimo dáamie duere ie zefuíbicailla llezica daide: “Juzíñamuimo ínotícue ie jira úritícue.” Mei daí cue jíái afémie ínua izói ínotícue, ie jira Juzíñamui ñúefuedo úritícue. ¹⁴ Ñue onódicueza, afe tíide Cristo meine abído cáatate Juzíñamui, afe cáataga Jesúsíri nane cuena cáataite; íemo daane cue, naa ómoíri, ie illánomo úite.

¹⁵ Nana bífuíai ñue omoi íllena daí íficaide. Iemona nai aillo jíáie comínina Juzíñamui ñue ézicíte. Aillo ie ézicia izói afe díeze aillo comíni jamánomo ñúefue íemo nítaitiaíoi.

16 Mei íemona cue jaca comécina náinidino izói iñédicue. Meita cue abi náinioicaide íadi, cue comeci dinena jaca nágarui náireioicaide. 17 Mei íemona bíniemo cue caana llezica duere cue zefuúllafuiai figo ráañede. Raire llícaite. Ie méifomo afe zuufue baimo ite aillo ninomo fúñeite ebírede cámafuiái cuemo cómuite. 18 Ie jira uído cue ciónamo ébicañédicue; mei íadi cue cióñenafuiaimo ébicaifiredicue, mei afe ciona raana are iñeno raire táinocaiteza. Mei íadi afe cióñena raa jaca zíñona íite.

5

1 Ja ñue onódicueza, cue caana abi are iñeno zabide jofo izoide. Iemo jíái onódicueza, bie cue abi táinocaille llezica, Juzíñamui cúeiena monamo zíñona zábiñeítico ja nite; afeco come ónoído níñega. 2 Uáfueza, cue caana abido cue illa llezica, monamo itícomo iere cue jáiacana comécido éfiredicue. 3 Afénomo jaiániacadicue, mei afeco iniroi come abi jífua izói, cue joréñona ñue jífoiteza. Afemona come abimo iñede joréñona iñeíticue. 4 Bie jofona mameca abimo cue illa llezica iere zúunaillano comue abina izire óiacadicue. Mei, bie cue jácaie abina, iniroi come abimona duiñua izói, cue joréñomona duiñóacañédicueza; jífoñega joreño izói íacañédicueza. Mei jíáifodo iniroi jita izoi, comue cue abi cue joréñomo jítaacadícue. Daí cómuena méidoacadícue, bie cue táinocaite abi, comue cue cáaillinodo ñine féitallena. 5 Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juzíñamui cuemo fecalle ñue llínoíticue.

6 Mei áfemona, comue méidoga abi cue llínollena áfena ñue cue onónamona caimare ocuúridicue. Nai bie abido cue illa llezica, onódicueza, monamo cue illícomona jino itícue. Bie izói daina cue Ocuúraima díga iñédicue. 7 Afe llezica birui fia cue ciónafuedo ínídícue, mei jíáifodo Juzíñamuimo cue ínogafuedo íredicue. 8 Mei jira uáfueña cue llínollena ñue cue onónamona caimare ocuúridicue. Bie cue illa abina fáicanocaiacadícue, monamo jaillano cai Ocuúraima díga cue íllena. 9 Ie jira bie éniemo afémie díga cue iñena llezica, daje izói afémie díga cue illa llezica, jaca íena cue íóbitallena jamánomo nícidotícue. 10 Mei comini finócafue Cristo riire jicánoranomo nana cai afénomo ácataredicaiza. Afénomo illa dígamie bíniemo illa abido íaioi fínua dieze, ñibai ñúefue ñibai fiénidífue, áfeze jíridoítiaioi.

Juzíñamui meine caina caimare uáiduafue

11 Ie jira afe naga come Juziñamui riire jicánollemo ñue jacíruioicana comeci facádícue. Afemo cue comécillamona naga cómena Juziñamui llógamo jieruitaacadícue. Mei íadí cue illáfueña Juziñamui onode. Afe izói cue ñue illáfueña omoi onóillemo ocuírídícue. 12 Dáanomo dama ñue cue illáfuedo úriñedicue. Mei jiáifodo cuedo caimare omoi úrillena bie izói ómoína daídícue. Afemona jínoidífuedo abí ñnotino uai omoi ollíuai íteza. Afémaci jofo comécimo itífueña náfueñediaíoi. 13 Mei nibaí comínimona dáarie cuena daína izói, uáiritaidimie izói itícue íadí, Juziñamui íena daíí itícue. Mei jiáifodo uáiritaiñedicueza ñue omoi íllena canódícue. 14 Mei ñue onódicaiza dama Cristo daínámie nana comini meífomo tíide. Afe caina ie izíruillamo comécillano, nana afémiemo ñnotino íaíoi fiénidífuiái tíidena mámiáno áfena fáicanocaidiaíoi. Afemo cue comécillado Cristo caina izíruilla ññefueña cuena izire llócaitate, ñue omoi íllena. (Daje izói bie Cristo caina izíruilla, ñue illáfuedo cue jáillena cuena ocuíoideza.) 15 Uáfueza, Cristo nana comini meífomo tíide, nana cáadino daní íaíoi jitailla izói íñeillena; mei jiáifodo, afémaci dibénedo tíllano meine cáadimie Cristo comeci jitailla izói íaíoi íllena. 16 Ie jira bínie comini jínoidífuedo comeci faca izói, nino bumo comeci facáñedicue. Mei nauí uícodo Crísto bínie comini comeci faca izói, comeci facádícue, mei íadí ja biruí daíí afémiemo comeci facáñedicue. 17 Mei daíí, Crísto dájena jaináitagamie comue cómena jaide. Jaiaí ie illáfuiái fiénocaillano nágaíuai cómofuiaina méidoga.

18 Nana bífuiái Juziñamui mámiamona Juziñamui dama afémiemona Crístodo meine caimare cuena uáidote, íemo jiáí nana comini afémiemo meine caimare úritallena cuena ocuíoicaide. 19 Bie izói daííacana: Juziñamui ie Jitó Crístodo nana comínina íena meine caimare uáidotade. Aféruimo, comini finoca fiénidífue féitano caimare íaíoína uáidote. Afe dáruido Juziñamui meine comínina caimare uáiduaíue oni llujíllena cuena jóonenocaide. 20 Afemona Cristo íena uai llotínona ómoímo bitícue. Ie jira biruí ómoína cue daína uai, dama Juziñamui ómoímo cuedo jicaca uai izoide. Mei jira Cristo dibénedo ómoímo izire jicádícue. Mai, meine abido Juziñamui caimare uáidori. 21 Afe Cristo jaca íaíífuena finóñede. Mei íadí cai meífomo Juziñamui afémiéna fiénidífuiáiredimie izói duere finode. Daíí íena finode, Juziñamui anamo ñue jaícina illáfueño cai íllena; mei ie ñue illa izói cai íllena Juziñamui jítáideza.

6

1 Afe daíí Juziñamui táijínamo afémiéna nabáidícue. Ie

jira afémie ómoimo lloga ñuera cáimafuiaí táinomo omoi fáifitañeno iri. ² Mei Juziñamui ie Cuegáuaimo daide:

Comínimo caimare cue uáidollena cue mamécaruimo ona cacádícue.

Daje izói jíllonarui mo ona canódícue.

Ja birui Juziñamui caimare o uáiduarui. Daje izói birui o jíllonarui.

³ Iemona Juziñamuimo cue táijina llezica, buna llótaidonidícue, cue táijinafuemo fieni íaiói úriñeillena. ⁴ Mei jíáfodo nana cue jetáacagafuiaído Juziñamuimo táijidimie cue íllana ácataacadícue. Duere zefuídícue íadi comécina raire járidoñeno fia ocuídícue. Afedo Juziñamui íena cue íllana jino ácataticue. Daje izói cue jitaica raa íñena llezica, íemo llotáiredífuiaí cuemo comuilla llezica áferi járidoñeno ocuídícue. ⁵ Daje izói cuena zechénuano llavédiaíoi. Cue duere finóllena jacire lléjellejedino cígiri itícue; íemo iere riírede táijinamo itícue. Diga ícaíño raire íniana onóñedicue; daje izói jíái jufíruitícue. ⁶ Daje izói íáinidimiena cue íllado Juziñamuimo ñue táijidimiena cue íllana ácataticue. Iemo diga jíáfuiaído daíí cue íllana ácatafiredícue. Uafue uaina cue onónado ñue cue illáfueña cíotaticue. Iemo cue járitañenafuedo naa cue dúecaífirenafuiaído áfena cíotaticue. Iemo jíái Ñuera Joreño cuemo íllado, naa jíáimana jífueñeno cue izíruífirenado Juziñamui íena cue íllana ácatafiredícue. ⁷ Iemo ua uai cue llócaíllado, naa Juziñamui riíno cuemo íllado: nana bífuiaído Juziñamuimo ñue táijidimiena cue íllana ácatafiredícue. Afe llezica jaícina joide illáfuedo jáifiredícue, mei áfedo fiénide uáíllaina oni caitáredícueza. Daje izói áfedo cue abina riídoredícueza. ⁸ Daruíríe ñúefuiaí cuemo nitádíaiói, mei jíáíruido fiénidí fue cuemo jíádíaiói. Daje izói jíáíruido cuedo ñue úritíaiói, íemo jíáíruido cuena íáíruitíaiói. Iemo dáríe cuena comínina bífuetimiena daidíaiói; mei íadi jaca uáfueña úricaidimie itícueza. ⁹ Iemo dáríe cuena “Bu ónoñegamiedí” daidíaiói; íemo jíáímaci “Ñuera cai cómedí” daidíaiói. Daruíríe titácamié izói itícue, íadi nai cáaoicaídícue. Iere duere finócacue íadi méineñegacue. ¹⁰ Zuure itícue íadi jíáfodo jaca íóbídícue. Mei ráanidimiedícue íadi, aillo jíáímacina ráaredino izói ráanaitadícue. Dúeredino jofófemo dúeredimie izói cue íadi, nai ráaredimie izói nana ráaniaíri íóbídícue.

¹¹ Coríntomo ite cue ámatíai omoi cacai. Omoi diga báinino úriñedicue, jaca uáfodo úrifiredícue. Cue comécimo itífuena uáfodo jino ómoimo llotícue. ¹² Omoína iere duéruillano rairuíñeno ómoína caimare uáídoíredícue. Mei íadi omoi dínená cuena ñue izíruíllana ráiruitíomoi. ¹³ Urue Moo, ie

úruena izire jica izói, afe izói ómoína izire jicádícue. Omoímo uáfodo jino cue llua izói, afe izói omoí comécimo itífueña jino uáfodo cuemo omoí llóllena izire jicádícue.

Caade Juzíñamui illaco izóidícaí

¹⁴ Juzíñamuimo íñoñedinomo dájena omoí jaináíñeno iri. Omoí jaináíadi, dájena jaícina iñénafue comuídeza; ómoína jiaífodo itátaite. Mei ¿nie izói jaícinaidífue fiénidífue diga dáanomo jaináírede? ¡Jaca jaináínide! ¿Mei úzefo naa jítifo diga dájena nabáírede? ¡Nabáínide! ¹⁵ ¿Taife meita Cristo diga dájena caimare írede? ¡Jaca ínide! Juzíñamuimo ínotino íñoñedino diga ¿níífue dájena íaioímo dúina? Dáanomo dúitífue íñede. ¹⁶ Mei dama Juzíñamui daina izói caade Juzíñamui illaco izóidíomoi. Afémie daide:

Íaioímo ítíicue; íaioí cígído macácaitícue.

Cue be íaioí Juzíñamuitícue.

Afe izói cue comínina ítíiaioí, daide.

Iemona Juzíñamui illaco jánarai diga ¿níífue dájena íaioímo dúina? Dáanomo dúitífue íñede. ¹⁷ Ie jira caí Ocuíraíma bie izói daide:

Juzíñamuimo íñoñedino cígímona oni omoí jai, afénomona oni omoí íi.

Íáiredífuíai díbénemo íñeno iri.

Iemona ómoína caimare uáidoitícueza.

¹⁸ Afe llezica omoí Móoitícue.

Iemo dáaruido omoí cue úruíaina ítíomoi.

Afe bífueña jamánomo ríírede caí Ocuide Juzíñamui daíí daide.

7

¹ Cue izíruiga ámatíai, Juzíñamui jaiái uícodo lloga cáímafuíai bie izói joide. Afe daíí caimo íllamona nana jiaíforiede caí íaífuíaimona muiñócana izói oni íredícaí. Abí íaífueña daje izói caí joreño íaífueña fáicanocairedícaí. Juzíñamuína ñue jacíruillano caí comeci íaininafue ie eróicana jaícina jóoneredícaí.

Corintio imaci comeci méidua

² ¡Mai cuena caimare omoí uáidori! Cue bie jaca buna fiéní finóñedícue. Daje izói buna íáíre finóñedícue. Iemo ómoímona jaca buna jífueñedícue. ³ Bie izói cue dánado ómoína íáíre finótañedícue. Mei nauí ómoína cue daina izói, nai cue caana llezica, nágaruí ómoímo cue comeci fáíoidícueza. Uáfueña dájena cue tíllíruimo ómoímo cue comeci fáíoidícueza. ⁴ Ómoína íere caimare ínotíicue; daje izói ómoírí ñue abí ínotíicue. Iemona diga duere zefuíllafue cuemo

comuilla llezica cue comeci jaca náirede, íemo jíái jamánomo caimare iticue.

⁵ Mei daí nauti cuemo comuídeza. Nauti Macedonia éniemo cue jailla llezica afénomo uái cue illirui jaca íñede. Mei jíáifodo náganuiaido féiredifuiái cuemo comuide. Cuena uáitativo nágafene cue ciríoidiaíoi, íemo diga jíáifuiáiri comécido jacínaioicaidicue. ⁶ Mei íadi comécina náinidinona náicaitafirede Juzíñamui cuemo dúecaide; cuemo dúecaillano Tito dúcinado ñue cuena náicaitade. ⁷ Daa ie dúcinari íobiñedicueza, mei dáanomo omoi méidoga ñue illáfuedo afémiena omoi náicaitari íobidicue. Afémie omoi iere cuena cióacanafue cuemo llote. Iemo jíái nauti omoi cígimo comuídifueri omoi iere zúunaillana Tito llote. Daje izói cueri omoi comeci lílitaillari, naa cuemo omoi jíeruiananari íobidicue. Bífuiaina cue fidínamona jamánomo íobidicue.

⁸ Mei nauti ómoimo cue orécabe ómoína zúucaitate íadi, birui áferi zúucaíñedicue. Mei níbai nauti áferi zúucaidicue, mei íadi birui Tito cuemo llua izói afebe are ómoína zúucaitañenana fidídicue. ⁹ Iemona birui íobidicue. Omoi zúucaillari íobiñedicue, mei jíáifodo afe omoi zúucaillafuedo omoi comeci ífueña méiduari íobidicue. Bie zúucaillafue ñue omoi ocuillado Juzíñamuina íobitade. Iemona ómoimo riire cue ciegabe ómoína fiéni finóñede. ¹⁰ Mei uafue, Juzíñamui íobilla ñue cai ocuíoiga zúucaillafuiái cai comeci ífue ñúefuena méidotade. Iemo afe ñúefuena méiduado jílloticaí. Mei íadi bíniemo ite íinoñedino zúucaillafue íaíoína ana tíllinomo úite. ¹¹ Omoimo comuide zúucaillafue ñue omoi ocuillari Juzíñamui íobide. ¡Iemo birui omoi cígimo ñue comuídifuiáimo omoi éroi! Afe zúucaillafue nauti ómoimo ite fiénidífueño riire ómoína ñue comécitade. Iemo afe zuufue omoi finoca fiénidífueña jino uáfodo llotátate. Daje izói afe zuufue dani ómoína ríicaitade; íemo ómoína jacíruitade. Afe méifomo iere cuena cióacadiómoi. Afe llezica omoi cígiri ite fiéni finódimiena duere finótaiacadiómoi. Nana bífuiáimo omoi nífueninana jino ñue ciotatiómoi. ¹² Mei daí afe orécabe cue cuia llezica afe fiéni finódimiemo figo comécíñedicue. Daje izói duere zefuídimiemo figo comécíñedicue. Mei jíáifodo ñue omoi illífueño comécidicue, cuemo omoi comeci ñue fáiana, Juzíñamui eróicana, omoi onóillena. Ie jira afebe ómoimo cueticue. ¹³ Iemona bífuiáido cuemo caimare dúecaídiómoi.

Mei íadi omoi cuemo dúecailla baimo Tito iere caimare íllari jamánomo íobidicue. Mei nana omoi afémie ñue uái íllena íena canódiomoíza. ¹⁴ Nauti omoi dibéñedo Títomo cue úrilla uai meáiruiñeno jaca ñue cuemo baite. Omoi abí cue ínuana afémiemo lloticue. Ja birui, nana ómoína cue daína uai uáfueña jailla izói, afe izói ómoi Títona cue daína uai uáfueña

jaide. Iemona nauí afémiena cue daina uai táinomo omoi fáifitañenari iere ióbidicue. ¹⁵ Ja birui Tito ómoína iere izíruite, mei nana ómoimo ie dainado cue ocuífauiai jeire omoi úamo afémie caimare uibíoideza. Daje izói jacíruioicana caimare ie omoi llínuamo nai comécioide. ¹⁶ Iemona ómoína jaícina ñue cue ínuari ióbidicue.

8

Jeruñeno fecáredicai

¹ Amatiai, birui Macedonia éniemo ite Juzíñamuimo jaináidinomo afémie dúecaifirenamoná íaioi jeruñeno diga raa fecáfirenafue ómoimo llóiacadicue. ² Mei íaioimo comuide féiredífuiai iere íaioína jacire facátate íadi, caimare itíaioi. Daje izói iere duérediaioi íadi, ráaredino izói raana jeruñeno fecáfirediaioi. ³ Mei dani íaioi comeci ñue jítaina izói nana íaioimo ite dieze jeruñeno fecádiaioi, íemo afe íaioi írede úcube baímo nane fecáfirediaioi. Aféfuemo uaina nabáidicue. ⁴ Bie Macedonia imaci Judéamo ite ámatiai íaioi canóllena cuemo izire jicádiaioi. ⁵ Íaioimo comeci cue faca baímo fecáfirediaioi; mei fueñe Juzíñamui comeci jítaina izói, “Juzíñamui ocuilla raire fínoiticaí,” dainano afémiemo ñue ínnotiaioi. Afe mei daje izói “O ocuilla raire fínoiticaí,” cuena daídíaioi. ⁶ Afémaci daí daina jira, Títomo izire jicádicue, afémie nauí omoi cigíri taineca omoi jeruñeno fecaca úcube iráiafue birui ñue ícoimo fuitállena. ⁷ Mei nágafuai dibénemo iere ñue finódiomoi: ínogafue dibénemo jamánomoidiomoi. Iemo ñue llófuiana jamánomo baitádinoidiomoi, naa ifoci úrillafuiai. Daje izói ráiraieñeno íocirenafue dibénemo jamánomoidiomoi, naa cuena omoi izíruillafueri. Daí omoi íllamona, mai bie jeruñeno raana fécafue dibénemo daje izói jamánomoidinona omoi iri.

⁸ Bie fécafue ómoína finótañedicue. Daa jíáimaci raire raana fecáfirenafue omoi onótaacadícue, áfena omoi fidínamona íaioi feca dieze raire omoi fecállena. Afe daí raire omoi fecácanado omoi izíruillafue jíai uáfue daítiomoi. ⁹ Mei cai Ocuíraíma Jesucristo caimo dúecaillana ñue onódiomoiza. Afémie fueñe monamo illa llezica bínie comini ráanailla baímo jamánomo ráaredimie. Mei íadi bíníemo bíllamo caina izíruillano dama abína dúeredimiena finode, ie dúerenado Juzíñamui dibénemo caina jamánomo cai ráanaítallena. Mei uáfueza, nauí Cristo monamo illa izói, afémie caina itátaiacade.

¹⁰ Bie jíáimacimo fecáfirenafue dibénemo omoi ñue íllena, cue comécimo ite cue fácaja ñuera uai llóitícue. Nauí jaide fimónamona nai biruimo afe jeruñeno fécafue ñue tainédiomoi. Daa due jiza fécaítino izói, tainéñediomoi, mei

jiáifodo íocire caimare fecáfirediomi. ¹¹ Jira benómona mai ñue ícoimo omoi fuitari. Nano fueñe omoi táinia llezica, omoi íocire caimare fecáfirena izói, afe izói áfena ñue ícoimo fuitari. Omoimo ite dieze, jeruñeno fecáfireiri. ¹² Dámie uáfuenta Juziñamuimo fecáacania, afémie Juziñamuimo fecaca raa Juziñamui caimare llínoite. Mei uáfuenta comínimo ite dieze Juziñamui caimare llínofiredeza. Afe baimo cómemo iñédena afémie táinona jicáñede.

¹³ Jiáimaci omoi canófirenado ómoína dúeredinona finóacañedicue. ¹⁴ Mei jiáifodo illa dígazie dájerize omoi ráareri, daidicue. Jiáiziena jamánomo baimo ráareri, daiñedicue. Birui íaioi jitailla raana omoi ñue fecárediomoi. Iemo uire omoi jitaillirui omoi jitailla raana afémaci ómoimo fecárediaioi. Afe bie izóidemonna afémaci naa ómoiri jaícina dájerize ráareitiomoi. ¹⁵ Jaiiai afe monámona Juziñamui oreca maná daina pan izóidena dibénedo Juziñamui cuezáuai daje izói daií dáideza: “Aillo ofítatiemo minícana fiébiñede. Iemo figo ofítañedimio ie jitaica raana iñede.” Iemonna dájerize ráareitiomoiza.

Tito naa ie nabáiñiairi

¹⁶ Ja jiáinodo Juziñamuina “Figora” daiñiredicue. Mei omoi ñue íllena ómoimo cue comeci úina izói, afe izói Juziñamui Tito comécina ómoimo jóonetadeza. ¹⁷ Afémiemo cue jóonenocaigana afémie ñue jíeruite. Iemo dama ie comeci ómoimo járitafirenamona, ja birui dama ie comeci jítainado omoi eróizaide.

¹⁸ Tito diga daa ñue mámecina jica jallédimiena orédicue. Nana gairífirede Juziñamuimo jaináidinodo ie mámecei jica jalleide. Jíllona uaimo afémie iere ñue táijinado ie mámecei jica jalleide. ¹⁹ Daa bífueñedeza, mei jiáifodo Juziñamuimo jaináidino afe bie cai ama nizédiaioi cue diga jáillena. Daje izói cue canóllena afe ñue ínotimiena nizédiaioi. Afe jiáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jiái omoi íocire comínina canóacanana ácatallena, bie izói mamédicue. ²⁰ Bie úcube cue iráiamo buna fieni úriñeillena bie izói finódicue. ²¹ Bie izói ñue jaícina uáfodo canóacadicue, Juziñamui eróicana ñue cue íllena. Dama Juziñamui eróicana daií iñédicueza, daje izói jiái comini eróicana daií iticue.

²² Afe íaillinoído jiáie cai izói ínote ámatiaimona dáamie orédicai. Afémie íocire ie mamérillana diga jiáifuiuido ácatate. Iemo birui ómoimo iere ñue ie ínuado, ie íocire mamérillana jamánomo jino ácatate. ²³ Daa come “¿Mei bu Títtona?” daiíadi, “Jadíe omoi cue cánuamo cue nabáifredimie,” omoi

daiíri. Iemo afe Títodo jaide íaillinoimo comini jicánoiadi, “Crístomo jaináidinomona orécaiaillinoi,” omoi daiíri. Afe llezica “Bie come íaillinoi ñúefue Crístomo nitáfirediaillinoi,” omoi daiíri. ²⁴ Iemona bie oreca íaioimo, uáfueña íaioina omoi izíruifirenana ñue íaioimo ácatari, nana Juzíñamuimo jaináidino onóilleza. Afe izói bie orécamaci ñue omoi llíinuado, ómoído abí cue ínuana, uafue daiítaitiomoí.

9

Amatiai íena úcube iráica

¹ Juzíñamuimo ínotino, cai ámatiai izóidino íaioiena úcube iráia dibenedo, ómoimo uáfueña cúenidicue, ² mei omoi fecállena raire mamérifirenana ñue onódicueza. Omoi Acaya énie imácidio moi. Nauide fimónamona omoi fecalle raamo raire mamérifirenana Macedonia énie comínimo jaca caimare llófredicue. Macedonia comínimona nabézie, omoi íocire mamérellana fidíillamona comécido náicaidiaioi. ³ Mei íadi bie úcube iráia dibénedo ómoído cue lloga ñúefue táinomo fáifíñeillena, bie cai ámatiai ómoimo orédicue. Daií íaioina uícodo orédicue, nauí cue daina izói áfemo ñue omoi finóbillena. ⁴ Macedonia imácimona dáríe cuedo jaia, nai omoi finóbiñenana baizájillena gáíñedicue. Daií omoi íllana íaioi baizájiadi, afe cuena meáidaitade, mei áfedo nano uícodo omoi ñue cue ínuana táinomo fáifítaitiomoiza. Iemo jíáí afémaci daií omoi íllana cíocaizaibiadi daje izói dani ómoina meáidaitaite. ⁵ Afe bíemona nano uícodo ómoimo bie cai ámatiai cue orelle iere jítáredeza, daií comeci facádicue. Iemo daje izói afémaci nauí uícodo omoi mameca aillo úcube iráiana ñue ícoimo fúitana cánoitiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitiomoí. Iemona afe omoi fecalle cue riire ocuínidicue. Dani omoi comeci ñue jítainana ácataitiomoí.

⁶ Ja cue lollífuemo omoi uibíoiri. Due ritímie jaca due jofo ote. Iemo daje izói aillo ritímie aillo jofo ote. ⁷ Ie jira illa dígamie ie comeci caimare mamérilla izói ie úcube írede. Jeruíllano éoinamona fecánide. Daje izói jíáíma ocuíoillamona ínide. Mei Juzíñamui caimare fecáfiredimiena izíruíteza. ⁸ Cai Moo Juzíñamuimo nana jíáífoide omoi cáimacaitade ráaniai iere aillo íteza, facádoñeno jamánomo ómoimo fecárede. Daií nana dani omoi jítaica ráaniaina ómoimo nágarui ífireite. Mei íadi dani ómoieñedeza, mei jíáífodo ómoimo aillo ite ráamona, nana jíáíforiede raado jíáímacina jeruíñeno canórediomoi.

⁹ Juzíñamui Cuegáuai bie izói daide:

Dúeredinomo afémie jeruíñeno aillo fecade.

Comínimo afémie ñue finócano jaca are iite.

10 Iemo afe daade Juziñamui omoi ríllena jiáie ríamo llizítano ómoimo fecáfiredede. Daje izói afe riga zícua mona, Juziñamui áfemona omoi güille raana comúitano ómoimo fecáfiredede. Iemona nana omoi jitailla ríllena afémie ómoimo fécaite; íemo dáanomo omoi rigánuiaina jamánomo aítátaite; áillamona jamánomo aillo ótiomoi. Daí omoi jamánomo óllemona jiáimaci canolle raa diga icaiño ómoimo íteza. ¹¹ Afemona diga jiáiforiedena ráareitíomoi, jiáimacimo jeruíñeno aillo omoi fecáfireillena. Iemo cue uire omoi orelle úcube cue izájillamona jiáie cai ámatiaina Juziñamuina “Iere figura” dáitaite. ¹² Mei jira afe bie cánua Jerusalemo ite cai ámatiaimo cai feca llezica, daa íaiói jitaica ráaniai íaióimo fecáñedicaiza, mei íadi afémacina Juziñamuina “Iere figura” daítaticai. ¹³ Iemona dani afémaci Juziñamuido ñue úritiaíoi, mei bie cánua Cristo ñuera uaina omoi jieruillana íaióimo jino ácatate. Daje izói afémacimo íemo naa jiáimacimo jeruíñeno aillo omoi fécajana íaiói ciónamona, Juziñamuimo ñuera uaina jóneitiaíoi. ¹⁴ Iemona ómoína iere duéruillano, afémaci afe íbana ómoína Juziñamuimo jícaitiaíoi. Juziñamui ómoído jino cíotaga aillo dúcaifirenmona afémaci ómoído Juziñamuimo úrifireitiaíoi. ¹⁵ Ie jira Juziñamui afe caimo lloga áillo dúcaifirenana jamánomo ñuénamona, fia iga raa izóideza, áfena jino uaido jaícina llónidicaiza. Afe caimo dúcaifirenari Juziñamuina “Iere figura” mai cai dailli.

10

Cristo orécamiéna íllamona Pablo ocuilla ríino ite

¹ Cue Páblodicue. Cristo caimo dúcaifiredeza, íemo jiáí afémie iere cáimamieza cue daje izói izire ómoimo jícaiticue. Ómoimo riire cue úrizabiñeillena ja birui jícadicue. Dáarie cuena uáitatino bie izói cue dibénedo daífirediaíoi: “Pablo omoi cigiri illa llezica afémie iere comécina mánaidimie, mei íadi afémie jica jiáinomo illa llezica afémie abido riire ocuídimeina dóbaicaide,” daídíaíoi. ² Mei jiáífodo, omoi cue erózaibilla llezica, riirede uaina ómoimo cue úrizabiñeillena izire jícadicue. Mei ómoimona dáarie cuemo fiénide uai jítdino ite. Afe íaiói jítaca uai bie izói joide: “Nana ie finócana daa bínie comini jítaina izói finoca,” daí daídíaíoi. Iemona afémaci cue úritaja, riirede uáillaído íaióimo úriredicue. Mei íadi afe izói cuena úritaño iri. ³ Mei uáfueza, ua cómedicue, mei íadi bínie comini fuirífirena izói fuiríñedicue. ⁴ Fiénidifuaí oni cue caitalle raa, bínie comini fuirilla raa izóíñede. Mei jiáífodo cue fuirilla raa Juziñamui rínona ríinorede, abi rídollena riire finócauai izóidena cue tánocaitallena. ⁵ Mei áfedo cuemo fiéni jítcana oni caitadicue; daje izói cuena íaiói cáitajana

oni féitadicue. Nana uáitaiacadino íaiói abí ñnuano jíáimaci Juzíñamuina raire onóñeillena jizítafirediaíoi. Ie jira nana íaiói comeci faca uaillai Cristo anamo itátaiticue, afe Crístona íaiói comeci jíeruillena. ⁶ Cue llógana omoi jíeruilla ñue ícoimo dúcille llezica, nana jíáie uáitafiredinona duere fínoíticue, íaiói jíeruifñena ícoínia.

⁷ Daa jínofene cioide ráaniaimo eróidiomoi; uáfueza, náinidimiena cue eróinamo eróidiomoi. Ninó dámie “Uáfueza cue bie Cristo iédicue,” daííadi, bífueмо afémie uíbicaítarede: Cristo íena ie illa izói, daje izói cue Cristo iédicue. ⁸ Mei diga icaiño, cuemo ite ríinodo cue llóíadi nai áferi méaidaiñeíticue. Mei cai Ocuíraíma afe ríino cuemo jóonete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo íñega. ⁹ Fia rabedo ómoína jácidotímie izói íacañedicue. ¹⁰ Dárie cue cuezgábaido daídíaíoi: “Jamánomo riire ocuífired; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairuirede,” daídíaíoi. ¹¹ Afe izói úritímie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruído afémacina riire ócuíticue.

¹² Afémacimona dáarie dani íaióiena ñue caimare úritiaíoi. Táinomo abí ñnuado úritiaíoi. Afémaci illa izói jaca mamériñedicue. Dani táinomo íaiói comeciillado conímamo comeciídiaíoi. Ñuera come daííllena dani conímamo facádiaíoi. Daíí fácajamona abina onóñedímacina jáidiaíoi. ¹³ Cuemo dúíñede raado abina íñoñeíticue, uai cue llócaillena mózizaíllinona llotímie, Juzíñamui. Afémie ñuera uaillai cue llócaillena omoi illánomo cuena dúcítate. Uáfueza Corinto dínomo cuena jáítate. ¹⁴ Ie jira cuemo dúide tájínafue baimo jáíñedicue. Mei nauí Cristo ñúefue fueñe ómoímo jino dénuaiíticueza. Iemona afe omoi cígiri cue tájille cuemo dúide. Nano fueñe lluaíibiñedicuena afe tájille cuemo dúíñede; mei íadi daíítañede. ¹⁵ Jááimaci tájínana cúeiena abímo maíñoñedicue. Afedo abina íñoñedicue. Mei jíáífodo Juzíñamui omoi ñnogafue ñue móonaille dínorí, omoi cígiri jamánomo cue tájillemo ocuírídicue. Mei íadi cuemo dúide tájínafuedo tájífíreíticue. ¹⁶ Iemona afe méífomo omoi illa batífenemo jica itínomo jíllona uai lluaíjiredicue. Mei íadi afe llezica jíáíma táineca tájínamo tájíñeíticue, ie tájínado abí cue íñoñeillena.

¹⁷ Mei jíáífodo daa come abí íñoiacania, cai Ocuíraímodo abí íñoíteza. ¹⁸ Dama ie abído ñue úritímie, ñuera come daíífírenamiena jáíñeíte; mei jíáífodo daa Juzíñamui ñue úrillamie, ñuera come daínámiena jaille.

11

Cristo óreñega taino llotino Pablo diga

¹ Abina onóñedimie izói due jiza úriticueza. Raíre cue uai oñeno fíaicana cue úrillamo ómoína cacáretaacadicue. Mai fíaicana abí cue ñnuamo omoi cácarei. ² Omoína iere uríoifiredicue. Afe omoi cue uríoilla Juzíñamuimona comuide. Dámie ie áireiacania jétañega jitaingo óllena jica ia mámano jicánote. Afe jicánogango daa afémiemo iníreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoídicue. ³ Mei comini nánoidingo Evana jaio bífuiano jífuia izói, afe izói jíáimaci ómoína bífuiana jacíruticue. Afemona figo abí omoi ráiruiñenia jífuefitiomoi. Iemona Crístomo ñuera comécido omoi comécillana oni jíáfodo féitaitiaioi. Daje izói Crístona nahí omoi izíruillana féitaitiaioi. Afena jacíruticue. ⁴ Cue llócaiga Jesús izóiñedimiena ómoimo llotíaioi. Afemo fíaicana caimare ñue cacáreidiomoi. Afemo nibai omoi ñnollena jacíruticue. Iemo nauí ómoimo cue lloga o maiñoca Ñuera Joreño izóiñedena jíáifoide joréñona abimo maiñódiomoi. Iemo jíái uícodo cúemona omoi cacana ua jillona uai izóiñedena jíáifoide uai jeire otíomoi. ⁵ Birui baie omoi cígido jáillamaci “Cai bie Cristo orécamaci baimo ñúemacidicai,” daidíaioi. Mei íadi afémaci jofófenemo ráifiñedimiedicue, daí comécioídicue. Iemona ¿nibái mei cuemo cacáreñeitiomoi? ⁶ Mei nibai cue úrilla uai figo jínoñeniadi, nai cue onoiga rafue jino llúana dibénedo iere baitádimiedicue. Nana ómoimo cue llócaillado afe bie cue onóigafuiaína jaca nágarui jino ómoimo ácatafiredicue.

⁷ Jíllona uai ómoimo raiñoñeno cue llúado, omoi anamo cue abina itátaticue. Daí iticue cue baimo ñúefuedo omoi jalléillena. Daí cue illa ¿nibái fiénide? Daítañede. ⁸ Jíáie Juzíñamuimo jaináidino omoi cue canolle úcube ibádiaioi. Omoi cígiri cue íllena afe úcube cue llínuafémacimona cue báiroca izoide. ⁹ Omoi cígiri cue illa llezica, cue jitaica raana ite. Mei íadi áfena jaca ómoimona raiñoñedicue. Aféruillado Macedóniamona bite cai ámatiaí, cuemo íñede raana fecádiaioi. Afe daí cue abina rairuídicue, omoi cígimo nana cue finócafuaí ómoimo juare zúíñeillena. Iemo nauí cue illa izói, afe izói omoi cígiri jaca daí ífireiticue. ¹⁰ Cristo ñúefue ua cue onona izói, afe izói nane jíáfuenta ua onódicue. Afefue bie izói daide: Nana Acaya éñiedo raiñoñeno tájifireiticue. Afe cue tájina cue raiñoñenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza. ¹¹ ¿Nibái mei daí

úriticue? ¿Nibai ómoína cue gáñenado daií úriticue? ¡Ieñede! Ómoína iere cue gáñana Juzíñamui ñue onode. ¹² Mei íadi jaca cue fínua izói fínócaiticue, cuena uáitatino abí ñnotañeillena. Jaca ómoímo raiññoñeno táijifireiticue, baie abí ñnotino íaioi abí ñnua raa cue bairóllena. Afémaci úcubena ómoímona izire jicáfirediaioi Cristo ua orécamiéna cue illa izói íaioi íllena. Mei úcube íaioi ófirenamo ñnotiaioiza, áfedo “Cristo orécánodicai” daiíllena. Ie jira afe íaioi ñnoga uai oni caitáacadicue. Iemona jaca raiññoñeno ómoína canófireiticue. ¹³ Baie afémaci Cristo óreñega iere taino llotino. Daje izói afémaci jíáimacina jífuefiredino. Iemo jíái afémaci come jífeia jíáifo eroína izói, Cristo orécamacina comínina íaioímo comécitaacadiaioi. ¹⁴ Afe bie jíáifodo afémaci eróinafue cáimona jánaiñede, mei dama Taife egáñnote Juzíñamui abí ímiéna eróillena méidoficaideza. ¹⁵ Ie jira, Taifemo táijitagano ie méidoficailla izói méidoficaifirediaioi; afe jíáifoide raa izoiñede. Iemona jífeide come eroína izói bimaci ñue ite comínina eróillena abina jíáifodo méidotiaioi. Mei íadi íaioi fínócaiga fiénidifue dúina dieze afémaci táinocaitiaioi.

Cristo orécamiéna ie íllamona Pablo duere zefuide

¹⁶ Nane dáanomo ómoína dáitícue: Bie jabo abí cue ñnuamona cue úrillamona bu cuena “Uáiritaidimie” daiíñeno iri. Mei íadi daa come daií comécido daiíadi, dama uáiritaidimie izói úriticueza fia omoi eroiri, áfedo jabo abí cue ñnollena. ¹⁷ Afe bie abí cue ñnua uaina, cai Ocuíraimamo ite ríinodo cuena daií daiítañede. Mei jíáifodo dama uáiritaidimie izói úriticueza. ¹⁸ Mei dani íaioi daina ñuera uaido abí ñnotinuiái aillo íteza; afe íaioi taino abí ñnuana izói, afe izói abí ñnoiticue. ¹⁹ Omoi zánuano dáitícue, omoi jamánomo baitádinodiomoiza, mai uáiritaidimie izói cue úrillamo caimare fáicana omoi cácarei. ²⁰ Mei ómoína baie riire táijitatinona caimare fáicana cacáreidiomoi. Iemo jíái ómoímo ite raana báiruaibitino uaimo caimare fáicana cacáreidiomoi. Iemo jíái ómoína náamataibitino uaimo fáicana caimare cacáreidiomoi. Iemo jíái omoi jámairuitinomo caimare cacáreifirediomoi. Iemo omoi uiécona fatade izóidino, afe ñí ómoína fiéni úritinomo fáicana caimare cacáreidiomoi. ²¹ Bie izói cue daina cuena meáiruitade, mei íadi dama cue jámairuillado dáitícue, cue bie afémaci fínua izói, cue finóllena figo ríinidicue.

Mei íadi aillo jíáie comíni jacíruiñeno daiífiréna izói, cue jíái jacíruiñeno dáitícue, mei íadi áfedo uáiritaidimie izói úriticue. ²² ¿Meita afémaci hebreo imaci? Cue jíái daje izóidicue. ¿Meita

afémaci Israel nairai ié diaioi? Cue jiái daje izóidicue. ¿Meita afémaci Abrahámona comuídino? Cue jiái afémaci izóidicue. ²³ ¿Meita afémaci Cristo táijitagano? Cue bie afémaci baimo Cristo ocuícamedicue. (Bie izói cue dáinado uáiritaidimie izói úriticue.) Cue bie afémaci baimo jamánomo táijidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaño titáacagacue. ²⁴ Cinco dígacaiño judío nairai duere cue fínua llezica, cuena zechénotadiaioi. Nágari duere cue íaioi fínua dáruido treinta y nueve dígacaiño cuena zechénotiaioi. ²⁵ Iemo dacaiñoámani cuena ragúizado fatíai. Iemo dácaño noficiaina cuena níjdiaioi. Iemo dacaiñoámani cue jailla áillue nocáe buide. Iemo dácaño cai buíllamona daa naio daa mona diga afórede monailai cígimo iticue. ²⁶ Dáanori uái iñeno iere macáfiredicue. Iemo diga imani jacíredinuiaimo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jiái monáillaimo jaci cácadicue. Iemo jiái taino ámatiaí cígimo jaci cácadicue. ²⁷ Daje izói Juárezde tájinamo iticue naa féiredifuiári. Diga ícaño mona naio diga iníñeno táijidicue. Daje izói iere jufi cácadicue, íemo jiái jainoi iñénari duere zefuídicue. Diga ícaño Juzíñamuimo comeci fácano güñeno jáicadicue. Daje izói rólliemo duere zefuídicue. Daje izói inícuironino jáicadicue.

²⁸ Nane bífuiaí baimo jiáifuiaí cuemo comuide. Nágaruillaido náganuiaimo ite Juzíñamuimo jaináidinomo cue comeci úicaide. Iaioina abíoidicue izói duere zefuídicue. ²⁹ Iemona daa come figo Juzíñamuimo ie ínoñenamona duere zefuíaí, afe cuena duere zefuítate. Daje izói dámie íaifuemo comeci nine féiacaniadi, cue comeci niné féizailla izoide. Iemona afe cuena meáidaitade; daje izói cuena rícaitate. ³⁰ Mei afémaci táinodo cuena abí ínotaadi bie izói dáititicue: Cue mairíñenana jino ácatate raado ñue cue úrilla baímo gáidicue. ³¹ Cai Moo Juzíñamui bie cue daína ua uaina onode. Afémie cai Ocuíraíma Jesucristo Moo; íemo jiái afémie jaca ninomo ióbioitaregaza. ³² Naui Damáscomo cue illa llezica afe nairai jabóidillaíma naga nazemo úíñorainina jóonete, llaitada cue llavéllena. Afe nairai nahíllaíma Areta mámeciredimie. ³³ Mei íadi jiáie Juzíñamuimo ínotino, eróirafomona cirígaido cuena ana agúínetiaioi; mei afe jofue onífene cirínua raa caífo jicado íteza. Daí afémacimona botada jíllodicue.

12

Juziñamui Páblomo nicai anado ua ráfuedo úrite

¹ Dáamie dama abido caimare úria minicana oñede. Ie úrilla jáie raamo ráifiñede. Afefue ñue onódicue ia, cai Ocuíraima nicai anado cuemo ácataga raa jino llóredicue. Afe llezica uícodo nai buna ónoñegafuiai cuemo llote. ² Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza nibai caana abido uigacue, nibai íeizinino uigacue. Afe dama Juziñamui onoi ga. ³ Cue úinaruimo nibai abí dígá uigacue, nibai daa cue joreño úina, áfena onóñedicueza; dama Juziñamui onoi ga. ⁴ Juziñamuimo ñnote tíidino jáillinomo uigacue. Afénomo Juziñamuimona dama cuemo duide ebírede uáillaina cacádicue; afe uáillaido Juziñamui rairuúdeza birui úrinidicue. ⁵ Afe cuemo ácataga raado abina ñnoredicue, mei íadi áfedo abina ñnoñeiticue. Dama cue abina ñnoñeiticue. Mei jáífodo cue mairiñenado ñue cue úrillena iere gáidicue. ⁶ Mei dama abido cue úriacaniadi, afe abina onóñeno úrilla izóiñede, mei jáicina uáfueña úriticue. Mei íadi áfedo úriñeiticue, mei cue ciona izói comini cuemo comécillena jitáidicueza. Afe izói cúemona íaioi cacana izói áfeze cuemo íaioi comécillena jitáidicue. Afe baimo aillo jáíforie cuemo íaioi comécillena jítaiñedicue.

⁷ Afe cuemo jino onótaga raa iere jamánomo ebire cioide. Ie jira áfedo jamánomo abina cue ñnoñeillena, duere zefuítacue. Afe duere cue zefuilla come abimo eedo llúina izoide. Afe eedo, Taife come izi cácatate raa izói, cuena duere finuaibite. ⁸ Bie duere cue zefuilla raa cai Ocuíraima oni oréllena dacaiñoámani íemo jicádicue. ⁹ Mei íadi cai Ocuíraima cuena daide: Cuemo ite o cue cáimadofirena nana omo comuide duere zefuilla o ocuíllena ñue cánoite. Mei daa come nánina llezica, cuemo ite ñuera ríino afémiedo ñue jino ácatarede,” daide. Ie jira cuena náinitade raari íobidicue, afe daí Crístomo ite ríino cuedo jino ácatallena. ¹⁰ Mei jira cue náninari íobidicue, íemo comini cuena báíñuari íobidicue. Daje izói raana cue jitáillari íobidicue. Afe izói cue duere íaioi finóacanari íobidicue. Iemo Cristo ícoínia féiredífuiai cuemo comuillari íobidicue. Mei jamánomo íaioi cuena uáitaacana llezica, afe llezica Juziñamui cue cánuado comécina jamánomo íociredimiena jáidicueza.

Coríntomo ite Juziñamuimo jaináidinomo Pablo comeci úicaiñede

¹¹ Dama cue abí ífuedo cue úricaillamona uáiritaidimiena jáidicue; mei íadi daí cue úrillena cuena ocuíoide izói itíomoi. Mei dani omoi ja birui cuedo ñue úriredimoi; mei

ráifñedicue ia, omoi cígido jaide Cristo óreñega jamánomoidino jofófenemo ráifñedicueza. ¹² Naui omoi cígido járitañeno fiaicana táijidicue. Afe cue táijicaillarui mo jíáiena onótate raana finódicue naa cíorainina ráaniairi. Afe dáaruido ebire cáimacaitate ráaniaina finódicue, nana bífuiaido Cristo ua orécamiedicue daiíllena. ¹³ Jáie Jesumo jaináidino cígiri cue illa llezica, cue jitaica raana raiñódicue; mei íadi omoi cígiri afe izói iñédicue. Daa bífuedo jíáie ínotino jofófenemo ómoimo coméiidicue. Afe ómoimo cue raiñóñena dibénedo ómoimo fieni cacáyadi áfemona meine caimare cue uáidori.

¹⁴ Ja birui dacaiñoámani omoi cue eróizaibillena finóbicue. Iemo omoi cígimo cue íllena ómoimo juare finoñeiticue; mei ómoimo ite úcube cúeiena máiñuaibiñeiticueza. Mei jíáfodo dani omoi Juziñamui mo ñue jaináitallena bíticue. Mei uafue, écomíni úruiai íena úcubena ofítarena. Uruiai ie moo íena ofítanide. ¹⁵ Omoi comeci ñue íllena dama cuemo ite diga caimare fúitaiticue. Daje izói ómoiri cuemo ite máriena jeruiñeno fúitaiticue. Omoína jamánomo cue izíruiadi ¿afe ibana meita omoi jofófenemo cuena izíruiarediomoi? Daiítañede mei íadi birui afe izói ómoimona dáarie cuena daií finódiaioi.

¹⁶ Nana ómoína cue llótaihuaibiñedicue. Afena ñue fairíotiomoi; mei íadi afe méifomo dámierie jíáfodo daidíaioi: “Irebaimo jiita izói caina bífuiano úcube ote,” daidíaioi. ¹⁷ Naui ómoimo cue orécamacimona, ¿meita cuemo izájillena dámie ómoína bífuiano úcube ote? ¡Oñede! ¹⁸ Omoi méiñuaillena Tito izire jicádicue. Afémiedo daa jíáie ama orédicue. ¿Meita afe Tito úcube óllena ómoína jífujete? ¡Daiítañede! Tito, ie nabai, íemo cue, cue macáfírena izói, daje izói nana macádicai, ¿ero ua? Dájena ñue comécíillado táijifiredicaiza, ¿ero ua?

¹⁹ “Caido abi ríidotio,” nibai caina comécido daidíomoi. Mei íadi afe izói jóiñede. Mei jíáfodo Juziñamui eróicana Cristomo jaináitagamie izói úriticai. Mei cue izíruiiga ámatiaidiomoiza, nana bie izói cue daina omoi comeci Juziñamui dibénedo ñue móonaillena lloticue. ²⁰ Mei omoi diné cue bille llezica cue comeci óiacana izói iñédiomoi cue cíoizaibillena jacíruiticue. Iemo afe ibana omoi comeci óiacana izói iñédicue cue omoi baizájillena jacíruiticue. Iemo dájena ñue omoi jaináíñenamo jacíruiticue. Daje izói omoi íradoifírenamo jacíruiticue; íemo jíáimana omoi ícifírenamo jacíruiticue. Iemo afe llezica jíáimana duériñeno dani abí omoi úcificaiillari jacíruiticue. Iemo jíáima uaita uai omoi llófírenari jacíruiticue. Iemo jíáimaci jánari omoi úrifírenari jacíruiticue. Daje izói fieni abí omoi ínofírenari jacíruiticue. Iemo ocuícana náfueñedino izói fieni ebena omoi ífírenari jacíruiticue. ²¹ Iemo jíái uire

omoi cue éroizaibille llezica omoi daií íllari cue Juzíñamui ómoïdo cuena meáidaitalleri jacíruiticue. Iemo afe llezica nibai aillo ómoïri cue éeiari jacíruiticue, mei jaiái ninómona diga fiénidifuiái omoi fínuari éedicueza. Mei ómoïmona aillo nai íaioïmo ite íaifuiái féitañediaioïza. Daje izóí íaioïmo ite jiruífueña fáicanocaiñediaioï, íemo íaioï comécina jírrioidé fiéni finócafuiaí oni nine féitañediaioï.

13

Pablo úraicaiño íaioï uáidua uai, íaioïmo llonódacaiga uai diga llote

¹ Naui ménacaiño omoi méiñuaidicue. Ja birui nane meine omoi méiñuabiticue. Onódiomoïza, naga júfidoga rafue mena, nibai daámani uai nabáiraini daje izóí úriadi, afe júfidogafue ñue záide. ² Naui méifodo omoi cue méiñuabilla llezica, nana naui uícodo fiéni itínona duere cue finóllena llonódacaidicue. Birui benó jica cue illa llezica dáanomo naui ómoïna dama cue dáinana llóiticue: “Uire nane omoi cue méiñuabía naui uícodo fiéni itínona naa ómoïri dúecaiñeno duere finoiticue,” daidicue. ³ Iemona omoi jenoca Cristo cuedo úrilla onótafirena raana ñue ónoitiomoi, mei áfena jenófirediomoïza. Omoïri Cristo náinidimie izóíñedeza, afémie ríinorede, Cristo omoi diga jifánoñedeza, ríiredimieza. Omoïna ñue rairuíoide. Omoi cígiri íemo ite ríino jino cíotate. ⁴ Uáfueza, Cristo náinidimie izóí cruzmo coraica, mei íadi birui afémie Juzíñamui ríinodo caade. Afe daií Cristo náinina izóí dájena náinidicue, mei íadi dájena afémiemo cai jaináillado Juzíñamui ríinodo íiticue, omoi ñue cue finófireillena. ⁵ Mai daní ñue abina omoi onoiri. Afemo, mai ñue comeci omoi facari, Juzíñamuimo ñue íinoga uai iere jeire omoi úana omoi onóillena. Omoi comeci ifue facada ñue jónefireiri. Jesucristo ómoïri íllamo ¿meita afemo comeciñediomoi? Mei nibai jíáfodo jóide. ¿Meita táinona ínotiomoi? ¡Afe daií íñeiteza! ⁶ Mei uáfueza, cai bie táinona llotimieñedicue. Afemo ñue omoi comécioicaillemo ocuírídicue. ⁷ Iemo afe llezica fiénidifue omoi finoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefiredimie cuena daiíllena jicáñedicue. Dámie “Jaícina lloñedio” dáíiadi áfena llóñeiticue. Ñúefuemo omoi ille comini cueri dáinana baimo ráifide. ⁸ Jaca ua uai jeire omoi oíadi úaitañeiticue; ómoïna lletánidicue. Mei jíáfodo afe uaina nabáiredicue. ⁹ Ie jira ómoïna cue lletáninamona náinina cue cíoiadi, áferi caimare íóbidicue, mei afe llezica omoi ñue comécina náirediomoïza. Iemo nífuenino ñue jaícina omoi íllena jaca jicáoifireiticue. ¹⁰ Nai

omoi cue méiñuaibiñena llezica, bibe uícodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle riino Juzíñamui cuemo iga. Mei íadi omoi cue táinocaitallena cuemo íñega. Mei jiáifodo Juzíñamui dibénemo omoi comeci ñue cue móonaitallena cuemo iga.

¹¹ Cue ámatiai, ñue ítíomoiiza. Dani nífuenino jaícina omoi illínomo omoi coméciiri. Bie ómoimo cue lloga uai náfuiano, conímama omoi náicaitafireiri. Conímamo dájerize caimare omoi coméciifireiri. Daje izói jiái dájena ñue uái illífuemo omoi iri. Iemo cai uái illífue comúitate Juzíñamui omoi diga ífireite, íemo ómoína ie izíruifirenana ónoitiomoi. ¹² Caimare conímama omoi uáidori. ¹³ Nana benó ite dájena Juzíñamui inote cai ámatiai ómoimo uai orédiaioi.

¹⁴ Ja birui cai Ocuíraima ómoína ñue fínoiteza. Daje izói Juzíñamui ómoína izíruifireiteza. Iemo Ñuera Joreño ómoína nabáioicaiteza. Daiítadeza. Jae ñie.

GALACIA ENĪE IMACĪMO SAN PABLO ORECABE

La Carta del Apóstol San Pablo a los Gálatas

Pablo, Galacia éniemo ite Juziñamui uaimo ñnofiredinomo cuete

¹ Cue Páblodicue. Juziñamui ñúefue lluájillena orécamedicue. Dani comini cuena jóoniamona lluájiñedicueza. Daje izói comini cue óriamona lluájitagamieñedicue. Mei íadi dama Jesucristo lluájitagamiedicue. Daje izói afe Jesús tídinomona meine abido cáatate Moo Juziñamui lluájitagamiedicue. ² Nana Galacia éniemo ite Juziñamuimo gairífiredimacimo bibe cueticue. Daje llezica nana cue diga ite ámatiai uai orédiaioi. ³ Moo Juziñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri. ⁴ Mei afémie, cai fiénidifuiái dóllena, titállimiena dama ie abina izájide. Daií cai Moo Juziñamui jítaina izói, afémie ie abina izájide, bie fiénidiruillaimona oni cai jírecaitallena. ⁵ Juziñamui daií cai jíllotajamona, afémiena “Jamánomo cáimamedio” mai cai daiílli. ¡Afémie jaca daií íteza! ¡Mai!

Abí dine cai jílloille uaina jaca iñede

⁶ Juziñamuina raire omoi zóofiailla uai, cuena fáigacaitade. Zóofiano, ja jiáie táinomona lloga jiáifodo joida fia daína jíllona uaimo íacadiomoi. Aferi fáigacaidicue. Mei Juziñamui, Cristo caina izíruillado omoi jílloillena, jae caimare ómoína uáidoteza. ⁷ Uáfueña dáiticue: abi diné jiáie jíllona uai jaca iñede. Mei íadi dáarie ómoína áfedotimaci, cai bie Crístomo ñnuamona cai jíllona uaina, jiáifodo feire méidoacadiaioi. ⁸ Mei íadi jiáie come afe cai jíllona uaina uáitajano, jiáifoidifue ómoimo llóyadi, mei dama Juziñamui afémiena fáidoiteza. Nibai dama cue daií jiáifodo llóyadi, Juziñamui faidóllicueza. Daje izói monámona biite Juziñamui abi ímie daií llóyadi, mei Juziñamui íena fáidoiteza. ⁹ Naui ómoimo cue llua izói, birui nane daje izói daidicue: Dinó omoi jiáifodo llófueacadino cáimona omoi cacana jíllonafueña afémaci uáitaiadi, mei afémaci Juziñamui faidólliaioiza.

¹⁰ Bie riire cue dánado ¿mei nibai comini bífueticue cue íaioi cáimadollena? ¡Mei íeñede! Dama Juziñamuina ióbitaacadicue. ¿Mei nibai comini uícori fígomierna íacadicue? ¡Daje izói íeñede! Comini uícori fígomierna nai cue íacaiadi, mei Cristo táijitagamierna ínidicue.

Pablo Juzíñamui ñúefuena llúajitimiena jáillafue

11 Mei ámatiaina ja maméidiomoi, ja bífuena nane omoi uíbitaticue: Cue lloga jílona uai comínimona comuíñede.

12 Daje izói aféuaina comínimona cacáñedicue. Ua áfena bu llófueñegacue. Mei jáífodo aféuaina dama Jesucristo onótagacue.

13 Naui judíuai ínogafuiaiimo cue jainaina llezica, cue illáfueña jae onódiomoi. Aféruido Juzíñamuimo gáirifiredinona iere duere íaiói cue finóllena riire cue rácajana fidídiomoi. Daje izói nana íaióina niné cue táinocaitallinona onódiomoi.

14 Afe llezica, cue uzútiai daináuailaimo iere izire cue jaináiacanamoná, judíuai ínogafuemo baimo baitádimiena jáidicue. Aféfuemo comécina iere fígomienna jáidicue. Ua aillo cai judíuaimona, daane cue comuíllagimamoná baimo fibídimiena jáidicue.

15 Mei íadi nai cue jócoñenia, Juzíñamui cuena nize. Daií níziano, iere cuena ie izíruillamoná, cuena uáidote. Cue ie uáidua mei, ie óiacana izói, ie Jitona cue onótate. 16 Ua, ie Jitona cue onótate, afe Jitó cue onónamoná Juzíñamui ñuera jílona uai judíoñedino cígimo cue llúajillena.

Daií Juzíñamui cue uáidotemo, bumo nífuena “Mai cue llófue” jicánoñeno, dama oni Arabia éniemo raire jáidicue. 17 Ua, Jerusalemo ite nano cue uícomo uáidoga Jesús ñúefue llúajitino uírizañeno, raire oni Arábiamoná jáidicue. Diga irui dinomo cue illa mei, abido Damáscómo biticue.

18 Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrillena. (Afémie jáíifo mameina Cefas.) Aféruimo dama Pédróna ñue onódicue. Quince dígarui ie diga nabáiricadicue.

19 Aféruillaido jáie Jesús ñúefue llúajitimacimona dámie ciódicue; afémie Santiago, cai Ocuíraima ama. 20 Juzíñamui eróicana úriticue: Bie ómoimo cue cuega nahí uáfueza, daidicue.

21 Afe méifodo Siria éniemo naa Cilicia énie diga jáidicue.

22 Judea éniemo ite Crístomo gáirifiredino nai cue uíecona onóñediaíoi. 23 Dáafuena fidídiaíoi. Afefue bie izói daide: “Jaiái cai fállena cai racádimie, ja birui cai ínollifue llocana uite. Jaiái jáíruido aféfuena afémie nine táinocaitaacade.”

24 Iemona cuedo Juzíñamuimo ñúefue jónetiaíoi.

2

Jíie Jesús orécamaci ja Pablo caimare uáidotiaíoi

1 Catorce fimona fuilla mei, Bernabé diga meine Jerusalemo jáidicue. Afe dáaruído Tito uiticue. 2 Juzíñamui cuena daina izói dinomo jáidicue. Dino Jerusalemo

Juziñamui mo ñnotino ocuífiredede jalléidino dáarie ite. Iaiõiri oni eneno fueñe dáanomo gaiñidicue. Dinomo judiõñedinomo cue llófirega jíllona uai íaiõimo jino lloticue. Bie izói íaiõimo llujáidicue, nana cue llócaigafue táinomo fáifñeillena; daje izói birui jino cue llogafue táinomo fáifñeillena. ³ Aféruido cue nabai Títone judiúi uai lloga uai izói, finóñediaiõ; afémie judiõñedinõ íadi, ie bacano icõ quetáañediaiõ. ⁴ Afe llezica dáarie táinona llote ámatiai, báinino cai cígimo dúcidiaiõ. Afémaci Tito bacano icõ quetáacadiaiõ. Afémaci cai cígimo uíñodoimaridiaiõ, rairuínino cai íllana onóillena. Mei ja birui Jesucristomo cai jaináinamona, Moisés ocuica uáimona uáfodo jirénogacaiza. Afémaci nane abido afemo caina izire rairuícana izói finóacadiaiõ. ⁵ Mei íadi íaiõ llógana naado jeire oñédicai, mei oni íaiõ taino llujáfue mo abina uitáañedicai. Dai íaiõ ina jieruñédicai, mei ua jíllona uai jaca jeire omõ óllena, iere jítáidicaiza. ⁶ Mei íadi afe Jerusalemõ ite ocuífiredede jalléidino comue jáiífueña cuemo lloñédiaiõ. Afémaci jalléinafueña figo náfueñedicue, mei onódicueza: Juziñamui, fia jinofe ífueña riire jicánoñede. Mei jáiífodo afémie naga cómemo dájerize ñue jaicina jicánoite. ⁷ Ua, jáiie cómofueña cuemo lloñeno, dama cue llujáigafue ñue jieruitiaiõ. Ñuera jíllona uai, judiõñedinomo cue llócaillena Juziñamui cuemo jóoniana como fidíidiaiõ. Afe uícomo daje ñuera jíllona uai judiúiimo Pedro jino llócaillena fidíidiaiõ. Afe táijina Juziñamui Pédro mo jóonete. ⁸ Mei uáfueza, Pedro ória izói, cue jái orécacue. Daje Juziñamui Pedro judiúi cígimo oreca. Ie mei daje Juziñamui judiõñedinõ cígimo cuena orede.

⁹ Aféruillaido Santiago, Pedro, Juan diga nanoide ocuídino. Bie ñuera táijnafue Juziñamui cuemo jóoniana íaiõ fidínamona, cócona Bernabé diga caimare uáidotiaiõ. Dai cócona finódiaiõ, ja nana dáamacidicai daiíllena. Iemo, afémaci judiúi cígimo táijizailla llezica, coco jái oni judiõñedinõ cígimo táijizairedicoco. Dai cócona daiírediaiõ. ¹⁰ Daa rafue cócomo jicáidiaiõ: “Mai jaca féitañeno, duéredinomo comeci omõ icõ uíbifireiri,” daidiaiõ. Afefue cue finóllena jaca járitaifiredicue.

Antioquia jófue mo Pablo Pédro na lletade

¹¹ Mei jáiiruido Pedro Antioquia jófue mo dúcia mei, íemo eróicana íena riire lletádicue, mei rairuiredifue ie fínua jira. ¹² Fueñe afémie judiõñedinõ diga güizáñefiredede. Mei íadi Jerusalemõ ite Santiágo mo jaináidino dúcina llezica, afe Pedro judiõñedinõ diga dáanomo abido güizáñede. Iaiõimona jirecaillano oni eneno ífiredede; mei Jerusalemõna bite bacano

icoi quétafue llotínona Pedro jacíruiteza. ¹³ Afénomo Jesumo ínnote jíáie judíuai ite. Pedro oni eneno jáillana íaiói cíoillano, afémaci daje izói judíoñedino cígimona oni jírecaidiaíoi. Iirainomo jíái Bernabé íaiói fiénide oni jírecaillamona daje izói jírecaide. Afefue jíáimacina jífueoicaide. ¹⁴ Mei íadi, ñuera jílona uai ua daina izói íaiói iñénana cue cíoillano, nana dáanomo gairídino eróicana Pédrona daídícue:

—O judío dio, mei íadi benomo judíoñedino illa izói itio. Benomo judío illa izói iñédio. ¿Ñibái mei birui judíoñedinona judíuai illa izói jóoneacadio? —dino Pédrona lletádícue.

Nana jíáie comini izói, judíuai Crístomo íaiói ínogafuedo jíllorediaíoi

¹⁵ Cai bie jaca jocóinanomona judíuaidícai. Juzíñamui como méciifiredícai. Judíoñedino Juzíñamui como mécina facáñediaíoi. Iemona fiénidífuiairedinona itíaiói. Cai afémaci izóíñedícai. ¹⁶ Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrístomo dániríe íaiói ínulado illa dígamie daí jaícina írede. Iemona judíoñedino izói, cai daje izói, Jesucrístomo ínnotícai, afe íemo cai ínogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

¹⁷ Birui cai judíuai cígimona dámie Crístomo ie ínogafuedo Juzíñamui anamo ñue jaícina íacaniadi, bie izói daírede: “Judíoñedino izói fiénidimiena itícue” daírede. ¿Meita bífuemona “Cristo fiénidimacina caina itátate” daírede? ¡Daíínide! Mei Cristo jaca buna fiénidimiena itátañedeza. ¹⁸ Mei jíáifodo, nauí níne cue tánocaitaga Moisés ocuícáfue, meine abido jeire cue óiacaiadi, ua cue fiénidena uáfori jino cíotaitícue. (Mei afefue iere cue ñéfinamona Juzíñamui anamo ñue jaícina ínidícueza.)

¹⁹ Afe Moisés ocuícáfue ja cuemo dúíñede. Da afe uai jeire cue oñenamona cuena tíade izói finode. Afe Moisés uaimo cue dúíñenamona, ja Juzíñamui dibénemo, tíillanomona meine cáadímie izói itícue. ²⁰ Cristo nauí cruzmo coraíca tílla izói, ja birui tíide izói finócamiedícue. Iemona ja birui cue cáanano dama cúeieñede; Cristo cuemo íllado cáadícue. Afe bie éniemo ite bie cue cáanano, dama Juzíñamui Jitomo cue ínulado ófiredícue, mei afémie cuena izíruillano, dama ie abina cue meífomo cruzmo tíizaideza. ²¹ Juzíñamui cue jílloillena caímare cue cánuafuena jaca ruifíruiacañedícue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráííñede.

3

Moisés ocuica uai comini ñnogafue abido joide

¹ Aii, Galacia comini, iere abina onóñedinona itíomoi. ¿Bu aimo izói omoi bífuia, ua uaina omoi jíeruñeilla? Naui ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Iñega! Mei jiáfodo, ¿omoi cacana uai omoi ñnuado afe Ñuera Joreño nibai ómoimo ite? Jii, áfedo ite. ³ ¿Nibái mei iere abina onóñedinona itíomoi? Jesumo omoi ñnuua mei, Juziñamui Ñuera Joreño nanómona ñue omoi canode. Afémie ómoina canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitiomoi? ¡Jaca fuitánidiomoi! ⁴ ¿Nana omoi duere zefuillafue jaca ómoimo nibai ráifiñede? ¿Nibai taino abiri aféfuiai ómoimo daí íficaide? Aféfuiai táinona íllamo comécíñedicue, mei daítañedeza. ⁵ Naui Juziñamui ie Ñuera Joreño ómoimo fecade. Iemo Juziñamui omoi cígiri uaido finoca ciórainina raana comúitate. ¿Mei nibái bífuiaina Juziñamui ómoimo finode? Ocuica uai jeire omoi úamona, afémie aféfuiaina finóñede. Mei jiáfodo dama cúemona omoi cacana uai omoi ñnuamona afémie bie izói finode.

⁶ Abraham Juziñamuimo ñnote; íemo ie ñnuamona comécina ñue jaícina jóidimiéna Juziñamui íena caimare uáidote. ⁷ Ja bífueмона onórediomoiiza: Nahí Abraham erófene igímaiai Juziñamuimo ñnotino. ⁸ Juziñamui nana uire ie finóllifuiaina raire uícodo onode. Iemona ie Cuegáuaido aféfuiaina afémie jino llote. Nana íemo uire ñnotino judíoñedino íadi, Juziñamui anamo ñue jaícina itátaillifueña Juziñamui raire uícodo onode. Afena ie onónamona bie ñúefuiai jaiiai uícodo Abrahana daide: “Naga náiraiai ómona ñúefuemo ézicilliaioi,” daide. ⁹ Mei daí nana Juziñamuimo ñnotino dájena Juziñamuimo ñnote Abrahámoiri ñúefuemo ézicilliaioi.

¹⁰ Nana íaioi jíloilla Moisés ocuica uaimo ñnotino ja fieni faidócaiaioi. Mei daí Juziñamui Cuegáuai dáideza: “Nana Cuegánicomo ite ocuica daínafuena, nágarui ñue fuitáñedino ua fieni faidócaiaioi.” ¹¹ Bífueмона ñue onódicaiza: Ocuica uai iere ñéfinamona buna Juziñamui anamo ñue jaícina jóoneñega. Mei jiáfodo Juziñamui Cuegáuai daide: Juziñamuimo ie ñnogafuedo Juziñamui anamo ñue jaícina jóonegamiena jáidimie, afe daa ie ñnogafuedo are zíñona íite. ¹² Afe Moisés ocuica uai comini

ñinogafue abido joide. Búuailaina ñue ícoimo fuitáacadimie, aféuailaido írede.

¹³ Ocuica uai cai faidóllifuemona Cristo caina oni jirecaidade, mei afémie cai ícoinia faidóbideza. Juzíñamui Cuegáuai bie izói daide: “Naga aménamo agúineta fagámie faidócaza.” ¹⁴ Bifue dai íficaideza, judíoñedino ñúefuemo ézicillena. Ua Juzíñamui Abrahamo lloga ñuera ézicirafue dai Jesucristodo judíoñedinomo fecaca. Bifue daje izói íficaideza, Juzíñamui uícodo lloga Ñuera Joreño cai ñinogafuedo caimo íllena.

Moisés ocuica uai, Juzíñamui Abrahamana dáinana oni caitánide

¹⁵ Cue ámatiai, naga come onóigafuemona dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baimo buna jáiuaina zotánide. ¹⁶ Ja onódicaiza: Afe ñuera uícodo lloga uailai Abrahamo Juzíñamui jaiai llote; daje izói Abraham erófene ímiemo lloga. Aillo ie erófene igímaiaimo Juzíñamui Cuegáuai daiñede, mei jáífodo “O erófene ímiemo llóiticue” daide. Afe daínámie Cristo. ¹⁷ Cue llogafue bie izói joide: Juzíñamui riírede méidoñega uai Abrahamo llote. Afe llezica afefue féiñeillena Juzíñamui afe uaina riire jónete. Afe lloga uai contrato izóidiuai; jáífodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. ¹⁸ Juzíñamui dáinamo ie ñnuamona Abraham jílode. Afe bie méidonide Abraham jílloilluaina Juzíñamui raiñoñeno íemo fecade. Iemona afe jílona uai, Moisés ocuica uaimo jaináñede. Moisés ocuica uaimo jaináiadi, aféuai ja uícodo lloga jaca raiñoñeno iga raa izóiñede. ¹⁹ Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaioi finoca fiénidifuiaina onótallena. Afe nabaica uai are ñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámoma Juzíñamui abi imácido lloga. Iemo íaioi llua mei, Moisés aféuaina jino comínimo llote. ²⁰ Juzíñamui Abrahamo úrilla llezica jáímado Abrahamo lloñede. Dámie dai uáfodo úriadi, jáie llóitimiena jítaiñede. Bie Abrahamo úritimie daade Juzíñamui.

Moisés ocuica uai ¿nié izói comínina canode?

²¹ ¿Mei nibai bifue daiíacade Moisés ocuica uai, Juzíñamui lloga ñúefuiaina uáitaacade? ¡leñedeza! Uáitaacañede. Mei cáataite ocuilla uai ígadenia, aféuai jeire cai úado Juzíñamui anamo ñue jaícina íredicai. ²² Mei jáífodo Juzíñamui Cuegáuai daína izói, nana fiénidifuemo llavécánodicai. Daií Juzíñamui

uícodo mamede, nana Jesucristomo ñnotino jíllobicaillena. Ua-
fue, Juzíñamui afe bie izói mamede Crístomo ñnotino íaioi
ñnogafuedo Juzíñamui lloga ñuera jílloñafuena íaioi óllena.

²³ Jesumo cai ñnogafuena nai jino déiñena llezica, ocuica
uai caina llavécanona finode. Aféruillaido Jesumo cai ñnollifue
jino déillemo ocuírídicaí. ²⁴ Iemona Juzíñamui afe ocuica uaina
caimo mamede, cai ñue rairuílleña. Ua úruiaí ñue fibítatimie
izói caina rairuide. Daií afe ocuica uai caina úiñoide; nai Cristo
bíñeille dinó. Afe daií Cristo bíllemo afémiemo cai ñnuado,
Juzíñamui anamo ñue jaícina íredicaí. ²⁵ Birui ja Jesumo
cai ñnollifue déideza, ja afe Moisés lloga fibítatiuai dibénemo
dúñnedicaí.

²⁶ Mei Jesumo omoi ñnogafuedo, ja omoi nana Juzíñamui
úruiaídiomoi, ja Cristo Jesumo dájena jaináidiomoiza.
²⁷ Omoi mona báutiza mei Cristo Jesumo dáena jainaide
dieze, nana omoi afémie comeci ífuena ja jeire otíomoi.
²⁸ Ja biruímona cai cígiri bie judíona dainámiena ññede, bie
Griego dainámiena ññede. Daje izói llavécamierna ññede. Oni
eneno jirénoga dainámiena ññede. Afe izói ringo ñma diga oni
jáífodo mámeñega. Ja Cristo Jesumo cai jaináinamona nana cai
dáamacídicaí. ²⁹ Ja Cristo íediomoiza, Abraham erófene ígima
izóidínona jáidiomoi. Iemona Juzíñamui Abrahamo uícodo
lloga ñuera jílloillífuena, feci raa máíñua izói, máíñoitiomoi.

4

¹ Bie izói cue daiíacanafue: Daa come jitó móonaillano, ie
moo tílla mei, moo raana náamatarede. Mei íadi afémie nai
úruena llezica maiñónide. Afémie nai jofo eromo ocuífirgamie
izoide, afémie nana afeco raana maiñóreite íadi. ² Afémie
nai úruena llezica, íena úiñoitino ite, ie moo jáífodo ie
úíñotínomona oni olle dino. Daje izói ie jetállifue ocuídino
ite. ³ Jaca bie izói caimo comuífirede. Cai jílloillíuai nai
deíñena llezica, nai úrue illa izóidicaí. Aféruillaido aillo bínie
comini nícidogafuiaí anamo, izire ocuícano izói, iticaí. Dáarie
cómemona ocuica uáillaido llavécacai. ⁴ Mei íadi nana Juzíñamui
mamécáfuaí ñue zuilla mei, jaiaí uícodo ie mámiarui dúciamó,
Juzíñamui ie Jitó Jesús orede. Afémie ringómona jococa. Moisés
ocuica uai anamo judío izói comuízaíbite. ⁵ Afémie daií
bite, nana Moisés ocuica uáillaido llavécano aféuaimona oni
jirecaitallena. Daií cai jirecaillamona Juzíñamui dama ie
jitótiaína cai jáillena cai mámierno, caimare caina uáidoite.

⁶ Iemona, ie jitótiaí omoi íllana omoi onóillena, Juzíñamui ie
Jitó Jesucristo Joreño omoi comécimo orede. Afe caimo oreca
ie Joreño riire daiífirrede: “¡Cue Moo!” daide. ⁷ Mei daií o ja

Juziñamui jitódio. Ja riire ocuícamiñedio. Ie jitona o íllamona, ie uícodo lloga ñúefuiaina Juziñamui Crístodo omo fécaite.

Pablo Juziñamuimo ñnotimacimo comeci úide

⁸ Naui Juziñamuina nai omoi onóñena llezica, taino juziñamuillaimo izire ocuífireganodiomoi. Afe omoi llaveina juziñamuillai ua juziñamuiñede; fia jífuia juziñamuillai. ⁹ Mei birui ja ua nahí Juziñamuina onódiomoi. Mei jáífodo ñue daina, Nahí Juziñamui ja ómoina onode. Ja íena omoi onónamona, ¿níé izói meine abido afe ríinide jíllonafuiaina jeire óiacadiomoi? Dáanomó íaioi llavéinanomó ¿meita abido jáirediomoi? ¹⁰ Diga iruillai oni jáífodo nai comeciñirediomoi. Daje izói diga fiuillai eneno jáíífo comeciñirediomoi, naa diga fimónaiairi. ¹¹ Nibai nana omoi cígiri cue táijiacana táinomó jífanofide izóideza áfena jacíruiticue. (Afe cue comécina lícioide.)

¹² Amatiai, izire jícadícueza: Cue comeci ifue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidifuena finóñediomoiza. ¹³ Cue omoi cígiri nano illáfueña onódiomoiza. Aféruillaido, cuemo comuide duícori duere cue zefuillamona afe jíllona uai jino ómoimo lloticue. ¹⁴ Afe cuemo ite duico cue facátaina, mei íadi afe jira cuena jámairuiñediomoi. Daje izói cuena ruifruíñediomoi. Mei jáífodo Juziñamui abi ímie izói caimare cuena llínotiomoi. Ua Jesucristo omoi llínnolle izói cuena caimare llínotiomoi. ¹⁵ ¿Nee mei afe omoi cacana cámafuiái? Afe cue irárenaruimo cuena iere izíruillano, dani omoi uíjina jirénota cuemo fecáacadiomoi, íadi fecánide. Afe ñúefue omoi dibénemo nitáredicue. ¹⁶ Ja ua uai ómoimo cue llúamona ¿Meita ja birui omoi bacáuai ímiena jáidícueza? ¡Ieñedeza!

¹⁷ Afe baie jícana bite comini ómoimo iere caimare comeciñidiaioi. Mei íadi comeci ñue jítaillamo comeciñediaioi. Omoi bífuellena caimare úritiaioi. Afémaci cúemona ómoina bairóacadiaioi, uire íaioimo omoi jáináillena. ¹⁸ Jáíimacimo ñue íllena caimare comeciñillana ñuera. Mei íadi cue illa llezica daje izói cue íñena llezica come comeci ñue jítaillamo daí comeciñede. Daíítadeza. Naui omoi cígimo cue illa llezica, afe onínemacido daí jífueñediomoi; mei íadi birui omoi cígimo cue íñena llezica nágarui jaca daí jífuegaomoi. ¹⁹ Cue úruiai, ringo úrue jocóacania duere zefuilla izói, nane ómoiri duere zefuídicue. Ua Cristo comeci ifue nai omoi ñue óñoñeille dino, nai ómoiri duere zéfuiticue. ²⁰ Birui izire omoi cígiri íacadícue, jáífodo ómoimo cue úrillena. Onóñedicueza, níé izói ómoiri comeciñiticue.

Abraham ai Sara, ie oga jiáingo Agar íainguai ñúefuena caina onótate

²¹ Ja birui Moisés ocuica uai anamo íacadinomo úriticue. Mai bifue cuemo omoi llone: ¿Afe ocuica uai dáinana cacáñedi omoi? ²² Afe uai daide: Abraham mena jitórede. Daa jitó ie táijitafiregango ie. Jiáie jitó ie nahí ai ie. Afengo buna ócuiñegango. ²³ Ocuífiregango jocócato nana biniemo ite úruiai jócua izói jococa. Mei jiáifodo nahí ai jocócato Juziñamui uícodo daínauai fuitállena jococa. ²⁴ Bifue cai onoiga ráamona Juziñamui cai fidítafue. Afe mena ringo mena contrátomo táijina izóidiainguai. Iainguaimona daa Sinaí idu ie contrato izoide. Afe ocuífiregango jitótiai ocuífireillinona jocócaiaioi. Afe ocuífiregango mámeçi Agar. ²⁵ Afe Agar Juziñamui Sinaí ídumo lloga uai izoide. Afe Sinaí idu Arabia éniemo ite. Afénomo Juziñamui contrato comínido finode. Biruillai Jerusalén jofue afe jaiiai Sinaí idu izoide, (mei Moisés dibénemo íacadino afénomo gairífirediaioiza.) Ie ocuica uai anamo llavécana itaiaioi, naa aféfuemo jaináiacadinori. Ocuífiregango Agar úruiai izóidiaioi. ²⁶ Mei íadi monamo ite Jerusalén comini lláveñegaiaioi. Afe jofue cai ei izoide, mei cai bie afe Jerusalemo jaináidinodicaiza. ²⁷ Juziñamui Cuegáuai bie izói daide:

Oiniño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baimo jitótiaireitio, daide

²⁸ Amatiai omoi cácarei, cai bie Sara jitó Isaac izóidinodicaí. Juziñamui uícodo lloga jitótiaidicaí. ²⁹ Mei jaiiai aféruillaimo íaillinoi illa izói, birui afe izói iticaí. Aféruimo come comeci jítainamona jocócamie Ismael, afe Juziñamui Joréñodo jocócamie Isaacina fiénidifuena racade. Biruillai afe izói iticaí. ³⁰ Mei Juziñamui Cuegáuai ¿nié izói daide? Afeuai daide: “Afe jofu ero ocuífiregangona ie jitó diga oni oreri. Mei ocuífiregango jitó, afe ócuiñegango jitó diga dájena jofu naama feci ráaniaina maiñónideza.” ³¹ Amatiai, bífuemona onódicaiza: Cai bie ocuífiregango jitó izóíñedicaí, mei jiáifodo cai bie buna ócuiñegango jitó izóidicaí.

5

Izire ocuíñena dibéfuemo omoi ífireiri

¹ Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiza.

² Cuemo omoi cacáreiri. Omoi llotímie Páblodicue; jira ómoína dáitícue, bacano icoi quétafue jeire omoi óiadi, Cristo ómoimo ráifíñeite. ³ Nane ómoína dáanomo daiíacadicue: Omoimona dámie ie bacano icoi quetátaadi, nana jáie Moisés ocuica uáillaina ícoimo fuitárede. ⁴ Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúñediomoi. Daje izói Juzíñamui caina izíruillafuemonona oni eneno itíomoi. ⁵ Mei cai jáífodo onódicaiza: Juzíñamui Ñuera Joréñodo, daje izói ie uai ñue cai ínuado, Juzíñamui anamo ñue jaícina cai illífuemo úiñoidicai. ⁶ Iemona daií Jesucrístomo ñue jaináidicai. Iemo cai jaináidi, afe quétafue caimo ráifíñeite. Cai quetátaidi, nibai cai quetátañeniadi, daje izói ráifíñeite. Mei jáífodo afémiemo cai ínogafue ua ñue ráifide. Afe bie cai ínogafue jáie cómena naa Juzíñamui diga cai izíruillena canode; áfemona Juzíñamuimo cai ínogafue iere ráifide.

⁷ Fueñe Juzíñamuimo ñue ínofirediomoi. Mei íadi birui, ¿bu afe ua uaina ómoína fáicanocaitaga? ⁸ ¡Juzíñamui áfena ómoína fáicanocaitañede! Afémie ómoína caimare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue ínuano, afémie ómoína ñue rairuillena onódicue. Ja onódicueza, cue daináfuemonona oni jáífodo comeci fácañeitiomoi. Bífuemona omoi comécina oni nibéfodo féitaitimiena Juzíñamui duere fínoiteza. Afefue llotímiena Juzíñamui raa dáíñeite, afémie nibai illaima, nibai jamáimie.

¹¹ Amatiai, cúemona jáífue llóiticue. Mei bacano quétafuena nai ocuícicuena judíuai nibai cuena fállena rácañeitiaioi. (Mei íadi cue íaioi fállena rácana onódiomoi.) Afe izói cue llóidi, Cristo cruzmo tilla ñuera rafue íaioina ríicaitañeite. ¹² Mei íadi afe onina bite omoi gáguai bitino dani íaioi jínjina, comini meróniai ie ñetaina izói ñétaitaioiza. (Afémaci méaicaillena Pablo daií daide.)

¹³ Amatiai, mei jáífodo uáidogamacidiomoi, ráiruñeganona omoi íllena. Ua ja birui ráiruñeganona itíomoi, mei íadi afe o rairuñenamona, comécimo fieni itífuiaina finóñeno iri. Mei jáífodo afe ómoimo ite izíruillafuedo ñuera ocuífirganona omoi iri; daií conímána cánoitiomoi. ¹⁴ Mei nana jáie ocuilla uailai daa bie ocuica uaimo dájena itíaioi. Be níuui: Dama o abina o izíruilla izói, afe izói o abí cómena izírui. ¹⁵ Mei íadi ómoimona dani conímána fue erodo omoi éoia, daje izói úradoillano conímamo omoi ríicaiadi, ómoína niné táinocaitaiteza; afe izóidemona abí omoi rairuiri.

Come comécimo fieni itífuiái Juzíñamui Ñuera Joréñomona jíáifodo jóide

16 Omoína cue dainafue bie izói jóide: Juzíñamui Ñuera Joreño dibénemo mai áfemo omoi illafue jóonefireiri. Afedo omoi comeci fieni finóacanafuiái finóneitiomoi. 17 Mei dani cai comécimo comuide fieni finóacanafuiái Juzíñamui Ñuera Joréñona uáitafirede. Nane abido dájena Juzíñamui Ñuera Joreño cai comeci fieni finóacanafuiái uáitafirede. Afe ménafue jaca conímána uáitaoifirede. Iemona omoi comeci jítaina izói figo finónidíomoi. 18 Mei íadi Juzíñamui Ñuera Joreño ifócaomoi íadi, Moisés ocuica uai anamo íneitiomoi.

19 Comíni comécimo fieni itífuiái dibénemo jaináidino íaíoi finócaigafuiái jino uáfodo onórede. Be níífue: Afémaci jiruífue íemo íaífue finófirediaíoi; jíáie fiénidífue rairuilla uaina náfueñediaíoi. 20 Afémaci jánaraimo caimátáifirediaíoi. Daje izói fue boréfuena finódiaíoi; daje izói jíáimana éoifirediaíoi. Dájena caimare íñediaíoi; úradoifirediaíoi; ráaiñederi raire iere riícaifirediaíoi. “Fueñe dama cúeiena finoiticue” daífirediaíoi. Comínina bozíetaítatíaiíoi; jíáimana énenoruidiaíoi. 21 Afémaci jíáima raari úradoifirediaíoi. Daje izói afémaci cómena titáifirediaíoi. Jífairediaíoi; fieni jéerie íaíoi güilla llezica conímamo riire lléjellejediaíoi. Bizóidífuiái afémaci jaca finóicaide. Naui uícodo omoi cue lloga rairuilla izói, nane birui ómoína ráiruiticue. Bie izóidífuiái finódino jaca Juzíñamui illáimana illáruimo jánaiñeitiaíoi.

22 Mei jíáifodo Juzíñamui Ñuera Joreño cai comécimo bífuiaina cómute. Aféfuiái bie izói jóide: Izíruillafue, íóbillafue, comeci uái illífue, comeci mánaicana úrillafue, comeci cáimafue; jeruíñeno fecáfirede. Jíáima dánana raire jeire ófirede. 23 Afémie comeci mánaifirede; comeci daina izói ie abi járitaiñeno ñue fíaicana ocuífiredie. Bífuiaina rairuide ocuilla uaina íñede. 24 Nana Crístomo ja jaináidino, íaíoi comécimo nanómona itífuiái, faga izói, féitátíaiíoi, naa íaíoi comeci fieni finóacanafuiáiri. 25 Iemona Juzíñamui Ñuera Joréñodo íredicái. Daíí cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

26 Cai bie abina fieni ínonidicái. Afe izói cai íadi, conímaíai díga ícíríticái, mei íadi afe izói mai cai íñeíllí. Daje izói jíáimari úradoiñeno cai íllí.

6

Conímána omoi canófireiri

¹ Amatiai, ómoimona dámie fiénidifuemo baiúzaidenia omoi cióadi, ómomona Ñuera Joreño dibénemo izire jaináidino afe baiúdimiena omoi canori, meine ñúefue dibénemo ie illeza. Jaca comeci mánainafuedo íena canori. Naga come áfemo báíiredeza, ie jira illa dígamie afe baiúfirenafuemona abina rairuúrede. Taipe cai facátáfue naga cómemo comuífiredeza.

² Illa dígamiai conímama canófireiri, áfedo jiáimamo zuufue comuíadi ie comeci náirecailleza. Bie izóidedo Cristo ocuilla uaina ñue ícoimo fúitaitiomi.

³ Jamáimie illa llezica dámie abi ínota “Jamánomo ímedicue” daiíadi, afémie dama ie abi jífue. ⁴ Omoimona illa dígamie dama ie abi áadori. Mei aféfuena o jíeruiadi, dama o abi ífuedo ióbitaitio; mei o illafue ñuera daiíllena jiáima illafue dibénedo abina fácañeitioza. ⁵ Illa dígamierie dani caimo itífuiaimo náfuefireiticaí.

⁶ Juzíñamui uáillaina llófuegamie nana íemo ite ñuera ráaniaina dieze, meine ibana afe ie llófuetimieimo írede.

⁷ Mai jíáfueri omoi jífuefiñeno iri; jaca Juzíñamui buna báíñuano jífueñegaza. Naga come ie rífirega raa ríadi, afe llizillana dama jofo óite. ⁸ Nanómona cai comécimo itífuiiai ióbitaitifue cai finóadi, afe cai comécimo itífuiaimona cai tíllifue óiticaí. Mei jíáfodo Juzíñamui Ñuera Joréñona cai ióbitaadi, afe Joréñomona zíñona cai illifue óiticaí. ⁹ Ie jira ñúefue cai fínua, mai cai zefuíruíñeilli. Mei áfemo fáicanocaiñeno comécina náiredinona cai íadi, uire Juzíñamui mamécaruimo riga ófirena izói, ñúefuena maiñóriticaíza. ¹⁰ Afe jira, ñúefue fínua llezica nana comínimo, nana cai abi ie máriedo ñúefuena finóredicaí. Iemo Juzíñamuimo ínote cai amatiaimo, baimo aillo ñúefuena finóredicaí.

Abí rairuúllauai, íraicaiño uáiduafue diga

¹¹ Mai ómoimo bie jéerie cue cúegamo omoi eroiri. Afe bie dama cue ónoído cue cueba. ¹² Afe quétafuena omoi ocuúidino ñúefuedo lloñédiaioi. Dama comini uícomo ñue íaioi íllena daií daídíaioi. Daií ómoína ocuúidiaioi, Cristo tílla ícoína jiáimaci afémaci rácaíza daií. ¹³ Mei afe quetácana, nana Moisés ocuica uai ñue ícoimo fuitáñediaioi. Mei íadi ómoína quetátaacadiaioi, omoi íaioi quetátáfuedo abi íaioi ínollena. Afe quétano omoi abimo íllado iere abi ínotiaioi. ¹⁴ Mei cúemona dama cai Ocuúraíma Jesucristo tíllado abi ínoticue. Abi diné jíáfodo abi cue ínollena íñede. Mei Cristo cruzmo tíllado, nana bíniemo ite fiénidifuiai faga izói cuemo dúíñede. Afe ibana cue aféfuaimo faga izói jaináíñedicue. ¹⁵ Mei Crísto dájena cai jaináinamona, ja afe quétáfue ráííñede. Daje izói íemo cai

jaináinamona quetáñenafue jiái ráifiñede. Mei jiáifodo cómuena meine abido jocócamiena cai illa, iere jamánomo ráifide.

¹⁶ Bie izói daináuai jeire otínomo comeci caimare uái illafue íteza. Daje izói Juzíñamui ómoimo dúecaillafuemo ítiomoiza. Bie izói daináuai jeire omoi óiadi, Juzíñamui ua comínina jáitiomoi. Mai mei, Juzíñamui ie ua comínina ñúefuemo éziciiteza.

¹⁷ Ja biruímona buna cuena áifeduaibiñeno iri, daídícue. Cue abimo ite boáfiaí méifuai, cai Ocuíraima Jesús táijitagamiéna cue íllana onótate.

¹⁸ Daje Juzíñamuimo íinote cue ámatiaí, cai Ocuíraima Jesucristo nana ómoína ñue éziciiteza. Mai daíitadeza. Jae ñie.

EFESO IMACIMO SAN PABLO ORECABE

La Carta del Apóstol San Pablo a los Efesios

Pablo Efésomo ite Juzíñamuimo ñnotino rabedo uáidote

¹ Cue Páblodicue. Juzíñamui comeci jitaina izói Jesucristo orécamiedicue. Bie izói daina ñúefue llujillaena, ie ocuícamedicue. Efeso jófue mo ite Juzíñamuimo jaináidino bie rabedo uáidotícue. Afémaci Jesucristomo ñue ñnotino. ² Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoína bie ñúefuaimo jóoneiteza.

Crístomo cai jaináinamona cai comécina náiretatífuiái Pablo jino llote

³ Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaiña jae caina éziciteza. ⁴ Nai énie comuíñena llezica, Juzíñamui Jesucristodo caina nizede, ie eróicana nífuenino ñue finócamona cai íllena. ⁵ Jaiái uícodo caina izíruillano ie comeci jitaina izói, Juzíñamui caina náamatade Jesucristodo ie jitótiaina cai jáillena. ⁶ Iemo ie izíruiga jitóoiri dájena cai íllamona, afémie caimo dúecaifirede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena. ⁷ Caimo iere dúecaillano, Juzíñamui ie Jitó tíllado, ie die tóillado caina jíllotate, mei áfedo Juzíñamui cai fiénidifuiaina féitateza. ⁸ Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate. ⁹ Juzíñamui jaiái uícodo mameca ónoñega ie comeci óiacanafue caina ja fidítate. ¹⁰ Bie Juzíñamui uícodo mamécáfue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiaína ie Jitó Cristo anamo itábicaítaite, naa bíniemo ite rílleniai, naa jíáie ráaniairi. Daje llezica monamo ite ríñoredino Cristo anamo íitiaioi naa afénomo ite jíáie ráaniairi.

¹¹ Jaiái uícodo Juzíñamui caina nizede, Jesucristomo dájena cai jaináinado ie comínina cai íllena. Nana bífuiái jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹² Ja cai bie nanómona Crístomo ñnotinodicaiza. Juzíñamui daií caina ñue nizede, aféniemo ite áillue ebíredifuiáido ñúefue íemo cai nitállena. ¹³ Daje izói

uáfueña lloga, omoi jíllloille uaina cacádiomoi. Cacáillano afe uaina omoi ínuamona Jesucrístomo jaináitagaomoi. Daje llezica Juzíñamui jaiái uícodo llua izói Ñuera Joreñoña igáomoi, dama Juzíñamui íeiedi omoi daiíllena. ¹⁴ Afe Ñuera Joreño caimo íllado, íco jíáiruideo Juzíñamui dainafue cai maiñóllena, uáfueña onódicai. Afe íe lloga dainafue cai maiñólliruímo nai dúciñede. Mei íadi nana íemo jaináidinomo, fiénidífueño jaca due íaiói jaináiñeíllífue afémíe llóite. Daií íe llua mei nana afémíe cáiena lloga dainafue máíñoíticai. Íe jira afe Juzíñamuímo íte áíllue ebíredífuaído íena íóbitaredícaí.

Pablo Juzíñamuímo ínotíno ífoci ñue denóllena Juzíñamuímo jícade

¹⁵⁻¹⁶ Íemona cai Ocuíraíma Jesumo omoi ínogafueña cue fidínamona, Juzíñamuímo ómoíri “Íere figora” fáicaiñeno daiífiredicue. Daje izói nana Juzíñamuímo jaináidinona omoi izíruíllana cue fidínamona, nane figora daiífiredicue. Afe llezica Juzíñamuímo cue jícafireña dáaruideo ómoímo jaca uíbíoífiredicue. ¹⁷ Juzíñamuí ómoímo jíno llogáuaina ñue comécido omoi baitállena jícafiredicue. Ua, cai Ocuíraíma Jesucrísto ebírede Moo Juzíñamuímo jícafiredicue, Juzíñamuína ñue omoi onóíllena. ¹⁸ Daje izói Juzíñamuí omoi ífoci ñue denóllena jícadícaí. Afemona Juzíñamuí uáídogano úíñoga ñue cómuítífuaína ñue ónoítíomoi. Daje izói Juzíñamuí omoi ífoci denóllemona íemo jaináidinomo, Juzíñamuí fecalle ñuera ebírede cáímafuaína ónoítíomoi. ¹⁹ Íemona bie izói ónoítíomoi: Juzíñamuí íere ñuefuaína ríñoredímíe. Afe bie íemo íte áíllue ríño ja bíruí nana íemo ínotínona ñue comécido íaíoína canode. ²⁰ Nauí Juzíñamuí, daje bie íemo íte áíllue ríñona cai onóíllena, Crísto tíllanomona meíne abído cáatate. Daií íemo íte áíllue ríñona comínímo jíno íere uáforí cíótate. Afe daje ríñodo Crísto cáatajanona, monamo íe nabézímo Juzíñamuí íena raínade. ²¹ Dínomo jamánomo ocuídíllaímana Juzíñamuí íena jóonete. Íemona nana jíáíe ríñoredínuaí Crísto anamo ítíaiói, naa jíáíe ocuífíredínuaíri. Daje izói nana íllaní Crísto anamo ítíaiói naa jabóídíllaínuaíri. Daje izói nana mona eromo íte ríñoredínuaí, Juzíñamuí íe aílló ríñodo Crísto anamo dájena jóonete. Nana jíáíe mameca ríñoredíno cai comeci facáacana díeze, daje izói Crísto anamo ítíaiói. Nana bíruímo ítínuaí íe anamo ítíaiói, naa íco jíáíruíllaído ítínuaíri. ²² Afe dáaruideo Juzíñamuí nana ráaníaína Crísto anamo jóonete. Daje llezica nana Juzíñamuímo dájena jaináidinomo, Juzíñamuí Crísto ífócína mameíde. Íemona ífoci cai abí ocuílla izói afémíe íaíoína

ocuífiredede. ²³ Mei jii, Jesucrístomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otáioi. Mei dama Cristo nana ráfuiaina ñue ícoimo fuitátatimieza.

2

Juzíñamui caina izíruillado jíllocicaí

¹ Omoi fiénidifuiamona nai tíidino izói omoi illa llezica, Juzíñamui Cristo tíillamona meine abido cáatajado afe dáaruido ómoína cáatate. ² Naui afe fiénidifue dibénemo are itíomoi. Biniemo ite fiénide nairai illa izói are itíomoi. Afe llezica omoi áinodo lláifoide fiénide joreño jitáinafue finófrediomoi, mei afe joreño nana fiénide jóriai nahí ocuiraímaza. (Afe daje fiénide joreño Taife.) Juzíñamuimo jíeruiñedinona afémie riire ocuíoide. ³ Naui jíáiruillado nana cai afe izói fieni iticai. Cai abi fieni jitáinafuiái jeire ófredicai. Afe nanómona cai comécimo ite cai óiacaiga fiénidifuenta fáicanocaiñeno ícoimo finóicaifredicai. Daje izói cai comeci fia fácafuiaina jeire oticai. Iemona nana jíáimacina duere finóllemono dúina izói, Juzíñamui iere duere finóllifue mono dúidicai. ⁴⁻⁵ Mei íadi Juzíñamui iere caina dúecaillano, nai cai fiénidifuiamona tíidino izói cai illa llezica, afémie caina izíruillano Cristo cáatajado dáanomono tíillanomona caina cáatate. Mei jii, dama Juzíñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade. ⁷ Juzíñamui daí finode, nana ico ninomo illáruillado íitinuiaimo afémie iere caina izíruillafuena onótallena. Ua, Juzíñamui daí finode afémie Crístodo caina dúecaillafuena nana uícomo cómuitinomo fidíillena. ⁸ Mei jii, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jíáifodo afefue Juzíñamui ómoimo comuítaga. ⁹ Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide. ¹⁰ Mei jii, Juzíñamui nano fueñe comini fínua izói, afémie ie joreñodo como jéiciganona ja cai finode. Iemo ja birui, jaiaí uíodo ie mámia izói, Crístodo Juzíñamui meine caina cáatate, ñúefuiai cai finóllena.

Ñue uái cai illifue Cristo caimo lloga

¹¹ Iemona naui omoi illáfuemo mai omoi comeci uibíoiri. Judío nairai íeñediomoi. Ie jira judíuai “Bacano icoi que táñegamacina” ómoína mamécaiaioi. Dani afémacina cai bie “Íezina quetácanodicai” daidíai; mei jaiaí íai; finófirena izói,

íaiõimona nágamiiai íaiõ bacano icoi quetácaza. ¹² Naui omoi ñinoñena llezica, Crístonona oni eneno itíomoi. Israel náiraimo Juzíñamui nizécanomo jaináñediomoi; íemona Juzíñamui íaiõimo lloga ie ñuera finóllifuiiai fidíñediomoi, naa uícodo ie lloga cáimaduafuiiai dígá. Aféruillaído Juzíñamuina onóñeno, bíniemo zuure itíomoi, mei caimare omoi ocuírillifue iñédeza. ¹³ Naui Juzíñamuimona iere oni jica itíomoi; mei íadi ja birui Cristo cairi tíllamona, ie die tóillamona, Juzíñamuimo áinozitagaomoi. Ja Crístono dájena jaináidiomoi. ¹⁴ Cristo jíaimana cai icíñenafue comútatimie, mei dama afémie judíuai judíoñedino dígá dáaziena finode. Iemona íaiõ bacáuai imáciñediomoi. Naui ómoína oni eneno itátate éoinafuena ja Cristo niné féitate. ¹⁵ Dama ie abi izi cácanado, ua ie tíllado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíoñedino dígá, dáaziena comue náiraina finode. Afe ménade náiraiiai ja dama Crístono dájena jaináitagaiaioi. Afedo afémie cai conima dígá cai icíriñenafue nana caimo comúitate. ¹⁶ Afe bie izói, Cristo cruzmo ie tíllado, bie mena náirai dáamacina finuano, naui íaiõ fuiríñenafuena záitate. Afe llezica, Juzíñamui dibénemo ñue uái íaiõ illifue Cristo afémacimo jino denode. Dénuano, íaiõina jeire otátate. Afemona comínimo Juzíñamui caimare eroide.

¹⁷ Cristo afe ñue uái cai ille uaina nana comínimo lluaíbite. Onínemacimo Cristo afe uaina lluaíbite. Omoi afe onínemaci izóidiomoi. Daje izói áinori ite judíuaimo, afe uaina afémie lluaíbite. ¹⁸ Iemo Cristo cai jíllotajamona, mei nibai judíuaidicai, mei nibai judíuaiñedicai íadi, nana cai afe daje Ñuera Joréñodo, Moo Juzíñamuimo áinozifiredicai. ¹⁹ Afe jira, Juzíñamui dibénemo ja onínemaciñediomoi. Daje izói dani íaiõ illánomo dúíñedino izóiñediomoi. Mei jíáifodo nana Juzíñamuimo jaináidino jainaila izói, uafue íemo jaináidiomoi. Dájena Juzíñamui náiraidiomoi.

²⁰ Nana omoi ebírede niga jíailliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jíaillirai jáicina mairi naidánia izói, aféfuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie. ²¹ Bie Nahílliraimo izóidimie nana afeco Juzíñamui nicana uite. Afe izói afemo nana jofócaiai ñue jáicina jóonega. Jofócaiai dallíraidemo dúina izói, daade Jesucristomo jaináidiomoi. Afeco nilla fuilla mei, jae Juzíñamui ñuera irácona jáidiomoi; ñuera gairíraco izóidiomoi. ²² Daje izói Crístono dájena omoi jaináinamona, nana jíáie Crístono ñinotínomo

dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífirenaco izóidiomoi.

3

Jíllona uai judíoñedinomo llujállena Juzíñamui Páblomo jóonenocai

¹ Iemona Juzíñamuimo ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue llujállena jira llavécamedicue. Omoi judíoñediomoi, íemo ómoína ñue íllena cue cánua jira llavécacue. ² Ja nibai Juzíñamui cuemo jóonega bie táijinana fidídiomoi. Jii, Juzíñamui ie cáimaduafuiai ómoimo cuena llotátate. ³ Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiema Juzíñamui cuena jóonete. Afe ie mamérrillafuedo ja nano íanori due ómoimo cueticue. ⁴ Aféfuema omoi facáduamona, afe nai jino llóñega Cristo dibene illáfuemo iere cue báitajana ónoitiomoi. ⁵ Afe báinino comeci ie fácafue nauí jáiruillaído bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuema jae onótate. Daje izói jáíe ie uai jino llórainimo fidítate. ⁶ Afe jaiái jino raire llóñegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juzíñamui cai cáimaduafuiai dájena máíñoitiaioi, mei dáamiemo jaináidiaioiza. Ua Crístomo, dáaziena jaináidiaioiza. Daje izói Juzíñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

⁷ Cue jamáimedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jáimacimo llujállena jóonegacue. ⁸ Nana Juzíñamuimo jaináidinomona iere erófenemo iticue. Mei íadi Crístomo ite facádonide aillo cáimaduafuiai judíoñedinomo llujáitimiena Juzíñamui mamécacue. Afe bie cue llujáille iere cuemo ráifide. ⁹ Juzíñamui jaiái ninómona jino llóñega mamérrillafue nana comínimo jino llóitimiena dama Juzíñamui jóonegacue. Afe Juzíñamui nana ráaniai finóraima. ¹⁰ Juzíñamui nana bífuiaína daíí íficaitade, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaína báitajana onóillena. ¹¹ Juzíñamui jaiái ninomo uícodo comeci mamérrilla izói, nana bífuiaína cai Ocuíraima Jesucrístodo ñue ícoimo fuitade. ¹² Iemo Crístomo dájena cai jaináinamona Juzíñamuimo ja áinoziredicai, mei cai ínuamona afémiemo meáiruíñedinona

itícaiza. ¹³ Ie jira izire ómoimo jicádícueza: Birui omoi abiri duere cue zéfuidícueza, mai náinidimaci izói omoi iñeno iri; mei jiáifodo caimare omoi comécioiri; mei afe ómoiri duere cue zéfuia afe ómoimo ebírede nitaina izóidífueza.

Cristo iere jamánomo caina izíruitimiena íemo ínotino onóillena Pablo Juzíñamuimo jicade

¹⁴ Ie jira cai Ocuíraíma Jesucristo Moo anamo caiñícido ana dújullanona nana ie comini íena íemo izire jicádícue.

¹⁵ Nana éniemo ite ie comini, naa monamo itínuiái diga, afémiemona comuídiaíoi. ¹⁶ Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jicádícue.

¹⁷ Afe llezica omoi ínogafuemona Cristo omoi comécimo nabáirifireillena Juzíñamuimo jicádícue. Daje izói Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane dáanomo omoi ínogafuiai jeire oga uaina ñue omoi ífócimo denóllena Juzíñamuimo jicádícue.

¹⁸ Daje izói Cristo caina izíruilla omoi ónoillena jicádícue, naa jiáie íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izói áillue imani eraí iere fuiri jica illa izói, afe caimo facádonide Cristo caina ie izíruillafue omoi onóillena jicádícue. Afe izói Cristo caina izíruilla iere monáillaji ana jica afórena izoide. ¹⁹ Mei jii, afe bie izíruillafue ñue omoi fidíillena jicádícue. Nana cai onórede aillo ráfuiai baimo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuiaiña ñue jaícina oruízitíomoi. Mai, daí íteza.

²⁰ Ja birui ie aillo ñuera ríino, cai comécimo ífirenamona nana cai comeci fácarenafuiai baimo, afémie iere jamánomo ñúefuiai caimo finórede. Daje izói nana cai jicárenafuiai baimo afémie iere finórede. ²¹ Ie jira aillo ebíredífuiai afe cai Juzíñamuimo mai cai nitalli, mei Cristo Jesumo dájena jaináitagacaiza. Mai mei Jesucristodo jaca ninomo naga cómutigimado aillo ñúefuiaiña Juzíñamuimo cai nitalli. Daíitadeza.

4

Juzíñamui Ñuera Joréñodo dáamacína maméidicai

¹ Nana bífuiaimona, omoi jaícina ñúefuedo macállena riire ómoimo llóitícue, mei cai Ocuíraíma Cristo ícoínia llavécamiédícueza. Ua Juzíñamui uáidogamací maca izói, omoi macállena izire ómoimo jicádícue, mei uafue ie uáidogamací

itíomoi za. ² Nana omoi, mai jiba abina íñoñedinona omoi iri; daje izói comécina mánaidimacina omoi iri. Dani conímana izíruillano illa dígamie jíaimamo comeci járitaño omoi iri. Afe izói conímana omoi dúecaifireiri. ³ Afe llezica mai Ñuera Joreño ómoimo comuítaga dájena jaináinafue ñue rairuífireiri. Ua, omoi dáaziena dani conímana comécina jacíruiñenafuedo dáamacina jaináifireiri. ⁴ Daa cómemo da abi illa izói, daade abi. Afe abi Cristo ie. Afe daade come abi izóidicai. Afe izói Ñuera Joreño daade. Daje izói Juzíñamui nana caina daa uire ñue finóllifueмо úiñotagacai. ⁵ Cai Ocuíraima daade. Daje cai ínogafue jeire oticai. Daje izói dáafueмо báutizagacai. ⁶ Iemo Juzíñamui daade; afémie nana íemo ínotimaci Moo. Afe izói afémie nana comini Naama. Afémie nana íficaidifuiái dibénedo ie comeci jitáinafue finode; nágafulaimo jetáfiredo.

⁷ Mei íadi Cristo comeci jitaina izói, cáimona illa dígamieмо jíáiforiede ñúefue finolle ríinona, Cristo caimo fecade. ⁸ Juzíñamui Cuegáuai daí uícodo daide. Be ñie: Caifo monamo jailla llezica aillo nauí llaveca izóidino afémieoiri uite.

Iemo fia iga jíaimaci cánuafuiaina comínimo fecade, daide.

⁹ Afémie caifo jailla daína uai jíáifue caina onótate. Afedo nauí uícodo fueñe afémie monámona ana bíllana fidídicaí. Aféruido bie fiénidifuiarede éñieмо afémie monámona iere jica ana bite. ¹⁰ Afe ana bitímie, abido nana caifo ite monániaí caifófenemo jáidímie dáamiede. Dinomo jaide, afénomona nana ie finócanuiaimo illáimaillena. ¹¹ Iemo afe bie Cristo illa dígamiena ñue ríinoretade jíáiforiede ñúefuiaina finóllena. Dámierie ie orécamacina afémie jóonete. Jíaimacina Juzíñamuimona oga uaillai jino llóraimana afémie mamede. Iemo jíaimacina cai jíllonafue uaina llotátate. Nai jíaimacimo ie comínina ñue úiñollena ocuide, íaioí llófuellena diga. ¹² Afe daí cai Ocuíraima nana íeiena ñue fibítate, ie ocuica tájina ñue íaioí jetállena, íemo nana Crístomo jaináidinona móonaitallena; mei afémaci Cristo abi izóidimaciza. ¹³ Afemona cai ínogafue dibénemo ñue dájena maméidimacina jáiticaí. Daje izói Juzíñamui Jitona cai onona dibénemo ñue dáamacina íiticaí. Afe daí ñúefuiaina ñue izire jíeruitinona íiticaí. Uafue, nana ñúefuiaina Cristo izire jíeruilla izói, afe izói ñúefuiaina rairuíño iere jíeruiticaí. Jíeruillamona ñue móonaiticaí. ¹⁴ Ja úrue izóidinona íñeiticaí. Mei íadi jífueacadino comue llófueinafue llúamona, úrue izoide nai figo baitáñedinona jífueitiaioí. Iaioí comeci ñue fácajana raire jíáfodo méidoitiaioí. Bie jífuetino ebire lloga taino lluífuedo bie úrue izóidino ínoga ñúefuiaina niné féitaitaioí. ¹⁵ Mei íadi conímana izíruillano,

íemo uáfuenta cai úrilla llezica, mai Cristo dieze cai móonaili. Crísto izire jaináillano nana ie comeci itífuaia mai jeire cai ófireilli, mei Cristo afe cai jainaina abi ifoci daínámie. ¹⁶ Afémie, ifócina íllamona, nana caina caimare ocuíoide; ñue daa cómena caina jaináitate, mei illa dígamie jiáimie mo ñue dúinaza. Nana afe Cristo dáamiena jaináitagamací caimare daní jiáimaciri táijina llezica, caimare itíaiói. Ua Crísto jainaide, daade abi izóidino naari conímána izíruillafuedo móonaiocaide. Móonailano caimare ite.

Crísto dájena cai jaináinamona comue illáfuedo macáredicaí

¹⁷ Iemona bie ómoína cue daiíllifue izói, cai Ocuíraíma mámedo ómoímo jóonenocaidícue. Ja biruímona, Juzíñamui onóñegano illa izói, mai omoi ñeno iri. Iaiói taino comeci úrilla uai daína izói ífirediaíói. ¹⁸ Iaiói comeci úrilla uai onóñeno jíifomo fiébicaíaiói. Juzíñamui comuítaga comue illafue afémacimo ñede, mei íaiói comeci rírenamona ja abina onóñedimacina jáidiaíoiza. ¹⁹ Ja íaiói comeci meáfuenta lloñediaíói. Iemo nana íaífuiaí illa dinó, áfemo aillo gáinafuedo iere jeire otíaiói. ²⁰ Mei íadi afe daií, Cristo llófueñegaomoi. ²¹ Mei ñibai, uáfuenta Cristo illafue omoi cacana mei, íemo ite uafue uai dibénedo afémiedo llófuegaomoi. ²² Ie jira nauí omoi fiénide illafue dibénedo izire ómoína dáitícue: Afe nanómoma ómoímo itífuaiaí, mai zabide iníroi oni dúíñua izói omoi meídori. Afe nauí ómoímo itífuaiaí jaca ómoína fiéni finode; mei omoi fiénide gáinafuiaí jífuegaomóiza. ²³ Mei jiáifodo biruí cómuena méidoredíomoi; nana omoi comeci óiacanafuaiaí méidorede. Nana omoi ifoci úrillafuaína méidoredíomoi. ²⁴ Afe llezica comue comeci itífuaiaí, comue iníroi jíitaja izói, mai jeire omoi oíri. Afe comue itífue Juzíñamui illa izói Juzíñamui comuide. Iemo aféfuena jeire omoi úamona, omoi uáfuenta íaidonide ñue illafue otíomoi. Daje izói afe omoi comue comécimo itífuaiaí omoi úamona, ñue jaícina jóide illáfuedo jáitíomoi.

²⁵ Iemona táinofuaiaí lloñeno iri. Mai jiáifodo illa dígamie conímamo uáfuenta úriri, mei nana cai dáaziena daje abímo jaináidicaíza. Afe abi Cristo ie.

²⁶ Omoi ícíríbicaiadi, afe ícírífue ana fiénidífue mo ómoína uitátañeno iri. Daje izói daaruí náaruido are ícíríñeno iri. Raíre féitari. ²⁷ Due jiza omoi comécina Taífe illáimaille mo “Jíi” daiíñeno omoi iri.

²⁸ Nauí meríriraíma baíródimie díga, mai abído meríríñeno iri. Mei jiáifodo zefuíruíñeno táijizairi. Iemo ñue táijiferenamona o táijina íba óitío; áfedo o jíitaille ráaniaí íbaitío. O íba mei, ua dúeredímacimo íaiói jíitaille raa íaióimo fecáredío.

29 Fiénide uáillaido íaire úriñeno iri. Mei jiáifodo ñuera uáillaido úrifireiri. Cacádinona comeci náiretalle uaido omoi úrifireiri, íaiõina ñue ézicitalle uai diga. ³⁰ Daje izói Juziñamui Ñuera Joreñona zúuretañeno iri; mei afémie ómoimo illado, jae Juziñamui íeiena mamécaomoi. Ua biruímona Juziñamui illánomo ñue jaícina ómoina jíllotalliruimo, afe Ñuera Joreñodo Juziñamui íena ñue mamécaomoi.

31 Nana comécimo ite éoinafuiaina oni mai omoi féitari, nana riífuiái diga. Daje izói nana icířillamona comuide riire úřillafuiái lloñeno iri, naa jiáie báířuafuiáiri. Nana illa diga fiénidifuiái niné féitari.

32 Iemo jiáifodo, illa dígamie jiáimiemo dúecaillano comeci mánaidimiena iri. Cristo íena omoi íllamona, Juziñamui omoi fiénidifuiái ibana oñede. Afena féitateza. Afémie féitaja izói, afe izói illa dígamie jiáima finoca fiénidifuenta omoi féitafireiri.

5

Juziñamui úruiaí izói cai íllena Pablo caimo llote

¹ Juziñamui izíruiga úruiaí omoi íllamona, mai afémie illa izói omoi iri. ² Cristo caina izíruilla izói jiáimana omoi izíruifireiri. Mei jii, caina ie izíruillamona Cristo cai jiáinona fecácámie. Afémie Juziñamui íóbitallena titada fia fecaca rille izóidimie. Aferi Juziñamui íóbide. (Afémie dibénemo afefue ñue ziórede uguci izoide.) Mai afe izói conímana omoi izíruillado Juziñamuina omoi íóbitari.

³ Ja bie omoi Juziñamuimo jaináidíomoiza, mai ómoimona ninó dáamie áinina llezica jiáie ringona jetáñeno iri. Daje izói nana jiáie íaifuiaina finóñeno iri. Jaca jiáie cómemo ite ráaniaimo úradoiñeno iri. ⁴ Íairede méaifuiaina bumó lloñeno iri. Daje izói táinodo úřillafuiáido úriñeno iri. Iemo jiáimamo fiénide llagüeroilla uaina oréñeno iri. Mei bie izóidifuiái Juziñamui úruiaimo íeñedeza. Mei jiáifodo Juziñamuina iere figura omoi daiřireri. ⁵ Jae cue lloga ima ringomo finoca fiénidifue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jiáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoifiredimie jamai jánaraí íóbitadimie izoide.) Ja onódiomoiza bie izoide fiénidifuiái fínuana fibídimie, Cristo Juziñamui diga illáimana illíruimo jaináinide. ⁶ Jiáimana taino uáillaido omoi jífueñeno iri. Mei afe bie fiénidifuiái fínuamona, nana ie uaina cacáacañedinona, Juziñamui iere duere fínoiteza. ⁷ Iemona, bie izói ite comini diga omoi nabáiriñeno iri.

⁸ Naui nai omoi ñnoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri. ⁹ Cai Ocuíraima Jesucristo egáñote raa izoide. Iemona cai comécina ñúeitete. Iemo ua uaido caina úritade. Daje izói cai jaícina ñue illifue comúitate. ¹⁰ Cai Ocuíraima ñue íóbitallifueña, mai iere omoi onóicairi. ¹¹ Báinino macádino finoca táinofue dibénemo ññoeno omoi iri. Mei jáífodo afe báinino íaiói finócafueña uáfomo omoi cíotari. ¹² (Mei íadi afémaci báinino finócafuiái izói cai úriadi, caina meáiruitaite. Ie jira benomo rabedo jino ómoimo llóñeiticue.) ¹³ Mei íadi nana íaiói illafue jino uáfodo cíotamona, afe fiénidifuiái iere íáirenana nana comíni ónoitiaíoi, mei Cristo egáñua úzefo, nana comínimo ua comécimo itífuiaína jino cíotate. ¹⁴ Ie jira bie izói daina:

Índioza, mai cazí.

Tíidinomona mai náidacairi.

Iemona Cristo ie úzefomo ñue mácaitimíena ona jáitaite, daide.

¹⁵ Mei íemona, nágarui omoi illáfuemo izire comeci omoi facáoiri. Naga fiénidifuiáimona abí omoi rairuirí. Abina onóñedino izói omoi ññoeno iri, mei jáífodo ñúefueña baitádinona omoi iri. ¹⁶ Biruido aillo fiénidifue íteza, o illafue táinomo fáifitañoeno iri; ñúefuiái omoi finófireiri. ¹⁷ Táinodo úritino izói ññoeno iri. Cai Ocuíraima comeci jítainafueña ñue omoi baitáoicairi. ¹⁸ Jifáñeno iri. Mei, afe jifáillafue come comécina aillo íaifuemo ana uitátate. Mei jáífodo Ñuera Joreño abí omoi úicaitari. ¹⁹ Illa dígamie jáímamo Juzíñamui uáillaído caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúaníai omoi roíri. Daí omoi rúado cai Ocuíraimana iere íóbitaitíomoi za. ²⁰ Illa dígaruillaí cai Ocuíraima Jesucristo mámecido Moo Juzíñamuina naga ráaniaíri figora omoi daífireiri.

Crístomo ñnotinona cai íllamona Pablo cai jofo eromo cai illafue llote

²¹ Illa dígamie jáíima anamo caimare omoi iri, mei Juzíñamui daí cai ocuúdeza.

²² Cai Ocuíraima anamo cai itábicailla izói, naga ringo ie ini anamo itábicairede. ²³ Mei naga ringo ie ini ocuífiriga, íemo jáí ie ini ñue úíñogaza. Afe izói nana Crístomo ñnotino, Cristo ocuícíaiíoi; daje izói Cristo ñue úíñogaiaíoi. Afémie afémaci illaíma. Daje izói afémie íaiói Jíllotaitímie. Afémiemo ñnotino íemo dájena jaináinamona, ja ie izóidiaíoi; ja dáamiede abí izóidiaíoi. ²⁴ Iemona Crístomo dájena jaináidinona afémie anamo illa izói, naga ínrede ringo ie ini anamo írede.

²⁵ Cristo íemo jaináidinona izíruilla izói, mai naga ñima ie aina izírui. Crístomo jaináidinomo Cristo ie abina fecade. ²⁶ Afémie daí ie abi fecade ñue íeiena íaioi íllena. Daje llezica afémie íaioimo ite íaífuiaí jáinoimo jococa muilla izói, ie uaido íaioina muiñode. ²⁷ Cristo daí caina muiñode ñuera nífuenidinona ie uíecomo cai cíocaizaillena. Uafue, nana mallizai izói abimo comuídena duano ebire eroide, lliríñede abi ígoína caina finode. Jaca due jiza fiénidífueña fiéñede. Nana íaioína íeiena iere ñue finode. ²⁸ Afe izói naga ñima dama ie abina izíruilla izói, ie aina izíruirede. Ie aina izíruiñime dama ie abina izírui. ²⁹ Bu jaca dama ie abina éoiñede. Mei jáífodo cai abina ñue ecádicai, ñue úiñotícaí. Afe izói Cristo íemo dájena jaináidinona ñue rairuide. ³⁰ Mei afémaci dama íeieza; ja daa ie abi izóidiaioi. Cai bie afe abimo jaináidicai. ³¹ Bífuiamona Juzíñamui daína izói, dámie ie moo, ie ei díga, fáicanocaillano, ie ai díga dájemo jaináicaite. Jáinaicaillano, daade come abi izói itíaiillinoi. ³² Bie daade come abi izói íficaillafue, jáíamona áillue báinide rafue. Mei íadi afefue Crístomo dúide; daje izói íemo dájena jaináidinomo dúite, daidicue. ³³ Mei íadi daje llezica ómoimona illa dígamie omoi abina izíruilla izói omoi aina izírui, daíacaidicue. Iemo naga inírede ringo ie inina ñue jacíruiredeza, daidicue.

6

¹ Uruiaí, omoi cacai. Crístomo íinotíndíomoiiza, o moo uai jeire omoi olle iere jítáirede, mei afe bifue Juzíñamuimo jáicina jóideza. ² Bie lletara uai llua mei, Juzíñamui dáanomo ñue cai illífue llote. Daí nana ie lletara uáimona dama búaido Juzíñamui cai ñue illífue llote. Afe llétaja uai bie izói daide: “O moo, o ei díga, ñue jacírui, ³ áfede caimare o íllena, daje izói bie éniemo are o íllena.”

⁴ Ja úruiaíredino, mai omoi cácarei. O úruiaína comécina ríicaitañeno iri. Mei jáífodo ríire llétaja uaido ñue íaioína llófuefíreiri. Daí íaioína ñue omoi móonaitari, cai Ocuíraima Jesumo ñue íaioi ínollena.

⁵ Ocuífiregano, mai omoi cacai. Bíníemo ite omoi ocuídímie dáinana ñue jeire omoi oíri. Cristo ocuíllamo o táijina izói o táijitatímiemo ráairuíñeno ñue táijíri. Afémie ocuíllana ñue jacírui. O táijitatímie uaina níbéfodo oñeno iri. ⁶ O ocuídímie eroille llezica ñue táijíri, daje izói afémie íñena llezica náamonaze ñue táijíri. Dama ocuídímie eroille llezica, íocire táijidímiéna íñeno iri. Afe izoide táijide come jamai come íóbitade. Afe izói íñeno jáífodo omoi iri. Cristo táijitagano izói, Juzíñamui comeci jítáinafuena izire omoi finori, afémie omoi íóbitallena. ⁷ Comeci ñue jítaina izói caimare omoi

táijiri. Jamai come íena táijiñeno, cai monamo ite Ocuíraima íena ñue omoi táijiri. ⁸ Mei ja onódiomoiza, illa dígamie ie ñue táijifirenado cai monamo ite Ocuíraimamona ñúfuenta jirídoite. Rairuícamié, ráiruifégamié diga dájerize nano íaioi táijinaze jirídoite.

⁹ Ocuífredino, mai daje izói omoi táijitaganomo ñue dúcaifireiri. Afémacina fieni omoi jácidoñeno iri. Daade cai Ocuíraima anamo nana dájena itícaiza, omoi úibicairi. O táijitagano monamo ite Ocuíraima anamo illa izói, o jái daje Ocuíraima anamo itio. Afémie da cómena eneno maméñedeza. Illa dígamie dájerize mamede. Aféuemo omoi úibicafireiri.

Jesumo ñnotino comeci náireitalle abi ríidua uai Pablo llote

¹⁰ Mei ámatiai, cai Ocuíraima Crísto ite ríinodo benómona mai riire omoi iri. Cai Ocuíraima Jesumo omoi jaináinamona riire abí omoi mameri. Mei, afémie jamánomo ríiredeza. ¹¹ Juzíñamui lloga abi ríidua uai, ñue jeire omoi oíri, naa ie ñuera ézicigafuiari. Mei jii, dáarie comíni abi ríidollena ñue fuiríllena llojécuiroi jítádiaioi. Afe íaioi jita izói, nana Juzíñamui cai ríidua uai, mai jeire omoi oíri. Afe uaido Taife jífuia uaina uáitarediomoi. ¹² Jamai abina mairide come diga fuiríñedicaí. Mei jáífodo fiénide jóriaí diga fuirídicaí. Afémaci caífo cai acónimo táífodo macádiaioi. Afe cai diga fuirífirede jóriaí nana bíniemo ite jítífodo jaide fiénidímacina fieni ocuíoide. Bínie comínina “Cáiediomoi” daíioicaidiaioi, mei “Omoi náamadicaí” daíífrediaioi. ¹³ Ie jira Juzíñamui lloga abi ríidua uáillaído abí omoi rairuiri. Afe bie uaido jobáirillaruiño ñue abina ríidoitiomoi. Daí abina ríidotiomoiiza are ñue ríinoredinona íitiomoi. ¹⁴ Ie jira riire omoi iri. Fuiríraima ciraigi ífe riire tirínua izói jizíñeno ñue ie fuiríllena, afe izói Juzíñamui lloga ua rafue jeire omoi oíri. Daje izói ñue jáicina omoi íllado nágarui ñue abí omoi ríidofireiri. Afe bie omoi jáicina illa-fue, fuiríraima jogobe ríidollena jítaca llojeco izoide. ¹⁵ Afe fuiríraima fuirízailla llezica ie ídaí ico riire maiga izói, áfedo riire ie naidáillena, afe izói Juzíñamui comécina jacíruíñeno uai jeire omoi oíri. Afedo abina riire mámano, fiénidífuenta ómoína anáfenoñeiteza. ¹⁶ Iemo illa dígaruillaído Juzíñamui omoi ñnogafuena féitañeno iri, mei áfedo Taife caimo mameca fiénidífuiaina oni caitárediomoi. Omoi ñnogafue jae fuiríraima abi ríidollena úífírega llojeco finoina escudo izoide. ¹⁷ Iemo Juzíñamui lloga jíllona uai jeire omoi oíri, mei aféuai, ífo ríidollena jítáfirega ífo ico llojeco izoide. Iemo nana Juzíñamui uáillaína mai jeire omoi oíri, mei afe Juzíñamui uai, Ñuera

Joreño ómoimo fecaca fuirira llojébici izóideza. ¹⁸ Nana bie cue ocuícafuiái, mai Juzíñamuimo jícano finori. Jaca Ñuera Joreñodo izire Juzíñamuimo omoi jicáfireiri. Bie izói omoi íllena, nana bífuiái na fáicanocaiñeno ñue abí omoi rairuíoicairi. Daje llezica nana Juzíñamuimo jaináidinomo Juzíñamuimo omoi jicáfireiri. ¹⁹ Daje izói jíái cuemo jicáfireiri; náiraimo cue úria, Juzíñamui cue uai nabáilleza. Iemo jacíruiñeno íocire íaioimo cue úrillena, Juzíñamuimo omoi jicari, nauí báinino lloga jíllona uai jino comínimo cue fidítallena. ²⁰ Bie ñuera uaido comínimo úrillena Juzíñamui orécamedicue. Afe uai ícoínia, ja birui llavécamedicue. Iemo, bífuedo ñuera llúájitímie izói jacíruiñeno naire cue úrillena, mai Juzíñamuimo omoi jicari.

Jiracaiño uáidua uailái

²¹ Cai izíruiга ama Tíquico, cai Ocuíraima Jesumo tájijnana fáicanocaiñeno canófiredimie. Afémie nana cuemo itífuiái na ómoimo jino llóite, naa jíáie cue finócafuiái diga. ²² Jira, bímie ómoimo orédicue, cue illafue ómoimo jino llóllena. Iemo jíái áfedo omoi náireficaillena, íena ómoimo orédicue.

²³ Moo Juzíñamui, cai Ocuíraima Jesucristo diga, cai ámatáimo ñue comeci uái illifue ómoína ñue onótaiteza. Daje izói Juzíñamuina ñue omoi izíruiñena jicádicue. Ie jira Juzíñamui omoi ínogafuena aillo móonaitaiteza daídicue, afe bífuiái omoi maiñóllena. ²⁴ Nana cai Ocuíraima Jesucristona féitañeno izíruiñona, Juzíñamui ñue íaioína ézicíteza. Mai; jae ñue. Daií íteza.

FILIPO COMINIMO SAN PABLO ORÉCABE La Carta del Apóstol San Pablo a los Filipenses

Filípomo ite Jesumo ñnotinomo Pablo llavéracomona cuete

¹ Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipino jófuego ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi. ² Cai Moo Juzíñamui ñue ézicigafuego omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

Pablo Jesumo ñnotinori Juzíñamuimo comécido úrite

³ Naga ómoimo cue úbicaifirenaruido, cai Moo Juzíñamuina: “Iere figura” daiífredicue. ⁴ Juzíñamuimo comécido cue úriadi, jaca nana ómoiri caimare jicáfiredicue. ⁵ Mei fueñe tainéinaruimona ua biruimo Juzíñamui ñúfuedo dáafuego naa ómoiri táijifiredicaiza. Afena figura daiífredicue. ⁶ Juzíñamui nauí omoi comécimo ñúfueña déitate. Afe ñúfueña déitallifue tainédime ua Jesucristo billíruimo fáicanocaiñeno déitaoicaité. Afefue taino daiínideza onódicue. ⁷ Mei ómoína iere izíruillano nana ómoiri daií comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamedicue íadi, omoi cúeoiri jeire oga ézicigafue, ñúfue cue llúañillena canode. Iemona cai jílloillifueña comínimo uáfueña ñue fidítaticue. Daje izói bífueña iere nahífueza daiítaticue. Afe izói bie ñúfueña uáitaacadino uíecomo daa bífuedo cai jílloillifuedo jaícina ñue úriticue. ⁸ Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹ Juzíñamuimo comécido cue úrillado ómoiena jicádicue. Dani conímana aillo jamánomo izíruillana jicádicue. Daje izói nana ñue fibíllafue abina omoi onóillifue diga, jicáfiredicue. Ua daií ómoiena jicádicue, ñúfueiaí omoi níziana omoi fibíllena. ¹⁰ Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona íitiomoi. ¹¹ Daií Jesucristo omoi illáfueña mámeite. Ua ria llizilla jofu uáina izói, ómoína mámeite. Ua aillo ñue finócafuiái

omoi illáfue mo Jesucristo mámeite. Afedo Juziñamuimo ñúefue ebíredifue diga nítaitiomoí.

Cristo jítainafue cue fínuamona cue comeci ifue ráifide

¹² Amatiai, omoi cácarei, cuemo zúdifuiaina omoi fidítaiticue. Aféfuiai Juziñamui cai jíllo talliuai jino llúana nahí uáfue na canode. ¹³ Benomo cue llavéinamona, nana nahíllaima jofo abi úiñoraini, ñúefuedo cue llavéinana onódiaioi; ua Cristo ñúefue jeire cue úamona ja llavécamedicueza, áfena nana onódiaioi. ¹⁴ Llavécacuenta íaioi cionamona, ja nana ínnote ámatiaimona nabémaci iere náicaidiaioi, Juziñamui uai jino llóllena. Ua meáiruñeno uáfori jino llotíaioi. Daje izói cue llavéinamona cai Ocuíraimamo jamánomo ínnotiaioi.

¹⁵ Uáfue na dámerie cuemo úradóllano Crístodo úritiaioi. Afémaci énenoruillano cue baimo jamánomoidimiena íacadiaioi; mei íadi jíaimiaf comeci ñúefuedo jino llotíaioi. ¹⁶ Dáarie daní íaioi comeci óiacanafuiaido Crístona jíáifo úritiaioi. Cue llavébillafue baimo jamánomo raamo cuena jíiritaiacadiaioi. ¹⁷ Mei jíaimaci cuena izíruillano Juziñamui ñúefue jino llotíaioi, mei nai benó llavéracomo cue íllana onódiaioi. Ua Juziñamui jíllloilliuai cue uáitañena jira llavécacueza onódiaioiza. ¹⁸ Mei íadi ¿cúemona níbai? Dáarie jáicina Crístodo úritiaioi; jíaimaci Crístodo jíízireoicana úritiaioi. Mei daje ábiedo Crístodo íaioi úriadi, cuena jaca íóbitade.

Afe cue íóbillu baimo jamánomo nai íóbioicaiticue. ¹⁹ Mei nana bífuiaimona nífuenino záitícueza onódicue. Ua cueri Juziñamuimo comécido omoi úrillado ñue jíllloiticue. Daje izói Jesucristo Joreño cue cánuado ñue jino jáitícue. ²⁰ Jesucristodo meáiruñeno cue úrillena cue comeci jítaillafue. Afe daje bífue mo iere ocuírídicue. Birui cue illáfuedo jíaimaci Crístomo aillo ñúefue nitádiaioi. Afe bie nita baimo, nai jamánomo íaioi nitállena jítaídícue. Nibai cáaiticue, nibai tíitícue dama mei áfena lloñédicue. Dama Jesucristomo ñúefuiaina nita daídícue. ²¹ Nai tíiñeno cue jáicaiadi, Cristo comeci jítainafue cue fínuana jamánomo naga raa baimo gáidícue. Iemona nai cue cáanafue ñuera; íemo jíái cue tülle jamánomo baimo ñuera. ²² Mei íadi bie cue abido nai cue caana llezica, cai Ocuíraima comeci jítainafue bíniemo jino denóllena táijifireitícue. Meita bie mena cuemo itífuemona nífue nizeda óitícueza onóñedicue. ²³ Nai feire jánaideza, bie ménafuedemona nífue óitícue. Aféfuena ñue cue onóille féirede. Mei jíáfodo caifo Cristo diné cue jáillena tíiacadícue; bie izóidifue cúemona jamánomo ñuera. ²⁴ Mei íadi jíáie izói omoi cígido bie caana abido cue jáicallena, ómoiena iere jítaírede. ²⁵ Mei daa bífuena jáicina onódicue; omoi diga nai cue íacallena ñue onódicue. Omoi diga cue íllena jítaírede, omoi

ñue ñnogafue nágarui jeire omoi cue otátallena. Ua ómoiri cue illa jitáirede, jae jeire omoi ua izói afe baimo jeire omoi óllena. Daje izói omoi ñue ñnogafuedo omoi ióbioicallena, omoi cígiri cue ícaillena nai jitáirede. ²⁶ Mei daií nana omoi cígiri ííticue. Afe uire cue bílledo Jesucrístona jamánomo aillo ióbitaiti omoi.

²⁷ Cristo ñúefuaiá úbicaillano, afe izói nágarui omoi illafue ñue jaícina jóoneri. Nibai omoi cue éroizaiadi bifue jeire omoi úamona, omoi illa ñúefuena fidíacadicue. Daje izói ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziena caimare omoi jaináillana onóiacadicue. Daje izói jilloilliuaimona lloga ñnogauaimo izire omoi níciduana fidíacadicue. ²⁸ Daje izói omoi bacáuai ímíiaina due omoi jácicaiñenana cuemo omoi lloiri, daidicue. Afe omoi jácicaiñenafue, niné íaiói táinocaillifuena uáfodo jino llotátate. Mei íadi daje llezica omoi jilloillifuena uáfodo jino llote. Bie omoi onóitainafue Juzíñamui dibénemona bite. ²⁹ Mena rafue Juzíñamui ómoimo mamede. Nánorafue daide:

Cristo uaina iere jeire órediomoiza.

Nane jáífue daide:

Cristo ñúefue jeire omoi ua méifomo, afémie ícoiri duere ze-fuífiredi omoi.

³⁰ Cue naa ómoiri daje fuirilla izóidifuemo iticai. Naui cue fuirídímie izói íllana ciódi omoi. Ja birui fuirídímie izói, nai cue jáicana ráfuena onódiomoiza.

2

Cristo jamánomo uáitagamiena jaide ie méifomo Juzíñamui jamánomo ñue ébifue íemo nitade

¹ Ja birui Cristo ómoína nácaitarede. Afémie ómoína izíruillano, comeci zúurenamona omoi comécina cáimacaitarede. Ie Ñuera Joreño omoi diga ite. Conímana izíruillafue dúecaillafue diga afe dibénemo ití omoi. Nana bífuaiaina omoi onónamona, mai cue omoi ióbitari. ² Ua caimare ñue omoi illífuado cuena ióbitari. Afe izói daje izíruillafuemo omoi jaináinamona cuena ióbitari. Afe mei dájemo comeci jitáinafue jeire omoi úado cuena omoi ióbitari. Afe emódomo dáafuemo omoi comécinado cuena omoi cáimacaitari. ³ Dani omoi comeci jitailla izói mamériñeno iri. Fia abi ñnuafuedo nífuena lloñoeno iri. Mei íadi comeci mánainafuedo omoi mamériri. Omoimona illa dígamierie omoi aino cómena o baimo comécina ñuera, omoi daiífireiri. ⁴ Dani omoi ñue illáfueña jenóñoeno iri. Mei íadi nana jáíimaci ñue illáfueña omoi jenori.

⁵ Cristo Jesús comeci mámia izói, dájemo comeci omoi mameri. ⁶ Nano fueñe ie illa llezica afémie daa Juzíñamui izoide. Juzíñamui izói ie illa ríino afémiemo ite. Mei íadi ie fiénocaiga ríinona “Raíre meine cue olli” daiñede. ⁷ Mei íadi afémie Juzíñamui izoína llezica afe íemo ite ríinona oni eneno fiénocaide. Fiénocaillanona jiba iima jéicia izói Cristo jéiciga. Daií ie jéicinamona fia jamai táijitagamie bie éniedo jáicana izói jáicade. ⁸ Jamai cómena ie illa llezica jamánomo comécina mánaidimiena abí mamede. Daií mámiano ie Moo Juzíñamui daináuai jeire uano dama tíizaide. Ua aillo meáire cruzmo tíizaide. ⁹ Ie jira Juzíñamui jamánomo aillo ñúefue íemo nitade. Ua áfemona nana jáie mámeciai baimo jalléidicina Juzíñamui íemo jítade. ¹⁰ Daií bie mámecina Juzíñamui íemo jítade, nana comini ie anamo dújuillena. Ua afe Jesús dainácina íaioi cacánamona nana monamo itínuiái, bie éniemo itínuiái, daje izói énie anamo itínuiái cañícido ie anamo dújuitiaioi. ¹¹ Daií dújuillano nana comini comécido íena ónuano, Jesucrístona nahí Ocuíraimana dáitiaioi. Daií dainado Moo Juzíñamuimo ñúefue nítaitiaioi.

Crístomo jaináidino bínie egáñnotino izóidiaioi

¹² Mei jira, cue izíruiga ámatiai, nauí omoi cígiri cue illa llezica jaca ómoimo cue llogáuaina jeire otíomoi. Ja birui ómoimona jica itícuemo, nauí omoi úana izói, afe baimo aillo jeire omoi oíri. Dani omoi jíllonafuemo comécina mánaidimie izói jacíruioicana áfemo omoi comécioiri. Aféfuena nana comínimo ñue jino omoi denóoicairi. ¹³ Mei Juzíñamui afe ñuera comeci óiacanafuiaí ómoimo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuiaí jino denóllena.

¹⁴ Bífuiái jino omoi denolle llezica nana omoi jetácafuiái fienuíriño omoi finori. Daje izói áfena júfidoño omoi finori. ¹⁵ Iemona bie izói omoi iri ninena jáímaci ómoimo íaifue jóoneñeillena. Daií nífuenino omoi iri, áfemona íaífuenidínona omoi ílleza. Mei daií omoi íllamona, comécina íaífue mo féitate figóñede comini cígiri, Juzíñamui úruiaína mamélliomoiza. Iaioi cígiri, ucudu caifona bie jítirede énie egáñnua izói, ie izói comini comeci jítirenana egáñnoitíomoi. ¹⁶ Afe egáñnuado zíñona cáataite uai íaioimo jino llóitíomoi. Daií Cristo billíruimo ómoiri meáidaiño caimare abí íñoitícue. Daje izói omoi ñue illáfuedo nauí ómoiri iere cue táijinafue táinomo jifánofiñenana onódícue. ¹⁷ Nauí ñúefuena omoi ínuaruimo dani omoi illáfueña Juzíñamuimo llotíomoi. Birui nai omoi

ñinogafue ñue jaícina cue jóoniamona, nibai benó cue tíadi, áferi cáimacaiticue. Afe llezica omoi cánuaibiga ióbillaferi ióbidicue. ¹⁸ Daje izói caimare omoi iri; cue cáimacailla dibéfuemo jeire omoi oíri.

Timoteo Epafrodito diga Filipos comínimo oréillifue

¹⁹ Cai Ocuíraima Jesús comeci óiacania, Timotéona omoi eróizaitaiticue. Omoi illafue afémie abido cuemo lluáibiadi, iere áferi cáimacaiticue. ²⁰ Cue comeci faca izói, comeci facade jiáie cómena ññede. Dama Timoteo cue izói comeci úrilla. Dama afémie omoi ñue illífuemo uáfueña comeci facáoifrede. ²¹ Nana jiáimaci dani íaiói comeci jítainafue jenódiaioi. Cristo Jesús dibéfuena lloñédiaioi. ²² Afémie cuemo ráifinafuena náganuiamo jino ciótagaza onódiomoi. Ñúfue jino cue llócaillado afémie cue diga, jító izói jáicaide. Ua moo ie jító diga táijicana izói cue diga táijicaide. ²³ Cuemo ite itífuiai jino déllana ñue cue onóadi, bie Timotéona omoi méiñOtaacadicue. ²⁴ Cai Ocuíraima ñue ñnoticue. Iemona nibai ómoína raire dama eróizaibíticue.

²⁵ Daje izói cúemona uáfodo jóideza, cue ama Epafrodito omoi cígimo jáirena. Afémie cue táijinana nabáifiredimie. Daje izói fuirilla izói cue llócaigafue nabáifiredimie. Mei íadi nauí cue jitaica raamo táijillena omoi cuemo orécamie, abido ómoimo orédicue. ²⁶ Mei afémie nana ómoína izire cióacade. Ie irárenana omoi fidínamona afémie comeci iere járिताide. ²⁷ Uáfueña iere irárede; tíllanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaíñedeza; mei jiái daje izói cuemo dúecaide. Ua Juzíñamui cuemo dúecaide, cuemo ite zúufuiai baímo jiáie aillo comeci zúufuiai cuemo bíñeillena. ²⁸ Iemona íena iere oréacadicue, raire afémiemo omoi érocaillano iere omoi ióbicaillena, cue zúucaillafue raire niné féilleza. ²⁹ Bie Epafrodítone mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíai caimare jacíruioicana íaioimo mai omoi cacáreiri. ³⁰ Ua afémie Crístone táijnafuedo tíllanomo figo dúcide. Dama ie cáanafue jacíredífuemo afémie jóonete cuena canóllena. Ua omoi bíninamona afémie cue cánuaibillena iere jamánomo nícidote.

3

Uáfueña Juzíñamui ióbilla cai ñue jaícina illafue

¹ Cue ámatiai, mai cai Ocuíraima omoi ióbioicairi. Cue cuezafue meine ómoimo cue llole cuena áfedua izói ññeite, mei íadi ómoína iere ñue canode. ² Íáiruiga jiba jico izói fiénidífuemo itímacimona abí omoi rairuiri. Omoi bacano

icoi quetátafirediaioi. ³ Cai bie ua quetácamacinaza. Cai bie cai joréñodo Juzíñamui ióbillamacidicai. Fia jínofenemo cioide raana ñnoñedicai. Cristo Jesús íeiena cai íllari caimátaidinodicai. ⁴ Bífuiaimo aillo cue ñnoregafuiiai ite íadi, áfena lloñédicue. Cue baimo buna aféfuiaimo ñnonide. ⁵ Cue jocóinamona ocho dígarui íllamona cue bacano icoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jitódicue. Judíuiai ocuífue jino cue dobáíñuamona cue bie fariséodicue. ⁶ Jacire ocuíoídimie izóí Crístomo jaináidino fállena íaioina racádicue. Judíuiai ocuífue lloga ñue jaícina illafue dibéfuemo, jaca nífuenidimiedicue. Bu úaitañegamiedicue. ⁷ Mei íadi nana bie nauí cúemona aillo ráifidífuiaina, ja birui aféfuiaina Cristo ícoínia náfuñedicue. Ua aféfuiaina jamai ráifíñedífuiiai izóí áfemo comécíidicue. ⁸ Afe baimo aillo jíáífue comécíidicue. Cue Ocuíraima Jesucrístona cue onóillifue, nana cuemo itífuiiai baimo aillo ráifide. Iemona cuemo itífuiaina féitaticue. Cristo ícoínia naga cuemo itífuiaina cue féitaga. Ua aféfuiaina oni dotáacaiga raa izóí comécíidicue, afe íbana Cristo cue náamatallena. ⁹ Daje izóí cue afémiemo jaináiacadícue. Ocuícafuena cue ñnuamona ñue illáfue llinotícue. Mei íadi afe ñue illáfuedo Crístomo jáinaiñeíticue. Jesumo ñnotinomo Juzíñamui iga nahí ñue illáfuedo Crístomo jáinaiticue. ¹⁰ Cue comeci jítainafue Cristo cue onóillena. Daje izóí ie tíllanomona meine abido cáatate ríinona, “Cuemo iri,” daidicue. Afémie duere zefuilla izóí duere zefuíacadícue. Afe daí íe tíllaruimo íe illa izóí ííticue. ¹¹ Afemona tídinuiai meine cáallífue ocuírídicue.

Cristo fueñe cue ocuilla izóí cue jáillena, fúirilla izóí izire nícidocana uiticue

¹² Ja nana afe bie mamérillafue oticue daíñedicue. Daje izóí comeci jaícina ñue jóidimiedicue daíñedicue. Mei íadi Cristo fueñe cue ocuilla izóí íacadícue. Ie jira nágarui aféuaimo nícidocana uiticue, afémie cuena daina izóí cue jáillena. ¹³ Cue ámatiai, bífuiaimo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfuea féitaticue. Afe llezica nahí como cuemo déioicaiticue mo ríire comécíidicue. ¹⁴ Aizídino raíre mózizailla izóíidino dúciacadícue. Juzíñamui monámona cuena uáidote. Crístomo cue jáinainamona afe jíridolle raana máíñoíticue.

¹⁵ Cáimona nana ñnogafuedo ñue mónaitino, mai bie izóí cai comécíoilli. Jíáfodo omoí comécíiadi, Juzíñamui áfena

ómoina fidítaite. ¹⁶ Mei íadi bifue mai cai náfuelli: cai onóigafue izói mai ñue cai illi. Daje izói ñue jaícina mai cai comécioilli.

¹⁷ Cue ámatiai, naui omoi cigiri cue íllana ciódiomoiza, afe izói omoi iri. Omoimo cue ciotagafue jeire otínomo izire comeci omoi facáoiri. ¹⁸ Ja aillo Cristo tíllafuena uáitatino íteza. Iemona diga icaiño afémacido ómoimo lloticue. Nane zuure éebicaillano dáanomo ómoimo llóiticue. Afémacimona abí omoi rairuiri. ¹⁹ Bie izói itino íraíruiimo niné táinocaitiaioi. Dani íaioi abi jitáinafuaiaina daidíaiioi:

—Bie cue juzíñamui, —daidíaiioi. Meáirede raana meáiruiñediaioi. Mei íadi áfedo abí ínotiaioi. Fia bie énie ífuego comécidiaioi. ²⁰ Mei íadi cai nana caifo mona imácidicai. Cai nana, cai jíllotade Ocuíraima Jesucristo monámona bíllemo úiñoticaí. ²¹ Cai zíiññede abina afémie méiduaibite, afémie ie abi ebire cioina izói cai íllena. Afémiemo ite ríinodo naga raana náamatade. Iemona afe daje íemo ite ríinodo cai abi ífuena méidoite.

4

Jaca cai Ocuíraimamo caimátaioicairi

¹ Cue izíruiaga ámatiai, mei ómoina iere cióiacadicue. Omoi cue íobioinamacidiomoi. Iemo cue jíridolle raa izóidiomoi. Ua cue izíruiagamacidiomoiza; mai cai Ocuíraimamo jaícina ríire omoi comécioiri.

² Evódiana mámeciredingo íemo Síntique diga, izire jicadicue, dáafuego ómingo coméciri. Mei cai Ocuíraimamo jaináinamona ebúñona maméidiomíngoza. ³ Daje izói jíámiemo úriticue. O, cue táijinado jaca ñue cuena nabáidio. Ua cue íinoga nábaidio. Jira bie cai miríngotiaina o canótaiticue. Mei afe íaínguai cúeoiri afe jíllona uai cue llócinado nícidocaidiaínguai. Bíaínguai, Clemente diga naa jíámiemoi cúeoiri táijicadiaioi. Nana afémaci mámecei ja Juzíñamui zíiñona illino óitino mámecei cúeinanico como cuela.

⁴ Nágaruillaido cai Ocuíraimamo mai omoi caimátaioicairi. Nane dáanomo daidicue, mai caimátaioicairi. ⁵ Omoi comeci mánaina naga cómemo, mai ciotaitiomoiza. Cai Ocuíraima billíruimo ánozideza. Cai áinori íteza.

⁶ Omoi comeci nífuego jaritaitaño iri, mei jíáfodo naga ómoimo comuídfuiaiaina Juzíñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Íere figura” mai omoi daífireri. ⁷ Ie mei Juzíñamui comeci caimare uái illafue ómoimo íteza. Bie comeci uái illafue comini onoiga táinofue baimo ñuera. Afe caimare uái illafue omoi comécina ñue ráiruite. Daje izói omoi comeci

jarire úrillafuena ñue manánaitaite. Mei Cristo Jesumo daane jáinaitiomoiza.

Ñúefuiai mo comeci omoi facáoiri

⁸ Cue ámatiai, íraicaiño omoi llóiticue. Nana nahí uáfuiamo omoi coméciiri. Daje izói nahí caimare jacíruiogafuiamo omoi comécioiri. Daje izói nana jáicina illáfuiamo omoi coméciiri. Afe izói nana íainidifuiamo omoi coméciiri. Daje izói nana íobillafuiamo omoi coméciiri. Daje izói nana caimare jalléinafuemo omoi comeci uibíoiri. Nana bie ñúefuiai mo comécioiri. Daje izói nana ñúefuena nitáfíreganomo afémacimo omoi uibíoiri.

⁹ Omoi cue llófuia izói mai omoi iri; ómoimo cue lloga lletárafuiamo mai omoi íinori. Cue dánana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfírede Juzíñamui omoi diga ífíreite.

Filipo imaci fia fecaca raa Páblomo orédiaioi

¹⁰ Meine nane cuemo omoi coméciillari cai Ocuíraimado íere íobidicue. “¿Ñibái mei cuena féitatiomo?” Ómoína daííacañedicue. Cue omoi canóacana raa átiitimie íñédeza, onódicue. ¹¹ Cue ráaninari ómoína fiene uacaiñedicue; cuemo íte raari cue íobillana ja fibídicue. ¹² Duere cue íllana fibídicue. Daje izói aillo cue jítaica ráaniai íllana fibídicue. Ní fue cuemo comuíadi, afe izóidí fue cue ocuállana ja fibídicue. Nibai jeíredicue, nibai jufíruiticue; afe izói caimare cue íllana fibídicue. Güiga alla cuemo íadi, mei cuemo íñeniadi daje izói ñuera. ¹³ Naga cuemo eróicana comuide raana ocuíredicue; mei Cristo cuena ríiduado ocuíredicue. ¹⁴ Mei íadi cue dúerena llezica cuemo omoi dúecaillamona, cue omoi cánua ñuera. Diga ícaíño duere cue finóinari omoi zúunailla cuena nácaítade.

¹⁵ Omoi Filipos ímacídiomoiza, daje izói bífuena onódiomoí. Nano fueñe jíllona uai cue llócaína llezica, daade cue canófiredinodiomoí. Ua Macedóniamona oní jáinomo cue jailla llezica daade cue canode Jesumo ínotinodiomoí. Fia fecaca ráaniai cuemo oréfirediomoí. Afemona comínimo cue feca izói, íemo íaioimona cue llínua izói, afe dájemo naa ómoiri táíjidinodícaí. ¹⁶ Nai Tesalónícomo cue illa llezica, omoi diga ícaíño, fia fecáfíreiga ráaniaína cue jítaicaniaína cuemo orédiomoí. ¹⁷ Fia ráaniaína cue llínoiacanamo coméciñedicue; mei íadi cue comeci jítaillafue, Juzíñamui uíécomo ómoimo aillo íi, daídí fue. Iemona daí aillo omoi ofítaga raana uire maíñóritiomoí. Afemo coméciidí fue. ¹⁸ Mei nana jae cue llínoga. Afena cue jítaica ráaniai baímo ja llínotí fue. Epafrodítodo cuemo omoi oreca ráaniai figo baite.

Baïmo cue jítáïllena iñede; ja aillo íteza. Cuemo fia omoï oreca ráaniaï iere Juzíñamuina íóbitade. Daií cuena omoï cánuado, Juzíñamui comeci jítaina finódiomoi. Aferi Juzíñamui íóbicaillano afémie áfena jeire ote. ¹⁹ Cue ínoga Juzíñamui nana omoï jitaica raana ómoïmo fécaite, mei nana Cristo Jesús ebire comuítaga ráaniaï Juzíñamuimo dúideza. Ie jira íemo aillo ite ráaniaï izói, afe izói ómoïmo fécaite. ²⁰ Mei ñuera ebíredifue cai Moo Juzíñamuimo jaca íoicaideza. Daiítadeza.

Iraicaiño uáidonocaïllafue

²¹ Cue dibénedo nana Juzíñamuimo jaináidino Jesucristo mámecido omoï uáidori. Cue diga ite cai ámatiaï ómoïmo uai orédiaïoi. ²² Nana benomo ite Juzíñamuimo jaináidino daje izói uai ómoïmo orédiaïoi. Romano nahíllaïma jofomo itino iere ómoïna izire uáidoiacadiaïoi.

²³ Cai Ocuíraïma Jesucristo nana ómoïna ñue éziciiteza. Mai daiítadeza; jae ñie.

COLOSAS IMÁCIMO SAN PABLO

ORÉCABE

La Carta del Apóstol San Pablo a los Colosenses

Pablo Colósamo ite Juzíñamuimo ñnotinomo cuete

¹ Cue Páblodicue. Iemo cue nabai Timoteo diga ómoína uáidotícoco. Juzíñamui comeci jítaina izói Jesucristo orécamedicue. Afe orécamedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ² Colosas jófuemo ite féitaño ñnofiredre ámatiaimo bibe cuetícoco. Omoi daje izói Crístomo jaináidiomoi. Cai Moo Juzíñamui ómoimo caimare erócaiteza. Afe llezica Juzíñamui dibénemo icíriño uái illifue Juzíñamui ómoimo fécaiteza.

Pablo Jesumo ñnotinona Juzíñamuimo úrite

³ Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífredicoco. ⁴ Mei Cristo Jesumo omoi ñnuana cócona ja fidítatiaioiza. Daje izói Juzíñamuimo jaináidinona omoi izíruillana cócomo llotíaioi. ⁵ Afe bie izói itíomoi, mei monamo ómoimo éenoga maiñolle raamo ñue ocuíritiomoi. Afe ómoimo lloga ua uai omoi cacánamona, ñue ocuíritagaomoi. Afe lloga ua uai ñuera jílona uai. ⁶ Afe daje lloga uai náganuiaimo llócaillado oni aillo móonaioicaide. Ua, ríganiai llizilla izói, iere jebuide. Mei daje izói afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷ Cai izíruiga ama Epafras bie ñuera uai ómoimo llófuete. Afémie nauti cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitaño iere ñnofiredimieza. ⁸ Afémie Ñuera Joreño ómoimo comuitaga cuena omoi izíruillafue cuemo lluíbite.

⁹ Jira áfena cai fidínaruimona biruimo jaca fáicanocaiño ómoiena Juzíñamuimo úrifredicoco. Juzíñamui comeci jítainana ñue omoi onóillena afémiemo jicáfiredicoco. Daje izói nana jáiforie ifoci úrillana omoi onótallena jicádícoco, naa Juzíñamui dibénedo onóigafuiai. ¹⁰ Afe bíemona cai Ocuíraima Jesumo jaináidino illa izói, ñue írediomoi. Mei afe izói omoi ille jítáiredeza. Daií omoi íllamona afémiena nágarui íobitaitiomoi.

Afe afémie íóbilla raa be ñie: Riga llizíllajiai aillo illa izói, omoi finoca ñúefuiaina aillo omoi jebuítallena; íemo jíái Juzíñamuina jamánomo ñue omoi onóillena. ¹¹ Daje izói nana cai ebírede Juzíñamuimo ite ñuera ríinodo omoi ñue náireillena afémiemo jíacíredicoco. Dai jíacíredicoco nana ómoimo cómuitífuiaina járitaiñeno fáicana omoi ocuíoillena. Daje izói caimare aféfuiaina omoi ocuíoillena ómoiena jíacídicoco. ¹² Nane dai omoi comeci náireillamona caimare cai Moo Juzíñamuina “Iere figura” omoi daiífireillena jíacídicue. Mei nana afémiemo dúidinomo ie fecalle zíñona illífue ómoiena batí Juzíñamui illa úzeredinomo omoi maiñóllena, afémie ómoína ñue finódeza. ¹³ Mei uáfueza, Taife ocuífírega jíitíomona Juzíñamui caina jíllotate. Jílluano ie izíruiiga Jitó illáimana illánomo caina jóonete. ¹⁴ Mei afémie Jitó tíllado, caimo ite íaífuiai féitajano, Juzíñamui caina jíllotateza.

Cristo tíllado Juzíñamui diga ícíriñeno dájena uái itícai

¹⁵ Afe bie cai Moo Juzíñamui jaca cíóñenamie íadi, comini cíonamie izói ie Jitodo ana bite; íemona afe Jitó Juzíñamui ñie ua izóidena caina onótate, naa ie comeci ífuiairi. Afe Jitó nana comútaga ráaniai baimo jamánomoidímie. ¹⁶ Juzíñamui ie Jitodo nana monamo itínuiaina finótate, naa éniemo itínuiari. Cíoide ráaniai naa cíóñena raa diga, nana afémiedo Juzíñamui finoca. Mei uáfueza, daa fiéñeno, nana afe cai cíóñena ríinoredinona naa ocuídillainiri, íemo jíái Juzíñamui abi imaci diga, dáamiedo finócaiaíoi. Nana afe ie Jitodo finoca. Daje izói afémie íena finoca. ¹⁷ Mei afe Cristo nana ráaniai nai íñenia afémie jaca iteza. Daje izói dáamiedo nana ie finoca ráaniai oni féiraiñeno ñue jaícina itíaiíoi. ¹⁸ Afe baimo Cristo nana afémiemo jaináidino afe ífo dainámie. Iemo nane afémiemo íinotino ie abi dainámaci. Afémie afe bie ie abi daina íinotinona zíñona cáatatímie, mei afémie tíidinomona fueñe meine cáadimienaza. Afémie daií fueñe meine cáadimiena jaide, nana itífuiai baimo jamánomoidímiena íllena. ¹⁹ Nana Juzíñamui zíñona illa izói, nana afe izói Cristo íllena Juzíñamui jitaide. ²⁰ Nane daje izói afe Cristo tíllado, Juzíñamui nana afémie comútaganuiaina ícírafuenino dájena caimare uái illífuemo jóoneacade. Mei uáfueza, nana biniemo itífuiai naa comini diga, íemo jíái nana monamo itínuiari, Cristo cruzmo tíllado Juzíñamui éoiñeno dájena caimare uái itátaacade.

²¹ Naui diga íaífuiai omoi fínuamona Juzíñamuimona iere jícanemaci izóidíomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga

ómoina icírafuenino dájena uái illífuemo jóonete. ²² Cristo tíizalla lezica ie abi izi cácanado, Juziñamui daií ómoína caimare dájena uái illífuemo jóonete. Afémie bie izói finode, íaifuenidinona, daje izói níifuenidinona afémie uícomo cai ie jóoneillena. Uáfueza, afémie bie izói finode íeiena cai íllena. ²³ Bie izói uáfueña omoi íllena, fáicanocaiñeno jaca íñoredíomoi. Afe izói amena ana jica jainade riire illa izói, riire írediomoi. Daje lezica ñuera jíllona uaina omoi cacánamona omoi maiñoca caimare ocuírillafuena fáinocainidiomoi. Afe bie ñuera jíllona uai ja nágagobiaído llócaiga. Iemo afe izói afe llócaigamo cue jíái canódicue, mei afe uai llócaillena Juziñamui jóonenocaigaeza.

Pablo Jesumo ínotino cánoitimiena jóonega

²⁴ Birui omoi ícoínia duere cue zefuállari íóbidicue. Mei áfedo Cristo abi daina afémiemo ínotinori nana uícodo lloga nai duere cue zefuállana ñue ícoímo fuitáredicue. ²⁵ Mei omoi ñue íllena Juziñamui cuemo jóonenocaigafuedo nana afémiemo ínotino cánoitimiena jáidicue. Mei uáfueza, Juziñamui nana comínina llóicaiga uai, afe uai jino cue llúana ícoímo fuitállena jóonenocaigacue. ²⁶ Afe bie ñuera uai jaiái ninómona ua biruimo comini figo onóñediaioi; diga ígímaíai záilla méifomo afe uai nai retáiruiga raa izói joide. Mei íadi ja biruimo íeiedinomo ja jino báifitate. ²⁷ Juziñamui ja judíoñedinomo afe bie nauí báinino íte uai ñuera áíllue cámafueña jino ómoímo onótaiacade. Bie báinide uai daina, Cristo ómoímo illa llote. Iemo íco jíáíruido ñue caimare omoi illífuemo omoi ocuírillena afémie jino dénoite.

²⁸ Cai bie Crístona jino uáfodo lloticai. Afe lezica nana comínina ñue rairuídicai. Daje izói nana ñúefuiai ñue íaioi onóíllena afémacina nana llófiredicai. Afe izói naga come Crístomo dájena jaináillamona afémie dibénedo ñue íaioi móonaillena llófiredicue. ²⁹ Bie cue fuitállena, nana Cristo cuemo iga máiriedo fúirienaila izói nágarui Juziñamuimo izire jicáfiredicue.

2

¹ Mei bífuena ómoína fidítaacadicue. Jaca ómoiena iere fuirilla izói Juziñamuimo riire jicáfiredicue; daje izói Laodicea jófuemo itino íena, íemo jíái nana cue uíecona cíóñedino íena riire jicáfiredicue. ² Afémaci comeci náireillena fuirilla izói Juziñamuimo riire jicáfiredicue. Iemo afe comeci náireillamona conímana ñue íaioi izíruillena riire níciduano jicáfiredicue. Mei daií dájena omoi jainaina jira, bie nauí figo báitañega uai Cristo omoi ínua mei, omoi diga íllana

ñue jaícina onórediomoiza. Afe daií uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jii, nana bie riire nícidotícue, figo ónoñega Juzíñamui ñuera uaina ñue omoi onóillena; mei afe báíñega Juzíñamui uai daina dama Crístoza. ³ Mei uáfueza, nana comeci jamánomo úrillafuiai naa onóigafuiai afémiemo ite. ⁴ Bu ómoína ebírede uáillaido bífueñeillena, nana bífuiai ómoimo llóitícue. ⁵ Cue abi omoi cígiri iñede íadi, benómona jicana izire ómoimo comécíidícue. Iemona daií cue fídía izói dájena caimare omoi íllari íóbidícue. Daje izói fáicanocaiñeno Crístomo omoi ínuari íóbidícue.

⁶ Jae cai Ocuífírede Jesucrístomo ñue omoi ínuamona ie lloga iodo jáirediomoí. ⁷ Afe bie daiíacade, amena riire jáinaja izói, Crístomo riire jáináirediomoí. Iemo jáí daje llezica jáinónide jáíllirai izói omoi íllena, nágarui Cristo uallai jeire omoi ua baimo jamánomo jeire ófíreiri. Mei afe izói llófuegaomoiza. Iemo afe llezica nágarui Juzíñamuina “Iere figura” mai omoi daiífíreiri.

Crístomo cai jáináinamona cai comeci cómuena méidoga

⁸ Mei birui ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaíoi lloga taino uáillaimo jífuebiñeno iri. Mei afémaci Cristo dibénemo íñédiaíoi. Mei jáíáfodo jáiai ninomo comíni lloga taino uai dibénemo jáináidiaíoi. Daje izói dama bíníe raa dibénedo comíni comécíillafuiaímo jáináidiaíoi.

⁹ Mei íadi nana Juzíñamui zííñona ñue illa dieze, afe izói Crístomo nana ñue jaícina ite. ¹⁰ Iemona Crístomo dájena omoi jáináinamona, Juzíñamuina oruide comíni izóidiomoí. Afe Cristo nana monamo ite ocuídíllainína, naa cai cíóñena ríinoredinona ocuífírede. ¹¹ Iemo nane daje izói Crístomo dájena omoi jáináinamona ja bacano ícoi quetácano izóidiomoí. Mei íadi ua quétañegaomoí, mei jáíáfodo nanómona omoi jocoína llezica ómoimo ite íaífueмона ja jíllodiomoí. Mei ua, bacano ícoi quétaja izói, omoi fíenídífuemona quetaca izói jíllodiomoí. Afe bie quetáfírena Crístomona comuíde. ¹² Iemo nane jáífuemo cacáreiri. Mei omoi báutizanamona Cristo éniemo ana raía izói ja raigáomoí. Bie nanómona omoi fíeni finócafuiái titaca izói, ja fáicanocaitíomoiza. Iemo Juzíñamuimo ite áillue ríinomo omoi ínuamona Cristo izói cómomíena afémie díga ja cáadímácina itíomoí; mei Juzíñamui dama íemo ite ríinodo Cristo tíide meine cáatateza. ¹³ Naui jáíruido ómoimo ite íaífuiáimona comeci díne tíidino izóidiomoí. Daje izói quetáañena judíuáíñedino omoi illa llezica, omoi fíenide

óiacanafue jeire omoi úamona, comeci dine ónonino tíidino izóidíomoi. Mei íadi birui Juzíñamui nana omoi fiénidífuiaí féitajano, dájena Cristo diga ómoína abido cáatate. ¹⁴ Caimo ite íaifue íballe raa izoide. Afe cai íbañenia tíiredicai. Mei íadi Cristo tíillado Juzíñamui cai íbácana záitate. Afe cai íbácana Juzíñamui fiébiñeno ñue íbaja Cristo cruzmo coráiado ácatate. ¹⁵ Mei afe llezica Cristo cruzmo tíillado, monamo ite ocuídillainina, naa cióñena ríinoredinona afémie ríinitade. Afémie uáfori íaioi illáiena báiruado, nana afémaci baímo ie jamánomoidimie íllana ácatate.

Monamo ite ñúefuiaiina omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fiéni ómoína úriadi, áfemo náfueñeno mai omoi iri. Iemo jíái dáarie judíuai lloga ráfuiaímo eneno omoi comécíñenado, ninó dáamie omoi jánana júfidoiadi, áfemo mai náfueñeno omoi iri. ¹⁷ Mei nana bífuiaí, uire Cristo billifue dibénedo comíni ñue onóillena canódeza. Mei íadi Cristo bíllamona afe cai onótatífuiaí jítaiñega, mei dama Crístomo nana uafue raa báífideza. ¹⁸ Iemona ninó dáamie ómoína fiéniruiadi, mei afémie táinona mánaidimiena íllana ómoímo ácatateza, áfemo náfueñeno omoi iri. Daje izói afémaci diga Juzíñamui abí imaci ómoína íóbitafireiadi, áfemo náfueñeno omoi iri. Mei afémaci ónoñega nícai anado ciófirena raado úrifirediaíoiza. Afémaci jiba come comeci fácafuiado abí iere íinofirediaíoi. ¹⁹ Afémaci Crístomo dájena jaináíñeno itíaioi. Mei jíáifodo Cristo nana íemo ínotino ífódimie. Afe ífo izói mamécamie nana íe abí écaja izói comécina náiretajamona afe abina móonaitade. Afe izói nana íe abímo jaináidino conímamo dájena jaináitajamona, íe abina móonaitade. Afémie Juzíñamui mamérilla izói nana bífuiaí ocuífiredé.

²⁰ Mei Cristo tíillaruímo afémie diga tíidino izói jáidíomoi; bie daííacade nanómona omoi fiéni finócafuiatí títaca izói omoi fáicanocaigaza. Afe llezica bie énie ocuífiredé cai cióñena ríinoredinomona zuitácamací izói jáidíomoiiza. Iemona ¿níbái mei náí bíníemo dúidino izói ífiredíomoi? ¿Níbái mei íe ocuífafuemo jeire otíomoi? ²¹ Dáarie bie íaioi ocuica fímaírilla uáimona bie izói daíde: “Bie ríñeno iri,” íemo jíái “Afeniaína güíñeno iri,” íemo nane jíái “Baie jetáñeno iri,” daíde. ²² Nana bie rairuíllafuiaí bie éníemo ite jétamona fúioicaite güílleniaímo dúide. Jira aféfuiaímo náfuenidíomoiiza. Nana afe íaioi ocuica uailíai íia jiba comíni daína uailíai. Daje izói íia jiba comíni llófuega. ²³ Mei uáfueza, afe bífuiaí báítafuiaí izói cacáreide, mei afe ocuídino, “Bie cai daína izói monamo itínona maí omoi caímátaífireiri” daíí daídíaíoiza. Daje izói íia comíni

daina comécina mánaidinona ómoína oréacadaiaioi. Iemo jiái comini íaioi abi táinona duere zefuítatiaioi. Mei íadi nana bie íaioi ocuícáfuiái cai comécimo ite fiénide óiacanafuiái rairuillena canóñede.

3

¹ Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juziñamui nabézimona illáimana iteza. ² Daje izói mona dibénemo ite raamo comécillano áfemo omoi járitaifireiri. Mei jiáifodo bíniemo ite ráfuiáimo izire comeci uitáñeno omoi iri. ³ Mei Cristo tillaruimo afémie diga jae tíidinona jáidiomoi. Jae omoi jaiái fieni finóacagafue titaca izói afe omoi fáicanocaiga. Iemo ja birui Crístomo dájena omoi jaináinamona omoi uáfuenta cáatagano; iemo jiái Juziñamui dinomo rairuícáomoi, mei Cristo daje izói Juziñamuimo dájena jaináideza. ⁴ Dama Cristo cai uáfuenta cáatagano. Iemo afémie cíocaille llezica, afémie diga cíocaitiomoi. Afe llezica aféniemo ite jamánomo ebirede ñúefuiáimona ómoiena máíñoitiomoi.

Cai jaiái illafue méiduano cómfuedo jáiredicái

⁵ Ie jira nauí bie éniemo omoi jainaina jira, ómoimo diga fieni óiacanafuiái ite. Aféfuíái titalle izói mai omoi fáicanocairi. Naga áinidimie ringo diga jaca iñeno o iri. Iemo jiái, áiredimie ie áíñedingo diga jaca iñeno o iri. Iemo daje izói jiáie cómemo íaifuiáido comécíñeno omoi iri, iemo jiái omoi abímona comuide jiruífuenta omoi finóñeno iri. Daje izói omoi comeci fieni óiacanafuenta jeire oñeno omoi iri. Iemo nane jiáie cómemo úradoiñeno omoi iri, mei úradoifiredimie diga raa óiacanamona jánaráimo caimátaidimie izóideza; Juziñamui ífuíái báimo jamái bínie raana izíruíteza. ⁶ Ie jira nana bífuíáimona iemo cacáñedinona Juziñamui iere duere finófirede. ⁷ Iemo jaiái Crístomo omoi íñoñena llezica, nana bie izóidífuíái finófirediomoi. ⁸ Mei íadi ja birui nana bie fáicanocairi: Jiáimamo icíriñeno omoi iri, iemo riírede uailái bumó lloñeno omoi iri. Daje izói jiáie fiénidífuíái finóñeno omoi iri. Iemo jiáima jánana úriñeno omoi iri. Daje izói jiáima zanóllena fiénide uáillaído iaire úriñeno omoi iri. ⁹ Conímamo táinona lloñeno omoi iri, mei omoi jaiái fieni illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja birui comue iniroi jita izói ñue illáfuena ja méidotíomoi. Iemo afe comue illafue comuítatimie Juziñamui. Ie jira ie illa izói afémie caina cómuena finótacana uite. Iemona afémiena ñue ícoimo ónoiticaí. ¹¹ Afe jira afe cómomaci judío ímiéna ie íllana náfuenidiaioi. Iemo jiái judíoñediména ie íllana daje

izói náfuendiaioi. Iemo jiái afémaci bacano quetácamiena ie illana náfuendiaioi; daje izói quétañegamiena náfuendiaioi. Afe izói afémaci onínemaci illana, íemo jiái onóñedino illana, íemo jiái izire ocuífregano illana, íemo jiái ócuifnigano illana náfuendiaioi. Mei jiáifodo afémacimo Cristo iere jamánomo ráifinamona dama afémiemo náfufrediaioi. Mei Cristo naga íemo ínotinomo ífiredeza.

¹² Iemona bífuemo cácarei: Juziñamui ómoína izíruite. Izíruillano afémie ómoína nizede ie íaifuenide comínina omoi illena. Mei ie jira bie ñúefuiai izói omoi ífireiri: Jiáimacimo dúcaífireiri. Jeruíneno canófredimiena omoi iri. Comécina mánaidimiena omoi iri, cáimafuiaido úrifireiri, járidoñoeno omoi iri. ¹³ Conímamo jaca járidoñoeno fíaicana omoi canori. Daa come jiámamo icíriadi afémiemo ñúefuedo omoi jicari, áfedo icírafue záillena. Omoi íaifue ícoinia Cristo oni féitaja izói, afe izói jiáimie omo fieni finóadi afe ícoinia oni o féitafireiri. ¹⁴ Nana bífuiai emódomo iere omoi izíruifireiri. Mei afe izíruillafue cómena dájena jaináitateza, jiáimaci diga. Afe daí jiáimacina cai izíruillamona, nana afe ñúefuiai jaícina caina finótate. ¹⁵ Iemona Cristo comuítaga caimare uái illafue omoi ifoci úrillana ífoiteza. Mei dáamací izói íemo cai jaináinamona afe bie izói cai illena Juziñamui caina uáidoteza. Afe llezica jaca Juziñamuina “Figora” omoi daífireiri.

¹⁶ Mai mei nana omoi comécido Cristo daináuai jeire órediomoiiza. Afe mei aféuai ñue omoi onónamona conímama omoi llófuerei. Iemo daje llezica áfedo conímama ñue onóicana comécina omoi náretari. Iemo jiái Juziñamui íóbitalliruai omoi rófireiri, jiáie íena caimátailliruai diga. Daí ruano omoi comécido Juziñamuina “Figora” omoi daífireiri. ¹⁷ Mei jii, nana omoi jetácaga raa, íemo jiái ómoimo ocuica caimánidifue diga, naa omoi daíillifuiairi cai Ocuíraima Jesús mámecido omoi finófireiri. Afe llezica Moo Juziñamuina afémiedo “Figora” omoi daífireiri.

Crístomo ínotinomo dúide comini diga finófirega uai

¹⁸ Daje izói bie jiái lllólfuemo omoi cácarei. Iníredingotiai, mai omoi inítiai anamo ñue ífireiri, mei Crístomo ínotinguaína omoi illa jira, afefue ínoredeza. ¹⁹ Daje izói inítiai omoi áitaiña ñue izíruiri; afénguaina fiéniruiñoeno omoi iri. ²⁰ Uruiai, omoi móotiaína nágafuemo omoi cacáreiri, mei afe daí omoi illamona cai Ocuíraima íóbide. ²¹ Móotiai, omoi úruiaína ícidoñoeno omoi iri, afémaci jacinaillamona minícana finónide daí íaioi íñeillena. ²² Ocuífregano, bíniemo ite omoi ocuínona nágafuiaiño ñue omoi cacáreiri. Daa afémaci ñue ómoimo comécillena afémaci fia eroína llezica ñue

cacáreiño, mei íadi jiái daje izói afémaci éroiñena llezica ñuera comécido omoi cacáreiri, mei Juziñamuina ñúefuedo jacíruiticaiza. ²³ Daje izói nana omoi finóacaiga raa, ñúefuedo finori. Comini dibénedo izói táijiñeno, Juziñamuimo o táijina izói omoi finori. ²⁴ Mei ja onódiomoiza, Juziñamui ómoimo lloga omoi jirídolle ziiñona illifue afémie ómoimo fécaiteza. Mei uáfueza Cristo ocuícamacina maméidiomoiza. Afémie omoi ua Ocuíraima. ²⁵ Mei íadi fiendi finódimie afe ibana ie fiendi finua dieze duere finóbite. Mei Juziñamui jaca dáamie oni énenorie maméñede. Nana daje dieze jaícina duere fínoite.

4

¹ Ocuíraini, omoi anamo ite ocuífíreganomo ñue jaícina omoi eroiri. Afémaci jitaica raamo uibíoicana omoi ocuífíreiri. Mei monamo omoi Ocuíraima ítena onórediomoiza.

² Mai fáicaiño Juziñamuimo omoi úrífíreiri. Jaca afémiemo cáoaina izói úriri. Afe llezica “Figora” Juziñamuina omoi daiífíreiri. ³ Daje izói cáiena Juziñamuimo omoi jicáfíreiri, cai Ocuíraima uaillai ñue cai llócaillena. Juziñamui bie izói caina itátallena omoi jicari. Daje izói nauí comini figo ónoñega Cristo dibénedo uai, uáfori cue llófuellena omoi jicari, mei daií llófuereedicueza. Nauí afefue cue llua jira ja birui llavébidicue. ⁴ Mai omoi Juziñamuimo jicari, bie ñúefue cuemo dúina izói, onóreoicana jino cue llóllena.

⁵ Crístomo íinoñedino cígimo jaca ñue onódimie izói omoi ífíreiri. Nágarui Cristo illafue afémacimo raire omoi ácatafíreiri. ⁶ Nágarui cáimafuaido úriredio. Daje izói jaca ñue oíacanado o úriri, illa dígamie uai ñue o óllena.

Iraicaiño uáiduafue

⁷ Cai izíruiga ama Tíquico, cuemo birui itifue ómoimo llujíte. Afémie fáicanocaiño iere cue canófredimie. Daje izói afémie cai Ocuíraima cue diga ocuífíregamiena ite. ⁸ Ie jira afémiena ómoimo óreiticue, birui cai illafue ómoína onótallena; íemo jiái omoi comeci náiretallena. ⁹ Afe llezica jaímie Onésimo mámeciredimie Tíquico diga jáite. Afémie cai izíruiga ama, íemo jiái iere ínofíregamie. Afémie ómoimaci ie. Afe íaillinoi nana benomo ífíredifuiái ómoimo llóitiaillinoi.

¹⁰ Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jaíie lluáfuiái ja onódiomoiza. Afémie omoi méiñuaiadi, caimare íena omoi uáidori. ¹¹ Iemo jiái Jesús ómoína uáidote. Afémie jiái Jústona mámeciredimie. Juziñamui illaíma illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹² Iemo jiái Epafras uaillai

ómoimo orede. Afémie ómoimaci ie. Daje izói Cristo ocuífíregamie. Afémie ómoiena jaca izire Juzíñamuimo jicáfírede, fáicanocaiño Juzíñamuimo omoi ñnollena. Daje izói Juzíñamui dibénedo ñue omoi móonaillena íemo jiái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfírede. ¹³ Afémie iere ómoimo comécíillana uaina nabáífiredicue. Daje izói afémie jiái Laodicea jofue comínimo iere comécíífirede, naa Hierápolis jofue comíniri. ¹⁴ Iemo jiái izíruiiga manóriraima Lucas uai orede, daje izói Demas.

¹⁵ Iemo jiái Laodicea jófuemo ite ámatiai uáidori. Daje izói Ninfas dainámie omoi uáidori, naa ie jofomo gairífirede ñnotino diga. ¹⁶ Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori. ¹⁷ Jiái Arquípomo lloiri: “Mai cacai, Juzíñamui omo jóonega ie táijina mai ñue jaícina o fuitari,” daiíri.

¹⁸ Cue Páblodicue. Afena uafue daiíllena, bie uáidua uai dama cue ónoído ómoimo cueticue. Onóitíomoiiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daiítadeza. Jae ñie.

NANOIDE SAN PABLO TESALONICA IMÁCIMO ORÉCABE

Primera Carta del Apóstol San Pablo a los Tesalonicenses

Tesalónicamo ite ñnotimacimo Pablo ie nabáññiari rabe cuetiaioi

¹ Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafuemo caimare omoi iri. Daje izói Juzíñamui fecaca comeci ñue uái illáfuemo omoi iri. Afe izói ie jító cai Ocuíraima Jesucristo comeci ñue uái illáfuemo omoi iri.

Tesalónica imaci íaioi Jesumo ñnuafue ñue jino ácatatiaioi

² Nana ómoiri Juzíñamuina “Figora” daiñfiredicai. Daje lezica Juzíñamuimo cai úrillamo nana ómoina uibíoidicai. ³ Cai Moo Juzíñamui uíécomo ómoina uibíoidicai, jamánomo ñnuafuedo omoi táijina jira. Afe lezica aillo izíruillafuedo comínina canócana táijifirediomoi. Ie emódomo cai Ocuíraimamo omoi úiñuafue jaca fáicanocaiñediomoi. ⁴ Cai ámatiai, Juzíñamui ómoina izíruite. Afe Juzíñamui nizécamacidiomoi za onódicai. ⁵ Meita nauí jíllonafue ómoimo cai lluaíbillaruido aféfuena fia daina uáillaido lloñédicai, mei íadi Ñuera Joreño ríinodo lloticai. Daje izói afefue uáfueña ñue cue onóigamona áfena uai jizíñeno jino ómoimo lloticai. Omoi cígido cai ñue illáfuena, áfedo omoi comeci ñúeillena onódiomoi.

⁶ Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe lezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi. ⁷ Iemona ñuera illafue jino cíotatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi. ⁸ Mei jira Ocuíraima Jesucristo llogáuai ómoimona nana Macedóniamo énie Acaya énie diga jica jalleide. Ie mei afe baímo Juzíñamuimo omoi ñnogafue jae náganíaimo jica jalleide. Ie jira jae cai jíáifodo daiññifue iñede. ⁹ Mei afeno imaci omoi ñue caina llínuafue llotiaioi. Ie emódomo jánaraimo omoi ñnuafue fáicanocai llano caade Juzíñamuimo omoi ñnollena llotiaioi. Afe ua caade

Juziñamui omoi como fueñe táijinafuedo úritiaioi. ¹⁰ Ie baimo tñillanomona Juziñamui cáataga Jitó, monámona meine bíllena ie omoi úiñuafue llotiaioi. Afe meine abido cáataga Jesús, cai jllotaraima; ua uire biite cai iere duere finóllifuemona, afémie caina jllotaite.

2

Pablo Tesalónicamo táijinafue

¹ Amatiai, nauí ómoído cue illafue fia táinomo baiñede, dani áfena ñue onódiomoiza. ² Afe cue billa uícodo Filipos jofue comini caina báñota duere caina finódiaioi. Mei íadi Juziñamui cai cánuamona afe ñue jllonafue uáfodo jacíruiñeno ómoímo jino lloticue, jiáimaci caina uáitaoidiaioi íadi. Afena onódiomoí. ³ Cai comeci jífueinamona ómoímo cai llogáfuiái lloñédicai. Daje izói fiēni ómoína maméñedicai. Daje izói ómoína jífueacañedicai. ⁴ Ómoímo cai llogafue jiáifodo joide. Cai figomiellena Juziñamui facátagamacidicai. Nue jllonafue uai Juziñamui ómoímo caina llotátate. Mei jira daí ómoímo jino lloticai. Comini baimo Juziñamuina ióbitadicai, afémie cai comeci ífuiái eroille jira. ⁵ Ebírede uáillaído ómoína fia bífueñedicai. Afena onódiomoiza. Iemo fia úcube cai óllena táinofuiaina lloñédicai. Juziñamui bífueimo uai nabáiraimana afefue uáfuellena. ⁶ Comínina ñúefuiaina caimo nitátañedicai. Mei íadi omoi onódiomoiza; daje izói jiáimaci onode, cai Cristo orécamacidicai. Afemona ocuilla riino caimo ite, omoi cai ocuíllena. Aféfuemo ómoína izire cacáreitaredicai. Mei íadi afe izói ómoína ocuíñedicai. ⁷ Jiáifodo ómoína iciñeno fiaicana omoi cígimo llófueticai. Ua úrue ei úruiaí comuítaja úiñua izói, ómoína dúecaillano izíruiticai. ⁸ Ómoína jamánomo izíruiticai. Iemona Juziñamui lloga ñúefue ómoímo llóllena ñue ja finóbidicai. Afe baimo nana cai comeci ífuiái ómoímo fecáacadicai, ómoína iere cai izíruiillamona. ⁹ Amatiai, nauí cai jitaica raa cai óllena izire cai táijina, uibídiomoí. Ua daí riire cai níciduana áfemo uibíoidiomoí. Mona naio diga táijifiredicai ómoímona bu abina jafue fínoñeillena. Mei afe llezica Juziñamui lloga ñuera uai ómoímo jino lloticai. Afe uaina jai ínotimacidiomoí.

¹⁰ Jaca omoi uíécomo íaifuenino macádicai. Daje izói buna jífueñeno macádicai. Nana omoi Juziñamui diga áfemo uai nabáifirediomoí. Daí buna caimo nífuena nitánidiaioi. ¹¹ Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai. ¹² Juziñamui íeiena omoi maméinamona omoi jaícina nágarui

ñue macállifue jítáirede. Afefue nauí ómoimo ocuídícue. Juzíñamui ie náamataganona jíríte ie illáimana illánomo omoi jáillena, afe llezica Juzíñamui ebírenafuena omoi onóillena.

¹³ Bífueri iere Juzíñamuina “Figora” daiífiredícai. Cáimona omoi cacana Juzíñamui uai dibénedo, “Afe uai jiba come uai” daiíñediomoi. Mei íadi aféuai illa izóí, dama Juzíñamui nahí uai jeire otíomoi. Afe Juzíñamui uai ja omoi ínotino comécimo ñúefuina déioicaide. ¹⁴ Amatíai, cácarei. Omoi comínimona duere omoi finóbiadi, jae judéamo ite Juzíñamuimo gairídino izóí íficaidiomoi. Afémaci Jesucrístomo daje izóí jaináidiaíoi; mei íadi íaioi éniemo ite judíuaimona daje duere finóinafuemo duere zefuídiaíoi omoi zefuilla izóí. ¹⁵ Afe judíuai duere finódino cai Ocuíraima Jesuna fatíaíoi. Jaiái ninomo dani íaioi Juzíñamui uai jino llóraini fatíaíoi. Afe judíuai dáarie jófuemona caina jino jíúdiaíoi. Afémaci Juzíñamuina íóbitañediaíoi. Daje izóí nana comínina uáitaoidiaíoi. ¹⁶ Mei judíoñedinomo bifue cai llóiacaniadi caina rairuíacadiaíoi. Daje izóí aféfuemona afe judíoñedinomo jíllollena, cai lloi dáíi caina rairuíacadiaíoi. Afe ícoínia íaioi fiénidífuíai aillo ofíoicaide. Mei íadi birui ícoímo aféfuíai ícoínia Juzíñamui íaíoína jamánomo duere finode.

Pablo meine Tesalónica comini eróizaiacade

¹⁷ Amatíai, ómoimona nano nié dino oni jáidícai. Mei conímana cíóñedícai íadi ómoimo comeci facáoídícai. Afe jira izire ómoína cíozaiíbiacadícai. ¹⁸ Omoi illánomo cai jáillena maméritícai. Cue dama díga ícaíño iere jáiacadícue. Mei íadi naga cai jáiacanaruilláido Taífe llótaídogacai. ¹⁹ Mei ie jira ¿Mínica mei cai úíñoígafuena? ¿Mínica cai íóbillafuena? ¿Mínícamona cai caimátaiíafue comuíde? ¿Mínícamona cai comeci zuitáinafue comuíde? Mei cue llófuega Juzíñamui uaina ñue ínotíomoiíza. Ie jira cai Ocuíraima Jesucristo billíruimo dani omoi, daa bie cai comeci íóbillafuena. ²⁰ Uáfueña, omoi cai comeci zuitáinafueña, cai cáimafue díga.

3

¹ Mei jira afe baimo are cue úíñonidícue. Ie jira benó Aténasmo dama cue illífuena maméritícue. ² Afe llezica cai ama Timoteo ómoína eróizaitadícue. Afémie Juzíñamui ñue táíjitagamie. Afémie cai díga Jesucristo ñúefue jino llúamo táíjide. Omoi ínogafuemo ómoína ñue riire naire itátaite. ³ Iemona ómoimona buna baie duere omoi finóinamona omoi ínogafuena féitañede. Mei afe bie zúufuíaíido duere cai finóbille jítáirede. Afena onóíomoiíza. ⁴ Afe emódomo nauí ómoíri cai illa llezica afe duere cai zefuillí fue ómoímo llotícai. Afe daií ómoímo ja íficaide. Ja onóíomoiíza. ⁵ Ie jira áfena ja iere

cue ocuñenamona, omoi ñnogafuedo mácajana jicánotadicue. Mei Taiŕe ómoína fiénidifue mo baiitate izóinamona cue comeci jacíruioides. Daiŕi cai táijina táinomo jifánofide izoide.

⁶ Mei íadi ja birui Timoteo Tesalónicamona meine dúcides. Afémie ñue omoi ñnuafue izíruillafue diga cai lluíbite. Caina izíruillano caimo omoi uibíoinafue Timoteo lluíbite. Ie mei ómoína cai cióacana izói caina iere cióacadiomoi; daiŕi Timoteo caimo lluíbite. ⁷ Iemona aillo duere cai finóinafue illa llezica omoi ñnogafuedo ñue jaícina omoi mácajana fidídides. Aferi cai comeci iere ñue firazite. ⁸ Cai Ocuíraimamo ja birui ñue jaináidíomoi. Afena cai onónamona caimo cómofuena comuide. ⁹ Ua ómoiri iere ióbidicai. Juzíñamui uiécomo caina iere ióbitadiomoi. Afe aillo cáimafueri Juzíñamuina ibana “Iere figura” fáicanocaiñeno daiŕedíca. ¹⁰ Mona naio diga conima uiécomo eróicana ómoimo cai úrilla Juzíñamuimo izire jicádica. Afe llezica omoi ñnogafuemona nai fiévide uai jaícina cai fuitállena Juzíñamuimo jicádica.

¹¹ Omoi cai eróizaillena daa cai Moo Juzíñamui naa cai Ocuíraima Jesucristori cai canóllena jitaídica. ¹² Omoi ñnogafue oni móonaillena cai Ocuíraimamo jicádides. Afe izói conímana omoi izíruillena jicádides; daje izói naa jiaímaciairi. Omoína cai izíruilla izói mai nana jiaímacina omoi izírui. ¹³ Omoi comeci jaícina jónellena jicádides. Daje izói cai Moo Juzíñamui uiécomo omoi nífuenillena ñue finócafue jicádides. Iemona cai Ocuíraima Jesús billíruimo méairuiñeitiomoi. Aféruimo nana íemo jaináidíno afémie diga bené biite.

4

Juzíñamui ióbitade illafue

¹ Cue ámatiai, omoi cácarei. Birui cai Ocuíraima Jesús mámeçido izire ómoimo jicádides. Daje izói izire ómoína llétaitides; nauí ómoimo cai lloga Juzíñamui ióbilla illafue daiŕi omoi iri. Aféfuena afe emódomo aillo omoi móonaitaoicairi.

² Cai Ocuíraima Jesús riífuedo ómoimo lloga llétafuena onódiomoi. ³ Juzíñamui dama ie nabaina finócamacina omoi jáillena afémie jitaide. Ie jira nana omoi jiruíreñeno iri. Dama nahí ai diga illa figura. ⁴ Ua Juzíñamui eróicana áireri. Afengo ua mei íena jámairuiñeno íena o izírui. ⁵ Juzíñamui onóñedíno fia íaioi comeci fiéni óiacanafuedo áirenaza, mei íadi afe izói omoi iñeno iri. ⁶ Daje izói izire ómoína dáitides, o abi come ie áina jífueta bairoñeno o iri. Daje izói o abi come ie inina jífueta meriñeno o iri. Afe bie izói itínona cai Ocuíraima Jesús, afémacina iere duere fínoite, ómoimo cai lua izói. ⁷ Juzíñamui íaífuenidíno nágari cai íllena caina ocuide. Afe daiŕi ie

nabaina finócamacina cai íllena ocuide. ⁸ Ie jira bie llogafue jámairuitimie jiba cómena jámairuiñedeza; mei íadi Juziñamuina jámairuite. Daje Juziñamui ie Ñuera Joreño caimo fecaca. Afe bie Ñuera Joreñodo Juziñamui íeiena caina ñue finode. (Afémie íena ñue finódogacai.)

⁹ Juziñamui ómoína llófuete conímana omoi izíruillena. Ie jira jáie ámatiaína omoi izíruille cue llóllena jitáinide. ¹⁰ Mei jí, afe daí nana Macedonia éniemo ite ámatiaína ñue izíruitiomoi. Mei íadi omoi izíruillafue aillo mónaioicaillena izire jicádicue. ¹¹ Caimare ñue illáfue mo mai riire omoi iri. Daje izói daní omoi nícidogafuiai izire omoi llínori. Naui omoi cai llua izói mai ñue izire omoi táijiri. ¹² Afemona onínemaci omoi uáillaimo ñue cacáritiaioi. Afe llezica omoi ñue táijinamona minícana jítaiñeitiomoi.

Cai Ocuíraima billafue

¹³ Amatiai, tíidino íficaillafuena omoi onóñenana jitáine dicue. Aféfuena omoi fidíadi zúucaíñeitiomoi. Jáie cáaillfue mo comécíñedino zuure jáitiaioi. ¹⁴ Afe Jesús tíillano meine abido cáanafue mo cai ínua izói, afe daje izói Juziñamuimo ínotino tíidiaioi íadi, Jesucristodo Juziñamui íaioi cáatallifue mo ínoticai.

¹⁵ Ie jira cai Ocuíraima cai llófueinafue ómoimo llóiticue. Afémie billíruimo cáimona cáadimaci tíidimacimona uícoficaiñeiticai. ¹⁶ Mei dama cai Ocuíraima riire ocuille uaido úricana monámona ana biite. Afe llezica Juziñamui abimaci illaima uai cácaite. Daje llezica Juziñamui ficírede vudugoi cácaite. Iemona Jesucristomo ínotino tíidimaciano fueñe cáaitiaioi. ¹⁷ Afe mej aféruimo caade ínotino afe cáataga tíidino diga daane úillie cigimo itábicaíticai. Ua dínomo nana dáanomó itábicaíticai, cai Ocuíraima Jesucristo diga caifo táifomo cai cíoizaillena. Afemona cai Ocuíraima diga jaca ua nínomo zííñona íiticaí. ¹⁸ Ie jira bíuaido conímana caimare omoi íirari.

5

¹ Mei íadi afe írairuillaído cue ómoimo cuelle jitáinide. ² Afe afémie billíruina ñue onódiomoiza. Omoi due jiza úiñoilliruimo cai Ocuíraima dúcite onódiomoiza. Ua merírizaíbitimie naio billa izói biite. ³ “Comecí ñue uái illafue nana caimo ite. Cai jacíruillafue íñede,” comini daina llezica niné íaioi táinocaillifue ónonino íaioimo raire zúite. Ua ringo úrue jocóacana llezica ero izirena izói, afe táinocaillifue íaioimo zúite. Afemona jaca buna oni jíllonide.

4 Mei íadi, ámatiai, omoi cácarei. Jítifomo iñédiomoiza, cai Ocuíraima bíllemo jácicañeitiomoiza. Ua, meríriraíma jacínailla izói jácicañeitiomoiza. 5 Mei nana omoi úzefomo jaináidinodíomoi. Daje izói monánemacídíomoi. Naio imáciñedicaí; daje izói jítifo imáciñedicaí. 6 Ie jira jaca ínínidimacídicaí jáímaci ínia izói. Afe jira cai abina ñue onónafuedo cáaoiredicaí. 7 Inídino jaca naio inídiaíoi. Jífaífredino jaca naio jífaífrediaíoi. 8 Mei íadi monánemacína cai íllamona abina ñue cai onónafuedo cai íllana jítáirede. Jesumo cai ínuafuedo abina dani ríidoredicaí. Daje izói jáímmana cai izírui llafuedo abina dani ríidoredicaí. Ua fuíriraíma ie jogóbemo jítaca llojécodo ie abi ríidua izói, afe izói bífuiaído dani cai abina ríidoredicaí. Afe jáífue, cai jílloillemo cai úíñoínafue ua ífomo jítaca ríidua llojeco izoide. Afedo fuíriraíma ie ífona ríidote. 9 Mei cai duere finóbilla Juzíñamui caina maméñede. Mei íadi cai Ocuíraíma Jesucristodo jíllonafuemo cai dúcinana Juzíñamui caina mamede. 10 Jesucristo cairi tíide daane afémie díga cai íllena; ua daje izói cai caadi cai tíiadi, afémie díga iticaí. 11 Ie jira uáillaído conímmana omoi náíretari. Afe izói maí dani omoi comeci rííretari. Ja birui afe bifue omoi finua izói, baímo omoi finóoicairi.

Pablo ámatiai cáimafuedo lletade

12 Amataíai, omoi cígimo Juzíñamui uáillaído táíjídino maí uaimo ñue omoi cacáreiri. Daíí izire jícadícue. Mei afémaci cai Ocuíraíma Jesucristo uai ómoína jeire otátatíaíoi. Jesucristo mámedido ómoína lletádiaíoi. 13 Iaíoi caímo táíjínamona, íaíoi dáínana ñue cai cacáreíllena jítáirede. Daje izói íaíoína cai izírui llena jítáirede. Coníma comécína omoi jacíruiñeno iri.

14 Daje izói, ámatiai, ómoímo jáíie uai jóonenocaidícue: Afe uaíllaí daíí bie izói ite. Táíjiacañedínomo íaíoi táíjilleza ríire omoi lloíri. Comécína náínidinona maí omoi náíretari. Juzíñamui uai como jabo ínotínona maí omoi canori iere íaíoi íínollena. Naga cómemo o comeci járidoñeno maí omoi úriri.

15 Dámie fiení omoi finóadi afe íba úamona abi omoi rairuiri. Mei abído dájeicana jáífodo ñue omoi finori. Conímamo ñue omoi finori. Afe omoi finóllífue izire omoi jenori. Daje izói nana jáímíiaído ñue omoi finori.

16 Jaca caímare omoi iri. 17 Fáínocaiñeno Juzíñamuímo úriri. 18 Nágarui ómoímo íficaíde raana, maí Juzíñamuína “Figora” omoi daííri. Mei Jesucristomo ínotímacína cai íllamona, afe izói cai daíífirenana Juzíñamui óíacade.

19 Juzíñamui Ñuera Joreño cómemo úritallifuena rairuíñeno omoi iri. 20 Juzíñamui úritagamíai llogáfueña jámairuíñeno omoi iri. 21 Nana daináfuiái omoi facátari Juzíñamui llogafue íeniadi onóillena. Facátajamona ñúefuena jeire omoi oíri. 22 Nana figóñedi fuemona mai oni omoi iri.

23 Ja birui Juzíñamuimo jicádicue. Juzíñamui cai comeci ñue uái illafue caimo fecáfiredé. Daje Juzíñamuimo, nana omoi ñue íeiena maméillena íemo jicádicue. Daje izói benómona cai Ocuíraima Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñeno ñue úiñollena jicádicue. 24 Omoi Ocuíraima Jesús dainana jaca oni jíáiuaimo úinide. Afémie nana bífuiaína dúcitaite.

Iraicaiño uáiduano ézicite

25 Amatai, mai Juzíñamuido caimo omoi jicáfíreiri.

26 Ñue cáimaduano nana ámatiai omoi uáidori.

27 Cai Ocuíraima ríifuedo ómoimo uai jóonenocaidicue bie ciegabe nana ámatiaimo jino omoi facádollena.

28 Cai Ocuíraima Jesucristo ómoína ñue ézicíteza. Jae ñie. Mai, daiítadeza.

MÉIFODO SAN PABLO TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ñnotimacimo Pablo ie nabáiñiairi rabe cuetiaoi

¹ Cue Páblodicue. Bie rabe Tesalónica jófuego ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidiomoi. Daje izói cai Ocuíraima Jesucristomo jaináidiomoi. ² Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere finoite

³ Amatiai, ómoiri Juzíñamuina “Iere figura” daiífiredicai. Daií ómoina cai daiíllifue ñue jaícina jóide, omoi ñnogafue oni aillo mónaioicailla jira. Dani conímaiaina jamánomo ñue izíruioicaidiomoi. Iemona áferi Juzíñamuina “Aillo figura” daiífiredicai. ⁴ Ua omoi iere ñnogafue jáie Juzíñamuimo gairídinomo aféfuero ióbioicana úriticai. Jáimaci, Jesumo ñnoñedino, jacire omoi duere finóllena racádiaoi. Mei íadi afe duere omoi zéfuillafue cígiri, ñue comeci jaríreñenafue jino cíotatiomoi naa ñue omoi ñnogafuiairi. ⁵ Ja duere finótagamacidiomoi, mei íadi Juzíñamui ómoimo ñue coméide ie illáimana illíruimo ñue ñífuenino, omoi dúcillena. Bífuemona Juzíñamui jcánuafue ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

⁶ Mei Juzíñamui ñue jaícina finódime, omoi duere finódino ibana duere íaioina finótallena. ⁷ Ua cai izói duere finócamacidiomoi, mei íadi Juzíñamui cai izói ómoina caimare ocózinaitaite. Ua cai Ocuíraima Jesucristo bíniemo cíocaillíruimo, afémie caina caimare ocózinaitaite. Aféruimo afémie ie jamánomo rírede abi imácri monámona cíocaite; ua réciai izoide cígido cíocaitiaoi. ⁸ Juzíñamuina onócañedino Jesucristo íaioina duere finótaibite. Daje izói cai Ocuíraima Jesucristo ñuefuena jeire óiacañedino duere finótaibite. ⁹ Nana

afe fiénidimacina jaca ninomo jilloñoeno duere íaioina finótaite. Ua cai Ocuíraima uíecomona jaca ninomo dótaite. Afémie ebire illánomona jaca ninomo íitiaioi. Ie rínona ónoñeitiaioi. ¹⁰ Aféruído Jesucristomo jaináidino íena “Iere figomie” dáitiaioi. Daje izói nana ie uaimo ínotino íena caimare íóbitaite. Ja ómoimo cai llogáfueña ñue ínotiomoiza.

¹¹ Bifue jira ómoiri Juzíñamuimo comeci úrifiredicai. Omoi níifuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jítaina ñue illifue, ñue ícoimo Juzíñamui rínodo fuitállena jicádicaí. Afe izói Juzíñamui uai omoi jeire úamona finócafuiái fuitállena Moo Juzíñamuimo jicádicaí. ¹² Bífueмона cai Ocuíraima Jesucristo mámecei omoi nícidogafuedo ñue caimare úibicaitaite. Afe íbana cai Moo Juzíñamui cai Ocuíraima Jesucristo diga ómoína izíruillamona ñuefuiái ómoimo nítaite.

2

Iere fiénidifuiaina oruídime billifue

¹⁻² Amatíai, birui jae cai Ocuíraima Jesucristo billífueña ómoína nauí cue fidítagafue emódomo uai nabáiacadicue. Afe izói afémiemo dáanomó cai gairíllifue emódomo ja ómoimo llóiacadicue. Dáarie taino llotino cai Ocuíraima billirui ja dúcidaza daidíaioi. Afemona omoi comécinafueña raire jíáfodo meidoñeíllena izire jicádicaí. Daje izói jíaie taino llogafue ite. Afe taino llotino dáífirediaioi:

—Cai llogafue Juzíñamui Joréñomona oga. Cristo ja bíteza, —daidíaioi; mei íadi aféfuéri jacínaiñeno omoi iri. Afe izói omoi cacana fia júfidogafuéri jacínaiñeno omoi iri. Ie emódomo nie rabe omoi llínoia cai úrilla izóidibe, aféberi jacínaiñeno omoi iri. ³ Niémona tánofuemo jífuefiñeno abi omoi rairuiri. Ua Jesucristo billa uícodo, Juzíñamuína comíni uáitallifue uícomo cómuíte. Aféruíllaído iere fiénidifuiaina oruídime cíocaité. Afémie dama nine tánocaille. Daí Juzíñamui íena mamede. ⁴ Bímie Juzíñamuína bacáuairédime. Nana Juzíñamuido mameca ráaniaína bímie uáitano niné tánocaitaíbite; daje izói nana Juzíñamuimo caimátaidínona anáfenuaíbite naa jíaie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaíbite. Dáamie “Cue bie Juzíñamuidicue” daílle.

⁵ ¿Nauí omoi diga cue illa llezica bifue ómoimo lloticue, íadi aféfuemo úibicaiñediomoí? ⁶ Afe fiénidifuiairedime nai bíñeíllena jízilla raana onódiomoí. Afémie billirui raire cíocaiñeíllena Ñuera Joreño nai rairuide. ⁷ Afe jíánomo lloñega

fieni illa maméinafue bie éniemo ja comuide. Aféfuena rairuídímie cai cígimona oni ógana fiénidifuiái jamánomo jebuíoicaite. ⁸ Aféfuena rairuídímie oni ollíruimo afe jamánamo íáibadímie cíocaite. Iemo cai Ocuíraima Jesús ana billano, ie fuemo ite faidórafuedo afe íáibadímiena títaite. Ua ie billa meáirenado afémiena niné táinocaitaite. ⁹ Afe jamánomo fiénidímie Taife tájinafuedo bite. Aillo íemo ite ríino ácataite. Afedo aillo cíorainina uaido finoca ráaniaido táinona jífueite naa jáie taino onótate ráaniai diga. ¹⁰ Iemona afe íáiba naga fiénidifuiáido niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedino jaca jílloñeitiaioi. ¹¹ Afe jira Juzíñamui íaioi fiénidifue ínuamona íaioina íáibado jífueitaite. Daje izói táinofuiaina íaioina ínotaite. ¹² Mei fiénidifuiái Juzíñamuina ñúefue baimo íaioi gáinamona, Juzíñamui íaioina duere finótaite.

Jílloillena nizécano

¹³ Mei cai benómona jaca ómoiri Juzíñamuina “tere figura” daifíredicai. Jae cai Ocuíraima izíruga daje ámatiaidicai. Jaca jae nanómona Juzíñamui jílloillena nizécamacidiomoi. Mei ua ñúefue omoi jeire úamona Juzíñamui ómoina nizede. Daje izói caina ñúeitate Joréñodo Juzíñamui ómoina nizede. ¹⁴ Afe jira cai ómoimo lloga ñuera jílloina uaido Juzíñamui ómoina jírite, cai Ocuíraima Jesucristo illa ebíredifue dibénemo omoi íllena.

¹⁵ Amatai, mai bífuemo jaícina omoi coméciri. Omoi cígiri dama cue llogáfuiaina, ie emódomo nana rabedo ómoimo cue cuezáuaína féitañeno omoi iri. ¹⁶⁻¹⁷ Mai birui cai Ocuíraima Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cáimafuedo caina izírute. Afe llezica afémie cai comeci zúurenafue cáimafuena méidofirede jaca ninomo caimare cai íllena. Daje izói Juzíñamuido ñue cai illifue cai úiñoillena afémie caimo jino llote. Afe izói omoi comeci jaícina Juzíñamuimo jóillena jicádicue. Afemona bie nana ñúefuiái daírediomoi. Daje llezica afe ñúefuiái jino comínimo ácatarediomoi.

3

“Cairi Juzíñamuimo omoi jicari”

¹ Amatai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai nágagobiaido raire dúciiteza. Afe emodo aféuai omoi jeire ua izói, afémaci jeire ólleza. ² Juzíñamuimo mai jáífodo omoi jicari. Bie íáirede fiénidino cígimona cai zúitailleza, mai Juzíñamuimo omoi jicari. Mei

nana comínimona nai nana ínoñediaioiza. ³ Mei íadi cai Ocuíraima jaícina uafue llotímie. Afémie jíáino fiénidifuemo omoi báiiñeillena ómoína riire jaícina mozíoide. Daje izói íaífuiaimona ómoína rairuíoide. ⁴ Cai Ocuíraima ñue ínogamie ícoinia, nauí ómoimo cai ocuícáfuiái jeire omoi úana ñue onódicai. Iemona daje izói aféfuiaína uire nágaruillaído jeire omoi óllena ñue onódicai. ⁵ Mai cai Ocuíraima ómoína cánoiteza, Juzíñamui ómoína izíruillaфуena omoi onóillena. Daje izói Cristo comeci járidoñenafue ómoimo íllena jícadícue.

Naga come dani íaioi tájinamo tájirede

⁶ Amatíai, biruí cai Ocuíraima Jesucristo mámeçido ómoína ocuídicai. Naga tájiacañede ámamona oni omoi iri, mei afémie ómoimo cai llogáfuiái afe dibéfuemo íacañedeza. ⁷ Mei nauí omoi cígiri ómoimo cai cíotaga tájina izói, afe izói omoi íllena onódiomoi. Cai omoi cígiri ía tájiñeno íñédicai. ⁸ Daje izói omoi güíllena íbáñeno ía güíñédicai. Mei jíáfodo mona naio díga ocózinañeno tájifiredicai, ómoimona daa cómena cai légítañeillena. ⁹ Ua afe omoi caina canolle daíí cai jíalle ríino caimo íte, mei íadi tájifiredicai ñue illáfuenta ómoimo fidítallena, bie ómoimo cue cíotagafue izói omoi íllena. ¹⁰ Nauí omoi cígiri cai illa llezica, bie lletara uai ómoimo lloticai: Tájiacañedímie jaca güíñeíteza. ¹¹ Mei jíáimaci caimo llotíaiói ómoimona dáarie tájiñediaioi. Tájiñeno ía illa llezica jíáie comíni illáfuiaimo afémaci gágutajifirediaioi. ¹² Afe daíí íte comínina cai Ocuíraima Jesucristo ríinodo ocuídicai. Afe llezica íaioína riire daídicaí: Mai nífue lloñeno omoi tájiiri dani omoi jítaica ráaniai omoi ólleza, daídicaí.

¹³ Amatíai, omoi íetaca ñuera raana zefuíruíñeno omoi ñedóicairi. ¹⁴ Ninó dámie bie rabelo cai daínauíana jeire oñeniadi, bu mei afe uaina ínoñedímienaza mai mei omoi eróiri íena onóillena. Íe mei afe cómemona ífo oni omoi fáinocairi, íe meáidailleza. ¹⁵ Mei íadi afémiena uáiogai ímiena maméñeno omoi iri. Afémie ama izói ñue omoi llófuerei.

Íraicaiño Pablo afémaci caimare uáidonocallafue

¹⁶ Mai cai comeci ñue uái illafue llófirede Jesús, nágaruillaído, íemo náganuíaido afe comeci ñue uái illáfuenta ómoimo llóíteza. Afe izói cai Ocuíraima ómoína nabáífireíteza.

¹⁷ Mai, cue Páblodícue. Bie uáidua uai dama cue ónoído cueticue; bie cueticue cue mámeçi díga. Nana cue cuezábiaimo daíí jónefiredícue. Bie izói cúefiredícue. ¹⁸ Cai Ocuíraima Jesucristo ézicigafuemo ítiomoiza. Jae níie. Ja daíítadeza.

NANOIDE SAN PABLO TIMOTÉOMO

ORÉCABE

Primera Carta del Apóstol San Pablo a Timoteo

Pablo Timotéomo cuete

¹ Páblodicue. Jesucristo ocuícamedicue. Cai Jíllotaraima Juzíñamui cai Ocuíraima Jesucristo diga íaillinoi daina uaido orécacue. Afe Jesucristodo cai ñue illifue abí úiñoticue. ² Juzíñamui uai coco ínogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraima Jesucristo diga o ézicillena iere jitáidicue. Daje izói afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

Jíáimaci íaioi taino lluáfuiaido o jífueñeillena abí o rairuiri

³ Naui Macedóniamo cue jailla lezica Efeso jófuemo o fiébillena izire jícadicue. Aféruido afénomo o fiénocaidicue, afénomo itínuiamona dáarie taino llófuiana íaioina o rairuillena. ⁴ Daje lezica íaioi jaiái ninomo lloga ráfuiái naa jagai diga, áfena íaioina júfidotañeitioza. Íaioi jaiáigima lloga fuiñede ráfuiái llúana ráiruitioza. Nana bífuiái taino lluáfuiaimo cai comécina uite. Mei íadi nana bífuiái Juzíñamui caimo jóonega íemo cai ínogafuena ñue ícoimo fuitáañede.

⁵ Juzíñamui caimo jóonega lluájillifue bie izói joide: Illa dígamie conímana ñue izíruiredicái. Afe bie izíruilla íainide comécimona comuide. Daje izói afe izíruilla comeci ñue úrillamona comuide; bie izíruilla afe izói jíáimana jífueñede Juzíñamuimo ínogafuemonona comuide. ⁶ Bie ñue izíruillafue dibénemona dáarie oni táifodo jáidiaioi. Afe taino llua ínota oni jíáfodo féiraitiaioi. ⁷ Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

⁸ Juzíñamui lloga lletara uai ñúeraza onódicái. Bíuaido Juzíñamui naga come lletállena mamérite. Dámie Juzíñamui mamérilla izói afe uaimo coméciaíadi ñuera. ⁹ Afe lletara uai ja ñúefuiái finófiredinomo llóñega. Afena ñue onódicái. Mei jíáfodo fiénide comínimo mameca. Bie izoide comínimo Juzíñamui lletara uai dúide. Afe comini illaíma lloga uaina uáitafirediaioi. Ocuícana náfueñediaioi. Fiénidifuenta finófirediaioi. Daje izói fiéniruidinona itíaioi. Afe izói Juzíñamuina jacíruiñediaioi. Daje izói Juzíñamuimo

ñinogafuemo ná fue ñediaioi. Iemo Juzíñamui lletara uai, moo ei diga fatinomo dúide. Daje izói comínina titáfiredinomo dúide. ¹⁰ Afémaci naga ringomo fieni comeci fácajano iáire finófrediaioi, afémaci áirediaioi íadi. Daje izói jiáie ímana iáire finódiaioi. Juzíñamui lletara uai nana bie izoide comínimo dúide. Daje izói cómena llaitádinomo dúide. Táinona úrifiredinomo dúide. Daje izói uafue daiíllena táinomo Juzíñamui mámece llínotinomo dúide. Iemo Juzíñamui lletara uai nana jiáifodo jífueñede llófuiafuena uáitafiredinomo dúide. ¹¹ Afe bie jiáimacina jífueñede llófueinafue Juzíñamui cuemo llogafue daje izói jóoide. Juzíñamui cuemo lloga uai nana comini ñue jíllona uai. Afe uai oni comínimo cue llujáillena, iere ñuera Juzíñamui jóonegacue.

Juzíñamui cuena dúecaillari iere figora daidicue

¹² Cai Ocuíraima Jesucrístona “Figora” daidicue, mei afémie ie uai jino cue llujáille ríinona cuemo ígaza. Juzíñamui cuemo comécido facade: O táijinana fáicanocaiñeno ñue fuitáfiredio, daide. Jira bie uai llujáille táijillena Juzíñamui cuemo jóonete. ¹³ Jaiái uíecodo Juzíñamuina iáire daiífiredicue. Daje izói íemo ínotinona duere finóllena racáfiredicue. Afe llezica cue uaido Juzíñamuina icidicue. Bífuiaido Juzíñamuina duere finódicue íadi, ja birui afe Juzíñamui nana bie ñúefuiái cuemo jóonete. Jaiái aféruillaído ie uaimo cue ínoñena jira Juzíñamui iere cuemo dúecaide. Daje izói cue finuafue cue onóñena jira cuemo dúecaide. ¹⁴ Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo ñinogafue naa ie izíruillafue diga caimo comuide.

¹⁵ Bie izóidifue iere uafue. Nana áfemo ínnoredicai. Bifue bie izói daide: Cristo Jesús fiénidino jíllotallena ana bíniemo bite. Afe fiénidinomona cue iere jamánomoina. ¹⁶ Mei daií iticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraímo Jesucristo ie ñue comeci mánainafue cuedo jino íaioímo cíotate. Iemona comínimo ñúefuiái ja cíotatimiena jáidicue, mei fiénidifuiarede Páblodicuemo Juzíñamui iere dúecaideza. Jesumo cue ínuamona cue comeci ífuena méidoticue. Afena onóillamona nana zíiñona illifue óiacadino, cue comeci ífue méidua izói, afe izói afémaci afémiemo ínota íaioi comeci ífue ñúefuena méidoitiaioi. ¹⁷ Ie jira jaca tíñede buna cíóñena Juzíñamuina íóbitaacadicaí. Afémie daade Juzíñamui, daje izói nana ráfuiaina onódimie. Afe zíiñona Jamánomoidillaímamo ñue ebírede uai jaca nágarui íemo jóoneticai. Daií jóoide.

¹⁸ Cue jító Timoteo, bifue omo jóonetícue. Riire fuirídímie izóí o iri. Nauí Juzíñamui mámeçido odo úritino, ñue o illífue llotíaiói. Afémaci daina izóí mai birui o ínori. O comeci úrillafue ñue o jóoneri. ¹⁹ Dámierie íaiói comeci úrillafuena náfueñenamona nocáe buíllamona táinocaila izóí, íaiói ínogafuemona oni táinocaidiaíoi. ²⁰ Himenéomo Alejandro diga afe izóí comuide. Ie jira afe íaillinoí Taifemo izájidícue, Taife anamo íaillinoí daií zefuíllena. Dinomo Juzíñamui jánana úriñeíllena ónoitiaillinoí.

2

Juzíñamuimo cai úrilla llufue

¹ Fueñe ona dáítícue: Mai nana comini íena Juzíñamuimo o jicáfireiri. Afena Juzíñamuimo ínnotinona o lloiri. Iemo jíai, izire comínimo ie dúecailleza mai jicari. Daií nana comini íena Juzíñamuimo o úrifireiri. Afe llezica nana comínido afémiena iere figura o daiífireiri. Daií féitañeno nana comínido Juzíñamuimo ñue úrifireiri. ² Gobierno oreca omoí úiñotímie íena Juzíñamuimo jicáredío, naa jíaié jaboide illaini diga. Afémaci íena izire o jicari, áfedo nífuenino caimare cai íllena. Daje izóí comeci ñue uái illáfuemo íredicai. Afe daií cai jícamona nana cai illáfuena Juzíñamuimo ñue mámeitícai. Daje izóí conima diga comécina ñúeitícai. ³ Bifue iere ñuera, cai jíllotafirede Juzíñamuina ñue íóbitade. ⁴ Mei afémie comeci jítáinafue nana comínina jíllóiri, daíde. Daje izóí afémacina ua ráfuena onóiri, daíde. ⁵ Cai Juzíñamui jaca dáadeza. Daje izóí Juzíñamui eróicana caina ñue finódimie caído úritímie daíde. Afémie Jesucristo. Afémie íaifuenidímie íadi, cai izóidímie. ⁶ Juzíñamui mamécaruimo dúciamona Jesucristo ie abina éeruiñeno nana cai jíllóillino íbana izájiga. ⁷ Iemona nana judíoñedinomo afe Juzíñamuimo ínolle ua ñúefue cue llófuiaíllena orécacue. Daií jíllona uai llujífiredímiena jóonegacue. Crístomo cue ínnumona táinofue lloñédícueza, uafue llotícue.

⁸ Ie jira nágagobiaído naga cómena: Juzíñamuimo omoí úrifireiri, daídícue. Ñue nífuenide comécido omoí jicari. Jíaimamo ríicaiñeno comécido Juzíñamuimo omoí úriri. Daje izóí dani ómoímo júfidoñeno comécido íemo omoí jicáfireiri. ⁹ Daje izóí ringóniaí iniroí jítállí fue llóitícue. Jabóidíngo ringo jita izóí, naga ringo jítaiteza. Íima jiruídollena jítaca abina cóitate iníroina, jítáñeno iri. Daje izóí comini códollena ífótirai jamánomo ebire finóñeno iri. Jabo ífo jua figona. Daje izóí quenírede raana aillo jiróñeno iri, naa jamánomo ráífide

iniroi diga. Jámaicuiro jitáoiarena. ¹⁰ Mei jiáifodo comínimo dúecailla ñúefuiaido naga ringo finóbiri, naa jiáie caimare uáiduafuiai diga. Mei nana Juziñamui íeiena ñue finódogango bie izói íteza. ¹¹ Ringóniai llófueinamo uai oñeno cacáreitiaoiza. Comeci mánainafuedo afe uaina onóicaitiaoí. ¹² Nairai cígiri ringo llófuellena rairuídícue. Ringo ímana anáfenotañedicue. Mei jiáifodo, ringo iima anamo úriñeno uái iri, daidícue. ¹³ Mei Juziñamui nano fueñe Adán finódeza, afe méifomo Eva finode. ¹⁴ Adán jífueñega, mei íadi ringo Taife jífuega. Iemo jífuefillamona afengo fiénidífuemo baiíde. ¹⁵ Mei íadi naga ringo Juziñamuimo ñnogafuemo jeire oíadi, íemo ei ocuícáfuiái ñue ícoimo fuitáadi afengo jilloite. Afe llezica afengo naga cómena izíruirede. Iemo começi ñue fínuafue dibénemo írede. Daje izói ñue jaícina macállífuemo írede.

3

Ocuídillaíniimo jitáirede ñue illafue Pablo llote

¹ Ja cue lollifue iere ua rafue. Dámie ocuídillaímana jáiacade ñuera. Afe izói tájiacanafue ñuera. ² Ie jira afe izoide ócuitillaíma mamécamié jaícina ñue írede. Afémie nífuenino macárede. Afe daí afémie mácafue jiáimie lletánide. Afémie daango ótena figura. Ménango ónide. Afémie comínimo lloga uaido jífanodoínide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémiemo mácaibitínona afémie jiáifodo coméciñeno ñue caimare uáidorede. Iemo jiáímacina caimare llófuerede. ³ Afémie jaca jífáinide. Daje izói afémie fuirínide. Come jífuiamona oga úcubena, afémie llínonide. Mei jiáifodo jeruíñeno raana fecáfirede. Iemo começi ñue uái illafue dibénemo írede. “Aillo úcubena cue ollí” daíníde. ⁴ Dama íe jofo ero comíni ñue ocuúde. Dama íe úrue ñue raíre cacáfireillena lletárede. Daje izói íe úrue jiáie eicomínina ñue jacíruitarede. ⁵ Dámie íe jofona ocuállana ónoñeniadí, ¿mei nie izói Juziñamuimo gairíracona ócuíte? ¡Ocuínide! ⁶ Ie jira como fueñe Juziñamuimo ñnotímie, Juziñamui íco ocuídillaímana ínide. Como fueñe Juziñamuimo jainátagamie raíre illáímana jóoniamona afémie íere abina íinoite. Iemo fiéni abí ínuamona, Juziñamui Taife ana duere finóllífuemo dótaja izói, afe izói bímie daí zéfuite. ⁷ Afe Juziñamui íco ocuídillaíma ñue jacíruigamiéna írede. Afémie daí íllamona, Crístomo nai ínoñedíno ñue íena úritiaoí; íe jánana fiéni úrinidiaioí. Afémie afe izói írede, meáfue dibénemo íe íñeillena; daje izói Taife uai íena jítañeillena.

Jabóidillainimo jitáirede ñue illafue

⁸ Daje izói comini dinena nana jabóidillaini ñue jacíruiganona írediaioi. Daje izói ie úrilla uai jiáifodo méidonide. Iemo afémie jifáinide. Daje izói come jífuiamona oga úcubena llíinonide. ⁹ Afe izói cai ínollena jino lloga ua ráfuena afémie fáicanocaiñeno jeire órede. Daje llezica afémie comeci úrilla uai nífuenino írede. ¹⁰ Afémaci ñuera daiíllena facátagamacina írediaioi. Facata mei íaioi nífuenia jabóidillainina írediaioi. ¹¹ Daje izói aféllaini finódogango ñue jacíruigangona írediaioi. Daje izói aféngotiai jiámamo fiénidifuenta íaioimo llónidiaioi. Iemo lloga uaido jiámamo jifánodoindiaioi. Aféngotiai nana ocuica raana fáicanocaiñeno fuitárediaioi. ¹² Afe jabóidillaini dáangona áiredena figura. Ménango ónide. Daje izói íaioi úruiaína ñue ocuírede, naa íaioi jofo ero comíniri. ¹³ Naga jabóidillaima íaioi táijiana ñue fuitáдино ñúefuena otíaioi. Comini iere ñúefue íaioimo jóoneitiaioi. Daje llezica íaioi Cristo Jesumo ínogafuena jamánomo meáiruifñeno llórediaioi.

Cai ínoga jaiái báinino llogafue ja jino uáfodo denode

¹⁴ Raíre o éroizaillena comeciídícue. Nai cue biñena llezica, bibe omo cuetícue. ¹⁵ Mei nai are cue biñena llezica, Juzíñamuimo jaináidímie jitaiga ñue illífuena o onóillena llóitícue. Afe Juzíñamuimo jaináidíno caade Juzíñamuimo ínótino. Afémaci Juzíñamui ua ráfuena ñue riire úíñotiaioi. Jofo riire mozíoide jiaíllirai izóidiaioi. Ie jira afe rafue uaina oni caitánide. ¹⁶ Jaiái báinino lloga cai ínogafue iere jamánomo ebírede; nana comini ja uáfodo onoiga. Be níuiai:

Juzíñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaícinaidímie, daide. Afémie Juzíñamui abi imácimo ácatagamie. Diga náiraiáido ie illafue llócaide. Biniemo aillo comini íemo ínótiaioi. Afe mei afémie caífo monamo abído uiga.

4

Juzíñamuimo ínogafuena féitaitino ífue

¹ Ñuera Joreño jino caimo uáfodo llote, íirairuillaído dámierie íaioi ínogafuena féitaitiaioi. Féitajano cómena jífujete jóríai jítáinafuiai jeire óitiaioi. Daje izói Taífemo jainaide fiénide jóríaimona onóigafuemo ínóitiaioi. ² Afe izói, comeci ífuena jiáífo jóidino llógana cacáreitiaioi, naa táinona úrillafuiai. Afe bie jífuefiredino ja íaioi ífoci úrillafuena ja niné féideza. Uzírede llojedamo uzide onoí cacáñena izói, bie comini itíaioi.

³ Bie Juzíñamui mo ñnogafuena féitate comini jiáimaci áirenana rairuídiaioi; daje izói ringona: “Inireiri,” daiíñediaioi. Daje izói ñuera cai güillemona dáarie: “Güíñeno,” daiídiaioi. Mei íadi afe bie güille Juzíñamui comuitaga, íemo ñnotino ecállena, naa ñúefuena onódinori. Afe güílleri íóbillano Juzíñamuina “Iere figura” íemo jaináidino daiírediaioi. ⁴ Mei nana Juzíñamui finoca güille ñúeraza, bácanide. Iemona afémie caimo fecaca raana oni fáinidicai. Mei jiáifodo Juzíñamuina “Iere figura” dainano, nana ñue llínoredicai. ⁵ Juzíñamui uai afe güíllena ñue finode. Daje izói íena figura cai daiífirena afe cai güíllena ñue finode.

Jesucristo ñue ocuícamié bie izói írede

⁶ Bífuiyai cai ámatiaimo o llófueia Jesucristo ñue Ocuícamiéna íitio. Afe bie llófueinafue jeire o oía bie ñnofirega uai dama ñue ona comécina náiretaite. O jeire oga uaido ñue riire íitio. ⁷ Mei íadi bie fiénide énie ie ráfuiaina náfueñeno o iri, naa jiáie taino jagai izóidífuiari. Juzíñamui illa izói o íacanamo áfemo nágarui o comeci llícitairi. Afedo riire íitioza. ⁸ Cai abi cai riireta, daa bínie ífueimo caina canode. Mei jiáifodo Juzíñamui illa izói íllena cai nícidoia naga ñúefueimo caina canode. Daií cai íllemona biruíllaido caina canode, íemo daje izói uire bíitífueimo jaca caina cánoite. ⁹ Bífue iere nahí ua ráfueza, nana áfemo ñnorediaioi nana cáioiri. ¹⁰ Afe bifue jira iere comeci fácaíticai. Iemo áfemo zéfuidicai. Ua zegóruioicana ñéfidicai. Mei ñue cai íllena caade Juzíñamui mo ocuídicaiza. Afe caade Juzíñamui nana comini jíllotaibite. Iemo ñnotino ja jíllotaimie.

¹¹ Bífuiaido nana comini o ocuífireiri. Daje izói aféfuiai o llófueiri. ¹² O fia jitócomena jira comini o llófuiáfue jiáimana jámairuitatañeno iri. Mei jiáifodo ñue Juzíñamui izói illafue Juzíñamui mo ñnotinomo jino cíotaitiména íitioza. Ñue o úrillafuedo afémacina onótaitioza. Daje izói comini eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoitioza. Cristo izói o íllamona ñue íaioina llétaitioza. Daje izói Juzíñamui mo izire o ñnogafuedo llófueitioza, naa o comeci íáinidífuiari. ¹³ Nai cue dúciñena llezica, Juzíñamui cuega uaillai comínimo o facádofireiri. Daje izói cai ámatiaina o íociretari. Afémacimo ñue o llófuefireiri. ¹⁴ Juzíñamui omo iga o fibíllafuiyai fáicanocaiñeno o iri, mei nauí Juzíñamui mo gairífiredino ocuídillaini. Ñuera Joreño daina izói, íaioi onoi omo bitádiaioiza.

¹⁵ Bífuiaina fáicanocaiñeno o finófireiri, o jamánomo jiáino baimo íaioi onóilleza. ¹⁶ O illafue ñue abi o rairuiri, naa jiáino o llófuiáfueri. Fáicanocaiñeno riire abí o mameri. Ñue ímana

o comuñleza. Bie cue daína izói o íadi, o jilloitio, naa o uaimo cacáreidinori.

5

Crístomo ñnotino uiécomo ñue o illifue

¹ Eicomemo lléjecaiñeno o iri. Mei jiáifodo o moomo o llófuia izói fñaicana o lloiri. Jiáie jítocominina nahí o ama izói llófueiri. ² Ringóniaina jéngotiaina dama o ei izói llófueri. Daje izói jítángotiaina nahí o miringo izói o llófueri. Iaióimo ñue comeci o facáfireiri.

³ Uáfueña raana jitaide fecíngotiaina ñue o canori. ⁴ Mei íadi jiáie jítorede daje izói enáizeñorede fecínguai ite. Afe úruiai íaiói éitiaina uzúngotiaina fueñe ñue úiñorediaíoi. Daje izói nahí ie enáizeño dani íaiói uzúngona úicairediaíoi, mei naga jító enáizeño diga íaiói móotiaina izíruirediaíoi. Afe bie izói illáfuemo Juzíñamui ñue ióbideza. ⁵ Ie mei cómenide ua fecingo, dango Juzíñamuimo ñue ie finóllifue ocuírde. Daje izói Juzíñamuimo ie úrillafueña naio mona diga afengo fáicanocaiñede. ⁶ Dango ie comeci gaina izói fecingo ite. Caade íadi Juzíñamui dibénemo tíide izoide. ⁷ Bífuiaina íaiói o ocuiri, lletánidingotiaina íaiói ñleza. ⁸ Dámie ie nahí come úicaillana ráairuia ie ñnogafue táinomo jifánofide. Dama nahí comínimo ite duéredinona úicaiacañedimie, Juzíñamuimo ñnoñedino fiénina baimo, afémie fiénide.

⁹ Fecíngotiai íena mámece illabe fínoitio. Bie izói ñuera fecíngotiai mámece afébemo cúerena. Sesenta fimona ite fecingo mámece cúerena. Afe bie fecíngotiai, daje izói dámierna iníredingona írediaíoi. Afe ízoidingo mámece cúerena. ¹⁰ Iemo jiái ie illafue ñueinamona jalléidingo afengo mámece cúerena. Iemo jiái úruiai ñue comuítatingo mámece cúerena. Jicana jiáima ie jofomo dúcia caimare uáidofíredingó mámece cúerena. Iemo jiái Juzíñamuimo ñnotinomo rairuíñeno comeci mánainado canófiredingo mámece afébemo jóonerena. Mei afengo naga jiáima cánuana idai jócuia izóidena caimare finófiredeza. Iemo jiái duere zefuide comini canófiredingo mámece cúerena. Daje izói nana jiáie ñúefuiái finódingo mámece jóonerena. Bie izóidifuiái nana daje fecingo finórede; íemona afengo mámece cúerena.

¹¹ Mei íadi sesenta fimona jofófenemo ite fecingo mámece jóoneñeno iri. Mei aféngotiaimona dáarie dani íaiói comeci óiacanamona nñbai Crístona zóofeitiaoiza. Zóofiano, nane meine iníreiacadiaíoi. ¹² Daií íaiói illa dani íaiói ícoinia daií ite. Mei fueñe íaiói Jesucrístodo jáillena mamérfillafue ja fáicanocaidiaíoi. ¹³ Afe baimo naga comini jofodo

jáicaidíaiói. Jáicaillamona, “Fia táijiñeno daíí cue illi,” daidíaiói. Afe llezica jáimana úridoicana jáidiaíói. Iaióimo dúñede jáimacimo itífuiamo gágutajifrediaíói. Comínimo ñue ñnedifuedo úrioifrediaíói. ¹⁴ Ie jira nai fecínaite jitáingona daidicue: Abido iníreiri. Inírellano úruereiri. Daje izóí jofó náangona ñue o iri, Taifemo jaináidino ómoina úridoíñeilleza, daidicue. ¹⁵ Mei fecíngotiaimona dáarie, Juziñamuina féitano Taifedo jáidiaíoiza.

¹⁶ Crístomo ñnotinomona daa cómemo úicaille fecíngó íadi, afe fecíngona dama afémie úicairede. Afe fecíngona Juziñamuimo gairífredinona úicaitañeno iri. Mei afe gairífredino ua cómenide fecíngotiaína úicairediaíoiza.

¹⁷ Jesúmo gairídino ñue ocuide éicomini, ñue táijidiaíoiza ménacaiño ibárediaíói. Daje izóí ñue íaiói táijnamona mai caimare íaíoína omoi jacírui. Iere comini ñue llófuetino, iere ñue lletádino diga jáíie come iba baímo ibárediaíói. ¹⁸ Mei Juziñamui Cuegáuai daide: “Arroz izoide trigo, juráreto gájirillena záizia llezica, áfemona íaiói güilleza fue ibáñeno omoi iri.” Iemo jáínomo jáífodo daide: “Naga táijitagamie ie táijnado ñue ibárede.”

¹⁹ Fia da come ocuide éicomemo fiénidifue jóoneiadi, áfena náfueño o iri. Mei íadi mena nibai daámani uai nabáidimie afe izóí afe cómemo llóíadi, áfemo cacáreiri. ²⁰ Ocuide eicomínimona dáarie fiénidifue finóadi, nana comini eróicana afémiena o áadori, nana jáíie comini ñue abi jacínaificaillena. ²¹ Juziñamui eróicana, daje izóí cai Ocuíraíma Jesucristo eróicana bifue omo jóneticue. Daje izóí Juziñamui nizeca ie abi imaci eróicana omo jóneiticue. Nana bie omo cue lloga lletara uai ñue o náfuere. Nana comínimo dájerize jáícina o lloiri. Dámie oni eneno mámeñeitoza. ²² Dámie ie illafue nai figo onóñena llezica, ocuídillaímana ie o maméllena raire íemo o onoi bitáñeno o iri. Bie izóí o íllado jáímamo ite fiénidifue na raire nábaizaiñeítio. Naga íaífuiamona oni o iri.

²³ Mei o ero izírefireia daa jainoi jiroñeno o iri. Iemo due vínona o jirori.

²⁴ Nai íaíoimo riire jicánoñena llezica, comínimona dáarie íaíoimo ite fiénidifuiái uáfori cíoide. Iemo jáímacimo ite fiénidifuiái íaíoí duere finoille mámia méifomo onórede. ²⁵ Daje izóí jáíie cómemo ite ñúefuiái uáfodo cíocaide. Iemo jáímacimo ite ñúefuiái cíóñena íadi, dinó íaíoí diga báinino íñeite.

6

¹ Táijitafiregano íaíoí ocuídímiaína ñue jacíruiarediaíói, jáíie comini Juziñamui mámeçido fiéni úriñeilleza. Daje izóí

cai llófueinafuenta fieni íaioi daiñeilla. ² Afe izói Crístomo ñnote ocuífiredimíaina ñue jacíruirediaioi. Juzíñamuimo ñnogafuemo daje ámana íaioi maméadi, nai ocuídime ocuícame diga conímana caimare jacíruirediaioi. Mei jíáfodo afe Juzíñamuimo ñnote ámamo, jíáimaci baímo, riire tájirediaioi. Afe riire tájina ñnotino, afe ocuídino izíruiga ámatiai. Afémaci dáamaci. Dájena Crístomo ñnotino. Bifue o llófueiri. Daje izói áfedo o lletámairi.

Juzíñamuimo cai ñnogana, “Figo baite” cai dáinana canode

³ Afe bie cai Ocuíraima Jesucristo lloga jaícina jóide llófueinafuemo comécíñedime, oni jíáfodo tánofuiai llófuete. Daje izói cai ñnoga ñuera uaina afémie figo jeire oñede. ⁴ Daiñtade come nífuena onóñedeza, táinodo abi ñnote. Afémaci fia fiénide uáillaimo júfiduana iere gáidiaioi. Afe júfidogafuemono aillo úradoillafue comuide. Iemo dájena caimare iñénafue comuide, íemo jíáimana éoinafue comuide, íemo jíáimana caimare uáidoñénafue comuide. ⁵ Dáanomona féitañega fuiríllafuiai, jíáfodo oni comécina jóidimacimo comuide. Bie comini ua ráfuena onóñediaioi. “Fia cai ñnogafuedo iere cai ráanailli,” táinona comécidiaioi. Bie izoide comínimona oni o iri. ⁶ Ua onóigaza, cai ñnogafue jamánomo ráifide. Juzíñamui caimo fecaca raana “Figo baite” daidímimo, ie ñnogafue ñue ráifide. ⁷ Mei jíi, bíñimo fueñe cai jocoina llezica minícana atíñedicaí. Afe izói uire cai tíia minícana úiñeiticaí. ⁸ Mei biruimo cai caana llezica caimo ite güílleri, daje izói caimo ite iníroiri “Figo baite” daíredicaí.

⁹ Mei jíáfodo aillo ráanaiacadino fieni comeci fácafue dibénemo jáidiaioi. Afémaci aillo fieni comeci óiacanafuiaiimo raamo jíride izói itíai. Bie izoide fieni óiacanafuiai cómena fieni finode. Daje izói íaioi illafue niné táinocaitate; jofu zabilla méino izói niné táinocaitate. ¹⁰ Mei jíi, úcubena izíruillafue nana fiénidífuiai comuíllano aféfuiai jillaci. Dáarie iere izire úcubena óiacanamona, Juzíñamuimo íaioi ñnogafuemono oni nibéfodo jáidiaioi. Afémaci dani íaioi illáfuenta táinona iere duere finódiaioi.

Juzíñamuimo cai ñnogana, fuirilla izói riire íredicaí

¹¹ Mei íadi o Juzíñamui nizécamiedioza, bie ailli cue lloga izóidífuiaimona oni o iri. Ñue comécina jaícina illáfueimo o mamériri. Juzíñamui illa izói mai o iri. Afémiemo ñue o ñnofireiri. Jáie comínina ñue o izíruiri. Comeci járidoñeno o iri. Comécina mánaidimiena o iri. ¹² Mai Juzíñamuimo ñnogafuemo fuirilla izói nágaruillaído riire o iri. Juzíñamui

omo iga ziiñona illafue ñue jeire o oíri, mei áfemo Juziñamui uáidogamiedioza. Afe Crísto o iinogafuena comini cioicana jino llotio. Afe bie o llúamo o uai nabáidinona aillo ite. ¹³ Ja birui Juziñamui eróicana ona ñue ócuiticue. Afe Juziñamui nana biniemo itinuiaimo íaiói cáananona fecade. Daje izói Jesucristo eróicana ona dáititcue. Afémie daje izói ñúefue jino uáfodo lloste. Poncio Pilato uícomo ie illáfueña jáanoñeno lloste. Daí Moo Juziñamui, Jesucristo diga íaillinoi uícomo ona ócuiticue. ¹⁴ Omo cue ocuícana, jiáfodo méidoñeno, ñue jeire o oíri. Aféfuena ñue jeire o oíri, jiáima ona llétañeiteza. Bífuiaí ua Jesucristo billíruimo jeire o ófireiri. ¹⁵ Juziñamui jaiái uícodo mamécaruimo dúcia, Jesucristo ciocaizaibiteza. Afémie daade cai iere ñuera riinorede Juziñamui. Daje izói afémie nana illáicomini ie Illáimaza. Daje izói afémie nana ocuífiredino Ocuíillaima. ¹⁶ Dama afémie jaca ziiñoza, tiiñede. Afémie illano jamánomo meáire egáñoteza, buna áinozinide. Afémiena jaca bu ciónede. Caade come jaca íena ciónide. ¡Jaca ninomo ñúefuiai afe Juziñamuimo nitácaza! ¡Aillue ñuera riino jaca ninomo afémiemo dúideza! Aquíe izói íteza.

¹⁷ Bie éniemo aillo ráaredino abi íaiói iinoñeilleza ñue o lloiri. Daje izói íaióimo ite raamo ocuiríñeitiaíza, mei afe ráaniaí are íñeitiaíza. Mei jiáfodo: Dama Juziñamuimo omói ocuíriri, o daíri. Mei afe Juziñamui ua cáadimie. Afémie jeruñeno nana cai jitailla raana cai cánuano caimo fecade. ¹⁸ Afe ráanaitino ñue íaiói illeza íaióimo ocuiri. “Omoi ñue fñoitífuiaí ráanaitímoiza,” íaióina o daíri. “Omoimo ite ráaniaímona jeruñeno jitáidinomo jiáfodo comécíñeno fecari,” daí íaióina o daífireiri. ¹⁹ Daí íaiói íllamona, íco cómuitífue nahí raana máñoitíaiói. Afe maiñóllena comécido ñue onódiaíoi. Afe dáaruído ziiñona illífuena óitiaíoi.

Iraicaiño Timotéomo jóonenocaigafue

²⁰ Timoteo, nana bie omo cue lloga ñúefuiai ñue o rairuiri. Biniemo ite táinona úrioinafuiaímo cacáreiñeno o iri. Daje izói Juziñamuina uáitafuemo cacáreiñeno o iri. Mei íaiói: “Iere baitádicue,” daína uai taino uaiza. ²¹ Mei bie izóidífuiaí iñnote comini ja baie Juziñamuimo iinogafuiaímona oni nibéfodo jáidiaíza.

Mai, Juziñamui ona ñue éziciiteza. Jae ñie. Mai daítadeza.

MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

Pablo Timotéomo cuete

¹ Cue Páblodicue. Jesucristo ñúefue llujillaena orécamiedicue. Juziñamui comeci jítaina izói orécamiedicue. Daje izói uícodo lloga ziiñona cai cáaillifue llujitagacue. Cristo Jesumo dájena cai jaináinamona afe cáaillifueña óiticaí. ² Cue izíruiga jító Timotéomo bibe cuetícueza, ona Juziñamui ñue éziciiteza, daíiacadicue. Daje izói: Juziñamui omo dúecaiteza daidicue. Iemo: Cai Moo Juziñamuimona oga comeci ñue uái illáfueño ítioza, daidicue. Nana bie ñúefuiai cai Ocuíraima Jesucristodo óredio.

Pablo Crístomo uai nabáiacade

³ Juziñamuimo nágarui comécido úrifiredicue. Mona naio díga Juziñamuimo cue úrilla llezica omo comeci uibífredicue. Omo cue úbicaillano Juziñamuina: Iere figora, daidicue. Cue uzútiai Juziñamui íobitallena ie ocuífíregana ñue ínua izói, afe izói íáinide comeci úrillafuedo ie ocuífíregana ñue ínofiredicue. ⁴ O comeci zúucaifírenamo uibíoidicue; íemona ona iere jaca cíoiacadícue, áfemona caimare cue íllena. ⁵ Taino lloñeno ñue Juziñamuimo o ínuafueño uibíoidicue. Afe birui Juziñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífueña o jaca ñue ínofiredioza, ñue onódicue.

⁶ Ie jira bie izóidena o ócuiticue. Naui omo onoi cue bítajamona Juziñamui omo lloga llófuelle ríino féitañeno o iri. Niné ona féiza afefue nágarui meine riire o uibíoicairi. Irai dúzaide meine boota izói o uibíoicairi. Afemona jamánomo o llófuelleza. ⁷ Mei Juziñamui comeci jacíruillafueña caimo fecáñede. Mei jíáifodo comeci meáiruíñenafue Juziñamui caimo fecade; íemo jíáimana cai izíruillafue, íemo abina ñue cai onónafue díga, caimo fecade.

⁸ Ie jira cai Ocuíraima, Crístomo uai nabáillana meáiruíñeno o iri. Daje izói ie uai ícoínia llavécacueza, cuena meáiruíñeno o iri. Mei jíáifodo ñuera jíllona uai ícoínia comuide duere zefuillafueña ruifíruíñeno o iri. Omo cómuide duere zefuillafueña rairuíñeno o llínori. Mei Juziñamuimo ite ríinodo cai comécina caimare fíraiteza. ⁹ Juziñamuimo cai jaináillena afémie ñue caina jíllotata, daje izói caina uáidote, ie íaifuenide comínina

cai íllena. Dani ñue cai illáfuedo Juzíñamui íena ínidicai. Mei jíáífodo dama Juzíñamui jaiái uícodo mamérillado íeíena iticai. Daje izói Jesucrístomo cai jaináillado Juzíñamui caina izíruite. Daií caina ie izíruillado íeíena iticai. Mei jaiái ninomo nai énie comuíñena llezica, Juzíñamui caina izíruite. ¹⁰ Mei bie caina ie izíruillafue, cai Jíllotaraima Jesucristo ana bíniemo bíllado, afefue caimo jino onótate. Afe Cristo cai tíllafuena ja jacínitade. Daje izói jíllona uai llúado, zíiñona cai illafue jino uáfomo cíotate. Ua, íemo íinotino zíiñona itátallena afe Juzíñamui uáfodo caimo onótate. Afe bie zíiñona cai illafue buna jaca niné táinocaitainide.

¹¹ Bie ñuera uai llujállena Juzíñamui jóonegamiedicue. Judíoñedino llófuellena, Juzíñamui orécamiedicue. ¹² Iemo afe bíedo nana bífuiai duere zefuídídicue. Mei íadi áfena meáiruiñedicue. Cue ínoga Juzíñamui comeci ífueña ñue cue onónamona, jacíruiñedicue. Mei afémie cuemo jóonenocaigafue jaca féiñeiteza. Afe bifue Juzíñamui dama Cristo billíruimo ñue úiñoite, mei afémie iere riinoredeza. Afena onódídicue.

¹³ Naui jáicina joide llófueinafue o cue llófuia izói, áfena o llófuefireiri. Juzíñamuimo cai ínogafuena jeire o oíri. Daje izói Jesucrístomo dájena cai jaináinamona caina ie izíruillafuemo o íri. ¹⁴ Cai diga ite Ñuera Joreño canócaza Juzíñamui omo lloga ñuera rafue féitañeno o íri.

¹⁵ Ja onódioza: Nana Asia énie comini ja cuena zóofetiaíoi. Afémacimona bie mena iima íaillinoi: Figelo, íemo Hermógenes. ¹⁶ Mei íadi bie afe jíáimie Onesíforo dibénedo nana ie comini diga, mei cai Ocuíraima afémacimo caimare dúecaiteza. Mei afémie diga ícaiño cue jitaica raana atífirede. Llavécacue íadi jaca meáiruiñeno cuemo atífirede. Iemona Juzíñamui afémie comécina náicaitaiteza. ¹⁷ Uafue, Rómamo afémie illa llezica cuena are jénua ícoinia baite. ¹⁸ Cai Ocuíraima cai comeci ífue riire jicánolliruimo afe Onesíforomo dúecairi, Juzíñamuina daidídicue. Ja ñue onódioza, Efésomo cai illa llezica, afe Onesíforo diga ícaiño caina canode.

2

Jesucristo dibénemo íimie ñue fuirídimie izoide

¹ Cue jitó Timoteo, Jesucrístomo dájena cai jaináinamona Juzíñamuimo ite ñúefuiaiimo iticai. Afedo ñue o náireiri. ² Cúemona o cacánafuemo cue uai nabáidinona aillo íteza. Iemona afefue mai oni jíáie ñue ínofiredimíaiimo o jóoneri. Afémaci daje izói oni jíáimacimo llófuiailleza.

³ Duere zefuállafue omo comuádi, Jesucristo dibénemo ñuera fuiríraima izói abí riire o mameri. ⁴ Naga jiáimiena anáfenocade fuiríraima fuiríllena maméridoide. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaíma anamo itábicaite, afe ie jírítillaíma ióbitallena. ⁵ Daje izói naga jifánora raamo jifánotimie ñue jaícina jifánorede. Jifánua ocuide uai daina izói jifánorede. Afémie fienu jifánoia, minícana jíridoñeite. Táinomo jifánoteza. ⁶ Jacafai ríllamo izire táijidimie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucrístomo o úibicairi. Daje izói afe Cristo cai jaiái illaíma David úicoidigimamona comuídímie. Afémiemo ñue o coméciri. Cue lloga ñue jíllona uai aci bie izói joide. ⁹ Bie ñúefue ícoinia duere zefuítagacue. Jii, fiénidifue finódino izói maiáno duere finócacue. Mei íadi Juzíñamui lloga ñuera uai jaca buna llavénide. ¹⁰ Ie jira Juzíñamui nizécamaci cue cánua ícoinia duere zefuídícue, mei íadi áferi zúucaíñeno jaca caimare iticue. Afémaci ñue jíllobicaillena duere finócacue. Afe Jesucrístomo dájena cai jaináinamona comuide jíllonafue iere ebírede. Iemo jaca zíiñona fúíñeite.

¹¹ Bifue táinoñedeza, iere uafue:

Afe Cristo tílla izói cai tíadi, afémie meine abido cáadimiena jailla izói, afe izói dani cai meine cáaillano afémieoiri íiticaí.

¹² Afémie ícoinia duere cai zefuádi ie illáimana illánomo jáinaiticaí.

Afémiena cai jáanoiadi, afémie jíái caína jáanoite.

¹³ Afémiemo cai íinoñeniadi, afémie jaca ie daina izói nai finófirede;

Mei Juzíñamui dama ie abina jáanonideza.

Ñuera daiíllena facaca táijiraíma

¹⁴ Bífuiáimo jiáimacina ñue o comécitari. Daje izói bífuiái cai Ocuíraíma eróicana íaioímo jóoneri. Íaioí ráifiñede júfidofirega uáillaímo mai afémacina júfidotañeno o iri. Afe bie izoide júfidofirenafue ráifiñedeza, buna canóñede. Afemo cacáreidínona jáífodo oni comécina jóitate. Daje izói íaioí íinoga ua uaina niné féitateza. ¹⁵ Juzíñamui uícomo figura daiíllena facaca táijiraíma izói o iri. Iemo afe llezica jáífodo lloñeno daje izói o illáfueña ñue jaícina o jóonefireiri. Daií ñue facácamié ie meáicaíllafue íñede. Daiítade come Juzíñamui ua ráfueña jaícina comínimo llófuete. ¹⁶ Bíníemo ite táinona

úrionafuemonona oni o iri. Daií táinona úrifiredino jamánomo fiénidifuiaimo baiidiaioiza. Anábaitagano izói ífcaidiaioi. 17 Fieni íaioi llófueina uai raire jica jalleide. Come abimo comuide fiénide ñozagi jarire oni móonaiocaila izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. 18 Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáailifue dibénedo llotíiaillinoi: Ja záide, daidíiaillinoi. Daií jíáie comini Juzíñamuimo ínogafuena uáitacana jáidiaillinoi. 19 Mei íadi cai ínoga uai oni cáitañeillena, Juzíñamui áfemo jíáie riirede uaina nabaide. Iemona féitañeno afe Juzíñamuimo ínnoicaidicai. Afemona cai bie riire mozíoiga jáiaillirai izóidicai. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jíáfodo bie izói daide: Nana “Cristomo jaináidicue,” daidino fiénidifueña féitano, aféfuemonona ja oni írediaioi. (Bie ie nabaica uaido, Juzíñamuimo cai ínogafuena afémie riire finode.)

20 Aillue jofe eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifíñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jíáie figo jinoñede jiróracuaido jalleide illáimana ecáñedicai. 21 Afe izói naga jíáimaci canóllena Juzíñamui nizécamié, jaca comécina íaifuenino írede. Afémie jaca íaifuemonona oni írede. Iemona afe cómena Juzíñamui íeiena ñue finóbitade. Ebena ñuera táijinanomo Juzíñamui raire íena óreite. Mei afémie íainide ráifide oro finoina jiróraco izóidimieza.

22 Jitócomena llezica comeci fieni óiacanafuiaimona oni o iri. Mei jíáfodo come ñue jaícina illáfuedo o jairi. Daje izói Juzíñamuimo o ínofireiri, íemo jíáimana o izíruifireiri, íemo comeci mánaínafuedo naga cómena o uáidofireiri. Iemo, nana comeci íaifuenino Juzíñamuimo úrifiredino diga o nabáiriri. 23 Daje izói táinomo comécilla uáillaina náfueñeno o iri. Mei ja onódioza, bie izoide úrillafuiai fúrienailafue comúitate. 24 Juzíñamui ocuífirégamié jaca jíáima diga ícirínide, íemo jíái fuirínide. Mei jíáfodo afémie nana comini diga caimare írede. Daje izói jíáimacina caimare llófuerede. Iemo afémie jíáimamo jarire úriñeno, fíaicana úriredo. 25 Daje izói Juzíñamui ocuífirégamié naga ie llófueinana náfueacañedinona comeci manai finuano, íaioina lletárede. Afémie daií íaioina lletárede, íaioi comeci ífue Juzíñamui méidotalleza. Iemona daje izói

ua ráfuena Juzíñamui íaiõina onótaiteza. ²⁶ Bie izoide llógana jámairuitino Taife írebaimo jüilla izõí itíaiõí. Iemo afe Taife ie comeci óiacana izõí afémacina ócuite. Mei íadi ua ráfuena íaiõí onónamona jíllorediaõí. Afénomo jízaidinona oni bairórede. Afémaci inídimie como cazilla izõí, abina onóitiaõí; íemona Taife anámona jíllorediaõí.

3

Comini íirairuillaído illifue

¹ Ja bífuiaina o onótaticueza. Íirairuillaído jacírediruina caimo mónaite. ² Aféruimo comini dani íaiõí abina fienu izírúitiaõí, íemo úcubena iere duéruítiaõí, íemo iere fienu abi ínoítiaõí. Daje izõí “Jamánomoidimiedicue” dainano, cómena canóñede táinofuiaimo comécítiaõí. Iemo Juzíñamui fienu úritiaõí, íemo íaiõí móotiaíai ocuilla uaina náfueñeítiaõí. Iemo jíáimana “Iere figora” daííñeítiaõí. Daje izõí Juzíñamui ínogafuena náfueñeítiaõí. ³ Afémaci jíáimana ízirúíñeítiaõí, daje izõí féitañeno íaiõimo duere finódimiemo dúecaiñeítiaõí, íemo jíáimacimo fienu úritiaõí. Iemo íaiõí comeci fienu óiacanafuena “Dama ite” daííñeítiaõí. Iemo jíáima íaiõí íciadi ñúefuedo finóacañediaõí. Daje izõí comínina iere izi cácataitiaõí. Nana ñúefuiaina bacáuai ífuena mámeítiaõí. ⁴ Afémaci dani íaiõí nahí comínina jíáie comínimo fállena fécajífirediaõí. Iemo “Dama cue íacana izõí íredicue,” daíífrediaõí; íemo táinomo comécíllano “Iere jamánomoidimiedicue,” daíítiaõí. Daje izõí Juzíñamui jenóñeno dani íaiõí comeci gáinafuiaina jénoítiaõí. ⁵ Diga jinófene íuaido “Cue bie ñuera Juzíñamui uaina ínotimiedicue,” daítiaõí. Mei íadi jofona íaiõí comeci ráatailla mei, afe íinogafuemo ite méidolle ríinona jáanotiaõí.

Afe bie izoide comini diga nabáiríñeno o iri. ⁶ Mei bimácimona dáarie, jíáimaci jofomo jaillano comécina ríinide ringóniai jífuefirediaõí. Afe ringóniai fiénidífuiaína oruide. Afe ringóniai nana fienu óiacanafuiaina anáfenogaiaõí. ⁷ Diga ráfuiái onóiacadiaõí mei íadi Juzíñamui ua ráfuena baitánidiaõí. ⁸ Jaiái Moisés illáruillaído mena aima Janes, Jambres diga, Moisés daina uai uáitatiailinoi. Afe íaillinoi uáitaja izõí, bie comini íirairuillaído ua uaina uáitaitiaõí. Íaiõí ífoci úrillafue oni nibéfodo jóoide. Juzíñamui ínogafuena fáicanocaidiaõíza; áfemo ínidiaõí, táinofue ínotiaõí.

⁹ Mei íadi bimaci are jíáimacina jífuecana úíñeítiaõí. Mei íanori íllamona nana comini íaiõí jífuefirenafuena fídítiaõí. Jaiái Moisés uáitate íaillinoi táinona úrilla uaina comini fídía

izói, nane afe izói bimaci táinona úrilla uaina nana comini fidiitiaioi.

Iraicaiño Pablo Timotéomo jónenocai gafue

¹⁰ Mei íadi o cue llófuiana ñue jeire otio. Cue maca izói jaca ñue macádio. Iemo cue mamérilla izói ñue mamérfiredio. Iemo Juziñamui cue ínua izói, afe izói iere ínofiredio. Cue comeci jarire úriñena izói, afe izói fáicana úritio. Jiáimana cue duéruilla izói duéruitio. Diga juáredifuiái cuemo comuide, íadi fáicanocaiño Juziñamui ñúefue llócadicue. Afe cue ocuilla izói ñue ocuoidio. ¹¹ Comini duere cue finóllena cuena racádiaioi, mei íadi áferi jacinaíño caimare iticue. Naui Antioquía jófuego duere cue zefuállana onódio; daje izói Iconio jofue, Lystra diga cuemo íaioi finócafue onódio. Nana racada duere cue íaioi fínua fuiaína onódioza. Mei íadi cai Ocuíraima nana aféfuiaimona ñue cuena jillotate. ¹² Uafue onóigaza, nana Jesucristomo jaináinamona ñue jaícina illáfuego íacadino, nai ínnoñedimacido duere zéfuitiaioi. ¹³ Iemo afe llezica fiénide jiáimana jífuefiredino jamánomo fiénidifuiaimo ana jáitiaioi. Jiáimacina íaioi jífuia llezica, dani jiáimaci íaioina jífueitiaioi.

¹⁴ Mei jiáifodo omo llófuegafuiaimo riire o comécioicairi, mei aféfuiaimo iere ñue ínnotioza. Iemo afe bífuiaína o llófuetimiena onódio. ¹⁵ Daje izói o dúemiediomona Juziñamui ñuera Cuegáuaina fueñe onóicaidio. Aféuaimona llófuegao, jíllonafue o maiñóllena. Afe jíllonafue Cristo Jesumo o ínnuado o oga. ¹⁶ Nana Juziñamui Cuegáuai, Juziñamui afe cueraini comécimo úrilla izói ñue jaícina cuega. Bie uai iere ráifide comini ifoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jiáimacina lletárede; daje izói aféuaido jaícina comini ñue illífuena íaioimo llórede. ¹⁷ Afe dai Juziñamui Cuegáuaido Juziñamui ocuícami ñue baitádimiena írede. Iemona afémie ñue finóbide, nana ñúefuiai ie finóllena.

4

¹ Juziñamui eróicana, cai Ocuíraima Jesucristo diga, Juziñamui uailai o llófireillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuena riire jicánoiteza. ² Afémie raire bíacana jira, riire ona dáiticue: Nágari Juziñamui uailai jino o llófireiri. Afemo riire o maméroi. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juziñamui uai riire o llófireiri. Ñue riire llófireiri Juziñamui nai ínnoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo

ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fáicana o llófuefireiri. ³ Afe daií llófuefireiri, mei diga irui íllamona, comini ua llófueinafue mo cácañeitiaioiza. Mei jáífodo dani íaioi fieni gaina izói dani íaioi cacáacana izói, íaioi llófueitinona aillo jénoitiaioiza. ⁴ Juzíñamui ua ráfueña fáicanocaillano, nana jagai izoide táinomona llogáfuaimo náfueitiaioi. ⁵ Mei jáífodo o iri. Cáadimie izói ñue abina o onoiri. Zúufue omo comuádi, áferi jacínaiñeno abi riire o mameri. Iemo jíllona uai o llólle mo maméioiri. Juzíñamui omo jónega táijina ñue ícoimo o fuitari.

⁶ Ja íanori íllamona Juzíñamui íóbitallena fatá fecaca rille izói, fécajigacue. Cue titáillirui ja áinozide. ⁷ Ñuera fuiríraima izói, fiénidífue anáfenua izói táijinana jae riire ñue ícoimo fuitádicue. Iemo jífanotímacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai ínogafueña fáicanocaiñeno, ja ñue ícoimo ínoticue. ⁸ Iemona ja birui cai Ocuíraima cuemo fecalle fia jíridoga raa izóidífue mo ocuírídicue. Afe ie billíruimo, Juzíñamui anamo ñue níifuenidímacimo dúide zííñona illáfueña afémie cuemo fécaite; mei afémie comínimo itífueña ñue jáicina jícanoitimieza. Dama cuemo fécañeiteza, mei íadi daje izói nana ie billíruimo caimare ocuírídino mo jíridorede zííñona illáfueña afémie fécaite.

Dama Páblomo dúidífuiaí Timotéomo llote

⁹ Timoteo, mai raire cue eróizabiri; riire áfemo o maméiri. ¹⁰ Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófue mo jaide. Iemo jáíe cue nabai, Crescéntena mámeçiredimie, jae Galacia éniemo jaide. Daje izói jáí Tito oni Dalmacia éniemo jae jaide. ¹¹ Dama Lucas cue diga fiébilla. O billíruimo, mai Marcos jénuañllano cue diné ómicoi biri, mei afémie benó cue táijina cuena iere cánoiteza. ¹² Cue nabai Tíquico, Efeso jófue mo jae cue oreca. ¹³ O billíruimo cue fieca emódomo jítararoi o atiri. Naui Troas jófue mo ite Carpona mámeçiredimie jofomo cue fieca. Daje izói cue rabénicuai o atiri. Iemo jáíe cuega rábiaí féitañeno o atiri, mei afébiaina iere jítaídícuéza.

¹⁴ Naui Alejandro aillo fiénidífuiaí cuemo nitade. (Afémie lloéfiái fínuamo táijífredimie.) Nana fieni ie úrillafuiaí dieze cai Ocuíraima afémiemo iba óite. ¹⁵ Afe Alejándromona abí o rairuíocairi, mei afémie cai lloga uaina iere uáitaacadeza.

¹⁶ Nano fueñe cue abi ríidollífue, ríillaini uícomo cue llua llezica, bu cuena nabáñede. Nana cuena zóofetiaioi. Juzíñamui afefue iba íaioimo óñeillena afémiemo jícadícué. ¹⁷ Mei íadi

nauí abí cue ríiduaruimo cai Ocuíraíma cuena canode. Afémie cuena ñue ríire finode, jílona uai oni nana judíoñedinomo cue lluájillena. Afémie afe lluájillafue ñue ícoimo cuena fuitátate. Afe daií cai Ocuíraíma iere jacíredífue mona ñue cuena jílotaite. ¹⁸ Daje izói nana jíaie fiénidífuaímona, afémie cuena jílotaite, íemo dama íeiena cuena ráiruite, monamo ite ie illáimana illánomo cue dúcillena. Ñuera ebíredífue jaca ninomo íemo íteza. Daiítadeza.

Iraícaíño uáiduaíuaí naa ézicigafuaí díga

¹⁹ Mai, Prisca, Aquila díga caímare uáidori, naa Onesíforo comíní díga. ²⁰ Erasto Corinto jófue mo fiébide. Cue nabai Trófimo ie irárenamona, Mileto jófue mo cue fieca. ²¹ Mai raire rozíredíruillaí naí dúciñena llezica benó o biri. Benómona jíaimaci omo uai orédiaíoi, be nímaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiaí o uáidotiaíoi.

²² Cai Ocuíraíma Jesucristo nágarui ómoimo nabáirífieillena Juzíñamui jicádícue. Daje izói Juzíñamui nana omoi ézicillena jicádícue. Mai daiítadeza; jae níie.

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

¹ Páblodicue. Juzíñamui táijitagamedicue. Jesucristo orécamedicue. Juzíñamui nizécanomo ñnotalle uai cue llúajillena ie orécamedicue. Daje izói cai ñnoga ua uai, íaioi onóillena orécacue. ² Afe bie cai ñnoga ua uai, jaca ñnomo ñue cai illínomo cai ocuírinanomo móirede. Nai énie cómuiñenia uícodo, Juzíñamui afe zíñona cai cáaillinona llote. Juzíñamui jaca táinona llófinide. ³ Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraima Juzíñamui afe daje uai cue llófuecaillena cue ocuide. ⁴ Tito, daje izói Juzíñamuimo ñnoticoco, íemona nahí cue jitó izóidio. Jira bibe omo cueticue. Afe llezica, cai Moo Juzíñamui cai Ocuífiredede cai Jíllotaraima Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruido caimare uái ñue o íllena jicádicue.

Tito Crétamo llófuete

⁵ Monáillai cigi idu Crétamo o cue fiénocaiillaruido, nai figo finóbiñede raa ñue daje dine jaícina o finózillena ona fiédicue. Aféruído naga diga jofue illánuiaimo ite Juzíñamuimo jainaide gairídinomo íaioi ócuitimiena o jóneri daidicue. Ñue ócuite eicomínina jenoda o jónetadicue. Afe izói nauí uícodo omo llonódacaidicue. ⁶ Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue ñnorediaioi. Afe úruiai fiénidifuenta jóneñegazana írediaioi. Ocuilla uaina náfueñedino izói índiaioi. ⁷ Iemo naga ócuitillaima Juzíñamui dibénemo ocuícaciaioi. Ie jira afémie nífuenino jaícina ñue írede. Daje izói afémie “Cue bie iere ríimedicue” daíñide. Daje izói afémie comécina éoicainide. Daje izói afémie jífaifinide. Daje izói afémie illáiredimiena índe. Daje izói afémie fia Juzíñamuimo táijinado úcube otímiena índe. ⁸ Mei jáífodo, afémie ie jofomo mácaibitinona jáífodo comécíñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹ Afémie ñue ñnofirega íemo lloga uaimo

iere coméciirede, jíaimaci comécina náicaitallena. Iemo jíái afémie daíí írede, nana uáitatinona uafue daíítallena.

¹⁰ Mei uafue, aillo ocuícana náfueñedino ite. Judúuaimo ite nabene. Afémaci táinodo úritiaioi. Afe llezica comínina jífuetiaioi. ¹¹ Afémaci úrilla llícaitarede, mei dáarie afézie nana íaioi ñue íinogafue dobáíñotadiaioiza. Afe llezica llófuerainina uaido llófufirediaioi, meáirede fínuado úcube óllena.

¹² Afe Creta énie imácimona daade uai jino lloraima, ie nabáitaido úrite. Daide: “Creta imaci táinofuerediaioi, íemo jazici ie rílleniai izóidiaioi, íemo iere güillárediaioi, íemo jaca iere ráiraediaioi,” daide. ¹³ Afémie uafue daide. Ie jira riire íaioina lletari, Juzíñamuimo íaioi íinogafuena féitañoño ñue jeire íaioi óllena. ¹⁴ Iemo daje izói ñue íaioina lletari, judúuai daní uibica uáillaimo íaioi náfueñeillena. Iemo jíái, ua uáimona oni jíicaidino comútaga ocuilla uaimo íaioi cácareíñeillena.

¹⁵ Nana comécina íaifuenidimie mo naga raa íaifuenide. Mei jíáifodo íadi nana Juzíñamuimo íinoñedino íaifuiaredinomo naga raa íaifuiarede. Daje izói íaioi ífoci uibíllafue íáirede, nana íaioi comeci úrilla uai diga. ¹⁶ Afémaci “Juzíñamuina onódicai” daidíaioi, mei íadi íaioi finócado Juzíñamuina jáanotiaioi. Mei afémaci íáiruigamacina jáidiaioiza. Iemo náfueñedino izói itíaioi; íemo due jiza ñuera raana finónidiaioi.

2

Ñuera uafue llófueina uai

¹ Tito, o daíille uaillai ñue uafue llófueina izói jaca jáicina jóirede. ² Nana éicomini jaca jífáifinidinona írede. Daje izói ñúefuiaido jacíruiregaiaioi. Iemo, abina ñue onódimiaina írediaioi. Daje izói Juzíñamuimo íaioi íinogafuemo iránifinidimie izói írediaioi. Daje izói nágaruillaído ñue izíruicana ífirediaioi, íemo jíái jaca comécina járitaifinidiaioi. ³ Daje izói eiringótiai úrioinide; íemo ñúefuedo jacíruiregaiaioi. Afe izói táinona llófinidiaioi. Iemo jíái jaca jífáirado jífáifinidiaioi. ⁴ Daíí ñue íaioi íllana ácatarediaioi, jíáie ringóniai jítaínguai afe izói íllena. Afedo íaioi inítiaina izíruillena lollíaioi. Daje izói jítaíngo íaioi úruiai gáillena llófueregaiaioi. ⁵ Afe izói íaioi abina ñue onóillena llófueregaiaioi. Daje izói íaifuiainidinona íaioi íllena llófueregaiaioi. Afe izói jofo ero finoca raa ñue úíñollena llófueregaiaioi. Daje izói illáinidingo izói íaioi íllena llófueregaiaioi. Afe izói íaioi ini ocuícana jíeruifireillena llófueregaiaioi. Be daíí írediaioi, buna Juzíñamui lloga fieni úridoíñeillena.

⁶ Daje izói jitócomini ñue íaioi íociretari, abina ñue íaioi onóillena. ⁷ Iemo jíái, naga o jetáacaga dibénedo o ñue illa izói íaioi íllena ácatari. Iaioina o llófuelle llezica, taino jífueñeno llófuefireiri. Daje izói jífánodoñeno lloiri. ⁸ Daje llezica táinodo úrinidio, buna o jánari úriñeillena. Afe daí o uáitacadino meáruitiaioi, mei ja odo fiene úrinideza.

⁹ Iemo jíái, nana ocuícano íaioi ocuídino anamo ñue íllena o llófuefireiri. Daje izói cáimamacina íaioi íllena lloiri. Iemo uai ófireiñedinona írediaioi. ¹⁰ Afe izói íaioi táijina llezica íaioi ocuídino ráaie meriñedinona írediaioi; mei jíáifodo naga táijnana jetátagamie ñue ínofiregamiena írede. Afe izói írediaioi, cai Jíllotaraima Juzíñamui lloga uai iere ebíredeza, dani afémaci abido onótallena.

¹¹ Mei jíi, Juzíñamui caimo ie dúecaillana caimo cíotate. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caina onótate. ¹² Afe caimo ie dúecaillamo cai coméciaidi fiene illafue cai fáicanocaillena caina onótate. Afe izói bie énie imaci óiacaga cai fáicanocaillena onótacai. Iemo jíáifodo biruúllaido cai illafue ñue úillena caimo llote. Jaca abí ñue cai ocuífírena caimo llote, íemo cai illafue ñue jaícina cai jóneillena cai llote. Afe izói Juzíñamuimo dúide uaina caimare finóredicai. ¹³ Iemo daje izói Juzíñamui uícodo lloga uai, caimare zuíllemo ocuíoiredicai. Mei aferui iere ríinoredimie Juzíñamui, cai Jíllotaraima Jesucristo caimare billíruiza. ¹⁴ Afémie cai ícoinia túillinomo uigámie, nana fiénidífuiaimona cai jíllóillena. Daje izói nana cai íaifuiyai muiñóllena uigámie. Afedo afémie íena caina mamede, ñúefue iere íocire cai finóllena.

¹⁵ Be nie o llófuerena uai. Nana náinide comini comécina náicaitari, íemo lletáredino omo ite ocuille ríino dieze íaioina lletáfireiri. Buna ona jámairuitañeno iri.

3

Juzíñamuimo ínotino bie izói írediaioi

¹ Jesucrístomo ínotino énie illaima anamo íaioi írena uibíñotari, naa ocuídinuiairi. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiyai fínuamo iere jícairediaioi. ² Daje izói jíáima jánana fiene úrinide. Afe izói afémaci comécina caimare uái itinona írediaioi, íemo illáinidinona írediaioi. Iemo daje izói nana comínina omo uáidua llezica, comécina mánaidimiena o illa jino íaioimo onótari.

³ Mánaidimiena íredicai. Mei nauí uícodo daje izói cai bie jaca abina onóñedinodicaiza. Juzíñamui lloga uaimo

caçáreiñedicaí. Aféruimo niné féiraitino izói ífiredicaí. Daje izói nana caí comeci fiēni gáinafuiamo riire ocuícánodicaí; íemo jiái caí ióbitade raamo riire llavécanodicaí; jaca nágarui fiēni ífiredicaí, íemo jiáimamo úradoifiredicaí. Iemo comécina éoidicaí, daje izói conímama éoicaífiredicaí. ⁴ Mei íadi caí Jíllotaraima Juziñamui íemo ite cáimafue jino caimo cíotate, íemo nana náiraiaina ie izíruifirena diga. ⁵ Afémie caina jíllotaacade, mei íadi jaca nanómona caí daína ñúefuena caí fínuamona Juziñamui caina jíllotañede. Mei jiáifodo dama afémie caimo dúecaillado caina jíllotate. Caimo ite íaifuiái dama ie múiñuado caina jíllotate. Afe llezica Juziñamui Ñuera Joreño afe múiñuado, meine como jéciganona caina finode. Iemona daje izói afe Ñuera Joreño como comuítaga ñúefuedo caina úicaite. ⁶ Caí Jíllotaraima Jesucristodo, Juziñamui ie Ñuera Joreño jeruíñeno caimo fecade. ⁷ Afe daí Juziñamui caina dúecaillano, nífuenidinodicaí izói caimo caimare éroide. Afémie daí caina itátate, caí ocuírina zíñona caí illino caí maiñóllena.

⁸ Bie uaillai iere uáfueza. Daje izói nana bífuiái jeire íaioi ólleza ona íaioina iere llotátaiticue. Daí ona llotátaiticue Juziñamuimo ínotino bie ñúefuiamo nágarui íaioi jíeruillena. Comini canóllena bífuiái nana ñuera. ⁹ Mei íadi abina onóñedino júfidogafuemonona oni o jíicairi. Daje izói jaiáidigima dibénedo lloga íaioi comuilla táinofuiamona oni o jíicairi. Afe izói jiáimana uáitafirenamona oni o jíicairi. Iemo jiái, Moisés lloga uaimo ite féiredifuiáido fuirídinomona oni jíicairi. Nana bie izóidifuiái cómena canóñede. Daje izói bífuiái ífócina úriñedinomona comuide.

¹⁰ Juziñamuimo dájena jaináidino cígiri dámie eneno bozíetaiacania, íena uáidota ménacaíño lletari. Daí lletaca cacáacañeniadi, omoi cígimona íena ruifíruiri. ¹¹ Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemonona oni nibéfodo fiénidifueño baíidimie. Iemo dama ie finoca fiénidifuedo duere finóbide.

Pablo naa ie nabáñiairi mamérilla uai

¹² Artémama mámeçiredimie, nibai Tíquicono mámeçiredimie omo cue óreiaí meífomo, Nicópolis jofue illánomo raire cue eróizaíbiri. Afénomo o jáillena raire mamériri, dinomo dáanomo conímamo dúçiticozoa. Mei afénomo rozírediruillai záitaiacadíçueza. ¹³ Iemo nane jiáífue, Zénana mámeçiredimie Apolos diga nana omo ite dieze íaillinoína canori. Afe Zena jiáimado ñue úrifiredimie. Iaillinoi jaille llezica jitaica raana íaillinoimo fecari, minícana íaillinoi jítaíñellena. ¹⁴ Iemo daa caí Juziñamuimo jaináidino ñue lloíri, ñúefuiamo íaioi

táijifireilleza; daje izói jíáie come jitáiadí, íaiói jitailla raana fecari. Iemona íaiói illafue ñue ráifiteza.

Iraicaiño uáiduano ñue íaiói íllena Pablo Juzíñamuimo jicade

¹⁵ Nana cue diga itino omo uai orédiaíoi. Cai izíruiga nabáiñiai daje Juzíñamuimo íinotino o uáidori. Mei Juzíñamui nana ómoína ñúefue dibénemo itátaiteza. Daiátateza. Jae ñie.

SAN PABLO FILEMÓMO ORÉCABE La Carta del Apóstol San Pablo a Filemón

Pablo Filemomo cuete

¹ Cue Páblodicue. Cristo Jesús ícoinia llavécamiedicue. Cai ama izóidimie Timoteo cue diga illa llezica, Filemomo bibe cueticue. O coco táijinamo izíruiga nabáifiredimedio. ² Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifiredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³ Mai birui cai Moo Juzíñamui cai Ocuíraima Jesucristo diga, ñúefue dibénemo ómoina itátaiteza; daje izói caimare uái illifue ñue ómoimo itátaiteza.

Pablo Filemón Jesucristona izíruilla íemo ie ínuana llote

⁴ Juzíñamui diga cue úrilla llezica omo uíbicaidicue. Uíbicaillano, jaca Juzíñamuina “Figora” dáifiredicue. ⁵ Mei o ñue o finócafue fidídicueza. Cai Ocuíraima Jesuna o izíruillana íemo o ínuana diga, fidídicue. Daje izói nana Juzíñamuimo jaináidinona o izíruillana fidídicue. ⁶ Juzíñamuimo o ínuado jíáimaci afémie uai jeire o otátallena Juzíñamuimo izire jicádicue. Afémaci o diga nana Cristo Jesúmona comuítaga cai ñue ínofirenafuiai, ñue onóillena jicádicue. ⁷ Afe daí jicáfiredicue, mei ja o izíruillado íobidicueza, daje izói áfedo cue comeci íociredeza. Daíí ori íobidicue, mei Crístomo ínotino odo comécina fíracaiáioiza.

Riire ocuícamié Onésimomo Filemón dúecaillena Pablo íemo jicade

⁸ Iemona ja birui, Cristo orécamiéna cue íllado omo dúide finolle raana riire ocuiredicue. ⁹ Mei íadi afe izói ócuiñeiticue. Riire ocuilla baimo caimare jícana gáidicue. Iemo conímana coco izíruillamona omo jícaiticue. Ua ja cue éiromadicue, íemo jíái Cristo Jesús llavécamiedicue. ¹⁰ Daíí cue íllamona, daa cue onógamiemo o dúecaillena jicádicue. Benó cue llavéjina llezica afémie cue jító izóidimienena jaide, mei afémie comécina Jesucristomo ínuua mei afémie jaináitaticueza. Afémie Onésimo. (Jesucristomo ie ráifidimienena omo íllana jaca comécíñedio.)

¹¹ Naui Onésimo omo ráifíñedimie izoide. Mei íadi birui cue o diga afémie ráifidimie izói táijirede. ¹² Meine abido íena omo orédicue. Afe ie cue ória cue iere izíruiga úrue ória izoide. ¹³ Nai benomo ñúefue ícoinia cue llavébilla llezica,

afémiena “Benó cue diga fiebi” uáfueña daííacadicue, o méifomo afémie cue canóllena. ¹⁴ Mei íadi nai o jii dáiiñenia minícana ocuíaçañedicue. Daíí daídícue, o cue jícajana ocuilla izói íñeillena. Mei jíáfodo dama o comeci jitailla izói cue jícajana o fínuana jítáidícue. ¹⁵ Nibai Onésimo nauí fia nígaruí fidi oni o abímona jaide, meine billano biruímona o abímo afémie jaca ninomo íllena. ¹⁶ Iemona biruí riire ocuícamié izóiñeno, mei jíáfodo izíruiga ama izóidimiena afémie o diga írede. Afe jira nauí riire ocuícamié baimo ñúemiena o diga írede. Afe bímie iere izíruiticue, mei íadi o cue baimo íena izíruiredio. Biruí daa afe ñue táijitallimie izói íena izíruinidio, mei afe baimo cai Ocuíraimamo jainaide ámana o izíruilla izói, afe izói íena izíruiredio.

¹⁷ Iemona uáfueña cue nabáidimie o íadi, cue o llínua izói, afémie o llínori. ¹⁸ Nibai nano afémie fiénide raa omo finóadi, íemo jíái nibai minica omo íbañenia, cuemo jica, cue íbállena. ¹⁹ Ona uafue cue daítallena cue ónoído cueticue: Afena íbaiticue. Cue Páblodicue. Mei jíáfodo cue ona uibíñotaredicue, dama o ñue méidoga abí cuemo dúide, mei Juzíñamuimo ona íñotadicueza. ²⁰ Ua mii, cai Ocuíraimamo o íñuamona, afe bímie o llínuado caimare cue itátari. Crístomo dájena jainaide ama izói cue comeci fírari.

²¹ Omo cueticue mei o jíeruífirera ñue onódicueza. Jíái onódicue, cue ocuica baimo finóredio. ²² Afe llezica cue iníllico uieécodo raire finori. Mei bie izói ocuíridicue; Juzíñamuimo omoi jícállemona, Juzíñamui omoi cue eróizaibillena cuena óreite.

Iiraicaiño uáidua, caimare ñúefue dibénemo omoi itátallena

²³ Cristo Jesús ícoinia cue diga llavécamié Epafras uai omo orede. ²⁴ Daje izói jíáie cue táijinamo canódimaci Marcos, Aristarco, Demas, Lucas diga omo uai orédiaioi.

²⁵ Mai mei cai Ocuíraima Jesucristo ñúefue dibénemo ómoína itátaiteza. Daítadeza. Jae ñie.

HEBREO IMÁCIMO CUEGABE

(Daa bimaci jáífodo mameina Judíuai)

La Carta a los Hebreos

Juzíñamui ie Jitodo ja comínimo úrite

¹ Jaiái ninomo cai judíuai jáiáidigimamo Juzíñamui úrite. Ua, ie uai llórainido diga icaiño, diga jáífodo jóoide uáillaído úrite. ² Mei íadi ja birui íirairuillaído Juzíñamui ie Jitodo caimo úrite. Bie Jitó uaido Juzíñamui jaiái bie éniena naa úcuairi finode. Iemo naga raa íeiena náamatalena Juzíñamui íena mamede. ³ Afe Jitó ie Moomo ite ebíredena jino cíotatimie. Daje llezica afémie jino náiraimo cíotaga; ua daje Juzíñamui izóidimie. Nana finoca ráaniaina afémie dájena jáinátano ie ñue ríirede uáillaído nágarui ñue jáícina finócana uite. Bímie, cruzmo dama ie die tótajado cai fiénidifuiái ñue múiñua mei, caifo monamo ite Juzíñamui nabezi dibénemo ráinazaide, dinómona nahí illáimaillena.

Juzíñamui Jitó Juzíñamui abi imáciai baimo figomie

⁴ Afémie afe jamánomo ríiredinomo jáillamona, nana Juzíñamui abi imáciai baimo figomiena jaide. ⁵ Juzíñamui ie abi imácimona dáamie jaca “Cue jítódio” daíñede. Ua, “Cue Jítódio, ja birui illáimana o jóoneitícue” jaca daje izói íaioina daíñede. Mei íadi ie Jitó Jesucrístona daí daide. Daje izói ie abi imácimona dáamiena “O moona íitícue” daíñede. Dáanomo “Cue jítóitio” daíñede. Mei íadi Jesuna daí daide. ⁶ Ua Juzíñamui ie izoide daade Jitona bie éniemo comuitajano daide:

Mai, nana Juzíñamui abi imaci, bie cue jitona jacíruiocana ñue omoi íóbitari.

⁷ Mei íadi abi imácina Juzíñamui daide:

Bimaci cue abi canórainina íllamona, íaioina ocuífiredícue. Iemona jairifo raire náidacailla izói, bimaci cue ocuícana raire jetáfirediaioi.

Afe izói nana cue canófirede cue abi imaci jacírede boode iraiçi izói, íaioina ocuífiredícue, —daide.

⁸ Mei jáífodo ie Jitona daide:

Juzíñamui o íllamona, o illáimana illírui jaca ninomo zíiñona íite.

Ñue comécina jáícínainafuedo jaca illáimaifireitio.

⁹ Ua, comécina jáícínainafuena izírúitio, mei íadi fiénidifuiaimo éoicana eróidio.

Iemona Juzíñamui, ua o Juzíñamui, jae ona íóbitade.

Nana Juzíñamui uaina jiéruite o nabáiñiai cáimadua baimo, cáimatagao, —daide.

¹⁰ Jiáinomo ie Jitona Juzíñamui daide:

O Ocuíraimadio.

Naga ráaniai o táinia mei, bie énie finódio.

Nana monamo ite naga úcuai o ónoído finócano.

¹¹ Afe énie naa úcuairi niné táinocaitiaioi, mei íadi o jaca zíñona íitio.

Aféniai jácara iníroillai zabilla izói zábitiaioi.

¹² Iemo inícuero dócoiano oni jóonia izói, oni eneno íaioina jóoneitio.

Iemona iniroi jáiroina abimo jita izói, bínie naa ucúduairi méidoficaitiaioi.

Mei íadi o jaca méidoñellioza, dinó nímieitio.

Omo itifue jaca zíñona íite.

¹³ ¿Níie mei ie abi ímiemo Juzíñamui llogámie:

O fairíconi o anamo cue anáfenotalle llezica mai benó cue nabézimo illaíma nabai izói ráinazaíbi?

Daí dainámiena íñede. Dama ie Jitó Jesuna daí daide. ¹⁴ Nana afe Juzíñamui abi imaci Juzíñamui ocuica canófirede jóriaiai. Ua Juzíñamui orécaiaioi, afémiedo jíllotino ñue rairuílleña.

2

Cristo caimo lluaíbiga jíllona uaimo ñue úññoredicai

¹ Ie jira Juzíñamui Jitó, Jesucristo daí naga illaíma baimo jáidímiena íllamona, nana Juzíñamui mona cai cacana uaillai jeire cai olle iere jitáirede; omoi jefóniai ñue jinéoiri. Aféuaimo ñue omoi cacáreiri, oni nibéfodo fiénidifue mo cai báíññeillena.

² Mei Juzíñamui jaiiai ie abi imácido llogáuai jaca oni caitánide. Naga aféuaina jeire oñédino naa cacáñidínori raire iere duere finócaiaioi. Mei afe fiénidifue finuamona Juzíñamui íaioimo jaícina íbana ote. ³ Mei íadi birui aféuai baimo jamánomo ñue riírede uaina cacáñinodícaí. Ie jira bie Crístonona cai cacana uáíllaina jeire cai óñenia, ¿níífuedo jaícina íba uáfue mona jíllotícaí? ¡Jíllonidícaí! Afe baimo ñue riírede uai nano fueñe Ocuíraíma Jesucristo caimo llogáuai. Ie mei ie dainana cacáñinodo aféuai jae cai uafue daííllena llotátaga. ⁴ Afe íaioi daina uaimo onótate raado Juzíñamui ñue uai nabáitate. Iemo jáí jacírede raado, aillo cíorainina raa díga afémie ñue uai nabáitate, íaioi daináuaimo ñue cai íñnollena. Afe llezica Juzíñamui ie jitáinafue izói, ie Ñuera Joreño ñuefuiái finolle ríino, illa dígamíerie íaioimo fecade, daje izói caimo.

Jesucristo Juzíñamui Jitó íadi afémie cai illa izói, ía cómena ífícaide

⁵ Cai úrifirena ñuera úiretiruillaído ñimie illáimaillena, Juzíñamui ie abi imácina: “Illáinina jáitiomoi” daiñede. ⁶ Mei jáífodo comínina illáimaitaacade. Jaiái Juzíñamui Cuegáuaimo David Juzíñamuina daide:

¡Ñi naga come Juzíñamui dibénedo jamáimíaina!

¿Ñibái mei íaioimo comécidío?

¿Ñibái mei íaioi jítótiaimo járitaitio?

⁷ Mei uáfueña due jiza o abi imaci jofófenemo comínina comúitatio.

Illaima ebírenano naa ñúefue diga íaioimo nitádío.

⁸ Naga raa íaioi anamo o itátatio.

Daií naga raa iima anamo itábicaillamona, jae minica ie anamo itábicañedena iñede. Mei íadi ja birui iima dibénedo naga raana náamatañega. Afe izóíñedeza; afémie nahí náamañede. ⁹ Mei íadi jáífodo birui Jesuna cai onónamona íemo comécidicai. Afémie nana íanori due jiza Juzíñamui abi imaci jofófemo jónegamie. Aféruido afe Jesús nano cai jáínona, tilla onóillena facade; mei afe llezica nana comini fiénidífue ícoinia Juzíñamui zóofegamieza. Ie mei tíide meine abido cáanamona jamánomoidimiena jaide. Afe mei afémie, illaima izóí, ñúefueña nitácemie, jae ebire finócamie, mei nauí ie tíllaruimo iere duere ie zefuállamona. Juzíñamui cairi dúecaillano, nana comini niné táinocaitañellena cai ícoinia Jesuna daií zefuítate.

¹⁰ Juzíñamui daií ie Jitó duere finoille caimare íemo jóbide. Ie jira Juzíñamui íaioina jílloaite ífódimie duere zefuállafuedo nana cai jíllonafueña ñue fuitade. Mei jii, naga raa Juzíñamui íeiena ie ínuamona ja birui itíaioi. Afémie nana comínimona aillo jítótiai jíllacade ie caimare ebírenanomo dáanomomo íaioi dúcizaillena. ¹¹ Mei Juzíñamui dibénemo oni jónetimie Jesús, nana Juzíñamui dibénemo oni jónegamací diga daje Juzíñamuina móorediaioi. Iemona, cai baímo jamánomoidimie íadi, Jesús “Cue ámatiaídiomoi” daií dánana meáiruiñede.

¹² Afémie Juzíñamuina daide:

O mámeceí cue ámatiaímo jino llóiticue.

Nana omo gairídino cígiri rocana ñúefue omo nítaiticue.

¹³ Jáínomo Cuegáuaimo daide:

Cue Juzíñamuidío. Omo ínoiticue.

Ie mei jáínomo daide:

Be, benó iticue, Juzíñamui cuemo iga naa úruiairi.

¹⁴ Onódiomoiiza, nana cai jae cómena comúitagacai. Daií cai íllamona, daje izóí Jesús dama cómena comúibicaide. (Ua, fia come izóí jéciga.) Afe mei come abi íemo íllamona, ie tíllado cai títaite Taífena ríinitade. ¹⁵ Jaiáimona nana tille jágiedo Taífemo rairuícamacidicai. Mei íadi Jesús jae cai jacíruiñeillena

nane ñue cai finode. Ja ráiruiñeganona afémie daíí cai ñue orede, nana nauí cai caana llezica tíllena jacíruiticai íadi. ¹⁶ Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídigimana cánuaibite naa jáíie Juzíñamuimo íinotinori. ¹⁷ Afémie cai cánuaibilemona ie ámatiai nana íaioí illa izóí afémie íficaillana iere jítáiredeza, mei dúecaifirede nahí comínimona Juzíñamuimo comínido úritillaimana jáideza. Ua íinofirega Juzíñamuimo úriraimana jáiacade, afe daíí ie tíllado comínimo ite fiénidifuiái oni muiñóllena. ¹⁸ Mei Jesucristo íaífue fiéni facátafuiáimona duere zefuide, aféfuemo baiíñede íadi; íemona ja birui fiéni Taife facátagamacina cánua ríino Crístomo íteza, ja caina ñue canórede.

3

Jesús Moisés baímo jamánomoidimie

¹ Ie jira, cue ñue ámatiai, Juzíñamui uáidogamací dibénemo jaináidíomoíza, Jesumo izire comeci omoí facari; ua cai jeire oga ñúefue lluaíbitagamíemo ñue comeci omoí facari. Iemo nane Juzíñamui dibénemo caído ñue úritimíemo, maí íemo comeci omoí facari. ² Bie Jesús íena daíí mamédimie ocuica uaina jaca nágaruillai íinofirede; ua, jaiáidimie Moisés nana íemo llogáuaina jeire ófirena izóí, afe izóí bímie nana íemo ocuica uaina jeire ófirede. ³⁻⁴ Jae onódiomoíza naga jofo come niga; dama abina niñedeza. Mei íadi naga ráaniai finódimie Juzíñamui. Iemo daje izóí ja onódiomoíza, naga jofo niraima afe nigaco baímo ñúemieza. Afémiemo jamánomo ñúefue jóonerede. Ie izóí afe bie Jesús Moisés baímo ñúefuena nitáregamie, mei naga raa afémie comuítagaza; íemo jáíi daje izóí Juzíñamuimo cai jaináinana Jesús comuítateza. ⁵ Ua, afe Moisés nana Juzíñamui íemo llogáuai, Juzíñamui dibénemo táijiacadimie izóí, aféuaina ñue jáicina Juzíñamui eneno nizeca Israel náiraimo llotátate. Afe daíí afémie ie méifodo bite llófuellífue uai nabáitate. ⁶ Mei íadi Cristo, jofona náamataga Jitó izóí, nana ie anamo itínona ñue jáicina ocuíoide. (Afe daíí Cristo Moisés báífene ímienaza onódicai, mei naga jító, jofo ero táijiraima baímo itímienaza.) Iemona Cristo dáinana, cai ínuafue ñue ríire itífuedo are illa ícoímo jeire cai oíadi, Juzíñamui comínidicai. Afe llezica afémiemo caimare cai úiñuana jítáirede.

Juzíñamui comíni comeci caimare uái illafue

⁷ Ie jira Juzíñamui Ñuera Joreño jaiái Cuegáuaido daíde:

Birui Juziñamui daináuai omoi cacana llezica omoi coméciai riiretaño iri.

⁸ Jaiai énie zaféredinodo Israel comini facátaruimo afémaci íaiói comeci riire fínuano Juziñamuina uáitataíoi.

Jí, afe izói omoi iño iri, daide.

⁹ Iemo nane Juziñamui daide:

Aféruillaido jaiai omoi uzútiai Judíuai cuemo ínoño fieni facátafuedo cuena facátataíoi.

Cuarenta diga fimónado nana íaióimo cue finócafuiaina ciódiaíoi íadi, cuemo fieni coméciidiaíoi.

¹⁰ Ie jira afe bigima cuena rícaitate.

Afémacido daidícue: “Íaiói comeci cuemo figo jaináiñenamona, cue lloga io onóño oni nibéfodo jáidinona itíaiói.”

¹¹ Iemona áferi icírillano riirede uaido daidícue: “Jaca cue lloga caimare comécina uái ocózinaillana óñeitiaíoi,” daidícue.

¹² Amatiai, daje izói figóñede, ñúefuena íáiruiga ínoñede comécimona mai abí omoi rairuiri, afe izói omoi íñeillena. Mei afe izóidimie cai caade Juziñamuimona oni eneno jica íteza.

¹³ Mei íadi nágaruillaido, Juziñamui ómoína nai uáidua llezica, Juziñamui dibénemo ñue riire jainairi. Iemo dani ómoimona ñue lletari. Daí ñue omoi llóiri, fiénidífue ie abi jífuiafuedo buna ómoimona dáamie comécina riireiñellena. ¹⁴ Mei nanóidemona caimo ite izire ínogafue, riire fáicanocaiño uáfueña cai onóíadi, jae Cristo dibénemo jaináidinodicai. Aféfuemo rairuíño ñue omoi jíeruiri.

¹⁵ Juziñamui Cuegáuai daí daide:

Birui Juziñamui daináuaina omoi cacana llezica, jaiai Israel Juziñamuina uáitajaruimo comeci riirena izói, omoi comeci riiretaneño iri.

¹⁶ ¿Bu mei afe Juziñamui uai cacáдино íadi, nane dáanomo íena uáitate? Mei nana Egíptomona Moisés bairócamaci Juziñamuina uáitate. ¹⁷ ¿Mei nímaci cuarenta diga fimona Juziñamuina icíritate? Mei nana afe Juziñamui uai ínoño fieni finódino; ní afémaci ícuruai énie zaféredinomo fiénocaiga. ¹⁸ ¿Ní nárainna riirede uaido Juziñamui daide: “Jaca cue lloga caimare comécina uái ocózinaillanomo dúciñeitiómoi?” Mei nana afe ie uaina cacádinona íadi aféuaina jeire oñédinona daí daide. ¹⁹ Daí íaióina dáinana íaiói ínoñenado jofa cáimanomo dúcinidiaíoi. Ua daí ñúenomo íaiói dúciñenana onódicai.

4

¹ Ja birui Juziñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daítadífuemona mai abí omoi rairuiri. ² Mei uafue cai bie

ñúefuena llogámacidicai. Ua afe jaiái Egíptomona bairócana ñúefuena llóina izói ñúefuena llogámacidicai. Mei íadi íaiói cacana uai figo íaióina canóñede; mei ñnoñediaíoi za fia táinona cacádiaíoi za. ³⁻⁴ Mei íadi Juzíñamui lloga caimare comécina uái ocózinailinomo nahí jofo jáidinodicai, mei ie uaina ñue cai ñnofirenado. Birui Jesumo cai ñnuamona, caimare comeci jacíruiñenafue dibénemo jónegacai. Jira ocózinairanomo táijiñeno cai illa izói, jae caimare uái iticai. Ie mei uire Juzíñamui illánomo ñue afémie diga caimare uái íiticai. Jaiái ñnoñedinona Juzíñamui daide:

Íaióimo cue ríicaillano ñue ríirede uaido daidicue, “Afe cue lloga caimare comécina uái ocózinailinomo jaca dúciñeitiaíoi,” daidicue.

Daí Juzíñamui íaióina daide. Mei íadi ua íaiói caimare illifue Juzíñamui are uícomo mamécaza; mei jae are énie ie comuítajaruimona, nana Juzíñamui ie finócafuiái, naa caimare cai illífuiáiri, jae fuitádeza. Mei Juzíñamui jíáinomo ie Cuegáuaimo afe ie ocózinailaruido úrite; daide:

Juzíñamui seis dígarui táijide; ie táijina mei siete iruimo nana ie finócafuiáimona caimare uái ocózinaide.

⁵ Afe mei jíáiruido ie Cuegáuaimo Juzíñamui daide:

Cue lloga caimare comécina uái ocózinailinomo dúciñeitiaíoi.

⁶ Iemo ñúefuena nanoide cacáðno ñnoñenamona afénomo jofo íaiói jáinina méifomo, áfeo nai jíáimaci jáillena túide. ⁷ Ie jira Juzíñamui diga fimona jailla mei, David roránicuaído comini uáiduano meine jíáie billirui íaióimo llote. Afécuaimo, due jiza íllamona cue lloga izói, Juzíñamui daide:

Birui Juzíñamui daínáuaina cacáðimoi za omoi comécina ríiretañeno iri, daide.

⁸ Mei íadi Josué afe jaiáidinona nahí caimare come comeci jacíruiñenanomo uíñede. Ie jira diga fimona illa mei Juzíñamui meine abido comini caimare illíruina úrite. ⁹ Iemona afe nahí caimare come comécina uái ocózinailafue nai ite, Juzíñamuimo jáináidimacina dani íaióiena maiñóllena. Afe ñue caimare cai illifue ocózinailaruimo cai ocózinaila izoide. ¹⁰ Mei naga afe Juzíñamuimona oga caimare illífuena maiñóðimie, dama ie jílluille naa ie nícidogano fáicanocaillano, caimare uái ite. Ua Juzíñamui naga ráaniai ie finua fuilla mei, ocózinailano caimare uái ite. Afémie uái illa izói caimare uái iticai. ¹¹ Ie jira afe caimare cai illífuena mai ñue omoi maiñori. Mai benómona daí omoi ífireiri, ómoimona buna jáairagima bifuena íaiói ñnoñenado íaifuemo baílla izói omoi báíñeillena.

¹² Nana Juzíñamui lloga uai, jaca íocire cáadimie izoide. Afe uai jaca ninomo ríiredeza, buna oni caitánide uai. Aféuai

comini ifóciaimo déifirede; ua íaioi comécina zuitáfirede. Mei jii, jaire jicaica lloéfaido abi ñeta iere jofo ícurumo raire dúcizailla izói, afe izói Juziñamui uai nana cai comeci ífuiái onótate. Uáfuenta cai comeci facáduana naa cai comeci jítaillafuiáiri fídiano ñue uáfodo jaícina jino caimo onótate. ¹³ Nana Juziñamui finócafuiái íemona oni retáidonide. Ua, daa Juziñamui cióñenamiena iñede. Nana cai comécillafuiái cai finócafuiái diga, uáfori cai nahí Jicánoraíma ui anamo ite.

Jesús Juziñamui dibénemo caido ñue úrifiredillaíma

¹⁴ Jae Juziñamui Jitó, Jesús, mona úillie illano iere caifófenemo jaillano, Juziñamui illánomo dúcide. Dúciillano Juziñamuimo dibénemo caido ñue raire úriráimana jaide; ua afémie caido úrifiredillaímana jónega. Afe bie úriráimana caimo íllaza, mai nana afémiemo cai comécilli; afémiedo cai ínogafuiái fáicanocaiñeno jaícina riire ñue íemo cai ínoilli. ¹⁵ Afe caido Juziñamuimo úrifiredillaíma nana cai abi ríidolle ríino iñénana onode. Ua afe cai ríino iñenamona cai féiraifirenana afémie onode. Ie onónamona caimo dúcaifirede; mei afémie cai izoide cómena íficaillamona, nana fiéni facátafuiáina cai cacana izói cacade íadi afe fiénidífuiáimo baiñede. Iemona Juziñamui dinena jáiredicái. ¹⁶ Ie jira Juziñamui illáimana illánomo cai úrizailli; mai omoí jacíruiñeno afe caido úrifiredillaímado Juziñamuimo raire úrifireiri. Daí íemo úriredicái caína ie dúcaillano cai fiéni finócafuiái iba caimo óñeillena; daje izói afémie cai jítáilliruido cai canóllena, afémiemo úriredicái.

5

¹ Naga come dibéfodo Juziñamuimo úritillaíma comínimona nizeda oga. Uano Juziñamuimo comínido úrillena mamécamié. Daje izói afémie comini dibéfodo Juziñamui íóbitalle ráfuiái finófireillena mamécamié. Iaioi Juziñamuimo fia iga ráaniaí afémie izájite. Daje izói íaioi fiénidífue iba otátañelle fia fállena fecaca tóica rílleníai afémie Juziñamuimo izájite. ² Afémie ríinide cómena íllamona, íaioi illa izói abina onóñedimacina fáicana comeci járitañenado caímare fíraizitaite. Daje izói oni níbéfomo baiídinona comeci járitañeno llétaite. ³ Mei afe nízcamié cai izói ríinidímié. Iemona dama ie íaífuíai muiñolle tóica rille jíáímaci fécajilla izói, afémie jíái fécajirede. Ua nana comini dibéfodo izáíbilla izói, dama íeiena afémie izáíbirede.

⁴ Afe iere ñuera Juziñamuimo úriráimana íllena, buna dama ie comeci jítaina izói ínide; dama Juziñamui jónegamié daí írena. Afémie caímare jacíruiгамié. Jáíáidíruimo daí Juziñamui Aarona uáidote. Uáiduano, Juziñamui íena nizeda úritillaímana jóonete. ⁵ Afe izói Jesucristo Juziñamuimo comínido úriráimana

íllena raíre dama úcificaiñede. Mei íadi Juzíñamui daíí úritillaimana ie jóoniacana llezica íena daíde:

Cue jitódio; ja birui illáimana o jóneiticue, daíde.

⁶ Ie mei daíí dainámiena Juzíñamui jiáinomo nane daíde:

Jaca ninomo Juzíñamuimo comíni dibéfodo úriraimadio. Ua jaiái ninomo Juzíñamuimo úriraima Melquisedec izói jaca ninomo Juzíñamuimo comíni dibéfodo zíiñona úriraimana íitio.

Aquíe izói Juzíñamui ie Jitó Jesuna daíde. ⁷ Cristo cai come izói bie éniédo jáicaillaruillaído, izire éecana Juzíñamuimo comeci facade. Iemo dáaruido Juzíñamuimo izire jicade. Afémie daíí íena jíllotaredimíemo comécido úrite; daíde: “Bie cue tíiacanafuemoná mai cue jíllota” daíde. Iemo Moo Juzíñamui anamo afémie ñue itábicaillamona comécido Juzíñamuimo ie jícajana Juzíñamui cacade. ⁸ Daíí Jesucristo Juzíñamui Jitó íadi, ie duere zefuíllafuíaído ocuilla uai anamo itábicaillana fibide. ⁹ Afemona afémie daíí nana cai jíllóillífue ñue fuitállena jamánomo jáicina fibítagamíena jaide. Ie jira nana íemo ínotímaci dibénemo Jesús zíiñona Jíllotaramana jaide. Ua zíiñona jíllonafue tainédimíena jaide. ¹⁰ Mei jira Melquisedec izóidimíe Juzíñamuimo comíni dibéfodo ziiño úrifireitimíena, Jesús jae Juzíñamui mamécamíe.

Cai ínogafue meine abído cai jáanolle íere jacírede

¹¹ Bífuiáido aillo úriacadicue, mei íadi íere cacáacañediomoi. Iemona nai figo baitáñedíno izói itíomoi. Daíí omoi íllamona, bífuiái ómoímo jino cue llolle íere féírede. ¹² Nauí nano Crístomo omoi ínuaruimona jae díga fimona jaide. Iemona jae oni jíáímacímo omoi llófuerizaille íere jítaírede. Mei jíáífodo ja birui meine abído Juzíñamui llogáuai tainéinafuíaína ómoímo jíáíma llófuelle jítaírede. Nai monoi jirode úrue izói meine abído úruetaídiomoi; nai figo baitáñedíno izói itíomoi. Ua lícíaína nai rínide izóidínona abído jáídiomoi. ¹³ Mei jíí, naga monoi jírófiredíno, móonaiñena llezica nai dúetiru. Daje izói naga Juzíñamui anamo ñue jáicina caina móonaitade llófueinafue dibénemo baitáñedimíe nai úrue izoide. Mei afémaci nai móonaiñeno úruíai izói baitáñediaíza. ¹⁴ Mei jíáífodo dama móonaite éicomíni lícíaína rírena. Afe izói juárede llófueinafue ñue onona dama comécina ñue jéedímacímo dúide; mei afémaci aillo facáfírenamona ñúefue fiénidífue baímo ñue onónana fibídiaíza.

6

¹ Ie jira afe nánoide Cristo dibéfodo llogáfuiái ómoímo llúana ja mozíñocaidícue, jíáíe cómfue ómoímo jino cue llóllena.

Omoimo cue lolle bie cómofue, Juziñamui llogáuailaido ómoína ñue jaícina móonaitaite. Aféfuiai mai jeire cai olli. Nano uícodo lloga ñúefue jillácina meine abido diga icaiño ómoína llófueñeiticue. Afe nanóidifuiái bie izói daide: “Ómoína jillotañeite omoi nícidogafuiái fáicanocaillano ñúefuena méidori. Méiduano, mai Juziñamuimo omoi ínori,” daide. ² Iemo afe nanóidifuiái báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tíidinomona meine abido cáailifue llote. Afe emódomo, írairuimo Juziñamui nana comínimo jicánolle mei zíñona duere finótallifuedo úrite. ³ Nana bie nanoide llogáfuiaina meine abido llófueñeiticue. Mei íadi, Juziñamui comeci jítaina izói, afémie cue canólledo, ñue móonaitadifuiaina omoi llófueiticue.

⁴⁻⁶ Dai birui ómoimo llófueacadicueza, mei nanóidifuiaina uáitajano oni jiáfodo féiraitimíai íaiói illafue nano ñue ínogafuena jaca méidonide; mei afe ñúefuena nai náfuñediaíoi. ¡Mai, abi omoi rairuiri! Afe daiítadimaci nauí dáaruina Juziñamui llófuegamaci izóidiaíoi; ua Juziñamui dibénedo ifócina déitaganona itíaiói. Daje izói, monamo ite Juziñamui daina caimátallifueña facádiaíoi. Iemo daje izói afémaci Juziñamui Ñuera Joreño úicaillana jae facádiaíoi. Afe llezica Juziñamui ebírede daináuai cómena ñúetatífueña afe íaiói fácamona, ñúerana onódiaíoi. Afe emódomo, Juziñamui Jitó uire illáimana illirui llezica, íemo ite comíni cáimadolle ríinodo jae bimaci canócaiaíoi. Jae nana bie núefuiaina fibídiaíoi. Mei íadi afe mei Juziñamui ífuiaina móonaitaíñeno, aféfuiaiana íaiói uáitaiadi ñúefuena méidofinidínona jáidiaíoi; mei daií afémaci íllamona Juziñamui Jitona cruzmo fatátatimaci illa izói afémaci dani itíaióiza. Ua nairai uíécori íena jifánodoíia izói íena meáidaitadiaíoi. ⁷ Bie izoide comíni comue jacafai aiñena izoide. Juziñamui bítaga noci naga éniemo diga ícaiño biide. Iemona afe éniemona ñue ria aite, afe éniemo táijidino güillena. Aféniena Juziñamui ézicite. ⁸ Iadi jáínomo noci bílla mei, daa figóñede éegíai ailla, naa zaie diga. Afe izóidinie ráifíñedeza; níbaí íanori íllamona Juziñamui fáidoite. Íraínomo afénie jobáillamo dúide, naa afénomo zicódinuairi mei figóñedeza.

Cai úiñoigafue caina ríire nabaide cai ínogafue féiñellena

⁹ Mei íadi cue izíruiga ámatiaídiomoi. Jae cue lloga faidórafue baímo jamánomo ñúefuiái dibénemo jaináidiomoi. Ua omoi jíllonafuemona comuide cáimaduafuiái maiñófireidiomoi. Aféfuena ñue onódicue. ¹⁰ Juziñamui comécina jaícina jóidimie. Iemona nana íena omoi izíruíllamona omoi finoca

Juziñamui comini cãnuã ráaniãina, afémie féitañede. Daje izói aféfuiaimo nai birui jieruitiomoí. Ua Juziñamui jaináidinona izíruillano, ñue afémacina riire canófirediomoí. ¹¹ Ie mei birui afe izire omoí nícidua izói, daje izói ómoímona illa dígamieriena Juziñamuimo ocuíriri daídícue. Iemona omoí íinogafuiai jeire ómoína otátaacadícue, omoí úiñoigafue táinomo fáifiñeillena, mei jiáífodo ñue jaícina omoí fuitállena. Afemo ómoína nágarui izire coméciiri daídícue. ¹² Daí izire omoí coméciioillamona ráiraiedino illa izói íñeitiomoíza. Mei omoí ñue coméciillamona, jiáífodo daade Juziñamui lloga ua caimare illafue dibénemo itino illa izói íitiomoíza. Afémaci íaioí íinogafuedo íaioí abina ñue finóinafuenta Juziñamuimona otíaioí. Ua comeci járitaiñeno are illa ícoímo Juziñamui uícodo íaioímo lloga ñúefuena maiñóroidiaioí. Íaioí illáfuemo ñue omoí coméciiri, íaioí illa izói omoí íllena.

¹³ Mei jii, Juziñamui iere íinofiregamie. Jaiiai Abraham illáruimo Juziñamui uafue uai Abrahamo llote. “Aillo comini jebuítaitio” jaiiai uícodo íemo llote. Llua llezica uafue daííllena Juziñamui dama ie mámecina llíinote, aféfuena Abraham ñue íinollena. Ua Juziñamui dama ie mámecina llíinote, mei jiáie baimo jamánomoidimiena íñédeza. ¹⁴ Daí Juziñamui Abrahana daide: “Uafue iere ona ñue caimátaitaicue. Jae cue o jítóretallemona, o erófene igímana jamánomo iere jebuítaitaicue,” daide. ¹⁵ Iemona Abraham comeci raire járitaiñeno, díga fimona áfemo úiñooidide. Daí ie ocuírina mei, afe Juziñamui lloga caimare ie nairai jebuíllifuenta Abraham ñue maiñódeza. ¹⁶ Bínie comini cígimona dáamie uáfuenta daííacana llezica, afémie baimo riíredimie mámecido uafue daíítate. Daí lloga uaina buna oni caitáíñede. Nana dani íaioí júfidogana záitate. ¹⁷ Daje izói Juziñamui ie lloga finóllifue, jiáie ñue riírede uaido, aféfuena iere uafue daide. Afémie daí dáideza, mei ie uícodo lloga ñúefuena máíñoitino, afefue ua jiáífodo méidonidena jino íaioímo uáfodo llóiacadeza. ¹⁸ Daí Juziñamui mena caitánide uáillaído íaioímo llote. Afe ménacaiño ie daina dibénemo Juziñamui táinona llónide. Afémie daí daide, áfemona cai comécina ñue íociretallena. Iemona caimo ie lloga ñue cai jíllonafuemo fáicanocaiñeno íinofiredicai. Mei jii, cai jíllotaraima Jesucrístomo jarire jaillano caina ie úiñotaga comeci íaífue dóllena raire íemo jicádicai, caimo ite fiénidifue iba óñeillena. ¹⁹ Afémie cai jíllotallena caimare úiñoídícai. Iemona afémie caina daináuai cai comeci nífuenina ñue mozíoítate. Ua cai úiñoigafue caina riire nabaide cai íinogafuiai féiñellena. Daí comeci docáíñeno ñue riire nabáitaga jacíruiñedinodícai. Mei cai jíllotaite cai úiñoigamie

Jesús, caifo monamo Juzíñamui nahí ie iránomo íteza. ²⁰ Afe Jesús, cai jáillio ifódimiena afénomo jae jaide. Daií illamona afémie jae comínido Juzíñamuimo zíiñona úritillaimana jaide. Ua, jaiái Juzíñamuimo úriraima Melquisedec izóinado, Jesús jaca ninomo caído úrite.

7

Jesús, jaiái Melquisedec illa izói comínido Juzíñamuimo úriraima

¹ Afe Melquisedec Salem jofue illaima. Afe llezica afémie comíni dibéfodo jamánomoide daade Juzíñamuimo úrifiredimie. Jaiái illáruimo Abraham jáíie aféniemo ite illáinina anáfenuaide. Iaióina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jicade.

² Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñoñoeno fia fecade. Melquisedec nanoide daina mámecei “Comécina jaícinaidillaima” fueñe daiíacade. Ie mei afémie nane jáíici ote: “Salem Illaima.” Afeci “Comíni comécina caimare uái itátatillaima,” daiíacade. ³ Afe Melquisedec moo mámecei jaca onónide, naa ie ei mámecei díga. Daje izói ie emódoidígima jáíi óñoñega. Daje izói afémie jocóinarui óñoñega, ie tíllarui díga. Iemona afémiena comíni “Zíiñona itímie” daide. Afe Melquisedec comíni cígiri illáfuedo Juzíñamui Jitó zíiñona cai dibéfodo úriraimana illáfuenta caína fidítate.

⁴⁻⁵ Mai bífuemo ñue omoi coméciri, Melquisedécimo ite jamánomoidifuenta omoi onóillena. Ua Melquisedec, cai nanoide jáiairagíma Abraham baímo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitóniai cígimona Leví comuídeza. Afémie comíni dibéfodo Juzíñamuimo úrillena Juzíñamui nízeda ogámie. Ie jira nana judíuai Juzíñamuimo úriraini Leví úicoidígimamona comuítagaiaíoi. Afe Juzíñamui nízeca Leví náiraina, Juzíñamui Moisés ocuica uáido daide: “Nana jáíie judíuai nairai imácimona Juzíñamuimo dúide ráaniaina órediomoi,” daide. Ua Leví náiraimo ibárede, nana jáíie Israel nairai daa Abrahámona comuídino íadi. Ie jira Leví comíni nana afe Juzíñamuimo dúide ráaniaina llínofirediaíoi. ⁶ Mei íadi afe Melquisedec, Leví nairai izíe íeñede. Mei íadi afémie áfena llínoñeniadi afe Melquisedec, Leví emódoidígima Abrahámona Juzíñamuimo dúide ráaniaina uáfuenta llínote. Iemona Melquisedec Leví baímo jamánomoidimieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uiecodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷ ¿Nibémie mei jamánomoidimiena? ¿Ezicitimie mei nibai ézicigamie? Ua, ézicitimie baimo jamánomoina. Afefue buna jáanoñega. ⁸ Nane jáífue llóiticue. Cai cigimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíffirediaioi. Mei jáífodo afe jáie llínotimie Melquisedécina mámeciredimie Juzíñamui Cuegáuai daína izói, tíñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino. ⁹ Iemo jáífue Levido daírede. Leví Abraham erófene igíma. Mei íadi afe Juzíñamui íena eneno mameca raana llínofiredimie jaiai uícodo Melquisedécimo ie uzuma Abrahamdo Juzíñamuimo dúide raana ibade. Daí Leví comini, jaiai uiecodo Juzíñamuimo dúide raana Melquisedécimo íbádiaioi. ¹⁰ Mei Leví nai jocóñena llezica ie comuillino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite. ¹¹ Israel náiraimona eneno nizécazie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene igímairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuiai comini ua zíñona jílloillena figo jínoinede. Comini comécina Juzíñamui jítaina izói nahí jáicina jóoitañede. Aarón naa ie erófene igímairi finócafuiai figo jínóñena jira, jáie afémie izóíñede baimo jamánomoidimiena jítáidicai, afémaci méifomo jóonellena. Ua Melquisedec zíñona illa izóidimiena jítáidicai. (Ie jira afe Aarón comini meifo méidoitimiena Juzíñamui jae jino náiraimo cíotate. Afémie mámece Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináíñede.) ¹² Jae afe jaiai uícomo ite Juzíñamuimo úriraini nana dáanomo jáíiena íaioi méidua llezica, afe Moisés íaioimo ocuica uailai daje izói jáífodo méidorede. ¹³ Juzíñamui Cuegáuai daí daínámie cai Ocuíraima Jesucristo. Afe como jóonega Juzíñamuimo caido úriraima Jesús, Leví nairai ímieñede. Jáíziemona comuídime. Ie nairai ímiaina jaca nizéñega, Juzíñamuimo comínido úrillena. Ua comini fia fecaca tóica ríllenai naa ráaniai diga Juzíñamuimo izájillena, nízeñegaiaioi. ¹⁴ Ñue onóigaza cai Ocuíraima Jesús Judá náiraimona comuídime. Moisés afe náiraimo Juzíñamuimo

úriraína illena, jaca lloñede.

¹⁵ Afe jáie como jónega comínido Juzíñamuimo úriraíma Jesús, jino cióillamona, bifuiaina jino uáfodo baimo onódicai; mei dama afémie Melquisedec izóinaza. ¹⁶ Bímie dama ie ñue ziiñona ífírenamona comínido Juzíñamuimo úriraímana jaide. Mei jáífodo Leví náiraímona jaiái nizeca Juzíñamuimo úriraiñi ocuica uai dáinado úriraina jáidiaioi. Afe uai ñie náiraímona nizéllena llote. ¹⁷ Mei íadi como jónegamie Jesuna Juzíñamui ñue riírede nabáitaja uaido daide:

“Melquisedec izói jaca ninomo Juzíñamuimo comínido ziiñona úriraímana ja birui itioza,” daide.

¹⁸ Iemona afe uícodo ite ocuica uai jae oni caitaca, mei afe uai riínideza. Iemo jáí, aféuai comíni comeci nahí duáfuenta figo jínotanideza. ¹⁹ Afe Moisés ocuica uai buna comécina nahí jaícina finóñede. Mei jáífodo jáie aféuai baimo, ñuera cai jíllotaite úiñoigamie Jesucristo jae caimo cíotaga. Afémiedo Juzíñamuimo áinozifiredicai, uáfodo Juzíñamuimo cai úrillena.

²⁰ Afe Jesucristo Juzíñamui riire nabáirede uaido jónega. ²¹ Ie uícodo Juzíñamuimo úriraina jáidino, riírede uaido jóneñegaiaioi. Mei íadi Jesús comínido Juzíñamuimo úriraímana jáillaruiamo, Juzíñamui riire nabaica uaido ja dai mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bifue riire cue nabaica uaido daidicue. Cue comeci faca uai jaca jáíuaina méidoñeiticue.

O ziiñona comínido Juzíñamuimo úriraímana itio;

Ua Melquisedec izóidimiedio,” daide.

²² Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféuemo iere uafue daide. Afe finóllifue Moisés lloga nanoide finóllifue baimo ñuera. ²³ Jesucristo uícoidiruillaímo ite Leví náiraímona nizeca Juzíñamuimo úriraiñi ua aillo ite; mei íaioi tícoizifírenamona jaca jáímiena méidofiregaiaioi. ²⁴ Mei íadi Jesús cai dibéfodo Juzíñamuimo úrillana, jaca jáímiena méidonide; mei afémie jaca ninomo ziiñona itímieza. ²⁵ Iemona Jesús nana íedo Juzíñamuimo úrizaíbitinona, jaca ninomo jaícina ñue jíllotarede, mei afe Jesús, íaioiri Juzíñamuimo ziiñona úriraímana íllaza.

²⁶ Ua, afémie izoide Juzíñamuimo comínido úritillaímana jaiái ninómona jítaídicai. Ñue cai jíllollifue afémie caimo ñue zúitaitimie, mei afémie nahí ñuera nífuenidímieza. Afe llezica afémie nana fiénidímaci íaífuemona oni eneno rairuícamie. Ie mei afémie mona ero úcuai illa caifomo, Juzíñamui nahí illánomo uigámie. ²⁷ Jaiái uícomo ite Juzíñamuimo úritillaíni nágaruillaído tóica rílleniaina fatá Juzíñamuimo izájifirediaioi.

Nano fueñe dani íaioimo ite íaifue ícoinia áfeniaina izájidiaioi. Afe mei comínimo ite íaifue ícoinia áfeniaina izájifirediaioi. Mei íadi Jesús afe izói fínuana jitáine. Afémie dácaño nana comini íaifue ícoinia dama ie abi Juzíñamui fecade. Ua cruzmo ie duere zefuida tñllado abi fecade. ²⁸ Afe Cristo uiecode lloga ocuillafuedo llotino, jíáie jamai figo nahí jaícina finótañede comínimona Juzíñamui úritillainina mamédiaioi. Mei jíáfodo, afémaci méifomo jóonega úritillaima Jesucristo, Juzíñamui ñue riire nabaica uaido jóonega. Afémie jaca ninomo nahí jaícina itaga Juzíñamui Jitó.

8

Juzíñamui caimo cómuena finóllifue, Jesús caimo jino denódimie

¹ Nana cai daináfuiamona llógana bie ñue nahífuena ómoimo llóiticue: Como lloga caimo ñue jóobide caido Juzíñamui úriraima birui ja caimo ite. Afémie caifo monamo ite Juzíñamui nabézimo ráinazaide. ² Dinomo Juzíñamui nahí illánomo Jesús íllamona, jamánomo ñuera Juzíñamui uiecomo Jesús caido úricabite, cai jíllloillifue ñue caimo zúillena. Afe Juzíñamui cai nahí ánozirano comini fínoñega. Jaiái biniemo ite Juzíñamui ánoziraco comini niga. ³ Naga Juzíñamui úritillaima, fia iga ráaniai, tóica rílleniai diga Juzíñamui fecáfireitimierna mameca. Ie jira cai dibéfodo Juzíñamui úriraima Jesús, daje izói dama ie fécajille raa jitáirede. ⁴ Biniemo afémie níbai abido ie bia, afémie caido Juzíñamui due jiza úriraimañeite, mei Moisés ocuicauai daina izói Juzíñamui caido úriraini biniemo nai iteza. Daje izói bimaci nai benó Juzíñamui fia fecaca raana íemo izájifirediaioiza. (Ie jira caido ziiño úriraima Jesús, caifo monamo Juzíñamui cai ie canólledo úricabite.) ⁵ Biniemo ite Juzíñamui úriraini aillo ráfuiaido nícidotiaioi. Nana íaioi nícidogafuiái jánana mameide. Iaioi finócafuiái caifo monamo ite Juzíñamui nahífuaina caina fidítate. Daje izói biniemo ite jaiái Juzíñamui ánoziraco, Juzíñamui nahífuena cai fidítaraco. Afena onódicaiza, mei Moisés afeco nitátaacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶ Mei íadi biniemo ite Juzíñamui úriraini nícidogafue iere afe baímo, cai caifo monamo ite úritillaima Jesús caido jamánomo ñúefuena nícidote. Mei jíi, afe Jesucristo caimo zuitaca Juzíñamui ñuera cairi comue finóllifue, jaiái Moisés

lloga finóllifue baimo ñuera. Mei Moisés ocuica uai baimo, Juzíñamui uícodo lloga cómofue jamánomo ñuera uáimona comuídeza. ⁷ Afe Moisés lloga nanoide finóllifue, comini jílloillena ñue jínoiadi, jíáie uire iite ñue finolle uai jítaiñeitiaioi. Mei íadi afe naonide uai íaioi jílloillena figo jínoñede. ⁸ Afe nano ocuica uai jeire otino nahí jaícinaidifuemo figo dúciñediaioi. Dúciñediaioimona, Juzíñamui ie Cuegáuaimo íaioina daide:

“Uire jíáiruido nana Israel náiraimo comue ñue cue finóllifue ócuiticue, naa Judá náirairi.

⁹ Jaiai íaioi uzútiaimo cue daina ocuica uai izói, ócuiñeiticue.

Jaiai aféruillaído Egipto éniemona afémaci billa llezica íaioina ifódicue:

Ua afémacina izire úcaidicue.

Mei íadi cue lloga ocuica uaina nano íanori fáicanocaillano, áfena figo náfueñediaioi.

Afe jira íaioina zóofeticue,” Juzíñamui daide.

¹⁰ Nai nane íaioina lluno Juzíñamui daide:

“Uíreitiruillaído Israel imácimo bie izói cue ñue comue finóllifue ócuiticue.

Aféruillaído cue ocuica uáillaina íaioi ifócimo jaícina déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máíñoiticue.

Afe llezica íaioi nahí Juzíñamuina íititicue.

Iemo cue náiraina íitiaioi.

¹¹ Aféruillaído nana afémaci uáfodo ñue cuena ónodiaioiza, cuena íaioi onóillena abi diné jíáima llónide.

Iemona ie abi ímiaimo buna Juzíñamuina onótanide. Daje izói dámie ie ámamo Juzíñamuina onóillena llóñeite; mei nana cuena ónodiaioiza.

Naga jamáimie, íemo jíái naga jamánomoide riíredillaíma, nana daje izói cuena ónoitiaioi.

¹² Nana íaioimo cue dúecaillamona íaioi fieni finócafuiái íbana óñeiticue.

Nana íaioi comeci íaífuiaina jaca ninomo féitaiticue.

Aféfuiaina úibiñoñeiticue,” dinó Juzíñamui daide.

¹³ Bie méifodo lloga Juzíñamui finóllifue, cómofuena méiduamona, afe uícodo Moisés lloga finóllifue jae jaiáiza feide. Afena Juzíñamui daíí uáfodo llote. Iemo naga jaiai raa zabízaillamona raire oni dotánocaiga; oni dotánocailleza cíñoñelle.

9

Bíniemo ite Juzíñamuimo ánozirano, jana izói jíáie monamo ite Juzíñamuimo ánozirano cai fidítate

1 Afe naui nano lloga finóllifue llua llezica, Juzíñamui íemo áinoziraco nitátate. Afe nitátaja dáaruído, comini Juzíñamuina ióbitalle uaillai afémacimo daje izói lloga. 2 Afe lloga Juzíñamuimo áinoziraco Moisés nitátaga. Afeco ere niñeno jédaciede iníroina ibáicaco. Afe áreco ero ménaco titaca. Jinóidico Juzíñamui Ñúeco daina. Afeco eromo áillue mechera izoide egáñora ite. Siete diga dájemona boode raa ite. Dáanomo Juzíñamui dibénemo oni enénorie rairuica pan jónerabani ite, naa afe páaniairi. 3 Afe áinoziraco jofóidico Jamánomo Ñuera Rairuícaco daina. Afe jofóidico daje izói jédaciede iníroina ruica diné eróicana nacona ibaica. Jédaciede jigaroi izóidena fetaca. 4 Afe fetaca jédaciroi abimo uguci jobáirabani ite. Bibani llíaide órona jinófene aifftaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aifftaga. Afe éenoraco eromo Juzíñamui nofici ibícimo cuega ocuica uaillai ite. Ie jira afeco nofíbicimo cuega Juzíñamui cai ocuilla éenuacona mameina. Iemo afénomo daa oro finoína nogo ite. Afégomo ite Juzíñamui monámona cocítaga güille. Afe güille mámeçi maná. Daa afe éenoracomo Aarón jigüida izoide radozi ite. Afe idozi jamai jazici radozi ónaza dúididozi. (Zicorede juzítófe izóíñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate. 5 Afe éenoraco ibáirabici emódomo mena oro finoína Juzíñamui abi imácina eroide jana naidáide. Mei íadi afe íaillinoi íaicorede. (Afe íaillinoi mámeçi ráimona “Querubines.”) Afe íaillinoi conima uiécomo eróidiaillinoi. Iaillinoi naidaina cígimo Juzíñamui cíocaifirede. Afe Juzíñamuina cíóñenaza; dama ie abi egáñuana cíófirena. Afénomo faga tóiniaí díena recuífirediaíoi. Daií recuífirediaíoi, Juzíñamui meine abido comínimo dúecaillano, íaioímo ite fiénidifue iba íaioímo óñeillena, ua afe ícoínia íaioína duere fínoñeillena. Nana afe dibénemo ite duera nícidogafuiaina ja birui benomo llónide.

6 Afe ocuica áinoziraco nilla mei, íemo naa ie jofe ero ráaniairi fínua mei, comínido Juzíñamuimo úriraini jinóidicomo jáifirediaíoi. Afénomo íaioímo ocuica comínido Juzíñamui ióbitalle ráaniai finófirediaíoi. 7 Mei íadi afe jofóidicomo, dama Juzíñamuimo úritillaíma jáifirena. Aféllaíma naga fimónaiaído dácaiño afeco jofe eromo jáirede. Faga tóiniaí díena jaca jofe úifirede. Dama íemo ite onóñeno finoca fiénidifue ícoínia daií díena Juzíñamuimo izájide. Ie mei nane nana comini íaifue ícoínia jíáie díena Juzíñamuimo izájide. 8 Bífuiáido Juzíñamui Ñuera Joreño daa jíáifuena cai fidítaiacade. Afefue daide: “Baie jinóidico nai illa llezica, jofóidicomo jiba comini jaille

naí rairuïrede. Ua aféruillaïdo jofó dama Juzíñamui illánomo jáinidiaïoi. ⁹ Nana bie Moisés illágmado nícidogafuiaï birui cai onóillena canode. Ua comínimo ácatafirega raa izoide, aféruïdo Juzíñamuïmo ánozillena nigaco, naa afe eromo íaïoi nícidogafuiaïri, ñue jaïcina caina onótate. Biruúllaïdo judúuai aillo faga tóinïaï jáïe fia fecaca raa diga, Juzíñamuïmo naí izájifrediaïoi. Mei íadi afe bíedo íaïoi comeci Juzíñamuïmo ñue jaïcina jóitanide, mei íaïoi comécimo ite fiénidifuiaï naí féitañegaza, fia ibaica izói íteza. ¹⁰ Nana afe íaïoi nícidogafuiaï fia jinófene ífuaï. Níie izói íítiaïoi daïde. Dárie íaïoi güille, jirolle diga fimairillafuedo úrite. Afe izói fia emódoide múiñuafuedo úrite. Nana bífuaï fia nano nié dño comínimo ocuica, mei Juzíñamui jáífuenta méidolliruïmo naí dúciñedeza. Ie jira aféfuiaï daa aféruillaï íena ráifide.

¹¹ Mei íadi caïdo Juzíñamuïmo úrifireitillaimo Jesucristo, jae caïmo dúcide. Afémïedo ñuera cáimafuiaï caïmo zúide, mei ua nahí Juzíñamuïmo ánoziracomo afémïe jáináideza. Afe jaiaï bíniemo ite comini niga Juzíñamuïmo ánoziraco jaboïde. Afécomona cai íóbillafue baïmo, Jesucristo jamánomo ñuera jïllonafue, caïfo monámona ana caïmo zúitaïbite. Afémïe afe nahí Juzíñamuïmo ánoziracomo dúide; afeco bíniemo comini níñega. Dama ie nahico monamo ite. ¹² Nana comini íena, dácaïño afeco eromo ite jofóidicomo afémïe jaïde. Ie jailla llezica chivo ðie, juráreto jiza ðie diga uñede; mei jáífodo dama ie ðie uite. Mei jii, afémïe íaïfuenidimïena íllamona, cruzmo cai ífomo tíllano, ie ðie tótado ziiñona cai jïllonafue ote. ¹³ Jaiaï Moisés ðaina izói, íaïcaïllamïe íemo ite íaïfue bie izói muiñórede. Múïñoñegamïe Juzíñamuïmo dúide comini cígïdo macánide. Daje izói afémïe Juzíñamuïmo nabáirinide. Ie jira faga tóinïaï ðie atïrede. Iemo jáïe Juzíñamuïmo mameca juráreto jiza jobailla afe jízechoma atïrede. Ie mei afe íaïcaïllamïemo aféçhoma júðairede. Iemona afémïe íaïcaïñegamïena jaïde. Mei jínofena muiñócaza. Ja Juzíñamui comínimo meïne abïdo caïmare úrïrede. ¹⁴ Mei jii, Juzíñamui dáinamona afe tóinïaï ðie riïrede, come jinóidifue mo muiñóllena. Afefue ðaítania, ua onóðicaïza. Mei Jesucristo ðie jamánomo riïrede. Ua dama afémïe ñue nífuenidimïenado Juzíñamuïmo ie abï dama izáïbite. Afe ziiño Ñuera Joreño ie cánuado Jesucristo dama ie abï Juzíñamuïmo izájïde. Iemona ie ðie tótamona nana cai comécimo ite íaïfuaïina muiñótate. Ua nana cai jáiaïmona nícidogafuiaï caina ziiñona cáatañede. Mei íadi Jesucristo ðïedo cai comeci múiñua mei, ua ziiñona cáatagacai, afe jaca nahí caade Juzíñamui ocuïcano ráiruïñeno

cai jetállena.

¹⁵ Ie jira Jesucristo jae Juzíñamui comue finóllifue caimo jino zúitaitimie. Afémiedo nana Juzíñamui nizécano uafue uícomo lloga zíiñona cáimaduafuena maiñóritiaioi. Juzíñamui daií nana comini jílloillifue uícodo mamede, mei dama Cristo tíllado comini fiénidifuiái Juzíñamui dote. Ua jaiái uícodo lloga nanoide finóllifue illa llezica, nana aféruimo afémaci fieni finócafuiai ja birui Cristo tílla jírari, Juzíñamui dote; duano, nana íemo ínotinona jílloate. Daií Juzíñamuimo zíiñona caimare nabáirillafue maiñódiaioi. ¹⁶⁻¹⁷ Afe maiñórrillafue, come tílla méifomo ítifue izoide. Dámie tíadi ie fiébidę feci raa jáimie oni llínoga. Afémie nai tíiñenia, feci raa oni llínoitimie minica raana nai llínonide. Ie jira oni llínoitimie íemo dúide raa maiñóllena, afe raa naama tílla jitáirede. Daje izói Juzíñamuimo caimare nabáirillafue cai maiñóllena, Cristo tílla jitáirede. ¹⁸ Afe jira jaiái uícodo lloga Juzíñamui ñue finóllifue táiniaruimo díena recuíñorediaioi. ¹⁹ Moisés nana afe ocuica uaillai nana comínimo jino llua mei, afe uaillai cuiábicimo faga tóiniaí díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daína raroci llínote. Llínuano, afécimo jáirede oveja itáiraina maite. Iemo jáinoina jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote. ²⁰ Cuirínua llezica Moisés daide: “Juzíñamui ómoiena ocuica ie finóllifue bie die uafue daiítate,” daide. ²¹ Daje izói aféruillaído Moisés íaioi iniroi finoina Juzíñamuimo ánoziracomo díena cuirínote. Daje izói nana afeco eromo ite Juzíñamui ióbifirena raamo díena cuirínote. ²² Ua, Moisés ocuica uai daína izói jamánomo diga raa, díedo Juzíñamui dibénemo dua izói ñue finoca. Iemona die tótañegana comini comeci íaifuiai íba jaca órede.

Cristo dama ie abi Juzíñamuimo izájille comini fiénidifuiaina muiñode

²³ Afe comini niga Juzíñamuimo ánoziraco Juzíñamui ocuide, naa afeco eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuiaína jánana cai ciona izói caina onótate. Nana biniemo ite afeco ero ráaniaí Juzíñamui illánomo nahí itífuiái jana. Ie jira biniemo ite ráaniaí dibénemo figura Juzíñamui daiíllena, bie die recuille jitáirede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jitáirede, afémacina Juzíñamui iere figura daiíllena. Ua tóiniaí die baimo Jesucristo jamánomo ñuera die jitáirede. ²⁴ Iemona Cristo

tílla llezica, afe Cristo bíniemo ite comini niga Juziñamuimo ánoziracomo eromo jofó jáiñede. Afe bico fia nahico jana. Mei jáifodo Cristo, Juziñamui nahí illánomo caído úrillena jae cíocaizaide. ²⁵ Afénomo Cristo dama ie abina, diga icaiño meine nane izájiñede. Mei íadi bíniemo ite Juziñamuimo comínido úritillaíma, naga fimónado faga tóiníai die uillano, afe Juziñamuimo jáiraco jofóide iere ñuera rairuíredicomo jaide. ²⁶ Afémaci jáifirena izóí Cristo jáifiredena figóñede. Mei nibai afémie daíí diga icaiño jáiadi, íemo énie finuaruimona afémie afe izóí diga icaiño meine abido tíirede; mei íadi afe izóíñedeza. Afémie cai illáruillaído jaíai lloga Juziñamui finóllifue fuilla llezica, dácaiño fia cómena íficaillano caimo cíocaizaibite. Ua afémie bíniemo cai jáínona ie tíizaibillado, nana caimo ite fiénidifuiái niné féillena oni dote. ²⁷ Ja onóigaza, naga come bíniemo dácaiño tíide. Tíilla mei, íaiói illafue Juziñamui jaícina jicánoite. Aféfuena daje izóí ñue onódicai. ²⁸ Daje izóí Jesucristo, comini fiénidifuiái oni dóllena dácaiño tíizaibite. Ie mei uire jáíruido afémie fiénidifuiaina duáibiñeite; mei jaíai ie dógaza. Mei íadi afémie uafue meine dáanomo cíocaizaibite, nana íena izire úñoidinona jíllotano monamo ie illánomo úillena.

10

¹ Mei jaíai Moisés ocuica uai naa ie lloga níciduairi, ico nirui bite caimare illífuíai jana. Afe ie lloga jáiaifue nahífueñede. Moisés bie ico zúitífue cai onóillena jana uícodo llote. Iemona naga fimónaíaido faga tóiníaina íaiói úifirena, íaiói comécina figo jaícina jóitañede. Mei uáfueña, afe faga tóiníai íaiói úifirena Juziñamuimo ánozidino nahí íaífuenidínona jáitañedeza. ² Mei daíí uafue íaífuenidínona íaiói jáiadi, nibai afe tóiníaina izájifirenana fáicanocaidíaiói; mei jáifodo fáicanocaiñediaíoi, nai comécina jaícina jóoneñegaíaióiza. Daje izóí áfedo Juziñamuimo ánozidino comécina íaífueña nahí nífuenidínona jáiadi, nibai jae íaiói fiénidífue izire íaióimo iñede. Mei íadi íaiói fiénidífue jaca izire íaióimo ite. Iemona onódicai, tóiníai fecáfirena íaífueña figo doñede. ³ Mei íadi afe fatá Juziñamuimo izájitaga tóiníaina ciónamona, comini íaiói fiénidífue naga fimónaíaido úibicaitagaíaiói. ⁴ Mei jíí, juráretuai, chívuai die diga, jaca come fiénidifuiái dónide. Mei áfemo ua dolle ríino iñédeza. ⁵ Ie jira Jesucristo bíniemo bíacana llezica ie Moo Juziñamuina daide:

Omo fia fecaca faga tóiníaina gáíñedioza, comínina iere figura o daíllena.

Mei jiáifodo énie cómena ja cuena jéicitaitio.

Afemona cue tilledo íaioina óiena nífuenidinona jáitaiticue.

⁶Ua comini íaifue ícoinia jobaica tóiníai ja birui ona ióbitañede.

⁷Ie jira ciegánico cuedo úrilla izóí birui ona daidicue:

“Moo Juziñamui benó bíniemo o comeci jitáillafue
fínuaibiticue,” daide.

⁸Nano fueñe afémie daide, nana afe Juziñamuimo fia fecaca tóiníai, íaifue ícoinia jobaica tóiníai diga Juziñamui comécina zuitañede. Ua íena ióbitañede, nana afe nícidogafue jaiiai ocuilla uai daína íadi.

⁹Afe emódomo Jesús daide: “Moo Juziñamui, ja o comeci jitáillafue birui benomo fínuaibiticue.”

Daí Juziñamui nana afe jaiiai ocuica nícidogafuíaína zóofete.

Zóofiano, afe méifomo Cristo dama ie abi cruzmo izájillafue Juziñamui jeire ote, ñue comínimo caimare érocaillena.

¹⁰Daí Jesucristo, ie Moo Juziñamui comeci jítainafue izóí finode. Daí ie fínua mona jae dama Juziñamui nabaina ñue finócamacina jáidicai. Mei jii, Jesucristo dácaiño jáicina nana cai fiénidifue oni eneno féitate. Mei ninomo féiñeítana cruzmo dama ie abi Juziñamuimo izájideza.

¹¹Naga judío Juziñamuimo comínido úriraima nágaruillaído naidáillano daje izóí faga tóiníaina Juziñamuimo izájifírede; mei íadi afe rilledo comini íaifuíai dónide.

¹²Mei jiáifodo Jesuscristo dácaiño comini fiénidifue ícoinia duere zefuida,

tíizaibite, afe izóí dáanomo íñeillena. Ie tilla mei meine abido cáillano caífo monamo Juziñamui nabézimo ráinazaide, nana comini íaifue múiñuana fuilla jira.

¹³Dinomo, nana ie fairíconi ie anamo íaioi itábicaillena afémie úiñoide.

¹⁴Mei jii, Jesucristo, dácaiño ie Moo Juziñamuimo ie abina izájide. Afe izájillafuedo,

ñii cruzmo ie tíillamona, nana caína ie nabaina ñue finode.

Jae nana cai comeci íaifuena ñue múiñuano jaca ninomo caimo caimare érocaide.

¹⁵Aféfue mo Juziñamui Ñuera Joreño uaina nabáide, iere uafue cai daíllena. Ñuera Joreño Cuegáuaimo daide:

¹⁶Juziñamui daide: “Uire jiáiruillaído cue comínimo bie izóí
jiáie como cue finóllifue llóitícue, naa jiáie cuemo
ínotinori.

Aféruillaído cue ocuica uáillaina íaioi comécimo jáicina onótaiticue.

Ua afe uaillai íaioi ífócimo ñue jino denótaiticue,” daide.

¹⁷Ie mei nane emódomo daide:

“Nana íaioi fieni finócafuiiai ibana otátañeíticue.

Daí oñena llezica, íaioi comécimo ite íaifuíaina jaca niné féitaredicue.”

Dinori Juziñamui daide. ¹⁸ Nana comini fiénidifuiái daí dua mei, jáí íaifue ícoinia dóllena fatá fecaca tóiníai jae jítañega.

Juziñamuimo cai áinozillena jítáirede

¹⁹ Iemona, ámatíai, cácarei. Jae Juziñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicái; mei Jesús cairi tízaibillano caina Juziñamuina éoitadifue oni muiñócaza. ²⁰ Afémie tuiñoca io ñuera rairuiredico jédaciede ibáiraroido joide. Jira Juziñamui illánomo cómena cáataite comue io Jesús tuiñuano, afe iodo afémie caina ifode. Afe io tuiñóllena dama ie abi izi cácatate, íemo cruzmo duere zefuírede. ²¹ Iemona Jesús nana Juziñamuimo ínotinodo Juziñamuimo Uritillaímana jae jaide. ²² Afémie ja cairi úrioinamona, mai Juziñamuimo jacíruiñeno omoi ánoziri, mei íemo ñue cai ínuamona jae meáiruiñedinona mamécacaíza. Ie jira jífuenide comécido, mai omoi ánoziri. Ánozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoina izóí comécina muiñócaí. ²³ Afe uáfodo jino comínimo cai lloga Juziñamuimo caimare cai úrillafuena, mai fáicanocaiñeno áfemo izire cai ínofireilli, mei afefue caimo llotímie Jesús jaca ínofiregamieza. ²⁴ Daje llezica illa dígamierie, mai conímamo ñue cai comécilli, conímama cai izíruillino cai jenóllena. Daje izóí jáímana ñúfuiaina rairuñeno jíeruillinona jenóredicái. ²⁵ Daje izóí omoi Juziñamuimo gairífirenafuena mai féitañeno iri. Dáarie aféfuena féitafirediaíoi. Daí illa fiénide. Mei jáífodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai ínogafue féíñellena.

²⁶ Juziñamui llogafue daide: Jaca dama Jesús tíillamo cai ínuamona jílloredicái. Aféfuena cai ie onótaja mei, mei íadi afe uaina nai cai ruifíruioiadi jae abi dine jáíie cai íaifue múiñoitena íñede. ²⁷ Daí ruifíruioidimacimo jamánomo izire jácifue zúite, mei Juziñamui duere íaíoi finóllifue mo jae ánozideza. Afémie iere íaíoi mo rícaillano iere boode jáífodo joide iraimo íaíoi na duere zefuítaite. Ua nana Juziñamuina bacáuairedinona irai amena cuarita izóidemo, Juziñamui íaíoi na dinomo zíñona duere zefuítaite. ²⁸ Moisés ocuica uaina ruifíruitimiena raire titádiaíoi. Ua, mena níbai daámani uai nabáiraini daína uáimona, íemo dúecaiñeno íena titádiaíoi. ²⁹ Mei Moisés ocuica uaina ruifíruitimiena daí duere finóbiteza, Juziñamui Jitona ruifíruitimie mo jamánomo izire duere finóllifue, afémie mo

zúiteza. Afémie Jesús díena jámairuitimie. Afe tíllamo totaca díedo, afémie nauí dácaíño Juzíñamuimo oni eneno nizécamiéna jaide. Mei íadi Jesuna ruifíruitimie caimo dúecaifírede Ñuera Joréñona iaire daifíredimieéna jaide. Daí ítimieéna iere Juzíñamui duere finórede. ³⁰ Ja birui daí ítimie fiénidífue iba ófiredimieéna onódicai, nímie cai Moo Juzíñamuina. Afémie daide: “Afe iba ófiredimieedicue. Ua nana íaifuiái íbana duere finótafiredimieedicue,” dáideza. Jíáinomo Juzíñamui Cuegáuai daide: “Juzíñamui ie comini comeci ífueéna jaícina jicánoite. Jicánuano íaioimo dúide duere finóllífue ócuíte,” daide. ³¹ Daí ie úrillana cai onónamona, caade Juzíñamuimo duere finólléna izájina jamánomo jacírede.

³² Mei íadi nauí íanori omoi ílláfueémo uibíoiri. Aféruimo ñúefueéna omoi onona mei, aillo duere zefuídíomoi, mei íadi aféruimo omoi ínogafue fáicanocaiñeno ñue ocuídíomoi. ³³ Dáruillaído uáfori comini eróicana báíñuano duere finócaomoi. Jíáiruillaído daí finócamacimo omoi nabáíllamona duere zefuítagaomoi. ³⁴ Afe llezica llaveca ámatiaimo dúecaifíredíomoi. Afe baimo, ómoimo ite ráaniána jíáimaci báiruana caimare rairuíñediomoi, mei onódíomoiéna, bíniémo ite raa baimo, jamánomo ñuera jaca bairónide raa ómoiéna monamo íteza. ³⁵ Ie jira nauí izire omoi ínoga uaina mai birui omoi féitañeno iri. Aféuaina ñue omoi ínofireiri, mei ícoimo iere ñuera jirídoga ízoide raa máíñoitíomoiéna. ³⁶ Juzíñamui jítainafueéna omoi jíeruilla llezica raire comeci járidoñeno íredíomoi. Ua, omoi ínoga ñúefue, omoi are jaícina llocana uille mei, Juzíñamui uícodo lloga caimare jíllonafueéna máíñoitíomoiéna. ³⁷ Mei jí Juzíñamui Cuegáuaimo daide:

“Ja íanori íllamona, uícodo lloga bíitimie Jesucristo, jizíñeno raire dúcizaíbite.

³⁸ Afémie nai biñéna llezica, níífuenidéna cue mamécamié, cuemo ie ínuado nágaruillaído caimare ie illano, cuéna íóbítaite.

Mei íadi afémie afe ie ínoga uaina meine abído féitaiadi, afémieri íobiñeíticue,” díno Juzíñamui daide.

³⁹ Mei íadi meine abído féitatíno díbénémo jáináíñedicai. Afémaci daí íaioí ínoñenamona jíllóñeítiaioi. Mei jíáífodo cai bie Jesucrístomo ínotínodicai, daí daní cai jíllotagacai.

11

Juzíñamuimo cai ínuafue

¹ Mei ¿mínica ínuafueéna? Ínuafue Juzíñamui dáina uaina jeire cai uafue. Ínuamona cai úíñoga cáimafue jeire

cai ollínona onódicai. Daje izói Juzíñamuimo ínuamona, ie lloga cáiena mameca ñuera raa cióñena íadi, afefue ua íllana comécido ua onódicai. ² Ua, ínuafuedo judíuai jaiáidigimamona Juzíñamuimo jaináidimíai, Juzíñamui comeci jítaillamacina jáidiaioi.

³ Juzíñamuimo cai ínuamona, Juzíñamui ie úrilla uaido bínie fínuana onódicai. Daií ie fínuado nana bie cai ciona énie, táinomona Juzíñamui comuítate. Ua, minícana iñédeza cióñena ráamona naga ráaniai comuíbicaide.

⁴ Juzíñamuimo ínuano Abel, Caín fecaca baímo, ñuera Juzíñamui ióbitalle raa fécaíbite. Iemona Abel Juzíñamui dibénemo jaícina ítimiena jaide. Juzíñamui jíeruigamiena jaide. Mei Juzíñamui Abel fécaíbiga raa línuamona, Juzíñamui comeci Abelna jítainana onódicai. Daií Juzíñamui íena jíeruillafuedo Abel jaícinaidifueno Juzíñamui uai nabaide. Afe Abel, jaiái uícodo Juzíñamuimo ie ínuado ñue illáfuedo jaide. Aféfuena cai fídiamona, afémie titácamié íadi, ie ínogafue, úrillauai izói caímo úrite. “Juzíñamuimo ñue cai ínolli,” caína daide.

⁵ Iemo Enoc Juzíñamuimo ie ínuado tíñeno caífo monamo uiga. Daií tíllana ie ónoñeillena, cáanori monamo Juzíñamui uiga. Afe mei afémie bíniemo cióñenamie, mei afémie Juzíñamui úgaza. Afémie nai úíñega Juzíñamui ióbitadímie daínámie. ⁶ Mei jíi, Juzíñamuimo cai ínoñenia jaca íena ióbitanidicai. Dáamie Juzíñamuimo áinoziacania, Juzíñamui nahí illánona uícodo ie ínolle jítaírede. Nane íemo nana izire íena onóiacadino, ñue íbana dama ie abi ífuena íaioina onótaite. Aféfuemo uícodo daje izói ínorediaioi.

⁷ Daje izói Noé, Juzíñamui lloga raíre bíite nai cióñena duere finóllifuenta fídiano Juzíñamuimo ñue ínote. Ínuano áillue jofóredicae finode, áfedo nana dama ie comíni daií jíllóillena. Noé daií dama Juzíñamuimo ínuado, nana jíáie ínoñede comínimo duere finótatiuai jíno íaioímo llote. Afe izói Juzíñamuimo ínuado Juzíñamui comeci jítaina nífuenidímiena jaide.

⁸ Afe mei jaiáidiruimo Juzíñamui Abrahana jírite, jíáie éniemo jaiánillena, áfeniena íco jíáíruido íeiena maíñóllena. Abraham Juzíñamuimo ínuamona afe jírilla uaina cacáillano, raíre ie illániemona oni jíáínomo jízaide, ie dúcillino nai ónoñega íadi. ⁹ Abraham nai Juzíñamuimo ínuamona, Juzíñamui íemo fecáacaiga éniemo íia jícánemiena díga íimona íia íte. Ua, íniroi níina úcaíírega jofomo aféniemo are íoide.

Daje izói Abraham comuítaga jító Isaac, dinómona Jacob diga afénomo daje izoide iníroi nillácuaimo are itíaiillinoi naa ie comíniri. Juzíñamui daje éniena fecalle uaina Abrahamo lua izói, afe íaillinoimo uícodo lote. ¹⁰ Ua Abraham afe jamai illácuaimo dama íeieñede éniemo caimare íoide. Afémie caimare ite, mei Juzíñamui dibénemo ite caimare táinocaitanide illínomo dúcillena afémie úiñoideza. Afe caimare illico Juzíñamui mamérillano dama ie uaido niga.

¹¹ Daje izói Abraham ai, Sara, Juzíñamuimo íinuamona, jamánomo jónaite íadi, fueñe úruerena ríino ote. Iemona daa jító jocode, mei Juzíñamui aféngona aféfuena uícodo daína uai, afengo iere ñue íinoteza. Afengo bie izói daide: Bímie ie daína uaina jíáifo méidofinidimie. ¹² Iemona Abraham iere jónaite íadi, iere aillo erófene igímaiaina jebuítate. Ua jamánomo diga nairai jebuide; ñi ja lloga monamo ite facádonide úcuai izói itíaiói. Nane monáillai fuédamo ite facádonide guamai izói jebuítaiói.

¹³ Nana cai lloga comíni Juzíñamuimo nai íaiói íinoina llezica tídiaíoi; nana Juzíñamui uícodo lloga ñúefuiaína nai llínoñediaíoi, tílla. Mei íadi afe lloga ñúefuiai ico jíáiruimo zúillena jicana fidídiaíoi. Fídiano caimare aféfuemo ínuano comécídiaíoi, mei bínemo ónoñega jicánemacina íaiói illa raire méaicaiñeno llotíaióiza. Uáfuenta bíniedo jaiánicana jáidiaíoi. ¹⁴ Nana daí llotino, dani íaiói nahí illínomo íaiói jáiacanana llotíaiói. Ua jíáie éniemo jáillana íaiói úiñoínana caina fidítate. ¹⁵ Daí íaiói dánamona, mei ñibai jaiái íaiói illániemo comécídiaíoi. Daí íaiói comécíadi diga icaiño meine abido afénomo jáirediaíoi. Mei íadi abido afénomo jáíñediaíoi. ¹⁶ Mei jíáinomo comécídiaíoi. Jíáie jamánomo ñuera illánomo, monamo ite Juzíñamuimo nabáirizaillinomo izire úiñoídiaíoi. Daí Juzíñamuimo íaiói ínuamona, Juzíñamui iere íóbite. Bie jaiánicana jáidino Juzíñamuina dáíadi: “O cue Juzíñamuidio,” daí íaiói dáinari Juzíñamui méaicaiñede. Mei íaiói jofue izoide ñuera illino, dinomo Juzíñamui diga zííhona nabáirizaillena, Juzíñamui jae finócaza.

¹⁷⁻¹⁸ Naui Isaac jocoina llezica Juzíñamui Abrahamana daide:

“O úicoitígima bie jító Isáacimona aillo jébutiaíoiiza,” daide. Diga iruillai íllamona Juzíñamui dáaruimo Abrahamana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jító oni uite, titada Juzíñamuimo fecállena. ¹⁹ Mei Abraham Juzíñamuimo ñue ínuano comeci facade: “Juzíñamui jamánomo ñue ríinoredimie; tíide come meine cáataite ríino íemo ite. Cue jító tíidena Juzíñamui meine

iena cáatarede,” daí Abraham comeci anado daide. Iemo, Abraham ie jitona fáiacana llezica Juzíñamui afémiemo raire úrillano, ie daade jitona jíllotate. Abraham ie jitona fañede. Ie jira jáífodo daírede, tíllanomona Abraham ie jitona meine abido ote.

²⁰ Daje izói Juzíñamuimo ínuamona Isaac ie jító íaillinoi Jacóbomo Esaú diga uire Juzíñamui orelle caimátaillifue ua llote.

²¹ Daje izói Juzíñamuimo ínuamona Jacob, ie tízailiruimo José jító íaillinoimo úrite. Urillano ie enaize íaillinoimo uire Juzíñamui orelle caimátaillifue jino llote. Afe llezica ie macara jigüida llínota ie abi mozíñuano caimare Juzíñamuimo úrite, ie íóbitallena. ²² Daje izói Juzíñamuimo ínuamona José ie tízailirui áinozillano, Israel comini Egipto éniemona uire oni daní íaioi éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaioimo jóonete.

²³ Diga fimona jailla mei, Egipto riíllaíma nana Israel como jéiciga jítótiaina fazítate. Mei íadi Moisés jocoina mei, ie moo íaillinoi Juzíñamuimo ínuamona, illáimana jacíruiñeno Moisená retáidotiaillinoi. Dauíamani íena retáidotiaillinoi, afeza iere ñúezana jira. ²⁴ Aféllaíma jiza Moisená náamataja mei, Moisés móonaila llezica Moisés aféngomo dúillana ruifruite; mei afémi Juzíñamui dibénemo jaináideza. Ie jira Juzíñamuimo ínuamona Moisés afe mámece oni faite. ²⁵ Mei jáífodo Juzíñamuimo jaináidino cígiri íllana, afémi jamánomo gaide, nana duere zefuídiaoí íadi. Daje izói ie comínina fieni ie zóofiamona raire féite jabo íóbillafue dibénemo íllana afémi gáíñede. Moisés Juzíñamuimo ínuano ñue coméciide.

²⁶ Bíedo afémi coméciide: “Nana Egipto énie ebírede ráaniai baimo, Juzíñamui dibénemo ie dámi illa jamánomo ráifide, duere afémi zefuide íadi.” Afémi daí comeci facade. Ua Moisés, Cristo ícointa zefuíllano, féitañeno daí comécioifirede; mei Juzíñamuimo ínuamona baimo ñuera féinide raa izóidifue afe ie jirídollena afémi onódeza. ²⁷ Iemona Moisés Juzíñamuimo ínuamona, afe Egipto illáimamo ite ríinona jacíruiñeno Egiptomona botade. Ua jacíruiñeno afe Moisés oni jaide, mei buna ciónena Juzíñamuimo fáicanocaiñeno ñue nágarui comécifiredeza. Daí ie comécinamona, uído cónamiemo ínua izói, Moisés Juzíñamuimo iere ínote.

²⁸ Daje izói Moisés Juzíñamuimo ínuamona, Juzíñamui lloga pascua rafue como fueñe finode. Ua Juzíñamui llua izói, Moisés íaioi jofóniai naze fuédamo oveja díena jíritate. Daí ínuamona, Juzíñamui oreca títaite abi ímie nana Israel nano

fueñe jococa jítótiaiaimona buna titáñede, aillo Egipto imaci jítótiai tícoizitiaioi íadi. ²⁹ Daje izói Juzíñamuimo ínuamona nana Israel aillo comíni “Jíairede” daina monáillai ñue zaférede iodo ruícafenemo jaitádiaioi, mei afe monáillai jainoi Juzíñamui oni gaitácaza, íaioi ruica jáillio tuiñóllena. Mei íadi Egiptomona racádino afémaci jailla izói jáidiaioimo, meine io jáinoina íbáibicaillari coróbaitiaioi.

³⁰ Iemo Israel comíni Jericó jofue anáfenoacadiaioi. Afe jofue riire naidároga nofíbanina cirínoga. Iemo Juzíñamuimo ínuamona ie daina izói, siete dígarui afe riire íbaica jofue jinófenedo ífoina macáoidiaioi. Iemona icoi iruimo afe caifo nitaca nofici ñinoina jofue jinófene cirínuabani, Juzíñamui ana éniemo caitade. ³¹ Daje izói Juzíñamuimo ínuamona navi uícodo fiénidíngo, Rahab fañega, nana jíáie afe jófuemo ite íñoñedíno fazícaicioi íadi; mei Juzíñamui comínimona oreca éniena ñue onóillena méiñoitínona afengo caimare cánuano jofu uáidoteza.

³² Nai jino lloñega aillo ite jíáie jaiái Juzíñamuimo ínofiredíno. Bibedo íaioi illáfuiaina cue llóllena cue abí juánideza, nana llónidícue. Fia íaioi mámeçiai jino llóitícue, íaioimo omoi ñue coméçioillena. Afémaci Gedeón, Barac, Sansón, Jefté, David, Samuel; daje izói Juzíñamui uai jino llóraini ite. ³³ Bimácimona dámerie Juzíñamuimo ínuamona jíáie náraini anáfenodiaioi. Jáímaci Juzíñamuimo ínuano Juzíñamui jáicina jóidífuena comínimo ocuide. Dáarie Juzíñamuimo ínuamona ie uícodo llua izói, Juzíñamui canócaiaioi. Dáarie Juzíñamuimo ínuamona rírede jánallarillai fuena íbaica izói finode, íena íaioi ríñeillena. ³⁴ Jáímaci uzírede iraimo dotácaiaioi ía, nai Juzíñamuimo íaioi ínuado afe iráimona uzíñeno jino bitíaioi. Dáarie Juzíñamuimo ínuamona fuiríllafuiaimona otábiñeno jino ñue jíllodiaioi. Iemo jóbairo illa llezica Juzíñamuimo ínuamona dáarie mairíñedimíai ñue máirimíaiaina jaide. Daí Juzíñamuimo ínuamona onina bite fuirírainina abído rainódiaioi. ³⁵ Daje izói Juzíñamuimo ínuamona dáarie ringóniaimona íaioi úruiai tíide íadi, meine abído íaioimo cáataga.

Mei íadi jíáímaci nai Juzíñamuimo ínua llezica, íbátarede tíide jíllotafuena lloñédiaioi, mei aféfuedo Juzíñamuina jáanotaiticai, daidíaioi, íadi Juzíñamuina jáanotanidiaioi. Ie jira iere duere zefuítano titácaiaioi. Daítadena lloñédiaioi; mei afémaci meine abído caana mei, jamánomo ñuera zíñona illáfuenta méaicaiñeno maiñóacadiaioiza. ³⁶ Nai jíáímaci Juzíñamuimo ínua llezica, fiénide zánonafuiaimona duere finóbídiaioi.

Jiáimaci riire zechénogaiaioi. Ua dáarie Juziñamuimo íaioi ínuamona cúinajano llavécaiaioi. ³⁷ Daje izói jiáie Juziñamuimo ínotino noficiaina njicaiaioi; jiáimaci dáafemíaido amena dera izóidedo ñetácaiaioi; jiáimaci caimare taino uáillaído bífuegaiaioi, íaioi ínuafue facátallena, íemo lloéfaído fagáiaioi. Jiáie Juziñamuimo ínotino, íaioi íniroinina jira, tóica rille igórainna jitáoidiaioi. Daí fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fieni finócaiaioi. ³⁸ Daí finócaiaioi íadi, Juziñamuimo íaioi ínogafuena fáicanocaiñediaioi. Iemona bimaci Juziñamui dibénemo iere izíruigano; mei íadi bíniemo ite ínoñedino afe Juziñamui uaina jeire otínona jámairuitiaioi. Ie jira ínotino afe ínoñedimaci cígiri íllena, ínoñedimacimo figo dúíñede, mei ínoñedimaci comeci iere íáiredeza. Ínotinona jámairuillano, íaioina oni jíúfrediaioi. Iemona ínotinomona dáamierie zaféredizicimo jáidiaioi. Jiáimaci caifóneduai illánomo botádiaioi. Íaioi jaillánomo ite ífuaimo ífrediaioi, naa íduai ana ífuairi. ³⁹ Nana bimaci Juziñamuimo ínuamona, ñue “figora” daínamacina jáidiaioi. Mei íadi nana Juziñamui uícodo lloga caimare ñue illífuiaina figo maiñóñediaioi; jabo maiñódiaioi. ⁴⁰ Mei Juziñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllóillifue. Daí jaiái ua Juziñamuimo ínotino naa cai diga, birui dáanomo jaiái Juziñamui mameca nahí jíllóillifuemo dúciiticaí. Ua afémaci naa cai diga, Juziñamuimo caimare nabáirillafuena jeire óiticaí.

12

Jesumo ñue jaícina omoí comécioiri

¹ Ie jira, cue ámatiai, comécido ñue omoí facari. Ua aillo jamánomo Juziñamuimo izire ínotino bíniemo cai uícodo macáoidiaioi. Afémaci Juziñamui cai íóbitallifuena caina ífode. Afémaci cai ínogafuemo jaícina ífoite uai nabáiraini. Cai abído ífoina itíai. Afémacimo cai comécillamona, nana cai jízitacana uite fiénidífuiai mai oni cai féitalli. Ua, caimo ite fiénidífué, abi llótaidote iniroi izói caimo jíide. Jíinamona jaca caina aruire itátate. Afena fáicanocaillano, Juziñamui íóbitallifuemo zefuíruíñeno mai izire cai nícidolli. ² Afe llezica duere cai zefuillano féitano, mai Jesumo comeci cai facalli; mei afémie Juziñamui íóbitallíodo, ínuafuedo cai jáillena cai ífódímieza. Mei afémie ie Moo Juziñamuina féitañeno ie fáainaruimo nai íemo izire ínoide. Daí ie ínua, afémie izói jaícina cai ínollena, afémie cai ífode. Iemona afémie cai

ínogafue ñue ícoimo fuitádimie. Ua, Jesús duere zefuide, íadi afe duere zéfuilla méifomo íte cáimafuemo, afémie ñue coméciide. Afemo comécioillano uái dáii cruzmo tíizaide; mei áfedo nana íemo ínnotino caimare jíllobicaítiaíoiza, afémie onode. Iemo afe meáirede tíillana náfueño, abido meine cáadimiena jaide. Afe daí jaillano caifo Juzíñamui nabézimo Jesús ráinazaide.

³ Ie jira, cai jíáinona duere zefuítagamie Jesumo mai ñue omoi comécioiri, omoi duere finóbicaillamona omoi zéfuiruíñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiño Juzíñamuimo ínnoicaide, fiénidino íena uáitajano duere ie finódiaíoi íadi.

⁴ Fiénidifue omoi comécina jírioides, íadi nágarui áfemona abí ráiruifirediomoi. Afemona abí rairuillano iere Juárezde. Iemona jabo duere finócaomoi. Mei íadi fiénidifuená omoi anáfenoacanamona nai tíñnediomoi. Dama Jesús ícoínia jabo duere zefuídíomoi. ⁵ Afe llezica Juzíñamui caimare llogáuaina nibai jae féitadiomoi. Aféuaido Juzíñamui ie úruiaí izói, ómoína llófue; ona riire daide:

“Cue jító, o Ocuíraíma Juzíñamui omo oreca duere zefuítajafuena jámairuíño iri, mei áfedo afémie ñue ona rairuillano lletádeza.

Daje izói fiéní o finuamona afémie duere o finóadi, comécina ríinidimie izói íño iri.

Mei jíáifodo, abí mámano, ie llétafuena ñue jeire oíri, ñuemiena o jáilleza.

⁶ Mei Ocuíraíma Juzíñamui nana ie izíruiganona fáicana lletáfiredeza, íaífuenidínona íaíoi jáillena.

Afe izói nana ie ua onóiga jítótiaína llorebaí mailla izói due ízitate, mei afémaci dama íeieza,” daide.

⁷ Omoína izíruillamona Juzíñamui afe daí ómoína duere zefuítate, ómoimo llófuellena, baímo ñuera ie jítótiaína omoi jáillena. Ie jira duere zefuítagaomoi. Mei onódiomoi, bíniemo íte moo llétañega jító ñue móonaiñeiteza. Iemona afe moo nana ie jítótiaína llorebaí mailla izói ízitate. ⁸ Ie jira Juzíñamui ízitañegamie nibai ie nahí jítóñedeza, móonidiza; mei nana nahí ie jítótiaí izi cácatagaíaoiza. ⁹⁻¹⁰ Afe emódomo cai bíniemo íte móotiaí nauí ñue cai móonaillena, ñue comeci íaíoi fácamona, izire caina lletádiaíoi. Ua nano íanori illáruillaído caina duere finuafuedo lletádiaíoi. Ua izi cácatagacai. Afe llezica nai cai moona caimare jacíruiticai; jacíruioillano ñue íaíoi anamo itábicaídicaí. Daje izói cai monamo íte Moo anamo jamánomo caimare itábicairedicaí; mei afémiemo cai ínuno, nahí ie jítótiaína comuítagacai. Nana afémie duere cai finuafue cai

dibénemo aillo ráifide, afémie ebire ñuera illa izói, daje izói cai íllena. ¹¹ Ua, ja onódiomoiza nana izi cácatafuemo illa llezica, áfena gáñedicaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruiñedinona caimare jáiticaí.

Juzíñamui uaina ruifruilla iere jacírede

¹² Juzíñamui daií omoi llétajana omoi onónamona, mai abí omoi mame. Ja abina náinidino izói omoi iñeno iri. Omoi zúurede comeci náiretari. ¹³ Afe llezica omoi duere zefuillafuemo, mai bífuemo jaícina comeci facádori. Aféfuodo daiíri “Juzíñamui íóbille jítótiana móonaitagacá.” Daií o dáinamona, jáie ómoimona Jesumo ínogana féitaacadino, comécina caimare náiretairio, Daií ie náireillamona afémie meine abido Jesús uaina izire ínocana jeire óite.

¹⁴ Afe emódomo nana comíni cígiri, mai comeci ríicaitañeno cámafue omoi iri. Daje llezica, Juzíñamui ebire ñue illa izói, afe dibénemo mai omoi abí ífuiaí nágarui méidocana uiri. Bie izóidifuemo omoi nai iñeniadi jaca buna Juzíñamuina cíóñeille. Mei íadi comeci íaininafuemo cai íadi, íena cíóiticaí. ¹⁵ Juzíñamui caimo fecaca cai ie cánuafue aillo ite. Bifue nana jeire omoi ófireilleza izire omoi coméciri. Daií íllamona buna fiénidifuemo oni nibéfodo báíñeiteza. Daa daií oni fiénidifue dibénemo baídimie nana jáímaci comécina fiéni finode. Mei jí, duere zefuillamona Cristo dibénemo figo jaináiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daiítade come nana ie aino comínina daje izói figóruiñede. Afemona abí omoi rairuiri. ¹⁶ Daje izói nana jiruénafuiaimona abí omoi rairuiri. Afe llezica ómoimona dámie Esaú illa izói iñeno iri, mei afe Esaú jaca Juzíñamui jítainafuemo figo comécíñedeza. Aféfuena jámairuillano, afémie nánoramie íadi, íemo ite maiñórrille ríino, fia due jiza güille íbana fecade. ¹⁷ Afe Esaú illáfueña ñue onódiomoiza; mai aféfuemo omoi comécioiri. Íco írairuimo ie moo ézicirafuena Esaú maiñóacade, íadi ie moo ja íena ruifruite. Afémie comeci ífue méiduano éecana ie moomo izire jicade; íadi “Jii” daiíñede. Afe nauí Esaú jámairuillafue jaca méidonide.

¹⁸ Ja birui Juzíñamuimo caimare nabáirillanomo dúcidíomoi. Jaiái Juzíñamui comíni áillue caifónedumo ánozidiaíoi, Juzíñamui dáina uaina cacáíllena. Afedu mámeceí Sinaí. Afedu náaduna irai izói boode, aillo úillie díga. Afe llezica iere jacire nairíbicaide. Nairíbicaillano, jairifo riire jaiñode. ¹⁹ Aféruimo bainada izoide ficire cácacacade. Afe llezica áillue come úrilla uai íaíommo ficire cácacacade. Afe uai iere jacírede cacacade. Afemona, áfena cacáidino jáie emódomo lletara uaina

llóñellena izire jicádiaioi. ²⁰ Afe íaioi cacana íaioimo lloga lletara uai jamánomo iere juáredeza. Aféuai daide:

“Bie óode íduna omoi jetáñeno iri. Ninena daa rille bídumo bíadi, raire noñciaido fáiri. Daje izói ninena bídumo bite come fáiri,” daide.

²¹ Uafue, afe cacánafue naa cíocaidifue diga iere jacírenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

²² Mei íadi, jae jíáfodo Jesucrístomo omoi ínuamona, ja birui Juzíñamuimo ite jacínide caimare nabáirillafue dibénemo dúciomoi. Ie mei ícoimo monamo ite jaca caade Juzíñamui uícomo úrizaitiomoi. Juzíñamui illa jofue, “mona ero ie Jerusalén” mámecirede. Iemo jíáfodo “Sión Caifónedu” daina. Afémiemo ja omoi caimare nabáirillamona diga íeza facádonide Juzíñamui abi imaci Juzíñamuina íóbioicana iráizitiaioi. ²³ Ua, omoi ínuamona Juzíñamui ómoína daide: “Ja cue daade Jító Jesucristo izóidinodiomoi. Cuemo ie dúina izói, afe izói ja cuemo jaináidiomoi,” daide. Afemona nana Juzíñamui íena comuítagamacimo jae jaináidiomoi. Nana afe íemo jaináidino mámeciaí jae monamo cuela. Ie jira nana Moo Juzíñamui ie comuítaganona, ñue jicánuana fibídime izói, ñue íaioína ríidoite, mei afémie nana nairai Mooza. Jaiaí ie anamo ñue itino, jae tíidiaioi, mei íadi íaioi ñuera joreño nai figo caimare íñediaioi. Ja biruíllaido Cristo cairi tíillano caina jíllotate. Daií nana íemo ínotinona jíllotano, afe tíidino ñuera joréñuai ñue jaícina caimare itátagaiaioi. ²⁴ Uafue, Juzíñamui comue caimare caimo fecállifue caimo llóiacade. Afefue caimo lluíbitime Jesús, mei ie cruzmo ie die tótajado caimare íaifuenidinona finócacaiza. Ie jira ie die, úrilla uai izói jamánomo ñúefue cai ífócimo denode. Mei jíáfodo Abel die tóilla afe izói caimare ñúefuiaí caimo lloñede.

²⁵ Nana bie caimare Juzíñamui caimo llotátagafuiaína jae onódiomoi. Afena omoi onónamona, afefue ómoimo llotímie mai omoi ruifíruiñeno iri. Afe íena ruifíruillamona abí omoi rairuiri. Mei jaiaí biniemo Juzíñamui jónega lletárima dáinana ruifíruitino, duere íaioi finóinamona jaca jíllloñediaioi. Afe baimo birui monámona caimo llotímie dáinana cai ruifíruiaí, daje izói ua jíllloñeiticaí. ²⁶ Jaiaí aféruimo ie úrilla uai éniema diga icaiño riire docáitate. Mei íadi birui afémie uafue llote: “Nane afe emódomo dáacaiño éniema riire docáitaiticue, naa caifo ite monániaíri,” daide. ²⁷ Afémie daina “Nane afe emódomo éniema dáacaiño docáitaiticue” Juzíñamui írairuillaido finóllifue caina daide. Aféruimo nana ie finocaraa, ranítado izírilla izói níraidoite. Afe níraíduado nana

nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano zíñona íitiaioi. ²⁸ Ja birui Juzíñamui méidonide illáimana illánomo jaináitagacai. Iemona íena “fere figura” cai daiífireilli. Afe llezica caimare úrillafuedo mai íemo cai íóbilli. Ua, ñue jacíruioicana ie uáillaimo mai ñue cai cacáreilli. ²⁹ Mei jii, cai Juzíñamui, irai amena cuarilla izói, nana íaifueredinona jaca zíñona íaioina duere fínoite.

13

¿Nie izói Juzíñamuina íóbitaredicai?

¹ Amatiai, mai conímana omoi izíruifireiri. ² Daje izói onina bitínona mai dúecaillano ñue caimare uáidori, mei daií dárie jíaimana íaioi caimare uáidofirenmona ónonino Juzíñamui abi ímíaiina jofu llínotiaioi.

³ Iemo Jesumo íinuamona llavécamacimo ñue omoi úbicairi. Ua dájena llavécano izói, mai íaioimo comeci omoi facari, íaioina omoi canóllena. Daje izói duere finoca Jesumo jaináidimacimo, mai omoi ñue coméciiri, mei dani omoi abina jíaimaci duere zefuítarede; íemo bimaci diga daií zéfuitiomoiza. (Dáamacidiomoiza.)

⁴ Daa come daje ringona áireia ñuera. Afémie dama ie ai abina onona ñuera. Hima dama ie ai jeta ñuera. Mai bifue íaíñeno ñue omoi fímairi. Mei Juzíñamui nana jiruiredinona izire jicánuano íaioina duere fínoiteza, naa dama áireiñeno ringo diga itínori.

⁵ Daje izói omoi comeci ífuenta ñue onoiri. Ucubena aillo jitailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoñeno caimare uái iri, mei Juzíñamui uafue dáideza: “Ona fáicanocaiñeiticue. Daje izói jaca ona zóofeñeiticue,” daide. ⁶ Iemona minícana jizireñeno daiíredicai:

“Juzíñamui cuena canófiredimie; íemona fieni cue finóacadimiena jacíruíñeiticue.”

⁷ Iemo mai Juzíñamui uai ómoimo nano fueñe jino llófuetinomo ñue omoi uibíoiri, mei ñueodo ómoina ífódiaioiza. Íaioimona comuide ñuefuiamo, féitañeno mai ñue omoi coméciioiri. Afémaci Jesús ícoinia titácaiaioi, mei íadi afémaci fáicanocaiñeno Jesumo ínua izói, afe izói féitañeno mai omoi ínofireiri.

⁸ Mei jii, Jesucristo nanómona ie illa izói, ja birui jíáfodo méidoño daámieoicaide. Ua afémie jaca zíñona dáamieite.

⁹ Ja birui diga jíáfodo cacaide onina bite ónoñega fieni llófueinafuiái ite. Aféfuiaí ñueomona oni nibéfodo omoi

baítaiacadeza; áfemona abí omoi rairuiri. Juzíñamui cairi dúecaillano cai cánuano cai comeci náirecitate. Afe ie cai comeci náiretaja ñuera. Mei íadi afe jicana lluáibiga güille rairuínafuiaina jeire cai óiadi, caina ñue cánoñeite. Daje izói afe uai jeire otínona canóñede.

¹⁰ Jesucristo cai ifomo fécafue Juzíñamuimo caimare cai nabáirillena dani caimo dúide. Nana Judúuaido Juzíñamuimo úriraini, ie jaijai gairíracomo aillo Juzíñamuimo áinozille nícidogafuiái finódiaioi. Mei íadi afémaci Jesús dibénemo ite cámafuiaina llínonidiaioi.

¹¹ Judúuaimona comínido Juzíñamuimo úritillaíma dáacaiño naga fimona afe faga rille die Juzíñamui icomo uite. Afe Juzíñamui icomo ite jofoidé ñue rairuícacomo comini íaifue ícoínia díena uite. Mei íadi afe faga rille, comini illácuai jinomo jobáifirediaioi. ¹² Afe izói Jesús Jerusalén jinomo duere zefuide, dama ie die tóillado nana comini fiénidífue oni dóllena. Daí duano íaioina Juzíñamui íena mamede. ¹³ Ie jira nana Judúuai Juzíñamuimo áinozille nícidogafuiaina féitajano, mai dama Jesumo jaca cai ínolli. Ua, daí íemo caimare cai jaináinamona jílloticaí. Ie meáire duere zéfuilla izói, duere cai zefuíadi, áfena náfueñeno nai caimare íemo jáinaiticaí. ¹⁴ Ja bíniemo ñuera méidoñega illano caimo íñede; mei íadi Juzíñamui finoca monamo ite méidonide cai illínomo izire úíñoidicaí, caimare ziiñona ie díga cai nabáirizaillena. ¹⁵ Iemo, Jesús caido Juzíñamuimo nahí úriraimana íllamona, mai Jesudo nágaruillaí Juzíñamuimo ñúefue cai nitalli. Ua, cai fuemo ite uaido Juzíñamuina caimátaitaredicaí. Cai Ocuíraíma Jesús mámecido cai úriadi, jaca Juzíñamuina ebire íóbitaredicaí. ¹⁶ Daje izói nágarui jíáíma canolle ñúefue jeire o úana, mai féitañeno iri. Aféruído jítáidinomo ómoimo ite raana jeruíñeno fecari; mei aféfuíaina Juzíñamui iere íóbideza.

¹⁷ Omoi illaini llogáuaimo ñue omoi cacáreiri. Aféuai anamo ñue omoi itábicaíri; mei omoi comeci ñue íllena aféllaini nágarui ómoína rairuífirediaioíza. Ua aféllaini ómoína rairuilla nie izói íadi, afémaci Juzíñamuimo jino llórediaioi. Ie jira íaioi táíjinana omoi daidóñeno iri; mei jíáífodo ñue íaioi anamo omoi itábicaíri. Afedo aféllaini Juzíñamui ocuica táíjinana caimare fínoite. Mei íadi afémaci afe táíjinana zúurecana finóadi, figo cánoñegaomoi.

¹⁸ Mai birui caido Juzíñamuimo omoi úriri, afe Juzíñamui cai canólleza, mei cai comeci ífue íáinideza. Mei jii, nágaruillaí náganuíaímo illa dígamie íaioi eróicana ñue jaícina fígomiena íacadicaí. ¹⁹ Ua, cuedo Juzíñamuimo comécido omoi úrillena

izire jicádícue, raire meine abido omoi cígimo Juzíñamui cue orélla.

Iraicaiño uáidota ñue ézicínocailafue

²⁰ Ja birui Juzíñamui ñue omoi ézicillena jicádícue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tíllanomona Juzíñamui meine abido cáatate, mei Jesús ie die tóillado nana caimo ite fiénidifuiaina muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraima izoide. Afémie ovejai rairuilla izói, caina úiñofirede, comécina uái cai íllena. ²¹ Afe bie Juzíñamuimo omoi comeci náireillena jicádícue. Ua nana ie ñuera riínodo omoi coméciaina ñue jaícina caimare náireillena jicádícue. Afe bie cue jicácado ie jitáinafueña ñue comini eróicana fínoitiomoi. Afe llezica Juzíñamui comeci óiacana izói dani caimo zúillena izire íemo jicádícue. Mei daí jamánomo ebírenafue Jesucristomo, ninomo fúíñeítana nitáredicaíza. Mai, daí íteza.

²² Amatiai, nana bie ómoimo cue cuega lletárafuiaimo járitaño fia omoi coméciiri. Afena izire ómoiena jicádícue, mei bie ómoimo cue cuegáuai íanorideza. ²³ Iemo jáífueña ómoimo fidítaacadícue. Jae cai ama Timoteo llavéinanomona jae jino zuitaca. Omoi dine nai jáíñeíticueño, afémie cue illánomo raire dúciadi, nibai daane omoi éroizaíbiticoco.

²⁴ Nana omoi llófuete illáinina cuedo ñue uáidori, naa afénomo ite Jesumo ínotinori. Itáliamona benomo cai bite amatiai ómoimo uailai orédiaíoi.

²⁵ Juzíñamui nana ñue omoi íllena ñue ézicíteza. Mai. Daítadeza. Jae niie.

SANTIAGO CUEGABE

La Carta de Santiago

Ráidozitinomo Santiago cuete

¹ Cue Santiágodicue. Juzíñamui táijitagamedicue. Daje izói cai Ocuíraima Jesucristo táijitagamedicue. Israel náiraimona doce dígazie nana éniedo ráidozitinona uáidotícue.

Juzíñamuimona oga onónafue

² Cue ámatiai cácarei, ñie facátafuiai ómoimo jíriadi iere caimare omoi iri. ³ Mei jii omoi ínuafue facátaficaiadi áfedo baimo comécina járidoñenafuena onótalliomoi. Mei áfena onódiomoi. ⁴ Afe comécina járidoñenafue ñue jeire omoi móonaitari. Afedo jáicina jéetagamacina ítiomoi; omoi jítáillifuena íñeite.

⁵ Omoimona dáamie figo onóñenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruñeno nágamiaimo onóillifuena fecáfiredo. Afémie icíriñeno comínimo fecáfiredo. ⁶ Mei íadi ínuafuedo o jicari. Daí jítáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷ Daíitadimie Ocuíraimamona minícana óllena comécimo facáñeno iri. ⁸ Aféfuena onóigaza. Níimie birui bie raa óiacade, uire jíaiena óiacade, ñue jáicina macánide.

⁹ ¡Ráanide ama, caimare o iri! Juzíñamui caifófenemo ona jóonelle jira. ¹⁰ Ráaredimie, o anáfeficaiadi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. ¹¹ Jitoma bíllamona íena iere llirítaite. Caigáillamona afe záfia ana júide. Daí ie ebírenano fuite. Daje izói ráaredimie ie nícidocaigafuiai cígiri táinocaite.

Facátafuiai fiénidemo baítafuiai diga

¹² Dáamie facátafuiai járitaño llínoiadi afémie caimare ite. Facátafuemona ñue oni jaillano ícoinia fia iga raa jírídoite, ñue facátaoicailla jira. Afe ícoinia fia iga raa ñuicirai izóidífue. Afe iga raa ua Juzíñamui ie illa zíiñoa cáataitinona. Ua Juzíñamuina izíruitinomo uícodo lloga zíiñoa cáataitinona íaioimo fécaite. ¹³ Dámie íaifuemo baítafuena cacáadi, afe Juzíñamui orécaza comécina facáñeno o iri, mei jira afe daíitadífue Juzíñamui jaca jítáíñede. Daje izói Juzíñamui bumo afe íaifuemo baítafuena comuítañede. ¹⁴ Mei afefue jíáifodo bite. Dáamie dama ie comeci fiени jítainafuíaído comeci óiadi, áfedo íaifuemo báíte. Afe izói dáamie ie fiени

jítainafuiaido jífueficailla; íemo afe jífuiafuedo afémie meine íaifue mo báite. ¹⁵ Afe bie comeci fiénino jítainafuiaimona íaifue comuide. Ie mei afe íaifue jae orúbicaillamona tiállafue comuide. ¹⁶ Cue izíruiga ámatiai jífuefizaiñeno iri. ¹⁷ Nana ñuera caimo iga raa, nana caimo jaícina jóbidifuiái diga, caifona Juziñamuimona bite. Afémie nana monamo ite egáiñotínona finode. Juziñamui jaca dáamie; afémiemo jíaífodo meídogafuena iñede. ¹⁸ Afémie uáfueña úrilla uaido cáatatinona caina comuitate. Afena finode ie finócafuiaimona como fueñe oga llízie izói cai íllena; mei ie comeci jítaina izói finode.

Uáfueña Juziñamuimo cai comécinafue

¹⁹ Ie jira izíruiga ámatiai cacai. Omoimona nágamíai jaca jefo jinéoiri, mei íadi fíaicana o úriri, daje izói fíaicana ríicairi. ²⁰ Mei jii, ríicaidimie Juziñamuina ióbitañede. ²¹ Mei daí nana íairedifuiái omoí fáicanocairi, jamánomo móonaioicaide fiénidifuiái diga. Omoí comécimo lloga uai Juziñamui úrilla uaina comeci mánainafuedo jeire omoí oíri. Mei jii afe úrillauai ríinorede omoí joreño jíllollena.

²² Jira úrillauai ómoimo lloga ráfueña fino. Fia aféfuemo táinona cacáreiñeno. Fia táinona omoí cacáadi dani abí jífueitiomoi. ²³ Afe úrillafue fia táinona cacádimie aféfuena iere cácañenia, afémie acáranimo uíeco ciona izóidimie. ²⁴ Afémie ie izóidena ciode, mei íadi raire jailla llezica, ie izóidena féitate. ²⁵ Cacánafueña féitañedimie jamánomo ñuera ocuífueña jeire ófirede. Afe jamánomo ñuera ocuífue caimo rairuíñenafueña itátaga. Aféfuemo méidoñeno afémie íoide. Afe ocuífueña afémie ínota finode. Daí finódimie nana ie finócafuiaido caimare ite.

²⁶ Dámie Juziñamuimo coméiidimie comeci facáoiadi, mei íadi fueña rairuíñeno úriadi, afémie dama abí jífue. Afémie comécinafue táinobicaide. ²⁷ Nífuénide comécinafue, Moo Juziñamuimo eróicana íainidifue bie izói ite; ñue Juziñamuimo coméiidimie móonidizaiai íemo éinidizaiai diga, íaioina duéruillano canófirede. Daje izói fecínguaína íaioí duéruillano canófirede. Afe llezica éniemo ite Juziñamuina éoidimaci íaifuiaido ñúemie abina íaidoñede.

2

Conímana énenoruiñeno iri

¹ Cue ámatiai, cai ebíruigamie Ocuíraima Jesucrístomo ínotimacidiomoi. Daí omoí ínua llezica comínimona dáarie enénotañeno iri. ²⁻³ Acatagafuedo dáitícue: Omoí gairíllanomo queníredena onoi icuíforedimie, ráifide inícuero jítáoidimie bíadi, afémiena daíífirediomoi: “Bie ñúenomo ráii.” Mei íadi

afe llezica dúeredimie tíbaizarodo bíadi, afémiena jáífodo llínnota nibai dáitio: “Batí naidai,” o nibai dáitio: “Ana benó éniemo ráii.” Daíí ráanaitimiena raire ñue llínnotiomoi, mei íadi dúeredimie buna náfueñega. ⁴ Ie jira daíí dani ómoimona dáarie énenoruidiomoi. Daíí cómemo jicánotimiena dani omoi abi mamédiomoi, mei íadi fiénidemo comécinafuedo abi mamédiomoi.

⁵ Cue izíruiga ámatiai, bíemo omoi cácarei. Bie éniemo úcubenidinona Juzíñamui nizede, íaioi ñnuafue jamánomo je-buállena. Daa afe izói íaioina Juzíñamui nizede, feci raa izói ie illáimana illáruina maiñóllena. Juzíñamui ie uícodo lloga uai daina izói afe illáimainanona íena izíruitimacimo fécaite. ⁶ Mei íadi dúeredimacina meáidaitadiomoi. ¿Uáfueñede, ráaredimaci ómoina llégitafirediaioi? Jii, uafue. ¿Ríiredimaci uícodo ómoina gugúrioicana uitíaioi? Jii, uitíaioi. ⁷ ¿Ññe afe ráanaitimaci Crístona íáiruioidino? Jii, nñmaci. Mei íadi afémie ñue izíruiga mámedido Cristo iédiomoi.

⁸ Cuegáuaimona lloga jamánomo ocuícáfue omoi jíeruadi ñue finódiomoi. Afefue daide: “O aino cómena izíruiri, dama o abina o izíruilla izói.” ⁹ Mei íadi conímana dámie omoi énenoruia, íaífue mo baíidiomoi. Juzíñamui ocuícáfue omoi ícoinia jae daíí ite. ¹⁰ Dáamie naga ocuícáfue iere cacáadi, mei íadi dáallegoi ocuícallegoi nai fuitáñeniadi dama afémie ícoinia daíí ite. Uafue nana ocuícáfuaí fuitáñedimie zefuille izói dáallegoi fuitáñedimie daíí daje izói zéfuite. ¹¹ Mei daje Juzíñamui daide: “Jíruíreño iri,” afémie dáanomo daide: “Cómena titáñeno iri.” Daa come jíruireñenia mei íadi cómena fáyadi, jae ocuícáfue iere cacáñede. ¹² Jira ñue o úriri; o illafue jaícina o jóneri. Caimo rairuñenafue itátaite ocuícáfuedo jicánollícaí, ie jira ñue caí illana jítárede. ¹³ Mei jii, nana jáíimacina duéruíñedino, afe íbana duéruíñeno, jicánollícaioi. Mei íadi jáíimacina duéruitino nie izói níbaiñegaza ñue jáite, duéruillafue jicánollífue baimo ñue illa jírari.

Ínuafue níciduafue diga jítárede

¹⁴ Cue ámatiai cacai. Dáamie ñúefuena finóñeniadi, mei íadi “Ínoticue” daííadi ¿ñífuena ñuera? ¡Afefue ñúeñeite! ¿Afe daina ínuafue jíllotaite? Jíllotañeite. ¹⁵ Acatagafuedo dáitícue. Íncuironide güllenide ama miringo izóidino omoi cígimo íadi, ¹⁶ mei íadi ómoimona dáamie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abimo jitaica raa o fecáñeniadi, ¿nie izói ñue ite? ¡Ñúeñeite! ¹⁷ Caí ínuafue mo daje izói ite. Dáamie ie ínuafue mo níciduafuedo ácatañenia afe ínuafue jae ñine táinocaide, afe ie ínuafue nabáinina jírari.

18 Mei nibai, dáamie cuena dáite: “Inuafue omo ite mei íadi cue nícidofiredicue.” Mei jira cue uai óiticue: ¡O ñue níciduafue eneno o inuafuena cuemo ácatari! Afe llezica cue inuafuena cue ñue níciduafuedo omo cíotaiticue. 19 Daade Juzíñamui íllana inotio. Afe dinomo o inuafue ñue baite. Mei íadi aféfuena fiénide janábaiai daje izói inotiaioi. Iemona afe jácieri cuidíridiaioi. 20 Abina onóñedimiedio. ¿Jaícina jáidifuena onóacañedio? Dáanomo dáititicue: Ñue níciduafuedo cíotañega inuafue jaca nine táinocaide. 21 Cai jaiáigima ímie Abrahana ie íáfuenidímie izóinado Juzíñamui ñue íena jíeruite. Ua Juzíñamui íáfuenidímiena íena ñue llínnote. Mei ie jitó Isaac titada Juzíñamuimo fecaca raana izói fecáacana jira, daí íena llínnote. 22 Jira Abraham fnuaigafuemo bie uáfueña cíodio. Abraham ie níciduafuedo ie inuafuena ñue jino cíotate. Daje llezica afe bie níciduafuedo ie inuafue ñue jaícina móonaioicaide. 23 Daí Cuegáuai dánana ñue fuitade. Aféuai daide: “Abraham Juzíñamuimo innote. Ie jira Juzíñamui íemo comeci facade: Afémie cuemo inuafue ñue baite íena íáfuenidímiena cue llínollena, —daide.” Mei Abraham Juzíñamui nabaina mamécamie.

24 Mei áfemona come níciduafuedo Juzíñamui íena íáfuenidímiena llínuafluena ónoitiomoi; dama ie inuafuemonna llínoñedeza. 25 Afe bifue izói Rahábamo daí íficaide. Afengo jiruúredingo. Mei íadi énie fidítaraini caimare llínuaflomona, íaioina canode oni jáigodo ñue íaioi jáillena. Afe íaioimo nícidua jira Juzíñamui aféngona íáfuenidíngona izói ñue llínnote. 26 Mei daí omoi ónoigafuemonna llóiticue. Naga joréñonide abi tíide, afe izói níciduafuedo nabáinide inuafue nine táinocaide.

3

Cai fue rafue

1 Cue ámatiai cacai. Omoimona aillo llófueraimana íacadino izói ineno omoi iri. Mei jii, nana llófueridino, cue izóidino baímo izire jicánollícaí. Afena onódiomoi. 2 Nana cai aillo fiénidillegoi finódicaí. Dáamie minícana fiénidillegoi ie daínáfuemo inéniadi, afémie ñue comécina figomie, ñue jaícinaidímie. Afémie nana ie abi rairuúllana onode. 3 Mozíñoragai caballo fuemo cai jóneadi caina iere íaioi inollena, ie ifo oni datállena finóredicaí. Afemona nana ie abi diga dájade. 4 Daje izói áillue jofóredicaemo comeci omoi faca. Afecae jamánomo áillue íadi, afe llezica riírede jairífodo

ñuitáicaide. Mei íadi datárima duera jiza datárabeñodo ie jáiacana diné datáicaide. ⁵ Afe izói cai fue ite. Cai abi aillona mei íadi fue duera. Mei íadi afe fuedo jamánomo áillue ráfuiái finórede. Uafue duera jiza réicimona áillue icáiena bóotate. ⁶ Jae come fue irai izoide. Afe fuemo jamánomo facádonide íaifuiái ite. Afe bie fue Juzíñamui cai abimo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuiái bóobicaide. ⁷ Ímado nana riire ríllenai tóirede, féedino, jaióniáiri, naa buináizairi. Nana áfeniái fibítagaiaioi. ⁸ Mei íadi fuena buna fibítanide. Cai fuedo bite íáirede raana jaca buna llúcaitanide. Aillo fieni úritadino, titade juia izói cai fuemo ite. ⁹ Afe daje fuedo cai Moo Juzíñamuimo caimátaioidicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. ¹⁰ Daje fuedo caimátailafue jino bite faidórillauiái diga. Cue ámatiai, cacai. Bifue izói omoi ñeno iri. ¹¹ ¿Daje jainoi ifómona toráfomona ñújei erírediji diga jino tórede? ¡Tónide! ¹² Cue ámatiai, cacai. ¿Noménamona comáijina órede? ¡Onide! ¿Jíriconamo cineci llizírede, meita áfena? ¡Llízínide! Afe daje izói cúerediji naimérediji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fuedo jino bíñeilla. Mei jira Juzíñamui imáciomoi.)

Uáfuenta ñue onónafue

¹³ Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiái ciotari. ¹⁴ Mei íadi omoi comécimo izire úradoillafue íadi, afe llezica omoi finoca ráfuiaina járidotomoi; bie omoi fibilla abi ñnuafuemo coméciñeno omoi iri. Afe izóidifuiái tánofuiái, uáfuenta jáanote. ¹⁵ Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taife ifue. ¹⁶ Aillo úradoillafue, jarire uícodo máñuafue diga illánomo, afénomo aillo júdaizitífue ite naa fiénidifuiáiri. ¹⁷ Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidimaci; riífuedo ocuñediaioi; jáimiemo uícodo coméciitadiaioi. Afémaci dúcaillafuenta oruídino; ñúfuenta finófirediaioi. Afémaci uáfodo úritimaci; jífuernediaioi. ¹⁸ Comeci ñue uái illáfueemo comúitatino afefue rigájiai izói comínido fecádiaioi. Afemona ria llizilla izoide comeci jaícina ñúeitaitino llínotiaioi.

4

Eniemo ite Juzíñamuina éoidimacimo nabáirillafue

¹ Omoimo ite fuiríllafuiai ¿ninena bite, júfiduafuiai diga? Omoí fienni comeci óiacanafuiai mona bite. Aféfuiai omoí comécina jaca éoitade. ² Omoí daa raana jítaiadi, áfena ómoimo líinonina jira fatíomoi. Jiáie raamo omoí úradoiadi áfena ónidíomoi, jira fuiríllano jóbairitiomoi. Omoí jitaiga raa oñédiomoi, Juzíñamuimo jicáñena jira. ³ Afémiemo omoí jicáadi líinoñédiomoi, iaire jica ícoinia. Mei jii áfena óiacadíomoi fia omoí caimare íacanafuiai mo dotállena. ⁴ Jiáifodo fiénidimacídíomoi. Biniemo ite Juzíñamuina éoidimacimo nabáiriacadino Juzíñamui fairíconina jáite. ¿Omoí meita bífuenta onóñédiomoi? Níimie éoidimacimo nabaina maméidímie Juzíñamui fairícomana dóbaicaide. ⁵ Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoia izóí caina izíruite,” daide. ⁶ Mei íadi Juzíñamui caina ríiduafuedo baímo caina cánuai bite. Mei jii Cuegáuai daide: “Juzíñamui afe abi ínotinona rairuide; mei íadi comécina mánaidimacina íaíoia ríiduafuedo íaíoia cánuai bite.” ⁷ Juzíñamui anamo maí omoí itábicairi. Taífemo omoí mameri, íemona ómoímona oni bótaiteza. ⁸ Maí Juzíñamuimo ánozillano caimare omoí úriri; afe íbana afémie ómoímo caimare úrite. Íáífueredino, maí omoí comeci íáífuiai doíri. Juzíñamuina izíruiacadino íemo dáanomo íena éoidimacina izírúitino, maí omoí comeci íáínitari. ⁹ Omoí zúureficairi; omoí cáillcailli eri. Omoí zadáilla jeme; jiáifodo meídocairi. Afe izóí omoí cáimafue zúucaillano méjori. ¹⁰ Cai Ocuíraíma Jesucristo uíecomoi manánairi, íemona afémie ómoína caífo naidáneiteza.

Cai ama finócafue fienni jicánuaíue

¹¹ Amatai, jiáimana fienni omoí úriñeno iri. Amana fienni úritímie daje izóí ocuífafuemo fienni úrite. Afe izóí ámana fienni jicánotímie, daíí ocuífafuemo fienni fairíote. Mei jira ocuífafuemo fienni o fairíoadi, jira ocuífafuena íere cacáñedímiedio. Jae jicánoraímana íitio. ¹² Mei íadi daade ocuífafue llotímie; afe llezica afémie Jicánotímie. Dama afémie cai jíllotaraima, jiáie izóí afémie cai táinocaitaraima. Mei, o, ¿níímiedio jiáimamo itífuiai o jicánodoíllena?

Úireitirui mona monáillirui onónide

¹³ Maí bíemo omoí cacai, omoí úrilla uaina daidino. Bie izóí daíífredíomoi: “Birui nibai uire jítiramo jiáie jófuemo jáitícaí. Dínomo daa fimona fecárizaitícaí, úcube cai óllena,” daídíomoi. ¹⁴ Mei íadi due onóñédiomoi uire jiti caimo íitífuenta. Mei jii

¿minica mei cai cáatatinona? Cai cáatativo daallu cíocaizaibite úillie izói. Iemona afe úillie nine táinocaide. ¹⁵ Bifue izói omoi daiírede: “Juzíñamui jítaidi íiticaí. Iemona aféfuena nibai jáífueña fínoíticaí.” ¹⁶ Mei íadi afe ibana, o dáinana meídoiacañeno nai abi ínocana úritiomoi. Nana afe abi ínuafue fiénide. ¹⁷ Ñúefuena fínuana onódime afefue finóñenia afémie fiénidifuemo báide.

5

Ráaredimaci llétafue

¹ ¡Ráaredimaci, bifue mo omoi cácarei! Cáillicailli eeri, aillo duere finóbillifuiái ómoimo íteza. Aféfuemo duere zéfuitiomoi. ² Omoi ebírede ráaie jae rifaide. Omoi ñuera iníroillai ícuai güiga. ³ Omoi úcube quenírede ráaniaí diga jae éezite. Afe éeiafue fiénidifue ómoimo nítaite, ie mei bie éeiafue omoi comeci duere fínoite; irai amena cuarítaoína izói ómoína fínoite. Afe birui íraíruimo omoi ráaieníaí jae ofítatiomoi. ⁴ Omoi güíllena óinaruillaído táijitagamací úcube jeruídiomoi. Afe jeruica úcube ómoimo riire jáífodo dájecana úrite. Nana nairai illaíma Juzíñamui bie táijitagamací éecana dáinana cacade. ⁵ Bie éniemo jamánomo ñue ebírede ráaníaí ómoimo ífirede. Dani nana omoi comeci jítailla izói ífirediomoi. Fia güíllárenamona mero izói farédiomoi. Afe llezica fazíllíruimo dúcizaide. ⁶ Nano fueñe nífuenidimacina titátatiomoi, ie mei afémacina fatíomoi. Afe nífuenidino ómoimo abi zóofetiaíoi, mei íadi íaíoimo dúecañeno fatíomoi.

Comeci járidoñenafue

⁷ Ie jira, ámatiaí, cai Ocuíraíma Jesucristo billíruimo comeci járidoñeno omoi iri. Jacáfaimo táijidime ráífide llizíllaníaína járidoñeno úiñote. Ua nano fueñeide uáici mei nai úiñoide. Íraie uáici mei afe llizíllaníaína óite. ⁸ Daje izói omoi járidoñeno. Omoi comeci mame; cai Ocuíraíma billíruí jae ánozideza. ⁹ Amatiaí, conímamo ríiríñeno omoi iri, jicánollimacina omoi íñeíllena. Mei jíi, Juzíñamui dama Jicánoraíma; afémie cai finócafuiái jicánollíruí jae ánozide. ¹⁰ Cue ámatiaí, uai llórainimo comeci uibíoiri. Íaíoí nágaruí ñue illafue caimo ácataíteza. Juzíñamui mámeçido íaíoí úrillamona iere duere zefuídiaíoí, mei íadi jaca járidoñediaíoí. ¹¹ Duere zefuillafuemoná zefuí cácañedino caimare itíaíoí daiífredicaí. Jáiaígíma Job íe járidoñenafuena cacádiomoi. Afe llezica Juzíñamui íemo írainomo finócafueña onódiomoi. Mei jíi, Juzíñamui cai Ocuíraíma caimo dúecaífirede, fiénidifuiái íba are nínomo caimo óñeite.

¹² Cue ámatiaí cacai. Jamánomoidifue llóitícue. Juzíñamui mámeçí uafue daiíllena táinomo llínoñeno iri; afe daií mona

mámeci énie mámece diga táinomo llínoñoeno iri, ñie jáie raana táinomo llínuano uafue dai'llena daiñoeno iri. “Ji” o daiía ñie izói íteza. “Teñede” o daiía íeñeiteza. Afe izói mai omoi úriri Juzíñamui duere omoi fínoñeilleza.

¹³ Omoimona dáamie duere zéfua afémie dama Juzíñamuimo úriri. Dáamie caimare íadi afémie ñúefue nitada róiri. ¹⁴ Dáamie iráreia, gairiraco imácimona eicomínina jírizairi, afémieri Juzíñamuimo íaioi úrillena. Afe llezica afémiemo Juzíñamui mámeceido cáiredijina jóoneitiaioi. ¹⁵ Hnuafuedo Juzíñamuimo íaioi úriadi iráredimie jíllobicaite, ie mei Moo Juzíñamui íena náidacaitaite. Íairedifuaíamo nauí ie baíadi, afe íaifuaí oni dófinamona, ñue nífuenidimiena Juzíñamui íena llínoite. ¹⁶ Ie jira omoi íaifuaí jofo conímamo omoi lloiri. Afena jáanoñoeno iri. Afe mei conímamo Juzíñamuimo omoi jícarí, íemona ñue omoi jíllouilleza. Fígomie izire Juzíñamuimo úrillafue iere ríinorede. ¹⁷ Uai lloraima Elías jiba cai izóidimie. Juzíñamuimo ie úrillado noci bíñeillena Juzíñamuimo jícade. Jícamona jae dafimonaámani átuedo éniemo nocina bíñede. ¹⁸ Ie mei dáanomo Juzíñamuimo jícamona meine bízaide; áfemona énie naa llízieri zicode.

¹⁹ Cue ámatiaí, ómoimona dámie ua uáimona oni fieni níbéfodo jáiadi, jáámie íena meine abido atídena ñuera. ²⁰ Bífuena omoi onóilleza. Fíénidimie ie íáirede íomona meine atídime afe fíénidime joreño tíllanomona jíllotaite. Afe llezica aillo íaifuaí oni dóficaite. Jae ñie.

SAN PEDRO NANOIDE CUEGABE Primera Carta del Apóstol San Pedro

Jesumo ñnote ráidozitinomo Pedro cuete

¹ Cue Pédrodicue; Jesucristo orécamiedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniaido júdaizitagaomoi. ² Mei íadi Moo Juzíñamui nizécamacidiomoi. Jaiái ie mamérilla izóí, ja ie nizécanodiomoi. Ie Ñuera Joreño jae íeiéna mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui eróicana omoi jáillena, jae mamécaomoi. Mei Juzíñamui ómoína aillo ézicíteza, íemo comeci caimare uái illafue ómoímo llóiteza.

Juzíñamui daina ñue uáfueña zúitífueño caimare comécifiredicai

³ Cai Ocuíraíma Jesucristo Moo Juzíñamuina mai cai íobioitalli. Mei nano fueñe afémie jamánomo caimo dúecaide. Dúecaillano como meine nane caina jéicitaacade. Ie jira Juzíñamui Jesucrístona tíidinuaímona meine abido cáatate. Afe Jesús meine cáanamona Juzíñamui ua como meine jéicigacai. Afe bie cai comue dáanomoi jéicinafue ñue Juzíñamui caimo fecállifueño caina nágarui úiñotate. (Afefue cai zíñona illifue.) ⁴ Afefue amena záfia izóíñede. Amena záfia jaca llirífiredé, mei íadi afefue zíñona jaca ninomo lliríñede. Ua, Juzíñamui ómoína dainafue, monamo ite ñuera feci raa izóidena ómoína onótate. Afena Juzíñamui ómoína jóneoide, omoi como meine jéiciamona íco jíáiruideo omoi maiñóllena. Afe feci raa izóidena, jaca niné táinocaitanide. Daje izóí afe raa jaca íaidonide. ⁵ Juzíñamuimo omoi ñnuado íemo ite ñuera ríinodo ómoína ríidote. Ua ómoína ríidote, íemo ite jíllonafue díbenemo omoi dúcillena. Afe omoi zíñona jíllonafue afémie ñue ñnote, íraíruiñaido jino ñue onótallena.

⁶ Bífuiñaido omoi jamánomo caimare itíomoi. Mei íadi dáaruírie jíáifodorie duere zefuíredíomoi. Afefue ñibai jabo jítaírede. ⁷ Omoímo ite Juzíñamuimo ñnogafue, oro izoide. Naga oro iraimo facaca, bie ua oro daíillena. Afe izóí ómoímo ite Juzíñamuimo ñnogafue facárede. Caimo íficaífirede facátafuiái oro zia irai izoide. Nana bie facátafuiáimona ñibáinino ñue jino bite Juzíñamuimo ñnogafue, aillo ráífide. Ua afe ñue ñnogafue oro baimo jamánomo ráífide, mei afe oro

fúiteza. Mei jira ja daií facátagamie íemo ite ie ínogafue ñuera. Ie ínogafue ja nibáinino ñue jino jailla, áfemona ja figura. Jesucristo cíocaizaibilliruimo afémie ñue facátagamiena jáite. Dáaruina Juzíñamuimo ite ebírenafue llínoite. Daje llezica aféruimo ñúefuena Juzíñamui íemo nitárede.

⁸ Jesucristona cíóñediomoi íadi, íena izíruiomoi. Afémiena cíóñediomoi íadi íemo ínnotiomoi. Afe omoi ínnumona jamánomo caimare itiomoi. Afe cáimafue ñue omoi comécina zuitade. Ua afe aillo cáimafueri omoi daiílluai iñede. ⁹ Omoi ínogafue ícoinia omoi comeci jíllona máíñoitiomoi.

¹⁰ Jaiáidígima illáruillaído Juzíñamui uai jino lloraini afe bie jíllonafue riire jicánotiaioi. Afe dáaruído bie jíllonafuena uáfodo onóillena jicájicanodiaioi. Afe uai lloraini Juzíñamui ómoimo finóllifue uícodo llote. Ua uire Juzíñamui ómoimo dúecaillano ómoimo fecállifuiái raire uícodo llotiaioi. ¹¹ Cristo Joreño afe uai llórainimo Cristo uire duere finóbillifue raire uícodo fidítate. Afe dáaruído Crístomo ebire nitállifuenta íaioimo daje izói fidítaibite. Afe íaioimo ite Joreño íaioimo lluíbigafuiaí ñue onóillena, comécido jenódiaioi. “Bie lluíbigafue ¿bumo dúide?” daidíaioi. Afe emódomo: “¿Niruido bie llogáfuiái zúite?” daidíaioi. ¹² Iemona Juzíñamui jáífuenta íaioimo fidítate. Afe fue daide: “Íaioi uícodo llogáuaido aféruído itínuiaina figo canóñediaioi. Mei íadi nana caina ñue cánoitiaioi.” Daií Juzíñamui íaioimo llote. Jae biruillaído ómoimo llogáfuiái afe bie jiaí llogáuái izói jóide. Birui ñue omoi jíllouilluaina llotino, Ñuera Joreño ríinodo úritiaioi. Afe Ñuera Joreño monámona ana oreca. Afe bífuiaina Juzíñamui abi imaci daní comécido onóacadiaioi.

Juzíñamui íaífuenino cai íllena ocuide

¹³ Mei jira nana omoi jetácaga raamo ñue comeci facari. Omoi comeci ñúefuedo omoi úrifireiri, mei Juzíñamui ío níruí íeiena ómoína uáidoiteza. Ua Jesucristo cíocailliruido Juzíñamui ómoimo dúecailluaimo daa áfemo izire omoi coméciri. ¹⁴ Ocuíllana jíeruite úruíái izói omoi iri. Jiaí Juzíñamuina omoi ónoñena llezica ómoimo ite comeci jitáillafue izói, omoi iñeno iri. ¹⁵ Mei biruí jáífodo ñue omoi iri. Nana omoi jetácagafuaimo, jamánomo ñue íaífuenino maí omoi iri, mei ómoína uáidote Juzíñamui íaífuenidímieza. ¹⁶ Mei Juzíñamui Cuegáuái daií daide: “Cue íaífuenidímiedicueza, cue izói íaífuenino omoi iri,” daií Juzíñamui daide.

¹⁷ Juzíñamui illa dígamie íaioi illáfuiái riire jicánoite. Ua illáicomínimo, jamáicomínimo dámie fiéñeno daje izói nana riire jicánoite. Ja biruí afe bie Juzíñamuina “Cai Moo”

daidiomoi. Afemona afémiena mai caimare omoi jacírui. Ua bie éniemo omoi ille dinó bie izói omoi iri. ¹⁸ Mei Juzíñamui omoi illa táinofuiaimona ja ómoína jílloateza. Afe ómoimo ite táinofuia omoi jaiáidigimamona otíomoi. Afe jílloafue ráifinana ñue onódiomoi. Bie ráifina órodo ibánide. Daje izói plátado ibánide, naa jáie úcubetunido. ¹⁹ Afe jílloafue dama Cristo ráifide díedo ibátarede. Mei Jesucristo cruzmo, íainide boáfenide ovéjatiru izóidimie, Juzíñamuimo fállena fecaca. ²⁰ Jaiai ninomo bie énie nai cómuitañenia Cristo dai mameca, mei íadi are illa ícoimo, benó cai illa llezica, afémie cíocaizabite ñue omoi íllena. ²¹ Afe bie Crístodo Juzíñamuimo ínotiomoi. Tíidimacimona Juzíñamui bie Crístona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotiomoi. Afe izói ja Juzíñamuimo izire coméidiomoi.

²² Ja birui ua llogáuaina Ñuera Joréñodo omoi jiéruillamona omoi comeci íaifui muiñódiomoi. Afe omoi comeci íaifue múiñuamona omoi ámatiaína uáfue na hí izírui rediomoi. Afe dai conímana mai omoi comécido, naa omoi riñodo izírui. ²³ Mei jí, como meine jéicigaomoi. Come móomona meine jéicíñegaomoi mei tíitiaioiza. Mei íadi Juzíñamui uaido meine jéicigaomoi. Afémie uai jaca ninomo féiñeno zíiñona ite. ²⁴ Jaiai Juzíñamui Cuegáuai daje izói llote. Aféuai daide:

Nana bíniemo ite náiraimona illa dígamie jaca ráitiai izoide. Iaioi jamánomo jalléinafue ráitiai záfia izoide.

Afe ráitiai dúifirede; dúillamona ie záfia uaide.

²⁵ Mei íadi cai Ocuídime uai féiñeno jaca zíiñona ite.

Afe bie uai, ua ómoimo lloga ñue jílloa uai.

2

¹ Mei jira nana ómoimo ite éoicana finócafuiaí fáicanocairi. Daje izói jáimana o jífueacanafue abido oñeno fáicanocairi. Comeci íairena mei, emodo ífuedo comínina ñue úritimie izóidifue omoi féitari. Daje izói jáimamo omoi úradoñeno iri. Afe mei naga jáimana ebena úacaillafuiaí mai omoi féitaziri.

² Mei afe méifodo como jococa úrue izói comeci náiretaite jirolle jenori. Ua, monoi ii jírua izói Juzíñamui lloga íainino, juánide uailai mai izire omoi jenori, nágarui áfemo omoi comécillena. Afedo ñue riire móonaitiomoi. Daje izói aféuaido nanómona omoi íinoia, jíllotiomoi. ³ Ua dai omoi jenori, mei cai Ocuíraima comécina ñué nana onódiomoi.

Jesucristo cómena zíiñona cáatate nofici izóidime

⁴ Ie jira cai Ocuíraimamo mai omoi áinoziri; afémie cómena cáatate nofici izóidimieza. Afémie comínimona fiénide nofici ruiífiruillano oni dotaca izóidimie. Mei íadi Juzíñamui dibénedo afémie iere ráifide nizeca nofici izóidimie. ⁵ Afe izói omoi cáatate noficiái izóidimacidiomoi. Iemona Juzíñamui ómoína óiacade, ie cióñena ua ífirenaco níllena. Afemona abina omoi rairuíñeno iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóoneacade. Daií omoi jáillemona, uaido Juzíñamui ióbillena fecácafue íemo Jesucristodo fécaitiomoi. Afena Juzíñamui jeire óiteza. ⁶ Cai Ocuíraima Jesucristo bie nofici izóidimie. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, nii Sión dainácomo, dámie jóneticue.

Afémie iere ráifide nizeca ñue riire mozíoide nofici izóidimie.

Nana afémiemo ínotino meáidaiñeno táinomo fáifiñeitiaioi, daide.

⁷⁻⁸ Ja birui afémiemo ñue ínotimacidiomoi. Omoiiri bie nofici izóidimie jamánomo ráifide. Mei íadi afémiemo ínoñeite comini, éicitaila izói, afémiemo baiídiaioi. Ua Cuegáuai benomo daina izói ja íaioimo zuide. Aféuai daide:

Afémie éicitaitate nofici izói ite.

Ua áillue noficiimo éicitaide baiilla izói afémie íemo ínoñedinona báitate.

Mei afe llogáuai jeire oñenamona, éicitaidimie izói baiídiaioi. Afe íaioi baiille jaiai ninomo daií mamécamaci. Daje izói afe ñue riire nofici izóidimiemo íaioi ínoñenamona nane jíáie daináuai íaioimo zuide. Íaioi ínoñegamie dibénedo aféuai daide:

Jofo níraini oni dotaca nofici jae ua riire mozíoide nofici izói jaide.

Juzíñamuimo jaináidimacidiomoi

⁹ Mei íadi nizécaziediomoi. Afe izói Jamánomoidillaíma Juzíñamui iédiomoi. Juzíñamui ocuífirega afémiemo comínido úrirainidiomoi. Afe emódomo Juzíñamui ñue finoca ie ocuífirega náiraidiomoi. Daje izói dama Juzíñamuimo jainaide comínidiomoi. Bífuiái bie izói jóide, Juzíñamui cai jílloillena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jírite. ¹⁰ Jaiai illáruido Juzíñamui ómoína daide: “Cue comíniñediomoi,” mei íadi ja birui Juzíñamuimo jainaide náiraidiomoi. Jaiai ómoimo buna dúecaiñede, mei íadi birui Juzíñamui duéruigamacidiomoi.

Afe jaináidino Juzíñamui táijitaganona itíaiioi

¹¹ Izíruiga ámatiai, Juzíñamuimo ínoñedino cígiri itíomoiza, jicánemaci izóidiomoi. Ie jira izire jicádícue, bie éniemo ite táinomo come abi jitailla fiénidífuiaimona mai abí omoi rairuiri, mei afe abi jítáinafuiaí omoi comécimo bacáuaina íoideza. ¹² Juzíñamuimo ínoñedino cígiri omoi illa dinó ñue illa dibénedo mai omoi iri. Mei birui afémaci fiénidímacídiomoi izói, ómoína uáitaoidiaíoi. Mei íadi afe ómoína uáitaoidino, omoi ñue illáfuenta íaíoi ciónamona, ñibai íaíoi comécimo ite fiénidífuiaí ñúefuiaína méidoitiaíoi. Iemona Juzíñamui íaíoiña dúecaizabilliruimo afémaci daje izói Juzíñamui íobioitaitiaíoi.

¹³ Cai Ocuíraimana ícoínia, nana comini jóonega ríimaci anamo, mai omoi itábicaíri. Daje izói jabóidíllaima nahíllaima anamo omoi itábicaíri. Afe nahíllaima jamánomo ocuídímie. ¹⁴ Afe nahíllaima oreca jabóidíllaini, fiénidinona duere fínoitiaíoi, mei íadi ñúefue dibénemo itínona ébitaitiaíoi. Iemona íaíoi anamo ífireiri. ¹⁵ Mei jira Juzíñamui ñue illáfue mo omoi íllana jitaide, áfedo abina onóñedímaci, comécínino úritímaci diga íaíoi táinodo úrillauai omoi fáinocaitallena.

¹⁶ Ráiruíñegamaci izói ñue omoi macari. Mei íadi afe omoi rairuíñenafuedo fiénicana abina omoi ínoñeno iri. Dáarie afe rairuíñenafuedo abí ínuamona fiénidí fue finóacadiaíoi. Afe izói omoi íñeno iri. Mei íadi Juzíñamui izire rairuica táijitagano izói omoi macari. Daí omoi íadi iere ñuera. ¹⁷ Dáamie jámairuíñeno nana íaíoi íllaze ñue caimare jacíruioiri. Nana ámatiaína daje izói omoi izírui. Juzíñamuimo ñue izire omoi jacíruioiri. Daje izói nahíllaimana uáitañeno ñue omoi jacíruioiri.

Cristo nauí duere zefuíllafue afe izói cai íllena caimo cíotate

¹⁸ Táijitagamací, omoi ocuídímiaína ñue jacíruioicana íaíoi anamo mai omoi itábicaíri. Omoimo dúecaífirede caimare ocuídímiaí, mai íaíoi anamo itábicaíri. Daje izói jíáie riire táijítate ocuídímiaí anamo mai omoi itábicaíri. ¹⁹ Nágamíai taino abiri duere zefuítaadi, mei íadi afe llezica Juzíñamuimo comécínamona afémaci nai caimare ía, afe Juzíñamuína íobítade. Juzíñamui ñue facátainafue afémacimo jóoneite. ²⁰ Mei jíáfodo fiénidí fue omoi finóadi, íemona ómoína duere íaíoi finolle llezica nai járidoñeno omoi ía, onóígaza afefue figo jínoñeite. Mei íadi ñúefue omoi fínuamona ómoína duere íaíoi zefuítaadi nai járidoñeno omoi ía, ja omoi íllafue Juzíñamui eróicana figora. ²¹ Ua afe daí omoi íllena Juzíñamui mamécamacídiomoi. Mei jí omoi ícoínia Cristo iere duere finócaza. Afe íe duere zefuíllafue omoi fídítate, afémie illa izói omoi íllena. ²² Afémie jaca due fiénidí fue finóñede. Daje izói jaca buna jífueñede. ²³ Fiénidíuailai

Jesumo íaiói nita llezica, iba olle fiénidíuailaina afémie lloñede. Izire íena zefuítatíaiómo, Jesús riire ibana otátañede; mei íadi dama afémie Juzíñamui dama ie uai jóonete, mei Juzíñamui ñue jaícina jóonefirede riire jicánoraímanaza. ²⁴ Daje Cristo cruzmo illa llezica, dama ie abído cai fiénidífuíaina abíocaiga izói uite. Ua afémie cai fiénidífuíai uiga, aféfuíai dibénemo tídinuiai izói cai íllena. (Daií aféfuíaina fínoñeticai.) Mei afe méifodo, nífuenino Moo Juzíñamui io dibénemo ñue jaícina íredicai. Afémie aillo bofécamiena jaide ñue jíllotagamacina omoi jáillena. ²⁵ Naui úiñoñega júdaizite ovejai izói ebena macadíomoi; mei íadi birui Crísto ja meine abído dúcidíomoi. Ovejai úiñoraíma izói afémie ómoína úiñoñefirede. Afe izói afémie omoi comeci rairuítagamie.

3

Airedino iníredino diga íaiói ñue íllena llétafue

¹ Nana ríimaci anamo cai itábicailla izói, nana ómoímona iníredingotíai dani omoi inítíai anamo ñue omoi itábicaíri. Mei omoi inítíaimona níbai dárie Juzíñamui llogáuaina nai íinoñediaíoi; mei íadi omoi ñue illáfueña íaiói cíonamona, íaiói comeci ifue níbai ñúfueña méidotaite, jíáie uáillaina nai omoi llóñeniadi. ² Ua omoi íaiói anamo ñue íáinino itábicaillafue áfena íaiói cíonamona, daje izói Jesumo íinoítíaiói. ³ Jamáingotíai fiérilla izói mai omoi fiériri. Mei aillo jino abímo jíta ca raa izóidedo fiériñediaíoi. Mei jira fia abí fiédua ráifide oro fínoina raana jítañeno omoi íri. Afe izói jamánomo féirede ifótíi níllado fiériñeno íri. Daje izói aillo ráifide iníroína jítañeno íri. ⁴ Mei íadi omoi comécina ebire fiérilla izói ñue omoi finori. Afe omoi comécina mánainafueña járidoñenafue diga omoi fiéríta afe íere ñuera. Afe bie féiñede ebíredífué Juzíñamui eróicana jamánomo aillo ráifide. ⁵ Afe daií jaiáidinomo ite Juzíñamui ínoñefirede íáifuenidingotíai comécina ñue fiéritadíaíoi. Afe llezica íaiói inítíai anamo ñue itábicaídiáiói. ⁶ Ua daií Sara Abraham daínafueña jeire ote. Afe daií úamona afengo íena: “Cue ocuíraímadío,” uáidoñefirede. Ja birui nífuemo omoi jacínaiñeno, ñúfue omoi jeire oía, Sara izóidingotíaina jíatiomoi.

⁷ Afe dáanomo nana ómoímona áiredimíai cácarei. Caimare omoi áitíaimo comécíllano, dani íaióimo dúide ñúfueña íaióimo nitari. Mei ríngóníai íima jofófemo jabóicana maírídeza. Daje izói Juzíñamui ómoímo dúecaillano fecaca zíiñoña illífué, dájeze ríngóníaimo fecaca. Afemona cáimafuedo íaióimo úriredíomoi. Afe izói omoi íri, omoi Juzíñamui úrilla uai jíziñeílleza.

Ñue omoi illa ícoinia duere zefuítagaomoi

⁸ Nana bífuiaimona daa ráifidíuaido nana ómoimo úriticue. Mai dáafuemo comeci fácano, conímana caimare omoi canori. Daje izói conímana omoi duéruiri. Ua nahí ámatiaí izói conímana omoi izíruiiri. Come dúecaillano comécina mánaidimacina omoi iri. ⁹ Daje izói fiénidífue comuía afe íbana oñeno iri. Afe izói báíñuafue comuía, íbana báíñoñeno iri. Mei jíáifo dájecana ñúefue íba íaioimo oíri; Juzíñamui ómoína ie ñúefue llínollena mamédeza. ¹⁰ Mei jíi; Juzíñamui Cuegáuai bie izói daide:

Biruúllaído ñue illáfuenta izíruitimie, caimare are íacadimie diga, fiéni úrillafuemoná mai ie fue ráiruíteza.

Afe izói dámie caimare íllado are íacade ie fue rairuíredeza. Iemo daje izói táinofuiaína mai afémie llóñeíteza.

¹¹ Fiénidífuaí afémie fáicanocaillano mai ñúefuemo comécíteza;

Iemo conímana comeci caimare uái illafue jenórede.

Afe mei afémie nágarui áfeodo jáiredeza.

¹² Mei cai Ocuíraíma comécina jáícina jóidimacina rairuúllano ñue úíñoteza.

Daje izói afémiemo íaioí úriadi, íaioímo cacáreide.

Mei íadi fiénidífue finódinomona ie uíeco oni jíicaide.

¹³ Jáímamo ñue finóllino jaca izire omoi jenóadi, íraamo omoi jíritaitimiena íñeíte! ¹⁴ Mei íadi omoi jáícina ñue illáfuedo omoi duere zefuí daí, caimare íitíomoi. Buna jacíruiñeno iri; daje izói áfedo comeci llícitaiñeno omoi iri. ¹⁵ Mei íadi Cristo omoi comécido nahí Ocuídillaímana mai omoi mameri. Mai uícomo ñue omoi finóbiri, ómoimo ite úíñogafue jicánótímaci uai omoi ólleza. Mei íadi jacíruióicana comeci mánaíafuedo afe fairíoína uai omoi oíri. ¹⁶ Omoi illafue ñue jáícina mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue illáfuedo fiéni úritino ite. Ie jira ua omoi abí illafue ñue jáícina jónefireiri, ómoimo fiéni úritino dani íaioí fiéni úrilla uáíllairi meáidállena.

¹⁷ Juzíñamui jítaíadi ñúefue ícoinia duere omoi zefuíadi afefue ñuera. Juzíñamuina íóbitade. Mei íadi omoi fiéni finócafue ícoinia duere omoi zefuíadi afefue figo jínoñede. Afefue Juzíñamuina íóbitañede.

¹⁸ Mei dama Cristo cai fiénidífue ícoinia, dama abído tííñellinomo, dácaíño duere zefuúllano tíide. Afémie iere figómie, mei íadi cai fiénina ícoinia cáiconi duere zefuízaíbite, Juzíñamui illánomo cai jáíllena. Ie abí íeizi dibénedo titácámie, mei íadi Juzíñamui Joréñodo meine abído cáadímie. ¹⁹ Ie mei Cristo ie joréñodo, nai meine caífo náidañena llezica, jíáínomo íbaicoga tíidino joréñuai afémie llétajide. ²⁰ Bimaci jáiaí

ninomo Noé illáruido llogáuaina jieruñedino. Aféruillaído áillue nocáe Noé finua llezica, fiénidino duere finólliruimo Juzíñamui comeci raire járidoño, fiaicana afemo úiñoide. Afe áillue nocaedo nana dane ocho dígamie jíllodiaioi. Ua Juzíñamui izire comini duere finuamona, afe aillo jainoi cigimona jíllodiaioi. ²¹ Afe jáinoimo cai uibíllano, íaioi jílluafue caina onótate. Ie jira afe jainoi báutiza jainoi izoide; mei báutiza jáinoido fiénidifuemona cai jílluana onótágacaiza. Bautismo ráifinafue fia abi íaifue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jicáredicai, mei Jesucristo tíide meine cáanafuedo jíllotágacaiza. ²² Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaioi, naa jíaie ríimaciri. Ua nana máirimaci baimo afémie ríinorede.

4

Juzíñamui caimo fecaca eróicana, come máirie illa dieze, íemo tájiredicai

¹ Mei jira, Cristo dama ie abido duere zefuilla izói, dani omoi abina Crístodo duere zefuillena daí finóbirediomo. Afena rairuñeno omoi iri. Mei Cristo ícoinia abina izi cácatagamie abido fiénidifuiaina finóacañede. ² Iemona nana ie cáanaruillaído Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. ³ Afe Juzíñamuina onóñedino gáinafuiái izói jamánomo jaiái ninomo are omoi illa ja daí itíomoiza; meine daje izói iñeno omoi iri. Naui aféruillaído fiénidifue diné jaináidiomo. Omoi comeci fieni jítainafuiáimo íoidiomo. Daje izói jamánomo fiénidiji omoi jíruamona jífaífirediomo. Omoi dáanomo aillo güilláruillaído fiénidifuiári faillíñafirediomo. Daje izói jánaraimo gairífirediomo, afe jánarai íóbitallena. Daí gairíllano aillo bie izoide íaifuiái finófirediomo. ⁴ Ja birui bie Juzíñamuina onóñedino, ja aillo jamánomo íaifue dibénemo itíaioi. Iemona íaioi omoi fieni nabáiñenari, fáigacaidiaioi. Iemona ómoimo fieni úritiaioi. ⁵ Mei íadi afe fiénidimaci íaioi comeci ifue jino Juzíñamuimo llórediaioi naa íaioi finócafuiári. Ua cáadino tíidino diga afémie íanori íllamona iere riire jicánoite. ⁶ Mei jíi, Juzíñamui daina jíllona uai tíidimacimo uícodo llotátaga, afe tíidino joreño dibénedo Juzíñamui illa izói íaioi íllena. Jíái íemo baimaci, nana bínie comini tíilla izói tíitiaioi íadi, ja Juzíñamui illa izói cáaitimacina írediaioi.

⁷ Ja naga ráfuiái fuizáillinomo ánozide. Mei jira ñúefuemo coméiidimacina omoi iri. Afe izói Juzíñamuimo ñue úrillafuemo jifánodoiñeno izire omoi facáoiri. ⁸ Omoi finoca naga jiáie raa baimo, conímana iere omoi izírui; mei izíruillafue aillo íaifuiaina enínaitaga izói niné féitateza. ⁹ Conímaiaina ómoimo mácaibitinona diga, omoi jofomo comécido ruifíruiñeno caimare llínofireiri. ¹⁰ Illa dígamaci Juzíñamui ómoimo iga táijina ríino daína izói jiáimana canórediomoi. Afe izói omoi íllamona Juzíñamui ómoimo fecaca jiáifodo onóigafuiaina ñue dájerize fecáramacina ítiomoi. ¹¹ Dámie uailai jino llóiacania, comini llófuellena, Juzíñamui daína uailai jino llórede. Dámie jiáimana canóadi, Juzíñamui fecaca ríinodo canórede. Nana omoi táijinafuedo ñúefue Juzíñamuimo nitárediomoi. Jesucristo cai diga íllamona daí Juzíñamuina ióbitaredicai. Mei afe Crísto nana ebirede ñúefue, daje izói ríino diga jaca afémiemo zííñona dúideza. Aquíe izói jóideza.

Jesucristo cai jainaina ícoinia duere finócanodicai mei íadi meáiruiñedicai

¹² Izíruiaga ámatiai, ómoimo cómuite izire facátainafueri fáigacaiñeno iri. Aféfuiaina jánaidifue daíñeno iri. ¹³ Mei jiáifodo aféfuemo omoi caimátaoiri; ja Cristo duere zefuíllafuiái dibénomo dúirediomoi. Afe izói omoi íadi, Jesucristo ebire bíllana omoi cíoillemona jamánomo ióbicaitiomoi. ¹⁴ Cristo ícoinia omoi íaioi báíñoia, cámafue dibénomo ítiomoi; mei Juzíñamui ebirede Joreño úicaigamoiza. Omoi báíñotino Crístorí fiéni úritiaioi, mei íadi omoi dibénomona ñúefuedo íemo úritiomoi. ¹⁵ Omoimona dámie duere zefuíadi, come fáfiredimie, mei nibai merírifiredimie dibéfuemo duere zefuíñeno iri. Daje izói íáibadimie, jiáie come ífuemo gágutajidimie dibénomo duere zefuíñeno iri. ¹⁶ Mei jiáifodo, Crísto ínotinona omoi mameina ícoinia, duere omoi zefuíadi, áfena meáiruiñeno iri. Ua meáiruiñeno aféfuerei Juzíñamuina omoi ióbioitari.

¹⁷ Mei ja Juzíñamui cai lletállirui dúcizaide. Ua dani Juzíñamuimo jáináidinomo jáicína llétafue fueñe táiniaide. Mei afe jáicína llétafue daí caimo tainéiadi, ¿nie izói Juzíñamui llogáuaina jeire oñédino, írairuimo dúcille llezica, ítiaioi? Afémaci lletállifue jamánomo ríire zúite. ¹⁸ Fígomaci dibénomo jíllloillifue juare ia, Juzíñamui ñue jacíruiñédino jíllloillino iere féirede. ¿Nie izói nibáílliaioi? ¡Níbaiñeitiaioi! ¹⁹ Ie jira Juzíñamui comeci jítailla izói duere zefuídino, naga ñúefuiaina finóoicarediaioi. Afe llezica íaioi coméciai Juzíñamuina

rairuítarediaioi. Mei Juziñamui méidoñeno ñinofiredimieza, íaioi comuítatimieza.

5

Crístomo ñnotino llóina uai

¹ Omoi gairífirena cígimo ite ocuide eicomínimo cue llóina uai llóiticue; cue ja afémaci izói eicómedicueza. Daje izói Cristo duere zefuilla uai nabáidimiedicue. Ico ñírui Cristo bille lezica ie ebíredifue cíocailliruimo, afe ie ebi omoi cácaille izói, afe izói ie ebi cácaiticue. ² Nana omoi uai anamo itínuiái ñue íaioina omoi úiñori, oveja úiñoraima ie ovéjaiaí úiñua ízoi. Ráairuiñeno, Juziñamui jitailla izói, omoi comeci figónamona íaioina omoi úiñori. Jiáima izire ocuilla izói íaioina omoi úiñoñeno iri. Dama úcube óllena úiñua izói íaioina omoi úiñoñeno iri. Dama omoi comeci óiacana izói caimare omoi tájiri. ³ Omoi uai anamo itínona rírerie comécina éoide comini úiñotimie úiñua izói omoi úiñoñeno iri. Mei jiáifodo omoi illafue ñue jaícina omoi mameri, omoi illa izói íaioi ílleza. Mei daí ñue illafue fueñe íaioimo jino llotímiediomoiza.

⁴ Afe jira Nahí Uiñoraima Cristo cíocailliruimo ebírede ñúefue ómoimo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daíllena, fia rábiai finoina ífo icuifoí. Afécuifoí etuda niné táinocaite, mei íadi omoi maiñóredifue jaca niné táinocaiñeite.)

⁵ Afe daje izói, jitócomini, mai omoi ocuide éinamaci ñuera ríuui anamo itábicairi. Ua nana omoi conímana comeci mánainafuedo daje anamo dájena itábicairediomoí. Mei jaiái Juziñamui Cuegáuai daide:

Juziñamui, nana fieni abí ñnotinona uáitaoide; ua íaioimona ie uiéco oni jíicaide.

Mei íadi nana comécina mánaidinona afémie dúcaifirede.

⁶ Mei jira Juziñamui ñue rírede uai anamo ríriiñeno comécina mánaidimiena omoi iri. Afemona ie comeci daílliruido afémie ómoína jamánomoidimiena jóoneite. ⁷ Nana omoi izire comeci llícidifuiái Juziñamuimo uáfodo lloíri; mei afémie ómoína iere rairuídeza.

⁸ Ñue cáadimie izói abi omoi rairuíoiri; mei cai bacáuai ímie Taife caina jenódeza. Ua jufíruite jánallari rille jénua izói afémie caina jenódeza. Ua jenode caina fiénidifueмо íóllena. ⁹ Afémiemo omoi ñnogafuedo izire uáitaoicana abí omoi mameri. Mei nágagobiaimo ite omoi ámatiaí dáafueri duere zefuídiaioiza onódiomoiza. ¹⁰ Mei íadi nano íanori duere omoi zefuilla mei, Juziñamui meine abído caimare duere zefuíñena dibénomo ómoína itátaite. Afe llezica íaifuemo comécina féitanide cómena ómoína mámeite. Ua dáaruído

ómoina riire nibáinino nabéfuena náiretataite. Afe daje Juzíñamui fiénidifuemona abi rairuállafuena cai ite, naa jiáie canóinafuairi. Dáamie íemo ite ziiño ebírenafuemo ebi cai cácaillena, afémie afemo caina mamede; mei Jesucrístomo cai jaináillamona, afemo ebi cácaiticaí. ¹¹ Uafue, afe Crístomo nana ebirede ñúefue, riino diga jaca ziiñona dúide. Aquíe izói íteza.

Iraifuena facádua uai

¹² Bie íanori cue cuegabe Silvánodo ómoimo orédicue. Afémie ñue íinofirede ámaza comécido onódicue. Afe bibedo ñúefuemo omoi íllena omoi llófueticue. Ja aillo Juzíñamui ézicigafuiaina jeire otíomoi. Iemona afémie ómoína iere izíruiteza ua onódiomoi. Aféfuedo riire nibáinino ómoína mamédicue, uáfodo omoi onóillena. Bifue nágarui jaícina jeire omoi oíri.

¹³ Babilonia jófuemo ite Juzíñamuimo gairídino, Juzíñamui omoi izói eneno nizécano, ómoimo uailai orédiaíoi. Daje izói cuedo jáicadímie Marcos ómoína uáidote. ¹⁴ Nahí ámana izíruilla izói caimare conímana omoi uáidori. Nana omoi Jesucrístomo jaináidinodiomoiza, mai caimare uái omoi iri. Mai; jae ñe.

SAN PEDRO MÉIFODO CUEGABE **Segunda Carta del Apóstol San Pedro**

Jesumo ñnotinomo Pedro cuete

¹ Cue Simón Pédrodicue. Jesucristo ocuífirégamiedicue. Daje izói ie oréfirégamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ² Cai Ocuíraima Jesús, Juzíñamui diga, omoi onónamona diga éziciafuiaí, daje izói comeci caimare uái illáfuiái dibénomo omoi iri.

Crístomo jaináidinomo ite nie izóidifuiái

³ Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaína caimo ite. Ua dama íemo ite ññefuiaído afémie caina íemo ñnotade. Daje izói ie fáigacailla ebire finócafuiaído íemo caina ñnotade. ⁴ Iemona ie jífueñeno fecalle uai caimo llote. Bie caimo llogáuai iere aillo ráifide uai. Afe uáillaído Juzíñamui illa izói íitiomoíza. Nana comini íaifue dibénemo fieni comeci jítainafuiaído uigámaci; mei íadi Juzíñamui ómoímo llogáuaido afe íaifuemona jae jíllodíomoi. Iemona Juzíñamui ñue illafue dibénemo íitiomoi. ⁵ Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶ afe caimare fibíllafuemo, dama abina rairuillifue omoi nabáicana uiri; afe dama abina rairuillafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comécíillifue dájemo nabáicana uiri; ⁷ afe Juzíñamuimo caimare comécíillafuemo ámatiaína duéruillafue dájemo nabáicana uiri; afe ámatiaína duéruillafuemo nahí izíruillafue mai izire dájemo nabáicana uiri.

⁸ Nana bie izói daináfuiái jeire omoi óiadi, afe llezica aféfuiaí ñue omoi móonaitaiadi, omoi illafue táinomo báíñeite. Daje izói cai Ocuíraima Jesucrístonona omoi onónafue táinoñeite. ⁹ Mei íadi bífuiaína jeire oñédino únidimie illa izói ite; jica cióñeno áinori ciódimie izói ite. Jaiái ie finoca fiénidifuiái dóinamo ja comécíñede. ¹⁰ Mei jira, ámatiaí, Juzíñamui uáidota eneno nizécamacídiomoíza onódiomoíza. Iemona jíeredimaci izói omoi iri, aféfuiaí omoi comécimo riire amena jáinao izói íllena.

Afe izói omoi íadi, jaca Cristo iómona oni nibéfodo jáiñeitiomoi. 11 Bifue daina izói omoi íadi, cai ocuide Jíllotaraíma Jesucristo zíiñona illáimana illánomo, rairuíño caimare jofu uáidolliomoi.

12 Mei íemona bífuiaímo omoi comécioitaiticue; aféfuiaí onódiomoi íadi. Daje izói afe ómoímo birui ite ua uai jeire otíomoi íadi, nai jaca jáicina comécioitaiticue. 13 Bie ñue llóinafue uáfodo ómoímo cue lletalle nai cue jáicana llezica, cúemona ñue jáicina cíoide. 14 Mei jii, nauí cai Ocuíraíma Jesucristo benó illa llezica, raire cue tíllano bie éniemo cue íñeillena cuena daide. Afémie cuemo llua izói ja raire íficaite. 15 Ie jira birui nana cue ríinodo llófueriticue, cue tílla méifomo bífuiaímo jaca ñue omoi comécillena.

Pedro Cristo jamánomo ñuera ébifuenta ciómana jino llote

16 Nauí cue nabáiñiaí cue diga cai Ocuíraíma Jesucristomo ite ñuera ríino ífuenta omoi llófueticaí, ie meine abido billífue diga. Nana afe llófueinafuiaí dani cai comécimo comuídfueñede. Táinofuenta lloñédicaí, mei íadi dani cai uído ie jamánomo ñuera ébifuenta ciódinodicaí. Iemona uafue lloticaí. 17 Ie Moo Juzíñamui íemo ñúefue níтана, jáie ebíredífue íemo fécana dani cai uído ciódicaí. Juzíñamui ebire ie uaido daide: “Bie cue izíruga jító. Afémieri iere ióboidicue,” daide. 18 Aquie izói monámona Moo dáinana dani cai jefodo cacádicaí; mei afe ñue eneno nizeca ídumo afe cai Ocuíraímaioiri jáidicaíza.

19 Bie como cai llogafue baímo, jáie nahí ua llogafue ite. Bie nahí uafue jaiái uícodo uai jino llóraini lloga cugáuai. Afe cugáuai cai llogáuaina nabaide. Bínie nai jítifomo illa llezica búaina ráiruíño iere jeire órediomoi. Aféuai mechera naio bóua jítipo egáiñua izoide. Ua aféuai nai mona mónaiñenia, jítipo egáiñua izói omoi comécina egáiñote. Afe mona monailla llezica monáiracudu izóidime billano, omoi comécina ñue jáicina déitaite. 20 Mei fueñe bífue mo omoi coméciri: Cugáuailaimo ite uícodo jino lloga daináfuaí dama afe uai lloráimamona llóñega. 21 Mei onódicaíza, uai llóraini jaca dani íaioi comeci jítainafuaíado úriñediaioi. Mei jáífodo afe Juzíñamui íeiena maiñócamaci afémie dibéfodo úritiaioi; mei Ñuera Joreño ífócaiaioíza.

2

*Táinofuaína llófueñedino
(Jud 4-13)*

1 Mei íadi afe dáaruillaído Israel comini cígiri táinofuaí jino llóraini ite. Afe izói omoi cígiri táinofuaíado llófueritino íite. Afémaci dani fiendi finode ífoci úrillafuenta báinino omoi

llófueitiaioi, comini Juziñamuimo íaioi ñnogafue féitallena. Daií aféuaido íaioina jílloataite Ocuíraimana jáanoitiaioi. Afemona íaioi niné raire táinocailífue dani íaioimo zúite. ² Iaiioimo ite fiénidífue dibénedo aillo comini jáitiaioi. Dani afémaci ícoinia cai ua ñue jaille iori fieni úritiaioi. Bie ñue ua cai jaille io Juziñamui ñúefue. ³ Iaioi aillo úcube llínoiacanamona, táinofuiaido omoi íaioi jífuiado úcubena llínoitiaioi. Mei íadi íaioi niné táinocaitaitmie, íaioi finócafuiaina cíoillano daií íaioi táinocailífueña fáicanocaiño maméoi. Mei jaiai ninomo íaioi duere finóllena mamécaiaioiza.

⁴ Juziñamui abi imácimona dáarie fiénidífue mo baíidiaioi. Afémaci íaifueña Juziñamui doñede. Doñoeno duere zefuille iraimo íaioina orede. Jítifomo íaioina fiénocai. Dinomo ico izire jícanolliruimo baí óllena cuinácaiaioi.

⁵ Daje izói Noé illágima llezica fiénide comini íaifueña Juziñamui doñede. Mei íadi jamánomo áillue jáinoido afe fiénidinona Juziñamui nana fiéñoeno fuitade. Afe fiénide náiraimona dama Noéna naa siete diga ie comíniri Juziñamui jílloataite. Afe Noé jáicina ñúefuedo íaioina lletade íadi jamáiena faitiaioi.

⁶ Bífue mei, daje izói Juziñamui Sodoma jofue, Gomorra jofue imaci diga niné táinocaitate. Ua nana íaioi jofue bóua mei, daa imuícaí fiébilla. Ua daií izire niné táinocaitate, ie méifodo fieni ítino, bífueña cíoillano, Juziñamui fiénidino izire duere finófirede daiíllena. ⁷ Afeno bóocuamona Lot dainámie comeci ñúenado íena jílloataite. Lot afe íairede comini fieni illáfueña ie cíonamona ie comeci jamánomo zúucaide. ⁸ Bie comécina ñúemie Lot, nágarui fiénide comini cígiri ie íllari, íaioi fieni finócafuiaina cíode; íaioi fieni úrillafuiaina cacade. Aféfuiaí ie ñuera comécina zuure finode. ⁹ Daií cai Ocuíraíma nana íena ñue jacíruiño íaioi comeci fieni facátafuiaimona íaioi jíllloillena ñue onode. Daje izói afémie nana fiénidino ico íiraicaiño iere jícanolliruimo duere finóllena oni eneno jóoniana ñue onode.

¹⁰ Nana íaire comeci jítainafue jeire óiacadinona Juziñamui iere duere finoite. Cai Ocuíraíma ríinona jámairuítinona daje izói duere zéfuitaitiaioi. Afémaci llétana cacácaíñedino. Illáimana jacíruiñedino. Daje izói monamo ite joríaí izoide ríinoredinona baííuana jacíruiñediaioi. ¹¹ Juziñamui abi imaci afe fiénidino baimo ríinorediaioi. Daií íaioi illa íadi, afémaci afe joríaí izoide ríinoredinona fieni daiíñediaioi. Ua cai Ocuíraíma uíecori afémacina baííuafuedo “Duere zéfuitiomoí,” daiíñediaioi.

¹² Afe fiénidino rílleníai izói abina onóñediaioi. Afe rílleníai da ebena illáfue mo itiaioi. Núefue dine coméciiñediaioi. Fia

llaitada fállena jocócaiaioi. Bie izói itímiaiaí ónoñegafuedo fienni úritiaioi. Mei íadi afémaci jiba rille izói tíitiaioi. ¹³ Jiáie comini duere íaioi zefuítado duere finóbitiaioi. Ianori caimátailifuedo jiáie iere íóbitadinodicaí, daíífirediaioi. Afémaci meáidaitadimaci. Comeci fienni finode raa izói omoi cígiri itíaioi. Daje llezica omoi finoca ráfuiaido nabáiriacadiaioi ómoína iaire finóllena. Táinona jífujete caimátaila raado jífanotiaioi.

¹⁴ Afémaci nana ciona ringomo fia érocañeno llaitada jiruifue finócadiaioi. Afémaci fiénidifue finuana iere gáidiaioi. Afena fáicanocaiacañediaioi. Comécina náinidinona bífuetá íaifue mo uitíaioi. Naga raana izire máñuana iere fibídiaioi. Afe izoide comini íaire faidócano. ¹⁵ Afémaci Moo Juzíñamui ñuera íomona oni fiénidido jáidiaioi. Jaiaí uai llóraima Balaam ífuedo jáidiaioi. Afe Balaam Beor jító. Afe Balaam fiénidifuiáie ie finuado aillo úcubena llíinoiacade. ¹⁶ Mei jíáfodo áfemona uáinide burra Balaam fiénidifuiáie diné íena lletade. Afe burra come izói úrillano, Balaana uáiritaidimie úrilla izói rairuillano íena úritañede.

¹⁷ Nana bie táinofuena llófueridino jainoi iñeno jainoi orano zafénailla izóidiaioi. Jairífodo oni niné ñaitaca mona úillie izóidiaioi. Jamánomo jítrede jítinomo zíñona íllena riire faidócaiaioi. ¹⁸ Mei aillo abí íñua uáillaido naa taino uailaí diga, ñúemacina jífuecana uitíaioi. Iáioi íaifuiaido, comini abí jítainafuiáie diga jíáimacina bífuetáioi. Ua íaifue dibénemo itínomona uáfueña jíllodinona meine íaifue mo nane bífuiáidiaioi. ¹⁹ Uícode raire llotíaioi: “Uafue ráiruiñega comini izói íitiomoi,” daíífirediaioi. Mei íadi afe daína llezica, dani afémaci íaifue dibénemo izire jaináitaganona itíaioi. Iemona afémaci fiénidifue finuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiéna jaide. ²⁰ Mei cai jíllotate Ocuíraima Jesucrístoná onódimaci, éniemo ite íaifuiáimona oni jíllodiaioi. Bimácimona dáarie íaioi jíllua mei nauí íaioi anáfenogafue mo abido íaioi baííadi, nano íaioi illa baímo, jamánomo figoñeite. ²¹ Juzíñamui ñuera íona íaioi onóñenia afefue afémacimona figóñede. Mei íadi ja Juzíñamui íona onona mei, íaioimo iga ñuera lletárafuiáina féítaadi, afefue jamánomo fiénide. ²² Jaiaí daína ua uai como afémacimo zúilla. Aféuai daide: “Jico ie cicúecana abido güízajide. Daje izói mero abina ñue jococa nane dama íe íaíbimo nane jabíjabízaide,” daide.

3

Cai Ocuíraima billifue

¹ Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoina abi jífueño bífue mo comécitadacue. Ñue llófueinafuedo ómoina comécitadacue. ² Afe jira jaii ñuera uai lloraini caimo llogáfue mo omoi uibóiri. Daje izói Cristo orécamaci ómoimo lloga jíllotate Ocuíraima lletara uaimo féitaño áfemo omoi coméciri.

³ Nano fueñe bífue mo omoi uibóiri: ico írairuillaído Juzíñamui lloga ñúefuiaina zanófredino bítiaioiza. Afémaci daní íaioi comeci fiéni óiacanafuiaido itíaiioi. ⁴ Afémaci ómoimo zanoda jícanoítiaioi: “¿Ninomo ite ómoimo lloga meine bite Cristo? ¿Némei afe? Cai jáiaigima tilla méifomo naga raa daje izói ite. Ua énie comuillarumona naga rafue daje izói jáioicaide.” ⁵ Daií llóitiaioi, mei jaii ninomo monana Juzíñamui ie uaido fínua fue mo coméciaañediaioiza. Afe izói Juzíñamui uaido ocuillamona, zocade raa zocai ízoi, bínie jáinoimona comuide. Iemo jainoi cígido bínie Juzíñamui ie uaido riire itábicaitate. Aféfuena náfuéño bie zanófredino onócañediaioi. ⁶ Afe mei daje izói énie anábaitade áillue noci aféruillaído bie éniemo ite cáadinuiaina niné táinocaitabite. ⁷ Mei íadi birui ite mona énie diga daje Juzíñamui daina uaido táinocaitalle irai íena oni jóoneoiga. Afe irai fiénidnuiai niné táinocailliruimo ico íraicaíño iere jícanolliruimo afe bíniena naa mona diga cuarítaite.

⁸ Izíruiga ámatiai, bie emódomo ífuena omoi féitaño iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. ⁹ Cai Ocuíraima ie daínafuiái fuitálliruimo dúcia bai jáiruimo dúñoñeite. Dámierie afémiena jáiruimo dúñoite daífrediaioi. Mei íadi afémie cairi járitañede. Afémie buna oni fáiaañede, mei jáifodo caimo ite fiénidnuiai ñúefuena méidollena afémie iere jitaide. Afémie aféruina bai jáiruimo dúñoñeite. Féitaño ie mamécaruimo zúite.

¹⁰ Cai Ocuíraima billirui meríriraíma naio billa izói, nai due ócuriñeítiaioimo déizaibiteza. Afe billiruimo mona naa íemo ite ráaniairi jacire niné táinoficaite; áfena iere ficire cácaite. Nana afe mona fínua ráaniai naa úcuairi iraimo niné táinocaita. Afe llezica bínie naa íemo ite itínuaíri cúarite.

¹¹ Ja nana daií táinocaillifue mo omoi fidínamona, nana íaifue mo abi omoi rairuillifue iere jítaírede; benómona afémiena caimare íóbitaredicai. Ua Juzíñamui íeiena omoi illifue iere jítaírede. ¹² Mai Juzíñamui ie nahí illáimana cíocaizaibilliruimo omoi úñori. Uíñua llezica, omoi onóigafuedo aféruina raire mai omoi járidori. Aféruillaído mona ero iraido niné táinocaita. Nana énie fínua ráaniai iraimo niné íbina jáitiaioi. ¹³ Mei íadi Juzíñamui uícodo caimo lloga comue

monamo comue éniemo ocuírídicaí. Afe comue éniemo mona diga, nana raa ñue jaícina jóite. Naga raa ñífuenite.

¹⁴ Izíruiga ámatiaí, mei benómona nai bífuemo omoi úiñoína llezica, nana ómoimo ite riínodo omoi illafue jaícina jóoneri. Daií omoi comeci caimare uái illafue dibénemo íllamona Juzíñamui ómoimo eróicaizabilleza. Afe izói omoi comeci íaicaiñoeno nífuenino Juzíñamui ómoimo cioizabilleza. ¹⁵ Nane jíáifuemo omoi comécioiri. Afefue daide: Cai Ocuíraima comínimo járitaiñenafue, ua cai jíllouillifue. Daa bíuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede. ¹⁶ Nana afémie orécabaiamo daa bífuiái llote. Mei íadi dáarie ie uaillai ñue onóillena iere féirede. Abina onóñedino afe féirediuaina jíáifodo mamédiaioi. Afe izói jabo ínotino aféuaina jíáifodo dobáiñotiaioi. Daje izói jíáie Juzíñamui Cuegáuai lloga uáillaina oni jíáifodo áifedotiaioi. Afemona afémaci dani abi niné táinocaitaitiaioi.

¹⁷ Izíruiga ámatiaí, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerillafuedo meine abido íaifuemo omoi báiza; omoi jeire oga ñúefuena niné féiza. ¹⁸ Mei jíáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ifue aillo oni mónaitaocairi. Iere ebire ñúefue dama Jesucrístomo mai birui omoi nitari. Daje izói ziiñoña ebíredifue afémiemo mai omoi nitáfireiri. Mai. Jae ñie.

NANOIDE SAN JUAN CUEGABE

Primera Carta del Apóstol San Juan

Cáatate úrilla uai

¹ Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoido jetádicai. Afémie Juziñamuimona uailai llúaibitimie. Afémie uai caina cáatate. ² Afe cáatatena itímie cai onóillena caimo cíocaide. Afémiena cíoillanona íemo uai faiticai. Afémie fecalle ziiñona cáananona ómoimo jino lloticai. Nanómona afémie Moo Juziñamui diga ite, ie mei caimo cíocaide. ³ Jira cai cacánafue cai ciónafue diga uáfueña jino lloticai, daaco comínina omoi cai diga íllena. Ua afe izói uáfueña Moo Juziñamuimo dájena jaináidicai. Daje izói ie Jitó Jesucristomo jaináidicai. ⁴ Jira aféfuiaina ómoimo cueticai aféuaido jamánomo caimare ñue omoi íllena.

Juziñamui nairai comeci egáioidimie

⁵ Bie úrillauai Jesucristo caimo llogáuai. Afena jino ómoimo lloticai: Juziñamui comécina egáioidimie. Afémiemo jaca jítinona iñede. ⁶ Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izói táinona finódicai. ⁷ Mei íadi Juziñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíillamona, ie die tótajamona nana cai fiénidifuiái dote.

⁸ Cai fiénidifue iñede cai dáiiadi, cai abi jífueticai. Táinofuefiredimacídicai. ⁹ Mei íadi Juziñamui ñue jaícina finóllifueño afemo ínoredicai cai fiénidifuiái jino cai llóiadi, uáfueña afe fiénidifuiaina afémie dóite. Nana íemo fieni cai finócafue íbana caimo óñeite. ¹⁰ Cai fiénidifuiái finóñedicai cai daiíadi, Juziñamui táinofueredena ciótataiticai. Ie úrilla uaina uáfueña jeire oñédicai.

2

Cristo cáiconi ñue úriraíma

¹ Cue jítótiai, bífuiaí ómoimo cueticue, íáiredifuiáimo omoi báiiñellena. Mei íadi dámie íáiredifuiái finóadi, Moo uíécomo cáiconi ñue úritimie ite. Afémie Jesucristo. Ñue jaícina itímie. ² Jesucristo cai fiénidifuiái ícoínia fagámie. Dama cai ícoíniañedeza, mei íadi nana énie comini fiénidifuiái ícoínia.

³ Juziñamui ocuífafuiai iere cai cacáreadi íena onódicaiza fidíiticaí. ⁴ Mei íadi dámie “Iena onódicue” daiíadi ie ocuífafuiai iere cácareñeniadi, afémie taino lloraima, ua táinofue firedimie. ⁵ Mei ie ibana Juziñamui ocuífafuena finódimie, jae Juziñamuina nabéfuena izíruite. Daií áfedo íemo cai jaináinana fidídicaí. ⁶ “Juziñamuimo jaináidicue” dámie daiíadi Cristo maca izói ie macállino jitáirede.

Comue ocuífafue

⁷ Cue izíruiagamaci, comue ocuífafue ómoimo cueñédicue. Afe fue nanómona ómoimo itifue. Afe jaiái rafue daje omoi cacana úrillafue. ⁸ Mei íadi ómoimo cue cuezafue comue ocuífafue izói ómoimo íficaizabite. Bie ocuífafue Crísto nahi ua ráfuena íte. Afe izói bie ocuífafue ómoimo nahi ua ráfuena íte. Afefue ua nahifue, jítino oni jáioicaideza. Jae ua comécina egáíñollena ñue egáioinaza.

⁹ Dámie “úzfemo iticue” daiíadi, íadi jiáimana nai éoia, afemie nai jítifomo íte. ¹⁰ Ie ámana izíruitimie úzfemo íte. Afémiemo minícana fiénidifuiaimo baiítaitena íñede. ¹¹ Mei íadi íe ámana éoicaidimie nai jítifomo íte; ua jítifodo macade. Niné jáideza onóñede, jítino uina cíotañena jira.

¹² Jitótiai, jomoi cacai! Juziñamui Jesucristo titáinanomo omoi fiénidifuiái ibana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi ríredimacina jira; omoi comécimo Juziñamui úrilla uai jeire omoi ua jira; Taifena omoi anáfenua jira.

¹⁵ Biniemo íte Juziñamuina bacáuairédino finócafuiaina izíruiñeno omoi íri. Daje izói íaioimo itífuiaina cacáreiñeno omoi íri. Dámie afémaci finócafuiaina izíruiadi, afe llezica Moo Juziñamuina íziruiñeite. ¹⁶ Nana íaioimona lloga ráfuiai minícana Juziñamuimona biñede. Fia dani íaioi cígimona comuide. Comécina íairedemona fiéni óiacanafue bite. Cai uí íóbicailla jítaillamona jáie fiéni óiacanafue bite. Caimo íte ráaniaimona fiéni abi ínuafue bite. Nana afe billáfuiái biniemo íte Juziñamuina bacáuairédino llóolloga. ¹⁷ Afena bacáuairédino fúioicaide, naa íaioimo íte fiéni óiacanafuiái diga. Mei íadi Juziñamui jitáinafue finódimie jaca ninomo ziiñona íte.

Uafue táinofue diga dájemo jaináíñede

¹⁸ Jitótiai, jae írairuimo dúcidez. Cristo uáitaoidimie bíllana cacádiomoi. Ja birui aillo Cristo uáitaoidino cíocaide. Ie jira birui írairuina onódicaí. ¹⁹ Afémaci cáimona jino jáidiaioi. Mei

Íadi uáfuenta cáieñediaioi. Uáfuenta cáiena íaioi íadi, cairi fiébite. Ua afémaci cáimona jino jáidiaioi nana cáieñetiaioiza uáfodo daí áfedo onóillena.

²⁰ Mei íadi Cristo Ñuera Joreña igáomoi; íemona afémiedo onótagaomoi. ²¹ Omoimo cueticue mei, uáfuenta omoi onona jira. Uáfuenta omoi onóñenamona cueñédicue. Uáfuemona jíae daa táinofuenta comuínide. Jae onódiomoiza.

²² ¿Bu táinofueredimie? Jesuna Crístoñede daidímie, afémie dama táinofueredimiena. Nímie Crístona uáitaoidimie. Afémie Moo Juzíñamuina jáanote. Afe izói ie Jitona jáanote. ²³ Jitona jáanotimie afémiemo daje izói Moona ñede. Mei íadi Crístona jíeruitimie daje izói Moona onode.

²⁴ Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitomo dájena ítiomoi. Afe llezica cai Moori dájena ítiomoi. ²⁵ Jesús uáfuenta uícodo llote, ziiñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; táinofueñede. Jira daí Crístomo dájena omoi iri, Ñuera Joreño ómoimo llua izói.

²⁸ Jitótiai, mai birui Crístomo dájena jaináicairi, afémie cíocaillruimo ie dainana ñue cai ínollena. Daí ie bíllemo ie uíecona méairuiñeiticai. ²⁹ Ja onódiomoiza Jesucristo ñue jaícina finódimie. Afemona daje izói nana jaícina finódino Juzíñamui jitótiaiza ónoitiomoi.

3

Juzíñamui jitótiai

¹ Mai ¡comécimo faca! Nñ jamánomo Juzíñamui caína izíruilla. Iemona ie jitótiaína maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaioi onóñena jira. ² Izíruiga ámatiai, jae Juzíñamui jitódicai. Iirairuimo cai íficaillfuenta nai caimo ácatañega. Mei íadi onódicaiza, Jesucristo cíocaia afémie izói íiticai, ie illa izói námiena cai ciona jira. ³ Nana afémiemo daí comécidimaci dani dáamaci nana íaifuiaimona ñue dóficaitadiaioi, mei Jesucristo íaifuenidimie illa izói íiticai.

⁴ Mei íadi nana fiénidifue finódimaci Juzíñamui ocuífafue uáitajano jámairuite. Mei jira fiénidifue ocuina ráfuenta uáitaoina. ⁵ Jae Jesucristo bie éniemo cai fiénidifue oni duáibillana onódiomoi. Daje izói afémiemo ñifue iñénana onódiomoi. ⁶ Mei jira nana afémiemo dájena jaináioicaidimaci fiéni macánidiaioi;

mei íadi nana fienu macáfiredimaci afémiena jaca cióñediaioi; íena onóñediaioi. ⁷ Cue jítótiai cacai. Buna ómoína jífueñellena nane dáitícue; ñúefue finófiredimie ñúemie, Jesucristo ñúemienu illa izói. ⁸ Mei íadi fienu macáfiredimie Taifemo jaináidimie, mei nanómona Taife fiénidifuiaredimien a ite. Uafue Juzíñamui Jitó Taife finócafui ai táinocaitaíbite.

⁹ Juzíñamui jítótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuen a finófinide, Juzíñamui jitoza. ¹⁰ Afedo bu mei Juzíñamui úruiaínaza, bu mei Taife úruiaínaza onódiomoiza. Uafue níimierie ñúefuen a finóñenia, ie ama íziruiñenia, afémie Juzíñamui dibénemo itímieñede.

Conímána cai izíruillafue jítáirede

¹¹ Mei jii nanómona omoi cacana úrilla uai, be nie uai: conímána cai izíruillafue jítáirede. ¹² Caín izói omoi iñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafui ai figóñena jira; mei íadi ie ama finócafui ai ñuera.

¹³ Cue ámatiai, Juzíñamuina bacáuaredino ómoína éoinamona fáigacaiñeno iri. ¹⁴ Jae tízaille íomona zíñona cáaiñiomo dóbaicaidicai. Afena onódicai, Jesuna ínotinona cai izíruilla jira. Mei íadi izíruíñedimie tízaillido jaide. ¹⁵ Nágamie ie abi cómena éoidimie cómena titádimie izói ite. Iemo come titádimie comécimo zíñona cáanano iñénana onódiomoi. ¹⁶ Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daí abina zóferedicai. ¹⁷ Dámie ie illíno mo jítáirede raa ítemo, ie aino come jitaica raa iñénana cióillano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡ñede! ¹⁸ Cue jítótiai, ífia fuena daína uaido mai cai izíruíñeno iri! ¡Mei íadi ñue finóñifui aido uafue izíruillafuedo mai conímána cai izíruiri!

Juzíñamui uíécomo ñue íena ínofirenafue

¹⁹ Jira daí uáfue mo jaináidimacaidicai onódicaiza; nane aféfuemona Juzíñamui uíécomo ñue íena ínofiredinodicai. ²⁰ Cai comeci cai ícoínia llóyadi, Juzíñamui cai comeci baímo aillo ñúemienaza onódicai. Afémie nágafui ai onode. Iemona afe ícoínia caímo íbana óite. ²¹ Mei jira, izíruiga ámatiai, cai comeci cai ícoínia lloñeniadi Juzíñamui uíécomo ñue íena ínofiredinodicai. ²² Nana íemo cai jicaca raana fécaite, ie ocuífaiaina jeire cai úamona; ua íena cai íóbitamona áfeniaina caímo fécaite. ²³ Afémie ocuífue daide: “Ie Jitó Jesucristo mo cai ínori. Afe emódomo cai conímána cai izíruiri afémie cai ocuilla izói,” daí daíñocaide. ²⁴ Ie ocuífaiaina iere

caacáreidimaci afémieoiri itíai. Daje izói afémie nágarui íai. Ite. Afémie jaca caimo íllana onódica. Ua áfena afémie caimo iga Ñuera Joreño onódica.

4

Ñuera Joreño Crístona uáitafirede jóriaina anáfenocade

¹ Bie énie táinofuiai llotinona oruízaideza. Afémaci “Juzíñamuido úritica,” daidíai. Izíruiga ámatiai, jomoi cácarei! Naga “Juzíñamui dibéfodo úritica” daidímiena ínoñoeno iri. Mei íadi íai. Facátari, nie joreño íai. Íllana onóillena, Juzíñamui ie, níbai íeñede. ² Juzíñamui Joreño itímie omoi onóillifue llóiticue. Nágamie Jesucristo ua cómena bíniemo bite jino onótatímie, afe cómemo Juzíñamui Joreño ite. ³ Mei íadi daí jino onótañedímie Juzíñamui Joreñoñedímie. Afémiemo Crístona uáitafirede joriai ite. Afe izóidena fiénide joriai bíllena ja cacádiomoi. Mei afe jae bie éniemo ite.

⁴ Jitótiai, omoi Juzíñamui iédiomoi. Omoi itímie baimo ríinorenayona, afe táinofiredinona jae anáfenodiomoi, mei íai. Daináfuijai omoi ínoñoena jira. Bíniemo ite táinofiredinori itímie jabóidímie. ⁵ Afémaci Juzíñamuina bacáuairidinomo jaináidino, ie jira Juzíñamuina bacáuaido úritiai. Iemona bíniemo ite Juzíñamuina ínoñoedino afémacimo cacáreidiai. ⁶ Mei íadi cai Juzíñamui iédica. Juzíñamuina onódimie caimo cacáreide. Mei íadi Juzíñamui íeñedímie caimo cacáreíñede. Afedo uafue uaina llófueinafuenta onódica; daje izói jífuetena llófueinafuenta onódica.

Juzíñamui izíruitímie

⁷ Izíruiga ámatiai, conímaya cai izíruilla jítáirede; izíruillafue Juzíñamuyona bíteza. Nana izíruillafuairédino Juzíñamui jítótiai. Afe llezica Juzíñamuina onódiai.

⁸ Juzíñamui jamánomo izíruillafuaina oruídimie, ie jira izíruillafuenidímie Juzíñamuina onóñede. ⁹ Juzíñamui daade ie Jitó ana éniemo orede afémiedo cáananona caimo íllena. Afedo ie caina izíruillafue caimo ácatate. ¹⁰ Afe óriado uáfuenta izíruillafuenta cai fidítate. Juzíñamuina cai duériya nahí izíruillafueñede. Mei íadi afémie caina dúecaillano cáiconi ie Jitó ória, afe nahí izíruillafue. Ua Juzíñamui cai fiénidífuiai ícoinia cai jíainona duere finóllimiena ie Jitó orede.

¹¹ Izíruiga ámatiai, Juzíñamui daí caina izíruillayona, afe izói conímaya cai izíruillafue jítáirede. ¹² Juzíñamuina jaca buna ciónena; mei íadi conímaya cai izíruia Juzíñamui cai comécimo ite. Afe illa dáaruido Juzíñamui izíruillafue caimo ñue ríire comuíoicaide. ¹³ Juzíñamui dibénemo cai íllana, cai comécimo

Juzíñamui íllana ónorede. Afena ie Ñuera Joreño caimo fecáinado onódicai. ¹⁴ Moo Juzíñamui ie Jitó orede afémiedo comini jilloillena. Iena dani ciódicai. Afena jino uáfodo lloticai. ¹⁵ Nágamierie Jesús Juzíñamui Jitona onótatimie, jaca Juzíñamui diga ite. Daje izói Juzíñamui afémie comécimo ite.

¹⁶ Daí Juzíñamui caina izíruillana fidítagacai. Aféfuena ínoticai. Juzíñamui jamánomo izíruillafuiaina oruídimie. Izíruillafuemo itímie Juzíñamuimo ite. Afe izói Juzíñamui afémie comécimo ite. ¹⁷ Daí jamánomo ñuera izíruillafue caimo comuíoicaide. Iemona íraíruimo facátalliruido ñue íena ínofiredinona íiticaí. Mei Jesucristo bie éniemo ñue cáimamiena illa izói afe izói iticai. ¹⁸ Izíruinafuemo jacíruillafue íñede. Mei jira ñue jaícina izíruillafue jácifuena jino orede. Mei jácifuemo duere finótajano ite. Ie jira jacínaitimie ñue jaícina izíruioicaiñede.

¹⁹ Cai Juzíñamuina izíruiticai, nano fueñe caina ie izíruilla jira. ²⁰ Dámie daíadi “Juzíñamuina izíruiticue” mei íadi afe llezica ie daano cómena éoia, afémie táinofueredimie. Uafue dámie ie ciona daano cómena izíruíñede, afe llezica cióñena Juzíñamuina izíruinide. ²¹ Juzíñamui caimo iga daa ocuícáfue. Afe bie ocuícáfue daide: “Juzíñamuina izíruitimie daje izói ie aino cómena izíruiri,” daide.

5

Cai dinena bíniemo ite fiénidifuiaina anáfenoiticaí

¹ Nágamie Jesús Crístona ínotimie Juzíñamui jitó. Dámie come moona izíruitimie afe izói afe moo jitótiaina izíruite. ² Moo Juzíñamuina cai izíruia, afe llezica ie ocuícáfuea cai finóadi, Juzíñamui jitótiaina cai izíruillana ja ónoiticaí. ³ ¿Mínica Juzíñamuina izíruillafuena? Mei ie ocuícáfuiaina jeire cai ua. Ie ocuícáfuiái llégienide; ⁴ mei naga Juzíñamui jitó éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí. ⁵ Dama Jesús Juzíñamui Jitona ínotimie éniemo ite fiénidifuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizábitimie. Ie báutizaillaruiimo Juzíñamui Jitona comini fidítagaiaíoi. Afe izói ie tíizaillaruiimo, dama ie abi zóofiano, ie die tóillamona áfedo comini onótagaiaíoi. Fia jáinoiñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraíma. Ñuera Joreño llogafue uafue. ⁷ Afe Jesús Juzíñamui Jitónafuemo damieámani uai nabáiraíma monamo ite: Moo Juzíñamui, Juzíñamuimona Uaillái Lluáíbitimie, Ñuera Joreño diga. Bie daámani come daínáuai dáamiemo jainaide. ⁸ Eniemo daje izói daámani uai

nabáiraima ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiede.

⁹ Comini uai nabáillafue llínofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai íinolle iere jitáirede. ¹⁰ Juzíñamui Jitona ínotimie bie uai nabáillafue dama ie comécido úicade. Juzíñamuimo ínoñedimie Juzíñamui táinofueredena cíotate, Juzíñamui ie Jitori uai nabáillafue dáinana ie ínoñena jira. ¹¹ Afe daináfuedo Juzíñamui daide: zíiñona cáanano afémie caimo iga. Afe cáanano ie Jitodo bite. ¹² Juzíñamui Jitona comécido llínotimiemo afe zíiñona cáanano ite. Mei íadi Juzíñamui Jitó comécido llínoñedimiemo afe cáanano íñede.

Juan úraicaiño llúáfuiái fuizáillafue diga úrite

¹³ Ja Juzíñamui Jitona ínotiomoi. Jira bifue ómoimo cueticue zíiñona cáanano ómoimo íllana omoi onóillena.

¹⁴ Juzíñamui uáfueña caimo cacáfirenana ínofiredicai. Daa minícana cai jicáadi ie comeci jítaina izói, afémie cai daína cacana onódicai. ¹⁵ Mei jira afémiemo cai úrillana Juzíñamui cacáfirenana onódicai. Afena onónamona cai jicácana afémie caimo fécana daje izói onódicai.

¹⁶ Cómena títañeite fiénidifue ite. Dámie ie aino come afe fiénidifue finuana cíoadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidifue ite. Afemo Juzíñamuimo omoi jicari daiíñedicue. ¹⁷ Nana fiénidifuiái íaifue; come comécina titade. Mei íadi jíaie íaifue ite; afefue cómena títañeite.

¹⁸ Juzíñamuina Móoredimie íaifuedo macáñedeza onódicai; mei Juzíñamui Jitó íena úiñoteza. Ie jira Taiíe íena ocuínide.

¹⁹ Juzíñamui íedicaiza onódicai. Afe izói nana bínie comini Taiíe ocuícáfue anamo itíaióiza onódicai.

²⁰ Juzíñamui Jitó jaiái bíllana onódicai. Afémiedo ua nahí Juzíñamuina onótagacai. Afe Uámiemo jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíiñona caina cáataite.

²¹ Jitótiai, mai jánaraimo caimátaiñeno omoi iri; daje izói nana jíaie jífujete jóriaimona abi omoi rairuíri. Jae nñie.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹ Ja éicomedicue; ocuíraimadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífiredino.) Naa o diga afémacina uáfueña izíruiticue, mei dama cúeñedeza. Nana uáfueña onódino daje izói afémacina naa ori izíruitiaioi. ² Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi iite. ³ Moo Juzíñamui ie Jitó cai Ocuíraima Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuiaina cai onótate.

⁴ O jitótiaimona dáarie uafue daina izói mácana fidídicue. Afefue cuena íóbitade, mei Moo Juzíñamui daí cai ocuídeza. ⁵ Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícafueñede. Mei íadi afefue nanómona caimo ite. ⁶ Bie izíruillafue daíacade Juzíñamui ocuilla izói cai finóllena. Ja nanómona omoi cacana izói afe ocuícafue daide: “Izíruillafuedo omoi macari.”

Jífuerriraini ifue

⁷ Mei jii, aillo jífuerridino bie éniedo macádiaioi. Afémaci Jesucristo ua come izói bíllana uáitatiaioi. Daítadimie jífuerriraima. Afémie Crístona uáitaoide. ⁸ Afémiemona abí omoi rairuíoiri o táijinamona oga comeci ñúefue táinocaiñeillena. Iemo jíai afémiemona abí omoi rairuiri nana o táijina iba ñue Crístomona jaícina óllena.

⁹ Níimie Cristo llogáfuemo coméciñeno nibéfodo jáidimie, afémie comécimo Juzíñamui ñede. Mei íadi Cristo llogáuaimo coméciidimie comécimo Moo Juzíñamui ite, ie Jitó diga. ¹⁰ Dámie ómoína llófuiabiadi, íemo bie Cristo llogáfueña atíñeniadi, íena uáidoñeno, jofo eromo llínoñeno omoi iri. ¹¹ Iena uáidotimie, afémie lloga íaifue dáafueña llínoiteza.

Fuizájidui

¹² Omoína aillo daíacadicue, mei íadi rabedo cúeiacañedicue. Omoi dani conima uíécomo cue úrizaillena úíñoiticue. Afe daí cai cáimafue jaícina íficaite. ¹³ Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamaci. Afémaci omoi uai orédiaioi. Jae níie.

IIRAIIBE SAN JUAN CUEGABE

Tercera Carta de San Juan

Gáyodo ñuefuenta úritimaci

¹ Ja éicomedicue, ocuíraimadicue. Cue izíruiga nabaimo bibe cueticue. Bímie mámecei Gayo. Afémiena uáfuenta izíruticue.

² Cue izíruiga ama, ori Juzíñamuimo jicáfiredicue áfedo nana o finócafuiái ñue móonaillena. O abi caimare náreillena jicádicue, o joreño ñue ñifuenina izói. ³ O ñúfuedo macáfírenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúfuedo macáfíredio.

⁴ Ua ie baimo cue ióbillena iñede. Afe cue cacana cue jitótiai uáfue mo comécidiaioi; áferi jamánomo ióbidicue.

⁵ Izíruiga ama, o illánomo ite ámatiaina o canóllena figura. Ie mei oni jáinomona bite ámatiaina o canóllena jamánomo ñuera. ⁶ Juzíñamui mámeceido gairídímaci uícomo íaioina o izíruillafue jino llotíaiioi. Izire daidicue: Mai íaioi cano; íaioi jáilliruimo jitaica raana íaioimo ine; áfedo caimare íaioi jáilleza. Ua Juzíñamuimo ióbilla izói íaioi cano. ⁷ Mei jira afémaci Jesucristo táijinafuedo jáizaidiaioi. Afe cánuana Juzíñamuina ónoñegamacimona llíinoñediaioi. ⁸ Ie jira íaioi jitaica raana cai finóredicai, afémacina cai canóredicai. Afedo íaioi uáfuenta llúana canódicai.

Diótfes fiénino mácafue

⁹ Juzíñamui mámeceido gairífioredinomo cuegafue llua be naui orédicue, mei íadi Diótfes cai ocuilla ríinona óiacañede, íaioi cígimo úcofiacadímie illa jira. ¹⁰ Ie jira cue jáiadi ie fieni mácafue jino uáfodo onótaiticue, nana ie fieni úrioinafue, ie táinofuerena caina uáitainafue diga. Ie mei afe baimo bitino ámatiaina afémie llíinoñede. Afe llezica afe bitino llíinoacadimacina rairuillano, afémie gairídímacimona íaioina jino jiude. ¹¹ Izíruiga ámatiai, fieni onótarafuiaido jáiñeno iri. Ñúfue finori. Ñúfuenta finódimie Juzíñamui ímie, mei íadi íaifuiái finódimie Juzíñamuina jaca onóñede.

Demetrio ñuera onótafue

¹² Nana comini Demétriori ñue úritiaioi, mei afémie ñue mácafue uáfori cióideza. Dani cai nane aféfuemo ñue uai nabáiraimacídicaí. Iemona uáfuenta cai daiífírenana onódiomoi.

Uai Fuizájillauai

¹³ Ona aillo daiñacadicue, mei íadi rabedo cúeiacañedicue.

¹⁴ Ona raire cíollena úiñoticue. Aféruido conima uiécomo eróicana úriticoco.

¹⁵ Começì camare uái illáfuemo o iri. Benomo ite nabáiñiai omo uai orédiaioi. Izire daidicue nágamierie coco nabáiñiaimo conima uiécomo o uáidori. Jae nñe.

SAN JUDAS CUEGABE

La Carta del Apóstol San Judas Judas

Juzíñamui uáidoganomo cuete

¹ Jesucristo táijitagamie Júdadícue. Santiago ámadícue. Bibe Juzíñamui mamécanomo cuetícue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucristomo omoi jaináinamona ñue eneno rairuícanodiomoi.

² Mei Juzíñamui jamánomo aillo caimo ie dúecaillafue, íemo jíái ñue uái omoi illifue, íemo jíái ñue izíruillafue, dígafue ómoimo llóiteza.

Táinofuiaina llófueñiredino

(2 Pe 2.1-7)

³ Izíruiga ámatiai, cai comeci jíllloillifuedo izire ómoimo cúeiacadícue; mei afe jíllloillena Juzíñamuimo cue ínua izói, afe izói iere ínotiomoiza. Mei íadi ómoína jíáifuedo rabedo llóredícue. Táinofuiái lluíbitino omoi jeire ogáfueña féitaiacadiaíoiza; ie jira izire ómoína daidícue: Riire abí omoi mameri. Íaiói díga fuirilla izói omoi iri, omoi ínogafue íaiói féitañeilleza. Afefue nauí nana Juzíñamuimo jaináidinomo dácaíño iga. ⁴ Mei omoi cígimo ninena dámierie táinofue lluíbitiaíoí. Afémacina Juzíñamui Cuegáuailai jaiai uícodo íaiói olle duere finóllifueña llote. Afémaci íáibaníai. Afe ííñiai daide: “Juzíñamui ñuefuena jeire óiticaí;” mei íadi afe dáinado rairuíñeno fiénidífuena iere nícidotiaíoí. Afémaci daade cai Naama Juzíñamuina ruifruítiaíoí. Daje izói cai Ocuíraíma Jesucristo llogáuaina uáitatiaíoí.

⁵ Mei ja onódiomoi íadi, como cue daííacanafuemo ómoína uibíoitaacadícue. Juzíñamui Israel comínina Egipto éniemona oni orede. Oni uano daíí nana íaíoína ñue jíllotate. Mei íadi, íaiói cígimona dáarie ínoñena jírrari, Juzíñamui afe ínoñedinona jíáíruido niné táinocaitate.

⁶ Afe izói Juzíñamui abí imácimona dáarie Juzíñamui anamo ñue íaiói illáfueña fáicanocaiacadiaíoí. Afe mei dani íaiói illánona fáicanocaillano oni jíáínomo jáidiaíoí. Ie jira Juzíñamui íaíoína íco izire íraicaiño iere jícánolliruimo íaíoína maitá jae íbaica. Afémaci jae jítinomo iere zábiñede llójejina maigáiaíoí.

⁷ Daje izói Juzíñamui Sodoma jofue íemo Gomorra jofue díga bóotate, naa afe áinori ite jófueniaíri. Mei afécuaí comíni Juzíñamui abí imácimona fiénina jira dáarie llavécamací izóidiaíoí. Afe bimaci jamánomo dani jofu conímari

ébecotaifirediaioi. Naga Juziñamui comínimo mameca ñue illáfueña jiruíreillena uáitafirediaioi. Daií íaioi íllamona ziiño iraimo duere finócaiaioi. Afe bifue, afémaci izói cai íñeillena, caimo cíotaga.

⁸ Afe emódomo bie taino lluaíbitino íaioi táinomo comécillafuiaido dani íaioi abina bácadiaioi. Daje llezica cai Ocuíraima ríinona uáitatiaioi. Caifo monamo ite jóriaí izoide ríinoredinona íaire dáifirediaioi. ⁹ Mei íadi Juziñamui abi imácimona illaíma Miguel, Taife diga fuirízailla llezica ñúefodo úrite. Tiide Moisés abina júfidotiaillinoi. “¿Buna náamareite?” daidíallinoi. Aféruimo Miguel íairede uaido íena faidóñede, mei íadi fia íena daide: “Ocuíraima Juziñamui ona izire llétaiteza,” daide. ¹⁰ Mei bie táinodo llotínuaí íaioi ónoñega ráfuedo fieni úritiaioi. Mei íadi comécina onóñede rílleníai izói itíaioi. Fia íaioi abi jítaina ráfueño comécioidiaioi. Daií comécillano áfeodo jáillamona dani íaioi niné táinocaitalliaioi.

¹¹ ¡Ñií íaioina dúerena! Caín dibéfuedo jáidiaioi. Aillo úcube óiacanamona Balaam izói oni íaifueño baízaidiaioi. Daje izói jaiaí ite Coreña mámeciredimie, Moisés dotáacanamona niné táinocaite naa íemo jaináidinori. Afe izói birui omoi cígiri ite fiénidifuaí llotino llícaitiaioi. ¹² Omoi finoca conímana izíruilla ráfuaí cígiri meáire finódinona itíaioi. Juziñamuina jacíruiñeno omoi cígiri caimare güillano jifáizaibitiaioi. Jiáimacina ñue úiñoñeno dani íaioi abi úiñotiaioi. Jairifo oni niné ñaitaca mona úillie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izói bie comini itíaioi. Afe amena are llizíñena dúilla llezica aiñoda dotácaza. (Daje izói bimaci ráifíñenamona táinocaitiaioi.) ¹³ Monáillai jacire bagua izói itíaioi. Iaiomimo ite meáire fiénidifuaí bagua mulle izói, comini eróicana jino cíotafirediaioi. Daje izói úcuai íaioi íómona oni jíaiomimo féiraila izói itíaioi. Jamánomo jítirede jítinomo ziiñona íllena riire mamécaiaioi, dinomo duere zefuíllena.

¹⁴ Ua bimáciri jaiáidigíma Enoc úrite. Adán jító dinómona ie jító, dinómona nane ie jító, siete dígafue daií illa emódomo, bie Enoc mámeciredimie jocoina. Afémie bie taino llófuetinodo uícodo úrite. Juziñamui Joreñodo úrillano daide: “Cai Ocuíraima jamánomo aillo ie abi náirairi bíllana cíódicue. ¹⁵ Afémie nana fiénide comínimo ite fiénidifuaí iere riire jicánuaibite. Daje izói nana íaioi íaire illáfuaí iere jicánuaño duere íaioina finótaite. Fiénidino riire daináuaido cai Ocuíraimana uáitaoidiaioi; bífueña daje izói duere zefuítalliaioi.” Daií Enoc bie fiénidimacido úrite. ¹⁶ Afémaci iere fieni cáillirediaioi; ñue caimátaiñediaioi. Dani íaioi comeci fieni jítainafuaí jino denólledo úritiaioi. Urillano aféfuiaína uáfueña finódiaioi. Dani

abi íaioi íinua uáillaído ficire úritiaioi, “Aillo jácimacidicai,” daííllena. Daje izói caimare comínimo úritiaioi, íaioina bífuellena.

Crístomo íinotino ñue lleta uailai

¹⁷ Cue izíruiga ámatiai, cai Ocuíraima Jesucristo orécamaci ómoína daináfuemo omoi coméciiri. ¹⁸ Afémaci ómoína daide: “Íco íirairuillaído ñúefuaina zánoitinona íteza. Íaioi comeci íaire óiacanafuiaído íitiaioiza.” ¹⁹ Bimaci dáanomo ñue ítinomona oni eneno bózietaidiaioi. Dani íaioi abi óiacanafue jeire otíaioi. Mei afémaci Juzíñamui Joreño úicaiñegaiaioiza.

²⁰ Mei íadi izíruiga ámatiai, omoi jeire Juzíñamuimona ogáfuemo riire omoi jáináicairi. Daje izói Ñuera Joreño ríinodo Juzíñamuimo omoi úrifireiri. ²¹ Juzíñamui omoi izíruillafue dibéfuemo omoi iri. Cai Ocuíraima Jesucristo caimo dúecaillano zííñona cai illíruimo omoi úíñoiri.

²² Nai jabóicana jizire íinotinona jáicina llóiri, ñúefuena jeire íaioi ólleza. ²³ Iráimona bairoca izói íaioina jíllotari. Jáímacimo omoi dúecairi; mei íadi íaioimo ite íaifuemo jíricaiñeno omoi iri. Afe fiénidífue íairede iniroi izoide. Íaioi abimo jíideza; áfemona iere abí omoi rairuiri.

Juzíñamuimo íiracaiño cai caimátaillafue

²⁴⁻²⁵ Cai daade Juzíñamui jamánomo nágafuiai baitádimie. Afémie Jesucristodo cai Jíllotaraíma. Iemona cai fiénidífuemo báííñelle rairuilla ríino íemo ite. Daje izói afémie caina íaifuenino caimare dama ie ebírede uíécomo caina izájirede. Afe Juzíñamuimo ebire ñúefuiai íteza. Jamánomo ñuera ébífue íemo íteza. Daje izói nana ñuera ríino íemo íteza. Daje izói nana rjire ocuállafuiai íemo íteza. Nana bífuaina cai Ocuíraima Jesucristodo nauí, íemo biruí, íemo jíái uire daí jaca ninomo, Juzíñamuimo dúicaíteza. Mai. Jae ñie.

HIRAIRUILLARDO ITIFUIAI JINO CIOTAINA Juziñamui San Juamo Jino Ciotagafue EL APOCALIPSIS O Revelación a San Juan

Jesucristo jino onóitagafue

¹ Bifue uire ítifuiaí jino ciotainafue. Juziñamui bífuiaína Jesucristomo ciotate, afémie ie ocuífireganomo ácatallena. Daií Cristo uáfueña raire ífcaitífueña jino íaíoimo ácatate. Jesucristo ie ángel daina abi ímiedo bie jino ciotagana ie ocuífiregamie Juaamo onótate. ² Afe Juan nana ie ciónana uáfueña jino llote. Daje izói afémie Juziñamui lloga uaina nabáifirede. Afe Juziñamui lloga uai Jesucristodo ñue jaícina llócaiga. ³ Bie Juziñamuimona oga uaina jiáímacimo facáduana cacádino caimare itíaiói. Daje izói bie rabénicomo cuega uaina cacáillano ñue náfuetino caimare íóbitiaíói. Mei bie rabénicomo llogáfuaí zúitirui ja ánozideza.

Siete dígade iglésiai daina Juziñamuimo gáirifiredinomo Juan cuete

⁴ Asia éniemo ite siete dígade iglésiai daina Juziñamuimo gáirifiredinomo cueticue. Cue Juáadicue. Mai Juziñamui ñúefuiaí dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiaí itímieza, íemo uire jaca ninomo ítímieza. Daje izói ie ráirano uícomo siete dígade ñuera jóriaí ite. Afe jóriaí Juziñamui Ñuera Joreño jana. Afémie ñúefue dibénemo omoi iri. ⁵ Iemo daje izói Jesucristo lloga ñúefuiaí jeire omoi oíri. Afémie jiáífo méidofínide uai nabáiraima. Daje izói afémie nano tíllanomona abido meine tíñellena cáatagamie. Iemo jiáí afémiemo bínie illáicomini ocuilla ríino ite. Afe Cristo caina izíruillano ie totaca díedo cai fiénidifuiaina oni dote. ⁶ Iemo nane illáicomínina caina itátate ie Moo Juziñamuimo cai jaináillena. Daje izói comínido Juziñamuimo úrifiredinona caina jóonete. Afe Juziñamui íena jóonegacai. Ie jira jaca ninomo áillue ébifue naa ocuilla ríino díga afémie íena íteza. Aquíe izóideza.

⁷ ¡Ero, Cristo mona uílliedo bite! Nana comini íena cíoitiaíói. Daje izói ie fatino íena cíoitiaíói. Iemo nana bínie nairaí afémie bíllana cíoillano éenaitiaíói. Jií, uafue daítadeza.

⁸ Cai jamánomo riire Ocuídime bie izói daide: “Nana ráfuiái nai cómuñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizailla izói íiraimiedicue,” daide. Afémie birui itímie, íemo jaca nanómona itímie, íemo uire jaca ninomo íitimieza.

Ebírede Cristo nicáirilla izói ciona

⁹ Omoí ama Juáadicue. Omoí duere zefuilla izói daane duere zefuídicue. Daa omoí izói Juzíñamui illáimana illánomo jaináidicue. Iemo Jesucristo omoí úiñotaja izói daa omoí diga úiñotagacue. Jesucristodo fairíotaga Juzíñamui ñuera uai jino cue llócailla jira llavécacue. Pátmosmo mámeçirede monaillai cigí ídumo llavécamiedicue. ¹⁰ Iemo afénomo cai Ocuíraima cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méífomo cacádicue. ¹¹ Afe uai cuena daide:

—Naga ráfuiái uícodo itímiedicue. Daje izói fuizájillanomo itímiedicue. Abecedario A-do taineca, íemo Z-mo fuilla izóidimiedicue. Mai nana o ciona diga daa rabénicomo cúeiri. Cuiano, Asia éniemo ite siete dígade iglésiai daina Juzíñamuimo gairífredinomo o oreri. Afe jófueniai mámeçiai: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daiíllena abido gírecaidicue. Gírecaillano, siete dígade oro finoina mechérana ciódicue. ¹³ Afe cígimo cómemona comuídimierna eróidena ciódicue. Afémie jitáoigaroi éiba ícoimo dúcide. Ie jogóbemo lláiidife oro finoina. ¹⁴ Afémie ífótirai iere úzerede, jaiíllici úzerena izói úzerede. Iemo jíai nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete diga ucudu lláide. Ie fuémoma iere jáirede llojéfaí izoide raa jino billa; afefai nágafene jáirede. Ie uíeco jitoma iere riire egáiñua izói riire egáiñote.

¹⁷ Afémiena cíoillano, ie anamo tíidime izói baiídicue. Mei íadi afémie ie nabezi cuemo bíitano cuena daide:

—Jacíruiñeno o iri. Cue bie nanóidimiedicue; dáamiedicue fuizájillanomo íitimiedicue. ¹⁸ Birui cáadimiedicue. Mei nauí tíidicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona diga mai cúeiri; birui itífuiái cúeiri, íemo uire cómutifuiái cúeiri. ²⁰ Cue nabézimo o ciona siete

dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígazie Juziñamuimo gairídino uai llócaítico jana. Iemo afe siete dígade mechera siete dígazie Juziñamuimo gairífiredino jana, —daíí afémie cuena daide.

2

Siete dígade iglésiai daina Juziñamuimo gairífiredinomo lollúuai: Efésomo ite ñnotinomo llogáuai

¹ Cue ciónamie dáanomo cuena daide:

Efésomo ite Juziñamuimo gairídino úiñoraimamo bíuai cúeiri: “Afe nabézido siete dígade ucúduai llíidimie daje izói siete dígade oro finoina mechera cígido macáfiredo. (Afémie mechera cígido mácafiredo izói, comini ñue úiñolle jana.) Afémie afe úiñoraimana bie izói daide: ² Nana o finócafuiaina onódicue. O riñredemo táijidíioza onódicue, naa o comeci járitaiñedeza. Daje izói fiénidino fiéni illáfuiaina iere izire o rairuillana onódicue. Iemo jáíi táinona “Jesucristo orécanodicai” daidínona facátatioza onódicue. Afemona afémaci taino llúana baitíoza. ³ Jaca o comeci járidoñedio, íemo iere cuedo o táijina llezica cue ícoinia iere duere zefuídíoza. Afe llezica zefuíruiñeno ñue táijidío. ⁴ Mei íadi daa figóñedífuena omo ite. Nano fueñe cue o izíruilla izói birui cuena izíruíñedio. ⁵ Ie jira ninómona oni nibéfodo baídíoza comeci uibi. Mai omo itífue méidori. Fueñe o illa izói o iri. Bífuena o méidoñenia omo raire bíitíicue, omo ite egáíñote raa oni óllena. ⁶ Mei jáííofodo, daa ñúefuena nai omo ite. Afe nicolaítas fiéni finócafuiaimo naa íaiói fiéni jáííofodo llógamo éoicana eróidío. Cue daje izói áfena éoidicue. ⁷ Ñuera Joreño Juziñamuimo jaináidinona dáinamo cacáacadimie áfemo cacai. Afe Ñuera Joreño bie izói daííacade: “Fiénidena anáfenodinona jáidímacina Juziñamui nífueninanomo ite cáatate amena llizíllana güitátaiticue,” daide.

Esmírnamo ite ñnotinomo llogáuai

⁸ Daje izói Esmírnamo ite Juziñamuimo gairídino úiñoraimamo bíuai cúeiri: “Nanóidimie dáamie líraimiena ómoimo úrite. Nauí bíniemo tíidimie, íemo meine abído nane cáadimiena jaide. Afémie ona daide: ⁹ Nana o finócana onódicue. Daje izói o duere zefuíllana onódicue, naa o ráanina díga. Mei íadi uáfueza Cristo dibénedo iere ráaredío. Jáíimaci fiéni omo úrillana onódicue. Afémaci, “Juziñamui nízeza Judíodicai” daidíaiói, mei íadi íeñediaíoi. Afémaci daní Taife dibénemo jaináidino. ¹⁰ Duere o zefuíllemo jacínaiñeno o

iri. Mei ómoimona dámierie Taife llavéracomo llavétaiteza, nana omoi facátallena. Daií omoi comeci ifue onóillena facátalliomoi. Diez dígarui duere zefuírediomoi. Mei íadi o tíllinomo zóofeñeno ínofireiri. Daií o íadi zíñona cáallena o jirídotaiticue. ¹¹ Ñuera Joreño Juzíñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daiíacade: “Fiénidena anáfenodinona jáidimaci nane méifodo tíllamo raamo jiriñeitiaíoi,” daide.

Pérgamomo ite ínotinomo llogáuai

¹² Daje izói Pérgamomo ite Juzíñamuimo jaináidino úiñoraimamo bíuai cúeiri: “Afe nágafene jáirede lloefai llíidimie bie izói ona daide: ¹³ Nana o finócana onódicue. Afe izói Taife ocuícano cígimo itioza onódicue. Afénomo itio íadi zóofeñeno cuemo ñue o ínuana onódicue. Daje izói cuemo o ínuana fáicanocaiñedio. Afe izói Antipas mámeciredimie cue ñue jaícina cue uai nabáifiredimie. Afémie omoi cígiri fatíaiói. Ie fáinaruido, cuemo omoi ínuana zóofeñediomoi, Taife illánomo itíomoi íadi. ¹⁴ Mei íadi cue lletárafuiaina ómoimo ite. Omoimona dáarie jadí Pérgamomo Balaam llófuiana fáicanocaiacañediaíoi. Afe Balaam jaiái Balacna llófuate Israel comini fiéni fínuaillena. Afe Balac Balaam llófuimona Israel comínina jánaraimo fecaca rílleniaina ritátate. Afe dáaruido afémacina iere jiruítate. ¹⁵ Nane jáie cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue. ¹⁶ Ie jira mai omoi comeci ifue méidori; mei íadi omoi méidoñenia, raire omoi díga fuirízaibiticue. Uáfueza cue fuémoma bite jáirede lloéfaido omoi fiéni finódinona fáziaibiticue. ¹⁷ Ñuera Joreño Juzíñamuimo jaináidinona dáinamo cacáacadimie, áfemo cacai. Afe Ñuera Joreño bie izói daiíacade, “Fiénidena anáfenodimiena jáitimie afe báinino ite maná daina monámona cocide güillena güitátaiticue. (Bie maná Juzíñamui íaiói comécina náiretaillena jana.) Iemo afémiemo úzerede nofitofena fécaiticue. Afe nofitofemo buna ónoñega comue mámecielle. Dama afe nofitofe llíinoitimie áfena onoille.” Aquíe izói daide.

Tiatíramo ite ínotinomo llogáuai

¹⁸ Daje izói Tiatíramo ite Juzíñamuimo jaináidino úiñoraimamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide. ¹⁹ Nana omoi finócana onódicue. Cueno omoi izíruillana onódicue, naa cuemo omoi

ñua diga. Daje izói cue dibénedo ñue omoi táijicaillana onódicue, naa omoi comeci járitaiñena diga. Fueñe omoi táinia baimo birui jamánomo finóicaidiomoi. ²⁰ Mei íadi ómoimo daa cue lletárafuena nai ite. Afe Jezabel mámeceiredingo llógana rairuñediomoi. Afengo, “Juzíñamui dibénedo úriticue,” daiífiredede, mei íadi fiene ie llócaigafuedo cue ocuífirganona jífuete. Afe jífuia uaido íaioina iere jiruítetade. Daje izói jánaraimo fecaca rílleniaina íaioina ritátate áfemo caimátaillena. ²¹ Aféngomo are úñoidicue afengo comeci ifue méidollena. Mei íadi afengo áfena méidoacañede. Afengo ie jiruífuenta fáicanocaiacañede. ²² Mei jira birui afémaci afengo finócafuena fáicanocaiñenia, aféngona iere izire iráretaiticue. Daje lezica nana afengo diga jiruiredinona duere zefuítaiticue. ²³ Afengo úruiaina titaiticue. (Afe úruiai daina afengo llógamo jírúitino.) Afemona naga come ifoci úrillana, ie comeci ifue diga ñue ícoimo cue onónana, nana Juzíñamuimo gairídino fídítiaioi. Iemo ómoimona illa dígamie fiene omoi fínuaze ómoina duere fínoiticue. ²⁴ Mei íadi ómoimona Tiatíramo ite jáímaci afe Jezabel omoi llófuia fiénide uaina náfueñediomoi. Afe Jezabélmo jaináidino íaioi llófueinana daidíaioi, “Cai llófueina uai Taife ie, iere báinide nai uáfodo ónonidifuiái,” daidíaioi. Afe llófueinana onótañegaomoi. Iemo ómoimo ite nauí cue lloga baimo jáiena ómoina ócuíñeiticue. ²⁵ Daa bie llóiticue: Omoimo ite ñúefuiai ñue rairuiri, nai cue bíñeille dino. ²⁶ Fiénidena anáfenodinona jáitina nairaiai ócuitimacina jóoneiticue. Afémaci cue jítainana ñue ícoimo fuitáidino. Ocuille ríino íaioimo jóoneiticue, ²⁷ mei daí cue Moo cue ocuille ríinona cuemo jóoneteza. Iemona náiraiaina rírede lloébicí izóidedo ríire ócuitiaioi. Íaioimo cacáreacañedinona ícírui lláia jéenino llairúngotaila izói, afe izói íaioina duere fínoitiaioi. ²⁸ Daje izói monáiracudu iere ebire egáiñua izói, afémacina ebire fínoiticue. ²⁹ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

3

Sárdismo ite ñnotinomo llogáuai

¹ Daje izói Sárdismo ite Juzíñamuimo jaináidino úñoraimamo búuai cúeiri: “Afe siete dígade Juzíñamui joríairedimie, ñi afe Juzíñamui Ñuera Joreñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio. ² Come cazilla izói mai abina onoiri. Nai omo due jiza fiévide ñnogafuiaina meine

riire finori, mei aféfuiai jae táinocaiacadeza. Eróidicuemmo o finócafuiai cue Juzíñamui eróicana ñue jaícina jóiñedeza. ³ O fueñe ñnoga íaioi llófuiamo uibóicairi. Afena jeire o oíri. Afe llezica o comécimo itifue ñúefuena méidori. O abina ñue onóñenia, meririfiredimie ónonino billa izói, duere omo finuaibiiticeza. Cue billíruina ónoñeitio. ⁴ Mei íadi ómoimona jadí Sárdismo dáarie comécina ñúemacina ite. Afémaci iníroina íaiñedino izoide. Afémaci úzecuiruai jitada cue diga jáitiaioi, mei afe daí íaiommo dúideza. ⁵ Fiénidena anáfenodinona jáidino úzecuirona jítaitiaioi. Iemo zíñona cáaitino mámeçi cuiánicomona íaioi mámeçiana dóñeiticue. Iemo daje izói cue Moo Juzíñamui uícomo “Bie cúemaci” dáititice; daje izói ie abi imaci ángeles daínamaci uícomo “Bie cúemaci” dáititice. ⁶ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Filadélfiammo ite ñnotinomo llogáuai

⁷ Daje izói Filadélfiammo ite Juzíñamuimo jaináidino úiñorammo bíuai cúeiri: “Afe ñífuenidimie omo úrite. Afémie uáfuena úrifiredimie. Afémiemo jaiái illaíma David naze tuiñora llave ite. Afémie Juzíñamui illáimana illano tuiñóadi buna íbáinide. Daje izói afémie íbáia, buna zuitánide. ⁸ Bímie bie izói ona daide: Nana o finócana onódicue. Buna íbáinide túide naze o uíecori jóneticue. Mei figo mairíñedio, íadi cue uaina náfuetio; cuena jaca jáanofinidio. ⁹ Iemona Taífemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daífirediaioi: “Cai bie Juzíñamui ñizeca judíuaidicai” daidíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi. ¹⁰ Cue ocuica uai jeire o úamona aféuai daina izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruído nana bíniemo ite comiñí facátalliaioi. ¹¹ Raire biticue. Omo ite ñúefuiai ñue rairuiri, o jirírolle raa bu báiroñeilleza. ¹² Fiénidena anáfenodinona jáitinona cúeiena máíñoititice. Máíñuano cue Juzíñamui gairíracomo ite mairide jáállirai izói íaioiña óreiticue. Iemona Juzíñamui illánomona jaca jino jáiñeitiaioi. Íaiommo cue Juzíñamui mámeçi cúeiticue. Daje izói cue Juzíñamui jofue mámeçi íaiommo cúeiticue. Afe jofue mámeçi “Comue Jerusalén.” Afe jofue cue Juzíñamuimona caifo monámona ana bite. Daje izói afe fiénidena anáfenodinomo cue comue mámeçi cúeiticue. ¹³ Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

Laodicéammo ite ñnotinomo llogáuai

14 Daje izói Laodicéamo ite Juziñamuimo jaináidino úiñoraimamo bíuai cúeiri: “Uáfueña llotímie omo úrite. Afémie jaícina uai nabáifredimie; daje izói jaca méidoñeno uáfueña úrifredimie. Afémie nana Juziñamui finócana tainérama. 15 Afémie bie izói ona daide: Nana o finócafuiaína onódicue. Ráairuillano figo o ínoñenana onódicue. O ínoga ñue uzírediji izóiñede. Daje izói o ínoga caimare mánaidiji izóiñede. Ñue o uzírenana jitáidicue, ñibai jiáifodo o mánainana jitáidicue. 16 Mei íadi jabo uzírediji izóidío. Iemona jabo uzírediji jino tua izói ona jino dótaiticue. 17 Bie izói daiífiredío: “Ráaredimiedicue,” daidío. Iemo “Nana cue illafue ñue jóide. Cue jitaica raana íñede,” daiífiredío. Mei íadi jiáifodo o íllana onóñedio. Juziñamui eróicana bu cáimadoñegamiedío. Iemo daje izói iere duere zefuíttagao, íemo iere dúeredimiedío, íemo uina cíoiñedimie izóidío. Iemo jiái inícuironino emuíromade izóidío. Afe bie izói o íllana jaca onóñedio. 18 Mei jira omo llóiticue, “Iraimo ñue finoca órona cúemona íba, uáfueña ráaredimiena o jáillena. Daje izói cúemona úzerede inícuirona íba, o meáire emuíromana íbáillena. Daje izói ui manórajina cúemona íba, o uimo jóoniamona ñue o cíoillena. 19 Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ínofireiri. O comeci ífuiai méidori, ona duere cue fínoiza. 20 Ero cacai, come comeci naze ízoinamo iticue. Dinómona jíríticue. Cue uaimo cacáreitímie ie naze tuiñóadi cue llínollena, afémie illánomo jofo jáíticue. Jaillano dájena afémie diga nabáiriticue. Daje izói conima diga caimare úriticoco. 21 Fiénidena anáfenodinona jáitinona, illáimana cue ráíiranomo afémiena cue diga ráíitaiticue. Mei daií fiénidena cue anáfenuamona cue Moo illáimana ráíiranomo ráinazaidicueza. 22 Ñuera Joreño Juziñamuimo jaináidinona dáinamo cacácadimie, mai áfemo cacai.” Aquíe izói daide.

4

Monamo Crístomo lloga cáimafuiai

1 Bie méifomo éroidicueño, monamo ite naze túinana cíódicue. Fueñe cue cacana uaina meine nane cacádicue. Afe uai vudugoi ficirena izói cacaide. Afe uai cuena daide:

—Caifo benomo bí. Bífuiai méifomo raire cómutifuiaina omo ácataiticue,—daide.

2 Afe llezica Ñuera Joreño anamo itábicaidicue. Iemona monamo ite illáima ráíiranona cíódicue. Afénomo dáamie ráíinana cíódicue. 3 Afémie iere quereña ‘jaspe’ daina ráífide nofiji izói éroide. Aféjina jiáifo daina ‘cornalina.’ Afe ráíirano abido róziguéo nágafene ífoina ite. Afe róziguéo ‘esmeralda’ daina

ráifide nofiji quenírena izói quenírede. ⁴ Iemo afe ráiirano abido veinticuatro diga jiáie illaíma ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaíoi. Afémaci úzerede iníroillai jítádiaíoi. Iaíoi ífomo oro finoína illaíma jítáfiregacuífoi jíiena. ⁵ Afe áillue ráiiranomona aillo boride. Afe llezica afénomona iere ficire mona gíría cácacaide. Iemo afe ráiirano uícomo siete dígade áillue bobáieniaí bóoide. Afe siete diga bóoide bobáieniaí Juzíñamui Ñuera Joreño jana. ⁶ Dáanomo afe ráiirano uícomo, daa monáíllaina eroide illa. Afe monáíllai anáfenemo ñue cíoide vidrio izoide.

Afe ráiirano abido cuatro diga cáadimiiaí ífoina itíaíoi. Afémaci erófene dibénemo aillo uíjiaí ite. Daje izói emodo dibénemo ite. ⁷ Bimácimona daa jánallarina eroide. Iemo jiáie juráreto íttona eroide. Iemo jiáie uíéco, come uíeconeroide. Iemo jiáie feede máajaiñona eroide. ⁸ Afe cuatro diga cáadimiiaímo illa dígamíemo seis diga íaícuaí ite. Afe íaícuaí erófenemo uíjiaína oruide; daje izói emódo dibénemo ite. Afémaci mona naío diga llícaíñeno úritiaíoi; Juzíñamuina daííoidiaíoi:

¡tere íaífuenidio! ¡tere íaífuenidio! ¡tere íaífuenidio!

Íere ñuera caí Ocuíraímadio.

Jamánomo ríinorede Juzíñamuidio.

Jaca nanómona ítimíedio,

Iemo nai birui ítimíedioza,

Iemo uire jaca ninomo zííñona ítimíedioza, —daíí daííofirediaíoi.

⁹ Illa dígacaíño afe cáadímaci, ráiiranomo ráide Moo Juzíñamuimo ebíredífue nitáadi, íemo ñúefue jóoneadi, íemo jiáí figura íena dáíiadi, ¹⁰ afe llezica afe veinticuatro diga ocuide éicomini áillue ráiiranomo ite Juzíñamui anamo dújufirediaíoi. Iemo afe jaca ninomo zííñona ítimíena caímátaidiaíoi. Afe llezica íaíoi oro finoína illaíma ífo ícuífuai ráiirano uícomo jóonefirediaíoi. Jóoneta daíífirediaíoi:

¹¹ Cai Ocuíraíma Juzíñamui,

Íere ebíredífue omo nitáregaza,

Daje izói ñúefuiaí omo jóonefíregaza.

O jamánomo ríinorenana omo nitáregaza.

Nana aféfuiaí ona náamaredeza.

Mei naga ráaniaí o comuítaga.

Iemo o comeci jítaina izói itíaíoiiza.

Daje izói o comeci óiacanamona finócaiaíoi.

Aquíe izói daíífirediaíoi.

5

Ráiidimie llíga rabénicono ciódicue naa Cordero dainámie Cristo diga

¹ Afe méifomo illaíma ráiiranomo ráiidimie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jái cuega. Afénico siete diga sello daina ñue ibaira raado ibaica. ² Iemo riírede ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

³ Mei íadi afénico tuiñoitimiena ñede. Caifo monamo ñede. Biniemo ñede, íemo bínie anamo tíidino illánomo jái daje izói ñede. Daje izói afénicomu buna eróinide afe facádollena.

⁴ Afénico tuiñoite comécina ñuemiena baiñenamona iere éedicue. Daje izói afénico facádoitimie ñénamona, íemo jái afénicomu eróillano ónoitimie ñénamona, iere éedicue.

⁵ Iemona veinticuatro diga eicomínimona dámie cuena daide:

—Mai benómoma éeñeno o iri, mei Judá nairai illaíma Jánallarina mamécamié, fiénidena jae ñue anáfenotateza. Afémie jaiái illaíma David erófene igímamona comuídimie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

⁶ Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomíni cígimo, Cordérona mameca Crístono ciódicue. Afémie táide, mei íadi Juzíñamuimo fia fecállena ie íaioi fáina meifo cíoide. Afe Cordero siete diga zícairede, íemo ie ui siete dígade. Afe siete dígade uíjiaí naga éniíaimo oreca Juzíñamui Ñuera Joreño jana. ⁷ Afe Cordero illaíma ráiiranomo ráiidimie nabézimo ite rabénicono llínuaide. ⁸ Afémie afénico llínua llezica afe cuatro dígade cáadimíai, íemo afe veinticuatro dígade ocuide éicomíni afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa llíediaioi. Daje llezica afémaci oro finoina ugúciaina oruide ichecoí llíidiaioi. Afeniaí Juzíñamuimo jaináidino afémiemo jicara uailai jana. ⁹ Afe éicomíni bie comue rua rotíaioi:

O iere comécina ñuemienamona bie rabénico llínnota tuiñolle omo dúide.

Mei nauí Juzíñamuimo fatá fecácamedioza.

Caina o die tóillado Juzíñamui íena ibáedioza.

Uáfuenta nágaziemona,

Iemo nana jáíifo úritinomona,

Iemo naga comíni jófuiaimona,

Iemo nana náiraiaimona Juzíñamui íena caina ibáedioza.

¹⁰ Cai Juziñamui ie illáinina caina jáitatio;

Daje izói comínido Juziñamuimo úrifireitinona caina jóonetio;
Iemona énie náiraiaina ócuiticai.
Aquie izói rotiaioi.

¹¹Afe mei eróidicue. Iemo aillo afe illaíma ráiiranomo ífoina
ite ángeles daina Juziñamui abi imaci úrilla uaina cacádicue.
Daje llezica afe cuatro diga cáadimiiai uaina cacádicue. Iemo
dáaruído éicomini uaina cacádicue. Afe Juziñamui abi imaci iere
jamánomo aillo itíaioi. Ua millones y millones dáinaze itíaioi.

¹²Afémaci fícirerie úritiaioi; daidíaioi:

Fatá Juziñamuimo fecaca Cordero comécina iere ñúenamona
ñuera riino maiñolle afémiemo dúide.

Daje izói aillo ráifide ráaniai dáamiemo dúide.

Iemo ifoci déillafuiai dáamiemo dúide.

Iemo nana ñuera máirre dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³Afe llezica nana Juziñamui comútaganuiái úrilla uaina
cacádicue: nana monamo itínuiai, daje izói éniemo itínuiai,
daje izói énie anamo itínuiai, daje izói monáillaimo itínuiai,
naa afénuiaimo itínuiai úrilla uaina cacádicue. Daidíaioi:

Nana caimátaille uallai illaíma ráiiranomo ráide Moo
Juziñamuimo íredeza,

Daje izói jái Cordéromo íredeza.

Afe izói ñúefue afe íaillinoímo nitáredeza, naa ñuera ébifue diga,

Iemo ñuera riino íaillinoímo íredeza.

Nana aféfuiai íaillinoímo nana fimónaiaido, jaca ninomo
zíñona dai dáirenaza.

¹⁴Iemo afe cuatro diga cáadimiiai aiáirilla izói daidíaioi:

—¡Daiítadeza! —daiíofirediaioi.

Iemo afe veinticuatro dígade éicomini ana dújuillano, jaca
ninomo zíñona cáadimiemo caimátaioifirediaioi.

6

Siete dígade sello daina rabénico ibaira rafue

¹Cordero afe siete dígade séllomona nánora tuíñuana
ciódicue. Daje llezica cuatro dígade cáadimiiaimona dáamie
dánana cacádicue. Ie úrilla uai, mona giria fícrena izói
fícrede. Daide:

—Mai eróizaibi, —daide.

²Cue eroilla llezica úzerede cabállona ciódicue. Afe emódomo
ráicaidimie zicuirá lliicaide. Iemo illaíma ífo icuífoina ie
jitádiaioi. Jita mei afémie naga náiraina anáfenocana jaide. Ie
mei nágaruillaído afémie íaioina anáfenofirede.

³ Méifoide séllona Cordero cuata llezica, tórona éroide cáadimie úrillana cacádícué. Afémie:

—Mai eróizaibi, —daide.

⁴ Afe llezica jáirede caballo jino bíllana ciódicue. Afe emódomo ráicaidimie mo féitalle riño afémiemo iga. Afémie nana nairai caimare uái illa féitaité, comini conímana fazítallena. Afe llezica áillue lloébicina afémiemo iga.

⁵ Iemo Cordero nane jáie tercer daina sello cuata llezica, jáie cáadimie úrillana cacádícué. Afémie:

—Mai eróizaibi, —daide.

Jira eródicue. Eródicuemo daa jítirede cabállona ciódicue. Afe emódomo ráicaidimie mérenana onóillena facara raa líicaide. ⁶ Iemo cáadimiai cigimona dáamie úrilla uai cacádícué. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruíredeza, mei afe iballe úcube inédeza, —daide.

⁷ Afe mei Cordero jáie ‘cuarto’ daina sello cuata llezica, cáadimiamona íraimie úrillana cacádícué. Afémie:

—Mai, eróizaibi, —daide.

⁸ Eródicuemo borárede cabállona ciódicue. Afe emódomo ráicaidimie titáfiredimie dainámie. Afémie ódana tíidino illano jana maméidimie bite. Enie cuatro diga fecácamona dáanie íemo iga, afénomo riire ocúllena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaído íaioina tícoizitaite. Iemo éniemo ite illáirede ríllenai íaioina tícoizitaite.

⁹ Afe mei Cordero jáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciaina ciódicue. Afémaci Juzíñamui uai llócailla ícoina titácaiaioi. ¹⁰ Afe bimaci ficire úritiaioi; daidíaioi:

—Íaifuenide cai Ocuídime, úcodo o llógana méidoñoeno ñue fuitáfiredio. Eniemo ite cai titádino iere jicánota duere o finóllena, ¿nié dinó nai mozíñoitio? Cai fatino iba o ollirui, ¿nígarui nai bai dúiñoitio? —daidíaioi.

¹¹ Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tílla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiai izói, Cristo uaimo táijífrediaioi.

¹² Cordero nane jáie ‘sexto’ daina sello cuata llezica, eródicuemo, énie iere jacire docaide. Iemo jítoma zúunaillana, jítaca jítiroi izói éroide. Afe llezica fiui náauina jáirede die izói méidoficaide. ¹³ Afe dáaruido mona ero ucúduai cocídiaioi. Ua, higuera daina amena llizilla, jairifo riire begúíñuamona cócia izói, afe izói ucúduai ana bíñiemo cocídiaioi. ¹⁴ Afe

llezica, rabe jofe ferírioicailla izói, mona ferírioicaide. Iemona cióbicaifëna. Iemo dáaruido nana caifóneduai naa monáillai cigí iduai íaiói illánomona oni jírecaide. ¹⁵ Iemona nairai illaini caifóneduai anamo ite ífuaimo, naa jéerie nofíciái cigiedo retáiritiaíoi. Afénomo jamánomoidino daje izói retáiritiaíoi. Iemo aillo ráanaitino, íemo fuiríraini illáicomini, íemo iere riíredinuai, íemo nana jacire rairuicano, daje izói buna ráiruiñegano, nana afénomo retáiritiaíoi. ¹⁶ Afémaci caifóneduaina jéerie nofíciaina daiífirediaíoi:

—¡Mai caimo baii! Mai caina jiita, baie illaíma ráíiranomo ráide Juzíñamui mona caina rétaido. Cordero finolle jacire cai duere finóllifuemona caina rétaido, —daiífirediaíoi. ¹⁷ Mei jii, iere jacire comini duere finóllirui jae dúcidez. ¿Bu mei áfena moziñorena?

7

Israel náiraimona náamana onóillena cuezámaciái

¹ Bie méifomo bínie fuédaíaimo cuatro dígade ángeles daina Juzíñamui abi ímíai, naidáienana ciódicue. Afémaci nágafeniaimona jairifo jáiñuana moziñotiaíoi. Afe éniemo jairífona jaiñótañediaíoi, daje izói monáillaimo jaiñótañediaíoi, íemo jíái aménaíaimo jaiñótañediaíoi. ² Iemo jíáie Juzíñamui abi ímíena mona móimona bíllana ciódicue. Afémie caade Juzíñamui íeie daiíllena sello daina jóonelle raa líicabite. Afémie ficire úrite. Enie fuédaíaimo cuatro díga naidáidimíaimo úrite. Afémaci bínie fiéni íaiói finolle, naa monáillai díga riinona igámaci. Afémacina bímie daide:

³ —Cai Juzíñamui ocuífireganomo, íaiói ozócimo náamana onóillena mámece nai jóoneña llezica, nai bíniéna duere finóñeno iri. Daje izói monáillai naa aménaíai raire duere finóñeno iri.

⁴ Jóonia mei, nígamaci náamana onóillena mámeceina jóonegano íaiói número na cacádicue. Nana Israel náiraimo itíziaimona afe cuezano ciento cuarenta y cuatro mil dígade.

⁵ Judá izíemona doce mil díga cúefide.

Iemo Rubén izíemona doce mil díga cúefide.

Iemo Gad izíemona doce mil díga cúefide.

⁶ Iemo Aser izíemona doce mil díga cúefide.

Iemo Neftalí izíemona doce mil díga cúefide.

Iemo Manasés izíemona doce mil díga cúefide.

⁷ Iemo Simeón izíemona doce mil díga cúefide.

Iemo Leví izíemona doce mil díga cúefide.

Iemo Isacar izíemona doce mil díga cúefide.

⁸ Iemo Zabulón izíemona doce mil díga cúefide.

Iemo José izíemona doce mil díga cúefide.

Iemo Benjamín izíemona doce mil diga cúefide.

Aillo dáanomo úzecuiruai jitada gairídino

⁹ Afe méifomo eróillano jamánomo aillo comínina ciódicue. Nana náiraiaimona dáanomo bitíaiói. Daje izói nágaziemona bitíaiói. Iemo daje izói jiáifo úritinuiamona bitíaiói. Iemo daje izói naga jófuiamona bitíaiói. Nana bimaci illaima ráiirano uícomo naidáidiaiói. Daje izói Cordero uícomo naidáidiaiói. Afénomo aillo itíaióiza buna facádonide. Nana afémaci úzecuiruai jitáoidiaíoi. Daje llezica afémaci rafóruai llíiediaíoi. ¹⁰ Nana ficirerie daidíaíoi:

Cai jíllonano, illaima ráiiranomo ráiide cai Juzíñamuimona comuide.

Daje izói cai jíllonano Cordéromona comuide, daidíaíoi.

¹¹ Afe llezica nana Juzíñamui abi imáciai, illaima ráiirano onido ífoina naidáiediaíoi. Daje izói veinticuatro dígade éicomini onido ífoina naidáiediaíoi. Iemo jiái cuatro diga cáadimíai onido ífoina naidáidiaiói. Afémaci afe ráiiranomo ráiidimie anamo éniemo fueco diné bíjicaidiaíoi. Bíjicaillano Juzíñamuimo caimátaidiaíoi. ¹² Daidíaíoi:

¡Bie izóideza! Ñúefuai nitalle cai Juzíñamuimo dúide, ñue ebíredifuiái diga.

Daje izói nana ñue onóigafue íemo dúide, naa figora daiífirena diga.

Daje izói afémiemo nitárede ñúefue dáamiemo dúide, naa áillue máirie diga.

Nana bífuiái cai Juzíñamuina jaca ninomo zíñona daií daiírenaza.

Aquíe izóideza, —daidíaíoi.

¹³ Afe mei afe eicomínimona dáamie cuemo jicánote:

—¿Baie buoi úzecuiruai jitáoina? ¿Afémaci mei ninena bitíaiói? —daide.

¹⁴ Jira íena daidícue:

—Afena onóñedicue. O ñue onódio, —daidícue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaiói íllena ja Cordero díedo muiñoçaza. Afémaci iere úzecuiro inícuero illa izói itíaiói.

¹⁵ Ie jira Juzíñamui ráiirano uícomo itíaiói. Afe llezica nágaruillai, mona naio diga, Juzíñamui gairíraco ero ie ocuállana finófrediaíoi. Iemo afe ráiiranomo ráiide Moo Juzíñamui, íaiói diga íllado jácifuemona íaióina ráiruite. ¹⁶ Afémaci jaca júbiemona duere finóbiñeitíaiói. Daje izói jiróacanari duere zéfuiñeitíaiói. Iemo jitoma íaióina jiái úzitañeite. Daje izói uzíredíruimo mona uzírena íaióimo uzire cácañeite. ¹⁷ Mei illaima ráiirano abímo ite Cordero, ovejai uíñua izói íaióina

uññoiteza. Afe llezica ñuera jainoi jino toránuaído íaioina ifóicaite. Afe jainoi ziiñona cáatatiji. Iemo afémaci éeadi Juziñamui íaioi ui jeme nana oni dóite.

8

Iraie sello cúatajana cioide, oro finoina uguci uillítara diga

¹ Iemo Cordero llíga rabénicomo ite íraie sello daína íbáioide raa cuata llezica, daa hora átuedo mona tii daíññoicaide.

² Afe mei siete dígade Juziñamui abi imaci Juziñamui uícomo naidáienana ciódicue. Afémaci siete diga vudugoi izoide raana igáiaioi. ³ Afe mei jíaie ángel daínámie Juziñamui abi ímie oro finoina uguci uillítara llíicabillana ciódicue. Afémie altar daína Juziñamui caimátairano uícomo naidaide. Iemo aillo ugúciai afémiemo fecácaza, áfena Juziñamuimo uillítallena. Mei nana Juziñamuimo jaináidino afémiemo íaioi jicáfírena uaillai llua llezica, bímie dáanomo afe ugúciai Juziñamuimo uillítaiteza.

Afe Juziñamui ráirano uícomo ite oro finoina ie caimátairanomo, bímie afe ugúciai jutade; íemo afe llezica afe Juziñamuimo jaináidino jicáfírena uaillai llócaigaza. ⁴ Afe uguci uillie, Juziñamui abi ímie áfena altarmo juta mei, Juziñamui uícomo caifo uillíoicaide, nana Juziñamuimo jaináidino jicáfírena uaillai diga. ⁵ Afe mei Juziñamui abi ímie uguci uillítara raa llíinote. Llínuano altármona oga caade iráiciaína áfena oruítate. Daíí fínuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoina eroide raa

⁶ Iemo afe siete dígade vudúgoina eroide llíide Juziñamui abi ímáciai afe vudugoi fúunollena maméritiaioi.

⁷ Nanóidímie fúunua llezica, jéerie nocíjiaí éniemo cocítate. Afe dáaruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiaí boode. Daje izói nana caade ráitiaimona jarífene boode.

⁸ Afe meifo Juziñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. ⁹ Afemona nana afénomo ite caade chámuniaimona jarífeniaí aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

¹⁰ Iemo jáie Juzíñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuiaimo baiílla. ¹¹ Afe ucudu mámece Eríredicudu. Iemona nana imánillaimona jarífemanillai eríriede. Iemona afe jainoi erire jáillamona aillo comini tíidiaioi.

¹² Ie mei nane jáie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fiuímona jarífeuido jítirecaide. Iemo jái ucúduaimona jarífecududo daje izói jítirecaide. Ie jira nana afémacimona jarífenodo jítirecaide. Naga mona naio diga jarífemonana egáñoñediaioi.

¹³ Afe méifomo caifo monamo éroidicue. Afe mona erodo feede Juzíñamui abi ímiéna cacádicue. Afémie ficire úrioicaide. Daide:

—Aii. Eniemo ite comini nii dúerena; mei Juzíñamui abi imácimona daámani nai fiébide vudugoi fúunollena. Afémaci fúunua llezica énie imaci, ¡Nii duere zéfuitiaioi! —daide.

9

¹ Iemo nane jáie Juzíñamui abi ímie ie vudugoi fúunua llezica, daa ucudu monámona éniemo baiíllana ciódicue. Iemo fiénide joríaí íbáirafo zuitara llave afe ucúdumo iga. ² Afemona afécudu aféfona tuiñode. Tuiñuamona aféfomona jacafai bóua uíllia izói caifo uillide. Aféfomona caifo uillide uíllie jítómána dúitate. Afe llezica mona erona jítire finode. ³ Afe uílliemona bíniédo feede fiúai comuide. Afémaci, éniemo ite acáiduai izói molléroirediaioi. ⁴ Afémaci ráitie güllena rairuícaiaioi. Daje izói nana amena rábiaina guitátañegaiaioi, naa jáie mócore zicóde ráaniai diga. Daa comini duere finóllena orécaiaioi. Mei íadi dani Juzíñamui ie daíitate mámece ozócimo cúeñeganona, afe fiúai duere fínoitiaioi. ⁵ Mei íadi afe fiúai comínina títatañegaiaioi. Mei jáífodo afémaci cinco diga fiui comínina izi cácataitiaioi. Afe fiúai mailla, acaido come mailla izói izíreite. ⁶ Iemona aféruillaido comini, “Raire cue tílli” dáitiaioi, mei íadi tíñeitiaioi. Iere tíacaitiaioi íadi, títáfirede raa afémacimona oni jica jáite.

⁷ Afe fiúai jóbairizaillena mamérilla cabállona eróidiaioi. Iaiói ifócimo oro finoina illaima ifo icuífoina éroide jíina. Iemo íaiói uiéco come uiécona éroide. ⁸ Iaiói ifótií ringo ifótiina éroide. Iaiói ízie ‘león’ daina jánallari íziéna éroide. ⁹ Iemo llojécuiroi izoide abi ríidote icogi íaiói jogóbemo jíide. Iaiói féeoína jamánomo ficírede. Uafue, jóbairizailla caballo zonóicaiga ‘cárroniai’ ficírena izói ficírede. ¹⁰ Iemo afémacimo ite ooda acaido ooda izói molléroirede. Afe óodamo cinco diga fiui comini duere

finolle ríino ite. ¹¹ Afe fíuái illaíma ite. Afémie fiénide jóríai ibáirafó úiñotimie. Afémie mámecei hebreo uaido Abadón; íemo griego uaido Apolión. Afeci daiacade “Niné táinocaitaimie.”

¹² Nanoide jacire izi cacánafue jae záaide. Mei íadi nai mena fiévide.

¹³ Iemo nane jíaie Juziñamui abi ímie ie vudugoi fúunua llezica, Juziñamui uícomo ite oro finoína altar daina afémiemo caimátairanomona úrilla uaina cacádícue. Afe uai afe caimátairanomo ite cuatro dígade caífo fáide zicai cígimona cácaaide. ¹⁴ Afe uai jae vudugoi fúunote Juziñamui abi ímiena daide:

—Afe cuatro dígade Eufrates imani abímo cuinaca ángeles izóidino mai zuitari, —daide.

¹⁵ Jira zuitácaiaioi, nana comíni jarífenairaido titállena. Mei aféruimo dúcinamona bai óllena eneno mamécaiaioi. Daje izóí biruimo dúcinamona mamécaiaioi. Daje izóí bie fíui íena mamécaiaioi. Iemo daje izóí bie fimona íena mamécaiaioi.

¹⁶ Afe cuatro díga ángeles ocuállino aillo ite. Nana afémaci cabálloníai emódomo ráiiediaioi. Iemo afémaci dígdadiaioi daínana cacádícue. Afémaci doscientos millones dígdadiaioi.

¹⁷ Bie izóí éroide cabálluai nícaido ciona izóí ciódícue. Afe cabálluai emódomo ráiidino jogóbiaimo llojeco jítaíodiaioi. Afe llojécuiromo jáire, mócore, borare cuega. Íaioi cabálluai ifo ‘leon’ daina jánallari ifona éroide. Afémaci fuémona irai izóí jino bite, íemo uíllie bite, íemo daje fuémona nairai iere uzire cóonaitalle raa jino bite. ¹⁸ Afe cabálluai fuémona bite daámami jacire táinocaitate ráamona aillo nairai fuite. Uafue, nana comínimona jarífenairai tíidiaioi. ¹⁹ Daje izóí afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

²⁰ Mei íadi tíidinomona fiévidino, baie daámami jaciredemona tíiñedino, íaioi finófireiga fiénidífuíai féitaacañediaioi. Daje izóí fiénide jóríaimo caimátaitajana fáicanocaiñediaioi, naa jíáiforie finoca jánaraíaina. Dáarie afe jánaraíai oro finoína, jíaie plata finoína, jíaie bronce finoína; íemo jíaie nofici finoína, íemo jíaie amena finoína. Nana bie jánaraíai jaca cióñede; daje izóí mínícana cacáñede, íemo daje izóí macáñede. ²¹ Afe fiévidino jíáimaci méiniana fáicanocaiñediaioi. Daje izóí jíáima fue gáiana fáicanocaiñediaioi. Daje izóí íaioi jíruírenana féitañediaioi. Daje izóí íaioi merírifirenana féitañediaioi.

10

Daa ángel daínámie Juziñamui abi ímie duera rabénico líide

¹ Afe méifodo riírede Juzíñamui abi ímie monámona ana bíllana ciódicue. Afémie uíllie cígido bite; íemo afémie ifomo rózígüeo izoide jíina. Ie uiéco jitoma egáíñua izói quenírede. Iemo ie idai boode jáíllirai izói éroide. ² Afémie daa duera rabénico tuiñoda llíide. Ie idai nabezi monáillaimo bitade, íemo ie jarífezi éniemo bitade. ³ Iemo jánallari ficire irilla izói ficire úrite. Afémie úrilla mei, mona siete dígacaiño giride; ie gíría come úrilla izói cácaide. ⁴ Afe siete dígacaiño mona gíría llíicailla mei, íaioi daína uaillai cúeiacadicue. Mei íadi cúeiacadicuemo monámona daa uai cuemo úrillana cacádicue; daide:

—Afe siete dígacaiño mona gíría uaillai rabemo cueñeno iri; báinino comécimo o jóoneri, —daide.

⁵ Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáoide. ⁶ Afe llezica zííñona ite Juzíñamui mámeçi llíinuano riire úrite. Afe dáaruido énie comútatímie mámeçi, daje izói monáillai comútatímie mámeçi, íemo nana afénomo ite cáadinuiai comútatímie mámeçi llíinota riire daide:

—Benómona jaca ja móziñoñelleza. ⁷ Jabe siete dígademoná iraimie Juzíñamui abi ímie ie vudugoi fúunolliruiamo dúcille llezica, Juzíñamui jica ia comécido báinino mamécáfue, ñue ícoimo zaite. Daí Juzíñamui ie uai jino llórainimo jaiái úcodo llote. Afémaci dani ie ocuífíregano, —aquíe izói daide.

⁸ Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llíinuai, —daide.

⁹ Jira afe Juzíñamui abi ímiemo afe duera rabénico jícajidicue. Jicádicuemo afémie cuena daide:

—Llíinota mai güi. Afe duera rabénico o fuemo cíiji naimérena izói cácaite, mei íadi o jébemo erire cácaite, —daide.

¹⁰ Mei jira Juzíñamui abi ímie ónoimona afe duera rabénico llíinota güiticue. Güiticuemo cue fuemo cíiji izói naimere cácaide. Mei íadi afe ja cue güilla méifodo cue jébemo erire cácaide. ¹¹ Afe mei cuena daidíaioi:

—Juzíñamui daína aillo comíni jófuiaimo cómutífuiái, meine dáanomo llóredioza. Daje izói aillo náiraiaina Juzíñamui dáinana llóredioza. Iemo daje izói jíáiforie úritinona Juzíñamui dáinana llóredioza. Iemo jíái aillo illáinina Juzíñamui dáinana llóredioza, —aquíe izói daidíaioi.

11

Uai nabáifírede íaillinoi

¹ Afe mei á rera rázina cuemo itíai. Afezi jofu facáradozina eroide. Afezi cuemo fécano cuena daidíai:

—Mai náidacaillano dama Juzíñamui gairíracu nie dinóride fácaji. Daje izói Juzíñamui mo caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado. ² Mei íadi afeco jinófebirí facáñeno o iri; mei afeno jicánemacimo dúideza. Afémaci Jerusalén daína íaifuenide jófuená cuarenta y dos diga fiuido fiéni anáfenoitiai. ³ Iemo cue dibénedo úrillena uai nabáifirede íaillinoína óreiticue; come zuure ía jítaca jíticuro, jítaitiaillinoi. Afe íaillinoi mil doscientos sesenta dígaruillaí cuédo úritiaillinoi. (Afe mil doscientos sesenta dígarui, cuarenta y dos diga fui.)

⁴ Bie cue uai nabáifirede íaillinoi ménade olivo amena izóidiaillinoi. Daje izói afe íaillinoi bíníe comúitate Juzíñamui uícomo jónega mena boode áillue lámpara izóidiaillinoi. ⁵ Dámíe íaillinoína fiéni finóacaniadi, afe íaillinoi fuémóna irai oréidiaillinoi, afe íaillinoi fáiacadinóna náamíena cuarítallena. Nana íaillinoína fiéni finóacadinóna daí títateza. ⁶ Bie cue uai nabáifirede íaillinoimo monámona noci bíitañede ríino ite. Afe íaillinoi Juzíñamui dibénedo úricaille díno, nocína bíitañeitiaillinoi. Daje izói jainoi díena ória ríino íaillinoimo ite. Iemo jíai comíni duere fínoite nana jacírede duico comúitaja ríino afe íaillinoimo ite. Afe íaillinoi comeci óiacana díno comíni duere finórediaillinoi. ⁷ Mei íadi afe íaillinoi táijina fuilla mei, íere jacíre éroide caade rille afe fiénide jóriai íbárafomóna jino bite. Jino billano afe íaillinoi diga fúirite. Fuiríllano íaillinoína anáfenoite. Anáfenua mei íaillinoína títate. ⁸ Íaillinoi tílle mei, caí Ocuíraíma coráinanomo, ní afe Jerusalemo, afe áillue jofue cigí iomo, íaillinoi tíde abí fiénocaigaiaillinoi. Afe jofue mámece, fiéni íllana onótate uaido Sodoma daína. Daje izói jíai Egípto daína. ⁹ Iemo daruíamani átuédo diga jófuiái naíraí afe íaillinoi abí tíllamo acáritiaí. Iemo íaillinoi abína raítátañeitiaí. Daje izói dígazie íaillinoi abí bíinamo acáritiaí, naa jíáfodo úritinuíari. ¹⁰ Bíníemo ite comíni afe íaillinoi tíllari íere íóbidiaí. Daje izói caímare íítiaí. Afe caímare íaí íllamóna conímamo ráaniaína raíñoñeno fécaítiaí. Mei afe íaillinoi Juzíñamui dibénedo úricaille llezica, bímacína íere duere zefuítatiaillinoíza. ¹¹ Mei íadi daruíamani átuédo jaílla méífomo Juzíñamui afe íaillinoína meíne abído cáatate. Iemo meíne abído íaillinoína macátate. Iemóna íaillinoimo acáritino jamánomo jacínaitiaí. ¹² Afe mei afe uai nabáifirede íaillinoi monámona ficírede uaina cacade. Aféuai íaillinoína daíde:

—Caífo bené bí, —daíde.

Jira íaillinoína éoidino éroidemo, caifo mona uílliedo monamo jáidiaillinoi. ¹³ Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaioi. Afemona fiébidino iere jacínaitiaioi. Jacínaillano monamo ite Juzíñamuina caimátaidiaioi.

¹⁴ Méifoide iere jácifue ja záide, mei íadi íiraie bille ja rairedede.

Siete dígade vudugoi fúunotinomona ja íiraimie fúunote

¹⁵ Siete dígade ángeles dainámaci Juzíñamui abi ímíaiamona íiraimie ie vudugoi fúunote. Fúunua llezica, monámona diga ficire úrilla uailai cácacailla; daidíaioi:

—Nana bínie illaini illáimaillano naa íaioi ocuícánuiari ja dájena cai Juzíñamuimo, íemo ie Crístomo jáináitaga.

Iemo afe Cristo jaca ninomo zíiñona ócuífíreite, —daidíaioi.

¹⁶ Iemona Juzíñamui uícomo ráide veinticuatro dígade éicomini íaioi illaíma ráíiranomona ana bíjicaidiaioi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaioi. ¹⁷ Iena daidíaioi:

Ona figura daidicai.

Jamánomo ocuide Juzíñamuidioza.

Birui íitimiedioza, íemo jaiái nanómoma íitimiedioza, íemo jáíi jaca ninomo zíiñona íitimiedioza.

Figura ona daidicai, mei o áillue ríino maiñódioza.

Máíñuano ja nane como ocuízaidioza.

¹⁸ Náiraiái ícírinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífíreganomo íaioiena o mameca ñúefuiaina íaioimo fécaítio.

Daje izói o uaina ñue íinofírede ñue finócanomo íaioimo dúide ñúefuiaina fécaítio;

íemo daje izói o mámecina jífánodoiñeno ñue llínotinomo íitio.

Uáfueza, jamánomoidímíemo,

daje izói jamáimíemo íaioimo dúide raana íaioimo ífiredio.

Daje izói bínie ñúemacina fiéniruitadino o táinocaitalliruimo ja dúcizaide.

Aquíe izói afe éicomini daidíaioi.

¹⁹ Iemona monamo ite Juzíñamui gairíraco tújicaide. Afénomo Juzíñamui comini diga caimare úrira raa uáfori cíocaide. Afe úrira raa emodo órona íbaica caja. Afe eromo Juzíñamui lloga uailai éenotiaioi. Afe gairíraco tújicailla llezica améuai riire llairide, íemo ficíriede ráaniai cacaide; íemo mona

ficire giride; íemo énie iere riire docaide; íemo iere mairide nocijiai cocide.

12

Ringo íemo jacírede zicínaimana eróidímie diga monamo cíocaide

¹ Afe mei monámona jacírede onótate raa cíocaide. Afénomo iníroido ferínua izói, jítómado ferínoga ringo cíoina. Afengo idai anamo fiui cíoina, íemo afengo ifomo doce dígade ucudu illácuifoi, illaíma jítáfiregacuifoi izoide jítáoi. ² Afe ringo úrue jocóacade izínaila. Afe iere izírenari caillícade; mei afengo úrue jéiciacana llezica iere duere zefuídeza. ³ Afe méifodo jíáie jacírede onótate raa monamo cíocaide. Afénomo áillue jáirede jacírede zicínaimana eróidímie cíocailla. Afémie siete diga ifórede. Iemo afémie diez diga zícairede. Afe ifóciaimo illa dígacimo illaíma jítáracuifoi jíina. Daa ie mámece Taife. ⁴ Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daina zicínaimana éroidímie, afe úrue jocóacade ringo uíecomo jóoneoide, afe ie jocóacaga úrue jócua llezica raire ríllena. ⁵ Iemo afe ringo íza jocode. Afémie uire móonaia nana náiraiaina llojébici izóidedo riire ócuifireite. Afe úrue jócua méifodo Juzíñamui bairoca. Bairoda ie illáimana ráíiranomo uiga. ⁶ Afe llezica afe ringo tázicimo botade. Afe dinomo afengo retáirillino uícodo Juzíñamui finoca. Afénomo mil doscientos sesenta diga mona afengo ecáecaille.

⁷ Afe méifodo áillue fuiríacana caífo mona eromo comuide. Afénomo Juzíñamui abí imaci illaíma Miguel naa jíáie Juzíñamui abí imáciari afe dragón diga fuirídiaoí. Daje izói afe dragón naa ie abí imáciari fuirídiaoí, ⁸ mei íadi afémaci Miguel náiraina anáfenonidiaoi. Iemona dragón imaci illino monamo íñede. ⁹ Afe ie illino íñena jira afe riirede dragón monámona ja jino dotaca. Afe jaiái ninomo ite jaio dainámie jíáfodo mameina Taife, íemo Satanás, íemo dáamie nana náiraina jífuefiredímie. Afémie naa ie abí imáciari ana éniemo dotácaiaoí.

¹⁰ Afe méifomo monámona ficírede uaina cacádicue. Afe uai daide:

—Cai Juzíñamui bínie comíni jíllloillena mámiaruiamo ja dúcide. Daje izói íemo ite riino facálliruimo ja dúcide. Iemo daje izói illáimana ie illíruimo ja dúcide. Daje izói ie jító Cristo riire ocuálliruimo ja dúcide. Mei cai ámatiaimo fiénidífue nitáfiredímie ja jino dotácaza. Afémie nágaruillai, mona naio

diga cai Juziñamui uiecori afemacimo fiénidifue nitáfirede. ¹¹ Cai ámatiai Cordero díedo fiénidifue na anáfenodiaioi. Daje izói íaioi jino meáiruiñeno lloga Juziñamui uáillaído caifófeficaidiaioi, mei jaca tñllana jacíruiñediaioiza; mei jiáifodo jaca tñllemo ñue finóbidiaioiza. ¹² Iemona, mona naa afénommo ite cáadinuiairi mai omoi ióbiri. Mei íadi éniemo itino ñi dúerena, naa monáillaimo itínuiairi, mei Taife ómoimo ana iere icírillano jáideza. Afémie nano íanori ie íllena onódeza. ¹³ Afe dragón ana éniemo ie dótajana onóillano, nauí íza jocódingo racade. ¹⁴ Mei íadi afe ringo mena áillue máajaiño íaicona iga, áfedo afe jaio dainámie dragómona jica táizicimo afengo féellena. Afénommo daámani fimona átuedo afengo ecáecaiga. ¹⁵ Iemo jaio dainámie áillue jainoi ie fuémoma orede, imánina comuillena, mei afe imánido afe ringo coróbaitallena. ¹⁶ Mei íadi énie ringona riídote, mei afe dáaruido énie bóccocailano, afe dragón fuémoma oreca imánina naítateza. ¹⁷⁻¹⁸ Afe bíemona afe dragón ringomo iere riicaide. Riicaillano aféngomona fiébide ie erófene igímaiai diga fuirízaide. Afémaci Juziñamui ocuica uaillai jeire otiaioi. Daje izói afémaci Jesucristo lloga ua ráfue na fáicanocaiño nágargui jeire ófirediaioi.

13

Mena áillue jacire eroide rille cíocai

¹ Monáillai fuédamo cue naídáillano monáillaimona iere jacire eroide rille caifo bíllana cíodicue. Afémie ifo siete dígade, daje izói afémie diez diga zícairede. Afe illa diga zícaimo illaíma jítaracuifoí jíina. Afémie ifóciaimo Juziñamuina fiendi daina mámece cúeina. ² Afe cue ciona jacirede rille jánallarina eroide. Ie ídaiai oso ídaina eroína, íemo ie fue león fue na eroide. Bímiemo dragón íemo ite ríino naa ie ílláimaillano diga afémiemo fecade. Afe llezica riire ocufírenafue afémiemo lloga. ³ Afe jacirede rille ifóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náraiai áferi iere jacínaitiaioi. Jacínailano afémiemo ínotiaioi. ⁴ Afémaci dragón uícomo éniemo fueco díne bíjicaillano íemo caimátaidiaioi, mei dragón riire ocuille ríino afe jacirede ríllemo ígaza. Iemo daje llezica jacirede ríllemo caimátaidiaioi. Caimátaillano daídíaioi:

—¿Bu mei bie jacirede rille izoina? ¿Bu mei afémie diga fuirírena? ¡Afémie anáfenonide! —daídíaioi.

⁵ Afe llezica afe jacirede rille afémie úrilla bu llétañega. Iemona Juziñamuina íaire daina uaina llote, naa fiendi abí ínuafuiairi. Afe izói cuarenta y dos diga fiui, daí ie ocuilla

buna ráiruiñega. ⁶ Iemona afémie bie izói finode; Juzíñamuina uáitano, ie mámecina íaire daiñoide. Daje izói Juzíñamuimo úriranona íaire daiñoide. Iemo monamo itínuiaina daje izói íaire daiñoide. ⁷ Iemo jíái daje izói Juzíñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuille ríino afémiemo fecaca. Daje izói nana comini jófuiai ócuifireite, íemo daje izói nana jíáfodo úritinuiái ócuifireite, íemo daje izói nana náiraiaina ócuite. ⁸ Nana bíniemo itino afe jacírede ríllemono caimátaidiaioi. Afémaci mámeciai zíiñona íitino rabénicomu cúdeña. Ua énie taineina llezica baimaci mámeciai afénicomu cúdeña, mei afémaci íinoñena jira. Afénico nauí titaca Cordero ie.

⁹ Bífue mono cacáacadimie mai bíemo cácarei. ¹⁰ Jíáimacina maitá uitino méifodo nane maitá uille. Iemo jíái lloéfaido jíáimacina titáidino méifodo afémie daje izói lloéfaido titalle. Mei jira Juzíñamuimo jaináidino comécina járidonidiaioi; daje izói jíái ñue íinorediaioi.

¹¹ Afe méifodo jíái jacire eroide rille éniemona caifo bíllana cíodicue. Afémiemo mena zicai ite; cordero zícaina eroide. Mei íadi afémie dragón úrilla izói úrite. ¹² Nauí monáillaimona bite nanoide jacire éroide ríllemono ite ríire ocuille ríino, daje izói bie méifoidimie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacírede ríllemono caimátaillena ocuide. Afe nanóidimie ífomo ite áillue boafe raire jacáidimie. ¹³ Iemo afe méifoidimie daje izói íere jácimie daiítate raana cíotate. Mei uafue, afémie nana comini eróicana monámona iracai ana éniemo cocítate. ¹⁴ Iemo afe nanoide jacírede rille uícomo buna ráiruiñega ie finócaigado nana bíniemo itínuiaina jífuate. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfaido aillo bofeca, mei íadi nai caade. ¹⁵ Iemo afe méifoide jacírede ríllemono, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. ¹⁶ Nana afe baimo, nana náiraiaina bie izói itátate; nana jabóidimaci naa jamánomoidimíiai diga, nana ráaredino naa dúredino diga, nana ráiruiñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede. ¹⁷ Naga afe onótate número cúdeñegamie jaca íbárinide, daje izói raana fecánide. Afe número nanoide jacírede rille ie. Afe número afémiemo dúide mámecei daiíacade. ¹⁸ Bífue onóillena

iere báitajamo dúide. Afena onódime, mai afe jacire eroide rille número faca. Afémie número iima ie. Afe número seiscientos sesenta y seis.

14

144,000 dígado roga rua

¹ Afe méfomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámece naa ie Moo mámece diga cúeina. ² Iemo monámona ficírede raana cacádicue. Afe ficírena aillo imánillai nofico tua ficírena izoide. Jiái riire mona giria ficírena izoide. Iemo jiái aillo arpa daina, rua roia taiga ráaniai ficírena izoide. ³ Afe llezica illaíma ráirano uícomo afémaci comue rua rotíai. Daje izói cuatro diga cáadimíai, iemo éicomini uícomo rotíai. Afe rúana jaca buna ónide. Dani afe ciento cuarenta y cuatro mil diga éniemona jílode comini afe rúana onona. ⁴ Afe bimaci ringomo jiriñedino, mei afémaci jaca íaifuenidino; dani íai. ⁵ Afémaci cominimona jíllotagamaci, Juziñamuimo nanóidino ie dúidimacina íai. Daje izói Cordéromo nanoide dúidino itíai. ⁵ Afémaci jaca táinona úriñediai, mei afémaci Juziñamui illáimana ráirano uícori íaifuenino itínoza.

Daámani ángeles daínamaci Juziñamui abi ímíai llócaiga uai

⁶ Afe mei jiáie Juziñamui abi ímie mona dáafenedo féiana ciódicue. Afémiemo zíñona jíllollíuai illa, bíniemo itínomo llóllena. Nana énie náiraiimo llórede, íemo nana jiáziemo. Daje izói nana jiáfodo úritinomo llórede, íemo daje izói nana comini jófuiado. ⁷ Afémie ficírede uaido daide:

—Juziñamuina ñue omoi jacíruri; ñúfuiaina afémiemo omoi nitari, mei afémie iere riire jicánolliruimo ja dúcidez. Mai mona finódime, daje izói énie finódime, íemo monáillai finódime, íemo éniemona jainoi jino torano finódime; afémiemo omoi caimátai fireiri, —daide.

⁸ Iemo nane jiáie Juziñamui abi ímie méfodo cícaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuiái izoide íaifuiái omoi finofirenado, nana nairai jífáidino izói itátatiomoiza, —daide.

⁹ Afe méfodo líraie Juziñamui abi ímie ficire daífoicaide:

—Dáamie jacírede rillemo caimátaiadi, íemo jiái afe jánaraimo caimátaiadi, íemo daje izói afe rille mámece ozócimo ninena ónoimo cuetátaiadi, ¹⁰ afe izóidino Juziñamui lloga jamánomo duere finóllinomo orélliaí. Mei afe izóidinomo

afémie iere ríicaide; ríicaillano afémie duere íaioi finolle, féñellena riire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cónaitalle raado afe izóidinona iere izi cácatalliaioi. ¹¹ Duere íaioi zefúitate irai uíllie jaca ninomo llíicaiñeno caifo uíllioide. Afe jacírede ríllemono caimátaitino mona naio diga afe duere finóinamona jaca ócozinaiñeitiaioi. Afémaci naa afe ríllena eroide jánaraimo caimátaidinori, íemo jíái ie mámecina onótate número otino diga nana jaca ócozinaiñeitiaioi. ¹² Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaioi.

¹³ Nane afe méifomo monámona daa uai cuemo úrillana cacádicue; daide:

—Bie cúeiri: “Benómona cai Ocuíraimamo ínnote tíitino caimare íitiaioi.” Afena Juzíñamui Ñuera Joreño “Jii” dáideza, mei afémaci íaioi táijinamona ocózinaitiaioiza. Daje izói íaioi finócano, jíáima diga nabáirilla izói féitañegaza, —daí daide.

Ria llizilla óina izói, énie comini jofo ollíruimo dúcide, Juzíñamui duere íaioi finóllena

¹⁴ Afe mei eróllano úzerede mona ero uílliena ciódicue. Afe uíllie emódomo Nanoide fima Jitona Jesuna éroidimie ráina. Ie ífomo oro finoina illaíma jítaracuifoí jíina. Daje izói hozna mámecírede arroz izoide llízíe ñetara llíide. (Afe raa jofo icuífoina néfide jáirede lloefai izoide.) ¹⁵ Iemo nane jíáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíiga llízíe ñetara raado táijiri. Ja jeede diga mai jofo ono. Ja jofo ollíruimo dúcideza. Enie comini finócafuaí ja jeede ríaniaí izói fiénidífuaena iere oruídeza, —daide.

¹⁶ Afe mei uíllie emódomo ráiidimie ie llíiga llízíe ñetara raado énie comínimo táijizaide. Afedo fiénidífuaena oruídino jofo ote.

¹⁷ Afe mei jíáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízíe ñetara raa llíicabite. ¹⁸ Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidimiena ficire jíirillano daide:

—Mai omo ite jáirede ñetara raado táijiri; éniemo ite jíricoillai ollíruimo ja dúcideza. (Afe jíricoillai fiénide comini jana.) Mai jofo ono, mei afe jíricoillai ja iere jiduúdeza, —daide.

19 Iemo afe jíáie Juzíñamui abí ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidino jofo ote. Uano áillue iduíriraco izóidinomo jofo dite, afénomo riire idúllena. Bie iduilla Juzíñamui bie izói duere afémacina finolle jana. 20 Afe jíricoillai izoide fiénidino áillue comíni jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dinori afórede. Daje izói áfeji trescientos kilómetros dinó tote.

15

Iraie siete dígade jacírede duere finóllifuiái Juzíñamui abí imaci mameca

1 Iemo monámona jíáie jacínaitade áillue raa jánana ciódicue. Siete dígade Juzíñamui abí imaci íraie siete dígade jacírede duere finóllifuiái lluíbitiaíoi. Afedo Juzíñamui ríicaillana záate.

2 Daje izói, vídriona finóinana eroide monáillajina ciódicue. Afeji réici díga taméricaide; daí eroide. Jacírede ríllena anáfenodino afe fuédamo naidáediaíoi; daje izói ie jánaraina anáfenodino; íemo jíái afe ie número mámecina ozócimo cúeñegano díga. Nana dáanomo afe vídriona eroide monáillai fuédamo naidáediaíoi. Nana bimaci Juzíñamui íaíoi mo fecaca ‘arpa’ daina rua roia taiga raa llíediaíoi. 3 Afémaci Juzíñamui jaiái ocuífregamie Moisés rua rotíaíoi. Daje izói jíái Cordero rua rotíaíoi. Aférua bie izói daide: Ocuíraima, nana o finócanuiaí iere ebíriede.

Jamánomo ríinorede Juzíñamuidio.

Náiraíai Illaíma, nana o jáifírena io uáfuena jaícina jóide.

4 Ocuíraima, ona ñue jáciruíñeitimiená iñede.

Daje izói omo ñúefuena jóoneñeitimiená iñede.

Mei dama o íaífuenidimienaza.

Naga náiraíai omo caimátaizabítiaíoi, mei o jaícina finófiregafuiaína ciódiaíoi za.

Aquíe izói rotíaíoi.

5 Bie méifodo, monamo ite Juzíñamui gairíraco tújjicaillana ciódicue. Afeco nofíbícimo cueda Juzíñamui ocuica uailai éenorano. 6 Afécomona Juzíñamui siete dígade abí imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítáoidiaíoi. Iaiói llaitáoi ga oro finoina ciraigi ífe jogóbemo dúcide. 7 Ie mei cuatro dígade cáadimíaimona dáamie afe siete dígade Juzíñamui abí imácimona illa dígamíemo oro finoina ichecoí fecade.

Aféchecoí jaca ninomo zíñona ite Juzíñamui ocuica duere

finóllifuena oruide. ⁸ Iemo afe Juzíñamui gairíraco uílliena oruide. Afe uíllie Juzíñamui jamánomoidimiena íllamona, daje izói ie iere rínoenamona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záiñena llezica buna jofo afécomo jáinide.

16

Juzíñamui duere finóllifuena oruide ichécuai

¹ Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuimona bite siete dígade duere fínuana oruídichecuai ana éniemo tótaji, —daide.

² Nanoide Juzíñamui abi ímie jaillano, afémiemo itechecoí ana éniemo totade. Afemona nana jacírede rille mámecina cuegánomo jacírede duico comuide. Afémacimo izírede jílotañede ñozagí izoide duico comuide, daje izói afe rille jánaraimo caimátaiñedinomo.

³ Iemo méifoide Juzíñamui abi ímie afémiemo itíchechoí monáillaimo totade. Tótamona afe monaillai jáinoi tíidimie die izói jaide. Iemona nana monáillaimo ite cáadinuiai tícoizite.

⁴ Iemo nane jáíie Juzíñamui abi ímie afémiemo itíchechoí imánillaimo, daje izói éniemona jáinoi jino toránuaímo totade. Iemona afeno jáinoillai díena jaide. ⁵ Afe mei jáinoi fieni finótate Juzíñamui abi ímie dáinana cacádicue; daide:

—Ocuíraíma, íaífuenide Juzíñamuidio. Bie izói comini duere o finóllena iere comécina jaícina jóidimidio. ⁶ Mei omo jáináidinona títano íaioí díena nauí totádiaioíza. Daje izói o dibénedo úritino díena totádiaioíza. Iemo birui afe íbana o afémacina díena jirótatio, mei daíí afémacimo dúideza.

⁷ Afe mei nane Juzíñamuimo caimátairanomona dámie dáinana cacádicue; daide:

—Jíi, uáfueza, cai Ocuíraíma, o jamánomo rírede Juzíñamuidio. Uáfueña ñue jaícina iere ríire jicánotio, —daide.

⁸ Ie mei nane jáíie Juzíñamui abi ímie afémiemo itíchechoí jítómamo totade. Afemona afe jítoma comini cóonaitalle ríino íga. ⁹ Iemona nana comini jamánomo cóonazitiaioí. Mei íadi íaioí comeci itífuiaina méidoñediaioí. Daje izói Juzíñamuimo caimátaiñediaioí. Mei jáíifodo afe jacírede duere finóllifuiái ocuídimiena faidóñediaioí.

¹⁰ Iemo nane jáíie Juzíñamui abi ímie afémiemo itíchechoí jacire eroide rille illáimana ráiranomo totade. Afe llezica

afémie náamataga illano jítirecaide. Iemona nana comini afe uícodo íaioimo comuide duícuaí izírenari daní abí ainízitiaioí. ¹¹ Mei daí itíaioí íadi, íaioí finoca fiénidifuaí fáicanocaiñediaioí. Mei jíáfodo, izi íaioí cácana ícoínia, daje izoí jacire íaioí ñozánaillamona, monamo ite Juzíñamuina íaire daidíaioí.

¹² Iemo nane jíaíe Juzíñamui abí ímie afémiemo itíchechoí áillue Eufrates mámecirede imánimo totade. Afemona afe imani zafénaite, áfedo illainí raíre ruica bille io tuiñóllena. Aféllainí naa íaioí fuírírainíri jitoma caífo biránomona bitíaioí.

¹³ Afe mei dragón daínámie fuémona, daje izoí jacire eroide rille fuémona, daje izoí taino uai jino llófiredimie fuémona daámanide cúuraicína eroide fiénide jóriai jino bíllana ciódicue. ¹⁴ Afe daámanidino Taífe jóriai. Afémaci cíorainina raana cíotafiredino. Bie damieámanidino nana énie illainí naa íaioí fuírírainíri dáanomo gairítate, jamánomo rínoírede Juzíñamui diga fuírillena. Aferuí Juzíñamui aillo iba ollíruí.

¹⁵ Aféruído monámona Cristo úrillana cacádícue; daide:

—Ero, cacai. Merízizaíbitímie billa izoí, comini nai cuemo comeciñediaioímo déizaíbitícue. Cue bille llezica iníñeno cuemo comeci facáoidímie caímare íite. Daje izoí emuíroma mácañeíllena iníroina ñue úiñotímie izoí, íaífuemona abina ráiruitímie méairuíñeite, —daide.

¹⁶ Iemo afe daámanide fiénide jóriai, nana illáinina dáanomo gairítate. Afeno mámeceí hebreo uaido daína Armagedón.

¹⁷ Iemo siete dígademona íraíe Juzíñamui abí ímie afémiemo itíchechoí caífo táífomo totade. Tota llezica monamo ite gairíracomona ficírede uai cácacaide. Afe uai illaíma ráíranomona jino bite; daide:

—Ja fuite, —daide.

¹⁸ Afe méífodo, améuaí llairilla. Mona gíría naa ficíriede ráaniaí diga cácacaide. Afe llezica énie iere riire docaide. Nanómona bíníemo comini ía docaífírena baímo, jamánomo riire docaide. ¹⁹ Iemona afe áillue comini jofue daámani díeze bójicaide. Jíaíe bíníemo ite jofue jáicoízite. Afe llezica Juzíñamui áillue Babilonia jófuemo úibicaide, duere íaioína finóllena. Afe duere finóllí fue comini títaite ríjji jírúa izoí íite. Afémie ríicaíllano daí íaioína fínoíte. ²⁰ Afe dáaruído nana monáíllají cigí íduai naa jíaíe caífoñeduairí niné táinoícaide. ²¹ Afe llezica aillo jéerie nocíjiaína monámona comínimo cocide. Aféjiaímona dáarie cuarenta kilos méereíde. Iemona afénoímo ite comini afe áillue nocíjiaí cóciari Juzíñamuina íaire daidíaioí, mei afe bimaci duere fínua íere jamánomoídeza.

17

Jamánomo jiruúredingo duere finóinafue

¹ Afe méifomo siete dígachecoí llíide Juzíñamui abí ímáçimona dáamie cuemo úrizaibite. Cuena daide:

—Eróizaibi. Jamánomo jiruúrede izoide íaifueredingo duere finóinana omo ácataticue. Afengo monáillajillaimo ite. Afe bie izóí daííacade aillo nairai afengo anamo itíaiói. ² Bíníe illaini afengo díga aillo fiénide íaifuiái finóíirediaíói. Iemo bíníe comíni afengo íaifuerenamona jifáííredino izóí íáire jáidiaíói, —daide.

³ Afe mei Juzíñamui Ñuera Joreño nicáirilla izóí cuemo ácataja llezica, daa Juzíñamui abí ímie táizicimo cue uite. Afénomo daa ringo jáirede jacire eroide rille emódomo ráinana ciódicue. Afe rillemo díga Juzíñamui íáire daina uailai cúeina. Afe rille siete díga ífócirede, daje izóí afémie zicai diez dígade. ⁴ Afe ringo jitáoiçacuiro jáirede, íemo morádoná eroide. Afengo oro finoína íena ebire finóbide, íemo ráifide ñue finoca nofíciaina, íemo ‘perla’ daina zíriona finóbide. Iemo afengo oro finoína ichecoí llíide. Afécheçoi íáirede raana oruide, íemo jíái afengo jiruúrena llezica finoca íaifuiaina oruide. ⁵ Afengo ozócimo cuetá jóonega ónonide mámeçí illa. Afeci bie izóí daide: “Aillue Babilonia jofue, nana fiénidífuiai jillaci, aféfuiai ei daina izóí mameide. Iemo nana bíníemo ite éoiçafuiai ei daina izóí mameide.” ⁶ Iemo díga Juzíñamuimo jaináidino afe ringo íçoinia fazícaiaíói. Afémaci Jesús uai llóçaina jira afengo titácaiaíói. Iaiói fazícanori afengo, come jifáííreña izóí, iere íóbide. Afena çíoillano iere jacire fáigacaidicue. ⁷ Ie jira Juzíñamui abí ímie cuena daide:

—¿Míníçari jacínaitio? Afe ringo ónonino daííacanafue jino omo onótaticue. Daje izóí afengo uífirede jacirede rille maméinafueña omo onótaticue. Afe rille ífo siete dígade, íemo diez díga zíçairede. ⁸ Afe o çiona jacirede rille jaiái ñino itímie, mei íadi ie tílla mei jae íñede. Mei íadi afémie íraicaiño ie tílle uíçodo meine abído fiénide jóriai íbáiraçomona caífo biite. Mei íadi billano zííñona ie duere finóllinomo orelle. Eníemo ite comínimona zííñona ille rabéníçomo énie taineína llezica mámeçina cúeñegano, afe ríllena çíoillano iere jacínaifçaitiaíói, mei afémie jaiái íteza, íemo birui jae íñedeza, íemo meine abído uire bíteza.

⁹ Birui çai uaina féiruiñedinomo nai benó jíáie llollífuena ite: Cáçarei. Afe siete dígade ífóçiai baie ringo ráina siete dígade çaiçóneduai jana. ¹⁰ Iemo afe llezica afe siete dígade ífoci daje

izói siete dígade illáini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jáimie nai illáimaizaibiñede. Afémacimona íraillaima bíadi are iñeno táinocaite. ¹¹ Naui caade íocirede rille, tíide íadi, nane birui caade illáima. Afémie siete dígademona afémaci emóoidillaima. Mei íadi afémie siete dígademona dáamie. Afe mei afémie íraicaiño ie tíillinomo jáite.

¹² Afe o ciona diez dígade zicai, diez dígade nai illáinina jáiñedino jana. Mei íadi jacirede rille diga dáaruido afémaci nano íanori dieze illáini ocuífirera ríino llínoitiaioi. ¹³ Bie diez dígade illáini conímamo daje izói comécidiaioi. Iemo íaioimo ite ocuille ríino jacirede rillemo fécaitiaioi. ¹⁴ Iemona Cordero daina Jesucristo diga fúiritiaioi; mei íadi Cordero íaioina anáfenoite. Mei afémie nana ocuídinomona Jamánomo Ocuídímieza. Daje izói afémie nana illáinimona Jamánomoidillaimaza. Afémie diga jáicadino Juzíñamui nizada júrigano. Daje izói afémaci fáicanocaiño Juzíñamuimo ñue íinofiredino, —daí afémie cuena daide.

¹⁵ Juzíñamui abi ímie nane dáanomo cuena daide:

—O ciona monáillajillai, nii afe íaifueredingo illano, afe monáillajillai aillo jófueniaí jana. Daje izói aillo comini jana, íemo jáíforie úritino jana, íemo aillo náiraiaí jana. ¹⁶ Jacire eroide rillemo o ciona zicainiaí jáíe illáimaiaí jana. Afémaci bie jiruiredingona éoitiaioi. Eoillano aféngona zóofeitiaioi, íemo jáí aféngona emuírogi óreitiaioi. Afe mei afengo íeizina ríitiaioi. Iemo jáí aféngona iraimo cóonaitaitaioi. ¹⁷ Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécidiaioi íaioimo ite jacire ocuille ríino jacirede rillemo fecállena. Iemona afémie jamánomo ríirede. Daí Juzíñamui daina uáillaina fuillíruimo dúcia llezica finófrediaioi. Iemona afémie daina uaina ñue ícoimo záitatiaioi. ¹⁸ Afe naui o ciona jiruiredingo, nana énie jamánomo ocuífiredillaima illágobe jana, —aquíe izói daide.

18

Babilonia jofue táinoicailla

¹ Bie méifodo monámona jáíe ángel dainámie, Juzíñamui abi ímie ana bíllana cíodicue. Afémie aillo ríino diga bite. Afe llezica ie quenire bóodedo bínie egáiñote. ² Afe llezica afémie ficire úrite; daide:

—Aillue Babilonia jofue ja jáicoizite, ja táinocaide. Taife ocuífirigano illánona jaide. Daje izói nana jáíforiede íáirede jóriaí uíñoracona jaide. Afe izói nana íáire féedino jilláillinona

jaide, naa jái cai éoiga féedinuairi. ³ Mei aillo fiénide íaifuiái afengo finófirenado, nana nairái jifáidino izói itíaióiza. Iemo naga énie illaini afengo diga aillo jiruifue izoide íaifuiáina finófirediaíoi. Biniemo ráaniaí fecáfiredino iere úcuberedinona jáidiaíoi. Mei uafue, afe áillue jofue comini izire jicaca táinomo faitátate ráaniaí íaíoi jicáfirenamona bimaci aillo úcubenaídiaíoi.

⁴ Afe mei monámona jáíie uaina cacádicue; daide:

—Omoi cúeiediomoi za bie jófue mona oni omoi jai; íaíoi finoca fiénidifue afémaci fínua izói omoi fínoñeilleza. Daje izói íaíoi mo zúite jacíredifuiái ómoimo jíriñelleza. ⁵ Mei afémacimo ite fiénidifuiái ofilla ja monamo dúcidez. Iaíoi finoca fiénidifuiáimo Juzíñamui ja uíbicaidez. ⁶ Iemo Juzíñamuina daide:

—Jiáimacimo íaíoi feca izói, afe izói íaíoi mo fecari. Iaíoi fiéni fínua izói, afe baimo ménacaiño afémacimo finori. Afémaci ñúemacimo eríredena jóoneta jirota izói duere íaíoi na finódiaíoi. Afe íaíoi fínua izói, afe ibana ménacaiño afémacimo riire duere íaíoi na finori. ⁷ Aillo táinodo abi íaíoi ínua dieze, íemo cómena canóñedemo fáififirena dieze, áfeze afémacina duere finori; afe izói íaíoi na duere zefuítari. Mei bie ringo izoide jofue comini afengo ie comécido daífiredeza: “Benomo illáingona ráiidicue. Jaca fécinaiñeiticue; jaca dúeniticue,” —afengo daide. ⁸ Ie jira bie izói úrillamona, dáaruido omo dúide jacíredifuiái cómuite: tilla íemo duere zefuilla, íemo júbie. Iemo iraimo cónaitio. Mei o duere finótate Juzíñamui jamánomo ríinoredeza. Afémie jaca cai Ocuíraíma.

⁹ Afengo diga jiruírede binié illáicomini, daje izói afengo diga cómena canóñedemo fáifidino aféngori iere éenaitiaíoi. Mei uafue, afengo cónaila uílliena cióillamona aféngori cáillicailli éeítiaíoi. ¹⁰ Afengo iere duere finóinari jacinaillamona oni jica íítiaíoi. Afemona dáítiaíoi:

—¡Aí, ní o dúerena! Jamánomo riirede Babilonia jófuedio, jñí duere o zefuilla! ¡Mei raire dáaruido o duere finoina comuíbicaide! —dáítiaíoi.

¹¹ Binié ráaniaí fecáfiredino aféngori cáillicailli éenaitiaíoi, mei ja íaíoi atica ráaie íbaitino íñede. ¹² Iaíoi atífirega ráaniaí, be níie: Oro, plata, ráifide noficiaí, ‘perla’ daina ráifide zírío, ráifide úzecuiro, íemo jáirede ‘sédacuiro,’ morádon a eroide seda diga, íemo jáíi diga jáífodo zióriede aménaíai, íemo ebírede ‘marfil’ daina elefante zicai finoina ráifide raana, íemo ráifide amena finoina raa, íemo ‘bronce’ daina borárede lloébicí finoina raa, íemo jamai lloébicí finoina raa, íemo ‘marmol’ daina nofící finoina raa, ¹³ daje izói ‘canela’ daina güíllemo faíga raa, íemo jiáiforie ráifide ziórede raa, íemo ziórede uguci, íemo

‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáiredíj, íemo ñuera pan finófirena harina, íemo trigo, íemo daje izóí abífirede cáadino, íemo ovéjaiai, íemo cabálluai, íemo ‘carros’ daina arínellaiai, daje izóí jacire rairuica comínina fecádiaioi. Bie izóí daina cáadino iima ringo diga jíaimacimo fecádiaioi riire íaioi ocúllena. ¹⁴ Afe jofue comínina dáitiaioi:

—¡Baie omoi gaiga caimárede amena llizíllaniai izoide ráaie jae íñede. Nana omoi ofítaga ebíriede ráaniai ja táinocaide! — dáitiaioi.

¹⁵ Afe ráaniai fécajano iba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacinaillamona oni jica íitiaioi. Afénomona aféngori cáillicailli éeitiaioi. ¹⁶ Iemo dáitiaioi:

—¡Aí. Aillue jófuedio níi dúerena! Naui ñuera ráifide úzecuro jítádingo izóidio. Daje izóí o comini jíairede ráifide iniroi, íemo morádonna eroide ráifide iniroi jítáfrediaioi. Afe llezica oro íena finóritiaioi; daje izóí ráifide nofici finoina raana finóritiaioi, íemo jíai ‘perla’ daina zíriona jítáfrediaioi. ¹⁷ Iemo dáaruído naado aillo ráaniai niné táinocaide.

Daje izóí nana ‘barco’ daina áillue nocáe ocuídillaini, naa afécaedo jáidino diga, áfena jacíruillano oni jícarie itíaioi; daje izóí afécaedo táijidinori naa jíáfodo monáillajimo táijide comíniri oni jícarie itíaioi. ¹⁸ Iemo afe jofue bóua úilliana cióillano caillidiaioi:

—Bie izoide naui áillue jófuenta, ¿Ninomo cíoiticaí? Bie izoide jofue jaca íñeite, —daidiaioi.

¹⁹ Iere zúucaillano íaioi ífomo énie júdaidiaioi. Daíí ñiano cáillicailli éediaioi. Daidíaioi:

—¡Aí! ¡Aillue jofue níi dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. ¡Mei íadi dáaruído afe áillue comini jofue ja niné táinocailla! —daidiaioi.

²⁰ Afe mei áfena ciódimie daide:

—Monamo itínuaí, mai afe áillue jofue táinocaillari omoi íóbiri. Uáfueza, Jesucristo orécana, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoina eroide. Caifo ráiñuano afécina monáillajimo dotade. Dótajano daide:

—Afe bie izóí áillue Babilonia jofue ana cáicoizite, íemona jaca ninomo meine cíóñeille. ²² Benómona jaca o cígido

joi de iomo ‘arpa’ daina rua roia taiga raa rúaniaina
meine cácañeille. Daje izói totíbacui uai naa bainada uai
diga ja meine cácañeille. Afe izói nana jiáiforie táijiana
baitádinomona buna fiébiñena. Iemo daje izói dobérilla
ficírena izói ‘molina’ daina nofici uaina cácañeille. ²³ Afe
daje llezica o jófuiái eromo bóofirede mechera izói boode
ráaniai abido bóoñeite. Iemo aféruimo áirena llezica iráizie
caimare ficírerie íaioi úrilla uáillaina meine jaca cácañeille.
Mei naui omo ite ráaniai fecáfiredino bínie comínimona
jamánomoidiaioi íadi, ja birui afe caimárede uailai cácañeille.
Nauí aféruimo aima bífuefirena uai izóidedo náiraiaina
jífuefiredio; mei íadi afe jífuefirena ona nabáñede.

²⁴ Mei uafue, afe o jofue cígimo Juzíñamui dibénedo
úrífiredino díena ciona. Daje izói Juzíñamuimo jaináidino
naa jiáie bíníemo fagano díena aféno mo ciona. Afe ciona die,
afe jofue comíni jiámáci títaja ícoínia daí illa jana, —daide.

19

¹ Afe bie méifomo monamo ite aillo comíni ficírede uáillaina
cacádicue. Daidíaioi:

¡Aleluya! Cai jíllonano cai Juzíñamuimo dúide.

Daje izói iere ebíredifue afémiemo mamérede, íemo naa ñuera
ríino diga.

² Mei afémie ñue jaícina ua uaido iere riire jicánofiredeza.

Afe iere jiruíredingona afémie riire duere finótateza.

Afengo iere ie jirúrenado énie comínina íaire finode.

Juzíñamuimo táijitagano tilla iba aféngomo oga, daidíaioi.

³ Nane dáanomo daidíaioi:

—¡Aleluya! mei afengo jobailla uíllie jaca nínomo llícañeno
uillíoite, —daidíaioi.

⁴ Afe llezica veinticuatro dígade éicomíni, íemo jiái cuatro
diga cáadimíai diga, ana éniemo bíjicaillano, Juzíñamuimo
caimátaidiaioi. Illaíma ráíiranomo ráíide Juzíñamuimo
caimátaillano daidíaioi:

—¡Daiítadezal! ¡Aleluya! —daidíaioi.

⁵ Nane afe mei illaíma ráíiranomona jiáie uaina cacádicue;
aféuai daide:

—Cai Juzíñamuimo nana afémie ocuícano afémiemo ñúefuiái
omoi mameri. Daje izói íena caimare jacíruitino, illáicomíni
naa jiba comíniri, ñúefuiái afémiemo jónefireiri.

Cordero daina Cristo áirena rafue

⁶ Nane daje izói aillo comíni uailai izóidena cacádicue. Afe
uailai aillo imánillai ficírena izói ficírede, íemo jiái afe uailai
ficire mona gíría ficírena izói ficírede. Afe uailai daide:

¡Aleluya! Jamánomo riirede cai ocuide Juzíñamui nane meine como ócuite.

⁷ Mai cai ióbilli; daje izói iere caimare cai illi.

Afémie mo ebíredifue cai mamelli.

Mei Cordero áirena izóidiruimo ja dúcidez.

Afémie ai izóidinona jáitino ja ñue finóbidiaioi. Afémaci

Crístomo ua ínotimaci.

⁸ Ráifide úzecuirona jítárediaioi.

Mei uafue, íainino quenírediroi Juzíñamui afémacina jítátaga.

Mei afe ñuera ráifide úzecuiro Juzíñamuimo jaináidino comécina jaícina jóoina jánaza.

⁹ Iemo Juzíñamui abi ímie cuena daide:

—Mai cúeiri: Cordero áirena ráfuego uáidogano ja caimare itíaioi, —daide.

Nane cuena daide:

—Bíuai Juzíñamui lloga ua uai, —daide.

¹⁰ Iemona afe Juzíñamui abi ímiemo cue caimátailena ie anamo dújudicue. Mei íadi afémie cuena daide:

—Cuemo daií iñeno, mei o izói cue Juzíñamui ocuícamedicueza. Jii, Jesús llócaiga ua uaimo féitañeno ínote o ámatiai izóidicue. ¡Cuemo caimátaiñeno; Juzíñamuimo cáimatai! —daide.

Mei afe Jesús llócaiga ua uai, Juzíñamui dibénedo lloga uailai jino llotino comeci úritade.

Uzerede cabállomo ráicaidimie

¹¹ Nane afe méifomo mona tuíñuana ciódicue. Afénomo úzerede caballo cíocai. Afe emódomo ráicaidimie mámecei “Fiel” íemo jái “Verdadero” daínámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza.

¹² Ie ui irai bóua izói quere cíoide. Ie ifócimo diga illaima jítaracuífoi jítáoi. Daje izói afénomo dama ie onoiga mámecei cúeina.

¹³ Afémie jítacacuiro díemo mutácaroi. Afémie mámecei Juzíñamui Uai. ¹⁴ Afe llezica nana monamo ite Juzíñamui ocuica fuirídino afémie óodana jáidiaioi. Afémaci ráifide úzecuiro jítáoidiaioi. Aferoi jaca íainide. Baie nana afémiedo jáidino úzerede cabállomo ráicaidiaioi.

¹⁵ Afémaci ifódimie fuémona jáirede lloefai jino bite, áfedo nana nairai boféllena. Afe llezica afémie lloébiçi izóidedo náiraiaina ócuite. Vino finóacanomo úvaiai iduállena riire záizia izói, afe izói afémie afémacimo iere riire jicánoite.

Iemo jamánomo rinorede Juzíñamui ráicaillamona cómuite iere duere finóillifue, vino jirótaja izói afémacina duere finótaiteza. ¹⁶ Ie inícuiro emódomo jítacacuiromó cueba mámecei illa. Daje izói ie riázimo cueba. Afeci daide:

“Nana illáinimona Jamánomoidillaima,” íemo jái “Nana

Ocuídinomona Jamánomo Ocuídímie.” Afémie nii cai Ocuíraima Cristo.

¹⁷ Afe mei Juzíñamui abi ímie jitoma riire egáiñuanomo naidáinana ciódicue. Afémie nana mona erodo féedinuiaí ficire jírite; daide:

—Juzíñamui finoca áillue güille nana dáanomo omoi riáibi, ¹⁸ mei benomo illaini íeizi riitiomoiza, naa fuiríraini illáicomini íeizi diga. Dáanomo íocirede fuiríredino íeizi riitiomoi, naa caballo íeizi diga. Daje izói afe emódodo ráicaidino íeizi riitiomoi. Iemo nana fiébidino íeizi riitiomoi. Buna ráiruiñegano, daje izói jacire rairuícano, íemo jíai jamáimaci íeizi, naa jamánomoidimaci diga daje izói riitiomoiza, —daide.

¹⁹ Afe mei afe jacire eroide ríllena ciódicue naa bínie illáicomini naa íaioi fuirírainiaí diga. Nana bimaci fuiríllena dáanomo ofídiaoí. Afémaci afe úzerede cabállomo ráicaidímie diga fuirízaibitiaioí. Afémie “Juzíñamui Uai” dainámie. Daje izói afémie canode fuiríraini diga fuiríllena maméritiaioí. ²⁰ Afe mei afe jacirede rille, taino uai jino llócaidímie diga ja llaveca. Afe taino uai jino llotímie, jacirede rille eróicana, jacínaitade ciórainina raa ciótate. Aféfuiaido afe taino uai jino llotímie, nana afe jacirede rille mámecina cuetátaganona jífuete. Daje izói afe jacirede rille jánaraimo caimátaidinona afémie jífuete. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoí. Afe jorai izoide duere finóllino iere uzire boode. ²¹ Nana áfemona fiébidino úzerede cabállomo ráicaidímie fuémona bite lloéfaido titácaiaioí. Iemona nana féedinuiaí bie titácano riáibillano íaioí íeiziri jéirediaioí.

20

Mil diga fimona dino comini caimare íitiaioí

¹ Bifue méifomo ángel dainámie Juzíñamui abi ímie monámona ana bíllana ciódicue. Afémie afe fiénide joríaí ibáirafo zuitara llave naa áillue llójeo diga llíicabite. ² Afe bie Juzíñamui abi ímie ‘dragón’ daina jáiaira áillue jaio lláitano anáfenode. Afe jaio jíáfodo mameina Taife, dáamie Satanás. Anáfenuano afémiena mil diga fimona llaveca. ³ Ana fiénide joríaí ibáirafomo óriano íena llavede. Lláviano afe nazemo ‘sello’ daina “buna zuitánide” daide raa jónete. Daí finoca náiraiaina mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

⁴ Afe mei illaini ráiranuaina ciódicue. Afénomo ráiedino iere riire jicánolle ríinona ígáiaioí. Afe dáaruído ífóciaina

jaicoicano coméciana ciódicue. Afémaci Jesús jaícina lloga Juzíñamui uai íaiói llócailla ícoina ifócina jaitácaiaíói. Afémaci afe jacire eroide ríllemo caimátaiñediaíói; daje izói afe jánaraimo caimátaiñediaíói. Daje izói afémaci ozócimo ie mámecei cuetátañediaíói, íemo daje izói íaiói ónoimo. Afémaci abi meine abido cáaillano mil fimona dino Cristo diga illáimaitiaíói. ⁵ Afe bie meine abido cáadino, nanóidino meine cáailliruimo abido cáaitiaíói, jae cai daina Cristo diga illáimaillena. (Mei íadi jíáie tíidino mil diga fimona záíñena dino meine abido cáaiñeitiaíói.) ⁶ Nana afe nanoide cáailliruimo meine abido cáaitino caimare itiaíói. Daje izói afémaci Juzíñamui ñue finócano. Afe meífoide tiille afémacimo jaca jíriñeite. Mei íadi afémaci comínido Juzíñamuimo úrifireitinona íitiaíói; daje izói Cristo íeiena zííñona íitiaíói. Iemona mil fimona dino afe Cristo diga illáimaitiaíói.

⁷ Afe mil diga fimona záilla méifomo, Taife ie llavéinafomona zuitalle. ⁸ Jáillano nana énie náiraiaina jífueite. Aféruido “Gogna” mámeceirede náiraina jífuaite, “Magog” daina náiraina diga. Afe náiraiái fúritinuiaina Taife dáanomo jofo óite, íraicaíño fuiríllena. Afémaci monáillajimo ite guamai dígadeza facádonidiaíói. ⁹ Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínotiaíói. Afe illano Juzíñamui izíruiga Jerusalén daina jofue; áfena cirínotiaíói. Mei íadi Juzíñamui monámona irai afémacimo orede. Afe iraido fiébiñeno cóonaitiaíói. ¹⁰ Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidimie nauí dotaca. Afénomo mona naio diga jaca ninomo zííñona iere duere finócaiaíói.

Allue úzerede ráirano illaima ie, íemo afe uícomo iere riire jicánollino cioina

¹¹ Afe méifodo áillue úzerede ráirano illaima íena ciódicue. Iemo afénomo ráiidimiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaíói. ¹² Daje llezica Juzíñamui uícomo nauí Juzíñamuimo íñoñoño tíidino naidáienana ciódicue. Afeno jamánomoidinori naa jamáimaciri dáanomo naidáiediaíói. Afe llezica comíni finócafuaíi cuiánicuai túide. Daje izói afénomo jíáie zííñona íitino mámecei cuiánico túide. Bie tíidino íaiói finócafuaíi íllaze riire jicánogaiaíói, mei afe íaiói finócafuaíi cuiánicomo cúeina dieze riire jicánogaiaíói. ¹³ Afe llezica monáillajimo báide tíidino meine abido Juzíñamui uícomo caifo náidacaitagaiaíói. Daje izói nana jíáíforie tíidinuaíi

íai0i tíllanomona meine abido Juzíñamui uícomo caifo náidacaitagai0i. Afe nana náidacaitagano íai0i finócafui0i íllaze afémacimo riire jicánogaia0i. ¹⁴ Afe mei ‘muerte’ daina comini tíllafue boode jóraimo dotaca, ie mei niné táinocaide. Daje iz0i dáanomo nauí tíidino íbáinaco afénomo dotaca. Dotaca mei niné táinocaide. Afe bie boode jorai, íraie tíllana mameide. ¹⁵ Iemo afe ziiñona itino mámecei cuiánicomo mámeceina cúeñgano afe boode jóraimo dotácaia0i.

21

Comue mona comue énie diga

¹ Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaillai jae íñede. ² Afe llezica comue Jerusalén daina íaifuenide jofue, Juzíñamui uícomona monámona ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina iz0i ebire cíoide. ³ Iemo monámona ficire dáinana cacádicue. Afe uai daide:

—Ero, comini cigiri birui Juzíñamui illa. Afémaci diga ífireite, íemo afémaci afémie comínina íitia0i. Ja birui dama afémie afémaci cigiri íite, afémaci Juzíñamuina ie íllena. ⁴ Juzíñamui afémaci ui jémena zafénaitaite. Aféruimo tílle íñeite. Daje iz0i eia íñeite, íemo jíái duere zefuíllamona eia íñeite. Daje iz0i comini abi izírena íñeite, mei jai0i itífui0i jae zaaideza.

⁵ Iemo illaíma ráíiranomo ráíidímie cuena daide:

—Ero. Nana cómuena méidoticue.

Iemo nane daide:

—Bie uai iere ua uaiza, mai cúeiri. Daje iz0i bie uai iere íinofiregaza, —daide.

⁶ Nane afe mei cuena daide:

—Ja ñue ícoímo finócaza. Cue bie naga ráfuiaina nai cómuíñenia uícodo itímiedicue. Daje iz0i dáamiedicue fuíllínomo itímiedicue. Abecedario A-mona táinja iz0ídimiedicue. Daje iz0i abecedario Z-mo fuizajilla iz0ídimiedicue. Jáinoína jirócadímie ñúejina jirótaja iz0i, afe iz0i ñúefui0i dibénemo íacadímíemo raíñóñeno afémíemo ziiñona ílláfúena ífireíticue. ⁷ Fíénidena anáfenodímie nana bíena feci raa íia máíñua iz0i, máíñoite. Afe llezica afémie Juzíñamuiticue, íemo daje llezica afémie cue jítoíte.

⁸ Mei íadi nana íñoñedino dibéfodo duere zefuílle afémacimo dúide. Uáfueza, ñúefuena jacíruitino daje iz0i íñoñedino, íemo jíáimana éoidino, íemo jíáimana titádino, íemo jíái jiruífúena finófiredino, íemo jíáima fue gáiana fibídino, íemo jíái jánaraimo caimátaidino, íemo nana táinona úritino; nana bie iz0ídino boode jóraimo dotáredia0i. Afe jorai iere uzire

boode. Afe bie boode jorai íraie tíllana mameide, mei afénomo dotácano jaca ninomo Juziñamui mona oni eneno duere finócanona íitai oiza.

Comue Jerusalén

⁹ Afe mei siete dígade ángeles dainámaci Juziñamui abi ímáçimona daa cuemo úrizaibite. Afémie nauí Juziñamui ocuica siete dígade íraie jacírede duere finuana oruide ichecoí uitímie. Afémie cuena daide:

—Ero, Cordero ai izóidena jáitinona o ácataitíue, —daide.

¹⁰ Iemo Juziñamui Ñuera Joreño bie izóidena nicaí anado cuena ciótate. Afe Juziñamui abi ímie áillue caifónedumo cue uite. Afénomo monámona Juziñamui uícomona ana bite jamánomo ñuera Jerusalén jofue cuemo ácatate. ¹¹ Juziñamui abi ebire quenírena izóí afe jofue quenírie cíoide. Daje izóí iere ráífide nofici quenírena izóí queníriede. ‘Jaspe’ daina nofici vidrio enéfecomo cíoina izóí cíoide. ¹² Afe jofue jinófenedo nágafene áillue cirínubairo raa ite. Afe cirínogamo doce dígaze naze ite. Iemo illa diga nazemo Juziñamui abi ímie naidaina. Iemo afe náziaimo doce dígade Israel nairai mámeçiaí cúeina. ¹³ Afe jofue náziaimona, fuirífenemo dazeámani ite. Iemo jáíie dazeámani onífenemo ite; íemo jáíie dazeámani féífenemo ite; íemo jáíie dazeámani afáífenemo ite. ¹⁴ Afe jofue jinófene cirínua anamo nofici finoina mozíoidibani doce dígade. Illa dígabanimó Cordero nágagobiaimo orécano ‘apóstoles’ dainámaci mámeçiaí cúeina.

¹⁵ Afe cue diga úrite Juziñamui abi ímie, oro finoina facáradozi llíide, afe jofue facállena. Daje izóí ie náziaí facállena, íemo jáíí afe jinófene cirínua facállena. ¹⁶ Afe jofue fueda nagaámariede; nágafene daje dinóriede. Ie ápera dibene daje dinóriede; íemo ie ruica dibene daje dinóriede. Afe Juziñamui abi ímie ie llíiga radózido jofue facade. Facádemo dos mil doscientos kilómetros ápera. Daje izóí ruica diné eróicana dos mil doscientos kilómetros. Iemo caífo diné eróicana jáíí daje izóí dos mil doscientos kilómetros. Nágafeníai daje dinóriede. ¹⁷ Afe mei jinófene cirínubani facade. Facádemo sesenta y cuatro metros caífo ite. Afena Juziñamui abi ímie come facáfírena izóí facade.

¹⁸ Afe jinófene cirínubani ‘jaspe’ daina nofici finoina. Afe jofue íáinide oro niina. Ñue enéfecomo cíoide vídriona eroide. ¹⁹ Jinófene cirínua anamo mozíoidibanillai nana jáííforiede ráífide noficiáido ebire ñue finoca. Nanóidibani ‘jaspe’ daina noficiído ebire ñue finoca, íemo jáííibani ‘zafiro’ daina noficiído

ebire ñue finoca, íemo jiáibani 'ágata' daina nofícido ebire ñue finoca, íemo jiáibani 'esmeralda' daina nofícido ebire ñue finoca, ²⁰ íemo jiáibani 'ónice' daina nofícido ebire ñue finoca, íemo jiáibani 'cornalina' daina nofícido ebire ñue finoca, íemo jiáibani 'crisólito' daina nofícido ebire ñue finoca, íemo jiáibani 'berilo' daina nofícido ebire ñue finoca, íemo jiáibani 'topacio' daina nofícido ebire ñue finoca, íemo jiáibani 'crisoprasa' daina nofícido ebire ñue finoca, íemo jiáibani 'jacinto' daina nofícido ebire ñue finoca, íemo jiáibani 'amatista' daina nofícido ebire ñue finoca. ²¹ Afe doce dígade naze ibáirabici áillue perla. Illa dígaze daa perla ie finoína. Afe jofue cígido joide áillue macárao íáinide oro finoína. Afe macárao enéfeomo ñue cioide vídriona eroide.

²² Afe jofue eromo Juzíñamuimo gairíraco jaca ninó daa cíõnedicue; mei jamánomo ríinorede Juzíñamuimo ebena nágafenaiimo caimátaidiaioiza. Afémiena jiáifodo daina cai Ocuíraima. (Afe jofue gairíraco Juzíñamui abiza. Daje izói jiái Cordero abiza.) ²³ Afe jofue jítómado egáíñuamo dúíñede; daje izói fiuido egáíñonide. Mei afe jofue Juzíñamui abimo ite ebírede quenírededo egáíñogaza. Daje izói jiái Juzíñamui Cordero afe jofue egáíñogaza. ²⁴ Nana jíllotaga nairai afe jofue egáíñuado mácaitiaioi. Bínie nairai illaini afe jófueimo íaioimo ite aillo ebíriede illaima daiíllena ráaniaina átíitiaioi. Atiano Juzíñamuimo, íemo jiái Crístomo izájítiaioi. Daje llezica afe jofue ocuídime íaillinoimo aillo ñúefuena mámeitiaioi. ²⁵ Afe jofue naze jaca monari íbaiñelle. Iemo afénoimo jaca mona náuiñeite. Jira náziai íbáillirui íñeite. ²⁶ Enie náiraiai íaioimo ite ebíriede ráaniaina afénoimo átíitiaioi. Daje izói afénoimo aillo ñúefuiai mámeitiaioi. ²⁷ Mei íadi comécina íairedino jaca afénoimo jofo jáinide. Daje izói comécina éoidino dinomo jofo jáinide, naa taino llotínori. Dama zíñona íitino mámecei cueránicomo mámeceina cuezámacei daní afénoimo jofo jaille. Afénico Cordero daina Jesucrístomo ite.

22

¹ Afe mei Juzíñamui abi ímie íáinide imánina cue ácatate. Afémani jainoi cómena zíñona cáatate. Afeji vidrio enéfenemo uáfori cioina izói cioide. Afe imani Juzíñamui illáimana ráiiranomona tote. Afe ráirano daje izói Cordero ie. ² Afe jofue cígido áillue macárao illa. Afe macárao dáafenedo comínina zíñona cáatate aménaiai riina. Daje izói afénoimo ite imani fuédado nágafene daje ie aménaiai riina. Afe aménaiai illa diga fiui llizífirede. Iemo jiái afe aménaiai íbiai nairai ñue manóllena ite. ³ Aféruillaido afénoimo faidórafuena jae íñeite. Juzíñamui

illáimana ráirano afe jófuego ite; daje izói Cordero ráirano afénomo ite. Ie ocuífregano daa afémiemo caimátaitiaioi. ⁴Afe llezica afémaci Juzíñamuimo, meáiruñeno jofu conímamo éroitiaioi. Afémaci ozócimo afémie mámecei cúeina. ⁵Afénomo mona jaca náuiñeite. Afénomo itino mechera izoide egáñuana jítaiñeitiaioi. Daje izói jítoma egáñuana jítaiñeitiaioi, mei cai Ocuide Juzíñamui íaioina egáioite. Iemo afémaci jaca ninomo zíñona illáimaitiaioi.

Jesucristo billirui ja áinozide

⁶Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómuitifuiaina onótallena, —daide.

⁷Iemo Jesucristo daide:

—¡Raire biticue! Binícomo cuega Juzíñamui uáillaina jíeruitimie caimare ite, —daide.

⁸Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaiillena. ⁹Mei íadi afémie cuena daide:

—Jadí izói cuemo íñeno. O izói Juzíñamui ocuícamedicue. Daje izói Juzíñamui dibénedo úrifirede o ámatiaí izóidicue. Iemo jíai binícomo cuega uáillaina náfuetino izóidicue. Cuemo caimátaiñeno; dama Juzíñamuimo caimátaiñeiri, —daide.

¹⁰Nane dáanomo cuena daide:

—Binícomo cuega Juzíñamui uaina báinino o comécimo jóoneño o iri. Mei bífuiái ícoimo ñue fuizájillirui ja áinozideza. ¹¹Nai bie fuiñena llezica, fiénidimacéi íaioi finófirega fiénidifuenta dama íaioi finócaza. Fia eroi, mei afe izói íaioi íllado jamánomo duere finólliaioiza. Daje izói comécina íáiredino dama comécina íáireoicaideza. Fia eroi, mei áfedo duere finólliaioiza. Mei íadi ñue itino íaioi illa bajimo ñue iri. Daje izói Juzíñamui íena ñue finócamie fáicanocaiñeno afémie íena ífireiri, —daide.

¹²Iemo Jesucristo daide:

—Jíi, raire biticue. Illa dígamíemo cue fecalle fia jíridoga izoide raa atídicue. Illa dígamíemo afémie finoca dieze fécaiticue. ¹³Nanódimiedicue. Iemo jíai íraimiedicue. Daje izói naga ráfuiái uícodo itímiedicue. Daje izói fuizájillanomo itímiedicue. Iemo jíai abecedario A-mona táina izóidimiedicue. Daje izói abecedario Z-mo fuizájilla izóidimiedicue.

¹⁴Íaioi ínirina jocófiredino izói, comeci ífue ñuérana méidotino caimare itíaió. Íemona cáatate amena llizíllana

güürediaioi. Afe bie izói daiíacade ziiñona íaioi íllena. Daje izói íaioi iniroi ñue jócuamona, afe jofue nazedo Juziñamui illánomo jofó jáirediaioi. ¹⁵ Mei íadi comécina íáiredino afénomo jofó jáinidiaioi. Iemo daje izói jiáima fue gáiana fibídino, íemo daje izói nana jiáiforiede jiruifue finódino, daje izói cómena méinetino, daje izói jánaraimo caimátaidino, daje izói jiáie comínina iere jífuefiredino, naa afe izoide fibíidinori; nana bie izoide comíni afe jófuemo jofó jáinidiaioi; jáiñeno jino fiébitiaioi.

¹⁶ Cue Jesúdicue. Juziñamuimo ua jáináidinomo nana bífuiai jino llóllena cue abi ímie ja cue oreca. Jaiái illaíma David comuilla moi ímiedicue; daje izói afémiemona jebuídino comuítagamiedicue. Iemo iere egáiñote monáiracudu izóidimedicue, —daide.

¹⁷ Iemona Juziñamui Ñuera Joreño daide:

—Mai bi, —daide.

Daje izói Cordero ai daína afémiemo ua jáináidino íena daide:

—Mai bi, —daide.

Daje izói bíuailaina cacáidino afémiena:

—Mai bi, —omoi daiíri.

Iemo Cristo daide:

—Jiróacaitimie ziiñona cáataite jáinoina íbáñeno mai fia jíruiabiri. Afe bie izói daiíacade ziiñona illáfuenta óiacadimie mai cuemo bi; raiñoñeno omo fécaiticueza.

¹⁸ Nana binícomo cuega Juziñamui uaimo cacáreidinona bie izói llétaiticueza, cacai: Dáamie bie ráfuenta baimo zotáadi, Juziñamui binícomo cuega jacírede duere fínuaniaína afémiemo jóoneite. ¹⁹ Daje izói binícomo cuega Juziñamui uáimona dáamie daa uai oni óiadi, Juziñamui afe ziiñona cáaitino mámecei cuiánícomo cuega afémie mámeceína oni óite. Daje izói binícomo lloga nífuenide jófuemo Juziñamui afémiena jofó jáitañeite. ²⁰ Bífue jino llotimie nane dáanomo llote:

—Jíi, raire biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

²¹ Cai Ocuíraíma Jesucristo nana ómoina ñue fínoiteza. Daiítadeza. Jae níie.